



1. *Le 1. de l'année 1711.*
 2. *Le 2. de l'année 1711.*
 3. *Le 3. de l'année 1711.*
 4. *Le 4. de l'année 1711.*
 5. *Le 5. de l'année 1711.*
 6. *Le 6. de l'année 1711.*
 7. *Le 7. de l'année 1711.*
 8. *Le 8. de l'année 1711.*
 9. *Le 9. de l'année 1711.*
 10. *Le 10. de l'année 1711.*
 11. *Le 11. de l'année 1711.*
 12. *Le 12. de l'année 1711.*
 13. *Le 13. de l'année 1711.*
 14. *Le 14. de l'année 1711.*
 15. *Le 15. de l'année 1711.*
 16. *Le 16. de l'année 1711.*
 17. *Le 17. de l'année 1711.*
 18. *Le 18. de l'année 1711.*
 19. *Le 19. de l'année 1711.*
 20. *Le 20. de l'année 1711.*
 21. *Le 21. de l'année 1711.*
 22. *Le 22. de l'année 1711.*
 23. *Le 23. de l'année 1711.*
 24. *Le 24. de l'année 1711.*
 25. *Le 25. de l'année 1711.*
 26. *Le 26. de l'année 1711.*
 27. *Le 27. de l'année 1711.*
 28. *Le 28. de l'année 1711.*
 29. *Le 29. de l'année 1711.*
 30. *Le 30. de l'année 1711.*
 31. *Le 31. de l'année 1711.*
 32. *Le 1. de l'année 1712.*
 33. *Le 2. de l'année 1712.*
 34. *Le 3. de l'année 1712.*
 35. *Le 4. de l'année 1712.*
 36. *Le 5. de l'année 1712.*
 37. *Le 6. de l'année 1712.*
 38. *Le 7. de l'année 1712.*
 39. *Le 8. de l'année 1712.*
 40. *Le 9. de l'année 1712.*
 41. *Le 10. de l'année 1712.*
 42. *Le 11. de l'année 1712.*
 43. *Le 12. de l'année 1712.*
 44. *Le 13. de l'année 1712.*
 45. *Le 14. de l'année 1712.*
 46. *Le 15. de l'année 1712.*
 47. *Le 16. de l'année 1712.*
 48. *Le 17. de l'année 1712.*
 49. *Le 18. de l'année 1712.*
 50. *Le 19. de l'année 1712.*
 51. *Le 20. de l'année 1712.*
 52. *Le 21. de l'année 1712.*
 53. *Le 22. de l'année 1712.*
 54. *Le 23. de l'année 1712.*
 55. *Le 24. de l'année 1712.*
 56. *Le 25. de l'année 1712.*
 57. *Le 26. de l'année 1712.*
 58. *Le 27. de l'année 1712.*
 59. *Le 28. de l'année 1712.*
 60. *Le 29. de l'année 1712.*
 61. *Le 30. de l'année 1712.*
 62. *Le 31. de l'année 1712.*
 63. *Le 1. de l'année 1713.*
 64. *Le 2. de l'année 1713.*
 65. *Le 3. de l'année 1713.*
 66. *Le 4. de l'année 1713.*
 67. *Le 5. de l'année 1713.*
 68. *Le 6. de l'année 1713.*
 69. *Le 7. de l'année 1713.*
 70. *Le 8. de l'année 1713.*
 71. *Le 9. de l'année 1713.*
 72. *Le 10. de l'année 1713.*
 73. *Le 11. de l'année 1713.*
 74. *Le 12. de l'année 1713.*
 75. *Le 13. de l'année 1713.*
 76. *Le 14. de l'année 1713.*
 77. *Le 15. de l'année 1713.*
 78. *Le 16. de l'année 1713.*
 79. *Le 17. de l'année 1713.*
 80. *Le 18. de l'année 1713.*
 81. *Le 19. de l'année 1713.*
 82. *Le 20. de l'année 1713.*
 83. *Le 21. de l'année 1713.*
 84. *Le 22. de l'année 1713.*
 85. *Le 23. de l'année 1713.*
 86. *Le 24. de l'année 1713.*
 87. *Le 25. de l'année 1713.*
 88. *Le 26. de l'année 1713.*
 89. *Le 27. de l'année 1713.*
 90. *Le 28. de l'année 1713.*
 91. *Le 29. de l'année 1713.*
 92. *Le 30. de l'année 1713.*
 93. *Le 31. de l'année 1713.*
 94. *Le 1. de l'année 1714.*
 95. *Le 2. de l'année 1714.*
 96. *Le 3. de l'année 1714.*
 97. *Le 4. de l'année 1714.*
 98. *Le 5. de l'année 1714.*
 99. *Le 6. de l'année 1714.*
 100. *Le 7. de l'année 1714.*
 101. *Le 8. de l'année 1714.*
 102. *Le 9. de l'année 1714.*
 103. *Le 10. de l'année 1714.*
 104. *Le 11. de l'année 1714.*
 105. *Le 12. de l'année 1714.*
 106. *Le 13. de l'année 1714.*
 107. *Le 14. de l'année 1714.*
 108. *Le 15. de l'année 1714.*
 109. *Le 16. de l'année 1714.*
 110. *Le 17. de l'année 1714.*
 111. *Le 18. de l'année 1714.*
 112. *Le 19. de l'année 1714.*
 113. *Le 20. de l'année 1714.*
 114. *Le 21. de l'année 1714.*
 115. *Le 22. de l'année 1714.*
 116. *Le 23. de l'année 1714.*
 117. *Le 24. de l'année 1714.*
 118. *Le 25. de l'année 1714.*
 119. *Le 26. de l'année 1714.*
 120. *Le 27. de l'année 1714.*
 121. *Le 28. de l'année 1714.*
 122. *Le 29. de l'année 1714.*
 123. *Le 30. de l'année 1714.*
 124. *Le 31. de l'année 1714.*
 125. *Le 1. de l'année 1715.*
 126. *Le 2. de l'année 1715.*
 127. *Le 3. de l'année 1715.*
 128. *Le 4. de l'année 1715.*
 129. *Le 5. de l'année 1715.*
 130. *Le 6. de l'année 1715.*
 131. *Le 7. de l'année 1715.*
 132. *Le 8. de l'année 1715.*
 133. *Le 9. de l'année 1715.*
 134. *Le 10. de l'année 1715.*
 135. *Le 11. de l'année 1715.*
 136. *Le 12. de l'année 1715.*
 137. *Le 13. de l'année 1715.*
 138. *Le 14. de l'année 1715.*
 139. *Le 15. de l'année 1715.*
 140. *Le 16. de l'année 1715.*
 141. *Le 17. de l'année 1715.*
 142. *Le 18. de l'année 1715.*
 143. *Le 19. de l'année 1715.*
 144. *Le 20. de l'année 1715.*
 145. *Le 21. de l'année 1715.*
 146. *Le 22. de l'année 1715.*
 147. *Le 2*

66 II
2









G E S T A

V E T E R V M

FRANCORVM.

1129.177

1129.177

CESTA

INSTRUMENTUM
MAGISTRUM

HADRIANI
VALESII

R E R V M
FRANCICARVM

VSQVE AD CHLOTHARII SENIORIS MORTEM

LIBRI VIII.



LVTECIÆ PARISIORVM.

Sumptibus { SEBASTIANI CRAMOISY, Architypographi } viâ Iaco-
Regis, & Reginæ Regentis: brâ, sub
ET Ciconiis.
GABRIELIS CRAMOISY.

CIC. IDC. XLVI.

CVM PRIVILEGIO REGIS.

ИМАТРАН

112311

112311

ИМАТРАН

ИМАТРАН

ИМАТРАН





ILLVSTRISSIMO
AC REVERENDISSIMO DOMINO,
IOANNI FRANCISCO
PAVLO
GONDIO.
CORINTHIORVM
ARCHIEPISCOPO,
IN ECCLESIA PARISIACA
PATRVI COADIUTORI



HADRIANVS VALESIVS S. P. D.

LERISQVE *Aucto-*
ribus, ac ferè omni-
bus semper cura ad-
modum fuit scripta
sua viris clarissimis & doctissi-

mis nuncupare, ut & eorum exami-
narentur iudicio, & si quando
opus esset, patrocinio defenderen-
tur. Idem ego facturus, ANTI-
STES ILLVSTRISIME, diu
cunctari non potui, quin unum
ex omnibus te potissimum elige-
rem, cui hos rerum Francicarum
libros dedicarem. Etsi enim tua
me doctrina dignitatísque con-
templatio aliquantisper timidio-
rem fecit, tamen notitia innata
tibi comitatis facile confirmavit.
quam tu virtutem hereditariam
atque domesticam sic colis, ut pro-
prium & peculiare tibi insigne
esse videatur. Mirati sunt proa-

ui nostri Gondios, Maiores tuos,
Parisiſorum Episcopos, Cardina-
les, Magistros equitum, Præse-
ctos classis Massiliensis, Rati-
tenses Duces, in eminenti fortuna
communes, humanos, aditu fa-
ciles, demerendis hominibus para-
tos; mirati sunt & amauerunt:
nec magnitudini eorum adharere
ausa est inuidia, quorum virtutes
Nobilitatis vitium superbia non
fœdabat. Eamdem nos in te nunc
dotem, multo illustriorem, specta-
tiorémque, velut gentilem ac na-
turalem notam agnoscimus, quam
Latini scriptores meritò comita-
tem appellauere, quòd ceteris vir-

tutibus sit ornamento. Hæc fasti-
gium tuum, ut altiùs extollat,
inclinat: hæc, (si ita dicere licet)
magno tamen cum hominum de-
lectu, te publicat: hæc quotidie
eruditos viros in contubernium
tuum & familiaritatem admit-
tit: hæc blanda quadam vi u-
niuscuiusque tibi amicitiam gra-
tiámque conciliat: hæc denique
ingentia animi tui bona, vigo-
rem ingenij, scientiam rerum
humanarum diuinarúmque pane
incredibilem, sermonis facilita-
tem, suauitatem sanctitatémque
morum, notiora fecit, atque cla-
riora, ne quantus esses ignorare-

*mus. Quo magis factum Illu-
strissimi patrui tui laudare con-
uenit, qui cum melius quoquam
dotes tuas nosset, probato Chri-
stianissima ac prudentissima Re-
gina consilio, tandem vota om-
nium nostrum impleuit, & colle-
gam te, ac Episcopaliū onerum
adiutorem cooptauit: ut facile
appareret optimum & sapientissi-
mum Archiepiscopum ea in re
meritorum magis quàm sanguinis
habuisse rationem. Quem enim
aliū digniorem honoris consortio-
ne, & capaciorem tanti ministerij
pius senex extra domum suam in-
uenire potuisset? aut quantum*

*Ecclesiæ intererat in Cathedra à
tribus Patruis magna laude in-
sessa te collocari, qui iam mo-
ribus atque doctrina Episcopum
præferebas? qui à puero liberalibus
disciplinis eruditus, adolescentiam
instudia profanæ, sacræque sapien-
tiæ tam feliciter impendisti, ut
plaudentibus & mirantibus cun-
ctis, quorum ea propria professio
est, in Doctorum collegium fue-
ris cooptatus. qui partem ætatis ad
voluptates maximè proclinem sic
exegisti, ut in Ciuitate curiosa, at-
que maledica, & de Proceribus
non modò vera dicere, sed etiam
falsa fingere gestiente, ne suspicioni
quidem*

quidem intemperantia locum, ne-
dum sermonibus dederis. qui post-
ea semper inter libros, vel in Ba-
silicis versatus, aut animum tuum
lectione, aut populum salubribus
præceptis & hortationibus instru-
xisti. Vidimus Principes viros ex
tuo concionantis ore pendentes. Vi-
dimus patrum tuum mananti-
bus lacrimis gaudium sui de te iu-
dicii testantem. Vidimus immen-
sam multitudinem cum admira-
tione & delectatione silentem, ac
intentam. Quantum in inuentio-
ne acuminis? quantus ordo in dis-
positione? quantus, & quàm non
affectatus in verbis ornatus appa-

rebat ? quàm acriter in vitia in-
uehebare ? qua arte, & auctori-
tate persuadebas ? qui motus erant
auditorum tuorum ? Quæ eo liben-
tiùs cuncta perstringo, atque aliis
relinquo exornanda, quòd sub ocu-
lis Ciuitatis acta neminem latent:
& quòd infantia mea mihi con-
sciùs intelligo me sine temerita-
te conari non posse, summum ac
disertissimum Oratorem, qualem te
mente concipio, verbis exprimere.
Iam verò illa eximia, omnibus
quoque similiter nota, sed non ab
omnibus æquè perpensa, aut pro
merito laudata, cuius ingenium &
eloquentia enarrare possit ? curam

Ecclesia

*Ecclesiæ tibi commissæ sollicitudi-
nemque peruigilem; pro eiusdem
pace salubres dispositiones; Clerico-
rum contumacium, & in cathedris
bellicum canentium cõercitionem;
Episcopalem in iure Ecclesiæ tuen-
do constantiam, quorumlibet preci-
bus inuictam & inexpugnabilem;
singulare studium Hæreticos ad
Fidem Catholicam adducendi; ce-
teráque conuenientes Antistiti oc-
cupationes, atque virtutes. Qua-
rum ne relatio pudori tuo sit gra-
uis, malo alia ratione te tibi osten-
dere, in locum epistolæ Opus meum
substituendo. quod si legere digna-
beris, quotiescumque in egregium*

6

aliquem Episcopum incideris, (in-
cides autem sæpiſſime) toties ibi-
dem aliquam de tuis eminentiſſi-
mis dotibus es agniturus. Te rogo,
ut pro ſumma illa humanitate
& comitate tua hoc Opus, quale-
cumque eſt, tamquam obſervan-
tiæ meæ certiffimum pignus acci-
pias eo vultu, quo ſtudioſos viros
excipere conſueviſti. Vale Anti-
ſtes Illuſtriſſime. Data v Idus
Apriles anno Chriſti CIOIOXLVI.
Luteciæ Pariſiorum.

P R Æ F A T I O
AD STVDIOSOS LECTORES.

ERANCORVM, ante Valeriani principatum, apud Historicos nulla fit mentio. siue hoc primùm tempore ita dici cœperunt, qui antea modò Germani communi Gentis nomine, modò suæ quisque nationis proprio vocabulo appellabantur. siue Auctorum historiæ Romanæ, qui de Francis priùs aliquid retulerant, libri perierunt. Eorum regio ab Oriente Toringiam, & Saxoniam, hoc est Albim flumen, aut (vt quibusdam placet) Visurgim; ab Occidente Renum & Gallias; à Septemtrione Oceanum Germanicum, vel Septemtrionalem; à meridie Alamanniam habebat & Sueuiam, multosque populos continebat. è quibus Renum accolebant Attuarij, Bruçteri, & Chamaui ad ostium fluminis, positi ac Salij. Oceani litora tenebant Frisij, & Cauci. interiora terrarum habitabant Amisuarij, Catti, alique, omnes in vnum Franci vocati, & nonnumquam Sicambri, propterea quòd agrum veterum Sicambrorum possidebant. De quibus nationibus dicam aliàs exactiùs.

Huius clarissimæ Gentis primordia & res gestas ex professo scripsere Nicolaus Vigneri-
us, vir doctus, & Isâaces Pontanus, antiqui-
tatum nostrarum non admodum gnarus. Prior
opus suum ad Faramundum Regem; posterior

PRÆFATIO.

vsque ad Chlodouei mortem deduxit. Quid profecerint, quid ipse egerim, ex scriptorum nostrorum collatione poterit quisque cognoscere. Amborum quidem me lectio adeò à scribendo non deterruit, vt contrà magis incitauerit ad cœpta perficienda. Gesta igitur vsque ad Chlotharij maioris obitum per trecentos annos, hoc est partem historiæ nostræ eam, quæ maximè obscura videbatur, illustrare conatus sum. Quod vt diligentius facerem, fidem mihi haberi nolui, nisi auctoritate niterer. Auctores ita secutus sum, vt recentioribus vetustiores, paucioribus, ac leuioribus plures, & grauiores anteferrem. Quosdam arguere mihi ac refellere fuit necesse, ne ipse arguerer. multos interpretatus sum. nonnullos etiam emendauì, sæpiùs redditâ emendationis ratione, nonnumquam (vbi opus non erat narrationem interrompere) ne monito quidem Lectore. Exempli causâ in libro III apud Saluiantum pro *Massilia Basiliam* restitui. In libro I apud Nazarium pro Vangionibus *Vargiones* posui. quòd inter gentes Germaniæ Galliam depopulantes videbam locum non esse Vangionibus, qui post traductionem suam in Galliam, à nullo Geographo in Germania Transfrenana ponuntur: cùm Claudius Ptolemæus Vargiones vltra Renum collocet. Sic & Regis Francorum nomen, qui vulgò *Efatech* corruptè vocabatur, in *Atech* mutaui, atque Mamertini verba hæc, *Per te Regnum recepit Genoboud*, *Efatech* verò *munus accepit*, ita emendauì: *Per te Regnum recepit Genoboudes*, *Atech* verò *munus accepit*. propterea quòd filium Leudesij Præfecti

PRÆFATIO.

Aulæ similiter *Athicum* dictum inueniebam: & apud Odonem de vita Burchardi Comitis *Adicum* quemdam Monasterij Fossatensis Monachum; item alibi *Adtecum* Astidij filium memorari animaduvertebam. Et quoniam in Francorum Regum mentionem incidi, Lectores moneo, me Malaricum, qui Francus homo Tribunatu Gentilium imperante Constantioungebatur, Francorum Regibus nequaquam annumerauisse, vt in tertio Originum Francicarum libro sine causa fecit Ioannes Isaaces Pontanus, similiter Vrsicinum, Magistrum equitum, virum Romanum, à me de industria esse præteritum, quem natione Francum, & Francorum Ducem fuisse credidit Nicolaus Vignierius; deceptus non intellectis Ammiani Marcellini verbis, scribentis Vrsicino, per Magistrum admissionum accito, *ingressoque Consistorium, oblatam purpuram multo quàm antea placidiùs. Quæ* verba Vignerio persuasere à Constantio Aug. eundem Vrsicino, quem extero Regi, honorem habitum esse. cum Marcellinus non delatam Vrsicino purpuram dicat, sed tantum oblatam, quam scilicet ori venerabundus admoueret. siquidem Imperatores chlamydem suam salutantibus porrigebant adorandam.

In nominibus barbaris magis vtilitati legentium, quàm delectationi consului, dedique operam, vt quàm variè à variis Auctoribus conciperentur, notarem. ne aut ob dissimilitudinem vocabulorù plures ex vno fierent, aut ob similitudinem vnus è pluribus. Hic omittendum non est, sæpe apud Scriptores rerum Romanarum, & apud nostros Auctores eadem

PRÆFATIO.

Francorum nomina, aut parum mutata reperi-
 ri. Quis enim dubitet, quin idem sit apud Ma-
 mertinum nomen Genneboudis, vel Genobou-
 dis, Francorum Regis, quod apud Sulpicium
 Alexandrum; & Fredegarium Genobaldi, aut
 Genebaudi, alius Francorum Regis? idem Bap-
 ponis Tribuni apud Marcellinum, quod Bauo-
 nis viri sanctissimi, atque etiam Babonis, à Chil-
 deberto iuniore ad Mauricium Aug. missi lega-
 ti? Quis non videt Teutomeri, apud Ammia-
 num Marcellinum Protectori Domestico Con-
 stantij, Theodomerem, vel Theudemerem Re-
 gem Francorum, cuius Gregorius & Frede-
 garius mentionem faciunt, esse cognominem?
 Seniauco similiter Marcellini Senocum Frede-
 garij & Frodoardi, Elusanum Episcopum? Bai-
 nobaudis Tribuni nomen ex Baino, quod Tar-
 uennensi Episcopo nomen fuit, & Baude esse
 compositum? Nomen Lutonis, vel Luttonis
 Comitis, quem interfici iussit Imperator Con-
 stantius, quod Siluano populari suo fauisset, lin-
 guâ Francicâ præclarum significare prodit Her-
 moldus Nigellus, qui Ludouicum *præclarum*
Martem interpretatur, ita vt Hluto præclarum,
 Wigh Martem designet. Nectaridum quoque
 Comitem maritimi tractus Britanniarum, in li-
 bro I dictum, & Marcharidum, in fine libri II
 memoratum, Francos fuisse ex nominibus cog-
 noscitur. sic enim pater Medardi Nouioma-
 gensis Episcopi, viri Franci, Nectardus appel-
 latus est. sic Theoderici Abbatis, similiter Fran-
 ci, parens Marcardus nuncupatur. Gaisônis
 eius, qui Constantem Aug. iussu Magnentij in-
 terfecit, & eius, qui principatu Honorij Comes

PRÆFATIO.

sacrarum largitionum, deinde Magister Officiorum fuit, nomen refert Gaiso apud Gregorium Comes Turonicus. Omitto Chariettonem, cum eum, qui Valentiniano maiore imperante Comes per vtramque Germaniam fuit; tum alium, qui Valentiniani iunioris principatu eodem officio functus est, Francum vtrumque, à Cariatone, qui ex Spathario Guntchramni Francorum Regis factus est Geneuensis Episcopus, nomine non differre. à Baudone quidem deducuntur in nominibus compositis Baudes, & Baldus, & Baudoualdus, vt à Gaisone Laniogaisus, & Regaisus. Nostri pro Baudone nonnumquam Bodonem, sicuti Bodegisilum pro Baudegisilo dixere. Sed post subactam Galliam paullatim Francis non rarò Gallorum, & vicissim Gallis Francorum nomina placuerunt, de quibus dicta sufficiant.

Iam verò, quod ad ordinem pertinet, curavi, id quod plerique Nostrorum neglexere, vt non solum quâ quidque ratione, & quo loco, verum etiam quo tempore gestum esset, inuestigare. Nota annorum mihi Consules fuere, quibus annos Christi ad margines paginarum è regione adiunxi, ne quemquam vulgaris & vsu receptus numerus præteriret. Et quoniam sine notitia Imperij Occidentis, ac rerû in Gallia gestarum, res Francicæ bene sciri non possunt, ab Honorio vsque ad Romulum Augustulum de Imperatoribus Imperioque Occidentis diligentius scripsi, vt quibus modis occidente eo Imperio Francorum Regnum in Gallia sit exortum, autumque, cognosceretur. De Imperatoribus Orientis, præsertim post abolitum in Occidentis

P R Æ F A T I O.

partibus nomen Imperij, aliqua notavi, propterea quòd Reges Barbarorum non solum ex Italia, sed etiam ex Gallia, aliisque Occidentis provinciis ad eos legatos mittere, & de magnis rebus referre consueverant. Ob eandem causam nonnulla de Vandalis in Africa dominantibus, qui Geiserici ductu Imperium Occidentis euerterunt; de Regibus Vesigothorum, & Burgundionum in Gallia sedem habentium, multa noua & digna scitu notavi, ut quibus artibus creuissent, quid ipsi aduersus Imperatores, quid aduersus eos Franci gessissent, clariùs appareret. De Alanis quoque, de Saxonibus, de Alamannis, de Taifalis, & de Britannis pleraque à nemine prodita operi meo inserui, quas, & quo tempore ac modo, sedes cepèrint in Galliis, quidve rerum ibidem egerint. In his omnibus si fortè nonnumquam mihi accidit, ut errarem, spero Lectores iudicaturos de rebus præcipuè tam vetustis, & negligentia Notistorum adeò ignoratis ac velut sepultis, aliter libros fieri non potuisse. profiteorque nihil me à quoquam, quem non nominauerim, accepisse: nullum à me sciente Auctorem transscriptum; nemine cum è veteribus, tum è recentioribus scriptoribus, quem non saltem semel legerim, me vsum esse. Quod adeò non obseruauere quidam, ut Isaces Pontanus præter ceteros pro Gregorio Historicum quemdam, Caroli Præfecti Aulæ æqualem, ferè semper nobis obtrudat.

Hæc sunt, quæ Lectorem scire volui. Præfationi Chronicon, & Notitiam Prouinciarum Galliarum subiunxi, ut Fastis, quibus vsus
sum,

PRÆFATIO.

sum, ac breuiariò rerum memorabilium, quæ his octo libris continentur, atque qualicumque Galliarum notione instructi studiosi ad opus nostrum accederent.

CHRONICON RERVM FRANCICARVM,

à Valeriani principatu ad xxv. imperij Iustiniani annum,
mortemque Chlotharii Prioris deductum.

A. CHR.

254. **V**ALERIANO II. & Gallieno Coss. Valerianus imperat.
255. Valeriano III. & Gallieno II. Coss. Franci in Galliam crumpunt.
256. Maximo II. & Glabione Coss.
257. Valeriano IV. & Gallieno III. Coss.
258. Tufco & Basso Coss.
259. Emiliano & Basso II Coss. Gallienus, patre à Persis capto, solus rerum potitur. Franci, direptà Gallià, Tarraconem expugnant; & Hispaniam per annos ferè xii vastant.
260. Sacularo & Donato Coss.
261. Gallieno IV & Volusiano Coss.
262. Gallieno V & Faustino Coss.
263. Albino & Dextro Coss.
264. Gallieno VI & Saturnino Coss.
265. Valeriano II & Lucillo Coss. aliàs, Valeriano iuniore & Rufiniano Coss.
266. Gallieno VII & Sabinillo Coss.
267. Paterno & Arcesilao Coss.
268. Paterno II & Mariniano Coss. aliàs, Paterno II & Marciano Coss. Claudius imperat.
269. Claudio A. & Paterno Coss.
270. Antiochiano & Orfito Coss. Aurelianus appellatur Augustus.
271. Aureliano A. & Basso Coss.
272. Quiero & Voldumiano Coss.
273. Tacito & Placidiano Coss.
274. Aureliano II & Capitolino Coss.
275. Aureliano III & Marcellino Coss. Tacitus imperat. Franci, cum Burgundionibus & Vandalis, multas Galliarum vrbes occupant.
276. Tacito Aug. II & Emiliano Coss. Probus Imperij potitur, & Francos per legatos vincit.
277. Probo Aug. & Paullino Coss.
278. Probo A. II & Lupo Coss. Circa id tempus pauculi Franci Asiam, & Græciam vexant, capiuntque Syracusas.
279. Probo A. III & Paterno Coss.
280. Missilla & Grato Coss.
281. Probo Aug. IV & Tiberiano Coss.
282. Probo V & Victorino Coss. Carus Imperium Rom. obtinet.
283. Caro A. II & Carino Cas. Coss.
284. Carino A. II & Numeriano A. Coss. Carinus & Numerianus imperant.
285. Diocletiano Aug. II & Aristobulo Coss. Diocletianus, interfecto Carino, eius in locum Imperator, & Consul est factus, cum ahnus antea notaretur Carino Aug. III & Aristobulo Coss.

286. *Maximo & Aquilino Coss.* Maximianus à Diocletiano Cæsar creatur.
287. *Diocletiano III & Maximiano Coss.* Franci & Saxones oras Belgicæ & Armoricæ infestant. Maximianus Hercules ex Cæsare Augustus & consors Imperij à Diocletiano appellatur.
288. *Maximiano A. II & Ianuario Coss.* Genobaudes & Atech regnant in Francia. ibi Atech eum Maximiano Aug. colloquitur, & pacem facit.
289. *Basso II & Quintiano Coss.*
290. *Diocletiano A. IV & Maximiano A. III Coss.*
291. *Tiberiano II & Dione Cassio Coss.* Constantius & Maximianus Cæsares fiunt. priori Galliz commissa, posteriori Illyrici prouinciz. Bononia à Constantio Cæs. capta, Bataua Francis erepta.
292. *Hanniballiano & Asclepiodoto Coss.*
293. *Diocletiano V & Maximiano IV Coss.*
294. *Constantio Cæsare, & Maximiano Cæsare Coss.*
295. *Tusco & Anulino Coss.*
296. *Diocletiano Aug. VI & Constantio Cæs. II Coss.*
297. *Maximiano A. V & Maximiano Ionio Cæs. II Coss.*
298. *Anicio Fausto II & Seucro Gallo Coss.*
299. *Diocletiano Aug. VII & Maximiano Aug. VI Coss.*
300. *Constantio Cæs. III & Maximiano Ionio Cæs. III Coss.*
301. *Titiano II & Nepotiano Coss.*
302. *Constantio Cæs. IV & Maximiano Cæs. IV Coss.*
303. *Diocletiano Aug. VIII & Maximiano Aug. VII Coss.*
304. *Diocletiano Aug. IX & Maximiano Aug. VIII Coss.* Diocletiano & Maximiano Herculo purpuram sponte deponentibus, Constantius, & Galerius Maximianus cognomine Iouius, qui Cæsares erant, Augusti sunt appellati.
305. *Constantio Aug. V & Maximiano Aug. V Coss.*
306. *Constantio Aug. VI & Maximiano Aug. VI Coss.* Constantinus, mortuo patre Constantio, imperium Galliarum obtinet; & Ascaricum ac Regaium, Francorum Reges, Galliam depopulantes vincit, captosque feris obicit, deinde Franciam ingreditur.
307. *Maximiano Herculo nouies, & Constantino Aug. Coss.*
308. *Maximiano Herculo decies & Maximiano Ionio septies Coss.* in Italia & Africa Maxentio & Romulo Coss.
309. *Post Consulatum decimum, & septimum: aliàs, Rufino & Eusebio Coss.* in Italia Maxentio II & Romulo II Coss.
310. *Anno II post Consulatum decimum, & septimum: in Italia Maxentio III solo Coss.* Maximianus senior, cognomine Hercules, perit.
311. *Maximiano Aug. VII & Licinio Coss.* in Italia Rufino & Volusiano Coss. Maximianus iunior, cognomine Iouius decedit.
312. *Constantino Aug. II & Licinio Aug. II Coss.* in Italia Maxentio IV solo Coss. Maxentius à Constantino victus & cæsus. Galerius Maximinus, qui in Oriente regnabat, perit.
313. *Constantino III & Licinio III Coss.* Franci in Gallia victi, & Francia à Constantino vastata.
314. *Volusiano & Anniano Coss.*
315. *Constantino IV & Licinio IV Coss.*
316. *Sabino & Rufino Coss.* Diocletianus apud Salonam priuatus moritur.
317. *Gallicano & Basso Coss.* Crispus, Licinius, & Constantinus Cæsares creati. Crispo Cæsari Gallia commissa.
318. *Licinio A. V & Crispo Cæs. Coss.*
319. *Constantino A. V & Licinio Cæs. Coss.*

320. *Constantino A. VI & Constantino Caf. Caff.*
 321. *Crispo Caf. II & Constantino Caf. III Caff.*
 322. *Probianus & Iuliano Caff.*
 323. *Seneca & Rufino Caff.*
 324. *Crispo Caf. III & Constantino Caf. III Caff.* Constantius, Constantini A. filius, Cæsar appellatur.
 325. *Paulino & Iuliano Caff.* Licinius victus à Constantino A. & priuatus ex Imperatore factus, interficitur.
 326. *Constantino A. VII & Constantio Caf. Caff.* Crispus Cæsar, Constantini A. patris sui iussu interemptus, Romæ Constantinus Vicennalia edidit.
 327. *Constantino & Maximo Caff.*
 328. *Iannario & Iusto Caff.*
 329. *Constantino A. VIII & Constantino Caf. IV Caff.*
 330. *Gallicano & Symmacho Caff.* Dedicatur Constantinopolis v Idus Maias.
 331. *Basso & Ablatio Caff.*
 332. *Pacatiano & Hilariano Caff.*
 333. *Delmatio & Xenophilo Caff.* Constans à Constantino A. patre suo Cæsar creatur.
 334. *Opasto & Paulino Caff.*
 335. *Iulio Constantio & Rufino Albino Caff.*
 336. *Nepotiano & Faundo Caff.*
 337. *Feliciano & Tiritiano Caff.* Constantinus moritur, eiusque filij Constantinus iunior, Constantius, & Constans, qui Cæsares erant, Augusti saluantur. è quibus Constantinus maior natu Gallias obtinet.
 338. *Vrso & Plemio Caff.*
 339. *Constantio A. II & Constante A. Caff.*
 340. *Acinrhyno & Proculo Caff.* Constantinus iunior A. ab exercitu Constantis fratris victus & cæsus.
 341. *Marcellino & Probino Caff.* Franci in Galliam erumpunt, & cum Constante Aug. variâ fortunâ pugnant.
 342. *Constantio A. III & Constante A. II Caff.* Constans pacem cum Francis facit.
 343. *Placido & Romulo Caff.*
 344. *Leontio & Salustio Caff.*
 345. *Amantio & Albino Caff.*
 346. *Constantio IV & Constante III Caff.*
 347. *Rufino & Eusebio Caff.*
 348. *Philippo & Salia Caff.*
 349. *Limenio & Catullino Caff.*
 350. *Sergio & Nigriniano Caff.* Magnentius, natione Francus, Constantem A. pet. Gaisionem Francum interficit, & Occidentis Imperium obtinet.
 351. *Post Consulatum Sergij & Nigriniani in Oriente; at in Occidente Magnentio & Gaisone Caff.* Magnentius ad Mursiam acie vincitur à Constantio A. Constantius Gallus ab eodem Cæsar creatur.
 352. *Constantio Aug. V & Constantio Gallo Caf. Caff.* in Oriente; in Occidente autem Decentio & Paulo Caff. Magnentius ad Longaticum vincitur, apud Ticinum vincit.
 353. *Constantio A. VI & Constantio Gallo Caf. II Caff.* Magnentius victus Lugduni gladio se transigit. Decentius Cæsar, eius frater, se suspendit.
 354. *Constantio A. VII & Constantio Caf. III Caff.* Constantius Cæsar iussu Constantij A. capite truncatur.

355. *Arbesione & Iolliano Coss.* Siluanus, Francus, Magister peditum pet Gallias, Colonia Agrippinæ Augustus appellatur, & x x v i i i m p e r i j die interficitur. Iulianus à Constantio Aug. Cæsar creatur, & præficitur Galliis v i i i Idus Nouemb. Florebant tum in Palatio Malarius Gentilium rector, Mallobaudes Tribunus Armaturarum, Laniogaisus Tribunus, alique Francorum Optimates.
356. *Constantio A. v i i i & Iuliano Cæs. Coss.* Iulianus Cæsar Coloniam à Francis ante x. menses captam recipit, & pacem ibidem cum Francorum Regibus facit.
357. *Constantio Aug. i x & Iuliano Cæs. i i Coss.*
358. *Datiano & Cereale Coss.*
359. *Eusebio & Hypatio Coss.* Iulianus Cæsar Saliis & Chamauis, Francis gentibus, bellum infert: Salios complures in deditionem accipit: cum Chamauorum Rege Nebiogaste pacem acceptis obsidibus facit.
360. *Constantio A. x & Iuliano Cæs. i i i Coss.* Iulianus Cæsar Luteciæ Parisiorum, ubi hiemabat, Augustus appellatur, ac Franciæ fines ingreditur.
361. *Tauro & Florentio Coss.* Constantio A. mortuo, Iulianus solus imperat.
362. *Mamertino & Nevitta Coss.*
363. *Iuliano A. i v & Sallustio Coss.* Iulianus occiditur in Persarum finibus, & Iouianus imperat. Malaricus, Francus, ex-Tribuno Gentilium, Magisterium militum Galliarum recusat.
364. *Iouiano Aug. & Varroniano Nobilissimo Coss.* Iouiano A. mortuo sufficitur Valentinianus, qui Valentem fratrem in confectionem Imperij recepit, ac Orienti præposuit, Occidentem ipse rectorus.
365. *Valentiniano Aug. & Valente Aug. Coss.* Charietto, Francus, Comes per utramque Germaniam, ab Alamannis interficitur.
366. *Gratiano Nobilissimo & Dagalaifo Coss.* Iouinus Magister equitum vincit Alamannos.
367. *Lupicino & Iouino Coss.* Gratianus apud Ambianos à Valentiniano A. parte creatur Augustus. Franci, & Saxones Gallias terramarique instant, & à Theodosio Comite vincuntur.
368. *Valentiniano i i & Valente i i Coss.*
369. *Valentiniano Nobiliss. puero & Victore Coss.*
370. *Valentiniano i i i & Valente i i i Coss.* Saxones in Gallia perfidiâ Romanorum circumuenti.
371. *Gratiano Aug. i i & Probo Coss.*
372. *Modesto & Arintheo Coss.*
373. *Valentiniano i v & Valente i v Coss.* Saxones circa Deusonem in Francia à Rom. cæsi. Burgundionum x x c ferè millia ad Renum descendunt.
374. *Gratiano A. i i i & Aequitio Coss.*
375. *Post Consulatum Gratiani i i i & Aequitij.* Valentinianus A. obit, & Valentinianus iunior, eius filius, Augustus appellatur. cui Gratianus Italiam & Africam dedit, Galliis sibi retentis.
376. *Valente Aug. v & Valentiniano iunior Aug. Coss.*
377. *Gratiano A. i v & Merobaudes Coss.*
378. *Valente Aug. v i & Valentiniano A. i i Coss.* Mallobaudes Rex Francorum, & Comes Domesticorum Gratiani Aug. Alamannos acie vincit in Gallia, & Priarium eorum Regem interficit. idem postea Marcrinum Alamannorum Regem in Franciæ finibus victum occidit. Eodem anno Ricomeres, Francus, Theodomeris Regis Francorum ex Ascula pater, Comes Domesticorum Gratiani similiter fuit.
379. *Ausonio & Olybrio Coss.* Theodosius, Theodosij Magistri equitum fi-

- lius, à Gratiano Aug. creatur Imperator, Orientique præficitur.
380. *Gratiano Aug. v & Theodosio Aug. Coss.*
381. *Syagrius & Eucherius Coss.*
382. *Antonio & Syagrius Coss.* Priamum tum regnasse in Francia auctor est Prosper.
383. *Merobaudes ii & Saturninus Coss.* Theodosius Aug. Arcadium, maiorem natu filium, Augustum appellandum curat. Maximus, ex Britannia transfretus in Galliam, Gratianum Aug. apud Parisios vincit, & circa Lugdunum interficit, Galliâque occupat.
384. *Ricbomere & Clearchus Coss.* Hic est Ricomeres Francus, quem Theodosius A. Magistrum vtriusque militiæ, deinde Consulem fecit.
385. *Arcadio Aug. & Bauto Coss.* Hic Bauto, Græcis Bauto melius dictus, natione Francus fuit, Duxque Gratiani primum, deinde Valentiniani celeberrimus, à quo creatus Consul Mediolani sumit insignia Consularia, & ab Augustino tum Rhetore laudatus est.
386. *Honorio Nobiliss. pater, & Eudis Coss.*
387. *Valentiniano Aug. iii & Eutropio Coss.*
388. *Theodosio Aug. ii & Cynegio Coss.* Genobaudes, Marcomeres, & Sunno Francorum Reges in Galliam erumpunt, & vastatis eius provinciis, Coloniz metum incutunt. Quintinus, Dux Maximi, Franciam ingressus cum exercitu, magnam ibi cladem accipit. Maximus à Valentiniano A. & Theodosio Aug. apud Aquileiam victus, capite truncatur. Arbogastes Comes, genere Francus, Victorem Cæsarem, Maximi filium, in Gallia interficit.
389. *Timasio & Promoto Coss.* Franci ex Gallia prædas agunt. Valentinianus, cum Marcomere & Sunnone Francorum Regibus collocutus, pacem acceptis obsidibus facit.
390. *Valentiniano Aug. iv & Nesterio Coss.*
391. *Tatiano & Symmacho Coss.*
392. *Arcadio Aug. ii & Rufino Coss.* Arbogastes, Francus, Magister militum, Valentinianum Aug. Viennæ interimis, & Eugenium Imperatorem facit : & Sunnoni ac Marcomeri Franc. Regibus infensus, Franciam vastat.
393. *Theodosio Aug. iii & Abundantio in Oriente Coss.* in Occidente autem *Theodosio A. iii & Eugenio P. N. Coss.* Theodosius Honorium, minorem filium, Augustum appellat.
394. *Arcadio Aug. iii & Honorio Aug. ii Coss.* in Occidente *Arbogastes & Flavianus Coss.* Eugenius & Arbogastes magnis Francorum auxiliis freti, magis diuina virtute quam vi Theodosianorum superantur. Arbogastes se duobus gladiis transfuerbat.
395. *Olybrio & Probino Coss.* Theodosio mortuo, Arcadius in Oriente, Honorius in Occidente regnat. Honorius per Stiliconem Magistrum militum fœdus ex more cum Francis inst. Arcadius Eudoxiam, Bauto nis supradicti, viri Franci, filiam ducit uxorem.
396. *Arcadio Aug. iv & Honorio Aug. iii Coss.*
397. *Attico & Casario Coss.* aliàs, *Casario & Attico Coss.*
398. *Honorio Aug. iv & Eutychiano Coss.*
399. *Mallo Theodoro & Eutropio Coss.* Huius Eutropij eunuchi, paullo post deportati, deinde occisi, nomen ex Fastis crasum.
400. *Stilicone & Aureliano Coss.*
401. *Vincenzio & Fronto Coss.*
402. *Arcadio Aug. v & Honorio Aug. v Coss.* Theodosius ix mensium infans à patre Arcadio Augustus creatur.

403. *Theodosio iuniore Aug. & Rumorido Coss.*
404. *Honorio v i & Arifianeto Coss.*
405. *Silicone i i & Anthemio Coss.* Godigifclum Regem Vandalorum¹, per Franciam iter in Galliam facientem, Frapci acie fundunt, & occidunt, xx Vandalorum millibus cæsis.
406. *Arcadio v i & Probo Coss.* Alani, Vandali, Sueui, Burgundiones, aliarque gentes Barbaræ Gallias pridie Kalendas Ianuar. ingrediuntur.
407. *Honorio v i i & Theodosio iuniore i i Coss.*
408. *Basso & Philippo Coss.* Constantinus in Britannia tyrannus exoritur, & Galliarum imperium occupat. Arcadio A. mortuo, Theodosius iunior, eius filius, in Oriente solus imperat.
409. *Honorio v i i i & Theodosio iuniore i i i Coss.* in Gallia *Constantino Coss.* Alani, Vandali, & Sueui Hispaniis se superfundunt. Attalus Romæ fit Imperator. Goar Alanorum Regulus cum suis remanet in Gallia.
410. *Fl. Varane & Tertullo Coss.* Huius Tertulli, ab Attalo Consulis facti, nomen è Fastis postmodum erasum. Roma à Gothis, Alanici ductu, capitur & diripitur. Gaifo, Francus, Comes sacrarum largitionum, deinde Magister Officiorum Honorij A. fuit.
411. *Theodosio Aug. i v Coss.* Constantius Dux Honorij Edobicum, Francum, Magistrum militum Constantini tyranni, auxiliis Francis in-structum vincit. quo cognito Arelatenfes Constantinum viuum Constantio tradunt.
412. *Honorio i x & Theodosio v Coss.* Gothi, qui & Vesigothi, Ataulfi Regis ductu Gallias ingrediuntur.
413. *Heracliano & Lucio Coss.* Heracliani Consulis, ob affectatam tyrannidem interfecti, nomen è Fastis erasum. Burgundiones partem provincie Germanie primæ Reno propinquam obtinent Gundicario Rege. Iouinus & Sebastianus fratres, in Galliis tyranni orti, paullo pòst occidunt. Vrbs Treuironum à Francis direpta; & Castinus Domesticorum Comes aduersus eos missus.
414. *Constantio & Constante Coss.* Attalus, adiutoribus Vesigothis, purpuram resumit in Gallia.
415. *Honorio x & Theodosio v i Coss.* Attalus à Vesigothis destitutus capitur, & Constantio Patricio traditur. Ataulfus Rex Vesigothorum à suis interimitur, deinde Sigericus, cui Valia succedit.
416. *Theodosio v i i & Palladio Coss.*
417. *Honorio x i & Constantio i i Coss.*
418. *Honorio x i i & Theodosio v i i i Coss.*
419. *Monaxio & Plinta Coss.* Valia Vesigothorum Regi Aquitania i i, & Tolosa, cum quibusdam aliis vrbibus datur ab Honorio. Defuncto Valia eodem anno Theodoricus substituitur.
420. *Theodosio i x & Constantio i i i Coss.* Honorius Aug. Constantio Patricio, Placidie sororis suæ viro, societatem imperij defert inuicit. Circa id tempus Faramundus regnat in Francia.
421. *Agricola & Enstathio Coss.* Constantius Aug. imperij mense v i i decedit.
422. *Honorio x i i i & Theodosio x Coss.* Castinus, Magister militiæ, à Vandalis in Bætica magno prælio superatur, amissis militum millibus ferè x x.
423. *Mariniano & Asclepiodoro Coss.* Honorius Aug. Placidiam sororem suam cum liberis pellit, ac paullo pòst moritur, & Ioannes Imperium Occidentis occupat.
424. *Castino & Victore Coss.* Theodosius Aug. Valentinianum, Constantij Aug. & Placidie amitæ suæ filium, Cæsarem facit, & ad recipiendum Occidentem cum copiis mittit.

425. *Theodosio A. XI & Valentiniano Casare Coss.* Ioannē tyranno oppresso, Valentinianus, sextum annum agens, decreto Theodosij Augustus appellatur. Placidia Aug. filij & Imperij tutela commissa.
426. *Theodosio A. XII & Valentiniano Aug. II Coss.*
427. *Hierio & Ardabure Coss.* Vandali, inuitati à Bonifatius, ductu Geiserici in Africam transeunt.
428. *Felice & Tauro Coss.* Chlodio, Faramundi filius, regnat in Francia. pars Gallia, propinqua Reno, quam Franci possidendam occupauerant, Aëtij Comitibus ductu recepta.
429. *Florentio & Dionysio Coss.* Aëtius, Magister militum factus, Iuthungos vincit gentem Alamannam.
430. *Theodosio XIII & Valentiniano III Coss.* Aëtius Noricos rebellantes domat.
431. *Basso & Antiocho Coss.*
432. *Aëtio & Valerio Coss.*
433. *Theodosio XIV & Maximo Coss.*
434. *Aspare & Ariobindo Coss.*
435. *Theodosio XV & Valentiniano IV Coss.* Pax cum Geiserico Rege Vandalorum facta, datā ei Africae parte. Gundicarius, Rex Burgundionum in Gallia, Belgicae primae manum iniiciens, ab Aëtio funditur.
436. *Isidoro & Senatore Coss.* Gundicarius Rex, amissis suorum millibus xxx, pacem ab Aëtio impetrat, & paullo post ab Vptaro Hunnorum Rege interficitur. ei succedere Gundiucus ac Chilpericus filij. Vesigothi pace rupta Narbonem frustra obsident.
437. *Aëtio II & Sigisualto Coss.* Bellum aduersus Vesigothos, Hunnis auxiliariis, geritur. Chlodio Francorum Rex, saltu Carbonario, Turnaco, & Camaraco ac Ambianis occupatis, sedem capit in Gallia.
438. *Theodosio XVI & Fausto Coss.* Aëtio Duce viii millia Vesigothorum caesa.
439. *Theodosio XVII & Festo Coss.* Litorius Comes à Vesigothis victus & captus, & pax cum eis facta. Geisericus Vandalorum Rex Carthaginem, pace rupta, ac omnem simul Africam capit.
440. *Valentiniano Aug. V & Anatolio Coss.* Deserta pars agri Valentini Alanis traditur, cum incolis diuidenda.
441. *Cyro V. C. Coss.* Britannia ab Anglis occupatur. Attila & Bleda, Hunnorum Reges, Illyricum vastant.
442. *Dioscuro & Eudoxio Coss.* Attila & Bleda Illyricum & Thraciam depopulantur. cum Geiserico à Valentiniano Aug. pax pacta, & Africa inter vtrumque diuisa. Alani, quibus agri dati erant ab Aëtio Patricio, expulsis dominis, terrae possessionem vi adipiscuntur, ductu Sangibani Regis.
443. *Maximo II & Paterno, vel Paterno Coss.* Sapaudia Burgundionibus datur cum indigenis diuidenda.
444. *Theodosio XVIII & Albino Coss.* Attila Bledam fratrem & regni consortem interimit.
445. *Valentiniano VI & Nomo Coss.*
446. *Aëtio III & Symmacho Coss.*
447. *Callepio & Ardabure Coss.* aliās, *Ardabure & Alpio Coss.* Attila totam Thraciam & Illyricum vastat, fuso exercitu Romano.
448. *Postumiano & Zenone Coss.* Chlodione defuncto, regnat apud Francos Meroueus.
449. *Alurvio & Protogene Coss.* aliās, *Alherio & Protogene Coss.*
450. *Valentiniano VII & Anicio, vel Abieno Coss.* Theodosius Aug. obit,

- cuius soror Pulcheria Aug. Marcianum Imperatorem facit, eique anus nubit. Galla Placidia Aug. Romæ moritur.
451. *Marciano Aug. & Adelfio Coss.* Attila Hunnorum Rex Galliam depopulatur, & in campis Catalaunicis, cruento vtrinque certamine commisso, pulsus ab Aëtio, domum redit. Huic prælio Meroueus Francorum Rex cum magnis copiis interfuit, accitus ab Aëtio, & Theodoricus Vesigothorum Rex, cui ibidem ab Hunnis interfecto Thorisino filius substituitur.
452. *Herculano, & Sporacio, vel Sphoracio Coss.* Attila redintegratis viribus Italiam ingreditur, Aquileiam, & multas alias vrbes excidit, & Valentiniano Aug. pacem per legatos petenti annuit.
453. *Opilione & Vincomalo Coss.* Pulcheria Aug. & Attila decedunt. Thorismodus quoque Vesigoth. Rex à Theodorico & Friderico fratribus iugulatur, & Regnum occupat Theodoricus iunior.
454. *Aëtio & Studio Coss.* Aëtius Patricius Valentiniani Aug. manu in Palatio confoditur.
455. *Valentiniano v 111 & Anthemio Coss.* Valentinianus ab Aëtij satellitibus auctore Maximo occiditur. Maximus LXXVI imperij die à famulis regiis & militibus dilaniatur. Geisericus Vrbem diripit. Avitus in Gallia fit Imperator. Meroueus Francorum Rex per Germaniam primam, ac Belgicam 11 arma circumfert, & Regnum, quod Suminā terminabatur, vsque ad Sequanam prolatat.
456. *Ioanne & Varane Coss.* In Oriente; in Occidente autem *Auito Aug. Consule.* Augusta Treuirorum à Meroueo direpta & incensa. Avitus Aug. à Ricimere Magistro militum capitur, & fit Episcopus. Gundiu-
cus & Chilpericus, Burgundionum Reges, fines Regni sui proferunt.
457. *Constantino & Ruso Coss.* In Oriente mortuo Marciano Aug. Leo ab exercitu Imperator consalutatur v 11 Idus Februar. Maiorianus quoque in Occidente fit Imperator consensu & voluntate Leonis Aug.
458. *Leone Aug. & Maioriano Aug. Coss.* Meroueo patri suo, Francorum Regi, Childericus succedit. Ægidius Galliar. Magister militum datur.
459. *Ricimere & Patricio Coss.* Maiorianus Aug. cum Theodorico Rege Vesigothorum pacem & societatem init.
460. *Magno & Apollonio Coss.* Maiorianus, Africam & Vandalos petens, abductis à Geisericis nauibus suis vacuis, desistere incepto cogitur.
461. *Seuerino & Dagalaifo Coss.* Maiorianus A. à Ricimere Patricio interficitur, & Seuerus appellatur Augustus.
462. *Leone Aug. 11 & Severo Aug. Coss.* Agrippinus Comes Narbonem tradit Theodorico Vesigothorum Regi.
463. *Basilio & Viuiano Coss.* aliàs, *Vibiano & Felice Coss.*
464. *Rusticio & Olybrio Coss.* aliàs, *Olybrio & Rustico Coss.*
465. *Hermenrico & Basilisco Coss.* Seuerus Aug. moritur.
466. *Leone A. 111 & Tasiano Coss.*
467. *Pulao & Ioanne Coss.* Anthemius ad urbem Romam Augustus appellatur. Theodoricus Rex Vesigothorum ab Eurico fratre interimitur.
468. *Dn. Anthemio Aug. 11 solo Coss.* Leo & Anthemius Geisericis bellum inferunt.
469. *Marciano & Zenone Coss.*
470. *Severo & Iordane Coss.* Romanus Patricius, affectati Imperij reus, capite truncatur.
471. *Leone Aug. 14 & Probiano Coss.*
472. *Festo & Marciano Coss.* Ricimer Patricius Olybrium Imperatorem creat, & Anthemium Augustum socerum suum interficit, nec multo post obit.
- Olybrius

- Olybrius Aug. eodem anno moritur.
473. *Leone Aug. v. solo Cof.* Glycerius Italix Imperium attripit. in Oriente Leo A. Leonem nepotem suum Augustum creat.
474. *Leone iuniore Aug. Cof.* Leo iunior patrem suum Zenonem Imperij consortem facit, ac paullo post decedit. Iulius Nepos; Glycerio A. in ordinem coacto & Episcopo constituto, Imperium occupat.
475. *Post Consulatum Leonis iun. Aug. vel Zenone Aug. II. Consule.* Orestes Patricius, Nepote Aug. in Dalmatiam fugato, filium suum Augustulum Imperatorem facit. Euricus Vesigothorum Rex Aruernos, Auaricum, & Turonos circa id tempus occupat.
476. *Basilisco II & Armaso, vel Harmatio Coss.* Odoacer Orestem Patricium victum interficit, & Paullum fratrem eius; castello Augustulum includit, ac euerso Occidentis Imperio Regem se appellari iubet. Geisericus Rex Vandalorum & Alanorum decedit.
477. *Sine Coss. vel, Post Consulatum Basilisci II & Armati,* Odoacer Provinciam Eurico Regi donat.
478. *Illo, vel Hello V. C. Cof. Indictione i.*
479. *Zenone Aug. III. solo Cof. aliàs, Zenone Aug. II. Cof. solo; Indict. II.*
480. *Basilio iuniore V. C. solo Cof. aliàs, Post Consulatum Zenonis III. Ind. III.*
481. *Placido V. C. solo Cof. Ind. IV.* Childericus Francorum Rex, post Aurelianos & Andecauros captos, & Regnum à Sequana ad Ligerim prolatum; sub anni exitum moritur.
482. *Seuerino iuniore, & Trocundo, vel Trocundo Coss. Ind. V.* Apud Francos regnare cepit Chlodoueus, filius Childerici.
483. *Fausto V. C. solo Cof. aliàs, Post Consulatum Trocundi V. C. Ind. VI.*
484. *Venantio & Theodorico Coss. aliàs, D.N. Theodorico & Venantio Coss. Ind. VII.* Eurico Vesigothorum Regi; patri suo, Alaricus succedit.
485. *Symmacho V. C. solo Cof. aliàs, post Consulatum Theodorici V. C. Ind. VIII.*
486. *Decio & Longino Coss. Ind. IX.* Chlodoueus Francorum Rex Syagrium Ægidij filium victum acie, & ab Alarico Rege, ad quem perfugerat, traditum interficit.
487. *Boërio V. C. unico Cof. Ind. X.* Odoacer Rex Italix Febam Regem Rugorum vincit & capit.
488. *Synamio & Sisidio Coss. Ind. XI.*
489. *Probindo & Eusebio Coss. Ind. XII.* Theodericus Ostrogothorum Rex, Zenonis permissu, Italiam ingreditur.
490. *Longino II & Fausto Coss. aliàs, Fausto iuniore Cof. Ind. XIII.*
491. *Olybrio V. C. solo Cof. Ind. XIV.* In Oriente Zenon Aug. decedit. Anastasius ex Silentiario ab Ariadne Aug. fit Imperator. Chlodoueus Toringis victis tributum imponit.
492. *Anastasio Aug. & Ruffo Coss. Ind. XV.*
493. *Albino & Eusebio Coss. aliàs, Eusebio II. & Albino Coss. vel Albino V. C. Cof. Ind. I.* Theodericus contra religionem iurisiurandi Rauennæ Odoacrem occidit. Chlodoueus Francorum Rex Chrochildum in matrimonium accipit.
494. *Asterio & Presidio Coss. Ind. II.*
495. *Viatore V. C. Cof. Ind. III.*
496. *Paullo V. C. Cof. aliàs, Post Consulatum Viatoris. Ind. IV.* Chlodoueus, victis apud Tolbiacum Alamannis, Alamanniam & Sueuiam subigit, sique ex voto Christianus. Francorum pars maior exemplum Regis imitatur. Verodunenses, qui defecerant, à Chlodoueo recipiuntur.
497. *Anastasio Aug. II. solo Cof. Ind. V. aliàs, P. C. Viatoris anno II.*
498. *Paulino & Ioanne Scythæ Coss. Ind. VI.*

499. *Ioanne Gibbo V. C. solo Cof. aliàs, Poff Confulatam Paulini Ind. VII.*
 500. *Patricio & Hypatio Cof. Ind. VIII.* Chlodoueus iunctus Godegisilo Gundobadum Burgundionum Regem, Gundiuci filium, vincit acie, Auenione obfidet, pacem petenti tributum imponit. Eodem anno Gundobadus teceptis vinbus Godegisilum Regem, fratrem suum, Viennæ captum interemit.
 501. *Anieno, vel Abieno & Pompeio Cof. Ind. IX.*
 502. *Anieno, vel Abieno iuniore & Probo Cof. Ind. X.* in Chronico Alexandrino malè, *Probo & Abieno II Cof.*
 503. *Volofiano & Dexicrate Cof. Ind. XI.*
 504. *Cethego V. C. solo Cof. Ind. XII.*
 505. *Theodoro & Sabimiano Cof. Ind. XIII.*
 506. *Messalla & Areobinda, vel Ariobinda Cof. Ind. XIV.*
 507. *Anastasio Aug. I II. & Venantio Cof. Ind. XV.* Chlodoueus Franc. Rex Alaricum Vefigothorum Regem vincit acie, ac interficit, & Regnum Tolofanum, feu omnem Aquitaniâ occupat. Gefalicus Alarico fuccedit.
 508. *Venantio iuniore & Celere Cof. Ind. I.* Chlodoueus Rex Ecolifmam capit, & ab Anastasio Aug. codicillos de Patriciaru accipit. Theodericus Oftrogothorum & Italarum Rex, Alarici focer, Ibam Ducem cum exercitu mittit in Prouinciâ, à quo fufi. Franci, Arelatum obfidione liberatur, & Prouincia tecepta.
 509. *Importuno V. C. Cof. aliàs, Opportuno solo Cof. Ind. II.* Oftrogothi in Chlodouei Regnum crumpunt.
 510. *Boethio solo Cof. Ind. III.* Arelatum iterum obfidet Franci, ac obfidionem foluere iterum coguntur.
 511. *Felice & Secundino Cof. Ind. IV.* Gefalicus Vefigothorum Rex ab Iba Duce vincitur, & interficitur, & Theodericus Oftrogothorum Rex, fub specie tutelæ Amalarici pueri, nepotis fui, Regnum Vefigothicum decupat. Eodem anno XXXI: Epifcopi apud Aurelianos iuffu Chlodouei conueniunt v: Idus Iulias. Chlodoueus Magnus deedit, & v Kal. Septemb. fepelitur in Bafilica SS. Apoftolorum, in qua B. Genouefa eodem anno fepulta fuerat. Chlodoueo I v filij fuccedunt.
 512. *Paulo & Mufchiano, vel Mufciano Cof. Ind. V.*
 513. *Probo & Clementino Cof. Ind. VI.*
 514. *Senatore V. C. solo Cof. Ind. VII.*
 515. *Florentio & Anibemio Cof. Ind. VIII.*
 516. *Petro V. C. Cof. Ind. IX.* Gundobado Burgundionum Rege defuncto, regnat Sigifmundus eius filius.
 517. *Anaftasio & Agapeto Cof. Ind. X.* hoc eſt forſitan, *Anaftasio Aug. IV. & Agapeto Cof.*
 518. *Magno solo Cof. aliàs, Agapeto II. & Magno Cof. Ind. XI.* Anaſtaſius Aug. obit, & Iuſtinus ex Comite Excubitorum fit Imperator.
 519. *Iuſtino Aug. & Eutharico Cof. Ind. XII.*
 520. *Ruficio & Vitaliano Cof. Ind. XIII.*
 521. *Valerio & Iuſtiniano Cof. aliàs, Iuſtiniano & Valerio Cof. Ind. XIV.*
 522. *Symmacho & Boethio Cof. Ind. XV.* Sigifricus iuffu Sigifmundi Burgundionum Regis, patris fui, occiditur.
 523. *Maximo Confule solo. Ind. I.* Sigifmundus Rex Burgundiæ à Chlodomere Francorum Rege fuſus acie captus, nec multo poſt interficitur. Regnum Burgundiæ recipit Godomarus frater Sigifmundi.
 524. *Iuſtino Aug. II & Opilione Cof. Ind. II.* Chlodomeres Francorum Rex à Godomaro Burgundionum Rege i terſicitur.
 525. *Probo iuniore & Philaxeno Cof. aliàs, Philaxeno & Probo Cof. Ind. III.*

526. *Olybrio solo Cos. Ind. 1 v.* Theodericus Rex Ostrogothorum ac Vesigothorum decedit, & nepotes eius, Athalaricus Regnum Ostrogothicum; Amalaricus Vesigothorum Regnum obtinuerunt.
527. *Mauortio Romano, vel Mauortio solo Cos. Ind. v.* Iustinus Aug. Iustinianum, sororis suæ filium, Imperatorem creat, & 1 v post mense decedit.
528. *Iustiniano Aug. 11 solo Cos. Ind. v 1.*
529. *Decio iniore P. C. solo Cos. Ind. v 11.*
530. *Lampadio & Oreste Cos. Ind. v 111.*
531. *P. C. Lampadij & Orestis, Ind. 1 x.* Theodericus, Francorum Rex, Torin-
gis acie victis, & Herminafredo Rege eorum interfecto, Toringiam
facit tributariam. Childeburtus, Francorum Rex, eodem anno Ama-
laricum Vesigothorum Regem vincit acie, fugientemque interficit.
Theudis regnat in Hispania post Amalaricum.
532. *Item P. C. Lampadij & Orestis Cos. Ind. x. seu P. C. Lampadij & Orestis
anno 11.* Childeburtus & Chlotharius fratres, Francorum Reges, fu-
so Godomaro Rege, omnem Burgundiam occupant.
533. *Ind. x1. Iustiniano Aug. 111 Cos. solo.*
534. *Ind. x11. Iustiniano Aug. 1 v & Paulino iniore Cos.* Theodericus Fran-
corum Rex, maximus natu Chlodouei filiorum, decedit, & Theo-
deburtus eius filius apud Austrasios regnat. Eodem anno Athalaricus
Ostrogothorum Rex obit, eique Theodahadus substituitur. Iustinia-
nus Aug. Africam Vandalis eripit.
535. *Ind. x111. Belisario V. C. solo Cos.* Iustinianus A. legatos de societate
belli aduersus Ostrogothos mittit ad Francorum Reges.
536. *Ind. x1 v. P. C. Belisarij V. C.* Vitigis Theodahadum Regem occidit.
Prouincia à Vitige, Ostrogothorum Rege, Francorum Regibus tradi-
tur cum parte Alamannorum, quæ post prælium Tolbiacense in
Italiam sese contulerat.
537. *Ind. x v. Iuerum P. C. Belisarij, vel P. C. Belisarij anno 11.*
538. *Ind. 1. Ioanne V. C. solo Cos. alijs, Volusiano & Ioanne Cos.*
539. *Capione, filio Strategij, V. C. solo Cos. Ind. 11.* Theodebertus, Francorum
Rex, Italix fines cum armatis millibus ducentis ingreditur. Vitigis
Rex Ostrogothorum Belisario se ac Rauennam dedit.
540. *Ind. 111. Iustino Iuniore solo Cos.*
541. *Ind. 1 v. Basilio V. C. solo Cos.*
542. *Ind. v. Post Consulatum Basilij V. C.*
543. *Ind. vi. P. C. Basilij anno 11.* Childeburtus & Chlotharius Francorum
Reges Hispaniam ingrediuntur, Cæsaraugustam obsident, & totam
prouinciam Tarraconensem depopulantur.
544. *Ind. v 11. P. C. Basilij V. C. anno 111.*
545. *Ind. v 111. P. C. Basilij V. C. anno 1 v.*
546. *Ind. 1 x. P. C. Basilij V. C. anno v.*
547. *Ind. x. P. C. Basilij V. C. anno vi.*
548. *Ind. x1. P. C. Basilij V. C. anno v 11.* Theudis Vesigothorum Rex oc-
ciditur, cui Theudisclus succedit. Theodebertus Francorum Rex obit,
successore Theodebaldo filio relicto. Lanthacarius Dux Francorum
à Romanis in Italia fusus & cæsus.
549. *Ind. x11. P. C. Basilij anno v 111.*
550. *Ind. x111. P. C. Basilij V. C. anno 1 x.* Vesigothi, iugulato Theudisclis,
Agilam Regem saluauere.
551. *Ind. x1 v. P. C. Basilij anno x.* Iustinianus Aug. legatos ad Theodebal-
dum Francorum Regem mittit.
552. *Ind. x v. P. C. Basilij anno x1.* Liberius Patricius à Iustiniano Aug. in

CHRONICON FRANCICVM.

- Hispāniam cum exercitu mittitur, & Narſes Patricius in Italiam, qui Totilam & Teiam Oſtrogothorum Reges fundit acie, ac interficit, ac omnem Italiam Imperio Romano reſtituit.
553. *Ind. I. P. C. Baſilij V. C. anno xxi. Leutharius & Buccelinus, cum Francorum & Alamannorum lxxv millibus, ingrediuntur Italiam.*
554. *Ind. II. P. C. Baſilij V. C. anno xlii. Leutharius in Italia morbo infeſcit cum ſuis. Buccelinus, peruagatus ac depopulatus omnem Italiam, à Narſe Iuſtiniani Duce prælio ſuperatur, & interficitur.*
555. *Ind. III. P. C. Baſilij V. C. anno xliii. Hamingus Dux Francorum, cum Oſtrogothorum reliquiis ferret auxilium, in Italia ab Narſe victus & caſus. Theodebalduſ Francorum Auſtraſiorum Rex deſungitur, eiſque Regnum occupat Chlotharius, maior ipſius patruus, fratre ſuo Childeberto excluſo. Eodem anno cum Saxonibus rebellantibus Chlotharius Francorum Rex feliciter pugnat.*
556. *Ind. IiV. P. C. Baſilij V. C. anno xlv. Chlotharius cum Saxonibus, coactus à ſuis, inſeliciter dimicat, pacemque facit.*
557. *Ina. V. P. C. Baſilij V. C. anno xlii. Chramnuſ Chlotharij patris Regnum popularur Saxones in Franciam erumpunt. Chlotharius tertium Saxoniam ingreditur. Childebertus Campaniam Remenſem, quæ Chlotharij erat, igne & ferro vaſtat.*
558. *Ind. vi. P. C. Baſilij V. C. anno xlvii. Childebertus Rex Francorum moritur, & Regnum eiſ Chlotharius obtinet.*
559. *P. C. Baſilij anno xlviii. Ind. viii.*
560. *P. C. Baſilij anno xlix. Ind. ix. Chramnuſ ſuſis Britannicis auxiliis, quibus fidebat, à Chlothario patre ſuo victus & captus interficitur.*
561. *Ind. ix. P. C. Baſilij V. C. anno xx. imperij Iuſtiniani xxxv. Chlotharius Rex Francorum deſcedit, & iV filioſ totidem regnorum relinquit ſueceſſoreſ.*

NOTITIA PROVINCIARVM ET CIVITATVM GALLIÆ.

In Provinciis Gallicanis quæ ciuitates ſint.

- | | |
|--|---|
| <p><i>In Provincia Lugdunenſi prima</i>
Ciuitates numero III.</p> <p>Metropolis Ciuitas Lugdunensium, <i>Lyon.</i></p> <p>Ciuitas Eduorum, Augustodunum, <i>Autun.</i></p> <p>Ciuitas Lingonum, <i>Langres.</i></p> <p>Caſtrum Cabillonense, <i>Chalon.</i></p> <p>Caſtrum Matisconense, <i>Macon.</i></p> <p><i>In Provincia Lugdunenſi ſecunda</i>
Ciuitates numero vii.</p> <p>Metropolis Ciuitas Rotoma-</p> | <p>genſium, <i>Roſen.</i></p> <p>Ciuitas Baiocaffium, <i>Bayeux.</i></p> <p>Ciuitas Abrincarum, <i>Auranches.</i></p> <p>Ciuitas Ebroicorum, <i>Eureux.</i></p> <p>Ciuitas Saiorum, <i>Séez.</i></p> <p>Ciuitas Lexouiorum, <i>Lizieux.</i></p> <p>Ciuitas Conſtantia, <i>Conſtances.</i></p> <p><i>In Provincia Lugdunenſi tertia</i>
Ciuitates numero ix.</p> <p>Metropolis Ciuitas Turonorum, <i>Tours.</i></p> <p>Ciuitas Cenomannorum, <i>Mans.</i></p> <p>Ciuitas Redonum, <i>Rennes.</i></p> |
|--|---|

NOTITIA GALLIÆ.

- | | |
|--|--|
| Ciuitas Andicauorum, <i>Angers.</i> | Ciuitas Atrabatum, <i>Arras.</i> |
| Ciuitas Namnetum, <i>Nantes.</i> | Ciuitas Camaracensium, <i>Cambray.</i> |
| Ciuitas Coriosopitum, vel Curiosolitum, <i>Quimpercorentin en Cornouaille.</i> | Ciuitas Turnacensium, <i>Tournay.</i> |
| Ciuitas Venetum, <i>Vannes.</i> | Ciuitas Siluaneæ, <i>Senlis.</i> |
| Ciuitas Oslismorum, <i>Triguier.</i> | Ciuitas Bellouacorum, <i>Beauvais.</i> |
| Ciuitas Diablintum, <i>Dol.</i> | Ciuitas Ambianensium, <i>Amiens.</i> |
| <i>In Prouincia Lugdunensi quarta, vel Senonia, Ciuitates numero VII.</i> | Ciuitas Morinum, <i>Teruanna, Teroüanne.</i> |
| Metropolis Ciuitas Senonum, <i>Sens.</i> | Ciuitas Bononiensium, <i>Bouloigne.</i> |
| Ciuitas Carnotum, <i>Chartres.</i> | <i>In Prouincia Germania prima Ciuitates numero IV.</i> |
| Ciuitas Autisiodorum, <i>Auxerre.</i> | Metropolis Ciuitas Mogontiacensium, <i>Mayence.</i> |
| Ciuitas Tricassium, <i>Troyes.</i> | Ciuitas Argentoratensium Strataburgus, <i>Strasbourg.</i> |
| Ciuitas Aurelianorum, <i>Orleans.</i> | Ciuitas Nemetum Spira, vel Spiracia, <i>Spire.</i> |
| Ciuitas Parisiorum, <i>Paris.</i> | Ciuitas Vangionum Borbetomagus, vel Warmatia, <i>Vormes.</i> |
| Ciuitas Meldorum, <i>Meaux.</i> | <i>In Prouincia Germania secunda Ciuitates numero II.</i> |
| <i>In Prouincia Belgica prima Ciuitates numero IV.</i> | Metropolis Ciuitas Agrippinensium Colonia, <i>Cologne.</i> |
| Metropolis Ciuitas Treuerorum, <i>Treues.</i> | Ciuitas Tungrorum, <i>Tongres.</i> |
| Ciuitas Mediomatricorum Mettis, <i>Metz.</i> | <i>In Prouincia Maxima Sequanorum, vel Sequanico, Ciuitates numero IV.</i> |
| Ciuitas Leucorum Tullum, <i>Toul.</i> | Metropolis Ciuitas Vefontiensium, <i>Bezangon.</i> |
| Ciuitas Verodunensium, <i>Verdun.</i> | Ciuitas Equestrium Nouiodunus, vel Niuidunum, <i>Nion près Lausanne.</i> |
| <i>In Prouincia Belgica secunda Ciuitates numero XII.</i> | Ciuitas Heluetiorum Auenticum, <i>Auanche.</i> |
| Metropolis Ciuitas Remorum, <i>Reims.</i> | Ciuitas Basiliensium, <i>Basle.</i> |
| Ciuitas Suessionum, <i>Soissons.</i> | |
| Ciuitas Catalaunorum, <i>Chaulons.</i> | |
| Ciuitas Veromanduorum, <i>Saint Quentin en Vermandois, ex aliis Vermand.</i> | |

NOTITIA GALLIÆ.

Castrum Vindonissense, *Vindisch.*

Castrum Ebrodunense, *Iverdun.*

Castrum Rauracense, *vel Augusta Rauracum, Augst.*

Portus Abutini, *vel Bucini, alias, Portus Abbucina.*

In Prouincia Alpium Graiarum & Penninarum Ciuitates num. II.

Metropolis Ciuitas Centronum Darantasia, *Monsther en Tarentaise.*

Ciuitas Vallensium Octodorum, *Martinachen Vvalais.*

Item in Prouinciis septem.

In Prouincia Viennensi Ciuitates sunt numero XIII.

Metropolis Ciuitas Viennensium, *Vienne.*

Ciuitas Genauenium, *Geneue.*

Ciuitas Gratianopolitana, *Grenoble.*

Ciuitas Albensium Viuarium, *Viuiers.*

Ciuitas Deensium, *Die.*

Ciuitas Valentini, *Valence.*

Ciuitas Tricastini, *Saint Paul de Tricastin.*

Ciuitas Vasiensium, *vel Vasiensium, Vaison.*

Ciuitas Arausiacorum, *Orange.*

Ciuitas Cabellicorum, *Cavaillon.*

Ciuitas Auennicorum, *Auignon.*

Ciuitas Arelatensium, *Ailes.*

Ciuitas Massiliensium, *Marseille.*

In Prouincia Aquitania, vel Aquitanica prima Ciuitates num. VIII.

Metropolis Ciuitas Biturigum, *Bourges.*

Ciuitas Aruernorum, *Clermont en Auvergne.*

Ciuitas Rutenorum, *Rodez.*

Ciuitas Albiensium, *alias Albigensium, Alby.*

Ciuitas Cadurcorum, *Cahors.*

Ciuitas Lemouicium, *Limoges.*

Ciuitas Gabalum Mimata, *Mande en Genaudan.*

Ciuitas Vellauorum Podium, *le Puy en Velay.*

In Prouincia Aquitania secunda Ciuitates VI.

Metropolis Ciuitas Burdigalensium, *Bordeaux.*

Ciuitas Aginnensium, *Agen.*

Ciuitas Ecolismensium, *Angoulême.*

Ciuitas Santonum, *Saintes.*

Ciuitas Pictauorum, *Poitiers.*

Ciuitas Petrocoriorum, *Perigieux.*

In Prouincia Nouempulana, vel Nouempulsi, vulgò Vasconia dicta, Ciuitates numero XII.

Metropolis Ciuitas Elusatum, *Euse.*

Ciuitas Aquis, *vel Dacs.*

Ciuitas Lactoratium, *Lectoure, vel Lestore.*

Ciuitas Conuenarum, *Comminges.*

Ciuitas Consorannorum, *Conserans, vel Couzerans.*

Ciuitas Boatium, *Bayonne.*

Ciuitas Benarnensium, *Lescar en Bearn.*

Ciuitas Aturensium, *Aire.*

Ciuitas Vasatica, *Basas.*


Ciuitas Turba, *vel Turfa, ubi*

NOTITIA GALLIÆ.

- castrum Bigorta. *Vulgò Tarba Bigerrorum, Tarbe en Bigorre.*
 Ciuitas Elloronensium, *Oleron.*
 Ciuitas Aufciorum, *Ausch.*
In Prouincia Narbonensi prima, Septimania & Gothia postea dicta, Ciuitates numero VII.
 Metropolis Ciuitas Narbonensium, *Narbonne.*
 Ciuitas Tolosatium, *Toulouse.*
 Ciuitas Bererrensiū, *Beziers.*
 Ciuitas Agathensium, *Agde.*
 Ciuitas Nemaufensium, *Nismes.*
 Ciuitas Magalonensium, *Maguelonne.*
 Ciuitas Luteuensium, *Lodeue.*
 Castrum Vcetiense, *aliàs Ciuitas Vcetica, Vzés.*
In Prouincia Narbonensi secunda, vulgò Prouincia dicta, Ciuitates numero VII.
 Metropolis Ciuitas Aqvensium, *Aix en Prouence.*
 Ciuitas Aptensium, *Apt.*
 Ciuitas Reiensium, *Riez.*
 Ciuitas Foroiulensium, *Frejus.*
 Ciuitas Vapincensium, *Gap.*
 Ciuitas Segesteriorum, *vel Segesterica, antè dicta Segustero, Sisteron.*
 Ciuitas Antipolitana, *Antibe.*
In Prouincia Alpium Maritimarum, vel Alpina Maritima, Ciuitates numero VIII.
 Metropolis Ciuitas Ebrodunensium, *Ambrun.*
 Ciuitas Diniciensium, *Digne.*
 Ciuitas Rigomagensium.
 Ciuitas Salinensium.
 Ciuitas Sanitiensium, *Senex.*
 Ciuitas Glannatina, *vel Glannateua, Glandesue, aut Glan-deuez.*
 Ciuitas Cemelenensium, *vel potius Cemelenensium.*
 Ciuitas Vinticiensium, *Vence.*

In Prouincijs XVII Ciuitates CXV.







HADRIANI
VALESII
RERVM FRANCICARVM
LIBER PRIMVS.



Es gestas Francorum à primordiis vsque ad Chlotharij maioris mortem scribere aggredior, quam partem historiæ nemo è nostris præter vnum & alterum adhuc attigit, & quam cum ob venerationem antiquitatis; tum ob claritatem gentis negligi ac pæne omnem omitti non oportuit: nisi fortè nos tentatæ per annos amplius CC Gallia, deinde occupatæ, originúmque ac Maiorum nostrorum puder, quorum alij Imperatores Romanos pacem & salutem prouinciarum annuo tributo redimere coegerunt, & subactis Germaniæ gentibus semper antea liberis, docuerunt Germanos nisi à Germanis domari non posse: alij cum spe honorum & opum inducti ad Romanos se contulissent, Tribunatus legionum, Magisteria militiæ, ordinarios Cónsulatus, nonnumquam Imperium ipsum quoque, præmia meritorum votis suis maiora sunt consecuti: qui tamen haud paullo maiori laude digni fuissent, si præsentí statu contenti in patria remanere, & eandem virtutem, quam Romanis aduersus populares

suos sæpenumero præstiterunt, popularibus aduersus Romanos præstare maluissent. Me quidem, vtcumque hæc accipientur, nequaquam pænitebit clarissimæ gentis ac summorum virorum facta supra millesimum & trecentessimum annum repetita veterum auctorum collatione illustrauisse; atque de occasu Imperij Occidentis, & de obscuris initis nationum, quibuscum Franci bella gesserunt, noua nec à quoquam prodita dixisse; & hoc qualecumque est munus patriæ obtulisse, cui si nihil aliud, fidem certè ac diligentiam præstare conabor.

Anno
Christi
nati
CCLV.



FRANCORVM nomen Romanis primùm audiri, & arma metui cœpere Valeriani principatu, cum pauci ex his traiecto Reno, quo à Gallis diuidebantur, in Galliam eruptionem fecerunt, & per inferiorem, superioremque prouinciam Germaniam sunt effusi. Præerat tum opido Mogontiaco Aurelianus Tribunus legionis VI Gallicanæ, qui Francos incôpositos adortus septingentos occidit, trecentos captos sub corona venundedit: cuius victoriæ tâta Romæ fama percrebuit, vt Aurelianus Imperator Galliarum restitutorem appellaret, & de eo facti versus tota Vrbe percelebrarentur. Ceterùm nemo mirari debet, quòd Francorum nomen à Romanis primùm auditum Valeriano imperante dixerim: cum contra Auctôr Chronici Alexandrini tradat, Traianum Decium Aug. ante bienniũ quàm Valerianus Imperator appellaretur, dum expeditionem in Francos faceret, vnà cum filio Herennio Etrusco Decio à suis occisum esse: quippe reliqui omnes historici Decios transgressos Danubium in expeditione Gothica periisse scribunt.

Dum Valerianus Aug. in Mesopotamia cum Sapôre Rege Persarum aduersus auspiciis pugnat, P. Licinius Gallienus Aug. Francos, quos Aurelius Victor, & Zosimus libro 1 Germanos vocant, in Galliam incursionem facere conantes transitu Reni strenuè arcuit, vsusque consilio Postumi, qui tum iuuentæ Gallieni, deinde Salonini eius filij pueritiæ moderator fuit, icto foedere fe-

rarum gentium motum compressit, & Belgarum securitati consuluit. Vnde apud Zonaram dicitur Gallienus cum Francis bellum gessisse.

Non fuit patre fortunatior in regendo Imperio Gallienus, quo Romæ ludos & conuiuia parante, cùm extra Italiam torferè tyranni, quot prouinciæ essent, occasione inuitati Franci complures variis ex pagis, (quippe multæ Germaniæ gentes Francorum finibus, & nomine continebantur) tumultuariis myoparonibus extimam Galliæ oram prædando sunt præteruecti, fretoque Gaditano mare internum ingressi, Hispaniam citeriorem attingere. Ibi Franci non contenti vicorum, & castellorum spoliis, caput ipsum regionis Tarraconem, vrbem maritimarum clarissimam & opulentissimam, nudam præsidio cepere, diripere, ac diruere: tantùmque tractus eius populis terrorem iniecere, vt annos ferè XII quamdiu Gallienus & Claudius Imperium obtinuerunt, totam Hispaniam in potestate habuerint, & rapinis, cædibus, incendiisque vastauerint: Nonnulli etiam in Africam transmisere, à sociis spe maioris prædæ disuncti.

De ea Francorum expeditione commemorant Nazarius in Panegyrico, Eusebius Pamphilus in libro I Historiæ temporum, Aurelius Victor, Eutropius, ac Magnus Paullus Orosius. Et Nazarius quidem scribit *Francos, cùm ad bella efferuescerent, ultra ipsum Oceanum aestus furoris euectos, Hispaniarum etiam oras armis infestas habuisse.* Ex quo intelligitur eos nō solùm etate Gallieni, sed sæpe aliàs partem Hispaniæ Tarraconensis interno mari appositam piraticis expeditionibus terruisse. Eusebius, quem Hieronymus transtulit, addit Gallieno voluptatibus dedito, à *Germanis* (hoc est à Francis) *Hispanias obinentibus Tarraconem expugnatam esse.* Apud Aurelium Victorem dicitur Gallienus rem Romanam quasi naufragio dedisse, adeo vt *Alamannorum Iuthungi Italiam; Francorum gentes, direptâ Galliâ, Hispaniam possiderent, Tarraconem opidum vastarent, ac pane diruerent: noctæque in tempore nauigia pars eorum usque in Africam transiret.* Quibus verbis indicat Victor Francos terrestri iti-

nere totam quàm longa est, Galliam populabundos peragruisse, transscensôque Pyrenæo Tarraconem cepisse: tum aliis ad excidium Hispaniæ conuersis, alios in vacuas naues opportunè oblatas insiluisse, & in Africam transmisisse. Quæ Victoris sententia quantam cum Nazarij opinione, tantam cum veritate dissimilitudinem habet: quis enim credat Francos non modò nullo hoste prohibente Renum transire; sed etiam omnem Galliam incursione vastare, Pyrenæos montes transgredi, per Hispaniam effundi, & onustos præda retrò quæ venerant domum redire potuisse? Eutropius ait Gallieno Reip. habenas per summam ignauiam & molliem remittente; *Alamannos depopulatis Galliis in Italiam erupisse: Germanos (id est Francos) vsque in Hispanias penetrauisse, & ciuitatem nobilem Tarraconem expugnauisse.* Oroslus Hispanus de eare in libro vii sic refert. *Capto Valeriano, Germani (ita Iuthungos appellat) Alpihus, Retiâ, Italiâque penetratâ, Raucennam vsque perueniunt. Alamanni Gallias peruagati etiam in Italiam transcunt. Germani vltiores abrasâ potiuntur Hispaniâ. Exstant adhuc per diuersas provincias in magnarum urbium ruinis parua, & pauperes ades, signa miseriarum, & nominum indicia seruantes: ex quibus nos quoque in Hispania Tarraconem nostram ad consolationem miserie recentis ostendimus.* Idem eodem in libro deflens luctuosam cladem, quam Alani, Vandali, & Sueui Honorij principatu ætate sua Hispaniæ intulere, antequam eius provincias factâ inter se pace sortirentur: *Hoc nuper, inquit, per biennium illud, quo hostilis gladius sauiit, sustinuere à Barbaris Hispania: quod etiam sub Imperatore Gallieno per annos prope modum XII Germanis vltiores appellat, non quòd vltra Renum habitabant, eoque flumine à Germanis provincialibus diuidebantur, nam id & Alamannis conueniebat, sed quòd vltioris inferiorisve Germaniæ, à citiore Mæno flumine diuisæ, vltimam partem ripæ Reni & oræ Oceani proximam tenebant: apertèque indicat Tarraconem post excidium nihil præter nomen retinuisse, & intra CXL annos florentissimam quondam ac*

validissimam urbem minimè resurgere potuisse: quamvis Magnus Aufonius in libro de Claris Urbibus, & Aurelius Prudentius, natione Hispanus, ac Orosij æqualis ~~æli ætate~~ prodant sua eam ætate arce, & inauratis tectis insignem fuisse. Alamannorum, quos & cum Orosius Gallias peruagatos ait, Rex erat Chrocus, cui capto apud Arelatum iussu Mariani Præsidis collum præcisum esse Gregorius & Sigibertus scribunt. Hic est Chrocus, qui cunctas ædes antiquas in Gallia, præ ceteris in urbe Aruernis delubrum vetus è marmore, Vasso à Gallis dictum incendit ac diruit, atque Priuatum Gabalitanæ ecclesiæ Episcopum idola colere recusantem fuste percussit.

Dum Franci igni ferroque Hispaniam vastant: M. Cassius Postumus Gallus, interfecto Salonino Cæsare, Galliarum Imperium occupauit, & (sicut ait Trebellius Pollio) *Celtica, & Francica*, hoc est Germanorum, & Francorum magna accersuit auxilia: quibus instructus cum Gallieno, Præfectisque Gallieni diu bellum variâ fortunâ gessit: donec tandem, oppresso insidiis Postumo, Lollianus Principatum obtinuit, Victorino ipse cessurus. Sunt qui asserant Lolliani partibus afflictis Postumum à militibus suis occisum esse, quod Mogontiacum illis ad diripiendum tradere noluerat. At Gallienus, quasi omnibus hostibus superatis, mimicum Romæ triumphum egit Albino II, & Dextro Coss. ostenditque populo Romano ductos in catenis iuuenum globos ducenû capitum singulos, quorum alium Persarum captiuorum, alium Gothorum, hunc Sarmatarum, illum Francorum esse credi volebat: & decimum imperij annum magnificis ludis celebravit. Idem postea, siue eos hoc bello ceperat, siue mercede accersuerat, nonnullos ex Francis delectos corporis custodibus immiscuit. Certè Bonicum, quem Francum natione fuisse nomen indicio est, Stipatorem Gallieni Principis Claudius adhuc priuatus in epistola ad Regillianum Ducem appellat. Ceterùm apud Trebellium Pollionem, & Aurelium Victorem dicitur Postumus non modò Germanas gentes, Francos in primis, armis ex Gallia expulisse, eîusque provinciis pacem ac securitatem reddidisse: sed etiam castella trans Renum in

Anno
CCLXIII.
post Christi
natum.

agro barbarorum posuisse, & communiuisse; quæ post eadẽdem Postumi primo impetu Germanorum direpta, ac incensa Lollianus restituit. Deusonem quidem, quod erat in Francia castellum contra Coloniam Agrippinam, præsidio occupauisse Postumum, & Maculam, opidum ^{Præsidium Germani Francici} ~~Barbarorum ab Francis captum~~, quod hodiè- que Ancusam appellant, recepisse indicant Postumiani nummi, HERCVLI DEVSONIENSI, & HERCVLI MACVSANO inscripti: quorum nota est ex altera parte Postumus, ^{in altera parte nudus, clauam ut armum tenens} ~~nudus, clauam tenens~~, ex altera templum. Idẽmque Postumus, ob pulsos Galliã Germanos, in quibusdam nummis Reno flumine signatis, RESTITVTOR GALLIÆ, in aliis GERMANICVS MAXIMVS vocatur.

ccclx-
xiv:

Interemto ab suis Gallieno, & Marco Aurelio Claudio Aug. natione Dardano qui ex Duce factus erat Imperator, intra biennium mortuo, L. Domitius Aurelianus Sirmienfis, Dux fortissimus rerum potitus est, & altero Consulatu ex Oriente, & Occidente triumphauit, captâ Zenobiâ Reginâ, Tetrico in deditionem accepto, qui ex Senatore, & Præside prouinciæ Aquitaniz, beneficio Victoriæ Victorini matris factus erat Imperator: & (quemadmodum Flavius Vopiscus scribit) inter ceteros religatis post tergum manibus Francos, atque Germanos ante currum duxit, quos Tetrico bellum inferens, fortè per Galliam effusos, ac populabundos oppresserat: quare & ipse Germanicus Maximus est appellatus: & Aurelius Victor memoriæ tradit, ab Aureliano, *Germania Galliã pulsus, Tetrici legiones casus esse.*

Eiusdem Principis auspiciis videtur Marcus Aurelius Probus flumen Renum transiisse, & Francos in suis finibus inopinantes fudisse. Nam cùm Imperium à militibus Probo delatum Senatus decreto confirmaret, eum Francicum vocauit; quodd (vt apud Flauium Vopiscum Syracusanum Manlius Tatianus loquitur) *testes Probi virtutis essent Franci in suis strati paludibus: testes Germani, & Alamanni longè à Reni summoti litoribus.*

Florebat tum Pompeianus Dux, qui quodd forsitan Francus natione erat, cognominatus est Francus, quem

in Eusebij Chronicò inuenio in magna apud Immam Aureliani aduersus Zenobiam pugna ad XXX lapidem ab Antiochia fortiter fecisse. Eius posteros sua ætatè Antiochiæ adhuc mansisse tradit Hieronymus, in his Euagrium Presbyterum amicum suum, virum diuitem, nobilem, ac doctum, quem principatu Theodosij Magni pars Antiochenisium Catholicorum Flauianum auersata Paulini mortui in locum Episcopum suffecit, & quem Basilus in Epistola V III Presbyterum Euagrium filium Pompeiani Antiochensis appellat.

Aureliano III, & Marcellino Coss. post Aureliani mortem fuit per sex menses sine Imperatore Respublica: militibus ad Senatum inuicem Senatoribus ad milites electionem Principis reiicientibus. Hoc interregnum rei bene gerendæ opportunitatem rati Germani magnis coactis copiis limites aperuere, & vrbes Galliæ LXX opulentissimas velut perpetuæ possessionis causâ occupauere: nec M. Claudius Tacitus ex Consule, & Principe Senatus Augustus salutatus, propter Imperij vix semestris breuitatem potuit vexatæ prouinciæ opitulari: cuius successor Probus Sirmienis, Magister antè militiæ, Germanorum millibus quadringentis (si ipsi de se credimus) cæsis, opida & prædam omnem recepit: reliquosque trans Renum secutus partim vltra Nicrum flumen, partim vltra Albim remouit: nouem Regibus obsides, frumentum, pecus, ac sexdecim millia tironum imperauit: & his conditionibus pace cum Germaniæ gentibus facta, in supradicta ripa castella è regione extremarum vrbium Galliæ posuit: ac collocatis ibi prædiis agri quantum satis erat assignauit: quem *limitem transrenanum* Valerianus Aug. apud Pollionem, & Valius Cornificius Gordianus Consul apud Vopiscum appellant. Quare Aurelius Victor prodit à Probo *Barbarorum gentes attritas esse, quia Principibus Romanis* (hoc est Aureliano, & Tacito) *suorum scelere interfectis irruerant.* Et Eusebius in Chronico, Eutropius libro IX ac Orosius libro VII scribunt Gallias, quas Barbari occupauerant, Probi felicitate restitutas, & multis ac grauib; præliis deletis tandem hostibus esse liberatas. Bar-

baros hosce Zosimus in libro primo Lugiones, Lygióſve, Francos, Burgundiones, & Vandalos vocat, atque Probum, vt vrbes Germaniæ ciſrenanæ vexatas à Barbaris accolis Reni vindicaret, in Galliam contendisse: ac primum cum Lugionibus, quorum Ducem nomine Semnonem, Ducisque filium ceperit; deinde cum Francis, quos per præfectos vicerit, postremò cum Burgundionibus, & Vandalis pugnauisse: ac demum rebus repetitis, & redditis bellum compositum esse. Ex ea victoria cognomen Francici maximi, & Germanici maximi retulit Imperator Cæsar M. Aurelius Valerius Probus, vt inscriptio ab Onufrio Panuino libro II Fastorum inserta confirmat, & Germanos captiuos in triumpho duxit, eosque, ac supradictos tirones per varias Imperij Romani prouincias sparsit, plerisque in limitibus constitutis.

Euentus docuit mutatione cæli animum non mutari. Pauci enim ex Francis, qui in Pontò fuerant collocati, posteaquam detineri Probum bellis ciuilibus audierunt, cum naturali patriæ desiderio, tum otij impatientia, & odio Romanorum ducti, deprehenſis nauibus Bosporum Thracium, Propontidem, ac Hellespontum, deinde Ægæum, & Ionium mare sunt emensi. In transcursu oras Asiæ minoris, Thraciæ, Macedoniæ, & Græciæ crebris excursionibus vexauere. Visum est exinde Siciliam petere insulam assuetudine pacis imbellem, & opulentem: quam vt tenuerunt, agris vastatis, vicis incensis, ipsum prouinciæ caput Syracusas cum magna strage expugnauerunt, prædæque in naues impositâ, Africæ litora legerunt: hanc dum latrocinandi dulcedine illecti sæpius infestant, nihil propius est factum, quam vt missis Carthagine copiis opprimerentur. Pulsi itaque celeriter naues conscenderunt, & Numidiam, ac Mauritaniam præteruecti, superato freto Gaditano, Oceanum intrauerunt. Tandem longo Hispaniæ Galliarumque circuitu salui & incolumes in Franciam ad suos postliminio redierunt.

Expeditionis huius Francorum, & susceptæ audacter, & feliciter fortiterque confectæ, mentionem facit Eumenius in oratione, quam habuit de rebus gestis Fl.

Valerij Constantij Nobilissimi Cæsaris. *Recurſabat* (inquit) *in animos illa ſub Diuo Probo paucorum ex Francis captiuorum & incredibilis audacia, & indigna felicitas: qui, à Ponto uſque correptis nauibus, Græciam, Aſiâque populati, & impune pleriſque Libya litoribus appuſi, ipſas poſtremo, naualibus quondam victoriis nobiles, ceperant Syracuſas: & immenſo itinere peruecti Oceanum, quâ terras irrumptit intrauerant, atque ita euentu temeritatis oſtenderant nihil eſſe clauſum Piratica deſperationi, quò nauigiis pateret acceſſus.* Zofimus in libro 1 ab Eumenio diſſentit, ſcribitque Francis aliquot, qui à Probo petierant, vt ipſis agrum daret; ſedes attributas eſſe: nec multo poſt partem eorum ab Imperatore deſciuiſſe: contractiſque nauibus omnem Græciam tumultu perturbauifſe: inde in Siciliam traieciſſe, & claſſe de improuiſo ad Syracuſas applicatâ portum intrauiſſe, ac magnam in vrbe cædem feciſſe: mox Libyam petiifſe, & à Carthagenenſibus in naues compulſam, nullo incommodo accepto domum rediifſe. Libyam Eumenius, & Zofimus; vtî antè Virgilius, vocant prouinciâ Proconſularem, in qua magna Carthago eſt, quæ apud omnes ferè Geographos, & Hiſtoricos propriè Africa dicitur. adèò vt nobiliſſimum Carthagenenſium portum Nazarius, Seuerus Sulpicius in libro de Virtutibus Ægyptiorum Monachorum, atque Gregorius libro x Hiſtoriæ Africæ portum appellant. Ceterùm in deſcriptione nauigationis Zofiſimum potiùs, & oram ipſam maritimam; quàm Eumenium ſum ſecutus: propterea quòd inter Pontum & Græciam Aſia interiacet: & ex Aſia in Africam tendentibus pluriſima cùm continentis, tùm inſularum opida, & litora prænauiganda ſunt.

Quo tempore ſupradicti Franci refertis prædâ nauibus patriam petebant: Proculus, à Francis deducens genus, Galliæ Imperium, & quæ prouinciæ eius erant, Hiſpanias, ac Britanniam obtinuit. quem Probus fugatum in vltimam Galliam, cupientemque Francorum auxiliis adiungi, à quibus originem ſe trahere dicebat, ipſis prodentibus Francis (vt ſcribit Vopiſcus) apud Coloniâ Agrippinam yicit, & interfecit. Idem auſtor eſt,

cùm Romanæ naues lusoriæ appellatæ, in quibus milites ad arcendos transitu Germanos excubare solebant, ab eisdem Germanis in flumine Reno essent incensæ: Bonosum Præfectum classis, ne poenas negligentiae daret, Imperium arripuisse, moxque armis Probi, adiuti copiis Francorum, quos Barbaros, & Germanos vocat, circa Coloniam Vbiorum oppressum esse. Tum Probum redditâ Prouinciis pace, in Pannonia, & sicut Aurelius Victor tradit, in Mœsia quoque, & Gallia militum manibus vineas instituisse: & emissâ palude agrum Sirmiensem siccare cœpisse. illos indignantes vinitorum se ac fossorum loco haberi; in Probum impetum fecisse, fugientemque interemisisse: ac Marcum Aurelium Carum Narbonensem Præfectum Prætorij Augustum salutauisse. quam Probi cædem suam esse occasionem rati Germani, qui circa ripam Reni colebant, hoc est Franci, atque Alamanni, in Galliam incurrerunt: cuiusque finibus ab Carino Cari filio sunt expulsi. quare Aurelius Victor scribit, missum à Caro ad muniendam Galliam maiorem filium, quam cognitâ Probi morte Barbari opportunè inuasérant. & Olympius Nemesianus in libro Cynegeticôn, quem post Marci Aurelij Cari obitum, Carini, & Numeriani fratrum principatu edidit, alterum Germanorum & Sarmatarum victorem; alterum domitorem Persarum laudat his versibus.

*Mox vestros meliore lyrâ memorare triumphos
Aggrediar, Diui fortissima pignora Cari.
Atque canam nostrum geminis sub finibus orbis
Litus, & edomitas fraterno numine gentes,
Quæ Renum, Tigrimque bibunt, Tanaisque remotum
Principium, Nilique vident ab origine fontem.
Nec taceam primum, qua nuper bella sub Arcto
Felici Carine manu conseceris, ipso
Pane prior genitore Deo.*

Diocletiano II & Aristobulo Coss. Carinus post patris, fratrisque mortem interemptus est, & Diocletianus Dalmata ab exercitu Augustus consalutatus, Maximianum amicum suum Cæsarem, ac mox Imperatorem appellandum curauit, qui Maximo & Aquilino Coss. Rusticos,

Bacaudas Gallis dictos, Æliano, & Amando ducibus bellum cientes, & iam vastatis agris opida oppugnantes feliciter oppressit. nec multo post Burgundiones, Alamannos, Chabiones, & Erulos, in Galliam effusos partim fame, partim ferro confecit: atque ædificandæ apud Bononiam classi, & vindicando à Francorum, & Saxonum latrociniis mari Belgico, & Armorico Carausium præposuit, quem Eumenius in Batauiâ; Aurelius Victor in Menapia Galliæ Belgicæ regione ei finitima, natum ait. Is vir obscuræ originis, sed spectatæ virtutis, oblatam sibi facultatem putauit rei familiaris potius quàm publicæ agendæ, augendæque. & cùm per multos piratas domum redeuntés exciperet in freto Britannico; neque aut prædam omnem filco inferret; aut prouincialibus, quæ cuiusque fuerant, restitueret: suspectus fuit societatem latrocinij cum Barbaris coiuisse. quare à Maximiano iussus occidi, corrupto exercitu Britanniam occupauit: vti Aurelius Victor, Eutropius, ac Orosius scribunt.

At Maximianus, indignatus tantâ Francos confidentiâ in Galliam incursiones fecisse; Renum transiit, eorûmque agros inuicem est depopulatus. quam expeditionem hîc apud ipsum verbis extollit Claudius Mamertinus. *Tu, Imperator inuicte, feras illas indomitâsque gentes vastatione, præliis, cadibus, ferro, ignique domuisti. Audieras hoc, Imperator? an ipse per te diuinâ tuâ mente prospexeras, ita demum hostes funditus posse subuerti, si in propriis sedibus vincerentur, nec prædam modò, quam cepissent, amitterent; sed ipsi coniuges, ac liberos, & parentes suos, & carissima omnium capta mærerent.* Eam ob causam Auctor orationis habitæ in nuptiis Fl. Constantini ait, *Maximianum eius socerum (quod iam falsò traditum de antiquis Imperatoribus putabatur) Romana trans Renum signa primum Barbaris gentibus intulisse. Quasi non Probus idem paucis antè annis fecisset.* Maximianum in Francia statiuâ habentem Atech seu Adech Rex Francorum, magna multitudine comitatus, pacis petendæ & sui purgandi causâ conuenit: ac rebus ex sententia confectis domum reuertit. Genobaudes autem, quem for-

tasse amantem otij, bellumque dissuadentem Franci expulerant; tum ab eodem Maximiano in regnum est restitutus. *Per te* (inquit Mamertinus) *regnum recepit Genoboudes: Atech vero munus accepit. quid enim aliud ille expetuit, in conspectum tuum cum omni sua gente veniendo, nisi ut tunc demum integra auctoritate regnaret, cum te Maximiane placasset? Ostendit ille te idemidem, ut audio, popularibus suis: & intueri diu insit: & obsequia discere: cum tibi ipse seruiret.* Idem in Genethliaco Maximiani Aug. dicit eum tropæa Germanica in media Barbaria constituisse: & Francos armorum terrore coegisse, ut ad petendam pacem cum Rege venirent: Ob hanc, quam Mamertinus vocat *transfrenanam victoriam*, & fusis Francis confectum bellum Piraticum: Diocletianus Docleates & Maximianus Pannonius Francici, & Germanici sunt appellati. (quippe titulos suos, sæpe leuibus proeliis quæstos, alter cum altero communicabant) Certè apud Onufrium vocantur IMPP. CÆSARES. C. AVRELIVS. VALERIVS. DIOCLETIANVS. IOVIVS. ET MARCVS. AVRELIVS. VALERIVS. MAXIMIANVS. HERCVLIVS. II V. IMPERATORES. PII. FELICES. AVGVSTI. PERSICI. FRANCICI. ALEMANNICI. GOTHICI. GERMANICI.

ccxci. Non multo post expeditionem Germanicam Maximiani, Tiberiano & Dione Coss. Cōstantius ortus opido Dardaniæ Naifo, Flauij Eutropij filius, Crispi Claudij Aug. fratris ex Claudia filia nepos, cū Maximiano Cæsar creatus est: prauersusque ortus & aduentus sui nuntios in vltimam Galliam contendit: Geforiacum portum Morinorum, quam & Bononiam vocabant, oppugnauit: & iactis molibus cū vt Carausianum præsidium exitu, sic Britannica auxilia aditu prohiberet, in fidem recepit. deinde terram Bataviam, quam permittente Carausio Chamaui, Frisij, aliæque Francorum gentes occupauerant, recuperauit: Francosque partim interfecit, partim expulit, partim captos vnà cum coniugibus & liberis in incultis agris Galliæ collocauit: vt quam ipsi fecerant, solitudinem habitarent, & Romana deinceps signa sequerentur ex Germanis prouinciales, ex hostibus com-

militiones. præterea hiberna alarum & cohortium, quæ à Francis fuerant euerſa, in ripa Reni reſtituit. Vnde Eumenius in laudatione Conſtantij Cæſ. ſcribit Conſtantium terram Batauiam, quam Vacalis interfuit, & diuortiis aquarum Renus amplectitur, *ſub ipſo quondam alumno ſuo* (id eſt ſub Carauſio Batauo) à diuerſis Francorum gentibus occupatam, ab omni hoſte vindicauiſſe: nec contentum victoria, eas in Romanum ſolum tranſtulſiſſe: neque aut ſitu locorum ad fraudes accommodato, aut paludum & ſiluarum perſugiis Barbaros defendi potuiſſe: quominus omnes in deditionem redigerentur, & cum coniugibus, liberis, ac rebus ſuis, magniſque examinibus neceſſitudinum in loca deſerta commigrarent, & in deſtinatas ſibi ſolitudines traducerentur. tum ita orationem concludit: *Insultare meherculè communi Galliarum nomine libet, & (quod pace veſtra loquar) ipſis triumphum aſſignare prouinciis. arat ergo nunc mihi Chamaus, & Friſius: & ille vagus, ille prædator, exercitio ſqualidus operatur: & frequentas nundinas meas pecore venali: & cultor Barbarus laxat annonam. Quinetiam ſi ad delectum vocetur, accurrit, & obſequiis teritur, & tergo coeretur, & ſeruire ſe militia nomine gratulatur.* Idem in orat. de reſtituendis ſcholis Auguſtodun. ait Batauiam, qua tum deſineret eſſe Barbaria, non minùs feritate Francorum velut hauſtam deſediſſe, quàm ſi eam circumfuſa flumina, & mare alluens operuiſſet: ac ſub dextra Conſtantij ipſam, atque Britanniam ſqualidum caput ſiluis, & fluctibus tandem exerere. De eadem Conſtantij expeditione ita loquitur Auctoꝝ Epithalamij Conſtantini Aug. & Fauftæ. *Multa ille Francorum millia, qui Batauiam, aliàsque cis Renum terras inuaſerant, interfecit, depulſit, cepit, abduxit.* Et Iulianus ſcribit auos Conſtantij Maximianum, & Conſtantium Barbaros agris, quos iam dudum occupauerant, expulſiſſe, iſſque munita caſtella opoſuiſſe.

Post receptam à Conſtantio Batauiam, Carauſius Britanniam nihilominùs tenebat: & magna coacta claſſe, atque ad prædam euocatis non mediocribus copiis Francorum, mare infeſtum habebat: dux acer, & peritus;

felix quoque, si vt contra vim hostium, ita contra domesticorum insidias munitus esse potuisset. Hunc enim septimo anno postquam in insula regnare cœperat, Allectus Præfectus occidit, principatûmque occupauit. Tum primûm Constantio Cæsari spes accessit Britanniz potiundæ. itaque Reni ripam tuente Maximiano Augusto, ne Franci, aut Alamanni in Galliam irrumperent; Asclepiodotum Præfectum Prætorij, cum parte classis præmisit, reliquis copiis ipse subsequitur. Et Asclepiodotus quidem ostio fluminis Sequanz in Oceanum inuectus, nebula prospectum adimente, classem hostium ad Vctim insulam stantem feliciter euasit, & in terram milites exposuit. At Allectus in portu Rutupino ad fretum firmo nauium præsidio relicto, cum aliis, tum maximè Francis mercede conductis fretus, Asclepiodoto occurrit: commissoque prælio, anno imperij tertio, victus est, & occisus. Complures Franci ex prælio superfuere, ac Londinium Cantiorum se contulere: fugissentque direptâ vrbe copiosissima: nisi Constantiani aliquot, qui à commilitonibus fortè deerrauerant, aduerso Tamesi flumine eodem delari incautos, & per vicos domosque discurrentes oppressissent. Confecto iam bello transit in Britanniam Constantius: & compositis rebus, quod agri Ambianorum, Bellouacorum, Tricassium, & Lingonum vacabat, à Francis captiuis coli habitarique iussit: sicut antea Francos dediticios in Treuironum finibus Maximianus collocauerat. Hic est Constantius, quem quoddam in Occidentis partibus Cæsar erat Maximiani Herculij Aug. bis ab Eumenio in oratione pro restaurandis scholis *Cæsarem Herculium* appellari notasse me, & Ioanni Tristano viro doctissimo indicasse memini.

Ceterum legimus plerosque Allecti milites, vt quamplurimos secum Germanos habere crederentur, Francorum auxilium vestitu habituque vsos, cæsariem etiam promississe, ac sapone vnxisse. Certè Eumenius scribit neminem ferè Romanum in acie cæsum esse: solosque Barbaros, aut more Barbariz cultos, & prolixo crine rutilos; tum verò puluere, & cruore foedatos totis campis & collibus iacuisse: & inter eos ipsum vexilla-

rium latrocinij. deinde ista subiicit. Enimvero, *Cæsar inuictæ, tanto Deorum immortalium tibi est addicta consensu victoria omnium quidem, quos adortus fueris, hostium; sed præcipuè internecio Francorum: ut illi quoque milites vestri, qui per errorem nebulosi maris abiuncti, ad opidum Londiniense peruenierant: quidquid ex mercenaria illa multitudine Barbarorum prælio superfuerat, cum direptâ ciuitate fugam capessere cogitarent, passim totâ urbe confecerint: & non solum provincialibus vestris cade hostium dederint salutem, sed etiam spectaculo voluptatem. O victoria multi iuga, & innumerabilium triumphorum, quâ Britannia restituta: quâ gentes Francorum penitus excisæ: denique ad perpetuam quietem maria purgata sunt. Pulsis Batauiâ, ac Britannia Francis merito Flavius Valerius Constantius Chlorus, (ut apud Onufrium Panuinium in libro II Fastorum legimus) Germanicus, & Francicus est appellatus. Quare Iulianus in laudatione Constantij scribit, auos eius Maximianum Herculium, ac Constantium Galliam ab hostibus vindicauisse: & finitimos Barbaros rapinis, & incursionibus prohibuisse.*

Eumenius in oratione habita de rebus gestis Constantini Aug. auctor est Constantium receptâ Britannia, interiores Franciæ nationes non iam ab his locis, quæ olim Romanis eripuerant; sed à propriis, & origine suis sedibus, atque ab ultimis Barbariæ litoribus auellisse: ut in desertis Galliæ regionibus collocata, & pacem Romani Imperij cultui inuarent, & arma delectu. in Lingonicis campis, & circa Vindonissam Alamannos præliis fudisse: atque immanem ex diuersis Germanorum populis multitudinem in insula quadam Reni classe circumfedis, ac in dedicationem accepisse.

Diocletianus IX, & Maximianus VIII Coss. Imperium ^{ccciv.} ac purpuram sponte deposuerunt. Kal. April. & Fl. Constantium, ac Galerium Maximianum natum in Dacia mediterranea, quos Tiberiano & Dione Coss. Cæsares ^{ccxci.} creauerant, vocato ad concionem exercitu Augustos appellauerunt.

Constantio VI, & Maximiano VI Coss. in Britan- ^{cccvi.} niam profectus est Constantius Augustus, ut partem in-

sulæ sibi subiectam à Piëtis, libera Britannia gente, vindicaret. quâ occasione vsi Ascaricus, & Regaius Reges Francorum in Galliam cum magna manu irrupere. Nec multo pòst mortuo Constantio, Flavius Valerius Constantinus Naisitanus, maximus natu è filiis eius, à militibus Gallicanis & Britannicis Imp. appellatus, ex Britannia in Galliam transiit: Francosque inopinantes, vagos, prædâ graues, improuiso aduentu oppressit: Reges ipsos cepit: ambosque, quòd pacem fortè cum patre suo factam rupissent, per finitimas vrbes circumductos Gallis ostentauit: ac Augustæ Treuiorum, quæ tum regia eius erat, edito ob victoriam magnificentissimo munere, in media amphitheatri arena laniandos bestiis obiecit: priusquam à Maximiano Herculio matrimonio filia eius Faustæ, & Augusti nomine honoraretur. Francicos quoque ludos instituit, & quotannis per septem dies, nimirum ex ante diem Idus Iulias vsque ad XIII Kalendas Aug. cum aliis ludicris certaminibus, tum maximè Circensibus supradictam victoriam celebrauit. Sic enim in Fastis principatu Constantini digestis legimus.

Pridie Idus Ludi Francici Equorum Italicorum Proborum.

		<i>Idus</i>	
XVII.	<i>Kalendas Aug.</i>	<i>Ludi</i>	<i>Francici.</i>
XVI.		<i>Ludi</i>	
XV.		<i>Ludi</i>	
XIV.		<i>Ludi</i>	
XIII.		<i>Francici.</i>	

Eumenius Augustodunensis Rhetor de ea clade à Constantino Francis illata sic scribit, vt inuidiam crudelitatis non amoliat. *Imperatoris igitur filius, & tanti Imperatoris, & ipse tam feliciter adeptus Imperium, quomodo Rempublicam vindicare cæpisti? ignobilem credo aliquam Barbarorum manum, qua repentino impetu, & improuiso latrocinio ortus tui auspicia tentasset; affecisti penâ temeritatis? Reges ipsos Franciæ, qui per absentiam patris tui pacem violauerant, non dubitasti ultimis punire crucia-*

ciatibus: nihil veritus gentis illius odia perpetua, & inexpiabiles iras. cur enim ullam reputet inesse seneritati offensam Imperator, qui quod fecit tueri potest? Te verò, Constantine, quantumlibet oderint hostes, dum perhorrescant. Cautior licet sit, qui deuinctos habet per veniam perduelles: fortior tamen est, qui calcit iratos. Renouasti, Imperator, veterem illam Romani Imperij fiduciam, qua de captis hostium Ducibus vindictam morte sumebat. Inde est igitur pax ista, qua fruimur: neque enim Reni iam gurgitibus, sed nominis tui terrore munimur. Sciunt posse se Franci transire Renum: (quos ad perniciem suam libenter admittas) sed nec victoriam possunt sperare, nec veniam. quid ipsos maneat, ex Regum suorum cruciatibus metiuntur. ideoque tantum abest, ut amnis illius transitum moliantur: magis ut comperta potestate desperent. Vbi nunc est illa ferocia? ubi semper infida mobilitas? Iam ne procul quidem Renum audetis accollere: & vix securi flumina interiora potatis. contra hinc per intervalla disposita magis ornant limitem castella, quam protegunt. arat illam terribilem aliquando ripam inermis agricola, & toto nostri greges flumine bicorni mersantur. Hec est tua, Constantine, de Ascarici, Regisique supplicio quotidiana atque aeterna victoria, omnibus quondam secundis praeliis anteponenda. compendium enim est deuincendorum hostium Duces sustulisse. De eodem Constantini facto Nazarius loquitur his verbis. Tu, Imperator optime, inito principatu, adhuc aui immaturus, sed iam maturus imperio ostendisti cursum aetatis non expectandum in festinatione virtutis. Tu ferocissimis Regibus Ascarico, & comite suo captis, tantâ laude res bellicas aspiciatus es: ut eam auiâ magnitudinis obsidem teneremus. Vt Herculem ferunt tenerum adhuc atque lactentem duos angues manu elisisse. sic tu, Imp. in ipsis imperij tui incunabulis, quasi geminos dracones necares, per sauisimorum Regum supplicia praeudebas. Sic etiam Auctor Epithalamij Constantini & Faustae scribit cum ab ipsis Francorum Regibus auspiciatum esse: simulque & praeiterita illorum scelera (hoc est incursiones) punisse: & totius gentis lubricam fidem timore vinxisse. Eutropius denique in libro X Historiae Romanae ait Constantinum, cum Maximiani so-

ceri insidiis est petitus; in Gallis & militum & prouincialium ingenti fauore florentem regnauisse, casis Francis, atque Alamannis, captisque eorum Regibus: quos, cum magnificum spectaculum muneris parasset, bestiis obiecerit. De Alamannis autem nulla fit à ceteris scriptoribus mentio. contrà in libro de vita & moribus Imperatorum, quæ Aurelij Victoris epitome vulgò inscribitur; & in libro XI Historiæ miscellæ inuenimus Crocum Alamannorum Regem, Britannicæ expeditionis comitem Constantio sese adiunxisse: eiusque maximè operâ Constantinum patrio Imperio successisse. sed nimirum quemadmodum Francorum; sic & Alamannorum multi pagi, ac Reges fuere: vt alij Galliam depopulari; alij Romanos auxiliis iuuare vno tempore potuerint.

Non contentus Ascaricum, & Regaifum Reges indignâ morte affecisse Constantinus, Renum traiectis copiis, in Brueterorum fines; qui pagus Francorû flumen attingebat, impetum fecit: vt prædones prædationibus vicisceretur. & oppressis inopinantibus; multis occisis, captis; pecore abacto, vel iugulato; vicis, quotquot adiri potuerunt, incensis; se in Galliam recepit: puberesque omnes captiuos feris obiecit. ac imitatus Iulium Cæsarem apud Coloniam Agrippinensem pontem in Reno facere constituit, opus cum propter fluminis magnitudinem, altitudinēque arduum: tum ad traducendum exercitum accommodum. quo ponte incepto (perfici enim Constantinus vetuit difficultate aut metu deterritus: vel certò effectum Franci resciderunt) suis rebus timentes Franci pacem petierunt, obsidēque Constantino obtulerunt. *Vt omnibus modis* (inquit Eumenius) *Barbarorum immanitas frangeretur: nec sola hostes Regum suorum supplicia mererent, immisâ Brueteris vastatione fecisti, Imperator innicte. in quo optima consilij tui fuit ratio, quo exercitu repente traiecto, inopinantes adortus es: non quoddam aperto Marti diffideres, vt qui palam congregi maluisses. sed vt illa natio, per fugiis silvarum & paludum bellum solita frustrari, fuga tempus amitteret. Cæsi igitur innumerabiles: capti plurimi: quidquid fuit pecoris, captum, aut trucidatum est: vici omnes igne consumti: Puberes, qui in manus*

venerunt; quorum nec perfidia erat apta militia, nec ferocia seruituti, arena spectaculo dati sauentes bestias multitudine suâ fatigârunt. Insuper etiam in Agrippinensi ponte faciundo reliquiis afflictæ gentis insultas: ut ne umquam metus ponat, semper horreat, semper supplices manus tendat: cum tamen hoc tu magis ad gloriam Imperij tui, & ornatum limitis facias; quam ad facultatem quoties velis in hosticum transeundi. quippe cum totus armatis nauibus Rhenus instructus sit, & ripis omnibus usque ad Oceanum dispositus miles immincat. Hoc opus & difficile factum, & usu futurum est sempiternum. Certè quidem iam tibi in exordio sui hostium mouit obsequia, qui pacem supplices petierunt, & nobilissimos obsides obtulerunt. ex quo nemo dubitat, quid perfecto ponte facturi sint, qui iam seruiunt inchoato. Non multo post vindicaturi se à Flauio Constantino Bructeri, & Chamaui, Francorum gentes; (vt apud Nazarium legimus) cum Cheruscis, Vargionibus, Alamannis, & Tubantibus initâ belli societate in Galliam transiêre. ad quos Constantinus ipse, priuatum habitum indutus, ac duobus tantum equitibus comitatus quamproximè poterat accessit, negauitque adesse Imperatorem: ita suâ credulitate ad fiduciam elatos Germanos proelio fudit, ac concidit. quate Praxagoras Athenienſis apud Photium ait Constantinum initio principatus, priusquam Maxentio bellum inferret; Germanos, & Francos gentes finitimas ac barbatas pæne funditus euertisse.

Anno II post Consulatum decimum, & septimum, cccx. vel Maxentio III solo Consule Maximianus senior cognomine Herculus, pater Maxentij Aug. & Constantini Principis socer periit, cum bis depositam purpuram tertium resumisset. quod quomodo factum sit quoniam nemo diligenter scripsit operæpretium est exponere. Sic igitur partim ex veteribus Historicis, partim ex tribus Panegyricis, quorum vnus Eumenij; duo ignoti auctoris sunt, rem gestam esse colligo. Diocletianus IX Consulatu suo, & Maximianus VIII postquam Romæ ex Persis magnificum triumphum egerant, & ante puluinar Iouis Capitolini Imperium se deposituros alter alteri iurauerant: prior Nicomediz; posterior Mediolani vno

ccciv.

die purpuram priuato habitu mutauere: Maximianus eiurauit his verbis: Recipe Iupiter quod commodasti. eadēque hora Constantius, & Galerius Maximianus cognomine Iunior, qui Cæsares erant, Augusti sunt salutati: Seuerusque & Maximinus Cæsares creati. Et Constantius quidem Galliæ, Hispaniæ, ac Britannæ prouinciis quibus Cæsar præfuerat contentus, Italiam & Africam remisit Galerio collegæ. qui Maximinum Orienti, Ægypto, Asiæ ac Ponticæ diocesi; Seuerum Italiæ atque Africæ præposuit: ipse Illyricum, in quo dum Cæsar erat morabatur, retinuit. Anno II post Constantius cum Maximiano VI Consul Eboraci in Britannia insula decessit. ibidēque Constantinus eius filius, cum ad Diocletianum, Herculium & Galerium de summa Rep. quid fieri placeret retulisset, ab exercitu moræ impatiente delatam purpuram sumere coactus est: & Cæsaris tantum appellatione suscepta; Imperatoris recusatâ Gallias, Hispanias ac Britanniam obtinuit. factum militum iudicio seniorum Principum, hoc est trium supradictorum comprobatum est. Eodem anno Maxentius Maximiani Herculij filius Romæ à Prætorianis iniussu patris, & Galerij soceri consalutatus Augustus, Italiam & Africam paternum Imperium occupauit. qua re cognita Herculius Romam aduolat ex amœnissimo secessu Lucaniæ, verbo ut animos sedet, re ut Imperium quo non sponte cesserat recipiat: Diocletianumque in villa sua prope Salonas rusticantem ad resumendum Principatus fastigium frustra literis hortatur. Romam ut venit, rogatus à Senatu Populoque Rôm. iterum insignia imperatoria ac Augusti nomen accepit. ac insequenti anno Kalendis Ianuariis cum Constantino nonum iniit Consulatum. qui annus in Fastis Consularibus Hydatij omisso primi Consulis nomine ita notatur *Nonies & Constantino*; in libro Fastorum quem Ioannes Cuspinianus edidit, *Diocletiano IX & Constantino* manifesto errore: cum Diocletianus ante triennium tum nimirum cum Imperium deposuit, nonum Consul & Maximianus Herculius octauum fuerit. Eo anno Imperator Maximianus Herculius Seuerum Cæsarem à Galerio Maximiano

cccvi.

cccvii.

Aug. aduersus Maxentium cum magno exercitu missum, pecunia sollicitatis ad proditionem militibus non solum obsidionem vrbs Romæ soluere coegit: sed etiam desertum à suis comite filio persecutus obsedit Ra-uennæ: & perfidia ac simulatione colloquij deceptum vinxit: captiuique habitu in Vrbem perductū custodiri iussit, ac postea sub aduentum in Italiam Galerij iugulan-dum curauit: Per idem tempus Maximianus Herculi-us Aug. Constantinum ex Cæsare Imperatorem fecit, at-que ei Faustam filiam in matrimonium, ac suum Her-culij nomen, quemadmodū Constantio Chloro dederat, dedit. Proximo anno Imperatores Maximianus Hercu-lius decimum, & Galerius Maximianus septimum Con-sulatum inierunt. qui annus in Fastis Hydatianis notatur *Decies, & Maximiano septies, vel Maxentio & Romulo*: in Fastis à Cuspiniano vulgatis, *Diocletiano X & Maxi-miano VII*, simili eius de quo suprà diximus errore. quo anno Galerius Maximianus adscito in consilium Dio-cletiano, Licinium veterem amicum bellique Persici commilitonem, Cæsarem creauit. eique tutelâ Illyrici delegatâ, cum maximis copiis ingressus Italiam Maxen-tium generum suum Romæ obsedit, & arte Maximiani Herculij ab Vrbe repulsus est. quippe cū suos spe præ-miorum sollicitari ad defectionem, & multos ad hostem transfugere videret: timens ne vt Seuero contigerat, de-fereretur ab omnibus, Italiâ excessit. Tum Maximianus Herculus Maxentium filium iam confirmato imperio validum, cuius marciori metuebat, in concione purpura exuere conatus, conuicia & seditionem Prætorianarum cohortium tulit: magnūque adiisset periculum, nisi ad tentandam eorum in filium suum fidem id se egisse ficto extempore mendacio militibus affirmauisset. Itaque vbi animaduertit Galerio regente Illyricum & Thracias; Maximino Ponticam dioccesin, Asiam, Orientem, ac Ægyptum obtinente; Maxentio in Italia & Africa do-minante; Constantino trans Alpes imperante, nusquam sibi locum consistendi esse, nec se sine prouinciis & sine exercitu Imperatoriam dignitatem tueri diutius posse, iterum cedit Imperio, postquam annos circiter duos in-

cccviii.

ccc.

signia Principatus retinuerat. cùmque se odio esse Maxentio & eius militibus sciret, à Galerio Maximiano petiit, sibi vt per filium ex Vrbe & Italia expulso in Illyrico reliquum vitæ agere priuato liceret. repudiatusque ab Galerio anno II post Consulatum suum decimum, & Galerij septimum, sub specie officij velut visendi Constantini generi sui gratiâ in Galliam proficiscitur, à Maxentio se pulsum simulans: tamquam facilius esset generum spoliare quàm filium. Igitur in urbem Augustam Treuironum magno omnium fauore & obsequiorum occursum exceptus, priuatum otium in Galliis & regias opes à Constantino consequitur. moxque vt erat matura quidem senectute, sed cruda vir ambitione, & temeritate iuuenili: meditatatur dudum insidias genero molitur. à quo digressus Augustæ Treuironum, lentè iter faciendo consumptis annonis mansionum, ne quis eum sequi posset exercitus: Arelati in Palatio repente confedit purpuratus. & militibus aliquot sibi adiunctis bis depositum tertio usurpauit Imperium, literisque & pollicitatione præmiorum, ac honorum oblationibus exercitus Constantini ad transiitionem frustra sollicitauit. Qua re cognita Constantinus, qui tum in vrbe Treuiris commorabatur, cum omnibus copiis ad eum opprimendum contendit. & in Cabillonensi portu militibus in naues impositis, secundo Arare defluens Lugdunum; inde Rhodano Arelatum peruenit. qua vrbe iam relicta Maximianus Massiliam Græcorum se contulerat. vbi obsessus confestim oppressusque, & captus, cùm ad filium in Italiam perfugere pararet: ab irato Constantini milite fractis laqueo ceruicibus sexagesimo ætatis anno periit: ac fœda morte meritis perfidiæ & intempestiæ ambitionis ac sæuitiæ poenas dedit. satellites verius quàm milites, qui eum Imperatorem appellauerāt, ad vnum omnes interfecti sunt. Eutropius ac Orosius scribunt Maximianum venisse in Galliam, vt oblata occasione Constantinum interimeret: sed proditum à Fausta filia, quæ patris sui insidias & scelestas consilia viro aperuerat, profugisse Massiliam, ibique oppressum esse.

Constantino II, & Licinio II Coss. Fl. Constantinus

Maximus, qui postea ob imagines suas statuâsque in vrbe Emona deiectas, Licinio bellum intulit: indignatus statuas suas Romæ, iussu Maxentij affinis, euersas esse: iniuriam vlcisci constituit. arque vt ait Aurelius Victor, *compositâ pace per Gallias*, ac forsitan quoque cum Francis factâ: (quid enim pacati esse Gallis aliter poterat?) in Italiam profectus est: victoque & occiso M. Aurelio Maxentio Italiam, ac Africam occupauit. tum reuersus eò vnde venerat, tertio Consularu suo in Germaniam inferiorem contendit. quod Francorum magnæ copię ad ripam Reni confedisse, & datæ fidei immemores eruptionem minari dicebantur: simulânque timere se magis ab Alamannis superiori Germaniæ, celeriter in eam partem versùs castra mouit, ac suo discessu Francos citra flumen elicuit: qui cùm in occultas insidias incidissent, à Romanis circumuenti sunt, & oppressi. Interea Flavius Constantinus milites Renum transportauit: agros vastauit: vicos incendit: magno hominum numero capto, nec paucioribus deimprouiso cæsis Franciam terroris impleuit. Reportato demum exercitu, victoriam ludis celebravit, & captiuos crudelem in modum feris obiecit. Hic Constantini arrogantiam mirari libet, quod cùm Maximianum socerum suum paullo antè ob purpuram tertium sumtam occidisset, eiusdémque statuas subuerti iussisset in Galliis: parèm sibi à Maxentio eius filio factam iniuriam adeò iniquo tulit animo, vt armis vindicandam putârit.

Eodem tempore in Francia, è regione Coloniz Agrippinæ, Castrum Diuitensium iubente ac præsentè Constantino à Diuitensibus (quod legioni nomen erat) post victos Francos ædificatum esse arbitrantur Philippus Melanthon, Nicolaus Vignerus, Philippus Cluuerius, & Isaaces Pontanus, fictam abs Ruperto quodam Abbate inscriptionem secuti. quam cùm omnium auctorum de ea re silentium; tum maximè Postumiani nummi, & Hieronymus, ac Senator refellunt. ex quibus discimus nullum vsquam castrum Diuitensium; sed Deusonem in Francia castellum contra Coloniam Vbiorum ante Constantini principatum annis amplius L fuisse. quinetiam

Νουασιον siue Nouesium, (castrum cistrenanum Agrippinense proximum) quod Claudius Ptolemæus in magna Germania collocat: id mihi mutandum potius, & *Δουασιον*, hoc est Duasio, vel Deusio suo loco reddendus, quam tantus Geographus arguendus videtur. Denique Porphyrij quos subiecturus sum, versus nihil trans Renum Constantini fuisse declarant.

Supradictam Constantini aduersus Francos expeditionem ab obliuione vindicauit auctor quidam Gallus in oratione, quâ victum Maxentium, & receptam Italiam Constantino gratulatur. *Non fessus praeliis, & expletus victoriis (ut natura fert) otio te & quieti dedisti: sed eodem impetu, quo redieras in Gallias tuas, perrexisti ad inferiorem Germanie limitem: magnâ scilicet intercapedine temporis, ac breui locorum distantia! post annuam expeditionem statim bella auspicatus. Rupe rat fidem gens leuis, & lubrica Barbarorum: & robore, atque audaciâ lectis eruptionis auctoribus institisse Reno nuntiabantur. Ilico obuius adfuiisti: & presentia tuâ, ne auderent transitum, deterruisti. Et iam videbaris rem votis tuis fecisse contrariam: quod inhibita eruptione non foret materia victoria. sed inopinato consilio usus es. abeundo enim, simulato nuntio maioris in superiore limite tumultus; occasionem stolidis ac ferinis mentibus obtulisti in nostra veniendi: relictis in occulto ducibus, qui securos adorirentur. quò cum venissent, consilium tuum sequitur fortuna. toto Reni alueo oppleto nauibus deuectus; terras eorum ac domos mastas lugentesque populatus es: tantamque cladem vastitatemque periure genti intulisti, ut vix post illud nomen habitura sit. Quid hoc triumpho pulchrius, quo cadibus hostium vteris etiam ad nostrum omnium voluptatem: & pompam munerum de reliquiis Barbaricæ cladis exaggeras: ac tantam captiuorum multitudinem bestiis obiciis, ut ingrati & perfidi non minus doloris ex ludibrio sui, quàm ex ipsa morte patiantur? Inde est, quòd cum exitum differre liceat, perire festinant: seseque letalibus vulneribus & mortibus offerunt. Ex quo ipso apparet, quàm magnum sis vicisse tam prodigos sui. Facile est vincere timidos, & imbelles, quales amœna Græcia, & delicia Orientis educant;*
vix

vix leue pallium, & sericos sinus vitando Soli tolerantes: & si quando in periculum venerint, libertatis immemores, ut seruire liceat orantes. Romanum verò militem, quem qualemcumque ordinat disciplina, & sacramenti religio confirmat: aut truce[m] Francum, ferinā solā carne distentum, qui vitam pro victus sui vilitate contemnat, quantamolis sit superare, vel capere? quod tu, Imperator, & nuper in Italia, & in ipso conspectu Barbariæ paullo antè fecisti. Ex his iudicari potest quàm falsò simul & ridiculè affirmet Constantinus Porphyrogennetus Constantinum Maximum inter successores suos, & gentium exterarum Reges, præsertim Christianæ religionis expertes, affinitates contrahi vetuisse: vnīs Francis exceptis, qui & cognitione quadam, ac commercio cum Romanis iuncti essent: & splendore, nobilitate, ac potentia ceteris nationibus antecellerent. maximè quòd Constantinus ipse ex his partibus, hoc est ex Britannia Franciæ proxima Princeps ortus esset. apud Eboracum enim patre mortuo delatam sibi à militibus purpuram sumserat.

Ita fractis Franciæ viribus, non immeritò Constantinus Maximus Augustus præter cetera cognomen Germanici, & Francici vindicauit. quippe in inscriptione, quam Onufrius profert, appellatur IMP. CÆSAR. D. CONSTANTII. FILIUS. FL. CONSTANTINVS. MAX. VICTOR. AC. TRIUMPHATOR. PIVS. FELIX. INVICTVS. AVG. GERMANICVS. SARMATICVS. FRANCICVS. GOTHICVS. VANDALICVS. Constantini de Francis victorias intelligi voluit Eusebius libro I de vita eius, cum ait Barbaros, accolos fluminis Reni & Occidentalis Oceani, intractabiles, præcipiti audacta tumultuantes: à Constantino initio principatus domitos esse ac mansuefactos. alios autem, quotquot ad humanitatem traduci non posse intelligebat, velut feras quasdam bestias à finibus Imperij Romani remotos, & incurfionibus absterritos esse. Eisdem victorias per ironiam extollit Iulianus in libro de Cæsaribus, in quo anteponit sese Alexandro Magnò Flavius Constantinus Maximus: quòd illi cum imbellibus & pauidis Asiaticis: sibi cum Romanis, cum Germanis gen-



tibus; hoc est cum Francis & Alamannis; cum Scytharum quoque populis res fuerit.

cccxx. Multa deinde bella aduersus Francos paternâ fortunâ gessit Fl. Iul. Valer. Crispus Cæsar, quem Constantinus, ex Minervina priore coniuge genitum, Galliæ præfecerat: eosque & cis Renum, & in Francia præliis superauit. ut legimus in oratione, quam habuit Nazarius anno XV imperij Constantini Aug. Crispi, & Constantini iunioris Cæsarum quinto, Constantino VI, & Constantino Cæsare Coss. *Franci ipsi præter ceteros truces sub armis tuis ita conciderunt, ut deleri funditus possent: nisi diuino instinctu, quo geris omnia, quos ipse afflixeras, conficiendos filio reseruasses. Quamquam ad gloriam vestram secunda malis suis natio ita raptim adoleuit, robustèque recreata est, ut fortissimo Cæsari primitias ingentis victoria daret: cum memoriâ accepta cladis non infracta, sed asperata pugnaret. Quæ tuum, Constantine Maxime, mihi pectus inundauit gratulatio, cui tanto intervallo videre filium licuit, & videre victorem? Narrauit utique exhausta bella; & hoc ad tuam gratiam, non ad sui ostentationem: qualis in excipiendo hoste, quam resistenti vehemens, quam facili supplicanti. Addit Nazarius iacere in latere Galliarum, aut in sinu suo susam Barbariam: Crispumque Cæsarem iam in obterendis hostibus grauem, terrorem patrum, quo semper Barbaria omnis intremuit, deriuare ad nomen suum cepisse.*

cccxxix.

ccc-
xxxii.

Constantinus Gallias tametsi filiis alij post alium commissas non rarò visit ac inspexit, & V Consulatu suo ac Licinij Cæs. iterum Pacatiano & Hilariano Coss. Coloniâ Agrippinensē petiit. (sicuti leges ibi ab eo supra dictis Coss. latæ docent) credo ut cum Francorum Regibus colloqueretur, quos ab Agrippinensibus Renus diuidebat.

ccc-
xxv.

Post receptum armis orbem Romanum; quem Dio-
cletianus ante annos circiter XXXI V primus diuiserat: Constantino annum imperij XX Nicomedie ludis celebrante, Paulino & Iuliano Consulibus Fl. Iulius Crispus Francis bellum parabat inferre. sicut indicare videtur Publilius Optatianus Porphyrius, cuius hæc sunt versus

ex poëmate non laboriosè magis quàm ridiculè com-
posito ad Constantinum Aug. Vicennalia spectacula
edentem:

*Sed Crispi in fortia vires
Non dubia ripâ Renum, Rhodanumque tueri
Vltiore parant, & Francis tristia iura.*

Idem ait *populos feroces*, hoc est Francos, & Alaman-
nos, ductu Flauij Crispi Cæsaris, & Gallorum copiis
transitu Reni, ac rapinis prohiberi.

*Omnis ab Arctoïs plaga finibus, horrida Cauro,
Et tibi fida, suis semper bene militat armis:
Resque geris virtute tuas: populosque feroces*

Propellit.

Reliqua piget subiicere. Miror autem, cur Porphy-
rius vtramque Rhodani ripam neget tum Romanorum
fuisse: cum Rhodanus profluat ex monte Adula, qui
est inter Rætos, & Gallos: atque inde per Gallicas gen-
tes in mare decurrat: constetque Gallos omnes, ac Ræ-
tos sub imperio Constantini fuisse.

Et Crispum quidem adolescentem eximium, à Flauia
Maximiana Fausta nouerca de stupro frustra appellatum,
deinde falsò insinulatum credulus ac crudelis pater se-
ptimo Consularu iussit interfici. Mirum vt non sit Con-
stantinum, qui in cædem innocentis filij durauerit; in
Francos captiuos tam inhumanè sæuisse. Crispo substi-
tutus est Constantius Cæsar, sicut Iulianus scribit: qui
cum Regibus Barbarorum, inter quos Constantinus ex
industria bella seuerat; crebrò collocutus est: nec multo
post ad custodiam Orientis traductus: & Flauio Clau-
dio Constantino iuniori Cæsari Gallia commissa, qui
anno post patris obitum tertio, Acindyno & Proculo
Coss. temerè bellum ciens; dum spoliare fratrem cona-
tur, victus apud Aquileiam, & obtruncatus suum ipse
Imperium amisit.

Sic Flauius Iulius Constans, minimus natu è filiis Con-
stantini, Constantij Aug. nepos, qui Italiam, Illyricum,
& Africam obtinebat: ad eas prouincias Galliam, Hispa-
niam, ac Britanniam adiunxit. Eodémque tempore
Marcellino & Probinio Coss. Franci magnâ manu Re-

ccc:
xxvi.

cccx:

cccxli.

num transferunt: & cum Constante Augusto variâ fortunâ congressi, depopulatâ Galliâ in ea hibernauerunt: ac se Gallorum copiis aluerunt. quos Constans secundo Consularu, aino ætatis XX quia ferro minimè poterat, auro repulit: non (vti Libanius per adulationem mentitus tradidit.) alacritate suâ territos vt pacis conditiones reciperent subegit.

Hanc pacem omnibus victoriis anteferendam ait Libanius in oratione de rebus gestis Imperatorum Constantij, atque Constantis: miraturque Francos, quæ gens Martem spirans quotidianis incursionibus Gallias vastare, & Imperatores fatigare antea consueuisset: neque vllis vniquam verbis, aut viribus à populationibus deterreti potuisset: Constantis aduentu ac fiducia comæ motos, proelio cum eo decertare ausos non esse. pacem bello, quietem suo contentam dulci aliena prædandi licentiæ prætulisse. accepisse etiam à Constante Principes inspecturos & enuntiaturus, si quid aduersus Imperium Romanum iniretur consilij. Eum in modum sine pugna ac sine cuiusquam vulnere domitos esse Francos, quibus abstinere bello, seruitutis instar sit; à rapinis temperare, detrimenti. Addit Libanius ceteras Barbaras gentes maiores, ac minores, quæ modò singule per se, modò iunctis viribus vniuersæ finitimas provincias continuis eruptionibus latrocinijque vexauerant: vbi Francos, cunctis antea terribiles, metu perturbatos pacem petiisse atque domum rediisse compererunt: consternatas similiter, velut detracto sibi capite, quieuisse. Quare apud Aurelium Victorem, & Zosimum, & in libro de vita & moribus Imperatorum dicitur Constans *exterarum gentium* (id est Francorum, & Pictorum Alamannorumque) *motus compressisse*, nihilque à Barbaris metuisse: & eximiâ formâ pueros redemptæ pacis obsides ab illis accepisse. Sophronius Eusebius Hieronymus in Historia temporum, quod Chronicon vocant, refert Constantem anno imperij 1111. *vario euentu aduersus Francos pugnauisse, à quo perdomiti fuerint anno insequenti, & pax cum eis facta.* Hermias quoque Sotomenus libro 111 Historiæ Ecclesiasticæ negat vllum

ex Italia, & Transalpinis partibus Episcopum Antiochenſi Concilio interfuiſſe: quoniam eo tempore Franci Galliam depopulabantur, & in Oriente terra mouebat. Et Soerates libro II ait Marcellino, & Probingo Coſſ. cccxli. Rempubicam non mediocriter eſſe perturbatam: quòd Franci in Galliam tranſierant, quos Conſtans iterum ccc. Coſul vicerit, & ex hoſtibus foederatos Romanorum xlii. fecerit. Socratis verborum malus interpres fuit Aurelius Caſſiodorus Senator, (tameſi eum & Auſtor Hiſtoriz Miſcellæ in libro XI, & Sigebertus in Chronico ſunt ſecuti) apud quem libro IV Hiſtoriz Tripartitz Conſtans dicitur *gentem Francorum circa Gallias poſitam, actum Romanis inſeſtam oppreſſiſſe, & Romano Imperio ſubiectiſſe*. Eundem in Chronico ſefellit biennium: ſcribit enim Leontio, & Salluſtio Coſſ. (quem annum quintum poſt Conſtantini mortem fuiſſe putat, cū fuerit ccc. ſeptimus) *Francis à Conſtante perdomitis pacem datam eſſe: qui quemadmodum victi, domiti, & oppreſſi ſint*, Libanius Conſtantis æqualis ſuprà indicat. Huius Francorum eruptionis, & Conſtantis aduerſus eos expeditionis mentionem habet in Faſtis etiã Hydatius Foro Limicorum ortus; Aquilauienſis, non autem (vť Sigebertus dicit) Limicenſis Episcopus: traditque Marcelino, & Probingo Coſſ. à Conſtante Aug. in Galliis contra gentem Francorum pugnatum: & Conſtantio III, ac Conſtante II Coſſ. *victos ab eo Francos eſſe, & que pacatos*. Denique ex Cedreno in Epitome Hiſtoriarum, & ex Nicephoro Calliſto in libro I X diſcimus Conſtantem cum Francis, qui Occidentalem Galliam in-cuſſionibus maximè vexabant decertariſſe, ac rem benegeſſiſſe. Noſtram Galliam, Occidentalem Galatiam Græci vocabant, vt diſtinguerent à Gallogræcia, quã Galatiam Orientalem, & minorem dixerunt.

Poſt Conſtantis in Francos expeditionem anno octauo ineunte, Sergio, & Nigriniano Coſſ. Magnentius, cccxi. natione Francus, Protector antea Conſtantini Maximi, tum autem Iouianorum & Herculanorum Tribunus, Auguſtoduni Æduorum XV Kal. Februar. inter cenam appellatus eſt Imperator: vir fortiffimus, & ob res præ-

clarè gestas acceptissimus militi: confestimque ad Con-
 stantem insequendum & interficiendum emissarium
 factionis ac gentis suæ Gaisionem cum lectissimis copiis
 misit: quem huius cædis ergò in annum sibi Consulatus
 collegam assumpsit: Gallias, Italiam, & Africam occupa-
 uit: Flauium Nepotianum, scenicum Principem, vnâ
 que matrem eius Eutropiam, Constantini sororem, Ro-
 mæ intra mensem oppressit: multos vtriusque ordinis;
 Nepotiani partium adiutores proscripsit & occidit: cum
 Vetracione, qui sub idem tempus in Pannonia ab Illy-
 rico exercitu factus erat Imperator, societatem iniuit:
 ac legatos de consortio imperij, & de affinitate frustra
 ad Constantium misit. deinde non inferiora domesticis
 copiis auxilia Francorum popularium suorum; Saxo-
 numque accersuit: P. C. Sergij & Nigriniani Constans-
 tianos in Pannonia concidit: ad Murisiam acie victus &
 castris exutus est amissis suorum millibus ~~XXX~~ ^{XXXV}, cæsis
 hostium XXX millibus. Decentio Cæsare, & Paulo Coss.
 in Occidentis tractibus; in Oriente Constantio Aug. Vj
 & Constantio Cæsare Coss. in Alpibus Iulii ad mansio-
 nem Longaticum (quam ⁱⁿ Teze: vetus castellum impo-
 situm Alpibus à Iuliano in oratione II de laudibus
 Constantij A. vocari animaduerto) iterum fufus fuga-
 tusque, hostes incautos apud Ticinum superauit: &
 in Gallia circa Montem Seleucum tertio prælio pulsus,
 Lugdunum sese contulit: obsessusque clauso Palatio ma-
 trem, & Desiderium Cæsarem fratrem iugulauit: simi-
 liter propinquos, & familiares, si qui alij aderant, hostili-
 bus contumeliis eripuit. tandem XV III Kal. Sept. gladio:
 seipse transfixit Constantio VI, & Constantio Gallo-
 II. Coss. corpus eius à Constantianis laceratum, caput
 per Europæ, Africæ, Asiæque vrbes circumlatum est,
 denique Decentius Cæsar, quem Magnentius Aug. fra-
 ter Cisalpinis regionibus præfecerat, III post die, XV
 Kal. Septemb. Agendici Senonum, collo in fasciam in-
 ferto, se suspendit, Gordianum senioreni imitatus. Con-
 stantius (vti in libro XV Codicis Theodosiani inueni-
 mus) v Consulatu viui Magnentij acta rescidit: eiusdem
 filium infantem seruauit: & Magnentiacos, Decentia-

cōsque numeros ita dictos, ne nouis rebus studerent, in Orientem transtulit: ac confecto bello anno xvi post patris mortem totius Romani Imperij potitus est. Scribit Zonaras Desiderium nullum à Magnentio letale vulnus accepisse, eique breui curato, ac deditenti se Constantium incolumitatem concessisse.

Hunc exitum fecit Magnentius anno ætatis circa L, cccliii.
imperij iv: iustasque dedit pœnas Constanti interfecto, qui eum quondam ab ira militum obiectu purpuræ suæ defenderat. Fuit autem corpore magno, & robusto; legendi studiosus; latino sermone promptus; acer; animi immodicus; in rebus secundis audax, & tumidus; in aduersis cū vana ostentatione fiduciæ timidus; nec sine magna simplicitatis simulatione versutus, & malignus: Religione Christianus: **P** nā Magnentianos, & Decentianos nummos notā **X** hoc est Christi signatos, & A ac Ω literis inscriptos videmus. De Magnentio quidem quæ à Iuliano, & Aurelio Victore ac Athanasio dicuntur, fuisse eum diris, atrisq̃ moribus; stultum; crudelem; ignauum; spectaculis, & voluptatibus ac magicis vanitatibus deditum; rei militaris, & artis imperatoris imperitum; perfidum, impium: hostium conuicia magis, quàm Historicorum verba putanda sunt. præsertim cū Iulianus ipse vi veritatis victus in satyra de Cæsaribus Magnentium multas magnas ac gloriosas res gessisse fateatur.

Ceterum ne quis miretur, quodd Magnentium Francum appellauerim: Iulianus in laudatione Imper. Constantij scribit Francos, & Saxones omnium populorum, qui trans Renum & super Occidentalem Oceanum incolunt, maximè bellicosos, sese eum Magnentio naturalis cognationis ergo coniunxisse. & Magnentianum bellum, ciuile appellari non oportere: excitatum enim esse à Barbaro, qui Imperium nefarie arripuisset. Constantiumque rectè fecisse, quod omnes difficultates perferre, atque omnia pericula adire, quàm Barbarū Romanis imperantem; Tribuniā potestate leges ferentem; Reipublicam cōstituentem; Pontificemque Maximum pro salute Imperij vota facientem videre maluisset. Indi-

gnatúrque Magnentium, natione Barbarum; maiorum Constantis mancipium; prædæ Germanicæ infelices reliquias, domino suo manus attulisse: eúmque Romanis imperare voluisse, qui nisi eorum beneficio liber esse non potuisset. Idem Iulianus in alia oratione de rebus gestis Constantij tradit Magnentium milites legionarios complures, nec minorem multitudinem equitum ex Gallia & Hispania, præterea cohortes & alas ex præfidiis vtriusque prouinciæ deductas secum habuisse: easque copias aduentu Germanorum esse duplicatas, qui Reno, & Oceano in Occidentem Solem spectanti proximi, communis patriæ causâ, ac spe prædæ ad Magnentium vltro confluerant. Romanos autem milites, quod à Magnentio homine Barbaro & externo spernebantur, ac Germanis postponerentur: contra Constantium non sponte arma tulisse. & in eadem oratione Magnentium asperum ac impudentem Barbarum ex eorum numero, qui non multo antè bello capti fuerant, appellat. Aurelius Victor, qui Constantij Aug. æqualis fuit, Magnentium *gentis Barbaræ* vocat. Et Auctor libri de vita & moribus Imperatorum eundem parentibus Barbaris, qui in Gallia domicilium habebant, genitum dicit. Zosimus quoque libro II scribit Magnentium genus quidem duxisse à Barbaris: sed domo emigrauisse; & inter Lætos, quæ gens Gallica erat, sedem cepisse: atque à Constantino virtutis ergò ad excelsos militiæ gradus esse promotum: ita eúm disciplinæ ac linguæ Romanæ notitiam habuisse: vxorem duxisse Iustinam Constantiani & Cerealis alterius post alterum Tribunorum stabuli sororem, ex qua postea Imperator Valentinianus filium sui nominis tulit. Ex his satis apparet Magnentium natione Francum fuisse: siue, vt Auctor Epitomes Victoris refert, apud Gallos natus sit parentibus, quos inter ceteros Francos Constantius Chlorus ceperat, & in Galliam traduxerat. siue ipse sponte (vti Zosimus commemorat) relicta Germaniâ vnâ cum patre & fratribus, Constantini principatu, ad Romanos se contulerit; & in ea terra locum domicilio delegerit. Lætos autem, vel (sicuti in libris Ammiani manuscriptis, & apud Zosimum

num legimus) Letos gentem Gallicam fuisse vt Zosimus
 suprà, ita & Eumenius in oratione de rebus gestis Con-
 stantij Cæsaris videtur indicare : in qua ait Lætum in
 agrum Neruicum, vnde credo Barbarorum armis expul-
 sus fuerat, iussu Maximiani Aug. *postliminio esse restitu-*
tum. Ibidem in libro, qui inscribitur Notitia dignitatum,
 ac prouinciarum Imperij Romani, Læti Neruij appel-
 lantur : & Lætiæ opido Neruiorum, cuius mentionem
 facit Hugbaldus in libro de vita Rictrudis, nomen de-
 dere. tamen in supradicta Notitia Lætus cum Gallorum,
 tum etiam Germanorum præfidiariorum per Galliam
 dispositorum, scilicet Batauorum, Neruiorum, Lingo-
 num, Gentilium Sueuorum, Francorum, Teutonicia-
 norum cōmune prænomen est. Ammianus quidem libro
 XX adolescentes *Letos quosdam, cui Renum editam Bar-*
barorum progeniem; atque in libro XXI legionem quam-
 dam Lætos vocat. Et Imperator Valentinianus maior
 in libro VII Codicis Theodosiani negat quemquam
 nisi datis prædibus Lætis præponi. Ibidem quoque Ho-
 norius Augustus Lætos, Alamantos, & Sarmatas, nimi-
 rum captiuos, aut dediticiis oriundos, delectui obno-
 xios esse, & legionibus inferi solere declarat. Idem-
 que libro XIII, Barbaris, qui ex multis ac variis genti-
 bus ad ipsum confluerant, *terras Læticas* diuidi iubet;
 & pro suis cuique meritis statutum à se agri modum at-
 tribui : à quibus terris Læticiis Liticiani apud Iordanem,
 nū fallor, cognominantur, & Aëtium in bello Hunnico
 auxilio iuuisse dicuntur. Ceterum non est quòd quis
 existimet Magnentium Francum non fuisse, quòd no-
 men Romanum ipse fratresque eius ac Magnus pater tu-
 lerint. nam & Siluanus nomine latino appellatus est fi-
 lius Boniti Franci : & Barbari qui spe honorum & opum
 inducti ad Romanos Principes se contulerant, nihil an-
 tiquius vtplurimum ducebant, quàm originis suæ mo-
 numenta abolere, mirum vt non sit Magnum filiosque
 eius Magnentium, Decentium, ac Desiderium, qui diu in
 Gallia domicilium habuere, patria sua nomina Romanis
 nominibus mutauisse.

Constantio VII & Constantio III Coss, Constantius ccciv.

Aug. Constantium Gallum fratrem patrualem, quem Cæsarem ante triennium creauerat, & Constantiæ forori suæ matrimonio iunctum Orienti præposuerat, ob eandem Domitiani Præf. Montij Quæst. aliorumque complurium euocatum purpurâ exui, & capite truciari iussit.

CCCLV. Anno secundo post Magnentij Franci mortem, nouus iterum in Gallia ex eadem gente ortus est Imperator. *Tum in Palatio Francorum multitudo florebat*: vt ait Ammianus Marcellinus libro decimoquinto, indicioque sunt tot apud eum Germana nomina Protectorum, ac Tribunorum; & ille Candidatus Imperatoris Constantij, quem Hieronymus scribit petito à Principe com meatu, sumtisque ad Consularem Palæstinæ literis commendaticiis, cum magno comitatu iter vehiculis publicis fecisse: & honorificentissimè à Decurionibus Gazæ ad Hilarionem perductum, ac eiectò Dæmone sibi redditum fuisse. Horum Francorum auctoritate & dignitate facilè primus erat Siluanus, Boniti fortissimi viri, & in bello Liciniano optimè de Constantino meriti filius: quî Tribunus Armaturarum, paullo ante prælium Mursum, cum lectissimo equitatu à Magnentio ad Constantium transierat. sicuti Iulianus in oratione I de rebus gestis Constantij, & Aurelius Victor, ac Ammianus Marcellinus libro XV memoriæ tradunt. Is (vt in artum contraham, quæ Ammianus libro XV verbosius CCCLV. narrat) Arberione, & Lolliano Coss. Magister peditum factus est, & in Galliam missus, quam præsiidiis nudam Germani, in primis Alamanni igne ferroque vastabant. Ibi dum hostes fortiter repellit: non autem, vt Iulianus oratione II ad Constantium scribit, exactâ à ciuitatibus pecuniâ ac Germanis datâ pacem amicitiamque redimit: machinatore Lampadio Præfecto Prætorij, consciis Eusebio, ac Eufesio, apud Imperatorem à Dynamio accusatur maiestatis. frustra ciuem suum, amicûmque defendentibus, & calumniatores falsi conuincentibus Malarico Gentilium rectore; Mallobaude Tribuno Armaturarum, paullo antè inquisitore Gallo Cæsari dato: Bappone ductore Promotorum; (quem XVII post anno, Modesto, & Arinthæo Coss. Præfectum vrbs

fuisse in libro VI Codicis Theodosiani inuenimus) Bainobaudem Scutarium, deinde Cornutorum Tribunum; Teutomere Protectore Domesticò, hoc est Principis Stipatore; Seniauco turmæ equestri præposito, ceterisque in aula eminentibus Francis. Quibus de rebus Flavius Siluanus in Agrippinenfi Colonia certior factus, audiensque seruos & clientes suos torqueri, ac bona velut in fiscum inferenda describi; ne indictâ causâ capitis condemnaretur, nō mediocriter timebat. sollicitum, & aut. in Franciam fugere, aut popularibus per Galliam effulis se credere cogitantem deterruit à proposito Laniogaisus Tribunus, natione Francus; quondam Candidatus Imperatoris Constantis, cuiusque fugæ vnicus socius; affirmans fore, vt à Francis interficeretur, vel viuus Constantio caput ipsius licitanti traderetur. Itaque mutato consilio Siluanus exercitum, cui præerat, promissis maximis sollicitauit, & Augustus est appellatus. iamque confluentibus vndique ad eum promptissimo quoque & egentissimo; ad opprimendum in hibernis Constantium, per Alpes Cortias Mediolanum contendere parabat: cum ipsum spe ingentis pecuniæ clam corrupti per Vrsicinum milites die imperij octauo & vicésimo trucidauere. Mox quæstiones de Siluani amicis, & coniurationis participibus crudeles habitæ sunt. Proculus & Poemenius supplicio affecti. Asclepiodorus, Lurto, & Maudio Comites necati. & vt apud Iulianum in oratione II de rebus gestis Constantij legimus, Siluani paruus filius, quem is in Galliam proficiscens obsidem fidei apud Imperatorem reliquerat, incolumis seruatus. Ammianus Marcellinus Siluanum fortissimum ducem, magnorumque meritorum appellat: Aurelius Victor *in Gallia natum Barbaris parentibus* dicit. Eumdem Auctor libelli de vita & moribus Imperatorum *Barbaro quidem patre genitum*, sed Romanis artibus ac disciplinis institutum; naturâ autem blandum, & patientem ait fuisse, vt non dubitem, quin falsò & malignè Claudius Mamertinus in ea oratione, qua Iuliano Aug. pro Consulatu gratias agit, Siluanum tamquam imbellem; libidinosum; curarum, vigiliæ, & laboris intolerantem; auarum,

crudelémque carpat, & *propter cacam imperandi cupiditatem* in ferrum ruisse affirmet.

ccclv. Eodem anno VIII dus Nouemb. Flavius Iulius Constantius Aug. Flavium Claudium Iulianum, fratrem patruelem, Iulij Constantij filium, Constantij Chlorig Aug. nepotem, Galli Cæsaris fratrem, quatuor & viginti annos natum Mediolani Cæsarem creauit, & in Galliam ad repellendos Germanos misit: qui (sicuti Iulianus ipse in epistola ad Athenienses, & Libanius scribunt) quinque & quadraginta urbibus captis, direptis, ac dirutis; multis præterea castellis; Gallicam ripam Reni omnem, agrósque vsque ad trecentesimum stadium à flumine tenebant: & adiacentem sibi regionem per nongenta stadia erant depopulati. Hos Germanos Zosimus libro III Francos, Alamannos, & Saxones fuisse dicit. Et Alamannos quidem Libanius in laudatione Iuliani, Hermias Sozomenus libro V Historiæ Ecclesiasticæ, & Socrates libro III à Constantio, cum Magnentio bellum gerente, per literas euocatos ac mercede conductos in Galliam erupisse tradunt: contra quos comparatas copias Magnentius in Constantianos duxit, Galliæ tutelâ Decentio fratri permissâ, quem Cnodomarius Rex Alamannorum, populatione Galliarum nobilis proelio superauit. Quamquam Iulianus oratione I de rebus gestis Constantij factum eius aut dissimulans, aut ignorans, affirmat Magnentium, abductis secum Galliæ viribus, prouinciam vacuam *Barbaris* reliquisse: quo nomine non Francos, aut Saxones; (quippe hi Magnentij focij erant) sed Alamannos à Iuliano & supradictis auctoribus designari apparet. Francos autem eodem tempore in Galliam incurrisse indicat Ammianus Marcellinus in libro XV, apud quem Constantius Aug. de Iuliano Cæsare faciendo exercitum alloquens, ait *Barbaros tyrannorum*, hoc est Francos Magnentij, atque Siluani popularium *Manibus Romano sanguine parentare*, ruptisque limitibus Gallias impunè peruagari. Franci certè, Barbari ab Marcellino appellati, statim post Siluani mortem Coloniam Agrippinam, clarissimam urbem inferioris Germaniæ obsedere, captamque deleuere. At

Saxonibus cum Iuliano rem fuisse nemo præter Zosimum scribit : quæ gens piraticâ famosa, Cimbricam Chersonesum & insulas Albis ostio obiectas colens ; oram Galliæ maritimam vimineis nauculis, corio bubulo circumfuta, infestam habere magis quàm opida oppugnare, aut interiora regionis penetrare consueuerat.

Insequenti anno Viennæ cùm hiemauiisset, & insignia CCCLVI.
Consulatus sumsisset Iulianus Cæsar, Coloniam Agrippinensem ante menses circiter decem captam ; ut ipse in epistola ad Senatum populûmque Atheniensem ait ; recepit. Vnde Ammianus Marcellinus libro XVI tradit Iulianum *ingressum Agrippinam, ante eius in Gallias aduentum excisam, non prius inde mouisse ; quàm cum Francorum Regibus, furore miscescente perterritis, pacem Reipublicæ profuturam firmauisset, urbemque munitissimam refecisset.*

Constantio IX, & Iuliano Cæsare II Coss. apud Argentoratum commisso prælio cæsa sunt Alamannorum ccc.
LVII
seena millia ; Chnodomarius Rex captus ; plurimi vi fluminis Reni ablati, atque submersi : ex parte Iuliani CCXL & VII desiderati ; in his Bainobaudes, de quo supra mentionem feci ; natione Francus, Tribunus Cornutorum. Cùm post eam victoriam Iulianus Cæsar vastatâ Alamanniâ, exercitum in hiberna deduceret ; audiissetque Francos aliquot per occasionem, prædarum agendarum causâ, in Galliam irrupisse : & inter Renum ac Mosam loca nuda præsidiis, vicisque Iuliacensium, ac Traiectensium depopulari : ad eos opprimendos contendit. Erant autem Franci (sicuti Marcellinus libro XVII scribit) haud ampliùs quàm sexcenti : quos, credo quòd & patrio more leuiter armati, & insirâ quadam velocitate præditi erant ; velites appellat. Hi Cæsaris aduentu exterriti duò munimenta dudum deserta, ad ripas Mosæ posita occupauere : circumfessisque per II ferè menses Decembrem atque Ianuarium, nimirum dies IV & L oppugnationem sustinuerunt. Interea Cæsar veritus ne quia flumen congelauerat, silentio profugerent ; milites luforiis, hoc est leuibz nauigiis inuectos, noctu glaciem frangere iubebat. Ita Franci fame & inopiâ pressi, & assiduus laboribus vigiliisque confecti se dedi-

derunt, atque ad Constantium sunt missi. quos ille confestim solutos, & armatos copiis suis immiscuit, miratus speciem ac magnitudinem corporum: nam singuli multorum instar esse videbantur. Addit Marcellinus Francos magnâ manu ad eximendos obsidione ciues venisse: cûmque eos iam captos ad Constantium perducere cognouissent; nihil præterea ausos domum reuertisse. At Libanius in laudatione Iuliani ait hos multis suorû amissis repulsos esse, nec sexcentos, sed mille admodum castello vacuo ab incolis se inclusisse, atque ab Iuliano captos esse. Hoc est, quod in epistola ad Athenienses Iulianus ipse scribit duobus præliis, & vnâ expugnatione Barbaros mille, ætate florentes, in suam potestatem venisse.

ccc.
lix.

Eusebio, & Hypatio Coss. Claudius Iulianus Cæsar, sexcentarum nauium classe fabricatâ, deductâque in Renum, Germanis bellum intulit: partem Saliorum in fidem accepit: Chamauos expulit: magno puerorum, mulierum, pecorisque numero potitus est: tantum denique Chamauis terrorem iniecit, vt & obsides dederint: & quæ præcipua expeditionis causa erat, frumentum ex Britannia insula (quod ipsis inuitis supportari potuisse negat Eunapius) in castella ac hiberna militum ad Renum posita tutò deinde & facile sit subuectum. sicuti fieri consueuisse Libanius in laudatione Iuliani, Ammianus Marcellinus libro XVIII, & Zósimus libro III tradunt. Equidem Iuliano in epistola ad Athenienses ita loquenti de se magis quàm Marcellino, tum in Oriente sub Vrsicino militanti, credi arbitror oportere: qui nec vllius classis comparatæ mentionem facit; nec in Reno, hoc est, vt Zósimus docet, in insula Batavorum; sed in continente Gallia aduersus Salios, & Chamauos bellum à Iuliano gestum esse dicit. Sic enim libro XVII refert: cûm Franci, qui Salij appellantur, Toxandriam locum, vel opidum Toxandrorum ante aliquot annos occupauissent: Datiano, & Cereale Coss. Iulianum ad eos opprimendos omnibus copiis contendisse. properanti, & iam Atuacam Tungtorum ingresso legatos à Saliis de pace occurrisse, ac postulâsse, vt sibi, nisi lacefferentur, quieturis suis in finibus confidere eius

ccc.
lviii.

voluntate liceret. quos Iulianus Cæsar cum mandatis donisque remisit pollicitus, dum re deliberata reuerterentur, se ibidem expectaturum: ac nihilo segnius post discessum legatorum motis castris; & Seuero Magistro equitum ad ripam Reni versus, quæ effugium patebat, proficisci iussu, celeriter exercitum in Salios duxerit, cunctosque deimproviso diuersis è partibus aggressus, perculsos ac supplices cum coniugibus & liberis in deditiōem acceperit. è Chamauis deinde, qui similiter cis Renum agros armis quæsitos tenebant: multos occisos; captos; reliquos in fugam coniectos esse; ac pace per legatos impetratâ incolumes domum rediisse. Tum tria munimenta, siue castella, quæ illi imposita flumini Mosæ funditus euerterant, iussu Iuliani à militibus esse restituta. libro autem XVIII Marcellinus scribit anno insequenti Eusebio, & Hypatio Coss. Iulianum CCCLIX. horrea in eorum locum, quæ Germani circa ripam Reni incenderant, plurima exstruxisse, in eaque frumentum, quod alendis militibus satis erat, condidisse. Eiusce aduersus Salios expeditionis quis fuerit euentus Libanius in laudatione funebri Iuliani docet, in qua dicit Iulianum Cæsarem, more fulguris circa flumen Renum repente visum, tantum omnibus Saliis terrorem inieciisse, ut traduci eò quod vellet suppliciter orarent, sub eius imperio & ditione futuri. agros itaq; petentibus Cæsarem dedisse, ac postea Barbarorū aduersus Barbaros operâ in bello usum esse. Quæ ita gesta esse Iulianus ipse suprà scribit: nisi quod non nomen omne Saliorum, ut ait Libanius, sed partem tantum gētis, quæ in Galliam irruperat, deditiōem fecisse veriùs dicit. Salios autem in Galliæ finibus à Iuliano collocatos esse docet libellus, principatu Honorij & Theodosij minoris editus, qui Notitia dignitatum & prouinciarum Imperij Romani inscribitur: in quo legimus Salios Seniores, eo cognomine à Saliis Iunioribus distinctos; quod primi inter Romanos recepti sunt, intra Gallias sub viro illustri Magistro equitum Gallicanorum militauisse. Zosimus non modò Salios, sed etiâ Quados in deditiōem redactos esse lib. III affirmat, ac memoriæ tradit Quadis, parti Saxonum, cùm eru-

prionem in Galliam facere pararent, finitimos Francos, captis armis, iter per suos fines dare noluisse: ne Cæsar iustam belli ipsis iterum inferendi causam haberet. (Nam vt suprà docuimus, Iulianus in primo Consulatu cum Regibus Francorû, Deufonem Colonia Agrippinensi ab ipso captæ oppositum, pagosque vicinos, per quos Saxones nonnumquam in Galliam contendebant, tenentibus, pacem inierat.) Quados itaque tumultuariis nauculis Franciam circumuectos accessisse ad insulam Batauorum amnicarum maximam: quam occupauerant Salij, Francica gens, à Saxonibus agris expulsi: & fusis fugatisque Saliis, ibi sedem capeffiuiffe. tum superueniente cum exercitu Iuliano Cæsare, Salios iam à Quadis exagitatos vnâ cum Rege suo vltro eius se fidei ditionique permisisse: Chamauos Cariettonis Franci præclarâ operâ furtis potiùs quàm proeliis oppressos esse: & ex vtriusque gentis dediticiis legiones, quæ eius ætate nomen retinerent, à Iuliano factas. Quibus verbis Zosimus docet Salios, hoc est partem Saliorum; sub aduentum Iuliani in Gallias, à Saxonibus è finibus suis pulsos, in insula Batauorum consedisfe: ibique Iulianum Cæsarem cum Saliis, & Quadis bellum gessisse. Quamquam nonnulli docti viri, cum animaduertent Quados à Valeria regione Pannoniæ flumine Danubio diuifos; ab Oceano, & Saxonia longissimè abesse: & apud Iulianum, ac Marcellinum Saliorum, & Chamauorum velut vnâ eadêmque expeditione subactorum mentionem fieri: Zosimum errare, & Chamauos in Quadorum locum substitui oportere existimauerunt. in quos quæ de Quadis Zosimus dicit, nihilo magis conueniunt. Neque enim Chamauos partem Saxonum appellare licuit, cum & ab Eumenio in laudatione Constantij Cæsaris, & à Sulpicio Alexandro libro IV Historiæ inter Francorum gentes numerentur. Neque eosdem aut per fines Francorum pedestri itinere in Galliam contendere: aut vt insulam Batauorum inter ora fluminis Reni positam peterent; Franciæ litora classe præteruchi oportuit: si verum est, quod Cornelius Tacitus, Tabula Theodosiana, Sulpicius Alexander, & Eunapius Sardianus docent, Chama-

uos circa inferiorem ripam Reni coluisse: vnde in Galliam, à qua tantum flumine Reno dirimebantur, ipsis transire facillimum fuit. Præterea auctores huiusce sententiæ, dum Zosimi errorem vitare volunt, in alium nec opinantes incidunt: Chamausque, & Salios, utroque Francorum populos, sine causa hostes ex conterraneis ac consanguineis faciunt. Erunt forsitan, qui credent, quidquid Zosimus de Quadis supra dixit, Caucis maioribus conuenire: quos Claudius Ptolemæus scribit oram Septentrionalis Oceani ab amne Visurge vsque ad flumen Albim tenuisse; Saxonibus super ceruicem peninsulæ Cimbricæ habitantibus confines: itaut Cauci à conterminis Saxonibus postea domiti, pars eorum vocari potuerint. Cui opinioni libenter accederem, si apud auctores, qui de eo bello scripsere, & in Notitia dignitatum Imperij Romani uti Saliorum, ac Chamauorum, sic Caucorum mentio fieret: & Claudianus Caucos Francorum nationibus non annumeraret.

Ceterum animaduerto Chamauos (vt ex his, quæ Eunapius & Petrus tradunt, colligi potest) multis suorum occisis; multis captis; in his Regis ipsius filio; ex insula Batauorum à Iuliano expulsos, in finitimam partem Germaniæ; hoc est in suas sedes reuertisse: quibus Cæsar in hosticium transgressus, ac cum Rege gentis collocutus pacem acceptis obsidibus dederit. Sic autem Eunapius scribit Iulianum Cæsarem, cum in Germaniam transiret, & Chamaui, ut ipsis ignosceret, supplices peteret: Nebiogastem Regem in colloquium venire iussisse. quem ut in ripa fluminis Reni cum suis stantem conspexit; adhibito interprete se, si obsides sibi darent, cum his pacem facturum dixisse. affirmantibus Chamauis totidem eum fidei obsides, quot captiuos habere: Iulianum respondisse hos se bello cepisse: obsides verò à volentibus tradi oportere. deligerent itaque ex Optimatum numero, quos huic rei maximè idoneos existimarent. aliter pacem suspectam & infidam fore. Rogantibus Barbaris; diceret apertè, quos vellent obsidum nomine accipere: Cæsarem, ut Regis vnicum filium, quem ipse captiuum in sua potestate habebat, ad se adducerent, exegisse. Tum verò

Nebiogastem, ac Chamauos magno gemitu eiulatūque flentes, & ad pedes Cæsaris prouolutos orâsse, ne imperaret, quod facere non possent: neque enim mortuos ad vitam reuocare sibi licere. tandem silentio factō Regem ita locutum esse. Vtinam Cæsar, viueret filius, tibi vt obses traderetur, hac seruitute quàm regni mei possessione fortunatior futurus. At ille, dum fortiùs quàm cautiùs more iuuenum dimicat: à militibus tuis quis esset ignorantibus est interfectus: quem tu, tamquam adhuc uiuat; pacis obsidem poscis: ego autem occisum nunc primùm impatienter lugere incipio: propterea quòd intelligo eo amisso spem pacis mihi simul esse sublatam. Hunc si in acie cecidisse credideris, consolabor me ipse, quantum in meo grauissimo casu potero: sin minùs, & pater, & Rex inuidiosè miser habendus sum. quoniam nunc domesticam calamitatem cum Republica communicare cogor, & ideò Regni potiri videor, vt mihi priuatim non liceat esse infelici. Hac oratione motum Iulianum ne lacrymis quidem temperauisse auctor est Eunapius: & postquam satis Barbaros deluserat, filium Nebiogastis Regis Chamauorum; cui capto omnis honos, cultusque regius seruabatur, repentè produxisse: & cum patre colloqui iussisse. tùm Barbaros perinde à mærore in admirationem versos, quasi non Regis filium adolescentem, sed eius imaginem ab inferis excitatam viderent, stupentibus similes steterisse, ac totis artibus diriguisset. Deinde Iulianum Cæsarem, postquam Chamauis mens rediit; & captiuus finem loquendi fecit; talem orationem habuisse. Hunc vos iuuenem in prælio periisse existimabatis, sed Deus fortasse, aut Romanorum clementia seruauit: quem ego non à vobis ex pacto traditum, sed bello ac vi captum, obsidis loco habere constitui. Et ipsi quidem, dum apud me erit, nihil ex pristina fortuna defuturum polliceor. vos verò, si fidem datam fregeritis, nec conuentis steteritis, vestrorum omnium iacturam facietis. neque id, propterea dico, quòd in obsidem quidquam grauius sum consulturus. crudelis enim, & inhumani animi est poenas alieni criminis ab infonte expetere, & ferarum rabiem imita-

ri, quæ venatores canesque insequentes dum fugiunt, in obuium quemque sæuire solent: sed quodd gloriari licet neminem adhuc mecum sine sua pernicie pugnauisse: nedum credatis vobis, si foedus ruperitis, Deo aduerso melius successurum. His per interpretem auditis, Chamaui suppliciter magis pacem petentes, quàm (vt ait Eunapius) Iulianum Cæsarem, tamquam præsentem Deum venerabundi procubuerunt: eidemque bona ac læta omnia sunt precati: qui pace cum eis æquis legibus initâ, Nebiogastis matrem, sicuti poposcerat, obsidem accepit.

Constantio X, & Iuliano III Coss. milites Gallicani, cccclx, quorum optimam & maximam partem Imperator Constantius ad custodiam Mesopotamiæ traducere volebat: transmarinam militiam detrectantes defecere: & Iulianum Cæsarem Luteciæ Parisiorum, vbi tum hiemabat, inuitum per vim Augustum appellauere. qui eodem anno (vt Marcellinus in libro XX scribit) cum Attuarij, Franciæ gens quietis impatientissima; finitimorum claudibus nequaquam deterriti oram Galliæ exteriorem prædationibus licentiùs infestarent: in inferiorem Germaniam contendit: & apud opidum Tricesimam exercitu Renum transportato, eorum regionem proximam flumini improuiso intrauit: ac Attuarios inopinantes, atque etiam securos, quodd se locorum aditu difficilium præsidio munitos existimabant; neque ob id vllum antea Principum Romanorum in suos pagos exercitum introduxisse meminerant; facillè oppressit: multisque captis, & occisis reliquos omnes, vt pacem peterent, & leges à se dictas acciperent subegit: non aliter Gallos, qui circa ripam Reni, & oram Oceani incolebant, à Francorum latrociniis tutos se præstare posse arbitratus. Ex his, quæ suprà diximus, apparet Claudium Iulianum, cum de bello Constantio inferendo apud milites orationem haberet, haud immeritò gloriaturum populi diuturnam licentiam, & continentes irruptiones Alamannorum atque Francorum suo ductu ac ipsorum virtute repressas esse: ab eo enim (sicut Eutropius & Orosius loquitur) magnâ Alamannorum multitudi-

ne fufâ; & *ſummotis vltra Renum Germanis*, (hoc eſt Francis) fines ſui Imperio Romano ſunt reſtituti.

Anno inſequenti Tauro & Florentio Coſſ. mortuo Conſtantio Aug. Iulianus Orbis Romani potitus eſt.

CCC-
LXII.

Iuliano IV Conſule ad bellum Perſicum profeſto, atque occiſo: v Kal. Iulias Iouianus Varroniani Comititis filius, natione Pannonius Imperator eſt ſalutatus: eodẽ inque anno Malaricus Francus, qui ſub Conſtantio Auguſto Tribunus Gentilium fuerat: cùm negotia, quæ habebat in Italia, per ſe ipſe procuraret: delato ſibi per codicillos à Fl. Iouiano Principe Magiſterio militum Galliarum vti noluit. Circa idem ferè tempus Mellobaudes Tribunus, & Siluani quondam amicus, ac ciuis (quemadmodum Marcellinus in libro XXV ſcribit) vnà cum Neuitta, & Victore apud Saporem Regem Perſarum pacis obſes fuit: dum Fl. Iouianus Aug. magis militum fami quàm famæ ſuæ conſulens, regiones quaſdam & opida atque caſtella ad ripas Tigris poſita hoſtibus tradit. quamquam hunc in aliquot Marcellini libris manuſcriptis non Mellobaudem; ſed Bellouedium appellari animaduerto. Non multo poſt Seniaucum quoque Tribunum, cum Lucilliano Iouiani ſocero, milites Gallicani ſeditione orta interemerunt.

CCC-
LXIV.

In libro quintodecimo Codicis Theodoſiani inuenio inſequenti anno, quo Iouianus, & Varronianus Conſules fuerunt, exercitui, qui in Dacia Ripenſi erat, Tautomedem Ducem præſuiſſe. cuius ego Ducis nomen nec linguæ Græcæ, nec Latinæ notum emendari, & in Teutomerem mutari oportere arbitror: eoque nomine Teutomerem designari: quem & natione Francum, & Conſtantij Auguſti Stipatorem fuiſſe ſcripſi.

Eodem anno mortuo Iouiano Flauius Valerius Valentinianus Cibalenſis Gratiani Comititis filius ex Tribuno ab exercitu factus eſt Imperator.

CCC-
LXV.

Valentiniano & Valente Augg. Coſſ. Valentinianus Coloniam Agrippinam petiit, non ob aliud, credo, quàm vt cum Francorum Regibus fœdera antiqua ex more iniret: vt docet lex Codicis Theodoſ. libri XI titulo XI inſerta, & data pridie Kalendas Octobres Agrippinæ.

Valentiniano & Valente Augg. Coss.

Eodem anno superioris, inferiorisque Germaniæ legionibus præerat Charietto homo Francus, cuius supra mentio facta est: & cuius de rara magnitudine, de eximiiis viribus, de præclaris factis, & de inuicta terribiliq; audacia Ammianus Marcellinus libro XV II Eupapius apud Suidam, ac Zosimus libro III referunt. Hic, vt Marcellinus in libro XXVII tradit, supradictis Coss. cum Alamannis pugnavit, qui post Kalendas Ianuarias Renum transierant, & apertis limitibus Galliam incursionibus vastabant. dùmque fugam suorum obiurgationibus, & obiectu corporis sistere conatur; diùque confidenter consistens pedem referre erubescit; ab hostibus est interfectus: & Alamanni per vtramque Germaniam, ac Belgicam licentiùs effusi prædam ex agris egerunt: quos, vt in tres partes exercitum diuiserant; anno sequenti Flavius Iouinus Magister equitum cum furtis belli feliciter oppressit; tum proeliis fortiter superavit, semel apud Catalaunos Barbarorum VI millibus in acie cæsis, IV vulneratis. vnde apud Hydatium in Fastis dicitur Valentinianus Gratiano Nobilissimo, & Dagalaifo Coss. gentem Alamannorum vicisse.

Lupicino & Iouino Coss. Flavius Valerius Valentinianus Pannonius, vt antea Valentem fratrem, ita Gratianum filium nonum annum agentem, assentiente exercitu Gallicano Samarobriæ Ambianorum in consortium Imperij recepit. Tum sicuti Marcellinus in libro XXVII scribit, Franci, & qui Francis finitimi erant, Saxones tractum omnem Galliarum vicis ac opidis, quò adire terrâ marique potuerunt, direptis ac incensis; captiuis etiam interfectis sunt depopulati. Hoc loco notandum est non apud Marcellinum tantum, sed etiam apud Iulianum, Eutropium, Ambrosium, Orosium, Zosimumque, & alios scriptores Francos Saxonibus semper, ac plerumque Alamannis quadam honoris prærogatiuâ præponi; atque à Libanio plurimarum gentium Barbararum maiorum minorumque caput appellari. propterea quòd longè validissimi & nobilissimi Germanorum omnium, ac belli gloria præstantissimi erant.

Sub idem tempus cùm Picti, Scoti, & Atacotti Nectari-
 dum præfectū oræ maritimæ, & Fullofaudem Ducem in
 Britannia victos occidissent: Theodosius, Theodosij
 Principis pater, à Valentiniano Aug. aduersus eos missus
 est. qui Barbaris in siluas ac paludes suas compulsis; re-
 giones, quas intra Vallum occupauerant, recepit: & vt
 existimo rebus Britannia compositis, mare à piraticis
 classibus Francorum & Saxonum vindicauit: & Francos
 quidem in insula Batavorum fudit: Saxones autem gen-
 tem feram in Septemtrionalis Oceani litoribus ac palu-
 dibus inuiis sitam, virtute ac repentinis incursionibus
 terribilem circa Orcadas nauali prælio superauit. Sanè
 apud Onufrium, & Goltzium legitur inscriptio, in qua
 Imperator Cæsar Fl. Valentinianus, vnà cum Fl. Valente
 fratre, & cum Fl. Gratiano filio Imperatore II, Consule
 I, *Germanicus Maximus, Alamannicus Maximus, Fran-*
cicus Maximus, Gothicus Maximus, Tribunicia potestatis
VII, Imperator sextum, Consul II appellatur. Præterea
 Drepanius Pacatus, Gallus, Procōsularis vir in oratione,
 quā Theodosio Aug. occisum Maximum gratulatur, in-
 ter patris eius Theodosij res gestas clades Francis Saxo-
 nibusque illatas numerat his verbis. *Quæ Renus, aut*
Vacalis vidit aggrediar? Iam se mihi Sarmatica cede san-
guineus Ister obuiet. Attritam pedestribus præliis Bata-
uiam referam? Saxo consumtus bellis naualibus offeretur.
Redactum ad paludes suas Scotum loquar? Compulsus in
solitudines auias omnis Alamannus, & uterque Maurus
occurent. Eundem Theodosium Drepanius eadem in
 oratione Saxonici nomen meruisse ait. Apud Claudian-
 um de IV Consulatu Honorij Aug. auus eius Theodo-
 sius supradictus appellatur

Terribilis Mauro, debellatorque Britanni
Litoris, ac pariter Borea vastator & Austri.
 cuius ductu — *Maduerunt Saxone fuso*
Orcades: incaluit Pictorum sanguine Thule:
Scotorum cumulos fletu glacialis Iuerna.

Quibus in versibus quod asserit Claudianus, Pictos in
 insula Thule; Scotos in Ibernica à Theodosio fufos ac
 fugatos esse: id poetica fide dici constat. Nam Marcel-

linus, & Pacatus Drepanius auctores sunt Pictorum, & Scotorum copias in Britannia proeliis victas esse: cuius dimidiam partem ad Septemtriones conuersam, siluis & paludibus impeditam ac sterilem ob idque neglectam à Romanis, & muro per transuersam insulam ducto exclusam Picti indigenæ; siue Britanni liberi; ferro ora artusque pingere soliti; & Scoti ex Ibernia orti tenebant.

Valentiniano III, & Valente III Coss. Saxones, qui <sup>ccc-
lxx.</sup> piraticis lembis iterum in Galliam peruecti maritimam oram depopulabantur, perfidiâ Seueri Magistri peditum circumuentos, ac occisione occisos esse Ammianus Marcellinus libro XXVIII scribit. Quam iniuriam clademque popularium ulturi Saxones Valentiniano IV & Valente IV Coss. cum tertium in Galliam erumpere <sup>ccc-
lxxii.</sup> pararent, eoque per Germaniam magnâ manu ire contenderent: circa Deufonem in Francorum finibus Valentiniani auspiciis oppressi sunt, & interfecti. quemadmodum Hieronymus, & Orosius in libro VII, & Cassiodorus Senator in Chronico tradunt. Hic Pontanum, & quosdam alios nostræ ætatis doctos viros mirari conuenit, qui à Marcellino, & ab Hieronymo, ac Orosio vnus eiusdemque Saxonum expeditionis mentionem fieri dicunt. cum altera incursio naualis; altera pedestris: hæc tertio Consulatu Valentiniani Aug. (vt Marcellinus ait) illa quarto (sicuti Cassiodorus Senator prodit) facta fuerit. cum præterea in hac incursione Saxones classe Galliam petierint; ibi prædas ex agris egerint; Nannecium fuderint; pactisque vt inuiolatis abire & naues conscendere liceret, à Seuerio contra religionem iurisiurandi insidiis excepti sint, & occisi: In illa *periculosam Romanis finibus eruptionem* (sicuti Orosius loquitur) *magnâ mole meditantes* priusquam Renum transirent, & Galliam ingrederentur, in regione Francorum apud Deufonem à Romanis sint caesi; quod castellum Coloniz Agrippinæ obiacens tum forsitan Romanorum præsidio tenebatur. quippe Ammianus Marcellinus in libro XXVIII & XXX auctor est Valentinianum Aug. castra siue hiberna legionum, & castella à capite

Reni vsque ad ostia posita in altitudinem extulisse: & cellissimas turres in vtraque fluminis ripa Romana hostilique opportunis locis crebras constituisse: vnde longè latèque despici posset, nequa ex improviso à Germanis in Galliam eruptio fieret. Quæ causa fuit, quare Franci principatu Valentiniani ad vastandam Galliam Renum aut numquam, aut admodum rarò transferint: præsertim cum Valentinianus delectu habito in prouinciis, maximèque in Gallia; tironibus etiam ex Germania conductis exercitus adauxisset.

ccc.
lxx.

Supradictis Valentiniano III & Valente III Coss. Burgundiones, gentem Germanã, quos Marcellinus Burgundios appellat, bellicosos & immensa multitudine omnibus finitimis timendos; Valentinianus Aug. crebrò scriptis ad eorum Reges literis in Alamannos immisit: pollicitus eodem se tempore Renum cum exercitu transiturum, & territis ac palantibus superuenturum. quo probato consilio Burgundionum Reges cum lectissimis copiis vsque ad ripas Reni progressi, antequam Valentinianus in extruendis munimentis occupatus milites in vnum locum conduxisset, prouincialibus magno terrori fuere: atque ibi paullum commorati ad Valentinianum Aug. qui die constituta non venerat, legatos misere cohortes auxilias petitem, quibus suorum domum redeuntium terga tegerentur. quo non impetrato indignati se à Principe deceptos ac derisos in suas sedes reuerterunt. ita Marrianus potentissimus Alamannorum Rex Burgundiones euasit. vt libro XXVIII tradit Ammianus Marcellinus, qui & adiicit Regi apud Burgundiones vetere quodam instituto Regnum abrogari consueuisse, si sub eo clades accepta esset; aut frumentum angustius prouenisset: sacerdotem verò omnium maximum, qui Sinistus appellaretur, fuisse perpetuum, nec ullis discriminibus obnoxium: Burgundionesque de finibus ac de salinis cum Alamannis sæpe pugnauisse: & iam inde à prisca temporibus *sobolem eos esse Romanam*: quos Mamertinus contra in Genethliaco Maximiani Aug. cum Vandalis, Burgundiis, & Alamannis numerat inter populos, quibus numquam contigit esse Romanis. At Hieronymus

in

in Chronico, Orosius in libro VII, & Cassiodorus Senator scribunt triennio post, nimirum IX imperij Valentiniani anno, Valentiniano & Valente IV. Coss. *Burgundionum LXXX fere millia ad Renum descendisse, et ripa fluminis insedisse.* quo anno Saxones, gens quò ventus ferret inexplorato erumpere; & captiuorum decimum quemque Diis patriis immolare solita, cum transire in Galliam pararent, apud Deusonem in Francorum finibus ab Valentiniano Aug. oppressi fuerant. Orosij verba notanda sunt. *Burgundionum quoque nouorum hostium cepit nomen nouum; qui plusquam LXXX millia, ut fertur, armatorum ripa Reni fluminis insederunt.* Ex quibus colligo Valentiniani principatu intra quadriennium duas à Burgundionibus expeditiones esse susceptas: quarum altera à Marcellino describatur; altera ab Hieronymo, Orosio, & Senatore enarretur. quippe in priori expeditione Burgundiones accersiti amicique venerunt, & in Valentiniani gratiam Alamannis bellum illaturi: in posteriori *hostes*, (vt ait Orosius) Valentinianoque ob promissum non seruatum infesti, ac in Galliam, si possent, erupturi: hæc Valentiniano III & Valente III Coss. illa in IV vtriusque Consularu facta est: neque existimo armata millia LXXX non aliter quàm *cateruas lectissimas* ab Ammiano Marcellino appellari debuisse, aut ad domumreditionem egere externi præsidij, ac tantopere tergis suis timere potuisse. mirorque Paullum Orosium, quòd Burgundiones Valentiniani maioris principatu *nouos hostes*, ignotòsque antea Romanis fuisse putet, *nouumque* eorum *nomen* tum audiri primum coeptum affirmet. cum Plinius Secundus in libro IV Germanos, & partem Vindilorum, hoc est Vandalorum Burgundiones vocet: quos Zosimus similiter libro I Vandalis tamquam finitimos adiungit, Burgundòsque appellat. vt eorum nomen Valentiniano impetrante nouum esse nequaquam potuerit, quod ætate Plinij, seu Flauij Vespasiani principatu ante Valentinianum annis amplius CCC notum iam Romanis erat. Sed nec tum *noni hostes* Romanorum Burgundiones fuisse dici possunt: si quidem (vt Zosimus libro I prodit) post Au-

- ECLXXV. reliani Aug. mortem vnà cum Vandalis in Galliam eru-
 pere, depopulatísque eius prouinciis vbi domum reuer-
 tere; in suis sedibus Probi Principis vires experti sunt
 anno ferè centesimo ante IV Valentiniani Consulatam.
 & paucis pòst annis, adiunctis sibi Alamannis, magnà
 manu Renum transiere, ac in Gallia (quemadmodum
 ait Claudius Mamertinus) fame & pestilentia: magis,
 quàm Maximiani Herculij armis Romanorúmque mi-
 litum virtute confecti sunt: móxque orto de finibus bel-
 lo Alamannorum agros occupauere, & amissa repeten-
 tibus Alamannis, vtraque gens magnis cladibus attrita
 est. Denique Hieronymus, & Senator, cùm de eadem,
 qua Orosius, Burgundionum expeditione loquentes di-
 cunt *Burgundionum LXXX ferè millia, quot numquam
 antea; ad Renum descendisse:* satis apertè indicant multas
 antea alias expeditiones aduersus Gallos à Burgundioni-
 bus susceptas, nullam tamen tot ac tantis copiis factam
 esse. Et hi quidem Burgundiones, quos Procopius &
 Agathias Burguziones, & nonnumquam Burgunziones;
 Iordanes manuscriptus Burgundzones appellat, trans
 Renum in Germania sedes habuere. alij autem Burgun-
 diones, Scythica gens vltra Istrum coluere: à Claudio
 Ptolemæo Frugundiones dicti, & in Sarmatia Europæa
 positi. quos Iordanes in libro originũ rerũque Gotho-
 rum Burgundiones vocat, & Philippi principatu à Fasti-
 da Gipedum Rege, exercitum hac veluti prolusione ex-
 peditioni Gothicæ præparante, pæne ad internecionem
 cæsos ait. Eosdem Zosimus in Historiæ libro I Vrugun-
 dos appellat, & vnà cum Gothis, Boranis, ac Carpis Istri
 accolis Illyricum omne incursionibus impune vastauisse
 ECLXXVI. Valeriano & Gallieno imperantibus tradit, atque vrbes
 Europæ, quæ Thraciæ prouincia erat, captas diripuisse.
 Ex quibus intelligitur hosce Burgundiones Gothis, &
 Carpis fuisse finitimos: quod & Claudius Mamertinus
 indicat in Genethliaco Maximiani Aug. vbi etiam Bur-
 gundiones gentem Germaniæ à Burgundiis (ita enim ap-
 pellat) gente Scythica distinguit. verba Mamertini vt
 emendentur ponenda sunt. *Gothi Burgundios penitus
 excidunt: rursum pro victis armantur Alamani.* Vbi Alani

suo loco reddendi sunt, & Alamanni in Germaniam re-
 mittendi. Alani enim Tanaitæ Gothorum; qui Greu-
 tungi vocabantur, fines attingebant. at Critici quidam,
 cum Burgundiones, gentem Germanam Alamannis
 confinem, & Burgundios apud Mamertinum vnā eam-
 demque nationem esse putarent, Burgundiis pro Alanis
 Alamannos socios & auxiliarios temerè adiunxere. Idem
 mendum reperio in libro II Constantij Presbyteri de vi-
 ta Germani Autessiodurensis Episcopi, in quo Eochari-
 cus pro Alanorum Rege Alamannorum Rex appellatur.
 Agathias Burgundiones hosce, *Burugundos gentem Hun-
 nicam*, non veriùs quàm Burgundiones eos, qui ex Ger-
 mania in Galliam transiere, gentem Gothicam vocat.
 quippe Historiæ libro V scribit Hunnos, qui communi
 nomine Scythæ appellentur, in plures nationes fuisse di-
 uisos, atque alios Cutriguros; alios Vturguros, vel Vti-
 guros; alios Vltinzuros; alios Burugundos; alios aliter
 nuncupatos: qui cum Mæotin transissent, cultoribus re-
 gionum victis & expulsis in Europa confederint: è qui-
 bus Vltinzuros, ac Burugundos vsque ad Leonem Aug.
 hoc est, vsque ad Attilæ mortem nobiles ac validos fuit-
 se: sua autem ætate, nimirum Mauricij Tiberij princi-
 patu neutrius gentis nomen audiri Romanis: vel quòd
 excisi ac funditus euersi pridem erant: vel quòd alias se-
 des remotas à limitibus Imperij Orientis petiuerant. Hi
 sunt Vltinzuri, quos Iordanes Vltinzures appellat, &
 cum Bittuguribus, hoc est Vtiguris, & Angisciris Den-
 zici Hunnorum Regi Attilæ filio paruissè prodiit. Pro-
 sper autem & Iordanes auctores sunt mortuo Attila Re-
 ge plerosque, qui sub Hunnorum imperio erant, ab eius
 filiis de regno inter se contententibus desciiuisse, inde
 bella exaruisse, & ferocissimos populos mutuis incurso-
 nibus ac cladibus esse attritos, nec paucos domo emi-
 grauissè. Equidem Burgundiones præter ceteros pa-
 ruissè Hunnis scio. nam Apollinaris Sidonius in carmine
 VII Burgundiones, atque vnà Sciros, gentem Sarmat-
 ticam, Attilam in Galliam secutos dicit,

Scerum Burgundio cogit.

Sed ob id gentibus Hunnorum eos annumeratos esse,

ccc-
lxxv.

aut vnà cum Hunnis Mæotin tranſiſſe non credo. cùm Hunni ætate Valentis Aug. paludem Mæoticam tranſierint, & Sarmatiam Scythiãve Europæam Gothiſ expulſiſ occupauerint: Burgundiones verò ſupradicti (vti Zoſimus indicauit) ante hunc tranſitum annis ampliùs CXX in Sarmatia Europæa ſedes haberent, & Thraciam ac Illyricum depopularentur. Vt appareat eoſdem poſtea ab Hunniſ Mæoticum lacum tranſgreſſiſ vnà cum finitimiſ Alaniſ & Gothiſ, ceteriſque Sarmatarum nationibuſ domitoſ eſſe: meliùſque ac veriuſ Agathiã Procopium affirmare Hunnoſ Vtiguſ, ac Cutriguſ ſoloſ, (qui tamen iam tum hiſ nominibuſ noti fuiſſe mihi non videntur) nec villoſ vnà Burgundioneſ Mæotin tranſiſſe. Hæc de Burgundionibuſ cum Tranſrenaniſ, tum Tranſiſtrianiſ notaui, vt ſtudioſi faciliùſ auctoreſ de vtriſque loquentes intelligerent, neque ex Germaniſ & Scythiſ confuſiſ gentem vnã facerent.

ccc-
lxxv.

Post Conſulatũ Gratiani III, & Æquitij Valentinianiſ maior Bregetione in Valeria parte quondam Pannoniæ deceſſit: & Valentinianiſ minor eiſ ex Iuſtina filiſ, tum quadrimuſ in caſtriſ ad Aquincũ opidũ VI poſt die ab exercitibuſ Gallicaniſ & Illyriciſ Imperator eſt conſalutatuſ, Æquitio, & Merobaude Magiſtro peditum, ac Cereale pueri auunculo auctoriſ: factũque militum mox Gratianuſ Aug. Valentinianiſ maioris ex Seuera priori vxore filiſ comprobauit. à diuerticulo Francoſ repetamuſ.

Vetũ quidam rerum noſtrarum ſcriptoſ, Theoderici Merouingorum Regum penultimi æqualiſ; Rorico Monachuſ; Auctoſ libri de vita Sigeberti Dagoberti filij; Aimoinuſ in libro I Hiſtoriæ; Sigebertuſ, aliique recentioſeſ tradunt Troianiſ, ſeu Sicambrĩſ Pannoniæ tum incoliſ, ac Mæotidi paludi viciniſ, iamdiu Imperio Romano (vt affirmant) ſubiectiſ tributa in decenniũ ab Valentiniano maiore remiſſa eſſe. quòd eorum operã Alanuſ, qui defecerant, victique in ſupradictã paludem ſe receperant, ibidem ad internecionem cecidiſſet. ob id Francoſ, hoc eſt feroceſ, ab Imperatore appellatoſ eſſe: poſt annuſ X vectigal dependere recuſauifſe: Senatoremuſ

Romanum, exactoresque interfecisse; & à Valentiniano atroci proelio fufos præter ceteros Regem Priamum Alannorum victorem amiffisse. tum Francos ne libertatem perderent digredientes finibus Pannoniæ, ac relictâ vrbe Sicambriâ, Marcomere & Sunnone ducibus in Germaniam commigrauiſſe, & circa oſtia fluminis Rheni ſedem cepiſſe. Et in legis Salicæ præœmio dicuntur Franci pauci numero, ſed virtute præſtantes grauiffimum Imperij Rom. iugum excuſſiſſe: armisque libertatem recuperaiſſe. ſimiliter Monachus quidam in libro *IL rerum geſtarum Caroli Magni* ſcribit Germaniam, Francosque à Romanis deſeciſſe. Quam totam fabulam aliâs, vti ſpero, euertam, neque huic loco inſeruiſſem, niſi nonnullos doctos viros, quidquid apud quosque auctores legerint, pro certo habere animaduertiſſem. Nunc (ne de Francorum origine, ac nomine; de Sicambria opido; & de Pannonia procul à palude Mæotide terris fluminibusque diuiſa loquar) nego Francos, & Alanos Principibus Romanorum ſtipendiarios vñquam eſſe factos. Nam & Franci centum annis ante Valentiniani ætatem continentibus incurſionibus, quas ſuprà ſcripſi, prouincias Imperij Romani, in primis finitimam Galliam vaſtauerunt: & Flavius Vopifcus auctor eſt, cùm Interamnæ ſtatue marmoreæ Taciti ac Floriani fratrum fulmine ictæ contritæque concidiſſent; conſultos Haruſpices reſponſiſſe ex eorum familia Imperatorem Romanum quandoque exoriturum, qui Parthis ac Perſis iudices daret; & Francos ac Alamannos legibus Romanis aſſueſceret. Nitardus quoque in libro *I bellorum ciuiliũ* ait Francos Romanis viribus domari non potuiſſe. Denique ne Valentinianum quidem Alanis bellum intuliſſe vllus hiftoricus ſcribit. contrà Ammianus Marcellinus libro *XXXI* tradit eoſdem ſua ætate, id eſt Valentiniani principatu, in Scythia finitimis omnibus bello ſuperatis, qui & ipſi victorum nomine appellabantur, imperaiſſe. conſtatque Renum vt antea, ſic tum maximè; & Danubium, ex quo Aurelianus vetere Daciâ deceſſit; finem Imperij Romani fuiſſe: & quarto regni Theodoſij, ſeptimo poſt mortem Valentiniani anno, Antonio,

& Syagrius Coss. (sicut Prosper Aquitanus in Chronico refert) Priamum in Francia regnare cœpisse. Neque est, quòd quisquam dicat à Constante, & ab Honorio Reges Franciæ præpositos fuisse videri. quando Drusus Cæsar Vannium Sueuis imposuit: & Zizais à Constantio Aug. Regnum Sarmatarum liberorum accepit: atque Parthamaspates à Traiano Rex Parthorum apud Ctesiphontem est constitutus. Sueuos tamen, & Sarmatas, & Parthos nemo est qui credat vinqum Imperio Romano paruisse. Nec auctorum contrà sentientium opinionem Iordanes quidquam adiuuerit, à quo dicitur Aëtius *superbiam Sueuorum*, hoc est Iuthungorum, *Francorumque barbariem magnis cadibus seruire Imperio Romano cœgisse.* quippe his verbis Iordanes tantum ostendit Francos, & Iuthungos post aduersa proelia, factamque pacem Romanis contra hostes auxilium tulisse: sicut Meroueus Francorum Rex bello Hunnico fecit. Ita Flavius Vopiscus in libro de vita Probi Aug. loquitur, affirmans omnes Germanos, hoc est Francos, & Alamannos, quos alij Alamanos, alij Alemannos, quidam Alemanos appellant, cum à Proculo sollicitarentur, *Probo seruire, quàm cum Proculo esse maluisse.*





HADRIANI VALESI RERVM FRANCICARVM LIBER SECVNDVS.



PTANDVM nobis fuerat, vt re-
rum a Maioribus nostris aduersus
Romanos; & Barbaros terra ma-
rique gestarum Francos scripto-
res haberemus. Verum quoniam
vti ceterarum nationum ita &
nostræ à Romanis primordia pe-
tenda sunt, qui præsertim in panc-
gyricis clades gentium dissimula-
tis earumdem victoriis in Imperatorum gratiam amplificâ-
runt: vereor ne pleraque superiore libro de Francis dicta
ingratâ relatione lectorum animos fatigarint: dum in-
felicis incursionum euentus; victos Francos, & aut cæ-
sos in acie; aut captiuos in arena cum Regibus suis be-
stiiis obiectos; ac insultationes Romanorum expono.
Quamquam si quis attentè cõsideret, quo se modo Fran-
ci his in calamitatibus gesserint: haud dubiè fatebitur
nusquam clariùs & illustriùs eorum virtutes eluxisse,
quas ipsorum hostiù oratores aliud agendo imprudentes
laudauerunt. Quanto enim animo quantâque constan-
tiâ Franci captiui, ne in amphitheatro Romanis diutiùs

spectaculo essent, mortem sibi ignominia leuiorem ma-
 turauere: & cùm ceteri ad bestias condemnati supplici-
 ter vitam precari; aut ex sanguine metu totâ arenâ fugere
 solerent: ipsi tamquam parum esset emissas cauea feras
 exspectare, vltro eis occurrebant; sæuientium rabiem
 laceſcebant; vsorum rictibus semet ingerebant. cùm
 tamen natio frequens & valida tot continuis cladibus
 non infringi, sed accendi; tam crudelibus suorum sup-
 pliciis non ab incursionibus deterreri, sed ad vltionem
 stimulari, & ad maiora audenda incitari videretur. Certè
 Fl. Valerius Constantius Cæsar in Batauia, in insula Bri-
 tannia, in media denique Francia magnas ex Francis vi-
 ctorias tulit. num ideo postea Constantini principatu
 Franci rariùs in Gallias irruerunt? Num à Constantino
 toties victi arma deposuerunt? nonne & Crispo Cæsari,
 & Constanti Aug. eius filijs bellum intulerunt? nonne,
 vt ceteros antea omnes in Gallia tyrannos; sic tum Ma-
 gñentium auxilijs iuuerunt? nonne occupationibus, &
 mortibus Imperatorum; segnitia Ducum; absentia le-
 gionum in occasionem incursionum vsi sunt? vt quæ
 domi deerant opes de Romanis quærerent, & ignomi-
 nioso nomine clades Francorum appellare licet, quos
 constat à Romanis non vi, sed dolo; non præliis, sed
 furtis vinci consueuisse: & quos præter ceteros truces,
 ferina contentos, ac vitæ contemptores Panegyrista qui-
 dam fateretur difficillimè superari potuisse. Ascaricum
 quidem & Regaifum Francorum Reges tamquam trans-
 fugas vel fugitiuos turpissima ac tæterrima morte affe-
 ctos esse indignabitur magis quàm mirabitur, qui Du-
 ces hostium à veteribus Romanis victos ante currum
 duci, & in carcere necari solitos non ignorauerit. Sic
 Aristonicum Regem Pergamenorum carnificis manu
 strangulatum; sic Iugurtham Numidiæ Regem fame
 necatum; sic Antigonum Iudæorum Regem iussu M.
 Antonij Triumuii securi percussus accepimus. & ne
 sibi placeant finitimi Francis Alamanni; Regem eo-
 rum Valentiniani maioris principatu à militibus Ro-
 manis captum & suffixum patibulo apud Ammianum
 Mar-

Marcellinum inuenimus. minùs vt mirum sit Constantinum, qui in Dardania natus inter Mœsos *ipsorum* (vt ait Florus) *Barbaros Barbarorum*, multum à popularibus traxerat feritatis: qui filium; vxorem; ambos Licinios, alterum sororis virum; alterum filium; multosque amicorum suorum interemit: in Reges nostros tam inhumanè sæuissè. cuius sæuitiæ hanc præcipuam causam fuisse ex Eutropio intelligitur, vt eo supplicio Constantinus militum sibi & Gallorum animos conciliaret: quorum alteri continuis Francorum irruptionibus fatigati semper in armis esse cogebantur: alteri sine intermissione vexati populationes agrorum suorum in auctores vindicari cupiebant, & perpetuam sibi securitatem ac pacem occisis hostium Regibus promittebant. Neque tamen prouincialibus voto potiri, ac militibus quiescere licuit, antequam Constans Aug. Constantini Maximi filius pacem cum Francis fecisset. quo tempore ob aduentum eorum in Galliam tanta Occidentis prouincias perturbatio, tantusque terror inuaserat, vt Galliarum atque etiam Italiæ Episcopi inuitati à Constantio Aug. ecclesias sibi commissas deferere, & Concilij habendi causâ Antiochiam proficisci non auderent. Tum igitur pace factâ, multi primores Frâcorum ad Constantem; ac deinde ad Constantium fratrem eius se contulere: eorumque multitudo in Palatio florere cœpit, ita factum est, vt qui domi remanserant Franci rariùs postea in Galliam erumperent. Siue quòd Optimates suos Principibus Rom. militantes reueriebantur: siue quòd cum popularibus pugnare nefas esse existimabant, tantum enim fidei ac virtuti Francorum Imperatores credebant, vt eos sæpiùs ac libentiùs quàm Romanos ad muniendam ripam Reni, & ad reprimendos non Alamannos modò, sed etiam Francos ipsos mitterét. Ita Siluanum Francum Constantius Magistrum militum fecit, & in Galliam, quæ ab Francis & Alamannis ferro & igne vastabatur, misit. Ita Charietto nationis eiusdem principatù Valentiniani Comes per vtramque Germaniam, exercitum Francis, Alamannisque oppositum rexit. Ita Mallobandes Francorum Rex ab Gratiano Aug. Comes Domesti-

corum factus, & cum magnis copiis aduersus Alaman-
nos missus est. à qua expeditione libri huius Deo auspi-
ce sumemus exordium.

ccc.
LXXVIII.



VALENTIS VI & Valentiniani II Consula-
tus quàm Occidentalibus latus, & felix;
tam Orientalibus Romanis funestus ac
pæne exitiabilis fuit. quippe Gothi, quos
à Mœsia inferiore & Scythia Thraciæ pro-
uinciis Ister antea diuidebat: ab Hunnis suis sedibus ex-
pulsus, ac iussu Imperatoris in finibus Thraciæ collocati
ex constituto rebellauere. ac primò Lupicinum; mox
Traianum Duces fudere: vltimò Valentem ipsum totis
Imperij viribus instructum ad duodecimum lapidem ab
Hadrianopoli acie victum occidere. atque exinde ex
vexatoribus Thraciæ & Illyrici prouinciarum posses-
sores fieri cœpere: maiori postea Occidentalibus, quàm
Orientalibus Romanis exitio futuri. At eodem anno. in
Occidentis tractibus cùm Lentienses, Alamannorum
gens Ratiæ proxima; XL millibus hominum coactis in
Galliam irrupissent: Gratianus Aug. Nannienum cau-
tum Ducem cum exercitu aduersus hostes misit; eique
socium imperij dedit *Mallobaudem, Domesticorum Co-
mitem, Regemque Francorum, virum fortem ac bellicosum.*
qui ambo apud Argentouariam opidum superioris Ger-
maniæ Lentienses acie fuderunt ac fugauerunt. adeò vt
(quemadmodum Ammianus Marcel. lib. XXXI scribit) ex
proelio Barbarorum millia non ampliùs quinque super-
fuerint: REXque ipse, nomine Priarius, auctor belli sit
interfectus. Eiusdem Lentiensium, siue Alamannorum
cladis Hieronymus, Orosius, & Cassiodorus Senator
mentionem faciunt: è quibus Senator, à Marcellino sine
causa dissentiens, Gratiano IV & Merobaude Coss.
proelium commissum esse dicit. Hic est Mallobaudes
Rex, quem Marcellinus libro XXX Mellobaudem ap-
pellat: & cuius insidiis circumuentum Macrianum,
Alamannorum Regem potentissimum, dum popula-
bundus auidius quàm cautiùs Franciam peruagatur; per-
iisse tradit. quem præterea Tiro Prosper prodit Rico-

ccc.
LXXVII.

mere, & Clearcho Coss. Magistrum militiæ fuisse, & Gratiano circa Luteciam Pariliorum cum Maximo confli-
 gente, ad Maximū transiisse. Verba Prosperi huic loco in-
 icrere conuenit. *In Britannia per seditionem militum Maximus Imperator est factus: quo mox in Gallias trans-
 fretante, Gratianus apud Parisios Merobaudis Magistri militum prodicione superatus, & fugiens; Lugduni captus atque occisus est.* Quibus in verbis mendū esse, & sublato Merobaudis nomine, Mellobaudis nomen in suū locum restitui oportere nulli animaduersum miror. Nemo enim in Marcellini ac Pacati lectione versatus nescit Mero-
 baudem Magistrum peditum in Gallia; deinde bis Con-
 sulem, Imperatorisque Gratiani amicum & consiliarium, fidem ei ad vltimum sanctissimam præstitisse: rebūque perditis, & Gratiano ab exercitu suo deserto ac pro-
 dito, quodd militibus Romanis paucos Alanos ingenti mercede conductos anteponeret: arbitrium Maximi victoris suapte manu occupauisse. Comites autem, hoc est rectores Domesticorum equitum & peditum (ne quis Mallobaudem Francorum Regem eo functum officio miretur) Præfectorum, & Magistrorum militiæ auctoritati proximi fuere: adeoque dignitate eminue-
 re, vt Diocletianus, & Michael cognomento Τραυλός ex Comitibus Domesticorum; Iouianus ex Domesticorum primo; Glycerius etiam ex Domestico facti sint Impera-
 tores: & Bacurius à Rufino gentis Iberorum Rex, à So-
 crate Regalis dictus; ac Ataulfus, qui post Alarici mor-
 tem Gothorum Rex fuit; præterea Dagalaifus, Rico-
 meres, Stilico, Castinus, Sporacius, Venantius, Mauor-
 tius, qui omnes ad Consularum peruenere; Comites Do-
 mesticorum fuerint. quamobrem Malchus præfecturam, seu (sicuti vocabant) Comitium Domesticorum in-
 ter Palatinas dignitates claram & illustrem appellat. Apud Ammianum Marcellinum inuenio Mallobaudem, & Ricomerem vno eodémque anno, nimirum Valente VI & Valentiniano II Coss. Comites Domesticorum
 Gratiani fuisse. Ex quo apparet alterum Domesticis equitibus; alterum Domesticis peditibus præfuisse. Et de Mallobaude quidem suprà diximus: nunc de Ri-

comere pauca dicenda sunt.

Fuit Ricomeres natione Francus; stirpis Regiæ; patriæ virtutis & religionis tenax. Hic à Gratiano Augusto, ad quem se contulerat, in Thraciam præmissus; postulante Fritigerno Rege Gothorum, vt Imperator Valens ex nobilibus viris aliquos ad se obsides mitteret; vltro se ad hostem ferum ac perfidum iturum pollicitus est, *argumenta dignitatis* (inquit Marcellinus) & *natalium daturus*. Aufonio deinde & Olybrio Coss. inter ceteros, quos vt antea Valentinianus fratri; sic Gratianus Theodosio primo eius imperij die (sicuti Pacatus dicit) tradidit: apud Sirmium Comes Theodosio datus est. Libanius in libro de vita sua scribit à Ricomere Deorum cultore Magistro militum dilectum se antè quàm visum: & apud Antiochiam mutuo conspectu ac congressu amicitiam coniunctam, & omnem sibi honorem habitum esse: inde Ricomerem ad Imperatorem Constantinopolim venisse: eodémque se eius mox futuri Consulis literis euocatum, Consulatum ineunti eloquentiam suam laudatione approbauisse: & Ricomerem interroganti Principi, cuius maximè Rhetoris oratione esset delectatus, Libanij respondisse. Ex quo apparet Ricomerem, quem Socrates Rychomelianum appellat; non modò Latinis, sed etiam Græcis literis doctum fuisse: & à Theodosio Magistrum vtriusque militiæ; deinde cum Clearcho Cõsule factum, nequaquam post Gratiani mortem (vt aliqui arbitrantur) ad Theodosium se contulisse. Nam Socrates libro V, Marcellinus in Chronico, Paullus in libro XII Historiæ Miscellæ Merobaude II & Saturnino Coss. V III Kal. Septembres; Prosper autem, & Cassiodorus Senator anno insequenti Ricomere & Clearcho Coss. Gratianum occisum memorant. Vt etiamsi Socrati ac Marcellino credere velimus; tamen non potuerit Ricomeres intra menses IV ex Gallia Constantinopolim peruenire, inde Theodosio probatus simul ac visus Antiochiam ad res Orientis componendas mitti, Constantinopolim regredi, & Consul creari, quod præmium nisi expertis & benemeritis dari non solebat. Neque mirandum est, quòd

ccc.
lxxxix.

ccc.
lxxxiv.

ccc.
lxxxiii.

ambo Consules vnus eiusdémque anni à Theodosio facti sint: cùm Consulatu Theodosij Aug. 11, & Cy-<sup>CCC.
LXXX.
VIII. IX.
* X.</sup>negij; item Timasij & Promoti; Arcadij Aug. 11 & Rufini; dominante in tractibus Occidentis Valentiniano, idem acciderit. Zosimus à Libanio & à vero dissentit, ac libro IV prodit Ricomerem in regia Valentiniani, hoc est Mediolani in Italia versatum: quo tempore Arbogasti, nimirum populari suo atque amico Fl. Eugenium commendauerit: ac postea ad Imp. Theodosium profectum esse. additque Theodosium expeditionem in Eugenium parantem, equitatu Ricomerem virtutis multis bellis expertæ virum præficere statuisse: sed hunc interim morbo obiisse. Quintus Symmachus quidem, cuius sunt ad Ricomerem, quem studiosè coluit, XVI epistolæ; cum siue à Theodosio missus; siue aduersus Maximum in Italiam ductus erat; Romam venisse scribit. eiusdem constantiam in amicitia, virtutes, occupationes, curas, literas optatas & iucundas, benignitatem in se, mores, & merita; communes etiam amicos Flavianum, qui bis Præfectus Prætorij, & Historicus disertissimus fuit; ac Eugenium postea Imperatorem celebrat: eique pro munere Consulatus eius, quod anno pòst acceperat, gratias agit. Apud Libanium v epistolas MSS. legimus: quarum in vnâ nuntio victoriæ Ricomeris allato Antiochenes lætari admodum dicit. In alterâ eius ductu magnas res gestas; multa secunda proelia facta; plurimos hostes superatos; eius consilio ac manu Imperatorē adiuuari scribit. tres reliquæ nihil memoriâ dignū habent. Ceterum non dubito, quin Ricomeres ille ipse sit, qui in Fastis Cōsular. à Gregorio citatis Richimeres vocatur, Theodomeris Regis Francorum ex Ascila pater. cùm Ricomeres Clearchi collega in Fastis Capitolinis, & in Senatoris Chronico Ricimer, ac Flavius Richimer; à Græcis Richomeres appelletur: & apud Ammianū Marc. natalium splendore ac dignitate eminuisse dicatur.

Aufonius Burdigalensis, ex Præfecto Consul à Gratiano factus, in Precatione prid. Kalendas Ianuarias fascibus sumtis, & in gratiarum Actione pro Consulatu Fran-<sup>CCC.
LXXII.</sup>cis, ac Sueuos (id est Alamannos) certare ad obsequia,

vt cum Romanis militent, scribit: & Gratianum Aug.
discipulum suum affirmat vocandum esse Germanicum
ob dedicationem gentilium; Alamannicum ob tradu-
ctionem captorum: atque vno anno pacatum esse Danubij
limitem, ac Reni. & in antiqua inscriptione apud Resen-
dium Gratianus *Germanicus Maximus*, *Alamannicus*
Max. *Francicus Max.* *Gothicus Max.* Consul IIII ap-
pellatur, non immerito: quippe Mallobaudis Regis, co-
mitumque eius Francorum; præterea Ricomeris, ac Bau-
tonis opera utebatur: & Arbogastem Francum, factione
inimicorum expulsum domo cum suis ad se receperat:
atque Valente VI & Valentiniano II Coss. per Nannien-
num ac Mallobaudem Alamannos Lentenses acie fu-
derat: coegeratque robustissimos iuuenes, tironibus
admiscendos, obsidum loco tradere: & multitudinem
captiuorum in Galliam traduxerat: & eodem anno
ductu Theodosij Magistri militum Gothos, Hunnos, ac
Alanos interfecto Imperatore Valente, deletoque eius
exercitu per Thraciam & Illyricum licentiùs effusos
ranta cæde prostrauerat, paucis vt clam Danubium tra-
nandi, aut litribus transcundi, domumque reuertendi
spatium daret. Quæ fuit causa, quare Gratianus Augu-
stus Theodosium, Theodosij Magistri equitum viri for-
tissimi ac felicissimi ex Thermantia filium, natum in
vrbe prouinciæ Callæciæ Cauca, annum tertium & tri-
cesimum agentem, Aufonio & Olybrio Coss. XIV. Ka-
lendas Februarias apud Sirmium Imperatorem crearet,
& de exercitus sententia in Valentis patris locum sub-
stitueret: quem Marcellinus in Chronico Diui Traiani
ciuem, & Italicæ genitum falsò scribit.

ccc.
lxxix.

Huic paullo post aduersus Gothos, Hunnosque Thra-
ciam & Macedoniam Fritigerno duce depopulantes bel-
lum gerenti, & à Gratiano auxilium expetenti missus est
cum magnis copiis Bauto dux, & vnà Arbogastes, qui
quòd sub Bautone ciue ac amico & tùm & sæpe alias
militauit, ei que dignitate ac potentiâ proximus fuit;
apud Eunapium Bautonis secundarius fuisse dicitur.
Erant autem ambo (vt Zosimus libro IV scribit) natio-
ne Franci, viri fide in Gratianum singulari, summâ erga

Romanos beneuolentiâ; maximè omnium abstinentes, nec vñquam pecuniâ corrupti; consilio in bello ac virtute præstantes. quorum aduentu territi Barbari, relicta Macedoniâ, vltimam Thraciam petiere, & pace factâ domum rediere. Et Bauto quidem à Græcis Baudo; in plerisque Fastis Flavius Bauto appellatur: quod prænomen Constantinus Maximus gentiliciû habuit, omnisque fermè à Constantino Imperatores, & Augustæ; & priuatorum vanissimus quisque; plerique Consules; etiam Theodericus Ostrogothorum & Italarum Rex; Vesigothi Hispaniæ Reges ampliùs decem; & Autharius Princeps Langobardorum ridiculâ affectatione vsurpauere. Is bello Alamannorum, qui tum Galliam continuè excursionibus vastabant; inter celeberrimos Duces fuit, ac magnas ibi res gessit: cùmque Clemens Maximus interfecto Gratiano Cisalpinas prouincias occupauisset; Italiam, & Africam Valentinianus minor Gratiani frater haberet in potestate; Theodosius, ac Arcadius Imperium Orientis obtinerent: Gratiani partium viris aliis occisis, aliis qua quisque ratione potuit sibi consulentibus; ipse vnâ cum Arbogaste ex Gallia in Italiam ad Valentinianum perfugit. vel certè abs Gratiano Comes, & Magister militiæ fratri datus est: apud quem à Probo Præfecto Prætorij potentiâ secûdus est habitus: Hunnisque ac Alanis mercede conductis fretus Iuthungos, gentem Alamannam, quos Maximus ad depopulandam Rætiâ euocauerat, non modò fudit ac fugauit: sed etiam Alamanniam ingressus, vastatis agris magnû finitimis Gallis terrorem iniecit. Idem præterea cùm Arcadio Aug. Consul creatus Mediolani Consulatum iniit: vbi ^{ccc-} ^{lxxxv.} ab Aurelio Augustino homine eloquentissimo sanctissimoque, ea tum in vrbe artis Rhetoricæ Professore Kalendaris Ianuariis maximo conuentu laudatus est. sicuti Augustinus ipse libro III aduersus Petilianum tradit. Apud Quintum Symmachum in libro I v duas ad Bauto nem epistolas legimus. in altera Symmachus Bauto nem fidelissimum; & vt diligentem in comparandis amicitiiis, ita in seruandis firmum atque constantem ait esse: eique pro munere Consulari, quale Consules ini-

tro anni amicis mittere solebant, gratias agit. In altera crebris Bautonis literis, *fraterni animi testibus, ac vera religionis interpretibus*, negat sibi quidquam esse iucundius. Ex quo apparet Bautonem Christianum non fuisse. Vnde, etiam Ambrosius Mediolanensium Episcopus in Epistola ad Imperatorem Eugenium refert *presentibus viris amplissimis honore Magisterij militaris Bautone & Rumorido*, dissuadentibusque; Valentinianum minorem in sumtus factorum pecuniam erogari, stipendium Flaminiis, ac virginibus Vestalibus de publico statutum reddi, & aram Victoriæ Romæ in Curia reponi vetuisse: contrà Eugenium petentibus Arbogaste & Flauiano Præfecto de se bene meritis iussisse. Idem in Relatione legationis suæ ad Valentinianum Aug. epistolâ XXVII colloquium suum cum Maximo, & sermonem de Bautone habitum scribit his verbis. *Max. Me lussisti, & ille Bauto, qui sibi Regnum sub specie pueri vindicare voluit; qui etiam Barbaros mihi immisit: quasi ego non habeam, quos possim adducere, cum tot millia Barbarorum mihi militent? Ambr. in quo te fefellit Bauto, qui deuotionem Imperatori exhibuit suo? an quia Principem suum non prodidit? Quos immisit Barbaros Bauto Comes? & quid mirum, si hoc Bauto fecisset Transfrenanus genere; cum tu ministeris Imperio Romano Barbarorum auxilia? Vide autem, quid intersit inter tuas minas, & Valentiniani Augusti pueri mansuetudinem. tu id agitabas, quò Barbarorum stipatus agminibus Italia te infunderes: Valentinianus Hunnos, ac Alanos appropinquantes Gallie, per Alemannia terras reflexit. Quid habet inuidia, si Bauto Barbaros cum Barbaris fecit decernere? In medio Romani Imperij sinu Iuthungi populabantur Ratiæ: & ideò aduersus Iuthungum Hunnus accitus est. Idem tamen quia de finitimo proterebas Alemanniam, & iam vicinia mali urgebat Gallias; coactus est suos triumphos deferere, ne tu timeres. Confer utriusque factum. tu fecisti incurfari Ratiæ: Valentinianus suo tibi auro pacem redemit.*

Bautonem hunc Philostorgius lib. XI, & Niceph. Callistus libro XIII produnt natione Barbarum, (hoc est Francum) & Magisterio militum in Occidentis tractibus

bus clarum atque illustrem fuisse, ac filiam nomine Eudoxiam reliquisse, puellam eximiâ corporis pulchritudine, sed vt origine sic ferociâ ac insolentiâ barbarâ: quæ ob id & à Cedreno Barbara dicta, cùm apud Promoti Consularis viri filium educaretur, Olybrio & Probino Coss. Arcadio Augusto nupsit, virum & Remp. habitu-<sup>ccc-
xcv.</sup> ra in potestate. ea Nobilissimam Flaccillam auix paternæ cognominem; Pulcheriam Aug. Marciani coniugem; Arcadium; Theodosium minorem postea Principem; ac Marinam peperit: & Arcadiâ grauida Augusta est salutata; depositâ Nobilissimæ appellatione. Eutropium eunuchum ex seruulo Præpositum sacri cubiculi, Patricium, & Consulem factum; & Ioannem cognomento Chrysostomum, disertissimum ac sanctissimum Episcopum sibi aduersantes oppressit: & Selymbriam opidum Thraciæ restitui, atque Eudoxiopolim appellari iussit. Eidem, ante annum quàm decederet, Theodosio iuniore & Rumorido Coss. argentea statua palu-^{ccccm.} data super columnam ex porphyrite Constantinopoli ante Senatum locum ita dictum posita est, & scenicis ludis dedicata. Ceterum errant, qui Hydatium secuti Eudoxiam Arianam fuisse, & ob id Ioanni infestam tradunt. nam nec de fide cum Ioanne contentiones habuit: nec in relegati locum Hæreticum Antistitem; sed Arfacium pium hominem, atque religiosum sufficiens curauit: nec ab Innocentio vrbis Romæ Episcopo; ac ne à Ioanne ipso quidem; nedum à quoquam alio vllius hæreseos accusata est. Quare non magis Eudoxia Aug. Arianarum partium fuit, quàm aut Theophilus, aut alij insignes Sacerdotes, quorum illa operâ Ioannem oppressit. Præsertim cùm Marcus Diaconus in libro de vita Porphyrij Gazensis Episcopi tradat eam Ioanni ac Porphyrio Episcopis honoris causâ in vestibulo cubiculi occurrisse: priorem eos salutauisse: & inclinato capite vt ipsam Theodosiumque filium benedicendo signarent rogauisse: discedentisque viatico profecutam esse: & orando ac instando à viro suo pæne inuito impetrauisse, vt in vrbe Gaza templa dirui ad solum, & idola publica ac priuata deiici iuberet: atque ibidem magnificenti-

nam Ecclesiam cum Xenodochio suâ pecuniâ exstruendam curauisse. Ridiculas quidem literas, quibus Innocentius Ecclesiæ Romanæ Episcopus, post Ioannis in exilio obitum, Arcadio & Eudoxiæ sacris interdicat; non minùs quàm Arcadij ad Innocentium & Honorij ad Arcadium ineptissimas apud Baronium epistolas; fides esse à Nicephoro Callisto & Glyca, vel ab alio quouis ex eo intelligitur, quòd ante Ioannem Eudoxia Aug. decesserat. Hanc enim Socrates in Historiæ libro VI & cccciv. Marcellinus in Chronico Honorio VI & Aristæneto Coss. IV Nonas Octob. obiisse scribunt. Illum post triennium Honorio VII & Theodosio iuniore II Coss. in Cappadocia mortuum esse idem Socrates prodit. De Eudoxia loqui existimo apud Baronium Honorium Aug. in literis scriptis ad *Dominos sanctos fratrem nepotemque Augustos venerabiles*: (ita Arcadium & Theodosium appellat) in quibus queritur *imaginem muliebrem nouo exemplo per prouincias circumlatam*, hoc factum publica lingua carpente. quippe hic honos non aliis quàm Imperatoribus habebatur. sed nimirum Iulia Eudoxia Imperatori ipsi imperabat. Neque multo post factum est, ut femina cum Iuliam Mæsam, Soæmiada, Mamæam, & Iustinam imitatæ Imperiû Romanum regere cœpissent: sicuti Pulcheria sub Theodosio fratre suo; Placidia sub Valentiniano filio: eosdem sibi quos Imperatores titulos vindicarent. Certè nummos aureos tres à Lælio Paschalino acceptos profert Cæsar Baronius, in quibus Placidia Valentiniani Aug. mater Domina Galla Placidia; & eiusdem Imp. soror maior natu Dn. Iust. Grat. Honoria; hoc est Domina Iusta Grata; aut Iustina Gratiana Honoria; & Licinia Eudoxia eius coniux Theodosij minoris filia nouo more P. F. A. V. G. G. id est *Pia Felices Augusta* dicuntur, geruntque diadema. Nam antea Imperatores quidem *Pios Felices Aug.* eorum autem vxores, sorores, matres simpliciter *Augustas* appellari consueuisse ex veterum nummorum inscriptionibus intelligitur. Et in literis quas ad Theodosiû & ad Pulcheriam scribit Galla Placidia, se ipsa *Piissimam & perpetuam Augustam*; & Eliam Pulcheriam similiter *Piissimam semper Augustam* vo-

cat. Sed à Bautonis filia Iulia Eudoxia Aug. ad Maximū; & ab Orientis tractibus in Occidentem reuertamur.

Clementem Maximum, à quo Gratianus Aug. occisus est, & pulso Valentiniano totius Occidentis Imperium occupatum; sub Theodosio Magistro equitum Theodosij Augusti patre in Britannia militauisse, eiusque familiæ clientem & affinem, atque Hispanum fuisse Pacatus Drepanius in panegyrico, & Zosimus libro I V produnt. quem *ab immanissimis Germanorum gentibus tributa ac stipendia solo terrore nominis exegisse* quòd Orosius dicat, equidem miror. licet enim Maximus Pictos, & Scotos, partem Britanniae Imperio Rom. subiectam depopulantes, vi superatos reprefferit: & (vt Ambrosius suprà, ac Sozomenus in libro VII scribunt) *multorum millium Barbarorum, aut Celtarum*; hoc est Germanorum operâ in bellis sit vsus: non tamen Germanos sub imperio Maximi fuisse, sed mercede accersitos pro eo pugnauisse credendum est. quippe constat Transrenanos ne Octauio Augusto quidem, aut Vlpio Traiano; nedum Maximo tributa pependisse: contrà plerosque Imperatores pacem amicitiamque ipsorum pecuniâ redemisse. Ambrosius quoque epistolâ XVII tradit Maximum à Francis; à Saxonum gente; apud Sisciam; apud Petouionem; vbique demum terrarum à Theodosio absentem victum esse. de qua Francorum victoria quæ Sulpicius Alexander in libro III Historiæ apud Gregorium refert, huic loco sunt inferenda.

Theodosio Aug. II & Cynegio Coss. dum Maximus à Valentiniano & Theodosio in Illyrico bis absens victus amissâ spe Imperij, rebûsque perditis Aquileiæ sedet: Genobaude, Marcomere, & Sunnone ducibus Franci in inferiorem Germaniam irrupere: ac limite aperto multis mortalibus interfectis, fertilissimos pagos depopulati, Coloniae Agrippinensi metum incussere. quod vbi Augustam Treuirorum perlatum est; Nannenus & Quintinus Magistri militiæ, quibus infantem filium, Galliâque Maximus commiserat; coacto exercitu Agrippinam peruenere. At Franci onusti prædâ domum rediere; multis suorum ad iterandam populationem in Gallia

CCC.
LXXX.
VIII.

relictis. adeò verum est, quod dicit Libanius in Oratione, quæ Imperatoria inscribitur: Francos prædandi causa Renum transeuntes, si militem Romanum in ripa collocatum vicissent; sequi non destitisse: sin victi essent; finem fugæ initiû incursionis fecisse: & priusquam vna eorum manus repelleretur, alteram superuenire consueuisse. atque ob id Marcellinus libro XXI *Germanos, hostes assiduos* appellat. Igitur Nannenus, aliis Nannienus; aliis Nannius ac Nanneius dictus, & Quintinus Duces profecti Colonia ad Francos, qui in Gallia remanserant, contenderunt: & commisso prælio apud Carbonariam, magnam eorum multitudinem conciderunt. tum consilio conuocato, Quintino ceterisque vtendum victoriâ & in Franciam transeundum censentibus; dissuasit Nannenus: quòd domi Francos non imparatos, & propter locorum difficultatem ac notitiam superiores futuros intelligebat. cùmque frustra disputaret, & nemini sententiam suam probaret, iratus Mogontiacum reuertit. Quintinus verò cum exercitu circa Nouesium castellum Renum transgressus, secundis à flumine castris casas ligneas vacuas atque ingentes vicos desertos offendit. Franci enim simulato metu se in interiores saltus abdiderant: & arboribus cæsis aggestisque extrema siluarum obsepsierant. Itaque Romani omnibus ædificiis vstis, quorum in incendiis summam victoriæ positam arbitrabantur; noctem sollicitam sub armis egerunt: ac primâ luce, Quintino duce, saltus ingressi, ferè ad horam sextam totos sunt peruagati. tandem cùm diu implicuissent sese erroribus viarum, & maximis sepibus omnia clausa reperissent: in palustres campos, qui cum siluis continentes erant, proruperunt. ^{imperi} molientibus primùm Franci rari apparuere: qui coniunctis arborum truncis (quas Romani concædes, ipsi Combros appellabant) insistentes, inde velut è fastigiis turrium tormentorum ricu sagittas emisere. erant autem illæ veneno ex herbis expresso tinctæ; adeò vt si vel summam cutem degustauissent, leuem plagam mors certa sequeretur. Deinde maiori Francorum multitudine circumfusâ, Romani aperta camporum, quæ de industria Franci liberum ac-

cessum habere voluerant; auidius quàm cautiùs petiere. Ibi equites primi voraginibus summersi, & foedâ hominum iumentorumque strage oppressi sunt. pedites etiam, quos equorum ruina non protriuerat; implicati limo ægerrimè ad ingrediendum crura explicabant: cùmque ex paludibus vix emerisissent, trepidi se in siluas abdebant. palantibus instare Franci; fugientes insequi; impeditos more pecudum trucidare; fortunæ non deesse. Eum in modum turbatis animis ordinibûsque cæsa sunt legionibus Romanæ. Heraclius Tribunus Iouianorum; ac pæne omnes, qui militibus præerant, interfecti. paucis tutum effugium nox, & siluæ præbuere. Quæ cum ita sint, ridiculè Fredegarius dicit Heraclium & Iouinianum cum exercitu vltra Renum transgressos, magnâ cæde suorum à Francis factâ vix ex proelio elabi potuisse. & falsò Sigibertus affirmat anno VII post Valentis mortem Quintinum ac Heraclium Romanorum Duces circa Augustam Treuironum cum suis pæne omnibus ab Francis occisos esse. Ex Sulpicio Alexandro intelligitur tres tum minimùm in Francia regnauisse; nimirum Genobaudem, quem ipse Genobaldum, Fredegarius Genebaudum appellat; Marcomerem; & Sunnonem. falsòque Eumenium affirmare Francos per fugiis siluarum & paludum bellum frustrari solitos esse.

Eadem hoc anno in Italia fortuna Tyranni partiû fuit. CCCLXXXVIII.
Maximum bis victum milites sui viuum tradiderunt: quo ad tertium milliare ab Aquileia interfecto; Andragathius Gratiani percussor, sicut erat armatus, è nauì in flumè sese deiecit. missusque in Galliam à Theodosio Arbogastes Magister militiæ Victorem Cæsarem Maximi filium, & vnâ (vè equidem arbitror) Nannenum, ac Quintinum celeriter oppressos interemit. sanè Sulpicius Alexander libro IV prodit Cariettonem natione Francum, & Syrum in locum Nanneni substitutos post Victoris cædem, & in prouincia Germania inferiore cum exercitu Francis oppositos esse. Sic Valentinianus in Imperium patrium restitutus, & Fl. Theodosius (quod per LXXXI annos bis tantùm contigerat; primùm victo Maxentio Constantino II & Licinio II Coss. iterum Constantio IX & CCCLXXXII.
CCC.
LVII.

ccc.
lxxxix.

Iuliano Cæs. II Coss. post cædem Magnentij) Romam intrauerunt, & Timalio ac Promoto Coss. ex ciuili bello triumphauerunt, populôq; Romano congiariû dederunt.

cccl.
xxxviii.

Philostorgius libro X scribit Timalium, Ricomerem, Promotum, & Arbogastem Dûces ab Theodosio aduersus Maximum missos esse: à quibus victus, captus, & priuato vestitu ad Imperatores deductus sit: Cerrè clarissimus eo bello Dux fuit Arbogastes, qui Valentiniani fugientis comes, & in recuperando Imperio adiutor, vt in libro VII ait Orosius, *cùm Theodosio paruit, magnis instructum auxiliis Maximum cepit*: & (si Prospero, Hydatio, ac Zosimo credimus) Victorem interemit. Hydatius quidem, cùm in Chronico dicat *filium Maximi, nomine Victorem in Galliis per Arbogastem Comitum interfecit*: in Fastis Consularibus ait Theodosij Aug. II & Cynegio Coss. eundem à *Comite Theodosij Aug.* paucis post patrem diebus occisum. Minimè autem mirandum est Arbogastem, qui Valentiniani Comes fuerit, ab Hydatio *Comitem Theodosij* vocari. Nam & Zosimus scribit Arbogastem Magistrum militiæ ab Theodosio ad recipiendas Gallias, & ad interficiendum Victorem missum esse. Quippe non modò Valentiniani partium viri, sed etiam Valentinianus ipse profugus ac extorris Theodosio, à quo reducebatur, parebat: victôque Maximo Theodosius res Occidentis composuit: & Valentiniano in Galliam profecto, tres annos in Italia velut in prouincia sua vnâ cum Honorio filio, quem Senatui Rom. commendauit; moratus cuncta administravit: ex qua tandem, credo ne Valentinianum in partem Imperij paterni restituisse; partem sibi iure belli vindicare videretur: Tatiano & Symmacho Coss. in Thraciam transmisit: ac Constantinopolim IV Idus Nouemb. intrauit. quo anno Ricomerem Magistrum militum Theodosij fuisse in libro VII Codicis Theodosiani inuenio. Quominus mirari Orosium conuenit, quòd libro VII prodat, *interfecto à Maximo Gratiano, Theodosium Imperiû Orbis Romani solû annis XI obtinuisse.*

cccl.
xci.

Eunapius Sardonius Rhetor apud Suidam & Eustathium ait Arbogastem Francum, quem Abrogastem

appellat, Bautonis secundarium; viribus corporis & asperitate iræ totum igneum; virum rigidæ & perfectæ temperantiæ; cum pecunia quasi cum hoste continuum bellum gessisse: censu nihil à gregario milite differentem. ob eam rem Imperatori Theodosio idoneum visum esse, quem in regia Valentiniani naturâ ad severitatem æquitatēque propensi veluti rectam quamdam columnam propter gravitatem suam collocaret: ne quid in aula peccaretur, cuiquāmvē noceretur sedulo provisorum. Quibus ex Eunapij verbis intelligi potest Arbogastem, Curij aut Fabricij similem, Valentiniano adolescenti moderatorem à Theodosio appositum esse. Zosimus libro I V prodit Arbogastem ortum ex gente Francorum, quem Gratianus Aug. in bello Ducem à Bauto secūndum esse voluerat; post vtriusque mortem, suâ in agendo industriâ fretum, sine auctoritate Principis magisterium militum occupavisse: omnique exercitui propter virtutem, ac scientiam belli, & pecuniæ contentum idoneum visum ad magnam potentiam peruenisse. Decessit autem Bauto, (vti existimo) antequam Maximus rupto fœdere Valentinianum ex Italia expelleret, & ad Theodosium in Græciam perfugere cogeret. nulla enim in reductione Valentiniani fit eius mentio, qui si tum vixisset, in hoc bello ipse, non Arbogastes; Magistri militum locum sicut antea erat habiturus. Apparet ergo Arbogastem quidem primū Magisterio militum ab exercitu sibi delato vsum esse: deinde cū Valentinianus spoliatus Imperio Italiâ excessisset, ac Thessalonicam venisset; ipsum pariter profugum Magisterium amisisse: ac Valentiniano post annum ferè reducto à Theodosio pristinæ simul dignitati restitutum, atque etiam Principi admodum iuveni rectorem appositum esse. Orosius in libro VII Arbogastem, quem Hermias Sozomenus, Nicephorus & Hydatius Arbogastem, & Aruagastem vocant; *virum Barbarum; animo, consilio, manu, audaciâ, potentiâque nimium; & simulacrorum cultorem* appellat. Eundem oriundum ex Gallia minore; Magistrum militum; naturâ sævum admodum ac sanguinarium fuisse ait Socrates: apud quem ignarum lo-

corum Franciam veterem transfrenanam non proprio nomine Galliam minorem appellari puto. propterea quòd Arbogastes natione Francus fuit: & (vti Aimoinus in libro de vita Ambrosij legisse se dicit) ad Romanos se contulit: constatque cognomen minoris cuius alij prouinciæ magis quàm Galliæ conuenire. Philostorgius Arbogasti patrem Barbarum fuisse libro XI tradit, sed eum in Gallia natum esse non scribit.

ccc-
lxxxix.

Timasio & Promoto Coss. Franci elati recenti victoria Renum transferunt, atque ex prouincia Germania prædas egerunt. Quo cognito Arbogastes, iam obexilium suum ciuibus infestus, vehemèter arsit cupiditate vlciscendi: fremensque incurfionem in Galliam se Magistro militum factam, ac moræ impatiens monuit Valentinianum pœnas à Francis debitas expetendas: nisi omnia, quæ superiore anno cæsis legionibus diripuerant, confestim redderent; auctoresque belli ad piaculum perfidiæ ruptique foederis traderent. Itaque Valentinianus profectus in inferiorem Germaniam Marcomerem & Sunnonem Reges Francorum ad se euocauit: & habito cum his colloquio, imperatisque ex more obsidibus (sicut Sulpicius Alexander libro IV tradit) post paucos dies Augustam Treuironum in hiberna concessit. vnde in libro IV & in libro VI Codicis Theodosiani leges Valentiniani duas, alteram ad Messianum Procuratorem rerum priuatarum; alteram ad Constantium Præfectum Prætorij missas inuenio: quarum hæc data XVIII *Kalendas Iul. Treuiris Timasio & Promoto Coss.* illa data VI Idus Nouemb. eodem anno eadèmq; ex vrbe dicitur. cuius primæ subscriptionis mendum vt corrigatur, Kalendas Iul. in Kalendas Ian. mutari oportere arbitror. Nequaquam enim Valentinianus XV III Kal. Iul. Consularu Timasij & Promoti in vrbe Treuironum statua habere potuit: si verum est, quod Socrates, Hermias Sozomenus, ac Marcellinus in Chronico tradunt; eundem vnà cum Theodosio & Honorio puero nondum quimo Idibus Iuniis, siue pridie eius diei Romæ supradictis Coss. de Maximo triumphum egisse. Fredegarius Scholasticus, qui ex Gregorio epitomen fecit, Sulpicium Ale-

Alexandrum non intellexit, cùm scripsit Arbogastem elatum superbiâ Francis bellum intulisse; & acie victum fugisse; Francosque Augustæ Treuironum hibernauisse. Nec minùs (sicut existimo) errauit Ioannes Auentinus, qui Arbogastem cùm apud Claudianum exulem appellari, & Regibus Francorum inimicum fuisse dici apud Sulpicium forsitan animaduertisset; Marcomeris, ac Sunnonis fratrem esse, & ab his domo expulsùm credidit.

Postquam Theodosius Aug. Italiâ decessit, Imperatori Valentiniano cum Arbogaste discordia esse cœpit: quæ huic primùm; deinde & illi, multisque vnâ hominum millibus exitiabilis fuit. Causa inimicitiarum erat, quòd neuter alteri volebat esse subiectus. quippe Valentinianus (si Zosimo credimus) Arbogastis tristem seueritatem, & in reprehendendo libertatem ferre non poterat: titulùmque Imperij penes se, potestatem penes illum esse indignabatur. Arbogastes verò quidquid nec aulam decere, nec imperatoriæ dignitati conuenire existimabat, aut improbabat factum; aut ne fieret providebat: suoque arbitrio cuncta administrabat. cui cùm sæpe aduersaretur Valentinianus, nec quidquam proficeret, propterea quòd Arbogastes militum studiis muniabatur: in eo opprimendo vires suas experiri statuit. sedensque in regia sella, & toruo vultu hominem intuens sui salutandi causâ propiùs accedenti literas in manum tradidit, quibus ei Magisterium militum abrogabat. Has Arbogastes lectas concepsit: & proiecit: negans cuius beneficio honorem non esset assecutus, eius se arbitrio depositurum. Tum Valentinianus iram contemtumque non ferens desiluit è solio Arbogastem percussurus, nisi à Protectore, cui gladium auferre conatus erat, inhibitus esset. eidemque paullo pòst tantæ iræ causam ex ipso percunctanti meditato mendacio respondit: quoniam Imperator cùm esset quod vellet facere prohiberetur; sibi ipsum manus asferre, & vitam miseram ac iniucundam abrumpere voluisse. Inde non iam occulta discordia, sed apertæ inter vtrumque inimiciæ fuerunt: & in caput Valentiniani consiliùm iniri cœpit. Arbogastes enim, cùm animaduerteteret dissensionem hanc nisi

alterius morte non posse finire; aduersarium tollere, quàm perire maluit. Itaque de fide popularium securus (sicut Sulpicius Alexander tradit) rei militaris curam Francis satellitibus mandat: ciuiles magistratus in societatem coniurationis adsciscit: quidquid militum ac eunuchorum in aula erat, pecuniâ & spe augendâ dignitatis sollicitat: Valentinianumque Principem apud Viennam Palatio intramurano includit pene infra priuati fortunam reductum: aded vt nemo vnus ex omnibus sacramento obligatis inueniretur, qui familiari eius sermoni aut iussis parere auderet. Et Valentinianus quidē crebrò per literas Theodosium de Arbogastis arrogantia Maximi tyrannide grauiore certiore fecerat, auxiliumque petierat affirmans, si suas iniurias neglexisset, se ad eum secundò venturum. sed ab Theodosio nulla adolescentis querimoniarum ratio habita erat. Nihilominus Arbogastes sibi à Valentiniano, & Valentiniani amicis metuēbat, vel metuere simulabat: neque eius verbis credebat. Quamobrem Valentinianus, ante biduum quàm exstingueretur; Ambrosium Mediolanensem Episcopum (vti ipse in Concione funebri de obitu Valentiniani Aug. scribit) vadem fidei suæ futuram per epistolam euocauit. tanta enim Ambrosio cum Arbogaste vel necessitudo, vel familiaritas fuit, vt idem eadem in Concione dicat se, si Viennam venisset, Arbogastem Valentiniano reconciliaturum: sin Arbogastes inexorabilis nullam concordie conditionem accepisset; apud Imperatorem remansurum, etque consilij sui copiam facturum fuisse. Sed iam Alpes Graias superanti Ambrosio de eadē Principis nuntiatum est: cui, cum propter murum vr̄bis Viennæ ludicro certamine cum paucis militibus sese exerceret, Arbogastes per emissarios fauces obliuerat. Sunt, qui meridianam ab cubicularijs; sunt, qui meridie dum omnes ministri prandebant in regia interiōre ad ripam Rhodani ludentem à Protectoribus Arbogastis inmissa strangulatum; & vt mortem sibi metipse consciuisse crederetur, exanimem suspensum esse scribant. Quæ fuit causa, quare Prosper ac Senator sparso in vulgus rumore decepti memorie

traderent Valentinianum nimia Arbogastis Magistri militum seueritate ad tedium vitæ deductum suspendio periisse. Rufinus ac Sozomenus aiunt quosdam publicam opinionem secutos, id dolo & insidiis Arbogastis Ducis factum affirmauisse. alios expertem quidem sceleris Arbogastem; sed cum Valentiniano tanquam ætate nondum valido liberam potestatem imperij non indulgeret; indignabundo adolescenti causam mortis fuisse dixisse. Augustinus in libro v de Ciuitate Dei dubitat, vtrumne is per insidias; an quo alio pacto vel casu fuerit extinctus. Interfectus est Valentinianus Idibus Maij, Arcadio Aug. II & Rufino Coss. antequam baptizaretur, vicesimo ætatis; sextodecimo imperij anno expleto: adolescens Principatu dignus; Regiis corporis, animique virtutibus præditus; atque si ad virilem ætatem peruenisset, patrem iustitiâ superaturus. cuius cædem omnes dissimulauere: quod Arbogastem, virum ob contemptum pecuniæ fortitudinemque multis bellis expertum militibus acceptissimum, & magnâ auctoritate subnixum metuebant. Fuerat inter coniurationis participes Eugenius quidam Magister scriinij, antè Grammaticæ Latinæ professione celebris; nomine magis quàm re & studio Christianus: quem à Ricomere sibi commendatum ac traditum Arbogastes in amicorum numero habebat. Hunc aut propter genus diffusus sibi ipse, (sicuti ait Philostorgius) aut vt affectati Principatus suspicione careret: Imperatorem appellandum curauit, Imperium Occidentis, Eugeniumque rectorus.

ccc.
xcil.

Eodem anno quo Valentinianus perierat; (vt Alexander scribit) hoc est Arcadio Aug. II. & Rufino Coss. Arbogastes, qui Sunnonem & Marcomerem Reges Francorum gentilibus odiis prosequeretur; Coloniam Agrippinam rigentem maximè hieme petiit: ratus tunc omnes Francia recessus penetrandos vrendosque, cum decussis arborum foliis nude atque arentes silue insidiantes occulere non possent. Collecto ergo exercitu, transgressus Renum Bructeros ripa proximos; pagum etiam, quem Chamani incolunt, depopulatus est: nullo vsquam occursante: nisi quod pauci ex Amsuariis & Chattis, Marco-

ccc.
xcil.

*mere duce, in ulterioribus collum iugis apparere. An-
 maduerto Arbogastem alias præterea in Francos exp-
 ditiones fecisse. Paulinus enim in libro de vita Ambrosij
 scribit eum aduersus gentem suam; hoc est Francos, bellum
 gessisse, atque non parvam multitudinem manu fuisse, cum
 reliquis verò pacem iniisse: quærentibusque Francorum
 Regibus (nimirum Marcomeri & Sunnioni) quos ad ce-
 nam inuitauerat, an Ambrosium Episcopum nosset; ab
 eo se homine diligi, & frequenter cum eodem con-
 uiuari solere respondisse. tum Reges dixisse: merito
 te Arbogastes felicem ferunt, quoniam Ambrosium vi-
 ctoriarum conciliatorem inuenisti, cuius iussu solis ip-
 sius cursus sisti potest. Addit Aimoinus in libro de vita
 Ambrosij referri Arbogastem primò acie victum ab
 Francis fugisse: deinde commisso iterum prælio ingentem
 hostium multitudinem parua manu fuisse, & cum
 reliquis pacem fecisse. Quæ Nicolaus Vigneriùs falsò
 existimat tum gesta esse; cum Eugenius susceptâ exp-
 ditione *Reni limitem petiit, ut* (quemadmodum tradit
 Sulpicius Alexander) *cum Alamannorum & Franco-
 rum Regibus antiquis fœderibus ex more initis, immensum
 eâ tempestate exercitum gentibus feris ostentaret.* Ab Ar-
 bogaste enim bellum cum Francis variâ fortunâ ge-
 stum, & postea æquis conditionibus est compositum. ab
 Eugenio verò cum his, & cum Alamannis iuncta sunt
 fœdera: sicut Imperatoribus Romanis initio principatus
 facere mos erat. quæ in vnam eandemque exp-
 ditionem nullo modo conueniunt.*

Allato nuntio de cæde Valentiniiani, Theodosius non
 mediocriter est conturbatus. dolebat affinem & con-
 sortem potestatis, magnâ spe; ætate integrâ; nefariè oc-
 cisum. & ut Eugenium hominem nouum atque imbel-
 lem, Imperatorem factum esse indignabatur: ita Arbo-
 gastem propter scientiam rei militaris auctoritatem,
 que & fortitudinem audaciæ coniunctam maximè me-
 tuebat. Accedebat ad mærorem Gallæ coniugis luctus
 orantis, ut fratris mortem vlcisceretur: neu sorores suas,
 Iustam & Gratam, deuotas Deo virgines in hostium po-
 restate & in periculo iniuriæ esse sineret. bellum itaque

summa ope parare constituit. & quòd pacem cum finitimis gentibus fecerat ; Duces ac exercitus è limitibus euocat. auxilia ex Armenia maiore, Colchide, & Iberia accersit. Gildonem etiam Comitem magnæ in Africa auctoritatis ac potentiae sollicitat: qui tutò fortunam speculari, & neutrarum esse partium maluit, quàm cum periculo Theodosio contra Eugenium auxilia mittere. Auctor est Rufinus Sacerdotes de pace legatos ab Eugenio venisse ad Theodosium: & immunem sceleris, si quod in morte Valentiniani inesset, Arbogastem testatos esse. Theodosium autem cum Clericis, & populo omnes Ecclesias circuiisse: ante Apostolorum & Martyrum reliquias cilicio ^{super} inuolutum prostratumque humi iacuisse: per quos auxilium se à Deo impetraturum confidebat, non tam armis & excubiis; quàm precibus ieiuniis ac peruigiliis fretus. Dum milites undique conueniunt; reuertit ex Thebaide Eutropius Præpositus cubiculi, ubi Ioannem Lycopoliten, Monachum diuino afflatu res futuras prædicentem, de euentu belli consuluerat: & responsum refert Theodosium superiorem fore; multorum tamen morte victoriam constaturam. quo ille velut oraculo maximè est confirmatus: & tertio Consulatu Flauium Honorium minorem filium patruo cognominem, nonum annum agentem (nam Arcadio diadema pridem imposuerat) IV Idus Ianuarij in Tribunali Hebdomi de sententia militum Augustum nuncupauit: atque anno insequenti, Arcadio III & Honorio II Coss. profectus est Constantinopoli, vires Orientis & amplius vicena millia Gothorum foederatorum secum ducens: cui per Daciam mediterraneam & superiorem Mœsiam iter facienti magna manus Hunnorum & Alanorum circa sinistram ripam Danubij colentium ultro se iunxit. inde per Pannonias, & agrum Noricum in Italiam contendit.

ccc.
xciiib.ccc.
xciv.

At Arbogastes quas sibi sumserat Imperatorias partes strenuè & prudenter implebat. nam innumerabiles copias ex Cisalpinis prouinciis, Italiæque coegerat: & ne Gallia incursionibus vastaretur, depositis odiis cum Francorum Alamannorumque Regibus foedus inierat:

ac pro communi patria magna à Francis auxilia impetrauerat: néve in Maximi erratum incideret, qui sparsis iacautè manibus faciliorem Theodosio de se victoriam dederat; in vestibulo Italix castris positus hostem opperiebatur, de Imperio totis viribus pugnaturus. Italiam à Septemtrionibus claudunt Alpes Iulix, interruptis tantum angusto transitu celsissimis iugis. has fauces, quæ maximè in artum coeunt, Arbogastes munitionibus firmauerat, & sub radicibus montium ita confederat, ut omnem ferè planitiem eius copix complerent. Quas ad angustias ut Theodosius deimproviso peruenit; muro ac turribus, quibus aditum Arbogastes intercluserat repente concidentibus; præsidium loco deiecit, patefactoque itinere editum collem castris occupauit. Inde cum auxilia Gothorum, Gaina & Saule ducibus, in campum descendissent; sub eius oculis acris pugna commissa est: cuius hic euentus fuit, ut Gothorum decem millia caderent; reliqui vndique pressi, ac pæne circumuenti vix noctis beneficio recipiendi sui facultatem haberent. Anxius itaque Theodosius quid optimum factu videretur ad consilium retulit. Negabant Timasius & Stilico Imperatoris amicorum primi, ceterisque Duces militibus timore perturbatis quidquam committi oportere: secundo prælio hostes sublatos, & ad pugnandum alacriores factos: tantæ multitudini paucitatem suorum opponendam non esse dicebant. redeundum igitur retro quæ venerant, reparatisque copiis veris initio bellum renouandum. Non tenuit iram Imperator, sed grauius castigatis consilij auctoribus, quod turpissimam & periculossimam fugam reductis nomine prætexerent; ac Christi Crucem imagine Herculis infirmiores existimarent; in secretum concessit: precatúsque Deum, ut meliori causæ faueret; circa galli cantum præ ægritudine somno est consopitus. Tum secundum quietem visi equites duo albat iusserunt eum primâ luce exercitum aduersus Eugenium educere, Ioannem se ac Philippum professi, & operam victoriâque polliciti. Lætus Imperator manè pro concione nocturnum visum exposuit, ac velut Iudas Maccabæus de prælij euentu secu-

rus, milites cohortatus est; vti duces cælo missos impigrè sequerentur: neu plus in armatorum numero, quam in eorum antesignanorum viribus reponerent. Magnum habet momentum religio humanis mentibus iniecta. Theodosiani, qui paullo antè aduerso proelio infracti pauore marcebant; tum repentè mutati alacritatem vultu verbisque præferebant: Augustum, vt confestim duceret, orabant: suarum esse partium Deum; cælites habere se auxilios vniuersi credebant. nec moratus impetum Theodosius, signo Crucis dato, cum suis ex summo monte decurrit, & in hostem ire contendit. Arbogastes descendentes procul conspicatus, primò fidem oculorum damnabat. vnde enim tantum audaciæ victis accessisse? mox exemtâ dubitatione aciem instruxit. alloquensque milites Eugenius admonuit adesse optatum votis laborum finem: hostes incompósitos, lymphatis similes cæco timore in perniciem incurrere: ipsis cum mollibus Græculis; cum imbellibus Asiaticis; cum Syris luxuriâ effeminatis rem fore. Irent fortes; irent felices; tenues fusi pridie exercitus reliquias delerent; præmia certæ plenæque victoriæ consecuturi. Neutris cohortatione opus erat: hos ira incitabat; illos confirmabat fiducia. Alpes Iulias transgressis, & Aquileiam petentibus aperit se spatiosa planities, sub radicibus montium iacens: per quam delapsus ex Alpibus fluuius Frigidus fertur non longiùs à supradicta vrbe millibus passuum sex & triginta. hîc acies dimicauere. Ac primùm cum propter locorum angustias & impedimenta calorum agmen suum paullo tardiùs in aciem descendere, & incitari Eugenianos eâ morâ animaduertèret; defiliit equo Theodosius, & ante aciem progrediens exclamauit, vbi est Theodosij Deus? quo dicto suos omnes excitauit. Hunc igitur ante signa cum paucis procurentem Arbetio Comes Eugenij *insidiis excepit: moxque conuersus ad reuerentiam Imperatoris: (vt ait Orosius) non modo eum periculo liberauit; sed etiam auxilio instruxit:* cum summis copiis vtrîque cœptum contendere, & variâ fortunâ pugnatum. Dextrum Theodosianorum cornu cum sinistro Eugenianorum æquo Marte certabat: at Gothi,

ceterique Barbari, qui in læuo cornu erant collocati, compluribus suorum occisis ægrè hostium impetum sustinebant: & iam terga daturi videbantur, nì Bacurius rector Domesticorum primis ordinibus comitatus laborantibus opem tulisset, præliumque fortiter restituisset. Et si neutra inclinata erat acies; apparebat tamen futurum, ut Theodosiani numero ac virtute aduersariorum, vel sola diuturnitate pugnae defatigati vincerentur. Cum subito è summis Alpibus frigidus & vehemens Aquilo (qualis antea numquam flauerat) aduersus Eugenianos coortus magnam singulis ac vniuersis intulit cladem. alij abreptis scutis aut reiectis nudari: alij applicitis impediri: pars illis obuerberari: plerisque densus puluis in ora volutus prospectum adimere, & buccam implendo spiritum intercludere. non ordines seruandi, firmiter consistendi, vulnera inferendi aut vitandi potestas dari. vires perpaucis, animi præsentia nemini adesse. quæ coniecerant tela, turbo contrarius miris modis circumacta in ipsos retorquebat; vel innoxia aliò deflectebat: Theodosianorum autem hastas sagittasque ultra spatium humanis viribus concessum longè deferrebat, nullum ut eorum iaculum irritum caderet. Eugeniani conferti procumbebant: occæcati puluere, vix venti perculsi, toto corpore inutiles & illigati ab integris & expeditis more pecudum trucidabantur. Fluvius Frigidus coaceruatorum cadaverum sanguine redundabat, coloremque & frigus amiserat. Cum magnus Eugenianorum numerus esset occisus; reliqui tandem Deo cedendum esse intellexere: atque armis abiectis à Theodosio Aug. ut ipsis ignosceret supplices petuere: quos Imperator pro sua clementia omnes conseruauit: ex hisque nonnullos ad Eugenium comprehendendum misit. quos cum Eugénius in aggere confidens cursu ad se tendentes ac anhelantes videret; victoriæ nuntios ratus interrogauit, an quemadmodum præcepisset, Theodosium viuum & vinctum perducerent. illi autem non iniquiunt, Theodosium ad te captiuum adducimus: sed (sicut Deo visum est) te ad Theodosium victorem adducturi venimus. confestimque hominem de-

detractum è folio, ablati insignibus imperatoriis, religatis manibus ad Theodosium deducunt. cui postquam Theodosius Valentiniani nefariam cædem, tyrannidem scelere quæsitam, atque imaginem Herculis impiè agminibus prælatam obiecit, ac bellum ciuile imputauit: demississimè vitam precanti ante pedes eius caput præcisum est. Arbogastes (vt loquitur Rufinus) *aduerso Deo nequidquam fortiter faciens*; vbi desertum se à suis vidit, profugit ex prælio: desperatisque rebus, duobus semetipse gladiis transfuerberauit. multi præterea clarissimi viri in acie ceciderunt. Flauianus omnibus honoribus functus, qui Haruspicinâ & obseruatione siderum deceptus victoriam Eugenio prædixerat: antequam pugna committeretur, in Alpium faucibus, quas valido præsidio tuebatur, est interfectus.

Theodoritus in libro V ac Nicephorus Callistus in libro XII ita, vt suprâ diximus, biduo bis pugnatum scribunt. At Socrates in libro V & Hermias Sozomenus in libro VII memoriæ tradunt cùm se acies Theodosiana in planitiem demississet; ibique dubio Marte prælium committeretur: partem exercitus Eugenij in summo monte confidentem à tergo apparuisse. ac Theodosium veritum, ne sui pauci à multis, defessi à recentibus circumuenti interficerentur; Ducibus copiarum in monte consistentium datâ, sicut petierant, fide augendæ dignitatis eam manum ex insperato sibi iunxisse. Interea in campo permagnum Barbarorum Theodosij auxilium numerum esse occisum. Itaque Imperatorem proiectis armis fufum humi maximo fletu Deum implorauisse: ac subito Bacurium Regalem Iberorum, pietate & virtute animi corporisque præstantem subsidio laborantibus venisse: factâque impressione Eugenianos, qui paullo antè aduersariis pulsus vehementer instabant, in fugam conuertisse: atque magnam illam vim venti coortam esse. Turanius Rufinus quoque, quem Socrates Scholasticus & Hermias Sozomenus non secuti sunt modò, sed ferè totum transtulerunt; in lib. XI prodit, collocatis in superiore iugo insidiis, Eugenianos in descensu montis aciem instruxisse: & vbi ad primos ventum est, atque

hi seilico Theodosio tradiderunt; in imis vallibus prælium atrox initum esse: fusâque auxilia Barbarorum terga dedisse. tum Theodosium, vt auersos suos vidit, pro salute periclitantium Deum precatum esse: ac mox Theodosianis animum virtutemque rediisse: Bacuriûmque ingenti strage agmina hostium conferta & constipata perrupisse: & vehementem ventum in eorundem exitium consensisse. Zosimus Christianæ religioni & Theodosio infensus, ne piissimum Principem beneficio Dei ex aduersariis victoriam tulisse fateretur, mentiri maluit: ac nullâ cum huiusce venti; tum precationis mentione factâ in libro IV scripsit, cum auxilia Theodosij magnâ cæde prostrata fuissent; postridie Eugenianos securos temulentos ac semisomnos deimprouiso oppressos, fusos, fugatosque esse: Eugenium in fuga captum: cuius capite amputato & per castra circumlato, ac veniâ promissâ, vniuersi se Theodosio dederint. Arbogastem verò in montes asperos ex fuga se recepisse: cumque dimissis à Theodosio in omnes partes militibus ad mortem conquireretur, ludibria arbitriûmque hostium sua manu occupauisse. Adicere ex Philostorgio licet pugnatum acerrimè, & multos vtrimque desideratos. etsi enim Auctor libri de vita & moribus Imperatorum Rom. & Iordanes in libro de successionibus Regnorum produnt Eugenium tyrannum, & Arbogastem ab Theodosio superatos prælio esse, ex eorum exercitu deletis armatorum millibus decem: tamen ea denorum millium cædes Gothis Fœderatis magis conuenit, quorum decem millia à Theodosio præmissa Magister militum Arbogastes apud Orosium & Paullum dicitur interfecisse. at ex parte Eugenij non *paruam manum fusam* esse, sicut ait Orosius; sed ingentem hominum multitudinem cecidisse Claudianus præter ceteros ostendit his versibus.

*Alpina rubuere nives: & Frigidus amnis
Mutatis fumaui aquis; turbâque cadentum
Staret, nî rapidus inuisset flumina sanguis.
Crescunt intumulum strages: vallémque profundam
Equauere iugis: stagnant immersa cruore*

Corpora. turbantur permisto funere manes.

Victus est Eugenius VII Idus Septembres Arcadio III & Honorio II in Oriente; in Occidente Flauiano & Arbogaste (vt existimo) Consulibus; post Valentiniani cædem annis II & mensibus ferè IV. & summa Imperij ante annos XXX ab Valentiniano maiore diuisi ad Theodosium peruenit. Ceterùm tam memorabilem felicemque victoriam Theodosius pietati suæ religiosisque precibus magis quàm armis debuit: vti Paullinum Aquitanum in Panegyrico quodam scripsisse ait Gennadius. Quare Claudianus versibus notissimis, & ab Augustino ac Orosio citatis testatur ætherem Theodosio militauisse, & coniuratos ventos ad classicum venisse. Et Augustinus in libro v de Ciuitate Dei Theodosium *contra robustissimum Eugenij exercitum magis orando, quàm feriendo pugnauisse* affirmat. atque apud Prosperum Tironem in Chronico *aperto Dei fauore conspirantibus elementis* Eugenius dicitur esse superatus.

Non diu Theodosio licuit bello confecto lætari, ac fructum laboris sui percipere. Nam Mediolani aquam intercutem nactus, cùm manè ludis Circensibus victoriam celebrauisset; post prandium subitò ingrauescente morbo spectaculo interesse non potuit: ei que Honorium filium, quem ex Thracia acciuerat, præsidere iussit: ac proximâ nocte decessit XVI Kalendas Februarias, Olybrio & Probino Coss. anno ætatis XLVIII; imperij sextodecimo exeunte: Arbogasti non longius IV mensibus ac vndecim diebus superstes: duobusque filiis ex priore coniuge Ælia Flaccilla Aug. genitis Flauio Arcadio puero annorum circa XV II partes Orientis; Fl. Honorio annum vndecimum agenti Imperium Occidentis recens armis quæsitum reliquit. qui eodem anno lege data XI Kalendas Maij Mediolani, quam libro xv Codicis Theodosiani insertam legimus; Eugenij acta infirmauerunt: ei usque, & Arbogastis, ac Nicomachi Flauiani *funestorum* (ita enim appellant) *Consulorum* nomina ex Fastis eradi iusserunt. Ex his colligi potest, quàm falsò Prosper, & Prosperum secutus Cassiodorus Senator asserunt Olybrio & Probino fratribus Coss. Eugenium

ccc.
xciv.

viſtum eſſe, & Theodoſium morbo interiſſe. cùm non modò Hydatius ac Marcellinus, ſed etiam vetuſtiores Proſpero Claudianus & Socrates; alter ſecundo Conſulatu Honorij Aug. alter v III Idus Septembris Arcadio III & Honorio II Coſſ. Eugenium à Theodoſio pulſum acie & occiſum eſſe memoriæ tradant.

Hocce prælium, præter quinque ſupradictos Hiſtoriæ Eccleſiaſticæ auctores, deſcribunt Ambroſius in laudatione funebri Theodoſij, Claudianus, Aurelius Auguſtinus, Magnus Oroſius in libro VII, & Zoſimus in lib. IV à ceteris omnibus conſuetudine ſua diſſentiens. Apud Oroſium quidem (cuius verba Marcellinus in Chronicum ſuum, & Paullus Langobardus in librum XIII Hiſtoriæ Miſcellæ tranſtulere) dicitur Arbogaſtes Valentiniano interfecto *mox Imperatorem creauitſe Eugenium: eligens hominem, cui titulum Imperatoris imponeret; ipſe geſturus atque ſibi vindicaturus Imperium: ac contraxiſſe vndique innumeras & inuiſtas copias partim ex Romanorum præſidiis; partim ex auxiliis Barbarorum; apud hos poteſtate (hoc eſt Magiſterio militum) apud illos cognatione ſubnixus: & aduerſus Theodoſium collectis Gallorum, Francorumque viribus exundauitſe.* Gallos, & Francos Oroſius appellat, quos ſuprà cognatos, id eſt populares Arbogaſtis, item Barbaros; ac Romanos. Quod autem ait Eugenium ab Arbogaſte Imperatorem factum; Claudiani, Oroſij, Proſperi, atque Zoſimi auctoritate nititur: adeoque verum eſt, vt qui parciùs vel negligentiùs ea de re loquuntur Hiſtorici, ſcilicet Auſtor libri de vita Imperatorum, Socrates, Marcellinus, ac Nicephorus Calliſtus; nihilominùs Eugenium *Arbogaſtis fauore & viribus conſiſum; ſive adiutore Arbogaſte Imperium uſurpauiſſe* ſcribant. quem ego virum tanto maiore admiratione dignum iudico, quanto glorioſius eſt Imperium, cùm occupare poſſis, ſatiſdare, & dare alij malle. Quamquam videtur Arbogaſtes (ſicuti prodit Oroſius) Eugenium ignobilem & imbellem homunculum ex induſtria delegiſſe, vt inane nomen perſonamve Principis ferenti ipſe imperaret: & penes eum umbra Imperij; corpus penes ſe atque vires forent. Certe Eugenium,

quem Christianum fuisse Ambrosius ac Paullinus aiunt;
Philostorgius Socratis æqualis negat; Zosimus quidem
amicum Arbogastis vocat: at Claudianus humillimum
abiectionissimumque eius clientem, atque etiam famulum,
seu in rebus omnibus morigerum; Arbogastem verò
Barbarum, & Germanum exsulem, hoc est Francum do-
mo expulsum appellat his versibus.

*Interea turbata fides. ciuilia rursus
Bella tonant, dubiumque quatit discordia mundum.
Proh crimen Superum! longi proh dedecus aui!
Barbarus Hesperias exsul possederat vrbes:
Sceptraque deiecto dederat Romana clienti.*

Idem in eodem Panegyrico de III Consulatu Honorij
Aug. ita de morte Arbogastis refert:

*At ferus inuentor scelerum traiecerat altum
Non vno mucrone latus: duplexque tepebas
Ensis: & vtrices in se conuerterat iras
Tandem iusta manus.*

Et alio loco de Maximi, & Eugenij; deque Andragathij
& Arbogastis, qui eorum Comites & Magistri militum
fuerunt, exitu sic loquitur.

*Per varium gemini scelus erupere Tyranni
Tractibus Occiduis. hunc sana Britannia fudit:
Hunc sibi Germanus famulum delegerat exsul:
Ausus vterque nefas; Domini respersus vterque
Infantis iugulo.*

*Hic noua moliri praeceps; hic querere tuta
Prouidus; hic fusis; collectis viribus ille;
Hic vagus excurrens; hic intra claustra reductus;
Dissimiles, sed morte pares: euadere neutri
Dedecus, aut missis licuit procumbere telis.
Amisâ specie, raptisque insignibus ambo,
Qui modo tam densas nutu mouere cohortes;
In quos iam dubius sese libauerat orbis;
In vultus rediere suos: manibusque reuinctis
Oblati gladiis summittunt colla paratis.
Amborum periire Duces. Hic sponte carina
Decidit in fluctus: illum suus abstulit ensis.
Hunc Alpes, hunc pontus habet.*

Apud eundem Claudianum Honorius puer, de sententia exercitus factus Imperator, Theodosiū patrem rogat, vt cum eo sibi liceat ad bellum Eugenianum proficisci.

*Sed cur non potius, verbis qua differis, vsu
Exerior? gelidas certè nunc tendis in Alpes,
Duc tecum comitem: figant sine nostra Tyrannum
Spicula: palleſcat nostro sine Barbarus arcu.
Italiàmne feram furiis prædonis acerbi
Subiectam? patiar Romam seruire clienti?*

CCC.
XCV.

Olybrio & Probino Coss. sub finem anni Rufinus natione Aquitanus, natus Elusæ in Nouempopulis, quem Theodosius Magistrum Officiorum & Consulem fecerat, ac tutorem Arcadio moriens instituerat, periit: vir strenuus; prudentia; altitudine ingenij; magnitudine corporis; extemporali sermonis facilitate excellens; sed avarus & rapax: quem Patricium & Præfectum Prætorij Stilico vtriusque Imperatoris tutelam sibi vindicans, in Tribunali Hebdomi per milites Orientales post victum Eugenium domum remissos interficiendum curauit, affectati Imperij falsò suspectum: quippe Alaricum Gothorum Regem pecuniâ sollicitatum in Græciam; Hunnos in Armeniam & Cappadociam immiserat non ob aliud, quàm vt contra Stiliconis insidias eorum præsidio munitetur. insequenti anno Rufini vxor, & filia in exilium missæ sunt.

CCCL.
XXXII.

Per hæc tempora in Francis Regnum obtinebant Marcomeres & Sunno, forsitan Priami eius, quem Tiro Prosper quarto imperij Theodosij anno in Francia regnauisse scribit, filij. Certè in libro de vita Sigeberti posterioris Francorum Regis reperio Priamum patrem Marcomeris, auum Faramundi, Clodionis proauum, abauum Merouci Alanos vicisse: & ab Imperatore Valentiniano victum acie atque occisum esse. Vetus quoque Historicus, qui res gestas Merouingorū Regum scripsit; Abbâsque Monasterij Vrspergenſis Conradus Marcomerem Priami filiū, & Sunnonem Antenore quodam natum principatu Valentiniani Priamo successisse dicunt. & Rorico Monachus Marcomerem Priamo genitum ait. Denique Priamum imperante Valentiniano ma-

iore in Francia regnâsse auctor est Sigibertus: affirmâtque quosdam eum à Valentiniani exercitu proelio fufum & occifum fcribere. ipfe anno V post Valentis Aug. mortem obiiffe credit, eodémque anno Marcomerem Priami filium, ac Sunnonem Principatum in Francia obtinere coepiffe. Neque hoc Priami nomen, quodd Græcum eft, & originem Francorum ad Troianos referendi materiam multis fcriptoribus præbuit: ob eam rem videri debet virò Germano minimè conuenire. cùm (vt de ceteris ficleam) è tribus Alamannorum Regibus vnū Scrapionem; alios duos Vrficinū, & Macrianum; & Quadorum Regulum Gabinium Ammianus Marcellinus nominibus Ægyptiis & Latinis appellet. Si autem verum eft, quod Tiro Proſper dicit: apparet Priamū à priore Valentiniano occidi non potuiſſe, qui anno ſeptimo poſt eius mortem, quarto imperij Theodoſij in Francia regnare occœperit: eundémque, ac Mallobaudem vno tempore Franciæ imperium obtinuiſſe, quem Mallobaudem (ſicuti ſupraſcripſimus) Gratianus Aug. Comitem, ac bellorum commilitonem per annos ampliùs VI habuit: & cuius ductu Macrianus atque Priarius potentiſſimi Reges Alamannorum acie victi ſunt & interfecti. Quo magis miror à Proſpero Priami quidem pœne ignoti viri mentionem fieri: Mallobaudem verò, Genobaudem, Marcomerem, ac Sunnonem nobiliſſimos Reges Franciæ præteriri. quippe nullum Regem Proſper Priamo, & Faramundo medium interponit: ſed hunc anno IV Imperatoris Theodoſij; illum Honorij ſexto & vicesimo regnare coepiſſe affirmat: vt Priamo, quicumque eſt, vnde quadraginta annos attribuire videatur: cùm is, ſi IV imperij Theodoſij anno Regni potiri occœperit, vix ſexennium complere potuerit. Nam dum Maximus Aquileiæ amiſſâ ſpe Principatus amens & attonitus ſedet; ſiue Theodoſio Aug. iterum & Cynegio Coſſ. anno decimo poſt exortū Theodoſij, Francos Genobaude, Marcomere, & Sunnone ducibus in Germaniam prorupiſſe auctor eſt Sulpicius Alexander: quem cùm nequaquam intelligeret Gregorius, & apud eundem ſcriptorem legiſſet, Arbogaſte Francorum agros depopulante;

cccc.
xxxviii.

paucos ex Amsuariis & Cattis Marcomere duce in veterioribus collum iugis apparuisse : haud dubitavit affirmare Francis Duces, non Reges eâ tempestate fuisse. hocque non solum veteribus nostris Historicis Fredegario, Aimoino, Roriconi, Adoni, Sigeberto, ac Iuoni; sed etiam Nicolao Vignerio, aliisque recentibus nimis credulis auctoritate sua persuasit. tanta omnium vel securitas, vel linguæ Latinæ ignorantia fuit, ut quod cuiusquam ductu gestum sit; id eo duce actum esse Latine dici nescierint: non minus ridiculi, quam qui Iunonem apud Virgilium ita de se loquentem

Me duce Dardanius Spartam expugnauit adulter?

Ducem appellandam diceret, Reginam negaret. Scilicet Atech; Genobaudes, Mamertino Genoboudes dictus; Ascaricus; Regaisus; Nebiogastes, vel Nebigastes; atque Mallobaudes Reges Francorum fuerunt! Genobaudes minor, Marcomeres, & Sunno non fuerunt! quos posteriores duos Sulpicius Alexander ipse, & Paulinus in libro de vita Ambrosij, ac Claudianus Reges nuncupant. Quid quod & Reges, quorum cum apud ceteras nationes; tum maxime apud Francos, gentem liberam atque bellicosam, præcipuæ partes semper fuisse, ut exercitus ducerent; auctores Latini Ducum nomine sæpe vocauerunt? Sic Titus Liuius in lib. XLV Solouettium & Ducem Gallorum, & Regulum Gallorum appellat. Publius Virgilius Maro Turnum modò Ducem; modò Regem Rutulum nuncupat. Sed hoc clarius ac certius est, quam ut indicari egeat aut probari. Neque est, quod tantopere sudet Gregorius, dubitetque Reges; an regiam vicem functi fuerint Marcomeres, & Sunno: quoniam ambos idem Sulpicius Alexander Francorum Regales, ac Subregulos Francorum vocet: licet enim Regales propriè dicerentur Regum filij, atque propinqui, qui Regibus quidem auctoritate & potentiâ inferiores essent; sed Subregulis, ac nonnumquam etiam minoribus Regalibus imperarent: tamen ex superioribus satis apparet Alexandrum licentiùs verbis abusum Regales, & Subregulos pro Regibus dixisse.

Vt

Vt autem cuius filij; ita & cuius successores fuerint Genobaudes, Marcomeres, & Sunno, (nam saltem Marcomerem, & Sunnonem fratres fuisse infra docebimus) inter auctores non constat. Aimoinus Francioni cuidam fabulis memorato; Nicolaus Vignerus Mallobaudi; alij scriptores Priamo eos successisse tradunt. Regnare in Francia coepere paullo ante alterum Theodosij Consularum: quo anno Clementis Maximi bello civili pressa absentia inuitati, transito Reno, Galliam incursionibus vastare: ac transgressos in Franciam Romanos fudere & fugauere. cui expeditioni non diu superfuisse videtur Genobaudes, à Sulpicio Genobaldus; à Fredegario Aimoinoque Genebaudus dictus. quoniam Sulpicius Alexander nullam deinde eius; sed Marcomeris tantum ac Sunnonis mentionem facit; Genobaudem Marcomeri, Marcomerem Sunnoni præponens. ex quo intelligitur vt Genobaudem maximum ex fratribus; ita Sunnonem minimum natu fuisse. Idem Auctor apud Gregorium scribit Marcomerem & Sunnonem, ob ætas ex prouincia Germania prædas, Timasio & Promoto Coss. euocatos ab Imperatore Valentiniano in colloquium venisse: datisque ex more obsidibus domum rediisse: ac Arcadio Aug. II & Rufino Coss. sub finem anni, Arbogaste agrum Bructerorum ripæ Reni proximum, & pagum Chamauorum populante; paucos Amisuarios, & Cattos Marcomere duce in vltioribus collibus apparuisse: belloque variâ fortunâ gesto pacem factam; & postea Valentiniano interfecto ab Eugenio antiqua fœdera cum Francorû Regibus, id est cum Marcomere & Sunnone inita esse. Hoc loco animaduertô Arbogastem Postumi, Lolliani, Probi, Maximiani, Constantij maioris, Constantini, Crispi Cæs. Iuliani, Valentiniani, & Quintini Magistri militum exempla securum in Franciâ transisse: in qua præter homines & pecora nihil erat, quod capi posset; præter casas nihil, quod miles incenderet. atque post id tempus attritis Imperij viribus neminem Romanum vnumquam cum exercitu fines Francorum ingrediausum esse. præterea Marcomerem Faramundi patrem in Bructeris, Chamauis, Amisuariis, & Cattis Regnum obtinuisse. quippe ille, nisi his populis

CCCL.
XXXVIII.CCCL.
XXXIX.CCC.
XCII.

præfuiſſet, priores duos defendere non debuit; poſteriores duos milites habere non potuit. Erant autem Amſuarij, vti Bruſteri, Chamaui, & Catti; Franciæ gens, quos Caius Cornelius Tacitus in libro XIII Annalium Anſibarios; Iulius Honorius Orator in libello de Coſmographia, ac Iſidorus Amſuaros, & Amſibaros appellant: & quos quidam apud Ammianum Marcellinum Attuarios dici falſò affirmant: cùm Attuarij Franci quidem & ipſi, Renóque coniuncti, & antediſtæ trigæ populorum finitimi, ab Strabone Chattuarij; Attuari à Velleio; à Tacito & Ptolemæo Chaſuari; & in Annalibus rerum geſtarum Caroli Ducis Hattuarij, atque Hazzoarij vocentur.

Ceterùm notandum eſt veterem Auctorem Hiſtoriæ Franciæ, Roriconem Monachũ, Adonem Viennenſium Episcopum, Sigibertum, Iuonem, multòſque alios, cùm apud Gregorium legiſſent *Genobaude Marcomere & Sunnone ducibus Francos in Germaniam irrupiſſe*, ex eaque prædas egiſſe; deceptos nomine Germaniæ tradidiſſe Francos relictâ Pannoniâ Marcomeris & Sunnonis ductu in Germaniam commigrauiſſe: & loca circum extremas partes Reni, ſeu circa oſtium fluminis occupaiſſe. Vt appareat ab iſſdem Sulpicij Alexandri verbis non intelleſtis & hunc recentiorum ſcriptorum, & ſupradictum Gregorij errorem ortum eſſe. Miror verò, quòd Marcomerem, & Sunnonem (priorem noſtri Marcomirum; poſteriore Sonnonem, ac Somnonem appellant) ſex & triginta annos regnaiſſe Sigibertus prodatur. nam ambo paullo ante alterum Theodoſij Aug. Conſulatum Regni potiti, ſub initia principatus Honorij ante Stiliconem Conſulem perierunt. Certè Claudianus, Poëta æqualis huius temporis in libro I de laudibus Stiliconis ſcribit Marcomerem & Sunnonem fratres, non ſanguine & Regni ſocietate quàm morum ſimilitudine coniunctiores, quoniam inquieti & otij impatientes foedus cum Honorio iſtum frangere volebant; miſerabilem exitum feciſſe. eorum enim alterum, id eſt (vt aliqui arbitrantur) Marcomerem à ſuis vel auro corruptis, vel bellum perofis viuum Flauio Honorio traditum eſſe: quem Imperator in carcerem & vincla coniec-

cccl.
xxxviii.

cccc.

cerit, atque cognitâ causâ in Etruriam relegauerit. alterum, fratris se exsilium ac iniuriam ulturum minitantem, Principum Maiorûmque coniuratione esse interfectum.

Provincia missos

*Expellet citius, fallax quàm Francia Reges,
Quos dederis. acie non iam pulsare rebelles,
Sed vinclis punire licet. sub iudice nostro
Regia Romanus disquisit crimina carcer.
Marcomer, Sonnoque docent: quorum alter Etruscum
Pertulit exsilium: cum se promitteret alter
Exsulis ultorem, iacuit mucrone suorum.
Res auidi concire nouas, odioque furentes
Pacis, et ingenio scelerûmque cupidine fratres.*

Quibus etiam versibus videtur indicare Claudianus in locum Marcomeris & Sunnonis Reges ab Honorio esse suffectos. Vnde in libro I in Eutropium tradit Honorium Aug. cum ei Eutropius eunuchus ex Oriente Consul nuntiatus est; siue Consulatu Mallij Theodori cum Germaniæ gentibus foedera iunxisse, aliis Reges imponentem, aliis obsides; aliis milites imperantem.

ccc.
xcix.

Tum fortè decorus

*Cum Stilicone gener pacem implorantibus ultro
Germanis responsa dabat: legesque Caycis
Arduus, et flauis signabat iura Suenis.
His tribuit Reges: his obside fœdera sancit
Inducto: bellorum alios transscribit in usus:
Milites ut nostris detonsa Sicambria signis.*

Deinde Romam cum Honorio sic loquentem fingit.

*Ante pedes humili Franco, tristisque Sueno
Perfruo, et nostrum video Germanice Renum.*

Sed ut hoc incertum est; ita maximè constat Flauium Stiliconem, Magistrum militum, paucis comitarum in Rætiam contendisse & flumen Renum pernauigasse; euocatis ad se Alamannorum, ac Francorum Regibus: qui contra Theodosium adiuti Arbogastis & Eugenij sibi conscij pro summo beneficio pacem acceperint, filiosque obsides dederint. cum antea Imperatores Romanos tributarios haberent, nec nisi acceptâ pecuniâ incursum

nibus abfisterent. Sic Stiliconem peruenisse ad locum, ubi Renus duo in ora se scindit: rebúsque ex sententia confectis, post paucos dies quàm profectus erat reuertisse. Marcomeres autem, & Sunno etiam tum in Francia regnabant: qui paullo pòst (vt supradictum est) cùm id fœdus frangere vellent, indignum nobilitate ac virtute sua exitum fecere. Ex quo intelligitur Faramundum Marcomeris filium præter ceteros oblidem Honorio datum esse. Hoc fœdus initio principatus Honorij ex more initum, seu potiùs renouatum esse Olybrio & Probinò Coss. priusquam Stilico in Alaricum Gothorum Regem Macedoniam & Epirum depopulantem expeditionem faceret, & Theodosianos ciuilis belli victores domos remitteret, docet Claudianus in Panegyrico Honorio IV Consuli dicto, Honorium alloquens Stilicone subnixum.

CCC-
XCV.

*Hunc tamen in primis populos lenire feroces,
Et Renum pacare iubes. volat ille citatis
Vectus equis; nullâque latus stipante caterna,
Aspera nubiferas quâ Ratia porrigit Alpes,
Pergit; & hostiles (tanta est fiducia) ripas
Incomitatus adit. totum properare per amnem
Attonitos Reges humili ceruice videres.
Ante Ducem nostrum flauam sparsere Sicambri
Casariam: pauidôque orantes murmure Franci
Procubuerè solo. iuratur Honorius absens,
Imploratque tuum supplex Alemania nomen.
Basterna venere truces; venit accola silua
Bructerus Hercynia; latisque paludibus exit
Cimbrus; & ingentes Albim liquere Cberusci.
Accipit ille preces varias, tardêque rogatus
Annuit, & magno pacem pro munere donat.
Quod longis alijs bellis potuere mereri,
Hoc tibi dat Stiliconis iter. Post otia Galli
Limitis hortaris Graias fulcire ruinas.
Ionium tegitur velis.*

Hanc pacem operâ Stiliconis factam cum Germanis ac-
colis Reni; hoc est cum Francis, & Alamannis, ac fortas-
se etiam pretio redemptam; velut felicem aliquam ex-

celsámque victoriam magnificentiùs inflatiùsque quàm
veriùs carminibus celebrat idem Poëta in libro 1 de lau-
dibus Stiliconis.

Miramur rapidis hostem succumbere bellis,
Cum solo terrore ruant? non classica Francis
Intulimus: iacuerè tamen. non Marte Suenos
Contudimus, queis iura damus. quis credere possit?
Ante tubam nobis audax Germania seruit.
Cedant Drupe tui; cedant Traiane labores.
Vestra manus dubio quidquid discrimine gessit;
Transcurrens egit Stilico: totidemque diebus
Edomuit Renum, quot vos potuistis in annis.
Quem ferro, alloquiis; quem vos cum milite, solus
Impiger à primo descendens fluminis ortu
Ad visidos tractus, & iuncta paludibus ora
Fulmineum perstrinxit iter. Ducis impetus undas
Vincebat celeres: & pax à fonte profecta
Cum Reni crescebat aquis. Ingentia quondam
Nomina, crinigero flauentes vertice Reges,
Qui nec Principibus donis precibùsque vocati
Paruerant; iussi properant: segnique verentur
Offendisse morà. transuecti litribus annem
Occursant, ubicumque velis. nec fama fefellit
Iustitia: videre pium, videre fidelem:
Quem veniens timuit; rediens Germanus amauit.
Illi terribiles, quibus otia vendere semper
Mos erat, & sædà requiem mercede pacisci:
Natis obsidibus, pacem tam supplice vultu
Captiuoque rogant, quàm si post terga reuincti
Tarpeias pressis subeant ceruicibus arces.
Omne, quod Oceanum fontèsque interiacet Istri,
Vnius incurfu tremuit: sine cade subactus
Seruitio Boreas, exarmatique Triones.
Tempore tam paruo tot prælia sanguine nullo
Perficus; & Lunà nuper nascente profectus
Antè redis quàm plena fuit; Renumque minacem
Cornibus infractis adeò mitescere cogis:
Vt Salius iam rura colat, flexòsque Sicambri
In falcem curuent gladios, geminàsque viator

*Cum videat ripas, qua sit Romana requirat:
 Ut iam trans fluuium non indignante Cayco
 Pascat Belga pecus; mediūque ingressa per Albim
 Gallica Francorum montes armenta pererrent.
 Vltro quinetiam deuota mente tuentur,
 Victoriq̃ue fauent. quoties sociare cateruas
 Orauit, iungique tuis Alemania signis!
 Nec doluit contenta tamen, spretoque recessit
 Auxilio laudata fides. Prouincia missos
 Expellet citius, fallax quān Francia Reges,
 Quos dederis.*

Quibus ex versibus apparet Claudianum aut studio adu-
 landi, aut æstu quodam ingenij longiùs abreptum incre-
 dibilia narrare. Si enim Stilico nouâ Lunâ profectus,
 & à Mediolano ad diuortium Reni ampliùs I C C millia-
 ria emensus ante plenilunium rediit: quā festinatione
 intra tam breue temporis spatium, hoc est intra XIV cir-
 citer dies Principes Cheruscorum, & Cimbrorum ex
 interiore Germania; atque etiam Duces gentis Basternarum
 seu potiùs Bastarnarum ex Sarmatia euocari, ne
 dicam in colloquium venire potuere? Quòd si quis di-
 cet earum nationum Regulos ad ripam Reni aduentum
 Stiliconis opperiri monitos esse, vt venienti celeriter oc-
 currerent: constabit ne sic quidem Bastarnas eò acciri
 debuisse: nisi fortè Bastarnæ Reno quā Danubio pro-
 piores; aut Sarmatarum incursiones Galliæ magis quā
 Pannoniæ Mœsiæque metuendæ fuerunt. Præterea mi-
 ror Claudianum sperauisse cuiquam posse persuaderi pe-
 cora Belgarum non solū vltra Renum propulsa in pa-
 bulum; sed etiam trans Amisum, & Visurgim, ac Al-
 bim ipsū, quod flumen à Reno millia passuum quadrin-
 genta abesse Velleius affirmat; pastum vniquam exacta
 esse. Quam ego mendam à librariis ortam, & ita corri-
 gendam arbitror.

*Vt iam trans fluuium, non indignante Cayco,
 Pascat Belga pecus; mediūque ingressa per alueum
 Gallica Francorum montes armenta pererrent.*
 Vbi fluuium, mediūque alueum cum dicit, Renum
 Poëta vult intelligi: & Caucos, seu Caycos, nationem

Germanam, gentibus Francorum annumerat. Sic Eumenius de laudibus Constantini Aug. dicit *greges Gallorum toto flumine bicorni* (id est Reno) *mersari* post Ascaricum & Regaifum Reges Francorum victos & captos.

Ob id foedus, sicut antè dictum est, factum cum Francis & Alamannis; Claudianus Galliam indignantem, querentemque nondum Consulatum præmium meritorum Stiliconi datum esse, fingit his versibus.

Qui mihi Germanos solus, Francosque subegit,

Cur nondum legitur fastis? cur pagina tantum

Nescit adhuc nomen, quod iam numerare decebat?

Vsq̃ue adeone levis pacati gloria Reni?

Honorio Aug. IIII & Eutychiano Coss. aduersus Gildonem Maurum idolorum cultorem, sub specie partium Arcadij Africâ sibi vindicantem Mascizel eius frater, vir Christianus est missus: quocum se Francorum Imperatoris sociorum classem coniunxisse falsò affirmat Nicolaus Vigneriùs: quòd apud Claudianum Honorius, Gildoni hosti à Senatu iudicato bellum inferre parans sic loquitur.

CCC-
XCVIII.

Transmittere primus

Ipse paro. quacumque meo gens Barbara nutu

Stringitur, adueniat. Germania tota feratur

Nauius, & socia comitentur classe Sicambri.

Pallida translatus iam sentiat Africa Renum.

Quippe Claudianus ipse in lib. belli Gildonici, & Orosius in libro VII docent Mascizelem Pisis profectum Caralim venisse: inde secundo vento in Africam traiecissee: habuisse autem secum non plura quàm quinque militum millia; nimirum Iouianos, Herculianos, Sagittarios Nervios, Felices, Augusteos, Inuictos, & Leones: quæ tum nomina legionũ erant. eaque manu Gildonem, filiorum suorum interfectorem, fretũ armatis millibus LXX pæne sine pugna ac sine sanguine vicisse. Vt appareat exercitum, quem Imp. Honorius auctore Stilicone aduersus Gildonem misit, haudquaquam (sicuti credit Vigneriùs) ex Franciæ Germaniæque gentibus fuisse confectum. Gildone interfecto, & Africâ receptâ multi, qui partium eius adiutores fuerant, proscripti sunt: in his Mar-

charidus, n̄ fallor, cuius mentio fit in Codicis Theod. libri IX titulo XLII.

Quod verò suprà Claudianus ait Sicambros, quos quidam Græcos auctores secuti Sugambros, aut Sygambros appellant, sub signis Ducibusque Romanis militauisse; hoc de Francis dictum esse facillè intelligi potest: quoniam ea tum gens agrum veterum Sicambrorum possidebat. & Notitia prouinciârum Imperij Romani, Honorij principatu scripta, Salios in partibus Orientis Auxiliis Palatinis annumerat: docetque Alam primam Francorum Apollonos; Cohortem XI Chamauorû Peamû; Cohortem VII Francorum Diospoli; Alam I Francorum Cunnæ; & Alam octauam Flauiam Francorum Ripaltæ (quæ Thebaidis, Syriæ, & Mesopotamiæ loca erant) in præsidio fuisse. quæ Auxilia, Alas, & Cohortes Imperatores Constantinus Maximus & Constantius eius filius ex Francis cùm captiuis, tum dediticiis confecisse videntur, & in Orientem transtulisse. Eodem in libro in Occidente Francorum gentes Salij, Bruçteri, Amsuarij, ac Salij Gallicani inter Auxilia Palatina numerantur: ex quibus Salij seniores, Bruçteri, & Amsuarij in Galliis sub viro illustri Magistro equitum militabant: Salij iuniores Gallicani in Hispania præsidij causâ constituti erant: & Præfectus Lætorum Francorum Redonis, vrbi prouinciæ Lugdunensis terciæ, præfuisse dicitur.





HADRIANI VALESII

RERVM FRANCICARVM

LIBER TERTIVS.



VIRI Occidentis Theodosiani bellorum ciuiliū victoriis, ac continuis Barbarorum incursionibus attenuatas Fl. Stiliconis perfidia & ambitio fregit: qui Magister vtriusque militiæ, bis Consul, & Patricius, ac Honorij focer, inflatus matrimonio Serenæ Augustorum sororis patruelis, nec contentus arbitria pacis armorūque agere; Eucherio filio suo Imperium conciliare conatus est; nomine eius nummis clam percussis inscripto: nouāque & Reipublicæ perniciosam rationem excogitauit, quā se nemini suspectum fore existimabat. Nam Alaricum Regem Gothorum apertis Alpibus immisit Italiæ, & sæpe victum opprimere cū posset noluit; sæpe insidiis inclusum de industria incolumem dimisit: ac nihilominus Radagaisi Regis quoque Gothorum copiis partim cæsis, partim fame in deditionem subactis; Alanos, Sueuos, Vandalos, vnde genus ducebat, Burgundiones, multasque alias Germaniæ gentes magnis donis illectas clamad

depopulandam Galliam euocauit. præterea Præfectos Italiae, ac Galliarum, ac potentissimos quosque copiarum duces in societatem coniurationis adsciuit: ratus turbatis rebus necessariò milites, contemptâ Honorij desidiâ, Imperium ad Eucherium consociorum impulsu delaturos, seque Barbaros uti incitasset, sic in medio spatio faciliè repressurum. Igitur Alani, Tanais antea, tum Danubij accolæ, Respendiale & Goare ducibus primi arma sumere: & per agrum Marcomanorum, Toringorum, atque Francorum impunè iter fecere, & ad flumen Renum peruenere. Ibi Respendial aduentum Vandalorum expectare statuit: Goare autem Regulus patris Alanorum cum suis ab eo se abrupit, Romanisque iunxit. Vandalis mox eandem viam ingressis Franci armati occurrerunt, proelioque commisso millia hominum vicena occiderunt. Rex ipse, quem alij Godigiscum, alij Godigiscum, alij Gundigiscum appellant, est interfectus, nec quisquam ex tota gente tædi superfuisset, nisi Respendial audito Vandalos ab Francis itinere prohiberi, confestim copias suas circumegisset, & opportunè adueniens perterritos ac de salute desperantes periculo liberauisset. Itaque Vandali coniuncti cum Alanis iter inceptum perrexere, & in Godigiscli locum Gundericum eius filium substituere: ut Renatus Profuturus Frigeridus apud Gregorium docet his verbis. *Interea Respendial Rex Alanorum, Goare ad Romanos transgresso, à Reno agmen suum conuertit, Vandalis Francorum bello laborantibus; Godigiselo Rege absumto acie; viginti ferme millibus ferro peremptis; cunctis Vandalis ad interuencionem delendis, nî Alanorum vis in tempore subuenisset. Credendum tamen est Francos, postquam Vandalos acie vicerant, superuentu Alanorum fusos, & fugatos esse: aut falsò Paullus Orosius affirmat eos à supradictis Barbaris protritos esse. Excitata (inquit ille) per Stiliconem gentes Alanorum, Sueuorum, Vandalorum, ipsoque simul motu impulsorum Burgundionum, multaque cum his alia copiis viribusque intolerabiles, quibus nunc Galliarum, Hispaniarumque prouincia premuntur; Francos proterunt; Renum transeunt; Gallias inuadunt; directoque impetu ad*

*Pyrenæum usque perveniunt: cuius obice ad tempus repulsa, per circumiacentes provincias refunduntur. Ex quo intelligitur Orosium existimavisse Sueuos, ac Burgundiones, cum Alanis Vandalisque coniunctos, longo itinere per Franciam in Galliam ire contendisse. cum Sueui isti, quos Hieronymus in epistola ad Gerontiam, & Gregorius in libro II Historiæ Alamannos appellant; finitimi Burgundionibus ad superiorem partem Reni ferè pertinerent. Verba Orosij non eâ quâ Beda fide transcripsit Gregorius hunc in modum. *Stilico congregatis gentibus Francos proterit, Renum transit, Gallias peruenitur.* tamquam Stilico ipse Germanis instructus aperta defectione provincias Imperij Romani igne ferroque vastauerit, nec auctorem se solum populationis, sed etiam ducem Barbaris præbuerit. Paullus Longobardus nequaquam fuit Gregorio diligentior, qui arbitratus Francos in Gallia iam tum consedisse, tradit Alanos, Sueuos, Vandalos, & Burgundiones *Renum fluvium transiisse, Francosque fugare e Galliâ voluisse.* Similiter Sigibertus non contentus eruptiones duas, annorum CXL spatio diuisas ferè coniunxisse, Vandalisque tribuisse, quarum altera Gallieni principatu Croco duce ab Alamannis; altera à Vandalis ductu Gunderici imperante Honorio in Galliam facta est; credit Francos cum Vandalis in Gallia pugnavisse, atque *Vandalis Gallias incurstantibus congressos Francos Modigisclum Regem* (ita Godigisclum vocat) *cum XX millibus Vandalorum interemisse.**

Cum igitur constet Godigisclum Regem Vandalorum, iter per vim tentantem, in Fræcia pulsum acie & occisum esse: & cum Vandalos, quos alius Vindilos, alius Vandilos, alius Vandalios appellat, Plinius Secundus inter genera Germanorum quinque; Tacitus inter antiquas Germaniæ gentes numeret: cumque Dio Cassius in libro LXXII, Iulius Capitolinus, Eutropius, Tabula Theodosiana, ac Hieronymus eos Marcomanis & Quadis Germanorum populis confines, circa Danubium & Albis caput ponant: mirari conuenit cuiquam probari potuisse opinionem Procopij, abusq; Mzotide Vandalos deducens,

affirmantisque eos fame & inopiâ compulsoſ, Alanis ſociis ſibi adſcitis, in Germaniam, quæ tum Francia vocaretur, & ad flumen Renum veniſſe: inde Godigiſeli ductu in Hiſpania ſedem cepiſſe. Quàmquam Saluianus in libro VII de Prouidentia Diuina tradit Deum *excitatos pane ab vltimis terra finibus gentes trans mare miſiſſe*, quæ Afrorum ſcelera punirent. quod de Alanis quidem verè dicere potuit; de Vandalis non item, ſi eos gentem Germaniæ eſſe, aut certè ex Germania in prouincias Imperij Romani tranſiſſe exiſtimabat. Et Sidonius in carmine, quod inſcribitur Narbo, Vandalos

— *Africana*

Telluris Tanaiticum rebellem

appellat: atque in Panegyrico dicto Maioriano Aug. Conſuli de Geiſerico Rege Vandalorum luxuria enervato ſic loquitur

Conſumit in illo

Vim gentis viſa vitium Scythicam feritatem.

Vt Vandalos in Scythia ſedem habuiſſe circa Tanaim flumen Sidonius credidiſſe videatur, quemadmodum ſenſit Procopius. At Iordanes Dexippum ſecutus ait Vandalos ab Oceano circum Scanziam inſulam fuſo proſectos, ad Romanum limitem; hoc eſt ad Danubium vix anni itinere perueniſſe: & in vetere Dacia conſediſſe: ibi ab Oriente habuiſſe Gothos, ab Occidente Marcomanos, à Septemtrione Hermunduros, à meridie Danubium: victoſque acie à Geberico Gothorum Rege, in Pannoniæ agris ab Conſtantino Maximo Aug. eſſe collocatos: qua ex prouincia Honorij principatu vnà cum Alanis in Galliam; ac poſtea in Hiſpaniam; tandèmq; in Africam tranſierint.

Procopium de ſupradiſta Vandalorum expeditione ac migratione ita vt diximus loquentem ſecuti ſunt, neque tamen intellexere Theophanes apud Conſtantinum Porphyrogenetum in libro de adminiſtrando Imperio, Paullus Langobardus, & Nicephorus Calliſtus in libro XIV. quippe produnt Vandalos iunctos Alanis, & Germanis, qui Franci appellabàtur, Godigiſelo duce per Gallias in Hiſpaniam perueniſſe, atque ibi conſediſſe. At

Vandali, & Alani ex Germanis Sueuos, & Burgundiones huiusce expeditionis socios; Francos autem infestissimos hostes habuere: & Godigifclus, seu Modogifclus Rex Vandalorum à Franois antequam Renum superaret victus atq; interfectus est. Quare falsò iidem Auctores dicunt mortuo in Hispania Godigifclo filium successisse Guntharum, qui à Procopio Gontharis, Gondaris à Zonara, ab ceteris Gundericus nominatur: quo Rege Vandalos in Galliam primùm, deinde in Hispaniam commigrauisse Gregorius in libro II memoriz tradit. Minor frater Gunderici fuit Geisericus claudus, Godigifcli Regis ex ancilla filius, cuius incursionibus vastatas Gallias & Hispanias, ac iam pæne amissas Alarico Regi Gothorum sedes queritanti Honorium Aug. paullo ante prælium Pollentinum, hoc est Arcadio V & Honorio V cccc. Coss. condonauisse ait Iordanes: cùm eo anno nondum sollicitatis à Stilicone Barbaris Gallia omnis, & Hispania sub imperio Honorij ac ditione fuerit: & Geisericus anno IV post Honorij mortem, post prælium Pollentinum XXV, sicut Hydatius scribit, Gunderico successerit. Eundem Iordanem deceptum credo, cùm ait Vandalos Gratiani principatu in Galliam incursionem fecisse.

Igitur Alani Respendiale ducè; Vandali Gunderici auspiciis; Sueui Hermerico, seu Ermenrico Rege; Burgundiones ductu Gundicarij Renum transire, finisque Galliz facile sunt ingressi: propterea quòd citeriorem ripam fluminis Stilico præsiidiis antè nudauerat. Quamobrem apud Claudianum in libro II de laudibus Stiliconis.

Grates Gallus agit: quòd limite tutus inermi,

Et metuens hostile nihil, noua culmina totis

Ædificet ripis: & sauum gentibus amnem

Tibridis in morem domibus praeuelet amænis.

Idemque auctor est Stiliconem bello Gothico legio-
num, quæ eius limitis tuendi causâ ex more gentibus Germaniz oppositæ erant, operâ vsu esse.

Agmina quinetiam flauis obiecta Sicambris,

Quæque domant Catts, immansuetosque Cheruscos,

Huc omnes uertere minas: tutumque remotis

*Excubiis Renum solo terrore relinquunt.
 Vllâne posteritas credet? Germania quondam
 Illa ferox populis, qua vix instantibus olim
 Principibus totâ poterat cum mole teneri,
 Tam sese placidam præbet Stiliconis habenis:
 Vt nec, presidii nudato limite, tentet
 Expositum calcare solum; nec transeat amnem,
 Incustoditam metuens attingere ripam.*

De tempore huius Barbarorum expeditionis inter Auctores non conuenit. irrupisse Alanos, Sueuos, & Vandalos in Galliam tradit Honorij Aug. æqualis Paullus Orosius ante biennium, quàm Roma caperetur: (Roma autem Flauio Varane Consule ab Alarico capta est) Prosper quoque in Chronico XIII imperij Honorij anno, hoc est (vt Marcellinus Illyricianus scribit) Basso & Philippo Coss. sed apud Senatorem, & Zosimum, atque in Fastis, qui etiâ sub Tironis Prosperi nomine feruntur, Arcadio VI & Probo Coss. pridie Kalendas Ianuarias eosdem Barbaros Galliam ingressos inuenio. de quibus Fastis, Chronicoque hoc sentio, alterutrum opus Prosperi non esse: cum minimè verisimile sit vnũ eundemque Auctorem non solum de eisdem rebus bis scripsisse, sed etiam cum in aliis; tum maximè in notatione temporum à se ipsum discrepare potuisse. Idem Prosper in præfatione librorum de Prouidentia Galliam & Aquitaniam à Vandalis & Gothis per annos X depopulatam dicit, & castella rupibus, opida montibus præaltis, vrbes magnis fluminibus impositas Barbarorum dolis aut virtuti paruisse. Honorij autem X & Theodosij VI Consulatus, quo anno Ataulfus Gothorum Rex Gallia excessit, & in Hispania interemtus est; post Arcadij VI & Probi Consulatum, quo Vandali in Gallias eruperunt, nonus est annus: & in sequenti anno Theodosio VII & Palladio Coss. Valia Ataulfi successor pacem cum Honorio fecit.

Quantis copiis inundauerint Gallias Alani, Sueui, Vandalis, & Burgundiones, plurimarũ gentium Barbararum velut amnium accessu adaucti; quot vrbes ceperint, diruerint, diruerint; Sophronius Eusebius Hieronymus, illius ætatis locuples Auctor in epistola ad Gerontiã de Mo-

nogamia docet his verbis. *Innumerabiles & ferocissima
 nationes uniuersas Gallias occuparunt. quidquid inter Al-
 pes & Pyrenaeum est, quod Oceano & Reno includitur,
 Quadus, Vandalus, Sarmata, Alani, Cipedes, Eruli, Sa-
 xones, Burgundiones, Alemanni, & o lugenda Respublica!
 hostes Pannonij vastarunt. Etenim Assur venit cum illis.
 Magontiacum nobilis quondam ciuitas capta, atque sub-
 uersa est, & in Ecclesia multa hominum millia trucidata:
 Vangiones longâ obsidione deleti. Remorum urbs prepo-
 tens, Ambiani, Atrebata, extremique hominum Morini;
 Tornacum, Nemeta, Argentoratus translata in Germa-
 niam. Aquitania, Nouemque populorum, Lugdunensis;
 & Narbonensis prouincia, præter paucas urbes, populata
 sunt cuncta: quas & ipsas foris gladius, intus vastat fa-
 mes. Non possum absque lacrimis Tolosa facere mentio-
 nem, qua ut hucusque non rueret, sancti Episcopi Exsuperij
 merita præstiterunt. Ipsa Hispania, iam iamque peritura,
 quotidie contremiscunt, recordantes irruptionis Cimbrica:
 & quidquid alij semel passi sunt, illa semper timore pa-
 tiuntur. Olim a mari Pontico usque ad Alpes Iulias qua
 erant nostra, non nostra sunt: & per annos XXX fracto
 Danubij limite in medijs Imperij Romani regionibus pu-
 gnatur. quod non culpâ Principum, qui religiosissimi sunt;
 sed scelere Semibarbari accidit proditoris, qui nostris con-
 tra nos opibus armauit inimicos. Præterea Augustam Ve-
 romanduorum à Vandalis, Alanis & Hunnis euersam
 Fortunatus ait: ab hisque oppugnatum Laudunum ca-
 pi potuisse negat Auctor libri de vita Salabergæ. Se-
 dunum quoque, Andematunnum Lingonum, & Veson-
 tionem urbes à Vandalis expugnatas esse auctores sunt
 Vfsuardus, ac Sigebertus: Desideriûmque Episcopum
 Lingonicæ Ecclesiæ cum Vincentio Archidiacono;
 multisque opidanorum iugulatum; Antidium Veson-
 tionensem Episcopum occisum esse. Ex quibus intelli-
 gitur verum esse, quod Saluianus Ecclesiæ Massiliensis
 Presbyter in libro VI atque VII de Prouidentia Dei
 scribit, Vandalos, ceterosque Barbaros per prouinciâ
 Germaniam cognomine primam, deinde per Belgicam,
 & Aquitaniam iter fecisse: hisque regionibus igne &*

cccc.
xxvii

cccc.
viii

ferro vastatis singula Galliarum membra lacerauisse: & Mogontiacensium atque Basilienſium ciuitates ab eiſdem exciſas eſſe, atque deletas: nec falſò Proſperum in Chronico prodere *Alanos, & Vandalos partem Gallia Saxonum incurſione vaſtatam deuſtauiſſe*. Alemanos autem Hieronymus ſuprà vocat, quos Hiſtorici Sueuos, gentem Alamannis ac Rætis finitimam, fuiſſe dicunt. *Hoſtes* quoque *Pannonios*, Hunnos appellat, qui victo & interfecto Valente Auguſto Pannoniam annis L tenuerunt, ex eaque Hiério & Ardabure Coſſ. (vt Iordanes & Marcellinus ſcribunt) ab Romanis, adiutoribus Gothiſ, ſunt pulſi. Nec de aliis quàm Hunniſ Hieronymum loqui indicio ſunt ſequentia verba: *Aſſur venit cum illiſ*. quippe veteres Hunnorum fines non longè aberant à flumine Tigri, & monte Niphate: quorum alterum à Septemtrione, alterum ab Occidente habebat Aſſyria, ab Aſſure Noë abnepote cognominata. vnde apud Claudianum in libro primo in Eutropium dicuntur Hunni initio principatus Arcadij, *rupto Niphate*, Armeniam, Cappadociam, Ciliciam, & Syriam incurſione deuſtauiſſe. & Theophylaſtus Simocatta in libro IV Hiſtoriæ prodiſt Coſdroem poſteriore Regem Perſarum, cum Regno expulſus & profugus Tigrim tranſiſſet, velut in confinio gentiſ poſitum dubitauiſſe; utrùmne ad Hunnos, qui Turci appellabantur, an ad Romanos ſeſe conferret. Ceterùm quas vrbeſ Galliaſ *translatas in Germaniam* ait Hieronymus, in ditionem nationum Germanarum redaſtas vult intelligi: & *Semi-barbarum proditorem*, Stiliconem Vandalò patre natum nuncupat, qui cum detecta coniuratio eſſet, X Kalendas Septembres; aut vt Olympiodorus ſcribit, IX. Kalendas Decembres Rauennæ Baſſo & Philippo Coſſ. dato ſigno cum conſciis ab exercitu eſt interfectus. Eucherius eiſ filius Romam in Eccleſiam confugit, ac paullo poſt occiſus eſt. & iſſdem Coſſ. Arcadius Aug. moriens ſucceſſorem Imperij Orientiſ filium Theodoſium, annorum ſeptem puerum reliquit. Sed non poſſum non mirari, quòd Hieronymus in ea epiſtola dicat Hiſpanos, viros valde aut memoreſ, aut doctoſ, ſua ætate irru-

irruptionem Cimbricam recordatos esse: quorum ne atavorum quidem atavi Cimbros in Hispania videre potuerunt. Cimbri enim, antequam sese Italix superfunderent, Pyrenæum saltum transgressi, depopulatis agris, multisque opidis excisis, abs Celtiberis finibus Hispaniæ sunt expulsi. à quo tempore ad irruptionem Vandalicam & Suevicam anni sunt ferè DXXX. Noluit, credo, Hieronymo cedere Iordanes. nam vt ille affirmat Hispanos cladis ante multa sæcula à Cimbris maioribus suis illatæ meminisse: ita hic in libro rerum Gothicarum ait Ilium, Gallieni principatu, post CIOCCCCXLVI circiter annos quàm à Græcis captum fuerat, *vix à bello Agamemnonio aliquantulum respirasse*: quæ vrbs & post illud excidium restituta diutissimè stetit; & iterum à Caio Flauio Fimbria incensa surrexit ac floruit, donec dominante Gallieno ab Gothis direpta atque deleta est.

Dum ea, quæ antè diximus, in Gallia geruntur; & à Gothis vexatur Italia: ne qua Occidentis prouincia Barbaris, aut Tyrannis vacaret, insulæ quoque res nouauerunt. quippe exercitus Britannicus Marco primùm, inde Gratiano municipe insulæ altero post alterum Imperatoribus factis, & intra VI menses interfectis; Constantinum gregarium militem nudi nominis ominisque causâ Augustum salutauit. mirandum vt non sit in epistola Hieronymi Presbyteri ad Ctesiphontem Britanniam *prouinciā fertilem Tyrannorum* vocari, quæ (ne de Carausio, & Allecto loquar) & Clodium Albinum, & Clementem Maximum, & Constantinum Galliis immiserit. De tempore defectionis exercitus Britannici, Constantinique non conuenit. Olympiodorus apud Photium ante septimum Honorij Consulatum, hoc est Arcadio VI & Probo Coss. Prosper in Fastis, & Zosimus in lib. v, Honorio VII & Theodosio II Coss. sub finem anni Constantinum in Britannia Tyrannum exortum aiunt. Paullus Orosius Alanis, Sueuis, Vandalis, & Burgundionibus *per Gallias bacchantibus*; id est Consulatu Bassi & Philippi cum Imperatorem appellatum dicit. Similiter Hermias Sozomenus in Historiæ Ecclesiasticæ libro IX

CCCCVI.
CCCCVII.

CCCC.
VIII.

prodit eodem tempore, quo Arcadius decessit, (Basso autem & Philippo Coss. decessit) Constantinum Galliam occupauisse, & Arelate Imperij sedem statuisse: eoque Honorium ab Stilicone deterritum esse, ne Constantinopolim ad res Orientis ordinandas proficisceretur. Quibus ego ambobus eo libentiùs assentio, quòd cum moris esset Principibus Romanis auspicia imperij à Consulatu capere; Constantinus anno insequenti Kalendaris Ianuariis Consulatũ iniiit: sicuti docet inscriptio Græca à Iacobo Sirmundo viro eminentis ingenij edita, in qua Honorij VIII Cof. collega non Theodosius, sed Constantinus nominatur. Hic vt primũ creatus est Imperator, Iustino, & Neobigaste Franco, quibus maximè confidebat, Ducibus lectis; exercitum Bononiam transmisit: & Galliam, ac Aquitaniam in ditionem suam redexit, *vbi sape à Barbaris incertis fœderibus illusus est*: Constantemque filium natu maiorem, ex Monacho Cæsarem factum, cum Barbaris quibusdam fœderatis cognomine Honoriacis, aduersus Didymum & Verinianum fratres propinquos Honorij in Hispaniam misit: qui ambobus in Lusitania prælio victis, captis, & interemtis omnem prouinciam obtinuit; & *remotâ rusticanorum utili ac fidâ custodiâ*, Honoriacis Pyrenæos saltus claustra Hispaniæ temerè commisit; ac cum re bene gesta ad patrem reuertisset, Augustus est appellatus. Tum Constantinus Honorio bellum inferre constituit, & per Alpes Cottias traductis suis copiis ad opidum Ligurum Libarnam venit: iamque Padum transire paranti de cæde Ellebici Magistri militum Honorij nuntiatum est: quem hominem vt puto Francum alij Allobicum, alij Alabicum vocant: & quòd suspectus erat Constantini partibus fauere, ab exercitu interfectum esse tradunt. Igitur Constantinus retro quâ venerat Galliam repetiit, & Arelate se contulit: eodemque tum & Constans (vti ait Sozomenus) ex Hispania profugus rediit: quoniam Honoriaci laxatis custodiis, patefactisque Pyrenæi claustris Alanos, Sueuos, & Vandalos per Galliam effusos in Hispaniam immiserant, eisque se iunxerant. Renatus Profuturus Frigeridus apud Gregorium scribit Constan-

tem à Constantino patre accitum ex Hispania, vt ambo de summis rebus consilium caperent; vxorem, & instrumentum aulae Cæsaraugustae deposuisse: ac Hispaniensi exercitu Gerontij nequam improbiq̃ue hominis fidei commissio, ad patrem festinauisse: & interiectis diebus plurimis, cum nihil ab Honorio metuendum videretur, monente patre in Hispaniam reuerti statuisse: præmissisque agminibus, superuenisse qui nuntiarent Gerontium defecisse, & Maximum, vnum è clientibus suis, Imperatorem appellandum curauisse; relictoque eo Tarracone, auxiliis Barbarorum, quibuscum pacem pepigerit, instructum contra Constantinum Constantemque preparari. quo nuntio non mediocriter omnes esse perturbatos, & *Edobeco ad Germanas gentes præmisso; Constantem, & Decimum Rusticum, ex Magistro Officiorum Praefectum Prætorij, petuisse Gallias, cum Francis, & Alamannis, omnique militum manu ad Constantinum iamque redituros.* Ita Hermias Sozomenus quoque Historiæ libro IX, & Nicephorus Callistus libro XIV tradunt defectione Gerontij cognita Edobicum Ducem, quem Zosimus Edobincum natione Francum appellat, ab Constantino trans Renum in Germaniam missum ad auxilia Francorum, & Alamannorum accersenda: Imperatori Constanti Viennæ, finitimarumque urbium curam mandatam esse. Sed ferendum non est Zosimi mendacium, qui nequam Stiliconis sui memoriæ inurat notam, libro VI prodit à Gerontio in senso Constantino, quod alium quam se Ducem cum Constante filio in Hispaniam misisset, Barbaros Transrhenanos accersitos in Galliam transiisse.

Iam Gerontius Constantem apud Viennam interfecerat, & Arelate, quod se Constantinus contulerat, magno impetu oppugnabat: quum Honorius Augustus ex pertus, quantas clades Respublica Magistris militum Barbaris, nimirum Stiliconi, Ellebicoque subiecta accepisset: Constantium Naisitanum, virum bello & fide egregium exercitui præposuit, atque in Galliam ad Tyrannos opprimendos misit: ad quem confestim plurimi Gerontianorum transiere. Itaque Gerontius cum paucis

in Hispaniam fugit, contemptusque ab exercitu Hispaniensi, & noctu circumfessus domi suæ, adversarios amplius trecentos telis confodit: deficientibusque iaculis, & servis clam fugâ elapsis, postridie manè ubi ignem ædibus subiectum vidit, desperatâ salute primum Alano cuidam fidelissimo seruo, qui solus ab eo non discesserat, deinde & Nûnechiæ carissimæ coniugi, viriliter mortem precanti caput amputavit: postremò pugione seipse transfixit. Maximus, quem Olympiodorus famulum Gerontij, Sozomenus familiarem eius vocat; exutus purpura, desertusque à militibus Gallicanis, inter Barbaros, qui per Hispanias effusi erant, exsul inopem vitam toleravit. Huic ablatis insignibus imperatoris veniam & incolumitatem concessam ait Prosper in Fastis: quod *modestia humilitasque hominis affectati Imperij invidiam non mereretur.* Eundem Maximum Agricola & Eustathio Coss. iterum Hispaniarum imperium per vim obtinuisse; & proximo anno vnâ cum Iouino Iouianove clero Duce, quo adiutore Imperator relictus erat, bello captum, atque ad Honorium tricesimum imperij sui annum ludicris certaminibus celebrantem Ravennam perductum, ostentatumque populo, ac demum interfectum esse Prosper, & Marcellinus in Chronico, & Paullus Diaconus in libro XIV memoriæ tradunt.

Non erat Constantini hoste mutato commutata fortuna. quippe is post Gerontij fugam à Constantio Magistro militiæ nihilo segnius Arelate obsidebatur: & comperto Edobicum, à quo antea fuso fugatoque circa Valentiam Saro fuerat obsidione liberatus, brevi cum magnis auxiliis affore; oppugnationem strenuè sustinebat. quâ re cognita tantus Honorij copiarum duces timor inuasit, ut in Italiam reuertendum esse censerent. Interim Constantius ab exploratoribus certior factus Edobicum adesse; necessariò damnato priore consilio flumen Rhodanum transit, atque appropinquanti obuiam proficiscitur; & Vlsilam Gothum Præfectum equitum haud procul confidere occultum iubet. Igitur cum Constantini insidiarum locum prætergressi, ac iam cum peditibus Honorianis, quibus Constantius præerat,

proelium commissuri essent: dato signo subito sese equites à tergo necopinantibus ostenderunt, & sublato clamore incautos adorti in fugam coniecerunt. itaque multi cæsi sunt: compluribus suppliciter positis armis veniam precantibus vita concessa. Edobicus equo admissio in villam Eedicij cuiusdam perfugit, quem magnis suis beneficiis affectum; fidum sibi amicum esse arbitrabatur. At ille cum fortuna mutatus noctu dormienti caput abscidit, tulitque ad Constantium: qui non tam lætus aduersarij cæde, quàm Eedicij perfidiam auersatus homini quidem gratias agere Remp. dixit, sed remanere apud se volenti denuntiavit, vt exemplò castris excederet. Sic Eedicius occisi hospitis & amici præmium pro honore ac donis, quæ sperauerat, ignominiam tulit. Victores Honoriani ad obsidendos opidanos cum reuertissent, Constantinus Edobici morte & clade suorum cognita, purpuram ac cetera insignia imperatoria abiicit, ingressusque Ecclesiam Presbyter ordinatur. tum milites ejus, & Arelatenses acceptâ fide portas aperuerunt, atque omnes diligenter sunt conseruati. Constantinus cum Iuliano filio natu minore, quem Nobilissimum appellandum curauerat, antequam Rauennam ad Honorium perduceretur, in itinere interficitur. Hic exitus Constantini fuit, vt Hermias Sozomenus, & Nicephorus Callistus produnt. Sozomeno non videtur assentiri Frigeridus vetustus & grauis auctor. quippe is apud Gregoriũ scribit incunte quarto obsessiois Constantini mense repente ex vltiore Gallia venisse, qui nuntiarent Iouinum Imperatorem factum esse, & cum *Burgundionibus, Alamannis, Francis, Alanis, omnique exercitu obsidentibus imminere*. ita Arelatensibus celeriter ad dedicationem conditionum æquitate compulsis, Constantinum viuum traditum, confestimque ductum in Italiam, & à Principe missis obuiam militibus supra Mincium flumen capite truncatum esse. Ex quo colligi potest, quàm falsò Iordanes, & Nicephorus Callistus parum sibi ipse constans in fine libri XIV tradat Constantinum tyrannum à Vesigothis in Gallia interfectum esse: cum Tiro Prosper Aquitanus, & Hydatius in Fastis, ac Mar-

- ccccxl. cellinus in Chronico cum Theodosio Aug. IV Coss. per-
 iisse, caputque eius fixum in conto XIV. Kal. Octob. ad
 Honorium latum esse affirmant: Gothi autem, qui &
 Vesigothi, ac Hypogothi appellantur, & quos Clau-
 dianus ac Sidonius trinitam & pellitam gentem vocant;
 insequenti anno Honorio IX & Theodosio V Coss. (si-
 cuti ait Prosper) Ataulfo Rege Galliam ingressi sunt.
 Ante annum, quam Constantinus interimeretur, Va-
 rane Coss. Imperator Honorius Gaisionem, natione Fran-
 cum, Comitem sacrarum largitionum; deinde & Ma-
 gistrum Officiorum habuit: quem postea Honorio IX &
 ccccxii. Theodosio V Coss. Magistrum militum fuisse in libro
 VII, ac libro IX Codicis Theodosiani inuenio.
 ccccx. Eodem anno Vesigothi, cum ab filiis Theodosij, cui
 se Athanarico Rege mortuo sponte commiserant, defe-
 cissent; relicta Pannonia, ubi per annos amplius XXX
 confederant, ductu Alarici Romam cepere ac diripuerunt.
 ccccxii. Honorio IX & Theodosio V Coss. Ataulfus, quem
 Gothi post Alarici affinis eius mortem Regem consalu-
 tauerant, onustus Italiae ac urbis Romae spoliis in Gal-
 liam transgreditur: atque inter Alpes & Pyrenaeum om-
 nibus depopulatis, & Iouino ac Sebastiano tyrannis op-
 pressis; repulsus a Massilia per Bonifatium, Burdigalam
 post datam opidanis fidem diripit ac incendit: Vasatas
 obsidet: Narbonem Martium, caput provinciae cogno-
 minis capit: ibique Kal. Ian. Constantio, & Constante
 ccccx. Coss. Placidiam Theodosij Aug. & Gallae filiam, Hono-
 rij sororem, quae Romae excepta fuerat, multis blandi-
 tiis ac verbis tandem expugnata eius pertinacia vxorem
 ducit: & Attali ac Phoebadij panegyricis & epithala-
 miis nuptiae sunt celebratae: sed ex Placidia natus infans,
 nomine Theodosius paullo post obiit. Tum Ataulfus
 pacem cum Honorio facit, interdictisque sibi nauibus
 & commerciis gentium exterarum, Galliam excedere co-
 actus Narbonem relinquit, & Hispanias petit, ac demum
 Barcinone, apud quam urbem opes & imbellem ma-
 num deposuerat, cum sex filiis ex priorē vxore subla-
 tis à suis interficitur. Sed non possum non mirari, quod
 Nicephorus Callistus secum ipse pugnans, ac in libro

XIII dictorum immemor, in libro XIV prodat ab Honorio Aug. Romanis: ob seditiones ac defectionem irato Alaricum, quem Magistrum militiæ Gallicanæ fecerat, fidumque sibi esse arbitrabatur, ad vindicandam suam iniuriam Romæ immissum. illum Vrbe dolo capta atque direpta Galliam Placidiam Honorij sororem ibidem rapuisse, & apud Constantium Comitem amicum suum deposuisse: qui cum puella ad Imperatorem venerit, moxque accepto ab eo exercitu Alaricum acie vicerit, nec multo post fidei virtutisque præmium Placidiam in matrimonium acceperit.

Iordanes Rauennatum Episcopus in libro de Origine Gothorum scribit aduentu in Galliam Ataulfi perterritas gentes, quæ dudum Gallias infestabant, cum Francos, tum Burgundiones suis se finibus continere coepisse: Vandalos autem, & Alanos ex Gallia, quam non multo antè occupauerant, fugientes in Hispaniam commigrauisse: ita Gallias Ataulfo patuisse. Quam falsam laudem Iordanes Gothus Ataulfo populari suo non affinxisset, si apud Prosperum & Hydatium legisset Alanos, Sueuos, & Vandalos triennio antequam Ataulfus fines Galliæ ingrederetur, Honorio VIII & Theodosio III Coss. in Hispaniam transcendisse. Burgundiones quidem metu Gothorum in suas sedes non reuertisse indicant Tiro Prosper, & Cassiodorus Senator in Fastis, qui eisdem insequenti anno Lucio Consule, post sexcentium quàm Renum transierant, *partem Galliæ propinquam Reno*, hoc est partem superioris seu primæ Germaniæ ripæ fluminis appositam obtinuisse tradunt. quod est principium Regni Burgundionum à Gundicario in Gallia conditi. Similiter Franci aduentu Ataulfi ab incursionibus faciendis adeò non sunt deterriti, vt eo ipso anno, quo Iouinum & Iouinianarum partium adiutores Honoriani iugulauerant, post Consulatum Honorij IX & Theodosij V, siue Lucio Consule, Augustam Treuironum direptam incenderint. Lucij huius collega in Consulatu Heraclianus Comes Africæ fuit, qui cum impulsus Imperij cupiditate Consul in Italiam exercitum traieccisset, apud Oriculum ad XLVII lapidem ab Vrbe fusus à Ma-

rino Comite fugit in Africam : hostisq̃ue iudicatus vnà cum conscis coniurationis , & iussu Honorij Carthaginæ in æde Memorix capite truncatus est , noménq̃ue eius ex Fastis erasum.

ccccxii Anno proximo post Constantini Tyranni cædem (libentius enim Prospero , ac Hydatio , quàm Frigerido assentior) Honorio IX & Theodosio v̄ Coss. Iouinus nobilissimus Gallorum , à Sozòmeno & Nicephoro Iouianus dictus , Imperatoris nomen assumsit , Sebastianumque fratrem in consortionem Imperij recepit : qui paulo post vnà cum Sallustio quodam interfectus cum esset , Iouinus fugiens Valentiam se contulit : & ab Ataulfo Rege Gothorum , quem Dardanus vir strenuus ab eius amicitia ac societate auerterat , expugnato opido captus , Honorianisque traditus , & Lucio Consule occisus est. Hydatius ambos fratres oppressos ab Honorianis , & Narbone interemtus dicit. Iouinum hunc Olympiodorus Thebaus apud Photium scribit Imperij insignia corripuisse adiutoribus Goare Alanorum Regulo , qui abruptus à Respendiale in Gallia morabatur , & Guntiaro Phylarcho Burgundionum : (ita Gundicarium Regem appellat) mox Sebastianum fratrem potestatis consortio sibi æquatam Imperatorem appellauisse , inuito Ataulfo : qui iratus pacem cum Honorio fecerit , & ad eum Sebastiani ac Iouini , alterius à se interfecti ; alterius Valentix capti , & Dardani Præfecti Galliarum manu occisi ; capita miserit , quæ præfixa hastilibus , & Rauennæ pro portis ostentata sunt.

cccc.
xiii.

Eodem tempore (vti ait Frigeridus) *Decimius Rusticus Præfectus Tyrannorum , Agræcius ex Primicerio Notariorum Iouini , multique nobiles apud Aruernos capti à Ducibus Honorianis , & crudeliter interemti sunt : ciuitasque Treuironum à Francis , qui Constantinum , & Iouinū auxiliis iuuerant , direpta incensaque est secundâ irruptione . nec multo post Castinus Domesticorum Comes , expeditione in Francos susceptâ , in Gallias mittitur . cuius expeditionis Fracice tali duce non multo meliorem euentum fuisse quàm postea Vandalicæ existimo . Falsò enim Sigonius & Pontanus victos ab Castino Francos & ex Gallia expulso dicunt ,*
Fre-

Fredegarium quemdam, ineptum hominem ac verè Scholasticum secuti, qui vti Frigeridum; sic & Orosum à Gregorio citatum de Castino loqui arbitratus, vtriusq; Auctoris verba ita in Epitomen suam transtulit, ut Castinum *Francos prostrivisse, Renum transisse, Gallias pervagatum esse, ac usque ad Pyrenæos montes pervenisse* scriberet; & Frigeridum non intelligens, Ioviniano (sic Iovinum vocat) Imperatore facto, Constantinum in Italiam fugisse, ac missis ab eo percussoribus capite truncatum; multos nobiles iussu eiusdem apud Aruernos opidum captos; & ab Ducibus Honorianis interfectos esse tradidit.

Ceterum cum Profuturus Frigeridus civitatem Trevirorum tum à Francis secunda irruptione direptam & incensam esse prodatur: apparet aliquot ante annis principatu Honorij Francos primum in eandem urbem irrupisse. Vnde Sigibertus in Chronico tradit Francos, sæpe in Galliam transeuntes, anno Honorij Principis XVI diripuisse prima irruptione; secundam etiam incendisse urbem Trevirorum. quam urbem Galliarum summam & opulentissimam post septem circiter annos à Barbaris, id est à Francis tertio expugnatam, exustam, & eversam; opidanos alios captos; alios interfectos; nonnullos ambustos; reliquos spoliatos ac nudatos esse in libro VI de Gubernatione Dei indicat Saluianus: indignaturque paucos nobiles, qui tribus continuis patriæ excidiis supererant, quasi pro solatio ludos Circenses ab Imperatoribus, hoc est ab Honorio & Constantio petiisse, nec impetrauisse. idem adiicit Augustam Trevirorum postea quarto excidio concidisse, & aliam non longè positam, ac parvis ferè opulentiarum magnitudinisque urbem; id est (ut arbitror) Agrippinam, eodem tempore captam ac direptam esse: ideoque tum, cum hæc scriberet, utrobique ludos ex more celebrari desiisse: quod illa posterior urbs hostibus plena esset; Augusta Trevirorum quater eversa, & deleta fuisset. Scripsit autem Saluianus post Litorianam cladem, captamque à Vandalis Carthaginem: ut appareat circa XVII imperij Valentiniani annum, Chlodione regnante, ab Francis coloniam Augustam Trevirorum quartum expugnatam, & Colo-

CCCC.
XLI.

niam Agrippinam Vbiorum occupatam esse. Ceterum notandum est, quod Saluianus eodem in libro tradit, Romæ tum ac Rauennæ, quæ sedes Imperatoribus Occidentis erant, ac *in paucis præterea urbibus Romanis* ludos Circenses & scenicos fieri consueuisse: in reliquis urbibus vel ob ærarij fisci que inopiam, vel quod sub ditione Barbarorum esse cœperant, edi desuisse.

ccccxv. Honorij x, & Theodosij sextus Consulatus morte Thermaniæ Aug. Stiliconis filiz, coniugis que Honorij; eadē Ataulfi Regis Gothorum, cui Sigericus frater Sari, ac post VII diem Valia successit; & Prisci Attali captiuitate insignis fuit: de quo Attalo pauca dicenda sunt. Hic, natione Ion, Symmachi libri VII epistolâ LIV ac CXIII celebratus, cum à Romanis iussu Alarici ex Præfecto Urbis factus esset Imperator Honorio VIII & Theodosio III Coss. Alaricum Præsenti militiæ, Ataulfum Domesticis equitibus præposuit: Tertullū Consulem fecit: iudicisque, hoc est rectores militum & prouinciarum, in primis Constantem quemdam in Africam misit: & comite Alarico ad opprimendū Honorium Rauennam ire contendit: eiusque legationi cōsortionem ipsi Imperij deferenti respondit, Honorio nisi priuato, relegatōque in insulam, & manibus ac pedibus truncato vitam se non concessurum. sed Alaricus à Saro Magistro militum Honorij acie victus, & à Rauenna repulsus est. Interim Heraclianus, interfecto Constante, custodias in litoribus Africæ disponit, ac frumentum Romam inuehi vetat. qua re cognitâ Attalus in Urbem redit, & consilium Alarici suadentis, vt quingentos Gothos aduersus Heraclianum mitteret, damnat; ratus Africam Barbaris tutò committi non posse. Igitur ab Alarico irato, atque Honorij promissis sollicitato ante Urbem insignia Imperij deponere iubetur: Romani, quoscumque ad dignitates promouerat, discinguntur: Tertullus Varanis collega Consulatu, Marcianus Præfecturâ Urbanâ se abdicat. quidam extra urbem Ariminum; sunt, qui ad LX à Rauenna stadium Attalum cedere Imperio coactum dicunt. Attalus ipse priuatus apud Alaricum nihilominus cum filio remanet, & Ataulfum eius successorem sequitur in Gallias, quo ad-

iutore iterum Imperatoris nomen assumit Constantio & Constante Coss. & proximo anno ab Ataulfo pace cum Honorio initâ in Hispaniam transeunte desertus ac proditus; dum Africam petit, in mari capitur: & Constantio Patricio viuis à Gothis traditur. quem Honorius in XI Consulatu Romæ triumphans ante currum egit, & præcisâ manu, aut (vti ait Philostorgius) duobus tantum digitis amputatis, infelicem Liparâ insulâ clausit. Quidam dicunt Fl. Priscum Attalum postridie eius dici, quo purpuratus cum stipatoribus processerat; iussu Alarici Gothis serui habitu ministrasse. Quamobrem Orosius scribit Attalum ab Alarico intra breuissimum temporis spatium *Imperatorem factum, infectum, resectum, ac defectum*; hoc est bis purpurâ indutum, bis exutum esse.

Prosper & Hydatius scribunt, XXIV imperij Honorij anno, Monaxio & Plinta Coss. Constantium Patricium Valiæ Gothorû Regi, quocum pacem fecerat, reuocato ex Hispania, ob egregias victorias de Alanis & Vandalis, redditamque Placidiam; condonauisse terras à Garumna flumine ad Oceanû pertinentes: hoc est Nouempopulos, & prouinciam Aquitaniam cognomine secundam, ac clarissimam Galliæ Narbonensis urbem Tolosam Tectosagum: quæ apud Rutilium V.C. in libro I Itinerarij ante annum Urbis CIOCLXIX, seu ante Honorium XI & Constantium II Consules ab Ataulfo, vt opinor, capta esse dicitur, & per annos LXXXVIII Regum Gothorum regia fuit. Dixi Consulatum Monaxij & Plintæ XXIV Honorij Aug. annum ab Hydatio putari: quodd Prosper, & Hydatius in Chronicis, aliique multi Consulatum Olybrij & Probinij, cuius initio Theodosius maior obiit, non Honorij, sed Theodosij annis adnumerant.

Valiæ, qui triennio tantum regnauit, & Monaxio ac Plinta Coss. decessit, plus XII annos tribuit Iordanes. huic successit Theodoricus maior, qui ab aliis Theodores, ac Theudoris; ab aliis Theodoridus, & Theodoredus dicitur.

Theodosio IX & Constantio III Coss. Honorius Fl. Constantio Patricio, cui ob res gestas ante triennium Placidiam sororê suâ recusantem iunxerat, æquam socie-

tatem Imperij, ita vt Diui fratres; Seueri filij; & Maximus atque Balbinus fecerant, pro indiuiso obtinendi inuitus magis quàm sponte detulit. cuius imagines ad se missas Theodosius minor fastidiit ac reiecit, nouitatem hominis causatus. sicut postea eandem ob causam imaginem Marciani à Pulcheria Aug. in consortium dignitatis recepti vix tandem, vicesimo mense quàm Imperator salutatus erat, Herculano & Sporacio Coss. Valentinianus ex more in vrbe Roma proponi permisit. Constantius irritatus contumeliâ, cum agigaret Theodosio bellum inferre, Agricolâ & Eustathio Coss. imperij mense VII lateris dolore oppressus decessit: ex Galla Placidia liberis genitis Honorîâ, ac Placido Valentiniano, quem Honorius Nobilissimum appellauit. Eum Rauennæ ab Honorio Monaxio & Plinta Coss. Imperatorem factum, ibidem proximo anno in tertio Consulatu obiisse falsò affirmat Hydatius: cum in Codicis Theodosiani libro II & III Imperatorum Honorij Theodosij & Constantij leges duas ad Palladium Præfectum Prætorij missas, alteram V I Idus Mart. alteram V Kalendas Aug. datas Rauennæ Eustathio & Agricola Coss. inueniam.

Admonet me Rauennæ mentio, quamobrem Honorius eam Imperij sedem, regiâque delegerit, causam requirere. Augustus Cæsar, & omnes ab Augusto Imperatores Romæ in Palatio habitauerunt: cuius ex montis nomine cum regio X Urbis, tum domus Cæsarum appellationem traxit. Roma autem non solum (vt ait in libro V Liuius) regionum Italiæ, sed etiam totius Imperij Romani media habebatur. Vnde Antoninum Pium præter ceteros in Vrbe sedisse auctor est Iulius Capitolinus, vt medius ex omnibus prouinciis nuntios audire celeriter posset. Postea Diocletianus Iouius, cum Maximianum Herculium in consortionem potestatis recepisset, & Fl. Valerium Constantium, ac Galerium Maximianum Cæsares nuncupauisset, Imperium Romanum ita diuisit, vt Herculio Augusto Italiam, & Africam; Gallias, Hispanias & Britanniam Constantio; Galerio Illyricum ac Thraciam committeret, ceteras prouincias ipse retineret. tum Iouius quidem Nicomediam; Con-

stantius Augustam Treuironum; Galerius Sirmium, urbem Pannoniæ Quadis & Sarmatis interfluente Danubio oppositam; sedes habere cœpere. at Maximianus Herculus Mediolanum Iusubrium se contulit, quod opidum ab urbe Roma millia passuum $10XXX$ abest, atque hunc domicilio locum elegit, unde Italiam ab incursionibus finitimorum Alamannorum securam præstaret; & quotiescumque res cogeret, per Alpes Graias aut Peninas in provinciam Germaniam; per Venetiam, saltemque Iulium in Illyricum maturè contenderet. Mediolanum verò, non vni Herculo, à quo muris, thermis, aliisque operibus exornatum est; sed insequentibus Principibus, dum in Italia hiemarent, annos amplius centum sedem fuisse argumento sunt historiæ eorum temporum, legesque plurimæ Mediolani datæ: ex quibus etiam intelligitur Honorium initio principatus Mediolani fuisse: deinde alternauisse, ac modò Mediolani, modò Rauennæ mansisse: demum circa Lucij Consulatū posthabito Mediolano, quam ob id *quondam Regiam urbem* Iordanes appellat, domicilium Imperij Rauiennam transtulisse. quare Claudianus in libro de vi Consulatū Honorij Aug. Romam sese ab Imperatoribus pridem desertam querentem fingit his versibus:

Quem, precor, ad finem laribus seiuncta potestas

Exsulat, Imperiūque suis à sedibus errat?

Cur mea, qua cunctis tribuere, Palatia, nomen,

Neglecto squalent senio? nec creditur orbis

Illic posse regi? medium non deserit umquam

Celi Phœbus iter, radiis tamen omnia lustrat.

Segnius an veteres Istrum, Renūque tenebant,

Qui nostram coluere domum?

Causa Mediolanum relinquendi eadem Honorio fuit, quæ Herculo causa fuerat deligendi; nimirum propinquitas Barbarorum. quippe id opidum expositum ad pericula repentinorum incursionum obsidionisque; contrà Rauenna, urbs nobilissima provinciae Flaminiae, quanto remotior à Germania & rebeli Gallia, tanto tutior homini desidi ac timido videbatur. quæ (vt ait Iordanes) in sinu Imperij Romani, Hadriæque sita ab Orien-

te mari alluitur, ab Occidente paludibus cingitur, à Septentrione & à Meridie Padum habet eò duabus fossis perductum: vnde Honorius (quod Alarico Rauennæ appropinquante facere voluisse dicitur) Epirum petere, si res cogeret, & ad Theodosium fratris filium perfugere potuit. quem hominem, vt ex ortu tot Tyrannorum, & ex tot gentium incursionibus intelligitur, & à suis & à Barbaris ob desidiâ contemptum, omni Gallia ac Hispania propemodum amissa, in Italia latuisse de salute magis quàm de Imperio sollicitum, nec vñquam Alpes transire ausum esse nemo non mirabitur: qui animaduernerit Fl. Valerium Constantium, & insequentes Imperatores, aut Imperatoribus absentibus Cæsares rarò Galliâ excessisse; in repellendis continuis Francorum & Alamannorum bellis occupatos: atque Augustam Treuitorum, vtriusque gentis finibus ferè mediam interpositam, annos amplius centum eorum regiam fuisse. quam ob id Marcellinus *clarum Principum domicilium; solium*, hoc est Imperatorum sedem, & *Augustam urbem* Ausonius appellat. vnde Gregorius Maximum, quòd ibi plerumque morabatur, *Imperatorem Treuiricum* vocat. Honorij exemplum Valentinianus, deinde Odoacer, Regesque Gothorum secuti, Rauennam, *urbem Regiam* ob id à Senatore & Iordane dictam, Regni sedem habuere. Sed tempus est iam à Romanis ad Francos nostros, & ex Italia in Germaniam transire.

cccc.
xx.

Faramundum, quem & Varamundum & Faramodum appellant; sexto & vicesimo imperij Honorij anno defectione Solis insigni, in Francia regnauiſſe, & IV principatus Valentiniani, vñdecimum regni sui annum non excessisse ait Prosper in Chronico. Vbi adnotare conuenit Prosperum Honorio post patris mortem XXXIII annos assignare, qui XXIX tantum annos imperauit: itaut detractò superuacaneo illo triennio aut Faramundum non plùs octo annos regnauiſſe; aut si XI annos impleuit, Imperatoris Honorij anno XXIII, Honorio XI & Constantio II Coss. Regni potiri coepisse putandum sit. Præterea animaduerto inter Marcomeris Sunnoisque mortem, & initium Faramundi annos minimùm

cccc.
xvii.

XVII interfluxisse: intra quod tempus vt qui in Francia Regnum obtinuerint incertum est: ita Godigifclum Regem Vandalorum à Francis pulsum acie & interfectum; Constantinum, & Iouinum tyrannos copiis adiutos; atque coloniam Augustam Treuitorum bis captam, direptam, ac incensam esse constat. Vetus quidam Historicus, Theoderici Regis & Caroli Ducis Francorum æqualis, scribit mortuo Sunnone, Marcomerem Principem gentis, quem tùm adhuc vixisse existimat, Francis persuasisse, vt Faramundum filium suum Crinitum Regem crearent. Aimoinus, Rorico, Auctor libri de vita Caroli Magni, Ado, & Iuo de Faramundo consentiunt, Marcomeris viri illustris filium, & primum (vt falsò arbitrantur) Regem Francorum fuisse: qui nihilo veriùs in vetusto Chronico Sunnonis filius, primus Franciæ Rex Capillatus vocatur: ac in Stemmate Regum nostrorum duos filios, alterum nomine Clenum omnibus ignotum, alterum Chludium, hoc est Chlodionem sustulisse dicitur. Sigibertus oblitus sui; qui Priamum in Francia regnauisse affirmauerat, post Sunnonis & Marcomeris Ducum interitum, Francos ad Faramundum Marcomeris filium Regnum detulisse anno CCCCXIX tradit: regnâsse autem Faramundum annis XI: quo tempore quatuor primores gentis, vsu rerum ac virtute præstantes, ex omnibus omnium consensu delectos; ter actis conuentibus, quos mallos appellabant, in vicis Germaniæ Salichamio, Bodichamio, & Widihamio legem Salicam à Salichamio vocatam cõdidisse: Quatuoruiros fuisse Wisigastem, Salagastem, Bosogastem, & Widogastem: quos Iuo, prætermisso vno, Wisogastem, Arbogastem, à quibusdam Bosogastem dictum, & Salegastem vocat; Ado Sigiberto & Iuone vetustior, & Auctor Historiæ Franciæ antè citatus Wisouastem, Wisogastem, Arogastem, (hoc est Widogastem & Arbogastem) & Salegastem deprauatis nominibus nuncupant. Mihi quidem similitudo nominũ cum latorum legis, tum locorum, in quibus condita dicitur, suspecta semper fuit: neque existimaui, cum Burgundiones, Vefigothi, Ostrogothi, & Langobardi non priùs

leges scriptas habuerint, quàm hi in Gallia, illi in Italia confedissent, legem Salicam in Germania Francis fuisse descriptam: quæ vtique Faramundo regnante Germanicis conscribi literis, & à subsequentibus Regibus post occupatam Galliam linguâ Latinâ verti debuit: at huius conuersionis nemo mentionem facit. Quare vt Gundobadus Burgundionibus, Vesigothis Theodoricus posterior, aut vt aliqui arbitrantur, Euricus, Ostrogothis Theodericus, Rotharius Langobardis, Regnis iam diuturnitate confirmatis, iura Latine describere: sic Chlodoueus Regnum primò, deinde & legem Salicam, quam in proœmio legis correxisse tantum dicitur, videtur condidisse: cuius filius Theodoricus legum Francorum cognomine Ripariorum, Alamannorum, ac Baiuarianorum auctor fuit. Ceterum Gregorius, ex quo nos primorum Franciæ Regum res gestas discere oportebat, non modò Faramundi acta; sed etiam nomen ipsum prætermisit: Chlodionem quoque, Meroueam, ac Childericum ferè indictos reliquit. nec illi deerant libri, ex quibus multa exciperet: sed vir bonus Principes Christianæ religionis expertes silendos arbitrabatur. Hoc solum affirmare possumus, si Honorio XI & Constantio II Coss. regnare Faramundus occæpit, principatu eius ac forsitan etiam ductu Francos in Galliam eruptionem fecisse, & Augustam Treuirorum (sicuti antè dictum est) tertium captam diripuisse ac incendiisse. præterea ex Prosperi Fastis Chronicoque colligimus Faramundum partem Galliæ Reno proximam possessionis causâ occupauisse, quam primo regni anno Chlodio eius filius amiserit.

CCCC-
XVII.CCCC-
XXII.

Honorio XIII & Theodosio X Coss. cum Vandali & Alani, paullo antè ex Callæcia in Bæticam instante Asterio Comite Hispaniæ transgressi, finitimas prouinciâs incursionibus vastarent: Castinus primarius Senator, ex Comite Domesticorum Magister militiæ factus, aduersus eos cum magno exercitu & auxiliis Gothorum mittitur. qui Bonifatium virum belli artibus præclarum inepto & iniurioso imperio ab expeditionis suæ societate auertit. Nam ille (vt loquitur Prosper in Fastis) periculofam sibi atque indignum ratus eum sequi; quem discordem super-

bien-

bientemque expertus esset; celeriter Portum Urbis petiit, atque inde in Africam transiit, omnemque provinciam occupavit. idque Reip. multorum malorum initium; ea Africæ causa cladis exitiabilis fuit. At Castinus, qui se ipse tanto collega privauerat, ne in societatem certæ exploratæque, ut putabat, victoriæ quemquam reciperet, vecordiæ pœnas dedit. Cùm enim Vandalos obsideret, adeo ut inopia pressi deditionem facere iam pararent; fiduciâ virium ferox, hostiùmque arroganter contemnens, temerè proelium commisit: & auxiliariorum suorum fraude deceptus victusque, ignominiosâ fugâ Taraconem petiuit. Viginti ferè millia militum Romanorum cæsa Prosper est auctor in Chronico, qui falsò anno octavo post Honorij Aug. obitum hanc cladem Romanis illatam dicit. Notandum autem est, id quod Saluianus in libro VII de Gubernatione Dei scribit, Vandalostimore perturbatos librum divinæ legis apertum venientibus Romanis opposuisse: credo ut eo commentò Christianos se esse, & ab Christianis sine causa oppugnari indicarent. Sic igitur Vandali (ut ait Saluianus) *post experimenta belli diu parati intellexerunt sibi Romana Reip. videri etiam cum Barbarorum auxiliis pares esse non posse.* Nec paulo post Castinus ex Magistro militum & ex Consule non solum priuatus sed etiam exsul factus, quod Ioanni Imperium occupanti fauisse dicebatur; ex Italia in Africam ad Bonifatium inimicū suum perfugere coactus est, & genibus aduolui, patrociniòque ac fidei se permittere eius, quem tamquam militem & Barbarum antè despexerat. Hic est Bonifatius, qui Placidia ab Honorio fratre suo vnâ cū liberis expulsæ solus fidem seruauit, aurumque subministravit; & Africā strenuè contra Ioannis copias defensâ fecit, ut Imperium tandem cum Valentiniano filio reciperet. Idem paulo post Hierio & Ardabure Coss. cū in Africa potentiâ gloriæque augeretur, falsò clam defectionis accusatus ab Aëtio, dolosisque eiusdem literis deterritus, in Italiam venire euocatus à Placidia recusauit. Quamobrem arbitrio Felicis Magistri militum, ut ait Prosper, vel potius Aëti, Maurotio primū ac Galbione Ducibus; deinde ambobus

cccc.
xxxi.cccc.
xxxi.cccc.
xxvii.

interemtis, ductu Sigisfulti Comitis bellum ei illatum est, cuius repellendi causâ Bonifatius data acceptâque fide Vandalos, qui vti nauibus nesciebant, ex Hispania in Africam transportauit.

Galla Placidia post Constantij Aug. viri sui mortem, de qua dictum est, Rauennæ remanebat, magni animi fœmina, ambitiosa, & imperij auida. Ea cum Honorio primùm ad eò coniunctè vixit, vt nimia familiaritas, crebritasque osculorum locum incesti amoris suspitioni daret: mox Helpidiâ nutrice Placidia & Leontio eiusdem Procuratore id agentibus, magnum inter ambos odium intercessit: donec post multas rixas, ac seditiones inter Honorianos Gothosque Placidia comites Rauennæ ortas, à fratre soror expulsa vnâ cum liberis Honorio & Flauio Valentiniano nauibus Constantinopolim petiit: & à Theodosio Arcadij fratris sui filio honoratissimè accepta est Mariniano & Asclepiodoto Coss. quo ipso anno XVIII Kalendas Septemb. morbo, quem hydro-pa vocant, Honorius Aug. interiit, XXXIX ætatis annuum nondum transgressus: filius, frater, patruus, & auunculus Imperatorum: vir ita secors & ignauus, nulli vt vniquam prælio interesse ausus sit. si tamen virum appellare eum licet, cuius vxores Maria & Thermantia Stiliconis filia altera post alteram virgines & intactæ obisse dicuntur. siue quòd naturâ frigidus in venerè, & inefficax fuit: siue quòd (vti ait Philostorgius) medicamentum sterilitatis à Stilicone datum biberat. Imperauit autem Honorius cum patre annos duos, dies VII; cum Arcadio fratre annos XIII, menses tres, dies XIV; cum Theodosio fratris filio annos XV, menses III, dies XV: vt appareat Prosperum & Hydatium, tricennalibus spectaculis ab Honorio editis deceptos, in Chronicis suis errare, quorum alter Theodosio XVI imperij annos, Honorio post eius obitum XXX; alter huic XVI, illi XXXII annos assignat: cum ab ortu Principis Theodosij ad mortem Honorij anni sint quinque & quadraginta non pleni.

Mortuo Honorio Ioannes, qui primus Notariorum fuerat, non prohibente magis quàm adiuuante Castino

cccc.
xxiii.

Magistro militum, Occidentis Imperium nullo sibi iure debitum occupavit. & Exsuperantius Pictavius, Præfectus Prætorij Galliarum, is qui Armoricos Præses provincie Lugdunensis III rexerat, Arelati seditione orta à militibus interemtus est: ~~atque Pæonius auctor cadis, Ioannis partibus aduersus, paullo antè ad opprimendum Marcellum quemdam Imperiū affectantem signifer iuventutis, falces ac insignia Præfecturę corripuit.~~ At Theodosius Aug. de Ioannis exortu certior factus nomen & insigne Cæsareum per Helionem Patricium missum Valentiniano amitino dedit Castino & Victore ^{cccc. xxiiv.} Coss. quod Olympiodorus, Philostorgius, & qui pleraque de eius libris exscripsit, Nicephorus Callistus Thesalonica; Hydatius Constantinopoli factum ait. Eodem anno Gallam Placidiam iussu Theodosij Augustam salutatam esse Olympiodorus apud Photium scriptum reliquit & Marcellinus: cui ego ab Honorio, qui illius ergo Constantium Imperatorem, Valentinianum Nobilissimum appellavit, hoc nomen vnà cum Imperio delatum existimo. alioqui Prosper in Fastis Placidiam tum, cum ab Honorio fratre suo eiecta ad Theodosium confugit, Augustam non vocaret. Theodosius cum Placidia Aug. & Valentiniano Cæsare Ardaburem, & Asparem Ardaburis filium Duces in Italiam misit. Et Ardabures quidem post captam Salonam aduerso vento in manus hostium delatus est, & exceptus. At Aspar Præfectus equitum meliore fortuna vsus primò Aquileiam caput Venetiæ; post Rauennam; ibique facto leui prælio Ioannem ipsum imperij mense duodeuicesimo à suis proditum cepit: cui Aquileiam perducto dextram præcidi, caputque amputari Placidia Aug. iussit Theodosio XI & Valentiniano Cæsare Coss. Fl. Aëtio venia, & Comitibus dignitas data est: quod Hunnis, quos mercede ^{cccc. xxv.} conductos ad LX millia die tertio post Ioannis mortem in Italiam adduxerat, quosque Aspar post commissum atrox prælium iterum aggredi non audebat, persuasisset, vt accepta fide atque pecunia, obsidibusque traditis domum reuerterentur. Castinus Senator Consularis, & Magister militiæ in exilium missus: & Felix in eius lo-

cum substitutus. Bonifatius (sic enim Græci melius ,
quàm Latini Auctores Bonifacium , vocant) Africam ,
quam strenuè contra Ioannis copias defenderat, obtine-
re iussus, & ex Tribuno Comes Domesticorum & Afri-
cæ factus. Ita oppresso Tyranno , & recepto feliciter
Imperio Placidus Valentinianus puerulus sextum an-
num agens VIII Idus Aprilis ; aut (vt ait Socrates) ad X
Kalendas Nouembres VII ætatis suæ anno , decreto
Theodosij , ac consensu totius Italiæ Augustus appella-
tur : & Helion Magister Officiorum , atque Patricius Ro-
mæ (sicuti Olympiodorus , Prosper , ac Hydatius scri-
bunt) diadema capiti eius imponit , quem falsò Marcel-
linus & Iordanes Rauennæ factum Imperatorem di-
cunt. Ex his apparet errare Nicephorum , qui Placidiam
pro amita sororem Theodosij appellet , & à Ioanne Ty-
ranno ante Honorij obitum eiectam esse in libro XIV
tradat.

Eo tempore imperium Orbis Romani , quem vix tum
viri fortissimi prudentissimique à Barbaris tueri potuif-
sent , penes feminas erat. quippe in partibus Orientis
Flavius Theodosius quatuor & viginti annos natus , solo
nomine auum ; inertia patrem Arcadium referens , Pul-
cheriæ Augustæ sororis maioris natu & eunuchorū con-
silijs regebatur. in Occidente autem Placidia Aug. Pla-
cidi Valentiniani filij sui Imperiisque tutelam à Theodo-
sio sibi commissam gerebat. Hic est Theodosius , qui
dum Reip. membra lacerabantur à Barbaris , parentem
suum imitatus , domi Sanctorum corporum reliquias col-
ligebat : & amisso propemodum Illyrico , vt ei provincia-
rum suarum numerus constaret , nouas provincias non
armis , sed vnus in duas aut plures diuisione faciebat ;
quasi hacce ratione clades Imperij regi , aut iactura re-
parari posset.

CCCC-
XXVIII

Anno V post Honorij mortem regnauit in Francia
Chlodio ; vt ait Prosper in Chronico , & annos vigin-
ti Regnum obtinuit. Clodium vocat eum Prosper &
Sigebertus ; Sidonius Cloionem , multi Chlodionem
ac Chlogionem appellant. eundem Scriptor Historiæ
Francicæ Caroli Ducis æqualis , Aimoinus , Rorico ,

Auctor libri de vita Caroli Magni, aliique plurimi Faramundo patri successisse tradunt, & Chlodionem Crinitum nuncupant. similiter in vno & altero Stemmate Regum nostrorum Chlodio Faramundi filius & successor fuisse, & (sicut etiam supra citatus Historicus, Adoque memorant) XX annos regnauisse dicitur. Addit vterque tum Francos in finibus Toringiæ confidentes crinitis Regibus parere coepisse. Quo magis miror à Fredegario Chlodionem appellari filium Theudemericis Francorum Regis, Richimere patre nati, ab Romanis (vt ait) ductu Castini proelio fusi atque occisi. quem Theudemericem vel Theodomerem, *filium Richimeris quondam*, seu potius Consulis vocat Gregorius, accum Ascila matre sua interfectum, & Chlodionis æqualem fuisse ex Consularibus Fastis videtur indicare. à morte autem Richomeris Consularis ad initium Chlodionis anni sunt XXXIV; ita vt Theodomerem, si eo patre genitus fuit, certò ante Chlodionem Franciæ imperium obtinuerit. Hic est Teudomerem, vt existimo, cuius & nomen & vultum in nummo aureo publicauit Paullus Petauius Vir Clarissimus. Iuo in Chronico Didionem quemdam Faramundi filium, omnibus nostris auctoribus ignotum, Faramundo & Chlodioni medium interponit. cum Sigebertus Iuonis æqualis nullam eius mentionem faciat, Chlodionemque Capillatum post Faramundi patris obitum rerum potiri occœpisse anno CCCCXXX, ac in Francia annos duodeuiginti regnasse prodatur, atque ex illo tempore Francorum imperium penes comatos Reges esse coepisse. Ego (pace Gregorij, Adonis, Sigeberti, Iuonisque dixerim) nequaquam crediderim tum primum Reges Franciæ cæsariem promississe. quippe Claudianus (vt de ceteris taceam) in libro I de laudibus Stiliconis Marcomerem Chlodionis auum, ac Sunnonem eiusdem maiorem patrum *Reges crinigeri vertice flauentes*, hoc est flauos & crinitos appellat: & Eumenius in laudatione Constantij Cæsaris, Francorum, qui pro Allecto Tyranno mercede pugnauerunt, *corpora Barbarà & proluxo crine rutilantia* vocat.

Tiro Prosper in Fastis, & qui multa de eo libro ex-

cccc.
xxviii.

scripsit Cassiodorus Senator tradunt Felice & Tauro Coss. *partem Galliarum proximam Reno, quam Franci possidendam occupauerant, multis casis Aëtij Valentiniani Comitibus armis receptam esse.* Felicis autem & Tauri Consulatus à morte Honorij Aug. quintus, & regni Chlodionis primus est annus: vt in Chronico, quod Prosperi esse dicitur, inuenio. quare si initium Chlodionis Regis, & prima Aëtij aduersus Francos expeditio in vnum eundemque annum inciderunt, existimandum est partem prouinciæ Germaniæ inferioris Reno propiorem à Faramundo perpetuæ possessionis causâ occupatam; Consulatū Tauri & Felicis, quo anno Chlodio Faramundi filius principatum iniit, Aëtij ductu magnâ cæde Francorum factâ, reliquis è Galliæ finibus pulsis, ab Imp. Valentiniano receptam esse. Erunt forsitan, qui credent de eodem bello Hydatium loqui, qui biennio serius, nimirum anno VII post Honorij mortem, imperij Valentiniani VI, Aëtii Ducem expeditionem in Francos fecisse, eosque anno insequenti, hoc est Baso & Antiocho Coss. proelio superauisse, pacemque cum victis iniisse memoriæ tradidit. Antiochum hunc ex eunucho & Præposito sacri cubiculi Præfectum & Consulem factum falsò scribit Baronius: si verum est, quod ait Marcellinus in Chronico, Eutropium omnium spadonum primum & vltimum Consulem fuisse. Poscere videtur hic locus, vt de Flauio Aëtio pauca dicamus.

cccc.
xxviii.cccc.
xxx.cccc.
xxx.

Aëtio Durostorum opidū in Mœsiæ cognomine secundæ, & Scythiæ confiniis positum patria fuit: pater Gaudentius, domi primoris loci, Magister equitum, qui in Gallia seditione ortâ à militibus interemptus est; mater Italica, nobilis ac locuples femina, mendosè apud Gregorium Itala appellata: quam Ioannes Chrysostomus Constantinopolitanus Episcopus, ad eam scribens, Romanam fuisse indicat, hortaturque vt per se ac per suos Orientis Ecclesias perturbatas atque distractas in concordiam reducere conetur. Aëtius ipse à puero Prætorianus, Domesticusve Protector, tribus annis apud Alaricum Gothorum Regem; deinde apud Hunnos, quibuscum amicitiam coniunxit, obses fuit: postea

Carpilionis Comit̃is Domesticorum filiam, quam tamen Sidonius Gotham ac stirpis regiæ fuisse indicat, in matrimonium duxit, & Palatii Ioannis curam egit. falsò vt Paullus Langobardus, Constantinus Porphyrogenetus, & Nicephorus Callistus in libro XIV Bonifatium & Aëtium Duces ab Imper: Theodosio Fl. Valentiniano petenti missos esse tradant. quamuis ambo in Thracia Theodosij prouincia nati essent. Tum Aëtius Hunnis, quos in Italiam opem Ioanni laturos adduxerat, cum persuasisset vt domum redirent, Comes creatur: cæsis Gothis, & Anaolfo Optimate eorum capto, Arelate obsidione liberat: atque Bonifatio Patricio, quem ob inuidiam Africâ pellere conabatur, falsò defectionis accusaro bellum inferendum curat: cuius repellendi causâ Bonifatius Hierio & Ardabure Coss. Geisericum Regem trans Gaditanum fretum accitum cum Vandalarum & Alanorum millibus LXXX in Africam inmisit. At Aëtius Magister militum factus Felicem Patricium virum Consularem, cui in Magisterio militiæ successerat, cum Padusia vxore sibi insidiantem occupat, ac Rauen-
næ interim: Iuthungos vincit: Noricos, qui rebellauerant, domat: Francos è Galliæ finibus pellit: ac Bonifatium Magistrum militiæ in ipsius locum successum, & acceptâ à Placidia fide Romam reuersum bello aggreditur, ac vulnerat: pulsusque ad Rugilam Regem Hunnorum perfugit, & Barbarorum auxiliis fretus, Bonifatio iam ex vulnere mortuo; in Italiam; nec multo post Sebastianiano Bonifatij genero fuso fugatoque, in gratiam cum Valentiniano & Placidia redit: neque Magisterium militum solum, sed etiam Patriciam dignitatem assequitur: Gothos à Narbone Martio per Litorium repellit, bellumque cum eis triennio Hunnis adiutoribus gerit: quorum Barbarorum auxiliiorum Regulus Gausericus Cossionem Valsatium diu frustra obsedit, Galliſque magis oneri, quàm terrori hostibus fuit. post Aëtius oppressis Bacaudis, in tractu Valentino deserto Alanos, quibus Sangibanus præerat, in Sapaudia Burgundionum pæne excisorum reliquias collocauit: & Carpilionem filium suum legatum ad Attilam Regem Hunnorum misit,

cccc.
xxvii.

cccc-
LIV.

eundemque pace ruptâ transgressum in Galliam atroci proelio superavit. denique suspectus Imperium affectare. Aëtio & Studio Coss. ab Valentiniano Aug. interfectus est. Hic notare convenit Aëtium ter Consulem, & annis circiter XX V Magistrum militum; hunc de quo loquimur; & cuius de virtutibus Renatus Frigeridus in Historiæ libro X I I apud Gregorium retulit, eum esse non videri, qui Studij collega fuit, semelque Consulatum inivit. alioqui in Fastis non Aëtium & Studium Coss. sed Aëtium I V & Studium Consules scriptos inueniremus. Rebus gestis Aëtij strictim perscriptis; ad Chlodionem reuertendum est.

Gregorius in libro I I scribit multos memoriam tradere Francos, digressos finibus Pannoniæ, primum circa ripas Rheni incoluisse: deinde transito Reno in Toringiam immigrauisse, ibique Reges crinitos ex nobilitate delectos, qui pagis aut ciuitatibus præessent, creauisse: ac Chlodionem Regem Francorum virum fortissimum ac nobilissimum in castro quodam Toringiæ nomine Dispargo sedisse. eodemque tempore partem Galliæ à Reno ad Ligerim, id est ad meridiem versus sub ditione Romanorum fuisse; vltra Ligerim Gothos, trans Rhodanum Burgundiones coluisse. Chlodionem verò, vt præmissi exploratores perspectis regionibus tuta omnia renuntiauisent; suis fugatisque Romanis, opidum Camaracum cepisse: eoque in opido paullisper constitisse: inde vsque ad Summam flumen omnia occupauisse. Quibus de rebus vt dicam quod sentio; non dubito, quin Auctores, qui Francos ortos Pannoniis prodidere, quos Gregorius & Historici Gregorio recentiores secuti sunt; similitudine nominum decepti Francos à Brencis Breucisve gente Pannoniæ originem ducere crediderint. Sed cum ex Pannonia in Toringiam proficiscentibus Menus vel Mænus sit transeundus: Gregorium Renum nobis pro Meno ingessisse miror, tantumque vel eius errorem, vel librarij mendum ab nemine animaduersum correctumque esse. Quod si Chlodio præter ceteros in Toringorum finibus consedit; Toringiam omnem, aut saltem partem eius Cattis confinem dudum sub imperio Francorum

eorum fuisse, vel à Chlodione ipso armis occupatam Francis postea in Galliam transgressis defecisse putandum est. Quare Aimoinus ac Sigebertus scribunt Chlodionem finitimis Toringis genti Germaniæ bellum intulisse, depopulatisque eorum finibus castellum nomine Dispargum cepisse, atque ibi aliquamdiu confedisse. Nicolaus Vignierius, multique alij cum animaduertent Francos profectos Pannoniâ superato Reno non in Toringiam, sed in Galliam migrare oportuisse; apud Gregorium Toringiam & Toringos in Tungriam Tungrosque mutauere. ita dum errorem vitare volunt, in errore inciderunt. nam Tungri etiamtum sub Romanorum ditione fuerunt: si verum est, quod Gregorius dicit, antequam Chlodio in Galliam erumperet, Romanos à Reno ad Ligerim Galliam Belgicam Lugdunensemque tenuisse: & Seruatium Tungrorum Episcopum cognominem ei, qui Synodo Agrippinensi principatu Constantis interfuit, multis cum lacrimis Deum obsecrâsse, vt ab gente sibi commissa omniq. Gallia Hunnos Christianæ religionis expertes auerteret. quem Hunnorum aduentum in Gallias Seruatius tantopere deprecari ac timere non debuit, si iam Franci non minus Hunnis Christianam sectam exosi, idolorumque cultores agrum Tungrorum occupauerant. Sunt, qui Dispargum supradictum, nunc esse Duisburgum falsò arbitrentur. quippe Dispargum Gregorius, veteresque omnes Historici castrum Toringorum vocant; recentiores nostri Auctores castellum Tungrorum appellari malunt. at Duisburgus neutrius gentis finibus adscribi potest: est enim opidum Germaniæ ad ripas Rheni positum, quod flumen vti Franci tum accolebant, sic Toringia numquam attigit. Tungros quoque ortos à Germanis Plinius Secundus, Caius Cornelius Tacitus, & Claudius Ptolemæus in Gallia; non in Germania ponunt. vt appareat eam gentem ne florente quidem Romanorum potentiâ, nedum Valentiniani principatu vtilos agros atque opida trans Rhenum habuisse. Ceterum quod ait Gregorius ante occupatum à Chlodione Camaracum Gallicas gentes, quæ à Reno ad Ligerim per-

inent, sub ditione Romanorum fuisse; vltra Ligerim Gothos imperitauisse; Burgundiones trans Rhodanum incoluisse: non perinde intelligi oportet, quasi tum Romani omnes Transligeritanas, ac Transrhodanicas regiones Barbaris condonauissent, aut amisissent. Aquitaniam enim cognomine primam, & partem maiorem prouinciæ Narbonensis, & præter Sapaudiam Burgundionibus datam quod agri inter Rhodanum Alpésque erat, Imper. Valentinianus tenebat. Immo ne tum quidem, cum Chlodionis ductu Franci in Gallia confederunt, videntur Burgundiones trans Rhodanum sedes habuisse. siquidem anno *XX* post Honorij Aug. obitum (vti ait Prosper in Chronico) Aëtius Sapaudiam eis cum incolis diuidendam dedit: transiisse autem in Gallias Chlodionem annó *XIV* post Honorij mortem Marianus Scotus tradit.

cccc.
XLIII

Et ita quidem Gregorius, vt antè dictum est, de Chlodionis expeditione scribit. at Historicus, qui posteriore Theodorico regnante floruit, ex Toringia regione Germaniæ præmissis ad Camaracum exploratoribus, Chlodionem cum magnis copiis Renum transisse dicit, multisque Romanis cæsis ac fugatis, Carbonariam siluam intrasse; Turnacum, deinde Camaracum cepisse; ibique interfectis Romanis, hoc est Gallis, aliquantisper substituisse; & vsque ad Suminam flumen, quod alij Somenam, alij Sumnam appellant, atque ab Camaraco circiter millia passuum *XXIV* abesse aiunt, omnia loca armis occupauisse. Ex quo intelligitur Chlodionem, cum relicto Dispargo Renum transierit, (vti & Rorico, Sigebertus, ac Iuo tradunt) non ex Tungria, prouinciæ inferiore Germania, sed ex Toringia, & magna vel Transfrenana Germania in Galliam Belgicam erupisse. Adiicit Rorico Samarobriuâ Ambianorum opido ad Suminam posito potitum hunc esse, eamque regiam elegisse, atque exinde à nemine interpellatum iure belli quietè tenuisse. cui Auctori haud scio an magis assentiri nos oporteat, quàm Adoni scribenti Chlodionem salutum Carbonarium, quæ Arduennæ pars est inter Mosam, & Scaldem; obtinuisse: Camaracumque, quod à

Reno CXXX millia passuum abest; non Samarobriam regni sedem statuisse. In libro autem, quem Hincmarus de vita Remigij composuit, inuenio Francos Turnaco & Camaraco opidis expugnatis, & hinc vsque ad Suminam parte prouinciæ Belgicæ occupatâ, ibi diu sub Chlodione & Meroueo Regibus consedisse. Sed nemo è nostris Auctoribus supradicti Regis victorias licentiùs amplificauit, quàm Marianus Scotus. quippe in libro Chronicorum II prodit post Christum natum CCCCXXXVIII, Theodosij Principis post Honorij mortem XLV anno, hoc est Aëtio II & Sigisualto Coss. quo anno Aëtius in bello Gothico repellendo, & in defectione Bacaudarum coercenda erat occupatus: Chlodionem Batauos, Menapios, Tungros, Turnacenses, Taruennenses, Morinos, Atrebates, Camaracenses; Ambianos, Bellouacos, & quidquid inter Sequanam ac Ligerim erat, Francico Regno adiecisse. quod Sigebertus septennio seriùs, nimirum anno CCCCXLV post Christi natalem actum esse tradit.

Apparet ergo Chlodionem Regem Francici in Gallia Imperij auctorem ac conditorem fuisse: eumque cum magno exercitu ex Germania transgressum in Galliam castella aliquot ad Renum, (aliter enim interiora regionis tenere vix potuit) superatòque Mosâ siluam Carbonariam, & Turnacum ac Camaracum opida Scaldi flumini apposita; inde omnia vsque ad Suminam perpetuæ possessionis causâ occupauisse. cum nec ab Romanis postea ex hisce opidis expulsus dicatur; nec urbem aliquam captam Regni sedem statuere eius sit, qui prædam sibi solum, non imperium quærat, & finibus hostium depopulatis domum redire festinet: à quo consilio tantùm abfuit Chlodio, vt Atrebates quoque ditionis suæ facere voluerit. Certè in eos exercitum duxit, nullis, sicut antè, speculatoribus præmissis, & ad vicum Eleenam fluménque peruenit, more Germaniæ mulierum agmen trahens. ibi dum quidam clarus inter Francos virginem nationis eiusdem matrimonio sibi adiungit, saltantiùmque vocibus collis ripæ proximus resonat, Aëtius inopinantès improuisò aggreditur: angustiis lo-

corum inclusos fundit, fugátque: nouam nuptam capit: plaustrisque compluribus potitur. Locum, ubi res gesta est, Elenam vicum Apollinaris Sidonius appellat: quem Ioannes Sauaro nunc esse Hefdinium vetus Quantiaë flumini impositum falsò existimat. cùm Elenavicus in primis Atrebatium finibus, quà Camaracenses attingunt; hoc est forsitan Lensium ad Deulam, Lennense castrum Balderico in Historiæ lib. II dictum: Hefdinium autem vetus (si tùm tamen iam erat) non in Atrebatibus, licet nunc eis attribuat, sed in Morinis ad Oceanum versùs castellum fuerit. Hoc furto belli magis quàm proelio circa Elenam fusi ac repressi sunt Franci paullo post Cæsarodunum Turonum per Iulium Majorianum à Gothorum metu vindicatum, siue post Aëtij II & Sigisulti Consulat. ut scribit Apollinaris Sidonius, apud quem vxor Aëtij, non minùs inuidens Maioriani iuuenis gloriæ, quàm pro Gaudentio communi filio sollicita, & huius magnitudinem illius incrementis quandoque obstaturam rata sic virum alloquitur.

cccc.
xxxvii.

Cùm bella timentes

*Defendit Turonos, aberas. pòst tempore paruo
Pugnastis pariter, Francus quà Cloio patentes
Atrebatum terras peruasèrat. Hic cœuntes
Claudebant angusta vias, arcuque subactum
Vicum Elenam, fluménque simul sub tramite longo
Artus suppositis trabibus transmiserat agger.
Illic te posito, pugnabat ponte sub ipso
Maiorianus eques. fors ripa colle propinquo
Barbaricus resonabat hymen; Scythicisque choreis,
Nubebat flauo similis noua nupta marito.
Hos ergo, ut perhibent, strauit. crepitabat ad ictus
Cassus, & oppositis hastarum verbera thorax
Arcebat squamis, donec conuersa fugatus
Hostis terga dedit. plaustris rutilare videres
Barbarici vaga festa tori, coniectaque passim
Fenula, captiuasque dapes, cirroque madente
Ferre coronatos redolentia fersa lebetas:
Illicet increfcit Mauors, thalamique refringit*

*Plus ardens Bellona faces. rapit esseda victor,
 Nubentemque nurum. non sic Pholoëtica monstra,
 Atque Pelethronios Lapithas Semeleius Euan
 Misit: Hamonias dum flammant orgia matres,
 Et Venerem Martemque cient; ac prima cruentos
 Consumunt ad bella cibos; Bacchoque rotato
 Pocula tela putant: cum crudecente tumultu
 Polluit Emathium sanguis Centauricus Othrym.
 Nec plus nubigenum celebrentur iurgia fratrum.
 Hic quoque monstra domat, rutili quibus arce cerebri
 Ad frontem coma tracta iacet; nudataque ceruix
 Setarum per damna nitet; tum lumine glauco
 Albet aquosa acies; ac vultibus undique rasis,
 Pro barba tenues perarantur pectine crista.
 Strictius assuta vestes procera coercent
 Membra virum. patet his altato tegmine poples:
 Latus & angustam suspendit balteus alium.
 Excussisse citas vastum per inane bipennes,
 Et plaga præfuisse locum, clypeosque rotare
 Ludus, & intortas præcedere saltibus hastas;
 Inque hostem venisse prius. puerilibus annis
 Est belli maturus amor: si fortè premantur
 Seu numero, seu sorte loci; mors obruit illos,
 Non timor: inuicti perstant, animoque supersunt
 Iam prope post animam. tales te teste fugauit
 Et laudante viros.*

Ex quo apparet Francos, quos ridiculè ob proceritatem
 eximiam Sidonius monstra appellat, tantâ magnitudine,
 ac pernicitate corporum, tantâ in armis exercitatione,
 atque arte cum viribus coniunctâ, tantâ fortitudine in
 periculis, tantâ à paruulis bellandi cupiditate fuisse, vt
 ab hoste etiam inuito laudarentur. Sic Libanius in ora-
 tione de laudibus Constantij atque Constantis Augg.
 fratrum ait Francos multitudine innumerabiles, haud
 paullo tamen quam pro multitudine validiores non ma-
 re magis quam continentem timere: & frigus Septem-
 trionale cæli temperie gratius; orium; calamitatem ma-
 ximam; quietem; languorem ducere: contra summam
 sibi felicitatem in bello positam existimare: ac si quis

dextram perdiderit, debilem reliquâ manu pugnare: virtutisque apud eos, quam temeritatem ac dementiam Libanius vocat, & honorem haberi, & sua præmia legibus esse proposita. Quod autem ait Sidonius Francos post mortem animo pæne superesse: idem Florus dicit de Romanis à Pyrrho Rege victis; relictas in eorum vultibus minas, *et in ipsa morte iram vixisse.*

cccc-
xxviii
cccc-
xxxi

Ceterum vti Felice & Tauro Coss. aut Consulatu Bassi & Antiochi accepta apud Renum clades Chlodionem minimè deterruit, ne in Galliam iterum transiret: ira Elenensis pugna eidem haud obstitit, quominus regionem, quam armis occupauerat, obtineret. videturque Aëtius post hoc leue proelium pacem cum Francis fecisse, atque Chlodioni liberam possessionem saltus Carbonarij, & Turnaci, ac Camaraci tradidisse. quod facile credet, qui animaduernerit Aëtium reliquiis Alanorum, qui Goare duce principatu Honorij in Gallia confederant, agrum Valentinum condonauisse, & Burgundionibus pæne funditus euersis non solum pacem, sed etiam Sapaudiam dedisse. Certè Saluianus, qui tum iuuenis scribebat, in libro V de Gubernatione Dei postquam multum questus est de iniquitate potentiorum humiliores possessionibus per iniuriam expellentium, deque acerbissimis tributis & exactione capitum; affirmat Francos, Hunnos, Vandalos, & Gothos esse horum scelerum immunes, atque apud Barbaros meliore conditione Romanos vti. ex quo intelligitur vt tum Hunni Pannonias, Gothi Aquitaniam, Vandali Africam prouincias Imperij Rom. possiderent; sic & Francos partem Belgicæ Galliæ tenuisse.

cccc-
xxix

Anno VI post Honorij Aug. mortem, hoc est Florentio & Dionysio Coss. Iuthungi Danubij accolæ, non vt ait Dexippus Scythiæ, sed Alamanniæ gens; Rætiam depopulari soliti, arma corripuere: & Norici ac Vindelici prouinciales ab Imperio Romano defecere. siue seorsum bellum parauerant: siue potius Norici ac Vindelici cum finitimis Iuthungis vires iunxerant. quos omnes Aëtius supradictis Coss. vicit, & insequenti anno (vt ait Hydatius in Chronico) Noricos rebellantes domuit, ac

Vindelicos subegit. Hoc est, quod Prosper in Chronico tradit post annum septimum quàm Honorius decesserat, Aëtium Iuthungorum gentem delere conatum esse. Eam expeditionem aduersus Iuthungos, & Noricos ac Vindelicos susceptam esse ab Aëtio Auitum secum habente, antequam Burgundionibus bellum inferret, scribit Apollinaris Sidonius in Panegyrico Auito Aug. forcero dicto.

*Aëtium interea, Scythico qui saepe duello est
Edoctus, sequeris: qui quamquam celsus in armis
Nil sine te gessit, cum plurima tu sine illo.
Nam post Iuthungos & Norica bella; subacto
Victor Vindelico Belgam, Burgundio quem trux
Presserat, absoluit iunctus tibi.*

Iordanes. eiusdem de Iuthungis Aëtij victoriæ mentionem facit in libro de origine & actis Gothorum, cum ait Aëtium *superbiam Suauorum immensis cadibus seruire Romano Imperio coegisse*. Neque enim dubito, quin Suauorum; hoc est Sueuorum nomine Iuthungos appellauerit Iordanes, quòd alteri alteris proximi, & vtrique Rætis confines erant. Certè Aëtius Sueuis in Germania habitantibus bellum intulisse non dicitur: Sueuos autem idem in Callæcia sedem habentes ad eò Imperio Romano seruire non coegit, vt contrà, ipso Magistro militum, Rechila Rex Hermerici Sueuorum Regis filius Andeuotum Romanum Ducem proelio superatum castris exuerit; Emeritam, Myrtilim, ac Hispalim vrbes claras occupauerit; & Vito Magistro militiæ cum suis Gothisque auxiliariis fuso Bæticam. & Carthaginensem prouinciā impunè vastauerit. Sed quoniam incidit Sueuorum mentio, notare conuenit Sueuos, cum qui in Germania remanserant, tum qui in Callæcia sedem ceperant; atque etiam Sauientes, Sauia seu prouinciæ ad flumen Sauum incolas, à Iordane Suauos; & tam horum quàm illorum regionem communi nomine Suauiam appellari: similiter Procopium in libro I rerum Gothicarum *Suauos mediterraneos non Franciæ parentes, sed alios*; hoc est non in Germania habitantes, Alamannisque finitimos; sed Sauii accolas, Dal-

matia & Pannonia confines, Siscionſibus & Carnis medios interponere. Ex quibus Procopij verbis etiam intelligitur ætate eius, ſeu Iuſtiniani principatu Sueuos, quos Suauos vocat, vnà cum finitimis Alamannis Theodeberto tum in Francia Orientali regnanti paruiffe. Hac nominum ſimilitudine deceptus Iordanes prouinciales Sauienſes, Sueuôſque gentem Germaniæ confudit, cùm Hunnimundum vel Chunimundum, quem Eugepius in libro de vita Seuerini Alamannorum crebrò tum Noricum vaſtantium Regem fuiſſe indicat; regnaſſe in *Suauia Dalmatie Pannoniaque vicina*, hoc eſt in Sauia ſcribit: & nihilominùs regionem illam Suauorum, apud quos Hunnimundus regnabat, ab Oriente Baiobaros; ab Occidente Francos; à Meridie Burgundiones; à Septemtrione Toringos habere; Alamanniſque foederatis confinem, hoc eſt Sueuiam Transfrenanam fuiſſe prodit. Simili idem errore Telephum, quem in Myſia Aſiatica regnaſſe conſtat, Myſiæ ſeu Mœſiæ Europææ, Gothorùmque ibi ſedes habentium Regem ait fuiſſe.

Dum Franci in Gallia ductu Chlodionis ſedem capeſſunt: Theodoricus maior Rex Gothorum rupto foedere Narbonem Martium obſedit. ex altera parte Gundicharius Burgundionũ Rex, Cundicharius à Senatore dictus, non contentus agro prouinciæ Germaniæ primæ, quem ante annos XXIII occupauerat, finitimos Belgas prouinciæ Belgicæ primæ incolas armis ſub imperium ſuum ſubiungere conatus eſt: quem Aëtius Theodoſio XV & Valentiniano IV Coſſ. repreſſit ac fudit, atque anno inſequenti Iſidoro & Senatore Coſſ. altero prælio victis & cæſis millibus hominum XX ſic fregit, vt non iam de proferendis finibus, ſed de ſua ſuorùmque ſalute cogitaret. itaque per legatos pacem ab Aëtio ſuppliciter petiit, atque eo faciliùs impetrauit, quòd iam Romani Gothico bello cœperant impediri. Nec diutina ea Burgundionibus, aut ſida pax fuit. Hunni quippe, hi credo, quorum auxilia ex Dacia Tranſdanubiana Romani accerſuerant, quibùſque tum adiutoribus bellum cum Gothiſ in Gallia gerebant, ſi non immiſſu, ſaltem permiſſu Aëtij Gun-

CCCC.
XXXV.

CCCC.
XXXVI.

Gundicarium fessum adorti interfecerunt, vnâque propè omne nomen ac stirpem Burgundionum deleuerunt: vt Tiro Prosper in Fastis, Hydatius, & Cassiodorus Senator in Chronicis prodidere. Hancce Burgundionibus ab Vptaro Rege illatam calamitatem, eiusedmque ac Hunnorum cæde bellum esse finitum indicant Socrates Scholasticus in Historiæ Ecclesiasticæ libro VII, Sigebertus in Chronico, & Nicephorus Callistus in libro XIV, scribuntque Burgundiones, (quæ gens Barbara, circa Renum colens, vitam quietam atque otiosam sequeretur, fabrilémque artem, quâ se tueretur, ferè omnis exerceret) cum continuis Hunnorum incursionibus vexarentur; depopulatâ regione, multisque suorum acie fufis & cæsis, humani consilij auxiliique inopes communi consensu religionibus maiorum renuntiauisse, & in Christo spe victoriæ positâ ab Episcopo cuiusdam vrbis Galliæ, vt Christianis sacris ipsos initiaret, petiisse: mox rite edoctos quæ credenda ac facienda erant; atque septem dierum ieiunium seruare iussos, octauo demum die Baptisma consecutos, præpositoque eis Episcopo domum dimissos esse: tum ingenti fiduciâ accensos ad hostes contendisse: nec spe sua frustratos esse. Vptaro quippe Hunnorum Rege, qui mendosè à Sigeberto Suptar appellatur, noctu satietate rupto; cum ducis morte turbatos improuisò inuasissent, à Burgundionum millibus III millia Hunnorum dena interfecta esse. ex illo tempore Burgundiones ardenti amore, & summa cum cura ac diligentia Christianam religionem coluisse. Hæc autem gesta esse Proclo Constantinopolitanæ Ecclesiæ curam agente, cuius ille Episcopus factus est Aspare & Ariobindo Coss. ante annum quàm Aëtius Burgundionibus bellum inferret. Quamquam Paullus Orosius, qui Honorio & Theodosio minore Principibus, Valiâ Rege Gothorum in Hispania cum Alanis Vandalisque bellante Historiam scripsit, Burgundiones iam rùm Christianos fuisse in libro VII memoriæ tradidit his verbis. *Eorum esse preualidam & perniciosam manum Gallia hodiéque testes sunt, in quibus præsumtâ possessione consistunt. quamuis prouidentia Dei omnes Christiani mo-*

cccc.
xxxiv.

dò facti, catholicâ fide, nostrisque Clericis, quibus obedirent, receptis; blandè, mansuetè, innocentèrque vivant non quasi cum subiectis Gallis, sed velut cum fratribus Christianis. Nemo alius autem, ut opinor, Burgundiones, in primis armata millia III initiauit & tinxit, quàm Seuerus Treuironum Episcopus magnæ sanctitatis vir: quem Constantius in libro II de vita Germani tradit, antequam in Britanniam ad resurgentis hæresis Pelagianæ incendium extinguendum vnà cum Germano proficisceretur, *Gentibus prima Germania*, hoc est Burgundionibus in ea provincia confidentibus *verbum Dei prædicauisse*. Seuerum hunc Treuiriæ Ecclesiæ ordinatum Episcopum, discipulum Lupi Tricassini Episcopi fuisse in libro de vita Lupi inuenio, & *prima Germania Gentibus prædicasse*, ob idque inter Apostolos sedem suam habere meruisse. Gentes autem eo tempore à Romanis vocabantur nationes Barbaræ sui iuris, nec Imperio Rom. subiectæ; vt Franci, & Burgundiones, præter quos paucissimi tum in omni Gallia idola coluerunt. Et Burgundiones quidem postea Vesigothorum, credo, contagione corrupti Arianam sectam sequi maluerunt. quo magis miror eos apud Gregorium ante aduentum in Gallias Chlodionis, quo tempore vix dum Christiani erant facti, Arianos fuisse dici. Viuebat tum Sidonius, qui Burgundiones ob proceritatem septipedes ac Gigantes appellat, & animis accorporibus rigidos & incultos fuisse ait, atque promissam comam butyro perfudisse, & pridianis epulis graues manè allia ac cepas assumere, trichordisque citharis canere consueuisse. Ceterùm *uniuersam pene gentem Burgundionum cum Rege per Aëtium bello deletam* ideo forsitan Prosper in Chronico prodit, quòd Aëtius in Gundicarium, quocum pacem fecerat, clam Hunnos immiserit. errâtque Paullus Langobardus, qui in libro V Appendicis ad Eutropij Historiam adiunctæ auctor est Attilæ Galliæ fines ingresso Gundicarium Burgundionum Regem armatum occurrisse, ac primo impetu obtritum esse. Post Gundicarij parentis sui mortem apud Burgundiones regnauere Gundiucus, vicio exemplarium à Iordane Gnudiucus, à Roricone Gundeueus di-

atus, ac Chilpericus, quem Apollinaris Sidonius in libro epistolarum V, *Chilpericum Magistrum militum*, & modò *Tetrarcham*, modò *Regem*; Iordanes Hilpericum appellat: & quem Gregorius in libro de vita Lupicini vrbein Geneuam Regni sedem statuissè scribit. Hi fratres collectis paternæ cladis reliquiis, anno XX post Honorij Aug. obitum, Maximo II & Paterio Coss. Sapaudiam, regionem inter Rhodanum ac Alpes iacentem beneficio Imperatoris Valentiniani, Aëtiique Patricij possidere: atque subactis paullatim per occasionem finitimis Regni terminos promouere. Nunc quoniam de bello Burgundionum diximus, superest vt de bello Gothico, quod eodem tempore ortum est, pauca dicamus.

Valia vel Vallia Rex Gothorum, qui & Vesigothi vocantur, redditâ Placidia & pace factâ cum Honorio, in eius gratiam bellum Barbaris Hispaniensibus intulerat: ac pæne funditus euerfis Alanis in Lusitania confidentibus, & Vandalis Silingis in Bætica ad internecionem cæsis; promissi memor aliquot Hispaniæ prouincias Imperio Romano restituerat: ob idque Aquitaniam secundam, Nouempopulos, & quasdam vrbes confinium prouinciarum, in primis Tolosam, datas ab Honorio sedes acceperat. Successit Valia Theodoricus, Olympiodoro Theuderichus, Theudo Gregorio dictus; qui Castino Magistro militum Honorij in Vandalos expeditionem suscipienti magna misit auxilia: & quem Theodosio XI & Valentiniano Cæs. Coss. quo anno Placidia Aug. & Valentinianus Cæsar aduersus Ioannem bellum gerebânt, ex occasione pacem rupisse, & *Arelatum nobile opidum Galliarum multa vi oppugnauisse, donec imminente Aëtio non impunitus abscederet*, ait Prosper in Fastis. quamquam Prosper in Chronico biennio seriùs, nimirum anno IV post Honorij Aug. obitum Arelatum ab Aëtio Gothica obsidione liberatum dicit. Hydatius autem anno VI post Honorij mortem circa Arelatum quamdam Gothorum manum ab Aëtio cæsam, & Anaolfum Optimatem eorum captum esse memoriæ tradidit. Et tum quidem solutâ obsidione Arelati, Theodoricus fœdus cum Valentiniano Aug. pepigit, obsi-

CCCC.
XXXV.
CCCC
XXXVI.

CCCC.
XXXVII.

CCCC.
XXXVIII.

CCCC.
XXXIX.

désque à nobilitate Gallix accepit, in his Theodorum Auiti, eius qui postea imperauit, propinquum: & cum in recipiendo Magisterio militum, quod à Bonifatio victus amiserat, Hunnorum operâ Aëtius vteretur, rogatus à Placidia auxilia contra eum misit. Sed idem postea non contentus Regno Aquitanico, anno duodecimo post Honorij mortem, vt ait Hydatius in Chronico; vel insequenti anno Isidoro & Senatore Coss. sicuti refert Prosper in Fastis, pacem rupit: & pleraque municipia Romanæ ditionis vicina sedibus suis occupauit: Narbonemque Martium, cui ob vicinitatem maximè erat infestus, diuturna obsidione fatigauit. quam urbem Gothis cum Rege in fugam versis Prosper eodem anno; insequenti Hydatius à Litorio Comite summis obsessio- nis & inopix periculis liberatam dicunt. Aëtio II & Sigisualto Coss. Romani Hunnos, qui equitatu multum poterant, operâ Aëtij mercede conduxere, & aduersus Gothos, qui tanto apparatu territi pacem missis ad Valentinianû Episcopis frustra petiuerant, bellum gessere. Accidisse tum credo, quod Gregorius Ecclesiæ Turonicæ Episcopus in libro I de Gloria Martyrum scribit, vt ab Hunnis, quorum Ducem claro nomine Regem Barbarorum Chunorum Gaufericum appellat; diu multumque obsideretur Cossio Vasaïum, vrbs in Nouempopulis sita Gothicæ ditionis: quæ Episcopi sui viri sancti precibus votisque defensa est, pauore hostibus iniecto: ita ut Gaufericus nescio quibus monstris & speciebus perterritus obsidionem soluerit, & fugienti similis vnâ cum suis inde abierit. Theodosio XVI & Fausto Coss. aduersus Gothos in Gallia quædam feliciter gesta sunt; & ductu Aëtij Magistri militum octo millia Barbarorum cæsa.

Tandem Theodosio XVII & Festo Coss. post quartum annum quàm coeptum erat, bellum finitum est. Litorius, qui potestate secundus ab Aëtio Hunnis auxiliariis præerat, caput Regni Gothici Tolosam obsidebat, vir magnis in eo bello, ac recens aduersus Armoricos rebellantes rebus gestis illustris. Is dum Aëtij Patricij gloriam superare cupit, dùmque fallacibus Haruspicum

responsis confidit, qui ipsum Tolosam intraturum dicebant, si acie dimicauisset, prælium cum Gothis imprudenter commisit. quo tempore Theodoricus Rex tametsi Arianus, priusquam manu pugnaret precatione pugnauisse, & usque ad diem prælii stratus cilicio suppliciter Deum orauisse dicitur. Fecit igitur exitum Litorius, qualem inconsiderati ac temerarij Duces facere consueuerunt. amisit cum suorum pæne omnium Hunnorum auxiliatorum manu, ipse vulneratus venit in Gothorum potestatem: *& urbem hostium, quam eodem die victorem se intraturum crediderat, retortis post tergum brachiis, victis manibus captiuus intrauit.* vt in libro VII de Gubernatione Dei loquitur Saluianus, qui & cum longo tempore *& diuturna in ergastulo Barbarorum tabe consumptum ait,* quem tamen Hydatius post paucos dies quam captus fuerat interfectum dicit. Cum itaque auxiliarem manum Hunnorum ab Gothis cassam auctor sit Hydatius, & cum Litorium Isidorus in Chronico exercitum amisisse scribat: apparet falsò Prosperum in Fastis tradere, tantam à Litorio hostibus cladem illatam fuisse, vt nisi temerè pugnans captus esset, dubitandum foret Gothis Romanisne victoria adscriberetur: Gothosque post dubij Martis luctuosum experimentum *humilius quam vnquam antea pacem poposcisse,* quæ & eodem anno facta sit. Nec veriùs Iordanes in libro de origine actisque Gothorum scribit diu vtrunque instructa acie *cum vtrique fortes, & neuter infirmior esset, datis dextris in pristinam concordiam rediisse* Romanos & Gothos, foedusque ac fidam pacem iniisse. Quippe vt omitram moris nò esse victoribus pacem à victis petere; auctor est Apollinaris Sidonius in Carmine VII, seu in Panegyrico Auito Aug. socero dicto, cum Aëtius Litoriana clade & ipse fractus nec pecunia nec precibus hostem superbum ac insolentem placare, multo minùs pacare armis posset; Auitum Præfectum Prætorio Galliarum eius rogatu ad Theodoricum Regem Gothorum litteras scripsisse, idque egisse, vt victor Barbarus, qui usque ad flumen Rhodanum Regni sui terminos proferre & poterat & volebat, mutatus mitigatusque foedus cum Romanis

iungeret. Versus Sidonij operæpretium est subiicere.

*Nil prece, nil pretio, nil milite fractus agebat
 Aëtius. capto terrarum damna patebant
 Litorio: in Rhodanum proprios producere fines
 Theodorida fixum: nec erat pugnare necesse
 Sed migrare Getis. rabidam trux asperat iram
 Victor: quod sensit Scythicum pro-mœnibus hostem
 Imputat: & nihil est grauius (si forsitan vñquam
 Vincere contingat) trepido. Postquam vñdique nullum
 Presidium, Ducibusque tuis nil, Roma, relictum est.
 Fœdus Auite nouas, seuum tua pagina Regem
 Lecta domat. insisse sat est te, quod rogat orbis.
 Credent hoc vñquam gentes populique futuri?
 Littera Romani cassat quod Barbare vincis.*

Vbi notandum est, quod ait Sidonius, nihil esse grauius timido, si fortè vñquam vicerit; Gothos naturâ timidos esse, sed victoriâ feroces & intolerabiles fieri solere indicans: idem Saluianum Presbyterum in libro VII de eodem bello loquentem dicere: nimirum *cùm Gothi metuerent, spem illos in Deo; Romanos in Hunnis posuisse: illisque datam esse in summo timore palmam, Romanis in summa elatione confusionem.* Ita Gregorius Turonicus Episcopus in libro II Historiæ scribit Alaricum Regem Gothorum, supradicti Theodorici nepotem, *metuentem ne propter Syagrium iram Francorum incurreret, (vt Gothis pauere mos est) victum eum legatis Chlodouei tradidisse.* idemque eodem in libro tradit, in Vogladiensibus campis *secundum consuetudinem Gothis terga vertentibus;* Chlodoueam Francorum Regem victoriâ tulisse. Hoc ideo notaui, vt Hispani, qui tantopere Gothis maioribus glorientur, sciant hos esse eosdem Gothos; ex quibus in bello pauere, & timide; vel (vt ipsi loquuntur) cautè ac prudenter se gerere, & terga vertere, & parua victoria tamquam re noua & insperata inolescere didicerint.

Non multo postquam bellum Gothicum finitum erat, Britannia pars ad Meridiem spectans, quæ iam inde à Claudio Cæsare Drusi filio in prouinciam redacta Romanis parebat, ab Anglis occupata est. Quomodo res

gesta sit, scire conuenit. Clemens Maximus primū, de-
 inde anno pōst XXVI Constantinus in Britannia à mi-
 litibus Imperatores facti, transmissō in Galliam exercitu
 Britannico & multa iuuentute numquam dōmum re-
 diturā, vacuam vicinis Barbaris insulam reliquere. quam
 obrem Prosper in Chronico scribit anno Honorij Prin-
 cipis quintodecimo, transgresso in Galliam Constantino
 Tyranno, prae imbecillitate Romanorum vires Britan-
 niae penitus esse attenuatas. & Zosimus Comes in lib. VI
 tradit postquam Cōstantinus in Galliam suas copias tra-
 duxit, Britanniam nudatam militaribus praesidiis Bar-
 baris patuisse, neque postea eam insulam Romanorum
 fuisse. Igitur Britanni, cūm continuis Pictorum atque
 Scotorum incursionibus vexarentur, aduersus eos auxi-
 lia ab Aëtio Magistro militiae petiere: quibus negatis
 (nam Aëtius finitimorum Barbarorum hoc est Veligo-
 thorum bello in Gallia detinebatur) Vertigernum Anglos
 glorum Regem mercede accersiuere. Anglos gentem
 vetustam magis quām claram Tacitus & Ptolemæus
 inter Sueuos in Germania ponunt, & ad mediam partem
 fluminis Albis pertinuisse dicunt. Hi peruecti in Bri-
 tanniam Pictos & Scotos represserunt, deinde vt ho-
 nestam aliquam belli causam perfidiae prætenderent,
 questi parçe sibi ac malignè depensum stipendium, in
 Britannos ipsos arma verterunt, ac pæne totam ab O-
 riente ad Occidentem insulam igni ferrōque vastatam
 subegerunt. Hanc Britannis illatam cladem anno XVIII
 post Honorij obitum ait Prosper in Chronico: Beda &
 Marianus Scotus secundo imperij Marciani anno, hoc
 est Herculano & Sporacio Coss. Mior autem qui An-
 gli fuerint, à Prospero Saxones dici, Britanniasque in
 ditionem Saxonum redactas esse scribi. tametsi enim
 cum Anglorum fines Saxones attingerent, & quidam ex
 ea gente Vertigernum in Britanniam sequi potuerint:
 tamen verissimile non est Britannos ab infestissimis ho-
 ribus populatoribusque insulae auxilium experiuisse.
 Saxones quidem, eo ipso anno quo Germanus Aurtissio-
 durenſis Episcopus in Britanniam profectus est, nimi-
 rum Florentio & Dionysio Coss. ante aduentum in in-

CCCC-
IX.CCCC-
IX.

*in Peninsula Cornica, ubi
 una fides habetur cum
 Saxonibus in Jutis,*

CCCC-
XII.CCCC-
LII.CCCC-
XXIX.

fulam Anglorum annis XII, regionem eius aliquam Pictis confinem obtinuisse videtur indicare Constantius de vita Germani, Britonibus, hoc est Britannis Romanæ ditionis, bellum ab Saxonibus & Pictis iunctis viribus illatum describens. Sic igitur Britanniae prouincias v, quæ Romanis Principibus paruerant, Angli occupaue-
re: reliqua Picti, Scotique incolebant. & cum antea, vt Prosper docet, pars Britanniae Imperio Romano subiecta, *Romana insula*; pars à Pictis & Scotis habitata, *Barbara insula* appellaretur: omnis Britannia Barbara insula facta est.

cccc.
XLVIII

Anno v ac vicesimo post Honorij mortem (vt ait Prosper in Chronico) hoc est Postumiano & Zenone Coss. Chlodione defuncto regnare in Francia cœpit Meroueus, quem alius Merouecum, alius Merouicum, alius Mereueum appellat. Hunc ex Chlodionis stirpe fuisse Gregorius ait quosdam prodidisse: Aimoinus in libro I eiusdem affinem tantum vocat. Vetera Stemmata I V edidit Andreas Duchenius, vir rerum nostrarum ac antiquitatum peritissimus, quorum vno & altero, nullâ Faramundi atque Chlodionis mentione factâ, origo Regum Franciæ ad Meroueam refertur: vt appareat eum Chlodionis filium habitum non esse. in tertio Stemmate Meroueam Regem, Chlodionis quidem successorem, sed Meroueo quodam patre natum; in quarto verò Chlodebaudum Chlodione genitum inuenio: qui forsitan in libro II de vita Genulfii Chlodomeris nuncupatur, & Chlodioni ac Meroueo Regibus medius interponitur. è contrario Fredegarius in Epitome, & qui vitas Sigeberti minoris ac Caroli Magni literis mandauere Monachi Meroueam Chlodionis filium fuisse dicunt. Addit Fredegarius vxorem Chlodionis ætate cum viro in litore meridianem lauandi causâ in mare descendisse, atque à bellua Minotauri simili, hoc est à marino homine vi compressam Meroueam peperisse: ne Alexandrum Magnum, Scipionem maiorem, & Augustum Cæsarem, Galeriumque Maximianum dracone patre gloriatos miremur. Fredegarium sequitur Sigebertus, ac Meroueam Chlodionis filium annos X regnasse scribit,
ab

ab eo fortissimo Rege Francos Merouingos esse cognominatos. vti & Rorico, & Hincmarus de vita Remigij, & Auctoꝝ libri de vita Sigeberti posterioris prodidere. cū Auctoꝝ quidam Historiæ Francicæ, tempore Gregorio proximus, Fredegarius Scholasticus in Epitome, Eginardus, ac ceteri rerum nostrarum scriptoꝝ Francorum Reges tantū, virōsque generis regij à Meroueo dictos Merouingos veriū affirmant: quos quidam Merouinchos, Merouincōsque; aliqui Meroueos appellant; & cæsariem barbāque immisisse aiunt. Eosdem in spinā pilos setarum suillarum similes naturalem stirpis notam habuisse; ob idque Cristatos, hoc est *Τριχαστάτους*, seu hirtā spinā insignes vocatos esse tradunt Landulfus Sagax in Historiæ Miscellæ libro XXII, & Georgius Cedrenus de vita Leonis Isauri, ambo Theophanem, quem Anastasius transtulit, secuti, atque suspecti, alter Græculus Franco nomini infensus; alter (nisi fallor) Langobardus, in gratiam posterorū Caroli Magni Merouingos deridens. Priscus Panopolites de Regibus, qui eā tempestate apud Francos regnauerunt, ita omisissis singulorum nominibus scribit, vt rem ex dubia incertioꝝ faciat. quippe auctoꝝ est post Theodosij iunioris interitum Attilam Occidentis partes petere statuisse, vbi res ipsi foret non tantū cum Italis, vt Honoriam Valentiniani Aug. sororem, misso clam per eunuchum anulo nuptias suas pactam, vxorem duceret: verū etiam cum Gothis, vt Geisericō Vandalorum Regi gratum faceret; atque cum Francis. belli autem Francis inferendi occasionem Attila obtulisse Regis eorum mortem, & de Regno inter eius filios ortam contentionem: ex quibus alter maior natu auxilia ab Attila accersere decreuerat; alter Aëtium sibi adiungere parabat. Minorem ait se Priscus Romæ vidisse, quō à patre legatus venerat, imberbum adolescentem, flauā comā per humeros effusā conspicuum: quem Aëtius honoris causā per arma sibi filium adoptauerit, & Imperatoꝝ Valentinianus ac idem Aëtius iunctā societate atque amicitia proficiscentem plurimis donis sint prosecuti. Decessit verō Theodosius minor Valentiniano

cccci. VII & Gennadio Auieno Coss. qui regni Merouei tertius est annus: ita ut duos Regis Francorum, hoc est forsitam Chlodionis filios de Regno aliquot annos contendisse Priscus Sophista indicare videatur. At Meroueam Chlodioni successisse, siue eius filius natus minor; siue nepos; siue tantum affinis fuerit, nullam belli civilis mentione illatam, nostri Auctores constanter tradunt: eundemque Rorico tradit in opido Ambianorum Samarobriua, quam Chlodio regiam elegeret, Regem salutatum; virtutis prudentiæque ergo tantæ Francis venerationi fuisse, ut tamquam communis pater ab omnibus coleretur. Ceterum non est quod quis existimet Meroueam, ac multo magis Chlodionem nihil in Gallia tenuisse: quoniam utrumque, uti Faramundum, in *Francia regnauisse* tradit Prosper in Chronico. quippe Chlodio & Meroueus, quod paucos in Gallia, plurimos in Germania Transfrenana pagos atque regiones, nimirum veterem Franciam obtinere, in Francia regnasse optimè dici potuerunt.

cccci. Valentiniano VII & Auieno Coss. Flavius Theodosius minor, Arcadij filius, Theodosij maioris nepos, octiesdecies Consul, quoties ante eum nemo, Constantinopoli obiit quinquagesimo ætatis anno, relictam Eudoxiam unicam filiam, quæ Valentiniano Aug. nupta erat. Hic nouem mensium infans ab Arcadio patre ad Hebdomon Augustus, non (ut ait Marcellinus) Cæsar creatus, imperauit cum patre & Honorio patruo annos VII, post parentis obitum cum Honorio annos XV, quo mortuo annis XXVII Imperium Orientis tenuit; Valentiniano amitino Augusto appellato, Occidentique præposito. Theodosium hunc, amisso pæne omni Illyrico, & decrecente Imperio, prouinciarum quæ ipsi supererant ac Præsidum numerum auxisse supra diximus: quod & antea patrem eius Arcadium Aug. fecisse, impulsu Eutropij eunuchi prouinciarum præfecturas auro vendentis, apud Claudianum in libro II in Eutropium queritur Oriens his versibus.

*Aula choris epulisque vacat, nec perditâ curat,
Dum superest aliquid. ne quid tamen orbe reciso.*

*Venditor amittat, prouincia quæque superstes
 Diuiditur, geminumque duplex passura tribunal
 Cogitur alterius pretium sarcire perempta.
 Sic mihi restituant populos. hac arte reperta
 Rectorum numerum terris pereuntibus audent.*

Quare Innocentius, qui imperante Arcadio, & initio principatus Theodosij Ecclesiæ Romanæ Episcopus fuit, in epistola ad Alexandrum Antiochensum Episcopum missa sciscitanti ei, *utrum diuisis Imperiali iudicio prouinciis, ut duæ Metropoles fiant; sic duo Metropolitanæ Episcopi debeant nominari*: respondet Ecclesiam Dei commutari ac diuisiones perpeti non oportere. at nihilominus Concilij Calchedonensis decreta docent Imperatorum exemplum imitatos esse postea quosdam Orientales Episcopos, qui Principis permissu vnam prouinciam in duas diuidebant, ut nouæ prouinciæ Metropolitanæ appellarentur. Ut autem appareat quales Hispani Imperio Romano Principes genuerint, fuit Theodosius clementis quidem, pius, patiens; sed non minus patre & patruo ignauus & deses: numquam enim armatum exercitum vidit, nisi fortè cùm militibus ex aliqua expeditione reuertentibus obuiam extra portam Urbis ex more egrediebatur: leuis idem, simplex, Monachi demum quàm Imperatoris similioꝝ, qui quotidie manè inter sorores suas psalmos canere solebat, & magis quartâ & sextâ feriâ ieiunia seruare quàm prouincias didicerat, meliùs libros legere quàm milites norat. Præterea exemplo Arcadij Barbaris, præsertim Hunnis, obnoxius fuit, & feminis ac eunuchis ita addictus, ut quemadmodum pater eius suasu Eutropij eunuchi Abundantium Consularem; impulsu Eudoxiæ vxoris Ioannem sanctissimum Constantinopolis Episcopum relegauerat, ipse in gratiam Dioscori & Eutychetis Hæreticorum Flavianum optimum ac piissimum eiusdem Augustæ urbis Episcopum Chrysaphij spadonis impulsu in exsilium mitteret: adeo zelotypus, ut in vrbe Cæsarea Cappadociæ Paullinum Magistrum Officiorum falsò suspectum in Eudocia vxore sua iugulandum curaret, & ob eamdem causam (sicut puto) Scuerum Prefbyterum ac

cccc.
xxiii.

Ioannem Diaconum Hierosolymis ei ministrantes occidi iuberet. Sed quia Eudociæ incidit mentio, quam biennio post factas nuptias, & post genitam Eudoxiam Mariniano & Asclepiodoto Coss. IV Nonas Ianuar. Augustam demum appellatam esse Chronicon Alexandrinum docet, dabit mihi veniam Lector, si cum morem obscurum & paucis notum illustraero.

ccc.
xcv.

cccc.

Animaduerto igitur à multis Imperatoribus coniuges nonnisi post expertam fecunditatem Augustas dictas coronatasque esse. Sic Caius Cæsar Miloniam Cæsoniam enixam vxorio nomine dignatus est, vti ait Suetonius Tranquillus. Sic Nero Claudius Cæsar Aug. (sicut tradit Cornelius Tacitus) natam sibi ex Poppæa filiâ appellauit Augustam, dato & Sabinæ Poppææ eodem cognomine. & Flavius Domitianus Domitiam Longinam vxorem, ex qua in secundo suo Consulatu filiū tulerat, altero anno consalutauit Augustam. Sic Eudoxiam, quæ Arcadio Aug. nupserat Olybrio & Probino Coss. v Kalendas Maias, & duas filias iam pepererat; Stilicone & Aureliano Coss. v Idus Ianuar. grauidam Augustæ nomine honoratam esse supradictus Auctor Chronici Alexandrini prodit, cum antea tantū Nobilissima vel Nobilissima femina vocaretur. Sicut ex duobus nummis æreis, quos à Fitone Anglo Presbytero acceptos nuper publicauit magno vir ingenio Ioānes Tristanus, in vno quidē Constantini Maximi vxor, credo antequam pareret, *Fausta NF*, hoc est Fausta Nobilissima femina; in altero eius filia, Iuliani Cæsaris coniux similiter *Helena NF* inscribitur. Denique in Historia Miscella inuenio Iustinianum Aug. cognomine Rhinotmetum, post receptum Imperium, Theodoram vxorem suam vnā cum filio Tiberio, quem ex ea tulerat, coronauisse, & Augusti nominis participem fecisse: & Mariam coniugem Leonis Isauri Aug. cum Constantinum enixa esset, VIII Kalend. Ianuarias in Triclinio Augustam salutatam, coronatamque esse: atque Constantinum hunc ipsum, qui cognominatus est Copronymus, Eudociæ vxori suæ in Tribunali vndeuinginti accubitorum coronam & nomen Augustæ impouisse, filiōsque ex ea genitos Christophorum & Nice-

phorum Cæsares creauisse, Nicetam natu minimum nomine ad Cæsaris dignitatem proximè accedente Νωβελίστωι vel Επιφανέστατω, hoc est Nobilissimum appellauisse, & his chlamydes ac Cæsarianas galeas; illi chlamydem similiter & coronam auream imposuisse.

Antequam Theodosiū Aug. decessisse palam fieret, Pulcheria Aug. eius soror, ne Imperium amitteret, anus nubere constituit. confestim igitur Marcianum accersit, atque ei, quem ipsa ex omnibus Senatoribus tanto fastigio dignissimum delegisset, Imperium promittit hac conditione, si se vxorem ducere & potestatis consortem bona fide habere vellet. Erat Marcianus grauis & prudens senex, patre milite natus in agro Thraciæ Philippopolitano; primū gregarius miles; deinde Imperatoris Domesticus Protector, Asparem Magistrum militiæ in bellum Vandalicum secutus; vnde à Procopio Domesticus Asparis vocatur: postea ad Tribunatū, Senatoriāque dignitatem peruenerat. qui insperatā fortunā lætus se imperata facere paratum esse dixit, & seruandæ dignitatis virginitatisque fidem dedit Pulcheriæ. Itaque Pulcheria Anatolium Constantinopolitanum Episcopum, Senatūque, ac primores populi in suburbanum conuenire iubet, & ad septimū ab vrbe Augusta milliariū, quem locum ob id Græci Ἐξάμιον, Latini Septimū appellant, in Tribunali Marcianum VIII Kalendas Septembres de sententia omnium Imperatorem creat. Tum primū ministerio sacerdotali in precatione agenda, & in coronando Imperatore vsos esse Romanos animaduerto. Sempérque postea Constantinopolitani Episcopi electionibus Imperatorum interfuerunt, sæpe vt sollemnem precationem tantummodò facerent, nonnumquam vt electos Principes etiam coronarent. Vti enim semper ante Marcianum, sic non rarò post eius principatū Imperatores Romani fuisset ipsi manibus diadema successoribus suis imposuere, purpurāque circumdedere. Marcianus postquam Augustus nuncupatus est, promissi memor statim Pulcheriam A. virginem Deo deuotam, quæ tum quinquagesimum secundum annum agebat, imaginariis nuptiis du-

xit uxorem. Quæ cum ita sint, miror Marcianum in epistola ad Leonem Romanum Episcopum data Constantinopoli Consulatu Valentiniani perpetui Augusti de ortu suo sic scripsisse, vt nulla Pulcheriæ auctoris suæ mentione factâ, *se ad maximum imperium venisse Dei providentiâ, & electione Senatus excellentissimi, cunctaque militia* diceret: quod forsitan Imperatorem se à muliere factum fieri erubescibat. Fuit autem Marcianus vir Catholicus, & pius, atque admodum beneficus; quietus, & felix, qui cum Persis Orientem vastantibus, & cum Vandalis omnia infestantibus maria pacem fecit; Attilæ minas compescuit; Nubâsque & Blemmyas, gentes Æthiopiarum, in Ægyptum transgressos per Florum Alexandriæ Procuratorem repressit. Sed intelligo me propositi metas excessisse, qui tamdiu in Orientis rebus immoratus sum. in Occidentis tractus reuertendum est.

cccc. Paulo post Theodosij Aug. mortem supradictis Valentiniano VII & Auieno Coss. non (vt ait Hydatius) insequenti anno Galla Placidia Aug. Theodosij prioris ex Galla Gratiani & Valentiniani minoris sorore consanguinea filia, Valentiniani maioris neptis, soror quoque, amita, vxor, & mater Imperatorum Romæ v Kalendas Decembres obiit: virilis animi, optimi ingenij, magnarumque virtutum femina, & regendo Imperio haud paullo magis quàm Valentinianus filius idonea. Ac mihi quidem Theodosij maioris posterorum virtutes & vitia perpendenti semper visum est ambos eius filios Arcadium & Honorium, ambósque nepotes Theodosium iuniorem & Placidum Valentinianum, imbelles, timidos, ignauos, desides, fuso quàm iaculo torquendo aptiores, feminis ac eunuchis subiectos, Imperio denique indignos, ac malo publico natos fuisse: vt ex supradictis satis intelligitur. contra eiusdem Theodosij filiam Gallam Placidiam, ac neptes Pulcheriam & Honoriam, proneptemque Eudoxiam, veluti sexum cum maribus mutauissent, magno animo præditas, audaces, impigras, exsomnes, prudentes, Imperatorum ipsorum dominas magis quàm potestatis consortes, & vt imperarent quiduis facere ac pati paratas fuisse. Quis enim Gallæ Placi-

diæ regium animum non miretur, quæ Ataulfum Vefigothorum Regem, à quo captiua cogi poterat, tamdiu procum aspernata est, nec nisi multis blanditiis & rationibus potuit expugnari? cui postea viduæ ac postliminio reuersæ, vt Constantio Magistro militum & Patricio secundum Consulatum incunanti nuberet, vix ab Honorio fratre persuasum est: quæ virum, quamdiu priuatus fuit, vt imparem spreuit, nec fratrem obtundere desistit, antequàm eundem Imperatorem; ipsam Augustam; & communem amborum filium Nobilissimum appellauisset: quæ demum post Constantij mortem, motis Rauen-næ seditionibus Honorio Aug. fratri suo insidiata est: neque priùs quieuit, quàm eo mortuo per Theodosium Arcadij fratris filium reducta in Italiam, ac (vt loquitur Prosper) *tandem illata optato Regno*, Valentinianum filium Imperatorem, & omne Imperium Occidentis sibi subiectum vidit. Præterea tametsi res non successit, quis prudentiam Placidia non laudet Bonifatium euocatum ex Africa suspecto Duci æmulum opponentis, ac primò ipsum, mox Sebastianum eius generum substituents in locum Aëtij Magistri militum, cuius potentia nimia & grauis Reip. erat. Iam verò Pulcheriam Arcadij Aug. filiam, Theodosij neptem nemo abundè mirari potest, quæ virguncula vixdum quintumdecimum transgressa annum, cum Placcillam maiorem natu sororem haberet, Augusta appellari voluit; & Imperium, Theodosiumque fratrem biennio tantummodò minorem tamquam infantem rexit; & ne imperare disceret, sub manu cum sua eunuchorumque semper tenuit; parèmq; se Reip. gubernandæ esse credidit. Ea cum ita integritatem pudicitia Deo deuouisset, vt consecrata velatæque nec esset nec esse vellet; sororibus suis vt similiter virginitatem seruarent persuasit, ne earum viros potentia socios aut æmulos pateretur: & Athenaida Leontij cuiusdam Atheniensis Philosophi filiam baptizatam appellatamque Eudociam fratri nuptum dedit, vt ipsa puellam formâ quidem, ingenio, & Poëtica studio eminentem, sed genere obscuram pro collato beneficio obsequentiore haberet. Eadem postremò post fratris obitum virgo non solum

quingagesimum secundum iam annum agens, sed etiam deuota Deo, ne ex Augusta priuata fieret, nupsit, senemque & ignobilem in consortionem potestatis recepit, ut eo morigero omnibus in rebus vteretur. Quid de Honoria dicam Gallæ Placidie filia, Theodosij maioris nepte, quæ dimidiam partem Imperij Romani tamquam sibi à Constantio Aug. patre suo relictam, debitamque à Valentiniano fratre repetiit, eamque Attilæ armis occupare conata est, neque dummodo imperaret Barbarum virum fastidiit? Denique Eudoxia Aug. Theodosij minoris filia, ut viri sui mortem vlcisceretur, & facinus in Maximum auctorem vindicaret, Geisericum Vandalorum Regem in Urbem recipere quàm Valentiniani interfectorem in torum suum maluit. Sed de his plura dixi fortasse quàm debui, præstat res Gallicas Francicæque persequi.

Paucis post annis, quàm Meroueus apud Francos regnare cœperat, Attila Hunnorum Rex cum magnis copiis Gallias ingressus est. De tempore huiusce expeditionis est inter scriptores controuersia. Tiro Prosper, Priscus Panopolites Sophista, seu Rhetor, Hydatius, & Cassiodorus Senator in Chronicis, quibus libens assenserim; Marciano Aug. & Adelphio Coss. Attilam in Gallia victum aiunt. contrà Auctor Appendicis Chronico Victoris Tununensis Episcopi adiunctæ, Herimannus, & Nicephorus Callistus in Historiæ Ecclesiasticæ libro XIV. ante Imper. Theodosij obitum Asturio & Protogene Coss. in campis Catalaunicis pugnatum esse dicunt. Sed quoniam ad Attilam venimus longè maximum clarissimūque omnium ætatis suæ Regum, de tanti viri maioribus pauca præfari conuenit.

cccc.
li.

cccc.
xlix.





HADRIANI VALESII

RERVM FRANCICARVM

LIBER QVARTVS.



VNNI, qui & Huni, Scythica gens, ferè ignoti priscis Aucto-ribus (nemo enim præter Dio-nyssium Characenum & Plinium eorum mentionem fecit) inter Pontum & sinum Caspium sedes habuere, ac Septentrionalia mon-
tis Caucasi tenuere : à quibus Aba-
res, Turci, Hungarique sunt orti.

Chunos Aufonius, Claudianus, Prosper, Sidoniùs, ceteri-
que recentiores eos appellant: cùm tamen Ptolemæus in
Europa inter Bastarnas & Roxolanos Chunos ponat.
Horum iuuentus multitudine innumerabilis Flauij Va-
lentis principatu patriâ decessit: paludem Mæotin tran-
siit tentatam antea nemini: Alanorum Tanaitarum mul-
tos interfecit; reliquos, vt ait Ammianus, pacto societa-
tis & amicitie sibi adiunxit; vel si Iordani credere ma-
lumus, eos crebris certaminibus fatigatos subegit. inde
Gothis, & Gipedibus partim multâ cæde subactis, par-
tim expulsis: vsque ad Danubium imperium protulit.
Quo fit, vt Procopium mirer in belli Gothici libro IV

tradere, cùm hanc paludem Hunni transfierunt, iam tum Vandalos in Africa, Vesigothos in Hispania confedisse. Emigrantium finibus suis Hunnorum Rex erat Balamir, Iordani ac Sigeberto Balamber dictus, qui Winitharium Regem partis Gothorum acie victum occidit. Proximi post Balamirum simul regnauere Mundiucus, Attilæ pater, quem malè Nicephorus Numidium, aliqui Mundzucum appellant; & Hulses, is quem Zosimus in libro ccccl. v tradit Vincentio & Frauito Coss. capite Gainæ Gothi Magistri militum rebellis ad Imper. Arcadium misso munerâ accepisse, & pacem cum eo atque amicitiam iunxisse. Eundem Hermias Sozomenus in libro IX & Nicephorus Callistus in XIII libro produnt initio principatus Theodosij rupto foedere cum magnis copiis Danubium transisse, & Castra Martis Mœsiæ opidum cepisse: vnde dum excursiones in Thraciam facit, à propinquis suis, & à plerisque ducibus ac militibus ad Romanos transeuntibus desertus amissâ magnâ multitudine Scithorum, qui agmen claudebant, trans flumen refugerit. Non desunt, qui hunc esse Huldin putant Hunnorum auxiliatorum ducem, cuius egregiâ operâ bello Radagaisi vsusest Honorius Augustus. Apud Olympiodorum Charatonem quemdam *Regum Hunnorum primum* dictum inuenio, quem, ob cædem Donati cuiusdam Subreguli iureiurando circumuenti ac iugulati à Romanis, irâ incensum donis placauerit Theodosius Aug. circa quartum imperij sui annum. Post hos regnum in Hunnis obtinuerunt Mundiuci fratres Octar & Roas, à Prisco Iordanéque ita dicti. quorum alterius nomen tantummodò nouimus: alterum Prosper ac Sigebertus Rugilam; Socrates in libro VII Rugam; Theodoritus in libro v ac Nicephorus in libro XIV Roilam appellant. Hic, vt suprâ diximus, Ioanni Tyranno auxilia contra Valentinianū misit: & Aëtium, ab Sebastiano Bonifatij genero expulsum ex Italia, reducendum curauit: ac quemadmodum Prosper in Chronico & Priscus tradunt, pace cum Theodosio pridem; cum Valentiniano recens initâ, domi morbo interiit anno XI ab Honorij morte, Aspare & Ariobindo Coss. Quamquam idem

apud Socratem, & Theodorum, ac Nicephorum dicitur, cū transito Danubio in Thraciam incursionem fecisset, populabundūque regionem Constantinopoli excidium minitaretur, maximum exercitum amisisse partim pestilentia laceratum, partim tempestate & igneis turbinibus oppressum: ipse in primis fulmine ictus cecidisse.

Roæ patruo Attila & Bleda fratres succedere, qui non contenti tributum duplicauisse, ac ^{CCCC.} ^{XLII.} auri libras Romanis Orientalibus imposuisse, cū antea Octari & Roæ in annos singulos tantū ^{CCCC.} ^{XLII.} CCCL penderentur; Cyro Consule iunctis viribus in Illyricum erupere: Naissum, Singidunum, Sirmium, plurimāque alia opida funditus diruere: iterum insequenti anno Dioscoro & Eudoxio Coss. Illyricum, & Thracias sæuā populatione vastauere: vsque ad Athyram flumen, quod à Constantinopoli millia passuum XXIV abest, omnia castella, atque omnes vrbes cū maritimas tū mediterraneas præter Hadrianopolim & Heracliam cepere: tantūque Theodosio Aug. terroris iniecere, vt exercitum aduersus Geisericum missum reuocauerit, ac nihilo minùs datis auri librarum millibus sex, & libris mille annuorum munerum (ita Romani appellabant) nomine promissis, pacem discessumque eorum per legatos redimere coactus sit. deinde, vt est infida Regni consortio; Attila, Græcis Attelas dictus, Bledam fratrem insidiis circumuentum interficit, atque Regnū eius suo adiungit: confirmatōque imperio Reges & populos suæ ditionis secum ducens Callepio & Ardaturo Coss. omnes ferè, quæ in Europa iacebant, ditionis Theodosij provincias depopulatur: vrbes castellāque expugnat ac excidit: Arnegisclum Magistrum militiæ in Dacia Ripensi circa flumen Vtum obuium prælio vincit, atque occidit: peragrataque Macedonia atque Thessalia vsque ad Thermopylarum angustias peruenit. quemadmodum Marcellinus in Chronico memoriæ prodidit. quamquam Iordanes & Græcus quidam Fastrorum Auctor, qui mendosè Anargiscum eum Ducem vocat, apud Marcianopolim pugnatum esse, occupatumque id opidum dicunt.

His Coss. anno XXIV post Honorij Aug. mortem non minùs LXX ciuitates ab Hunnis direptas atque vastatas, cùm nullam Valentinianus Theodosio socero opem ferret, Prosper in Chronico tradit. Præterea Priscus scribit ab Attila depopulatum agrum Mœsiæ cognomine primæ, & Daciæ Ripensis rectâ Istri regione à finibus Pannoniæ superioris ad Nouas opidum Mœsiæ secundæ pertinuisse, & in longitudinem millia passuum circiter CCLXXX; quâ recedebat à ripa, v. dierum iter expedito paruisse, ac aliquamdiu Attilâ coli eû vetante vacauisse: Attilamque, quem & Regalem Scytham vocat, à Theodosio Aug. atque à Senatu Magistrum militum Romanorum esse appellatum, vt non ei tributa pendere, quæ tum auri pondo duûm millium centenûm erant, sed tamquam Duci stipendia soluere viderentur. tenuisse autem Attilam non solûm omnem Scythiam, & quâdam in Oceano insulas; sed etiam ex legibus pacis cum Aëtio initæ prouinciam Sauiam, & (sicut Eugepius quoque de vita Seuerini, Iordanésque ac Gregorius docent) vtramque Pannoniam. ex quibus Iordanes secum ipse pugnans ait Ostrogothis post Attilæ mortem domo eicctis ac profugis ab Imper. Marciano Pannoniam condonatam. idémque præter Scythiam & Sarmatiam Europæam tradit Daciam antiquam illam vltra Danubium iacentem, & *Regna Germanica*, hoc est Quados, Marcomanos, reliquâsque gentes Germaniæ, Sarmatis & Danubio proximas, sub ditione Attilæ fuisse.

Hic tot tantarûmque nationum ac Regum Rex, Regis etiam pater, (Ellaçem enim maiorem filium Acatziris genti Ponticæ Regem præposuerat) cùm Theodosium opésque Orientis exactione grauium tributorum, crebris incursionibus, & legationibus exhaustisset, arma in Occidentis partes vertere constituit. Materiam belli præbuit Honoria soror Valentiniani Augusti maior natu, patruo magno auunculoque cognominis, tres tum & triginta circiter annos nata: quam aliquot antè annis ex Eugenio Procuratore suo grauidam cùm frater Palatio expulisset, &, vt ait Iordanes, clausam seruari iussisset, (nam falsò Theodosio Principi missam Marcelli-

nus dicit) Eugeniũque mandasset interfici : puella vltionis ac licentiæ peccandi cupida, nec minũs dolore quàm libidine accensa clàm Attilam per fidum eunuchum inuitauerat, vt in Italiam transfiret, eiꝛue nuptias pollicita erat. Quamobrem Attila legatos ad Valentinianum misit, qui Honoriam vt traderet peterent, & anulum datæ fidei pignus dubitanti monstrarent, dicerentque nullam puellæ iniuriam fieri, quam sibi ipse vxorem depondisset. itaque Valentinianum dimidia parte Imperij, quam ab Constantio Augusto hereditario iure Honorix filix relictam inuasisset, lorori sibiꝛue cedere æquum esse. nĩ fecisset, eius vlciscendæ causâ se in Italiam venturum. Legatis Valentinianus respondit Honoriam Attilæ nubere non posse, propterea quòd iam alij nupsisset : (videtur tum Honoria viro collocata fuisse, ne ab Attila ampliũ peteretur) nihilque ad eam pertinere Imperium Romanum, quod virorum, non feminarum esse consueuisset. Iterum legati cum eisdem mandatis ad Valentinianum missi eadem ad Attilam responsa retulere. Iordanes duarum aliarum legationum mentionem facit, alterius ad Valentinianum Aug. alterius ad Theodoricum Vesigothorum Regem ab Attila missarum, vt faciliũ vtroque imparatos & distractos opprimeret : atque Attilam ad Imperatorem scripsisse nequaquam sibi cum eo, quocum factam pacem sincerâ fide custodiret, & cui Gallix ac Hispanix prouincias dudum amissas armis restituere pararet ; sed cum Theodorico communi vtrorumque hoste esse certamen : contrà Theodoricũ per litteras hortatum esse, vt inter eum ac Valentinianum initam societatem dirimeret, memorque belli atrocis paullo antè ipsi à Romanis illati Aetium securum, & Gallias aggredieretur : se in Italiam eodem tempore erupturum. Attilam autem aduersus Theodoricum multis muneribus concitauerat, & velut currenti calcar addiderat Geisericus Rex Vandalorum, qui Theodorici filiam Hunerico filio suo nuptam, ob suspicionem comparati ab ea veneni naribus auribꝛusque amputatis deforme ac miserandum spectaculum Tolosam remiserat, & ne pater puellæ in-

iuriam vlcisceretur, non immeritò timebat.

Igitur Attila quammaximis poterat coactis copiis profectus Pannoniâ, per agrum Quadorum & Marcomanorum ditionis suæ populorum, ac per Toringos, quorum multos sibi voluntarios adiunxit; tetendit in Catos, & Bructeros: hi Franciæ pagierant. Vbi quid rerum egerit, & de Regno contententibus fratribus, Regis Francorum mortui filiis, an maiori, à quo (vt ait Priscus) erat accersitus, contra minorem auxilium tulerit, veterum Auctorum negligentia scire nos prohibet. tantùm Childericum Merouei filium ab Hunnis vnâ cum matre captum esse, & Wiomadi cuiusdam Franci operâ profugisse Fredegarius tradit. Vt cumque Attila se in Francia gessit, certè non paucos & ex ea regione sibi socios adsciuit: inde ad flumen Renum peruenit, atque monoxylis lintribus, quas in Hercynia silua ex singulis arboribus cauari, ac in plaustra imponi ad eum vsum paratas iusserat, exercitum traiecit. Sequebantur Attilam (vt Sidonius in Carmine VII, & Paullus in Historiæ Miscellæ libro XV produnt) subiectæ ei nationes, Hunni, Gipedes, & Ostrogothi, hi Atdarico; illi Valameri Regibus Hunnorum tributariis parentes: Alani, Bastarnæ, Turcilingi, Sciri, Eruli, Rugi, Bellonoti à Valerio Flacco in Argonauticôn libro VI Ballonoti dicti: Sarmatæ; Burgundiones, Sarmatica gens, Gothis Alanisque confinis; Quadi; Marcomani; Sauientes, quos Suauos appellant: & inter voluntarios Toringi; Franci accolæ fluminis Vicri, & qui Francis annumerabantur, Bructeri. Omnium numerus (si Iordani & Sigeberto creditur) quingentorum millium, aut etiam multo pauciorum magis quàm, vt ait Paullus, septingentorum fuit.

Cum tanta multitudine vbi Renum transiit Attila, fingit se belli Vesigothis inferendi causâ in Galliam venisse; fidemque pacis cum Imperatore Valentiniano factæ seruare, nec priusquàm Aquitaniam intrauerit, ferrû stringere sibi in animo esse. ita vrbes Galliæ partim dolo & simulatione pacis; partim vi capit. Diuodurum Mediomatricorum opidum Hunnorum sæuitiam aut primum, aut in primis expertum est: opidani, cùm Pascham per-

uigilio celebrarent, trucidati: Presbyteri ante altaria interfecti: vrbs direpta, ac exceptâ Ecclesiâ Stephani Martyris tota incensa: Augusta Treuirorum diruta, magnâ inde prædâ prius egestâ: Aduaca Tungrorum funditus euerſa, agrique populati: Durocortorum Remorum, post annos XLIII quàm ab Alanis & Vandalis caprum fuerat, iterum excisum, ac Nicasius Antistes (vti Sigebertus scribit) cum Eutropia sorore plurimisque aliis cæsus: quem plerique Honorio Principe à Vandalis necatum dicunt. Augustobonæ Tricassium opido pepercit Attila Lupi Episcopi precibus motus, & cæde paucorum, quos vir sanctissimus pro ciuibz vitam precatum miserat, reliqui seruati sunt: quod Attilâ domum redeunte quidam factum esse putant. Autissiodurum à Barbaris incendiis vastatum, atque ibi Fraternus eo ipso die, quo Sacerdos factus erat, iugulatus: quem tamen apud Vſuardum Confessorem appellari video. Denique regiones inter flumen Renum ac Ligerim pleræque vexatæ & perditæ: in omnibus pæne vicis, castellis, opidis omnia barbaræ feritatis, auaritiæ, libidinis exempla edita: donec Attila ad Aurelianos peruenit, & castra ante urbem posuit, cuius expugnatione apertâ sibi Aquitaniâ, Theodorici Regis fines ingressurus, ac prius Vesi-gorhis quàm Romanis bellum illaturus videbatur. Præsenſerat hanc tempestatem Annianus Aurelianensis Episcopus, summæ vir prudentiæ, ac sanctitatis singularis, & Arelate ad Aëtium venerat auxilium postulatam, dimissusque cum pollicitatione opis bonum animum habere opidanos; muros, portas, & propugnacula reficere; turrets tormentis ac telis complere; omnia demum ad defensionem vrbs parare iusserat. Et Aureliani quidem, quamquam murus vndique arietibus pulsabatur, oppugnationem strenuè sustinendo totam nubem belli detinebant. Aëtius autem promissi memor, dimissis quoque uersus legationibus, copias cogere, & obsessis succurrere maturabat. Venerat ille ex Italia in Galliam cum paucis militibus, iam Attilâ Galliam Belgicam ingressô, ratus Theodoricum secum vires & castra iuncturum: quem vt comperit in Regno suo subsistere, aduentumque

ibi hostium exspectare statuisse, Auitum Aruernum nobilissimum virum ad eum misit. Erat Auitus magnâ apud Vesigothos propter vicinitatem gratiâ, legationemque fauorabilem contemplatio communis periculi faciebat. itaque Theodorico Regi, qui ab Hunnis per Aëtium mercede accersitis bellum sibi illatum recordabatur, faciliè persuasum est, vt Reipublicæ, cuius membrum tenebat, opitularetur, & cum Aëtio celeriter sese coniungeret. quo facto ambo cum omnibus copiis ad Aurelianos proficiscuntur. tum fortè Annianus in castra hostium supplex ierat, & pro opidanorum libertate Attilam deprecatus repulsusque, postridie VIII Kalendas Iul. ne per vim opidum expugnaretur portas aperiri iusserat. Iamque procures Hunni intromissi incolas cum suis quemque coniugibus & liberis inter se fortiebantur, ac prædam in plaustra imponebant: cum Romani atque Vesigothi interueniunt, ac Barbaros inopinantes opprimunt. fit magna cædes: plerique, qui urbem ingressi erant, interficiuntur: multi in flumen Ligerim compulsi gurgitibus hauriuntur: reliqui fugâ salutem petunt. vt appareat verum esse, quod Sidonius in libri VII epistola XV, & Auctor libri de vita Anniani dicunt urbem Aurelianorum ab Attila *obsessam, oppugnatam, irruptam, neque tamen directam* fuisse. Quamquam Gregorius, Acta Anniani superiorum dissimilia secutus, in Historiæ libro II tradit quassato & labante crebris arietibus muro, Aëtium Patricium ac Theodoricum Vesigothorum Regem ad opidum Aurelianorum deimproviso peruenisse, & Hunnis repulsis atque fugatis opidanos obsidione exemisse. Corrigendus est hoc loco error Sigeberti, qui Cossionem Valsatium ait diu obsessum ab Attila Hunnorum Rege, quem constat non ultra Aurelianos processisse, & solutâ obsidione retro in Galliam Lugdunensem rediisse.

Aëtius Aurelianis tanto periculo liberatis Sangibannum Alanorum Regulum cum valido præsidio præposuit; neque hostes perterritos insequi, & quamquam opportuna esse occasio rei bene gerendæ videbatur, fortunam periclitari voluit: quod antequàm proelio con-

ten-

tenderet, variarum gentium auxiliis per legatos accersitis adiungi cupiebat. quippe exspectabat præ ceteris (vt ait Iordanes) copias Francorum, Sarmatarum, Armoricianorum, Liticianorum, Burgundionum, Saxorum, Ripariolorum, Brionum. Francos quidem in auxiliū Romanis venisse Paullus Langobardus quoque in rerum Romanarum libro v, & Auctor libri de vita Sigeberti Regis Dagoberti filij tradunt, quos (sicuti Gregorius. & Sigebertus scribunt) Rex gentis Meroueus adduxit: Sarmatiam autem Europæam non omnem Attilæ fuisse indicant supradicti Sarmatæ, accolæ fluminis Vistulæ, qui Aëtio Magistro militum opem tulerunt, & quemadmodum Saxones nauibus in Galliam venerunt. Ceterum non est; quòd quisquam miretur Armoricianos, siue Armoricos ab Iordane inter auxiliares numerari. cum Zosimus in libro vi prodat, effusis per Gallias Germanis, omnes Armoricos, & nonnullas alias earum regionum præfecturas atque gentes; quòd nullum in Imperatore Honorio, & Constantino Tyranno ipsis esset præsidium, defecisse: eiectisque ob iniquitatem magistratibus Romanis & tributorum exactoribus Republicam suo arbitrio constituisse. Quare principatu Valentiniani Aëtius Magister militum primò Litorum cum Hunnis mercede accersitis; deinde aliquot post annis Eocharicum Alanorum Regem in Armoricos rebelles immisit. vt appareat eos, tamquam liberos & iuris sui populos, non iussos; sed rogatos auxilia contra Attilam Aëtio misisse. Idem de Ripariolis dicere conuenit, qui Galli incolentes circa ripam Reni ac fluminis Ruræ; vbi Bonna, Colonia Agrippina, Iuliacum, & Marcodurum sunt; cum continuis Francorum incursionibus vexarentur, nullumque in Romanis sibi præsidium positum esse intelligerent, Armoricos imitati ab eorum imperio defecerunt, ac suis legibus vti instituerunt, se suæque à Francis domesticis viribus defensuri: quos postea nostri Auctores pro Ripariis Ripuarios, ac Ribuarios mendosè vocauerunt. Denique Briones, vt ait Iordanes, antea Romanæ ditionis, tum iuris sui gens; hi sunt, quos Senator & Fortunatus Breones, veteres Geogra-

CCCC.
XXX.

phi Breunos appellant, atque in Vindelicia ponunt. Quamquam Sidonius in Carmine VII, & Hydatius in Chronico tradunt Noricos & Vindelicos, qui rebellauerant, anno VII post Honorij Aug. mortem Theodosio XIII & Valentiniano III Coss. ab Aëtio Magistro militiæ subactos perdomitosque esse: Liticianos apud Iordanem in libro I diximus nobis videri Letos esse vel Letos, qui cum alibi, tum in pago Letico ad flumen Letiani, cuius pagi in rebus gestis Philippi Augusti Francorum Regis fit mentio, sedem habuere: tum autem Meroueus Rex terras Leticas in prouincia Belgica secunda ultra flumen Suminam iacentes obtinebat. quamobrem Liticiani, hoc est Leti, tamquam Francis parentes inter auxilia Aëtij à Iordane numerantur. His animaduersis ad ordinem reuertor.

Postquam tot gentium nationumque auxilia conueniunt, iam non impar hostibus Aëtius prælio decertare constituit. Præerat Aurelianis (vt diximus) præsidioque ibi relicto Sangibanus Alanorum Rex. is siue euentum pugnae Romanis exitiabilem futurum arbitratus; siue clam per populares sollicitatus ab Attila promissis, urbem se suosque traditurum promissit. quâ re cognitâ praeueniunt inceptum vtriusque Theodoricus ac Aëtius, & munitâ vrbe, eductisque ex eadem Alanis, ad Attilam tum per Galliam Lugdunensem & Belgicam vagantem contenderunt, atque in campis Catalaunicis contra eius castra confederunt. Campi Catalaunici Tetricianâ clade nobiles ultra flumen Matronam iacent, quos Iordanes Priscum secutus Mauriacos vocat, atque in longitudinem leugas centum; hoc est CL millia passuum, in latitudinem septuaginta patere. Antequam prælium hîc committeretur, accidit res digna memoriâ. Manus Francorum Aëtianorum Gipedes & numero & virtute pares noctu improuisè obuios habuit. haud aliàs vehementius vtrimque ac pertinacius initum certamen. quippe quasi vir virum legisset, mutuis ictibus omnes ad vnum occubere: nec ex omni eo Francorum ac Gipedum numero, qui fuit quindecim millium, quisquam superfuit. Erat in supradictis campis mons, quem qui teneret, loci

opportunitate superior futurus videbatur. Eius montis summum iugum Aëtius ac Thorismodus Theodorici Regis filius cum celeriter adscendissent, & firmo præsidio occupauissent, Hunnos eodem subeuntes facile deiecere. quo incommodo perturbatos milites suos Attila oratione confirmat, & quamquam deterrentibus Haruspicum responsis circiter horam nonam prælium committit. Laevo cornu Valamerem; dextro Ardarium præposuerat: mediam aciem ipse cum Hunnis tenebat. Aëtius autem in sinistriori cornu; Theodoricus in dexteriori erant: Alanos, ac Sangibanum Regem in medium agmen contulerant, ut vir suspectus inter Romanos ac Vesigothos positus; spe fugæ atque transitionis sublatâ, necessariò pugnare cogeretur. Fit prælium atrox, multiplex, cruentum, pertinax; Hunnis de gloria, Romanis de libertate pugnantibus. Theodoricus Rex, dum ad cohortandos suos in omnem partem decurrit, ex equo deiectus iumentorum ungulis obteritur: aut, ut quidam dicunt, sagittâ ab Andage Ostrogotho Amalæ stirpis emissâ configitur. Quam acriter utrimque pugnatum sit ex eo colligi potest, quod vix intempesta nox certamen diremit. quippe Vesigothi, nondum Regis morte cognitâ, abrupti ab Alanis mediam Hunnorum aciem inuasérant: magnûmque adisset periculum Attilæ, nî dux prouidens receptui cani iussisset, & suas copias reduxisset in castra, vbi pro vallo plaustra obiecta, & sagittariorum præsidia ad defendendos aditus disposita erant. Thorismodus natu maximus Theodorici Regis filiorum, ratus ea castra sua esse, cæcâ nocte ad hostium carpenta & stationes accessit, fortiterque dimicans capite vulnerato equo deiectus, atque ab suis ex periculo ereptus est. similiter Aëtius inter medios hostes versatus vagus, & ignarus quæ fortuna Vesigothorum fuisset, tandem sicut & Thorismodus, in castra peruenit. ibi dispositis scutatorum stationibus atque custodiis reliquum noctis egerunt.

Postero die primâ luce foeda strages spectaculo Aëtianis fuit. iacere corpora totis campis vident: amnem exiguum ac ignobilem, qui agros secabat, sanguine intui-

muiffe: Attilam quoque castris ſeſe tenere, & armorum ſonitu cantuque ſignorum fiduciam ac eruptionis faciendæ conſilium ſimulare. tum demum viciffe ſe intellexerunt. Veſigothi Theodoricum Regem inter acervos corporum conquiſitum ac inuentum, ſub hoſtium oculis, comitantibus Thorifmodo ac Theodorico filiis, cum inſignibus regiis extulerunt & ſepeliuerunt, funuſque eius more patrio cantu lugubri & lacrimis celebrauerunt. Iuſtis Theodorico ſolutis Thorifmodus ibidem Rex à ſuis ſalutatur: cùmque vlcifci patris mortem cuperet, Aëtium adit, ac quid faciendum eſſet exquirat. Is veritus, ne Veſigothi Hunnis occidione occiſis, remotoque potentiſſimi hoſtis metu, Romano Imperio graues forent; Thorifmodo perſuadet, vt celeriter Toſam regrediat: ne eius fratres, qui domi remaſerant, (quatuor autem remaſerant Fredericus, Euricus, Rotemerus, & Himmeritus) pecuniam regiam, ac Regnum patrium occupent. idẽmque (vt ait Gregorius) cum Meroueo Francorum Rege ſimili agens dolo effecit, vt conſeſtim ſe in Regnum reciperet. ipſe lectis ſpoliis Arelate; Attila cum cladiſ reliquiis domum rediit. Thorifmodus poſtea aurea gemmatæque lance quingentum pondus ab Aëtio donatus eſt. Attilam Veſigothorum, ceterorumque diſceſſu cognito inſidias veritum diu caſtris ſeſe cõtinauiſſe auctor eſt Iordanes, nec priuſquàm diuturnum ſilentium omnem dubitationem profectionis hoſtiũ expuliſſet, extra vallum egredi aſum eſſe. Apparet ergo fabuloſum eſſe, quod in Hydatij Chronico, quale illud Iosephus Scaliger edidit, inuenimus; Theodoricum Regem apud Aurelianos contra Attilam pugnauiſſe, & cum ipſo Veſigothorum millia CC; Hunnorũ CL millia cecidiſſe: deinde in Tricaſſium finibus circa Mapriacum (quod opidum ad ripam Sequanæ poſitum nunc Meriacum vocatur). Thorifmodum cum Attila dimicauiſſe, & certamine toties nocte diremto ac luce repetito, infinitum numerum Barbarorum occiſum eſſe: Aëtium Patricium inſtrũctum Francorum auxiliis Hunnos diſcedentes uſque ad Toringiam procul inſecutum, noctu ignes in caſtris plurimos fieri iuſſiſſe, vt immenſæ mul-

titudinis speciem præberent. Nec verius est, quod scribit Damascius in libro de vita Isidori Philosophi, commissio ad urbem Romam prælio inter Romanos & Scythas, hoc est Hunnōs, quos Attila ducebat, tantam vtrimque eadem esse factam, nemo vt cū Romanorum tum Barbarorum præter Duces paucosque eorum stipatores ex pugna superfuerit: cūque pugnantes multis acceptis vulneribus cecidissent, corporibus defatigatos ac iacentes, animis nihilo segnius stetisse, ac triduo tribusque noctibus certamen continuasse. Errat similiter Nicephorus Callistus, cū in Historiæ Ecclesiasticæ libro XIV tradit Theodoricum ac Aëtium improvise Attilam ultra Danubium castra habentem adortos, multa hominum millia interfecisse: Attilamque, quem Gothum fuisse, & nihilominus à Gipedibus genus duxisse ait, hasta confossum; Theodoricum ipsum sagitta confixum occubuisse. Hic fuit exitus magni illius prælij, quo in prælio gravem vtrimque cladem acceptam, & *neutris cedentibus inastimabilem stragem factam* Tiro Prosper scribit; Hunnōsque eo victos habitos esse, quod amisâ pugnandi fiduciâ qui supererant celeriter domum redierint. Hydatius millia hominum ferè CCC; Iordanes ac Freulfus CLXV; Paullus Langobardus ac Sigebertus millia armata CLXXX cecidisse dicunt. quo in numero cæsorū ineundo Paullus à Iordane dissentire nemini videri debet. quippe alter XV millia Gipedum ac Francorum excipit: alter hos quoque ceteris in novissimo prælio interfectis annumerat. Ex quo intelligitur Attilam non copias Darij aut Xerxis exercitibus numero pares, sed longè pauciora quàm quingenta armatorum millia in Galliam adduxisse. cū post prælium nec è castris erumpere obsessus; nec Aëtium Vesigothorum Francorumque discessu multo infirmiores factum aggredi; nec Galliarum provincias peruagari ausus sit: idemque apud Gregorium *cum paucis* domum reuertisse dicatur: cui, si initio belli IO millia hominum habuit armata; tamen apud Ligerim Hunnōs non paucos; & in Catalaunicis campis vtrimque millia CCC cecidisse credamus: tamen ex vtroque prælio plura quàm ducenta

cccc.
LII.

millia Barbarorum superesse oportuit. Præterea ex his quæ suprà diximus, intelligi potest quantis copiis Franci, atque Vesigothi in auxiliū Romanis venerint. siquidem Aëtio ipsi, cui opem ferebant, suspecti timendique præ multitudine, & hac re nondum confecto bello tamquam graues socij, metu nouarum rerum Meroueo ac Thorismodo Regibus iniecto, ocius dimittendi fuerunt. Insequenti anno Herculano & Sporacio vel Sphoracio Coss. Attila, clade in Galliis præter spem accepta furia- tus, celeriter reparatis copiis per Pannoniam & Noricum in Italiam contendit, vt cum loco belli fortuna mutaretur. Crederes non Hunnos paullo antè à Romanis; sed ab Hunnis victos esse Romanos. ita alteri fracti; alteri irâ, & vlciscendi ignominiam cupiditate ferociores facti erant. Certè Aëtius, qui manus cogere, & angustas Alpium Iuliarum fauces, vnde subeuntes Barbaros facile propellere potuisset, valido præsidio occupare debuerat; re improuisa perterritus eo magis quòd ab hoste recens fuso fugatòque nihil tale metuendum existimauerat, relinquendæ Romæ ac Italiæ petendæque Galliæ consilium cepit: atque Imperatori Valentiniano suasisit, vt vnà secum ex Vrbe profugeret. quod cum turpe ac periculosum videretur, vicit pudor timorem, creditumque est opulentissimarum prouinciarum populatione posse sæuitiam hostium & avaritiam expleri. Igitur Attila Alpes Iulias, quæ Italos ab Noricis diuidunt, vacuas præsidio transgreditur: & per Carnorum regionem, quæ tum Istriæ iuncta Venetia inferior dicebatur, itinere facto ad Aquileiam coloniam peruenit. Erat Aquileia posita ad amnem Natisonem, & ab Hadriatico mari millia passuum X I distabat: vrbs situ & moenibus ingentis operis munita, armis atque viris valida, magnitudine, commercio, monetæ officina, gynæceo, ac Veneticæ classis statione insignis. Eam urbem, frustra quondam non à Barbaris modò; verum etiam ab Imperatoribus Romanis obsessam, Attila diu circumsedet, admotisque muralibus machinis, & omni genere tormentorum acriter oppugnatam, defensamque pertinaciter tandem vi cepit. propugnatores, opidanique partim interfecti;

partim capti sunt: vrbs direpta, incensa, ac funditus diruta: vix vt vllum eius hodięque vestigium exstet. mox eodem impetu Concordia excisa: Altinum deletum: Patauium quoque, Vicetia, Verona, Brixia Venetię vrbes flammis ferroque vastatę. Hunni deinde nondum Romanorum opibus expleti, & sanguine satiati in Italianam Transpadanam, quę tum Liguria appellabatur, perueniunt: Bergomum capiunt: Mediolanum caput Ligurię, quondam Imperatorum domum eruant: Ticinum Regiam urbem à Paulo Langobardo dictum, quodd ea postea Regibus Langobardorum sedes fuit, ac proxima loca, æquant solo, abest autem Ticinum à mansione Adrante Italię Noricęque confinio millia passuum circiter C C C L. Elatum successu Attilam, & iam circumactis suis copiis Romam petere cupientem ab eo consilio deterrere cœperunt principes amicorum, veriti ne quod Alarico Gothorum Regi acciderat, expetentibus pœnas Romę direptę Diis patriis, paulo post captam Urbem morbo interiret. Dum ergo incussa superstitio moratur impetum, Rēxque dubius de Roma secum in vtramque partem deliberat: id ipsum metuens Imper. Valentinianus, cui ad prohibendum vires deerant, communi consilio Senatus populique Romani Leonem Episcopum Romanę Ecclesię, Gennadium Auienum Consularem Coruinorum genitum familiā, Abienum quibusdam dictum, & Trygetium pręfectura & legatione ad Vandalos functum legatos ad eum misit, qui pacem peterent. Fuit aduentus legatorum non ingratus Attilę tum in agro Venetorum Ambuleio ad Mincium castra habenti: quodd vt mandata; sic pecuniam Imperatoris, quā vnā pelli poterat, ad ipsum deferebant. itaque Barbarus muneribus magis quā verbis precibusque placatus (quamquam id Historicos dicere puduit) pacem supplicibus dedit, suosque abstinere cędibus & incendiis iussit, ac per eadem vestigia quā venerat Daciam Transdanubianam repetiit, antequam legatos dimitteret, sæpe minatus grauiorem se Italię cladem illaturum, nisi Valentinianus sororem suam Honoriam sibi uxorem, vnāque partem opum regaliū ei debitam mitte-

ret. Pacem tum non solùm pecuniâ datâ, sed etiam pacto pensionis stipendij redemisse Romanos indicat Iordanes, apud quem equites Hunni nœniam canentes dicunt Attilam *utrumque Orbis Romani Imperium captis ciuitatibus terruisse*, & ne reliqua diriperet, *placatum precibus annuum vectigal accepisse*. Et ita quidem, vt suprà diximus, Tiro Prosper, & Iordanes Priscum auctorem Attilæ æqualem secutus de eo bello scripsere. Ex quo apparet falsò Hydatium dicere vrgente fame, & ingruentibus morbis, atque militibus, qui ab Marciano Principe missi auxilio Italii venerant, sêque Aëtio Duci adiunxerant, Attilam pacem cum Valentimiano fecisse, ac se in suum Regnum, quod ab alio Marciani Augusti exercitu vastari compererat, recepisse. Nec meliùs Constantinus Porphyrogenetus in præceptis de regendo Imperio ad Romanum filium, Attilam Abarum Regem appellat,

101XIV. qui Hunni Abares anno imperij Iustiniani XXXVII, post Consulatum Herculani & Sporacij CXII Romanis primùm noti esse cœperunt: eundemque ait ad urbem Romanam, atque in fines Calabriae peruenisse; quem haudquaquam Padum flumen transiisse constat. Notandum tamen est, quod Constantinus eodem in libro ac loco tradit, Attilâ Italiam depopulante, seu potiùs finibus Italiæ appropinquante, cùm pleræque vrbes ac opida ab incolis desererentur; multos ex Aquileia, Concordia, Iustiniana, & ex castro Noni, quod mutatio ad Nonum in Itinerario Hierosolymitano vocatur, (addere potuit ex Altino, Patauio, Opitergio) perfugisse, & in incultas insulas Venetico litori adiacentes, nimirum Riuum altum, Gradum, Romatinum, Liguentiam, Madaucum, vel Meduacum, fossam Clodiam, & Lauretum se recepisse, ac structis tuguriis ibi consedissee, eamque Venetiæ, vrbis notissimæ & maximæ, originem fuisse. Sanè Prosper in Chronico prodit, Attilâ petente Italiam, *incolas motu solo territos eam presidio nudauisse*, quod de alia re quàm fuga Italorum intelligi non potest. Venetiam autem, vel (vt alij vocant) Venetias non tamquam urbem, sed tamquam insulas à nautis & mercatoribus vimineas casulas per mare

re

re sparsas ac plurimas naues habentibus, solo piscatu uiuentibus, & salinas exercentibus habitatas primus (sic uti puto) descripsit Cassiodorus Senator in libri XII epistola XXIV, qui Auctor anno quinquagesimo post excisam Aquileiam florebat. eiusdemque opidi postea à Paulo Langobardo, & à scriptoribus rerum gestarum Caroli Magni fit mentio.

Sed non possum non mirari, quòd Iosephus Scaliger Iulij Cæsaris filius in Commentario operis Catulli scribat Attilam, quem Regem Hungarorum, gentis ante Arnulfi principatum eo nomine nequaquam notæ, malè & improprie appellat, cùm in Italiam erupisset, ab Theoderico Scaligero Gotho Veronensium finibus prohibitum repulsumque ad occupandam Aquileiam contendisse: Venetòsque repentino Barbarorum aduentu perterritos proximas insulas in Hadriatico mari sitas fugâ petiisse, quam Venetia vrbs opulentissima & munitissima originem habeat. Hunc Theodericum à Germanis Auctoribus Veronensem appellari, & Theoderici Magni Regis Italiæ fratrem patruelem fuisse, atque opidi Teriolenfis regionisque ei appositæ, præterea Veronæ ac Sirmionis principatû obtinuisse. Quasi verò Attilam, per Pannoniâ (vt ait Prosper) itinere factò Italiam ingressum, non priùs ad urbem Aquileiam venire, quàm in fines Veronensium proficisci oportuerit: & qui Italiam ne Aëtio quidem Magistro militiæ prohibente populabatur, eum Theodericus iste nescio quis vnus aut alterius vrbis viribus pellere potuerit: aut alius tum quàm Valentinianus Aug. vllarum Ratiæ & Italiæ vrbiũ imperium obtinuerit. Neque Theodericus Scaliger iste homo ignotus; nec, vt Auentinus putat, Theodericus Triarij filius, qui Zenonis principatu obiit, & numquam in Italiam venit; sed Theodericus Ostrogothorum & Itolorum Rex à Germanis scriptoribus appellatus est Veronensis, quòd Odoacrem apud Veronam atroci proelio superauisset, eamque urbem ob id non rarò sedem habuisset, & thermis, Palatio, ac porticu nouis operibus, aquæductu, murisque resectis exornauisset. Quod autem adiicit Iosephus Scaliger, Theodericum Scalige-

rum hunc, auctorem originis & nominis Scaligerorum Principum, Theoderici Italiæ Regis fratrem patruelem fuisse, æquè fabulosum est. nam Iordanes scribit Vandalarium, Vuinitharij Regis filium ab Amalo deducen-
 tem genus, tres filios sustulisse Valamerem, Theodemerem, & Vuidemerem Ostrogothorum Regulos: è quibus Valamer, (vt Malcho & Damascio placet) ex Erelieua concubina Græcis Eusebia dicta Theodericum, qui postea in Italia regnauit, Theodeimundum, ac duas filias tulit: Vuidemer Vuidemerem, patruelem fratrem Theoderici Regis genuit. at de isto Theoderico Scaligero Cassiodorus Senator, & Iordanes, & Malchus, atque etiam reliqui ferè omnes Historici Paulo Æmilio Veronensi vetustiores tacent. Postremò cùm Theodericus Valameris post Attilæ in Italiam aduentum, siue
 15XXVI. post Consulatum Herculani & Sporacij anno LXXIV, Olybrio Consule decesserit: vt Theodericus Scaliger
 cccc. non plusquam XXX annos Herculano & Sporacio Coss.
 LII. habuerit, tamen necesse erit inter Theodericorum fratrum patruelium alterius natalem, mortem alterius annos CIV interfluxisse. nec vñquam Paullus Æmilius & Iosephus Scaliger mihi persuadebunt Scaligeros multo ante diuturnum interregnum Friderici Aug. mortem secutum, vel ante Mastinum quemdam emergere; & Veronam regionemque ei adiunctam possidere cœpisse.

MCCXL.

Attila, vbi vastatâ Italiâ domum reuersus est, otij impatiens legatos ad Imper. Marcianum & Pulcheriam Aug. misit, stipendiũque, quod ipsi Theodosius dependere consueffet, sub belli denuntiatione petiit. Iordanes in libro rerum Gothicarum scribit Attilam Gentium dominum memorem acceptæ in Gallia cladis, omisso, aut in aliud tempus referuato Marciano; partem Alanorum, quæ trans flumen Ligerim confidebat, aggredi, & his subactis, bellum Vesigothis inferre constituisse: profectũque Dacia atque Pannonia prouinciis suis, alio quàm quo antea venerat itinere in Galliam contendisse. Thorismodum autem Vesigothorum Regem, cùm dolum præsenfisset, celeriter in auxiliũ Alanis venisse, At-

tilamque fines eorum intrantem paratis copiis excepiſſe, & proelio fuſum ac fugatum in ſuas ſedes reuerti coegifſe. ita Hunnos acceptum in campis Catalaunicis incommodū dum expiare volunt, geminauiſſe, & Alanos periculo eſſe liberatos: quos tamen ab Thorifmodo proelio domitos eſſe Gregorius in libro II tradit. Sigebertus Iordanem ſecutus Attilam à Veſigothis, quos aggrediebatur, victum ait. Ego, pace Iordanis ac Sigeberti dixerim, vix crediderim Hunnos poſt Catalaunicam cladem in Galliam reuertifſe. cū quod præter Iordanem ac Sigebertum nullus de eo bello ſcripſit: tum quod non mihi videtur Attila intra triennium tribus tantis ac tam longinquis expeditionibus ſine cauſa Regni vires fatigauifſe. contra idem apud Hydatium & Paullum Langobardum poſt exceſſum ex Italia atque domum redi-
tionem mox obifſe dicitur. certè (vt ait Proſper) inſequenti anno Opilione & Vincomalo Coſſ. deceſſit: & cccc.
cū more patrio, poſt ſuſceptos ex pluribus vxoribus LIII.
liberos, puellam virginem excellentis formæ nomine Ildico in matrimonium accepifſet, & mero ac ſomno grauatus noctu ſupinus iacuiſſet, manè repertus eſt mortuus, ſanguine, qui è naribus fluere ei conſueuerat, in fauces lapſo. ſolus Marcellinus Aëtio & Studio Coſſ. ab cccc.
noua nupta cultro traiectum dicit. Tum ex gente Hun- LIV.
norum leatiſſimi equites parte comarum ſciſſa, genifque ferro laniatis circa corpus Attilæ medio in campo intra ſerica tentoria poſitum decurrere, cantu lugubri laudes mortui proſequentes. inde conſectō ſilicernio, quam Barbari ſtrauam appellabant, noctu clām phalera gemmis diſtincta, arma caſis hoſtibus detracta, & inſignia regia cum Attila condita ſunt atque deſoſſa. moxque magna de Regno inter eius filios orta contentio eſt, & aliquot gentium, quæ ſub Hunnorum imperio eſſe conſueuerant, in primis Gipedum, Oſtrogothorum, Alanorum, Erulorum, Rugorum, atque Scirorum defectiones ſecutæ bella excitauere, quibus ferociſſimi populi attererentur. Fuit autem Attila ſtatura breui; lato peſtore; capite grandiore; paruis oculis; ſimo naſo; barba rara; canis ſparſus; colore tæter; magnus animo;

versutus & callidus; bellorum quidem amans, sed ita ut in præliis mente, non manu rem gereret; consilio prudentissimus; supplicibus exorabilis; propitius receptis in fidem; iracundus; impotens, successibus elatus; superbiam incessu vultuque præferens; huc atque illuc circumferens oculos; cum externis omnibus præsertim Romanis, tum etiam suis maximè terribilis.

cccc-
LIII.

Eo ipso anno, quo Attila obierat, Opilione & Vincomalo Coss. mense Iulio, decessit Ælia Pulcheria Regina, filia Arcadij Principis, Imperatorum Theodoriorum alterius neptis; maior natu soror alterius; amitina Placidi Valentiniani; vxor Marciani. Thorismodus quoque Vesigothorum Rex, quem aliqui Thurismundum appellant, à Theodorico ac Friderico fratribus iugulatus est, & Theodoricus Regnū occupauit. quod Auctor Appendicis Viætoris Chronico insertæ Constantino & Rufo Coss. factū esse falsò ait. Admonet me hic locus, vt de Alanis, quibus Attilam bellum fecisse; Thorismodum autem auxiliū tulisse Iordanes scribit, pauca dicam.

cccc-
LVII.

Cum Hunni Valentis principatu in Scythiam Europæam erupissent, Alanosque subegissent, aut potius pacto societatis sibi adiunxissent: multi ex ea gente, relictis sedibus suis, permissu Principum Romanorum (si Iordani credere libet) in finibus Pannoniæ confedere: vnde excit ab Stilicone Consulari, Magistro militum ac Patrio vnà cum Vandalis in Gallias se effudere. Præerant Alanis Goar & Respendial Reges: è quibus Goar ad Romanos cum suis transiit, ac in Gallia remansit: vbi Iouinum Mogontiaci Imperatorem consalutandum curauit. reliqui adiunctis Vandalis & Sueuis, ductu Respendialis Hispaniam ingressi sunt Honorio VIII & Theodosio III Coss. & Lusitaniam, ac prouinciam Carthaginensem obtinere. vbi à Valia Rege Gothorum per triennium continuum bello pressi, multos suorum, in primis Atacem vel Utacem Regem, qui Respendiali successerat, amisere: ita ut qui Vandalis antè ac Sueuis potentiâ præstabant, fracti præliis & ad paucos redacti abolito regni nomine se Gunderico Regi Vandalorum partisque Callæciæ in clientelam dicarent, atque Hierio

cccc-
IX.

& Ardabure Coss. aut (vti ait Hydatius) anno v post
Honorij Aug. obitum Consulatu Felicis & Tauri Geise-
ricum fratrem Gunderici ac successorem in Africam se-
querentur. vnde Geisericus, & Hunericus, ac eorum
successores Vandalorum & Alanorum Reges sunt ap-
pellati, eumque sibi titulum in edictis adscripserunt.
Alani, qui in Gallia remanserant, Valentiniani princi-
patu in duas partes videntur esse diuisi, & alteri ad Lige-
rim, alteri ad Rhodanum in agro Valentino sedem ce-
pisse, hi Eocarico, illi Sangibano Regibus parentes. Cer-
tè Constanrius in libro II de vita Germani Eochari-
cum ferocissimum Alanorum bellicosæ gentis Regem,
ac idolorum cultorem vocat, & cum equitibus suis fer-
ratis ad coercendos Armoricos rebelles ab Aëtio mis-
sum esse dicit, quem idem (sicut existimo) cum popula-
ribus circa ripam Ligeris collocauit, vt metu finitimo-
rum Barbarorum Armorici in fide continerentur. Hic
est Eoticus, vel Eocricus, quem Tiro Prosper in Fastis
Vitricum pro Iucrico appellat, aitque Theodosio XVI
& Festo Coss. *Reipublica Romana fidelem, & multis docu-*
mentis bellicis clarum habitum esse. Igitur Attila, si vm-
quam in Alanos expeditionem suscepit, eam partem *Ala-*
norum trans flumen Ligerim confidentem à Iordane dictam
aggressus est: qui se postea ita Britannis in tractum Ar-
moricum transgressis immiscuere, vt multi Britannorum
Reges ac Duces præter ceteros Alani vocati sint, nec
vllum hodièque in ea prouincia notius sit nomen. Alte-
ri Alanorum parri præfuit Sangibanus, quem Sambidam
pro Sangiba Prosper in Chronico appellat, scribit-
que tractum Valentinum desertum ab Aëtio locum do-
milio accepisse, & anno vndeicesimo post Honorij
Aug. mortem, Dioscoro & Eudoxio Coss. resistentes
possessores agris expulisse, atque ita Alanos id quod cum
incolis diuidere iussi erant, totum armis occupauisse.
Iidem Alani Gallicani finitimam partem Galliæ postea
incurSIONibus vastauere. quippe Maiorianum Aug. cum
expeditionem in Alanos, qui Gallias infestabant, face-
ret, à suis interfectum auctor est Iordanes. Nec de Ala-
nis plura quæ memorentur occurrunt, nisi quòd scire

conuenit Albanos à Menandro Zonara & plerisque recentioribus Græcis corrupto nomine Alanos vocari.

cccc-
liv.

Aëtio & Studio Coss. anno Marciani Principis IV magnæ Valentinianū inter & Aëtium Magistrum militum inimiciæ esse cœperunt, breui utrique exitio futuræ. Habebat in matrimonio Valentinianus Liciniam Eudoxiam Aug. Theodosij minoris & Eudociæ filiam, nep-
tem Arcadij Aug. & Eudoxiæ, Theodosij maioris pro-

cccc-
xxiv.

neptem, quam Castino & Victore Coss. cum Cæsar factus esset, iussu Theodosij quimus bimam sibi desponderat, & quam Aëtio II & Sigisualto Coss. Constantino-

cccc-
xxxvii

polim profectus, dato pro munere socero Illyrico, vxorem duxerat. ex ea filias duas susceperat Eudociam & Placidiam, hanc maternæ auix; illam paternæ cognominem: è quibus Eudociâ Gaudentio Aëtij filio fide utrimque datâ desponderat. Igitur Aëtius iratior promissa reposcebat, causamque filij animo patrio agebat, petens ut Eudocia adulta iam virgo connubio Gaudentio iungeretur. At Heraclius spado Præpositus cubiculi, subornatus à Maximo Senatore Valentiniano persuasit hac affinitate insidias tegi, nec tam filiam ipsius quàm vitam ac Imperium peti: proinde ne opprimeretur, celeriter aduersarium esse præoccupandum. Erat Heraclius in paucis carus Valentiniano, cuius animum (ut loquitur Prosper) *non sincero famulatu*, hoc est forsitan matrum familiâs introductionibus, sibi ita deuinxerat, ut eum faciliè ad quæ vellet impelleret: Aëtiūque suspectum nimia potentia faciebat. itaque solus in Palatium venire iussus Valentiniani manu, & circumstantium gladiis confoditur. amici eius, viri maximis honoribus functi, in primis Boethius Præfectus Prætorij per Protectorem, vel, ut tum dicebant, Spatharium alius post alium introducti sunt atque iugulati: moxque legati ad Reges Barbarorum, qui cædis causam docerent, missi: & Maiorianus, quem sub se militantem Aëtius impulsu coniugis suæ domum miserat, ab Valentiniano euocatus, ut per eum tutiùs Aëtij milites Palatinis legionibus & auxiliis adiungerentur. Fertur quidam interrogatus à Valentiniano, quid de Aëtij cæde sentiret, respondisse: iu-

re, an iniuriâ cæsus sit ignoro, Imperator: hoc tamen scio sinistra te tibi manû dextram præcidisse. Hunc habuit exitum Aëtius Dux, & ter Consul, ac Patricius; *magna* (vt ait Marcellinus) *Occidentalis Reip. salus*; ac singularis spes populi Romani: & vnâ cum eo Imperium Occidentis sic concidit, vt per annos CCCXLV iacuerit, nec nisi Francorum manibus atque virtute erigi potuerit. Nam qui Valentiniano successere, Maximus, Auitus, insequentisque VII Principes vsque ad Odoacrem, intra annos XXII mortui omnes, aut expulsi; Reges Italiæ magis quàm Imperatores fuerunt appellari que debuerunt. vt non absurdè Cassiodorus Senator in Chronico dicat Maiorianum, qui vnus è Valentiniani successoribus fuit, *Italia Imperium suscepisse*: ceteris nimirum Occidentis prouinciis ferè omnibus tum amissis: ac ne Italiâ quidem ipsa propter Vandalorum latrocinia pacatâ & securâ. Aëtium autem ait fuisse Frigidus medio corpore, in quo nec obesitas oneri, nec gracilitas infirmitati esset; virili habitu atque decore; animo alacrem; membris vegetum; equitem prouitissimum; sagittandi, contoque pugnandi pericissimum; quorum alterum ab Hunnis, alterum à Gothis, aut Sarmatis Hunnorum stipendiariis obses didicerat: bello optimum; pacis artibus celebrem; expertem auaritiæ; ne impulsoribus quidem prauis ab instituto suo deerrantem; iniuriarum patientissimum; amantem laboris; minimè periculorum metuentem; famis, sitis, atque vigiliæ tolerantissimum. idemque auctor est ei adolescentulo prædictum, fore vt ad magnam potentiam perueniret. quas laudes etsi Aëtio meritò impertiri Frigidum existimo: tamen defectio Bonifatij clarissimi ducis, & amissio omnis ferè Africæ; & Hunni bis in Italiam adducti; & per eiusdem gentis auxilia maior Gallis quàm Vesigothis illata calamitas; & destitutio Britannorum opem flagitantium; & veniente in Italiam Attila nudatæ præsidii, ac velut ex industria apertæ Alpes; & corruptus otio, atque longa pace emollius miles haud scio an alij debeant imputari. Certè Aëtius virtutes suas immodica ambitione cœdauit, ita Placidia &

Valentiniano parens, vt aliis imperare omnibus cuperet. quippe, ne quem haberet parem, Felicem Patricium veluti sibi infidiantem interemit: Bonifatium, cuius inuidebat gloriæ, potentiâque timebat, vt opprimeret, falso crimine inuisum Placidix fecit: Sebastianum eius generum, virum peritum belli gerendi, Palatio domoque expulit: denique ad recuperandam dignitatem Barbaros in Italiam immittere, ac bellum nefarium suo Principi inferre sustinuit.

cccc.
lv.

Valentiniano VIII & Anthemio Coss. anno Imperatoris Marciani V Aëtij mortem cædes interfectoris consecuta est. Adiunxerat sibi imprudenter Valentinianus atque inter stipatores corporis retinuerat Aëtij ab se occisi amicos & armigeros, Optilam & Traustilam Gipedes, quos alius familiares Aëtij; alius satellites; milites eius alius appellat. Hi opportunitatem speculati egressum extra Urbem Principem, & vt ait Prosper, ludo gestationis intentum viâ Labicanâ inter Duas Lauros XVII. Kal. April. gladiis iugulauere: simulque Heraclium Præpositum cubiculi, tanti causam mali, vti erat lateri proximus, interemere. neque in magna circumstantium Protectorum, Aulicorumque multitudine repertus est quisquam, qui tantum ac tam atrox scelus vlcisceretur. Valentinianum Aug. Romæ in Campo Martio dolo Maximi Patricij circumuentum & occisum auctores sunt Hydatius, Marcellinus, Senator, & Victor Episcopus: è quibus Hydatius Aëtium anno Marciani Principis tertio; Valentinianum quarto iugulatum falsò dicit. Adiicit Gregorius in Campo sedentem eum pro tribunali, concionantemque apud populum ab Optila Buccellario, hoc est milite Aëtij gladio confossum esse. vt malè Zonaras & Nicephorus à Maximo ipso in Palatio interfectum putent. Sic periit Flauius Placidus Valentinianus XXXVI ætatis, XXX imperij annum nondum transgressus, Constantij Aug. & Gallæ Placidix filius, Theodosij & Gallæ nepos, Valentiniani maioris pronepos: Princeps plebi quidem ob popularitatem carus: vnde in Codice Theod. semel atque iterum *amantissimum sui populum Rom. appellat*: sed fortissimo cuique in-

inuidens; fastidiosus Nobilitatis; nihil ex proauo præter nomen & rectam de Deo sententiam retinens; quantum à paterna auitaque virtute degener, tantum Arcadio & Honorio auunculis suis, Theodosioque consobрино ac focero similis; nullum in vita seruans modum; veneficiis deditus; margaritis & gēmis operiri Imperatorium ducens; Barbaris obnoxius & vectigalis; mulierosus, deses; à matre semper dominandi cupida & ab eunuchis more Regū Assyriorum & Persarum domi clausus, vitæque delicatæ & umbratili ita assuefactus, semel vt modò, neque belli incundi sed vxoris ducendæ causâ, ex Italia pedem extulerit, numquam castra viderit, eique Româ Rauennam aut vicissim Rauennâ Romam proficisci maximus labor & instar expeditionis fuerit. sicut Theodosius minor eiuldem amicitinus & socer Perinthum aut Cyzicum Propontidis opida aut Calchedonem amcenos secessus petere solebat, reuertentique ac Constantinopolim intranti, tamquam Hunnorum Persarumve victori Præfectus Urbis ac Senatus occurrens coronam auream nonnumquam offerebat. Quare Valentiniani principatū Byzacium, Tripolim, maiorem Numidiæ partem, & prouinciam Proconsularem à Vandalis occupatas; inferiorem Belgicam in Francorum potestatem redactam; Britanniam ab Anglis subactam; Alanis & Burgundionibus datos agros in Gallia; ac possessas ab Attila Pannonias non magis mirari conuenit, quàm Honorio imperante pleramque Hispaniam amissam; Romam à Gothis; à Burgundionibus sedem circa Renum captam; & Aquitaniam eisdem Gothis condonatam esse. apparétque inclytum Occidentis Imperium, atque etiam Orientem quatuor Principum Hispanorum, nimirum amborum Theodosij maioris filiorum ac amborum nepotum ignauia cecidisse. quippe Arcadij & Theodosij minoris exemplum secuti posteriores Imperatores vsque ad Heraclium, cum nullis vmquam proeliis interessent, curamque bellorum Ducibus delegarent, desidîa suâ Republicam labefactarunt. Non immeritò igitur Caius Apollinaris Sidonius Placidum Valentinianum *semiturum amicum* appellat, & in Carmine ad Maiorianum

Aug. ait post Valentiniani fratris Gratiani à Theodosio in Imperium restituti cædem numquam venisse Imperatores in Galliam, vbi maxima moles bellorum erat: contrà Honorio & Valentiniano sub specie maiestatis muliebriter Palatio inclusis & occultis, Orbis Romani prouincias à Barbaris vastatas & occupatas esse tradit his versibus.

*Ex quo Theodosius communia iura fugato
Reddidit Auctoris fratri, cui guttura fregit
Post in se vertenda manus: mea Gallia rerum
Ignoratur adhuc Dominis, ignaræque seruit.
Ex illo multum periit: quia Principe clauso,
Quidquid erat miseri quersis partibus Orbis
Vastari sollemne fuit. contempta tot annos
Nobilitas iacuit: pretium Respublica forti
Rettulit inuidiam.*

Idemque in Panegyrico Auito Aug. socero dicto scribit pueritiam ac vitia Valentiniani Principis (addo & Honorij). cladium, lacerationis, occasusque Imperij causam fuisse: talémque Imperatorem propter claritatem familiaræ eius, religionémque sacramenti perpeffos esse milites Romanos. quo fit, vt Theodosius maior iustissimè felix dici potuerit, si filios superstites non reliquisset.

*Quàm nos per varios dudum fortuna labores
Principe sub puero laceris terat aspera rebus;
Fors longum, Dux magne, queri: cum quippe dolentum
Maxima pars fueris, patriæ dum vulnera luges.
Has nobis inter clades ac funera mundi
Mors vixisse fuit. Sed dum per verba parentum
Ignauas colimus leges, sanctumque putamus
Rem veterem per damna sequi; portauimus umbram
Imperij, generis contenti ferre vetusti
Et vitia, & solitam vestiri murice gentem
More magis quàm iure pati.*

Interfecto Valentiniano, Petronius Maximus, Palladij forsitan Theodosij Aug. in VII Consulatu collegæ filius, qui cupiditate Imperij adductus Optilam & Traustilam ad tantum facinus impulerat, postero die XVI Kal. Apriles

Romæ appellatus est Imperator: homo magnis clientelis, maximisque diuitiis, & qualis à Sidonio in libri II epistolâ XIII describitur; Præfecturis, Patricia dignitate, & duobus Consulatibus insignis; Clementis Maximi Tyranni ex filio nepos falsò à Procopio & Nicephoro dictus. siquidem constat Clementi Maximo vnicum filium nomine Victorem fuisse, eumque intra infantiae annos iussu Theodosij paullo post patris mortem in Gallia iugulatum esse. Hic cum periclitanti Reip. profuturus crederetur, interfectores Valentiniiani, quos ad mortem duci oportebat, in cohortem amicorum recepit: & Eudoxiam Aug. virum lugere prohibitam, imperij sui confirmandi causâ, intra paucissimos dies vt sibi nuberet coëgit: Palladium filium, quem ex priore vxore tum defuncta susceperat, Cæsarem creauit, eique Eudociam, Valentiniiani filiam, pactam Gaudentij in matrimonium dedit: ac Auitum Magistrum militum fecit, cuius metu Francos, qui prouinciam Germaniam superiorem, & Belgicam secundam Meroëo duce depulabantur; transgressos in Galliam Alamannos; & Saxones tractum Armoricanum prædationibus infestantes domum rediisse Apollinaris Sidonius Poëtica fide in Panegyrico Auito socero dicto scribit his versibus.

Vixque tuo impositum capiti diadema, Petroni:

Illico Aremoricus piratam Saxona tractus

Sperabat: cui pelle salum fulcare Britannum

Ludus, & assuto glaucum mare findere lembo.

Francus Germanum primum, Belgamque secundum

Sternebat: Renumque ferox Alamanne bibebas

Romanis ripis, & utroque superbus in agro

Vel ciuis, vel victor eras. Sed perdita cernens

Terrarum spatia Princeps iam Maximus (vnum

Quod fuit in rebus) peditumque equitumque Magistrum

Te sibi Auite legit.

Vt primum ingesti pondus suscepit honoris,

Legas, qui veniam poscant Alamanne furoris:

Saxonis incurfus cessat: Cattumque palustri

Alligat Albis aqua.

Quibus ex versibus cognoscitur non solum Catos gen-

tem Franciæ fuisse, cùm Sidonius quem suprà Francum vocauit, infrà Cattum appellet: (id quod & Sulpicius Alexander docet, *paucos ex Amsinariis & Cattis Marcomere duce apparuisse* Romanis in Franciam transgressis scribens) verùm etiam eisdem Cattos, qui, vt indicat Sulpicius, Marcomeri Faramundi patri, Chlodionis auo paruerant, Meroueo quoque Chlodionis successori paruissse.

Non omittendũ est, quod Procopius in libro I belli Vandalici, & Ioãnes Antiochenſis in Historia de Aëtij & Valentiniani Maximique cæde scribunt: Valentinianum minorem, captum amore coniugis Maximi Senatoris luisse cum eo tesseriſ, & ab victo, cui tum fortè nihil aliud erat, anulũ accepisse, ac velut ob rem aliquam seriam demandata alij vice sua egressum cubiculo, quemdam cum anulo misisse, qui accersiri à Maximo vxorem, & apud Augustam cenaturam diceret. illam viso vocatore, qui viri sui familiaris esset, & ostenso sibi ad faciendam fidem cognitoque eiusdem anulo in Palatium venisse, exceptamque ab eunuchis, vt erat imperatum, & in ^{cubiculum} ~~gynæceum~~ ^{conuicta} deductam, atque ibi ab Imperatore per vim esse stupratam. deinde post lusum domum aduenienti Maximo ignaro facti occurrisse mulierem corporis ludibrium deplorantem, & tamquam proditori pudicitiae suae probra ingessisse. Maximum autem re cognitã occidendi Principis consilium iniisse: quod cùm viuo Aëtio Magistro militiæ fieri non posse intelligeret, primò Valentinianum ad cædem eius velut insidiantis per spadonem impulsisse: mox ipsummet tanto præsidio nudatum interemisſe, & Eudoxiam Reginam annorum circa XXXIII, feminam eximiae pulchritudinis, vxorem duxisse, atque amore malè sanum pro blanditiis beneuolentiæ conciliatricibus mulieri dixisse cupidine potiundæ eius Valentinianum à se interfectum. enimuerò Eudoxiam cognito auctore viri sui cædis, cuius causa fuisse ipsa diceretur, Geiserico in Africa regnanti scripsisse, vt Romam confestim veniret, sēque miseram Maximi improbissimi hominis potestate liberaret. Ex quibus intelligitur, id quod Nicephorus Callistus in libro XV tra-

didit, & Latini Historici de industria omisere, Placidum Valentinianum à Maximo ob corruptam eius vxorem interemtum esse. Ceterum Geisericus Vandalorum Rex, vt erat vitio gentis suæque auarissimus, ac pecuniæ cupidissimus prædo; oblatam sibi exinsperato tantæ vrbs diripiendæ facultatem gauisus, & maximis Augustæ donis illectus celeriter naues conscendit, & cum copiis, quas ad piratica latrocinia repentinâsque expeditiones paratas habere consueuerat, in Italiam venit. cuius aduentu Romam nuntiato Senatus populique R. pars maior ex Vrbe profugit. Maximus, ob cædem Valentiniani nulli non inuisus, omnibus abeundi sibi que consulendi potestatem fecit, cumque & ipse fugam capeßere trepidus pararet, seditione militum & populi, ac fœderatorum Burgundionum pridie Idus Iunias ab Vrso quodam milite Romano interfectus, & à famulis Reginæ membratim discerptus, tractusque per vicos, vt Vitellio & Elagabalo contigerat, atque in Tiberim deiectus est, nec Principatum scelere quæsitum plus LXXXVII diebus tenuit.

Tertio die post Maximum occisum, Geisericus Vandalorum & Alanorum Rex, quem alij Genfericum, vel Ginfiricum; alij Gaisericum; Græci Gezerichum, & Gizerichum appellant, Urbem ab omni præsidio vacuam occupauit. cui Romam aduentanti Leo Episcopus extra portam occurrit, hominemque crudelem & ferum precibus suis in tantum mitigauit, vt (quemadmodum ait Prosper) incendiis, cædibus, ac suppliciis suos abstinere iuberet. quamquam operibus miraculisque Vrbs ignem iniectum Nicephorus dicit. igitur à Vandalis per XIV dies securè ac liberè singulâ rimantibus, post annos XLV quàm ab Gothis erat capta; Roma direpta est: Capitolium ad partem dimidiam detectum, & regulæ eius æræ inauratæ sublata: insulæ, domus, Ecclesiæque spoliata: & in reditu vrbes Campaniæ Capua ac Nola omni clade belli vastatæ. nec contentus ingenti prædâ Barbarus ac perfidus Pirata Eudoxiam Aug. à qua erat accersitus, ambasque eius filias Eudociam & Placidiam, Gaudentium filium Aëtij, ac multa captiuorum millia,

vt quisque aliquam ætatis, aut artificij commendationem habebat; Carthaginem abduxit. è quibus Eudociam Hunerico filio natu maximo, à multis Honorico dicto; non (vt ait Hydatius) Gentoni in matrimonium dedit: Placidiam vix tandem Imperatorum Marciani & Leonis, aliorumque legationibus fatigatus cum Eudoxia matre Constantinopolim remisit, vbi Olybrio Senatori, qui eò Româ perfugerat, conciliante nuptias Leone Aug. nupsit. Neque postea Geisericus Siciliam ac Italiam latrociniis & opidorum expugnationibus direptionibus ac excidiis infestare desuit, hanc quotannis veris initio causam bello prætendens, quodd sibi bona Valentiniani, & Aëtij, quorum liberos ceperat, non darentur. quamobrem cum Eudociam captiuam Hunerico filio vxorem dedisset, partem bonorum Valentiniani ab Leone Imperatore Orientis velut dotis nomine accepit.

cccc.
xxxv.
& vi.

cccc.
xxxix.

cccc.
li.

cccc.
lv.

Paullo post Vrbem captam Auirus in Gallia appellatus est Imperator, Ecdicij, eius qui Edobicum hospitem & amicum interfecerat, filius. Hunc ait Sidonius natione Aruernum fuisse, natum Augustonemeti familia nobili, & Præfectis, Patriciis, in primis Philagrio, ac Consulibus clara: venandi studio insignem: Burgundico bello sub Aëtio militauisse: mox titulo Præfecturæ Prætorianæ Gallias rexisse: tum Theodosio xvii & Festo Coss. Theodorico Vesigothorum Regi litteris persuasisse, vt pacem cum Valentiniano Aug. faceret, legatumque ab eodem impetrauisset, vt cum Romanis aduersus Attilam arma confociaret: deinde à Petronio Maximo Magistrum militum esse factum, atque Præmissso Messiano aduentus sui nuntio ad Theodoricum minorem bellum parantem legatum venisse, mediūque inter Regem & Fridericum eius fratrem iunctis cum vtroque manibus Tolosam intrasse. interea Theodoricum, vt Romam captam, & Maximum occisum cognouit, coacto Seniorum concilio Auito petenti pacem non solum annuisset, sed etiam auctorem recipiendi Imperij fuisse, & in hæc fidem ei cum fratre dedisse. inde reuerso Vgernum Auito idem suasisse principes Gallorum, excubiasque neco-

pinanti circumdedit, ac tertio post die Arelatum confluxisse Proceres, & milites, ab quibus in tribunali torque militari ex auro & gemis pro diademate coronatus, & imperatoriis insignibus donatus sit. Quare non dubitat scribere Hydatius Auitum Gallum post Urbem captam primum Tolosæ ab Gothis; deinde ab exercitu Gallicano Honoratisque Arelati Augustum esse salutatum. quibus ambobus, ac præsertim Sidonio Auiti genero assentiri præstat, quàm Victori Tununensi Episcopo, qui LXXV demum die post Romam captam Auitum magnæ simplicitatis virum in Gallia Imperium obtinuisse scribit. Certè etiã Auctor Chronici à Cuspiniano editi Maximum quidem Valentiniano VIII & Anthemio Coss. pridie Idus Iun. occisum, Urbemque à Geisericò direptam; Auitum autem VI Idus Iulias, hoc est XXV III die post Petronij Maximi cædem in Galliis Imperatorem factum ait. CCCC.
LV.

Ad Auitum Aug. Theodoricus Rex Vefigothorum fratribus suis comitatus Arelatum venit, eique se auxilium, si res posceret, laturum promisit. quo Tolosam reuerso Imperator accersitus à Romanis in Italiam contendit, & summo Senatus populique fauore in Urbem receptus est: ac (vt existimo) nondum per legatos concordia cum Marciano Principe constitutâ, initiosequentis anni Kalendis Ianuariis ex more Consulatum iniit ediditque. cuius Consulatus mentionem facere dicuntur præter Sidonium inscriptiones duæ, altera à Iacobo Sirmundo; altera à Ioanne Sauarone prolata: è quibus prior Eparchium Auitum, posterior Flauium Auitum, vtraque Consulem, neutra tamen Augustum appellat. Cùm igitur eo anno non Auitum, sed Ioannem & Varanem ambos in Oriente Consules factos inueniamus in Fastis: apparet antè Auitum Consulatum iniisse, quàm electionem sui Marciano in partibus Orientis dominantis approbauisset. quod etsi fecisse eum ait Hydatius, tamen Marcianus legum suarum titulis non Auitum Aug. magis quàm Maximum adscripsit. CCCC.
LVL

Regnabat tum in Callæcia & Lusitania Rechiarius Sueuorum Rex, Hermerici nepos, à Iordane Riciarius

CCCC-
XLII.

dictus, vir inquietus & vanus. Hic impulsus cupiditate proferendi Regni Carthaginensem regionem, quam à patre Rechila occupatam ipse Herculano & Sporacio Coss. pace facta Valentiniano Aug. reddiderat, depopulabatur: ac prouinciâ Tarraconensem Romano etiamtum Imperio subiectam continuis incursionibus vastabat, successuque ferocior redditus legatos Auiti Principis, & Theodorici posterioris vxoris suæ fratris ludibrio habuit. Quamobrem Theodoricus Vesigothorum Rex, Gundiuco & Chilperico Burgundionum Regibus auxiliariis comitatus, Auiti Aug. voluntate & ordinatione cum magnis copiis in Hispaniam ire contendit, ingressusque Asturiam Rechiarium sibi occurrentem in campo Parâmo apud flumen Urbicum ad XII ab Asturica Augusta miliarium III Nonas Octobres acie vicit, fugientem cepit, & mense Decembri interfecit.

CCCC-
XLIII.

Eodem tempore magna manus Vandalorum, quæ LX nauibus Gallias, aut Italiam petebat, in Corsica ab Ricimere Comite, quem Hydatius Rechimerem, quidam Richemerem vocant, insidiis circumuenitur, & cæditur. idemque Comes aduersus aliam Vandalorum manum ab Auito in Siciliam cum exercitu mittitur. ac nihilominus Geisericus Vandalorum Rex Mauritanias, atque Numidiam, præter quas prouincias nihil in Africa Imperio Occidentis reliquum erat, Regno suo adiecit. Quare Marcianus Princeps bis legatos ad eum misit, qui peterent, vt vastatione Italiæ ac Siciliæ abstereretur, vxoremque & filias Valentiniani captiuas dimitteret. Auitus quoque ei denuntiavit pacis Dioscoro & Eudoxio Coss. cum Valentiniano factæ, & Africæ certis finibus inter vtrumque diuisæ meminisset: id si facere recusaret, bellum se ipsi suis copiis sociorumque auxiliis illaturum: & regressus Arelatum, ad prouincias ripis Reni proximas ordinandas Augustam Treuironum proficiscitur. ibi simulatâ valetudine, cum à coniugibus Senatorum visiteretur, vxorem Lucij Consularis Belgicæ primæ forma excellentem captus amore mulieris per vim stuprât, nec contentus adulterio patientiam viri petulantibus verbis illudit, quem tamquam segnem in ven-

nerem,

nerem, & tali coniuge indignum irridens quæsiuit, quid-
ita qui pulchras thermas haberet, frigida lauaretur.
Et ille quidem tum dolorem pressit, sed reuerso in Ita-
liam Imperatore Augustam Treuiorum in potestatem
Francorum tradidit, à quibus vrbs direpta est ac incen-
sa. Aimoinus, etiam si sicut Fredegarius Scholasticus id
ab Auito Aug. factum dicit, tamen non Merouicum ait
regnauisse tum in Francia, sed Faramundum, quem an-
no v post Honorij mortem, ante Auitum Principem
XXVII decessisse auctor est Prosper. Non multo pòst pœ-
nas libidinis Auitus pendit destitutus à Gothis, nam
Remiscus Patricius adiutor eius partium in Palatio Clas-
sis x v Kal. Octob. occisus est: ipse imperij mense xvi
aut xviii, à Ricimere Magistro militum, atque etiam, vt
ait Marius in Chronico, à Maioriano apud Placentiam
victus & captus, Imperiũ deponere cogitur, nouaque &
hactenus inaudita fortunæ commutatione ex Imperato-
re fit supradictæ vrbs Episcopus, innocenti ac simplici
homini parcente Ricimere. ac Messianus, quem Patri-
cium fecerat, xvi Kal. Ianuar. interimitur. Gregorius in
Historiæ libro ii tradit Auitum Senatorem, & ciuem
Aruernum, ob libidines à Senatu deiectum Imperio, cu-
ius in possessionem vacuam inuolauerat, & apud Placen-
tiam Episcopum constitutum; cùm comperisset Sena-
tum adhuc indignantem vitâ ipsum priuare velle, Bri-
uatem vicum Aruernorum, tumultu Iuliani Aruerni
Martyris nobilem, cum multis muneribus fuga petere
contendisse, vt loci religione salutem suam tueretur, ac
in itinere decessisse, delatũque Briuatem, & ad pedes
Iuliani sepultum esse. quem falsò Hydatius tertio im-
perij anno obisse; Iordanes dies paucos; Euagrius & Ni-
cephorus vii menses imperauisse scribunt. è quibus
Euagrius ac Nicephorus Callistus Auitum pestilentia
correptum, sublatũque dicunt. Auito filius fuit Ecdi-
cius, cuius de virtutibus infra referemus: & Papiamilla
filia, vxor C. Sollij Sidonij Lugdunensis, viri nobilissi-
mi, & de primariis Galliarum Senatoribus, patre, auo, &
proauo Præfecturis Vrbis Prætorianisque; & Magi-
sterio Palatino militarique insignibus nati: qui primò

Comes, mox Præfectus Vrbis, ac Patricius, deinde Aeternorum Episcopus fuit.

CCCC.
LVL

Eodem anno Ioanne & Varane Coss. Gundiucum & Chilpericum Burgundionum Reges, qui Aëtio contra Attilam auxilium tulerant, & belli Rechiaro inferendi causâ Theodoricum Vesigothorum Regem in Hispaniam secuti erant; post victos acie Sucuos domum reuersos, ac interregno tamquam occasione prolatandorum finium vsos inuenio. quippe tum *Burgundiones partem Gallia occupauisse*, atque agrum armis quaesitum *cum Gallis Senatoribus diuississe* auctor est Marius Auenticensis Episcopus in Chronico. quo tempore Lugdunum à Burgundionibus, Sapaudiam proximam ei regionem tum obtinentibus, captum esse arbitror, quod Apollinaris Sidonius Comes ab Maioriano Aug. paullo pòst receptum dicit, seque, qui mortuo Auito focero contra eum arma tulerat, in Gallia victum atque seruatum.

CCCC.
LVII.

Constantino & Rufo Coss. qui ambo, sicut Ioannes & Varanes, Constantinopoli Consulatum inierunt, in Oriente Marcianus Aug. obiit V II imperij; LX V ætatis annum agens. eique Flauius Leo Tribunus militum, natus in regione Bessica Thrax Thraci successit, V II Idus Februar. auctore Aspare Patricio & Consulari ab exercitu Senatûque Imperator appellatus: quem Candidus Isaurus oriundum ex Dacia prouincia Illyrici, & Præfectum militum in opido Thraciæ Selymbria præsidij causâ constitutorum fuisse ait. in Occidentis autem tractibus Flauius Ricimer Arianus, patre Sueuo; matre Gothæ Valiæ quondam Vesigothorum Regis filia genitus, ex Magistro militum Patricius factus est pridie Kalendas Mart. atque eodem die Iulius Valerius Maiorianus in eius locum Magister militum constituitur: vt scribit vetus Auctor Chronici editi ab Cuspiniano. quas dignitates videtur Marcianus Aug. rogatus per legatos à Senatu populôque Romano paullo ante obitum amobus per codicillos contulisse. neque enim à se ipsi alter Patricius; alter Magister militiæ fieri potuerunt. Certè in litteris initio insequentis anni Rauennæ datis, quarum infrâ mentionem faciemus, *patrem Patriciûmque*

suum Ricimerem Marcianus appellat. falsò vt eum Hydatius post XI annos ab Anthemio Aug. matrimonio filia suæ, & Patricia dignitate honoratum dicat.

Non diu Magisterio militiæ functus est Maiorianus. quippe eodem anno Kal. April. ad milliariū VI ab vrbe Rauenna in campo ad Columellas cum Imperatorem esse salutatum tradit Auctor Chronici à Culpiniano editi. Cùm tamen Maiorianus ipse de ortu Consulatusque suo coniunctim ad Senatum Idibus Ianuariis Rauennâ scripserit, nec verisimile sit amplissimum Ordinem de tanta re X post mense factum esse certiolem, Rauennâque ab vrbe Roma non ampliùs millia passuum CCLIV distet: haudquaquam dubito, quin sub anni exitum Maiorianus Principatum; proximisque Kalendis Ianuariis Rauennæ Consulatum inierit. Cum omnibus Historicis, & Fastis pugnat Victor, qui Leone Aug. Cos. Maiorianum ^{cccc} Romæ Imperium recepisse falsò prodit in Chronico. Et ^{LVIII} ille quidem in litteris ad Patres Conscriptos missis ab exercitu Imperatorem se appellatum dicit. At Apollinaris Sidonius non solum militum, & Senatus populique Rom. omniumque ordinum, sed etiam collegæ consensu iudicioque ad eum delatum Imperium ait: quo collegæ nomine Leonem Aug. designat. tamen enim Iordanes in libro de origine Gothorum tradit Maiorianum iussu Marciani Principis Imperium Occidentis regendum recepisse: idem tamen in libro de successione regnorum dicta retractans, & Marcellinus in Chronico nutu ac voluntate Leonis eum apud Rauennam Augustum consalutatum esse scribunt. quamuis Leo non Maiorani magis quàm Seueri successoris eius nomen legibus suis præfixit. Ex quo intelligitur, id quod infra magis apparebit, Theodosium minorem, post Placidum Valentinianum primò Cæsarem, deinde Imperatorem factum; Theodosiique successores Marcianum & Leonem in Oriente dominantes, despectâ Occidentalium infirmitate primum sibi dignitatis locum, ac ius electionis Principis confirmandæ, dandique etiam Imperij Occidentis vindicauisse, quique illud iniussu suo recepissent, in Tyrannorum numero habuisse. Quare Hydatius

& Cassiodorus Senator in Chronicis scribunt Honorio mortuo *solum Theodosium Romanum Imperium annis XXVII tenuisse*, similiterque post Valentiniani cædem Marcianum. & in libro qui Notitia prouinciarum Imperij Romani inscribitur, quique Theodosio minore Principe editus est, Oriens Occidenti præponitur. præterea Iordanes principatum Seueri, qui iniussu Leonis Aug. Maioriano successit, *Tyrannidem Seueri* vocat, cumque III *Tyrannidis sue anno expleto* obisse ait: atque Glycerium ob eandem rem *Tyranni more* Imperium arripuisse dicit. Quasi verò non multo antè Valentinianus Aug. Valentem fratrem, & Gratianus Theodosium Imperatores fecerint, retinèroque sibi Occidente tamquam præstatori Reipublicæ membro Orienti præposuerint: aut quasi non ab vrbe Roma velut à capite in eas partes nominis Imperijque Romani sit diffusa maiestas. Quare Galla Placidia Aug. in litteris, quas ad Theodosium Aug. de posteriore Synodo Ephesi habita scribit, sic loquitur. *Decet nos huic maxima ciuitati, que domina est omnium ciuitatum tuarum, in omnibus reuerentiam seruare.* Omitto Occidentales Consules in Fastis & in legibus Imperatorum Occidentis Orientalibus præponi consueuisse. quòd scio (vt vel ex vno Marcellini Chronico cognoscitur) Orientales contrà Consulum suorum nomina Occidentalium Consulum nominibus anteposuisse.

cccc.
LVIII.

· Rauennæ, vbi Consulatum inierat, leges complures tulit Iulius Maiorianus, quem Victor Maioranum; Procopius & Euagrius Maiorinum appellant: & quidquid vsque ad Indictionem XI, id est vsque ad Consulatum suum reliquorum erat, prouincialibus remisit: ac sociis sibi ad bellum adscitis Bastarnis, Sueuis, Neuris, Hunnis, Gothis, Gipedibus Daciam Transdanubianam tum obtinentibus, Alanis, Rugis, Burgundionibus Sarmarica gente, reliquisque Barbaris Danubij & Tanais accolis, circa Idus Nouembres ex vrbe Rauenna profectus est. cui Alpes transgresso etiamtum Consuli sub finem anni Panegyricum dixit Apollinaris Sidonius, cum ex Gallia per Hispaniam in Africam transire, ac bellum

Vandalis inferre constituisset, clâssisque ad transportandum exercitum in mari Supero & Infero, nimirum Aquileiæ, Rauennæ, ac Miseni fieret. quare Cassiodorus Senator scribit Maiorianum Aug. Consulatu suo in Africam mouisse: vt appareat biennium in apparatu belli Vandalici esse consumtum. constat enim ex Hydatio & Mario Maiorianum ante annum quàm interficeretur, Magno & Apollonio Coss. profectum in Hispaniam, & ^{cccc. LX.} Africam petere parantem, mox captis ab Vandalis nauibus suis frustratum spe transmittendi, in Italiam reuertisse. Maiorianum hunc in Panegyrico carmine tradit Sidonius viri Illustris Comitibus sacrarum largitionum filium fuisse, intimi familiaris ac commilitonis Aëtij: auum maternum habuisse Maiorianum, qui initio principatus Theodosij maioris Magister militum per Illyricum fuit: sub Aëtio adolescentem militauisse: Cæsardunum Turonum à Gothis defendisse: in prælio, quod cum Chlodione Rege Francorum in Atrebatibus commissum est, fortiter fecisse: Ricimeremque Valiæ Regis ex filia nepotem contubernalem suum sibi familiari amicitia coniunxisse: ac post magnas res gestas ab Aëtio vxori inuidæ morem gerente in agrum patrium relegatum, deinde interfecto Aëtio à Valentiniano Aug. euocatum, tandem auctore ac adiutore Ricimere Imperatorem appellatum esse.

Leone, & Maioriano Augustis Coss. patre mortuo regnare in Gallia cœpit Childericus, à quibusdam Hildericus; ab aliis Hildricus dictus, filius successorque Merouei. quem Meroueam post Aëtij mortem prouinciæ Germaniæ primæ, ac Belgiæ secundæ bellum intulisse, vt Regni terminos promoueret, in Panegyrico socero dicto scribit Sidonius, Auitique Magistri militum metu in Franciam veterem trans Renum sese cum suis abdidiisse vult credi. ex quo intelligitur eum, cum antea Carbonariam siluam, Turnacum, Camaracum, & Samarobriam Ambianorum opidum ab Chlodione armis quæsitâ solus aut ex parte tenuisset: mortuo Aëtio occasione vsum Suminam flumen transisse, & intra triennium saltem vsque ad Sequanam pleraque occupauisse. Neque

enim Childericus paullo postquam in Regnum patrum, quo ob intemperantiam & ignaviam expulsus fuerat, est restitutus, circa Aurelianos fluménque Ligerim præliis cum Saxonibus potuisset confligere, si Regnum à patre Sumina flumine terminatum accepisset. Vetus Auctor Historiæ Francicæ Theoderici Regis æqualis, Rorico Monachus, Ado aliique Historici Childericum regnavisse scribunt XXIV annos, quibus biennium addit Sigebertus: quorum XXIV annorum pars sunt octo Childerici exilij regniæ Ægidij anni.

Præerat tum exercitui Gallicano Ægidius, quem ab Maioriano, paullo postquam Auito successerat, in Galliis Magistrum militum factum esse in libro II tradit Gregorius. Ricimer autem Patricius Magister militiæ erat eius, quam quod Imperatores circum se habere consueverant, Præsentem appellabant: ut docet lex Maioriani Aug. de Clericis per vim non ordinandis data v Kalendas April. Arelati Magno & Apollonio Coss. & ad *Ricimerum virum Illustrem Comitem, & Magistrum utriusque militia ac Patricium* missa. Præterea Euagrius atque Nicephorus Maiorianum ab Ricimere, quem τὸν Ρωμαίων Σενατορῆν, hoc est Magistrum militiæ vocant, dolo cæsum dicunt: ut appareat Ricimerem Patricium, postquam Maiorianus Imperator factus est, Magisterium militiæ, quo ei paullo antè cesserat, resumisse.

Ricimere & Patricio Coss. Iulius Valerius Maiorianus Aug. cum Theodorico Rege Vesigothorum, quem prælio superauerat, non tantum pacem, sed etiam belli societatem iniit, ac gentes, quæ Imperij R. fines attingebant, plerasque aut bello, aut missis legationibus sibi adiunxit. hanc pugnam, cuius Hydarius mentionem facit, inter Romanos & Vesigothos tum fuisse existimo, cum Ægidius Magister militiæ Gallicanæ Arelati obsessus, interclususque à suis, inuocato Martino ex vrbe eruptionem fecit, & hostibus fusis ac fugatis cum auxiliis sese coniunxit, eaque victoria Maioriano Principi securitatem, Galliæ pacem reddidit. ut scribit Gregorius in libro I virtutum Martini, securus Paullinum, cuius

versus in libro VI de vita Martini ad Perpetuum Episcopum digni sunt qui hîc legantur.

*Illustrem virtute virum, sed moribus almis
Plus clarum, magnûmque Fide, quâ celsior exstat,
Ægidum hostilis vallauerat agmine multo
Obsidio, obiectis qua mœnia sēpserat armis;
Auxilia excludens, & clausos viribus urgens:
Vt minus obsēsis faceret diuisio robur.
Nec iungi ad bellum socialia castra liceret.
Verum prasidio Domini deiecta fugantur
Mœllia, & egressum portis bipatentibus agmen
Restaurat solidas securo Principe vires.
Interea trepido vicinia mæsta pauore
Pallebat tanti Proceris discrimine, & omnis
Anxia pendebat populorum cura pauentum.
Dum se quisque putat similem perferre procellam:
Inque vno nutat, quidquid consistit in vno.
Haud alio penitusque ipso rerum ordine venit
Nuntius illam urbem tanta obsidione solutam,
Precipitem Rhodanum molli qua ponte subegit,
Et iunxit geminas connexo tramite ripas,
Vt siccum praberet iter, quod puppibus instat,
Desuper & presso nutans via pendet in amne.
Hanc quoque presenti sociatus Sancte patrono
Eripis.*

Socialia castra, forsitân auxilia Burgundionum; *Prasentem patronum* Paullinus Genesium ciuem & Martyrem Arelatensem; Martinum autem sicut sæpe alibi; simpliciter Sanctum, & Dominum appellat: quem Seuerus Sulpicius Dominum Martinum bis, & semel absolutè Dominum vocat, Gregorius in libri VIII Historiæ capite VI Dominum suum. Ex quo apparet morem fuisse plerisque Gallis Martinum honoris causâ eo nomine appellare.

Magno & Apollonio Coss. mense Maio Maiorianus cum maximo exercitu ingressus Hispaniam, in prouinciam Carthaginensem contendit: ex qua in Africam transire decreuerat bellum Vandalis illaturus. quos, tamquam parum esset tot ac tam opulentas Africæ prouincias nutrices populi Rom. occupauisse; maria obtinere,

vrbes portusque Siciliae & Italiae capere ac diripere indignabatur. qua re cognita Geisericus Vandalorum Rex pacem ab eo per legatos petit, irritusque spei Mauritaniam oppositam Hispaniae, per quam Maiorianum iter facere oportebat, omnem igne ferroque vastat: frumenta, & quidquid vsui esse potest, corrumpit: fontes veneno miscet, nudum solum relinquit. cumque ex transfugis cognouisset classem Romanam ad transportandos milites factam in Illicitano sinu iuxta Carthaginem Spartariam stare; celeriter inuectus in eum locum naues ferè trecentas, vt erant deligatae ad litus, & inanes, abducit. ita frustratus spe Africae recipiendae Maiorianus Aug. reuertit in Italiam, ac Geiserico per legatos pacem petenti dedit.

CCCC.
LX.

Eisdem Coss. IV Leonis imperij anno Æliam Eudociam Aug. Theodosij quondam coniugem in vrbe Ælia Hierosolymitanorum decessisse Nicephorus libro XIV prodit.

CCCC.
LXI.

Insequenti anno Seuerinus, & Dagalaifus Consules fuerunt. è quibus Seuerinus, *vir inter magnos Principum motus & inaequalem Reip. statum gratia semper aequalis*, Arelati Consulatum iniit, & ex more ludorum Circensium spectaculum edidit: atque vnà cum Magno Consulari, Camillo, Pæonio, Athenio, Gratianense, Sardonioque à Maioriano Aug. conuiuio adhibitus est.

CCCC.
LXI.

Eodem anno Imperatorem Maiorianum, cum ex Gallia rediret Romam, aut (si Iordani quàm Hydatio credere malumus) cum aduersus Alanos Galliam vastantes expeditionem suscepisset, Ricimer Patricius inuidia, & consiliis improborum impulsus apud Dertonam IV Nonas Aug. Imperio deiecit, & VII Idus Aug. ad flumen Iram vel Iriam, quod urbem eiusdem nominis attingit, fraude circumuentum per emissarios interfecit, cum, vt ait Iordanes, I V principatus annum transgressus non esset. Falsò enim sicut Victor Tununensis Episcopus, & Auctor, qui Chronico eius nonnulla inseruit, alter Olybrio & Rusticio Coss. alter Basilio & Viuiano Coss. Maiorianum occisum dicit: ita Euagrius ac Nicephorus non ampliùs biennio imperauisse eum scribunt. Procopius ab omnibus Historicis dissentit, Maiorianumque morbo

CCCC.
LXIV.
CCCC.
LXIII.

morbo interiisse tradit. Hunc aiunt militibus suis ob virtutem admirationi amorique, hostibus maximo terrore fuisse; equitandi, iaculandi, ac cæstu dimicandi peritissimum; patientem laboris & impigrum Ducem, adeo vt nullam rei bene gerendæ occasionem prætermitteret; liberalem; mitem; pium; & salua auctoritate multi ioci; denique dignum qui felicior esset: vt non immerito queratur Ennodius humili sepulcro (qualia sepulcra Tyrannis fieri consueuerant) conditum tanti Imperatoris corpus.

Interfecto Maioriano Ricimer Patricius Libium Seuerum natione Lucanum, cædis eius conscium, Rauennæ primùm ab militibus XIII Kal. Decemb. deinde Romæ a Senatu Imperatorem appellandum curauit: quem *in-*^{cccc.}
iussu Leonis Aug. locum Maioriani inuasisse, & Principatum Occidentis arripuisse Marcellinus & Iordanes dicunt. Quamobrem apud eundem Marcellinum in Fastis Orientalibus duorum insequentium annorum alter notatur Leone Aug. II solo Consule; alter Viuiano & Felice Coss. at in Fastis partium Occidentis editis ab Ioanne Cuspiniano, & apud Marium Auenticensem Episcopum in Chronico prior annus notatur Leone II & Seuerus Coss. posterior Basilio, & Viuiano Coss. vt appareat Leonem Aug. qui senior, ac Macelles appellatus est, Occidentales Consules, nimirum Seuerum ipsum, & Cæcinam Basilium ex Præfecto Prætorij & Patricio ab eo Consulem factum in Fastos referri vetuisse. biennio quidem paria Consulum, duo Rusticum & Olybrium, Hermenericum & Basiliscum, Leo in Oriente; nullum in Occidentis tractibus Consulem Seuerus designauit. Quamquam videtur Seuerus postea legationibus Leonem ambiisse, ac sibi placuisse, non tam quod duabus legibus datis Romæ, & ad Basilium Præfectum Prætorij ac Patricium missis eius nomen præfigit, ac præponit suo: (quippe & Marcianus initio principatus per menses circiter XX nomen Valentiniani Aug. a quo nondum in collégium Imperij receptus erat, nihilominus legibus suis adscripsit) quàm quod ab Leone auxilium contra Vandalos expetiuit. Nam, vt auctor est Priscus Pa-

nopolites, Romani Occidentales, hoc est Itali & Seuerus Aug. post Maioriani Principis mortem legatos ad Leonem seniore[m] misere, classem, aut vt Vandalos ipsis placaret, petentes. quorum precibus motus Leo naues quidem negauit dare se posse, propterea quòd pacem cum Geiserico fecisset: sed Phylarchum quemdam ad eum misit rogatum, vt Ital[is] bellum inferre desineret. cui Geisericus respondit non priùs se arma depositurum, quàm Valentiniani & Aëtij bona ab ipsis accepisset, & mox Vandalos, ac Mauros repentinis incursionibus atque latrociniis omnibus litoribus timendos, in Italiam ac Siciliam immisit. Quamobrem Leo Aug. fatigatus altera legatione Italorum, negantium nisi Geiserico placato stare rem Italam posse, Tatianum tum Patricium, ac non multo pòst Consulem futurum, oratorem ad eum misit, qui suaderet, vt vastatione Ital[ie] & Siciliae absisteret, Reginasque captiuas dimitteret. Ricimer quoque eidem denuntiavit pacis cum Diuo Maioriano factae meminisset, neu foedus paullo antè iunctum sine causa rumperet. Quæ legationes etsi apud Barbarum nullius momenti fuerunt, indicant tamen Leonem Aug. Seueri Principi, cuius Imperij tantam ageret curam, inimicum tum esse non potuisse. Ceterum Hydatius in Chronicò scribit Eudoxiam Aug. coniugem Placidi Valentiniani, & Placidiam minorem eius filiam secundo imperij Seueri anno ab Geiserico, datâ priùs in matrimonium filio suo Eudociâ natu maiore, Constantinopolim remissas esse: & Procopius in belli Vandalici libro Iambas ad Leonem Aug. à Geiserico missas tradit. Quo minùs assentiri possum Euagrio atque Nicephoro, qui dicunt Eudoxiam & Placidiam Reginas cum cultu comitatûque regio Constantinopolim remissas ab Geiserico Rege Vandalorum, vt Imperatori Marciano satisfaceret indignantem urbem Romam incensam, easque Carthaginem abductas esse: & mox Marciani iussu Placidiam Eudoxiae filiam Olybrio nupsisse.

cccc-
LXIII.



HADRIANI VALESI

RERVM FRANCICARVM

LIBER QVINTVS.



IN Occidentis tractibus, potentiâ
Barbarorum magis magisque incre-
scente, vires Romanorum in dies mi-
nuebantur: & tamquam Imperium
sua infirmitate ac veluti senectute sa-
tis citò occasurum non esset, ciuiles
dissensiones atque discordiæ inter-
tum eius maturabant. id indicat su-
pradiâta mors Maioriani ab Ricimere insidiis oppressi,
viri, cui ad tuendam augendâque Remp. nihil præter
fidem amicorum defuit: id ipsum indicat & factum A-
grippini, eius, qui in gratiâ Anniani noui Aureliatorum
Episcopi vinctos omnes variorum criminum reos. solui
iussisse dicitur: & ad quem Euphronius Augustodunen-
sis Episcopus de quibusdam in cælo animaduersis sub Ac-
tilæ ingressum in Galliam epistolam misit. quippe anno
Leonis Principis VI, Seueri I, magis quàm vt ait Hydatius
II, Leone II & Seuerico Coss. Agrippinus Comes, natione
Gallus, Ægidio viro insigni Magistro militiæ Gallicanæ
inimicus, cum intelligeret ad eum palam oppugnandum
opes sibi deesse, dispendio Reip. vires adquirere suis par-

cccc
li.

cccc.
li.

cccc.
lxii.

cccc
li.

tibus statuit: atque vt externis auxiliis iuuaretur, Narbonem Martium circa XLIV annos instar firmissimi muri Vesigothis oppositum, quem Constantius Ataulfo eripuerat, & Aëtius per Litorium obsidione Theodorici maioris liberauerat, in potestatem Theodorici minoris eius filij tradidit. vnde ille postea quasi conuulsis repagulis decurrens vsque ad Rhodanum imperium protulit: cùm iam post victum Rechiarium Regem Sueuorum occupatis opidis Hispaniæ, Bracarâ, Emeritâ, Asturicâ, Pallantiâ, & Scalabi ab Occidente Regnum Ana flumine terminauisset. Hic est Ægidius, quem veteres nostri Historici modò *Ducem*, modò *Principem*, modò etiam *Regem Romanorum* in Gallia habitantium; modò *militem Imperatoris*; nonnumquam *Regem militia Romanae*, hoc est rectorem exercitus; Aimoinus & Iuo *Patricium* appellant, & in Childerici Regis locum à Francis suffectum esse dicunt. hunc virum natum esse in Gallia Occidentali scribit Priscus, atque maximas circum se copias habuisse, & mortem Maioriani, cuius Comes, ac bellorum commilito fuerat, ulturum fuisse, nisi à bello Italis, hoc est Seuero & Ricimeri cædis auctoribus, inferendo propior eum hostis in semet auertisset. quippe de finitima regione, nimirû Aruernia, aut Armorica, inter eum ac Gothos in Gallia sedem habentes ortam esse contentionem, aduersus quos fortiter bellum gesserit, maximâque res egerit. Vbi notandum est apud Priscû vitio exemplarium Νικισίου nomen pro Αἰγιδίου legi. Cerrè Fridericus frater Theodorici Regis Gothorum, quem alius Frediricum, alius Fretiricum, alius Fridaricum appellat; & quem Hilarus Papa in epistola ad Leontium Arelatensem Episcopum data Domino Sueuro Aug. Cos. *Magnificum virum filium suum* vocat; apud Hydatium anno Leonis Principis VI cum copiis intrauisset prouinciam Armoricam dicitur, & ab Ægidio *Comite vtriusque militiae*, hoc est Magistro equitum & peditum, optimo viro piissimôque fusus acie, ac cæsus esse. cuius prælij mentionem quoque facit Marius in Chronico, sed in notatione temporis ab Hydatio dissentit. scribit enim Basilio & Viuiano, vel Vibiano Cos. qui est

cccc.
LXII.

cccc.
LXIII.

VII imperij Leonis annus, inter Ægidium & Gothos pugnam fuisse circa Aurelianos in medio inter Ligerim & Ligericinū, hoc est Ligerittum flumen campo, ibique Fridericum Regem Gothorum (sic eum falsò tamen appellat) interfectum. Armoricos autem ab Vesigothis flumen Liger diuidebat: & tractui Armoricani limitis vt prouincia Lugdunensis secunda, ac tertia, ita & Senonia, cuius vrbs Aureliani erant, adscribebatur. quemadmodum inuenio in Notitia prouinciarum Imperij Romani. Eodem bello, quod Theodoricus Rex pacis cum Diuo Maioriano factæ immemor ciebat, Narbo Martius ab Agrippino, vt diximus, proditus; & Caino ab Ægidio oblectus est. quippe apud Gregorium in libro de Gloria sanctorum Confessorum inuenio Cainonem castrum Turonum, quod præsidio Gothico tenebatur, ab Ægidio oppugnatum: cùmque castellani & agrestes eodem compulsi aquâ fluminis Vigennæ prohiberentur; nec obstructo puteo, qui in latere montis fossus erat, aquari ampliùs possent; precibus Maximi Abbatis Martini discipuli à Deo impetratam pluuiam, & Romanos fragore nubium ac fulguribus in fugam coniectos esse: ita solutam obsidionem, castrumque seruatum.

Paullinus in libro VI virtutum Martini ad Perpetuum Episcopum Turonicæ Ecclesiæ, Ægidium Procerem virtute animi magnum, sed probitate & Fide maiorem, in quo vno omnia Galli reponerent, appellat; ac scribens se vixisse indicat. Perpetuus autem Concilio Turonico primo interfuit, & subscripsit Seuerino V. C. Consule ^{cccc. lxi.} XI V Kal. Decembres, pridie quàm Seuerus Imperator appellaretur: ita ut Episcopatum inire non potuerit post Martini mortem, id est (vti putat Gregorius) post Attici & Cæsarij Consulatum anno LX V, Basilio & Viuiano Coss. Versus Paullini tametsi suprà positos iterum huic ^{cccc. lxiij.} loco inferere conuenit.

*Ilustrem virtute virum, sed moribus almis
Plus clarum, magnūque Fide, qua celsior exstat,
Ægidium hostilis vallauerat agmine multo
Obsidio, obiectis qua mania sēpserat armis.*

Hydatius in Chronico tradit VII imperij Leonis, III

ordinatum consecratumque esse, ut appareat Seuero imperante vno eodémque tempore Ægidium Gallum, & Gundiuem Regem Burgundionum ambos in Gallia Magistros militiæ fuisse, alterum à Maioriano factum, alterum forsitan priori oppositum ab Seuero, nimirum Gundiuem, qui cum Hilario de eiusmodi rebus scripserit, & tantam pacis Ecclesiæ curam egerit, non Ariarum; sed Catholicarum partium fuisse videri potest.

Ex supradictis facillè intelligitur Ægidium Rusticio & Olybrio Coss. septimo Magisterij militum anno decessisse: si verum est, quod ait Gregorius, ubi Maiorianus Augustus consalutatus est, mox Ægidium *Romanum*, hoc est Gallum, *missum à Republica*, nimirum ab Imperatore capite Reip. & *Gallia Magistrum militum datum esse*: & quod Hydatius scribit III imperij Seueri anno eundem obisse. Dissentit ab Hydatio Gregorius, Ægidiumque Anthemij principatu excessisse è vita indicat. quippe eius morti coniunctim subtexit Gothorum aduersus Britannos pugnam, atque victoriam, quos Britannos Anthemio Principe in finibus Biturigum pullos ab Vesigothis acie infra dicemus. Dissentit ab Hydatio etiam Sigebertus, qui anno demum Childerici Regis XXIV, post Consulatum Rusticij & Olybrij XVII regnante in Italia Odoacre Ægidium mortuum parum tamen verisimiliter tradit: siquidem Childericum IV regni anno expulsus, & in eius locum Ægidium ab Francis suffectum VIII annos regnauisse, ac post reditum Childerici anno XII decessisse ait. Cum autem eodem anno, nimirum Leone & Maioriano Coss. Childericus regnare in Gallia, & Ægidius exercitui Gallicano præesse occæperint, nec simile veri sit Childericum ipso initio seu primo anno regni sui pulsum fuisse, constatque eum octauo exsilij anno reuocatum reuertisse, & multa cum Ægidio proelia commisisse: apparet diutius Ægidium vixisse, quàm Hydatio videatur; nec nisi Anthemij principatu decessisse.

Ceterum de Childerico, Ægidioque Historici nostri Gregorius, Fredegarius Scholasticus, Aimoinus, Roricóque sic scribunt: Childericum Merouei filium libidino-

CCCC-
LXIV.CCCC-
LXXXI.CCCC-
LVIII.

sum & intemperantem, quòd ætati suæ indulgens nobiles matronas virginésque ad stuprum raperet, à Francis Regno pulsum, & ad necem conquistum, consilio Wiomadi perfidelis amici, declinandi periculi causâ exsulatum abire statuisse: & cum Wiomado, quem aliqui Widiomarum, alij Winomadum vocant, nummum aureum diuississe, monitum ut si quando alteram nummi eius partem accepisset, confidenter domum rediret: tuta enim omnia reuertenti; & Francos placatos ac morigeros fore. ita in Toringiam fugisse, & apud Bisinuin Toringorum Regem latuisse: vbi velut oblitus amissi ob libidinem Regni Bafinam Reginam, mulierem eximia pulchritudine, adulterio cognouerit. interea Ægidium, Magistrum militum Romanorum in Galliis constitutorum, cui Imperator Galliarum tutelam delegauerat, à Francis vna voce Regem salutatum esse, & instinctu Wiomadi, quo consiliario plurimum utebatur, simulata hominis amicitia deceptus, Francos talium onerum insolentes grauissimis tributis oppressisse, in capita singula tres aureos imponendo: centum quoque Optimates manu promptos, qui Childerici restitutioni maximè aduersaturi videbantur, ad infringendos gentis spiritus interemisse. tum Wiomadum arrepto tempore intulisse se in circulos popularium fortunam suam complorantium, castigantem fletus, quos sibi ipsi conciuissent. quo enim furore impulsos fuisse, ut cui externum per interpretem audiendum, eumque nationis Francis semper infestæ; humanissimo Regi dominum crudelem, superbum, & avarum; honestæ denique libertati turpissimam seruitutem anteferrent: & quod antea ne victis quidem vmquam contigisset, vltro victores se suaque omnia in hostis ditionem dederent: ideòne Childericum optimi Principis bonum filium, quia ætate frui volebat, ferri non potuisse, ut Ægidio, Imperatoris militi, quidquid liberet, facere liceret? & nunc illum, qui precariò, & alieno beneficio regnet, ad acerbissimas nouorum tributorum exactiones cædem Nobilitatis adiungere, quanto humilioribus infirmioribusque; tanto obsequentioribus Francis vsurum: Childericum Regno patrio

patrio spoliatum in exsilio & egestate confenescere. Sed quoniam hæc fato quodam accidissent, dandā omnibus operam, si viri essent, vt alterius reuocatione, expulsionē alterius emendarentur. quippe nec de Ægidio quidquam nisi nefarium, & antefactis respondens sperari oportere: nec dubitandum, quin Childericum res aduersæ sapientiores fecissent, cuius vnā cum ætate animus iam maturuisset, ac cupiditates deferbuissent. Assentientibus cunctis, & poenitentiam culpæ approbantibus, sed vbi Rex esset scire se negantibus; Wiomadum preces popularium suorum cum dimidiata parte aurei nummi, vt conuenerat, clam per nuntios ad Childericum perferendas curauisse, reuertentique in Galliam comitatum Proceribus Francorum apud castrum Barrum occurrisse, & Barrensis, quod primi Regem receperant, tributi remittendi auctorem fuisse, atque ex eo potestatis consortem egisse, adeo vt *regnasse simul* ambo à Gregorio dicantur. at Ægidium post octo annos quā regnare cœperat, expulsum à Francis, ac (si Aimoino credimus) acie victum ab Childerico & Wiomado, Regno decedere coactum esse. Basinam vero Reginam Toringorum, audito in Regnum & in gratiam cum Francis rediisse Childericum, quem amanti absentia, & fortunæ mutatio desiderabiliorem faciebat; relicto viro ad eum venisse, interrogantique tam longi itineris causam respondisse ob fortitudinem dignitatēque formæ conditionem Childerici sibi meliorem visam: si quem alium vsquam gentium sapientia & virtute præstantiorem nosset, ex eo liberos quæsituram fuisse. delectatum responso Childericum Basinam secum connubio iunxisse, Chlodouicumque genuisse, & multa proelia atque ea secunda cum Ægidio commisisse, qui paullo post amissam Coloniam Agrippinam, & Augustam Treuironum obierit.

Rusticio & Olybrio Coss. pars Alanorum eorum, qui post Attilæ mortem ab Hunnorum imperio defece-
rant, aliquamdiu vagata & sedes quærens, transscensis
Alpibus Iuliis erupit in Italiam, atque apud Bergomum
antea Italiæ Transpadanæ; tum Venetiæ opidum, sub

radicibus montis VIII Idus Februar. à Ricimere Patri-
cio proelio fusa est: & Rex Beorgor, quem quidam Beur-
gum, alij Biorgum appellant, cum exercitu cæsus est :
vt Auctor Chronici à Cuspiniano editi, Marcellinusque,
& Cassiodorus Senator scribunt. Ex quo apparet falli Ior-
danem, ac Sigebertum : è quibus Sigebertus Maioriani
principatu hanc victoriam de Alanis Ricimeri contigisse
tradit; Iordanes Anthemio imperante. Vbi & notare con-
uenit Ricimerem magno errore à Marcellino Regē dici.

CCCC-
LXV.

Hermenerico & Basilisco Coss. Seuerus Aug. IV im-
perij annum agens, X V III Kal. Septemb. Romæ in Pa-
latiodecessit : quem sua morte defunctū, præter Paullum
Langobardum, Apollinaris Sidonius in Panegyrico An-
themio Aug. iterum Consuli dicto indicat his verbis :

Auxerat Augustus natura lege Seuerus

Dinorum numerum.

Contrà Cassiodorus Senator in Chronico fraude Rici-
meris veneno necatum dicit. Imperauit Seuerus annos
III, menses VIII, dies XXVII, quorum mensum ra-
tione non habita Iordanes eum tertio imperij sui anno
expleto obiisse ait ; Euagrius triennio imperauisse.

Interregnum deinde per biennium fuit. cui occa-
sioni defuisse Francos non arbitror. tamen scribit Si-
donius Ricimerem Interregem Ostrogothis tum cul-
toribus Pannoniæ, Francisque accolis Reni adedò ter-
rori fuisse, vt alteri Noricum ; alteri Galliam tentare
non auderent.

Noricus Ostrogothum quod continet, iste timetur :

Gallia quod Reni Martem ligat, iste pauidi est.

CCCC-
LXVII.

Pulæo tandem & Ioanne Coss. cū Vandali quotannis
initio veris in Italiam venire soliti ab Italis timerentur :
Senatus populūque Romanus auctore Ricimere lega-
tos ad Leonem Aug. misit, qui peterent, vt Anthe-
mium clarum genere atque opibus Senatorem ipsis
Principem, eiusque filiam Ricimeri Patricio nuptum
daret. Anthemius natus erat Constantinopoli patre
Procopio Magistro militiæ per Orientem, atque Patri-
cio ; Anthemij, qui Consul, Præfectus Prætorij, & Pa-
tricius fuit, genero : ac Marciani Aug. vnicam filiam

nomine Euphemiam adolescens duxerat vxorem, atque ab focero primùm Comes, deinde Magister vtriusque militiæ, ac Patricius, mox & collega Valentiniani VIII^{cccc.} Consulis factus fuerat. idem ab Imp. Leone successore^{lv.} Marciani missus cum copiis in Illyricum, quod Valamer, Theodemer, & Widemer Ostrogothorum Reges depopulabantur, ibi ita se gessit, vt præsidio provinciis; hostibus terrori fuerit: cūque Sarmatæ duce Babai vel Babaz Regulo per adstrictum glacie Danubium in superiorem Mœsiam erupissent, occupatōque Singiduno finitiuam Mœsiæ omnem Daciam mediterraneam incursione vastarent, apud Serdicam cum eis pugnauit, & Camundi Ducis collegæ sui fuga perturbatos milites confirmauit, præliumque restituit, ac repressos Barbaros eade Camundi proditoris, qui re male gesta ad ipsos transfugerat, pacem Leonis iussu redimere. Igitur Anthemium Leo Aug. nominatim exposcentibus Italissimis Comitibus, cūque magno exercitu in Italiam misit. quare in lege de bonis vacantibus Leo Aug. ait Deum, & se, cui totius mundi regimen commisit diuina Prouidentia, Anthemio plenam imperij potestatem detulisse. Auctor libri de publicis ædificiis Constantinopolis scribit Anthemium, antequam in Occidentem proficisceretur, ea in vrbe ex domo sua Ecclesiam fecisse, & locum curandis senibus dedicatum; balneāsque extruxisse. eundemque Theophanes & Nicephorus piissimum, ac Christianissimum fuisse dicunt. Quominus assentiri possum Damascio de vita Isidori Philosophi, apud quem inuenio Anthemium priuatum clām idola coluisse, & (vt antè Eugenius Tyrannus; & Eucherius Stiliconis filius; ac postea in Oriente Zeno Aug. facere voluisse dicuntur) reuocandæ idololatriæ occulta consilia iniisse cum Seuero Patricio, idem sentiente, & arti magicæ dedito, quem postea securum se in Italiam Imperator Consulem designauerit.

Postquam Anthemius classe peruenit in Italiam, ab exercitu Italico, qui cum Ricimere Patricio erat, ad octauum milliarium ab vrbe Roma mensē Augusto Au-

*et cum Hannib. Duce
Horm. Dac. per adstrictum
glacie Danubium Daciam
mediterraneam incursisse
apud Serdicam pugnauit
victorque Babaz ad Ba-
lloga sui Praefecti equitem
qui re male gesta ad ipsos
transfugerat, pacem Leonis
iussu redimere.*

^{cccc.}
^{lxvii.}

CCCC-
LXVII.

gustus appellatus est: vt ait Hydatius in Chronico, qui eum falsò pro filio Procopij fratrem vocat, atque nulla diuturni interregni ratione habitâ (sicuti & Sigebertus facit) eo ipso anno, quo Seuerus Princeps decesserat, Imperatorem consalutatatum dicit. Apud Auctorem Chronici ab Cuspiniano editi, & in Chronico Græco, quod Alexandrinum appellant, inuenio Anthemium Romæ pridie Idus April. Puszo & Ioanne Coss. Imperium recepisse. Marcellinus, Cassiodorus Senator, Victor, & Marius Auenticensis Episcopus de anno consentiunt. è quibus Senator Anthemium ad tertium lapidem ab Vrbe in loco Brontota Imperatorem appellatum ait. Adiicit Auctor Chronici Alexandrini imaginem Anthemij per Ferentium Præfectum Urbis Constantinopolim ex more introlatam esse, ei que Senatuum populûmque cum ture & cereis occurrisse. Non fuit immemor collati sibi à Leone Imperij Anthemius. nam (vt leges eius duæ docent ad Lupercianum Præf. Præt. missæ) leges Leonis, quem *Dominum, & patrem suum, Principem sacratissimum* vocat, sæpe confirmauit, eundemque multis de rebus non raro consuluit: & inuicem Leo Anthemium *pium, ac triumphatorem, semper Augustum, filium suum serenissimum Principem* appellat, legibusque, quas tum tulit, eius nomen præfigit, ac coniungit suo.

CCCC-
LVII.

Sub finem anni Anthemius Aug. spe publicæ securitatis filiam virginem in matrimonium dedit Ricimeri, quem anno Anthemij Principis tertio generum Imperatoris, & Patricium factum falsò tradit Hydatius. cùm (vt suprâ indicauimus) Constantino & Rufo Coss. Patricia dignitate honoratus fuerit: & Sidonius, qui tum Romæ erat, in libri I epistola IX scribat post factas filiæ nuptias Anthemium proximis Kalendis Ianuariis secundum Consulatum iniisse. Sed non possum non mirari Sauaronem, & quosdam alios, qui cùm apud Gregorium legissent Theodomerem Regem Francorum, filium Richimeris cum Ascila matre sua interfectum; Richimerem hunc, qui natione Francus, & pater Regis Francorum fuit, Ricimerem de quo nunc

loquor, hominem paterno genere Sueuum, materno Gothum; & Afcilam, feminam vt nomine sic gente Barbaram, Anthemij Aug. filiam, vxoremque eius fuisse putauerunt.

Eodem tempore Aruandus, qui Præfectus Prætorij Galliarum bis fuerat, Romam in custodiam abductus; & à legatis prouinciæ Galliæ Tonantio, Ferreolo Afranij Syagrii Consulis nepote, Thaumasto, & Petronio publico nomine accusatus maiestatis; atque Senatusconsulto damnatus est, & bona eius publicata. propterea quod per epistolam, quæ intercepta fuerat, Gothorum Regi suaserat, vt Græco Imperatori, (ita Anthemium appellabat accitum ex Græcia) & *Britannis super Ligerim* bellum inferret, & cum Burgundionibus iure gentium Gallias diuideret. quemadmodum scribit Sidonius in libri I epistola VII. Hic apud Senatorem in Chronici vetere editione Arabundus, pro Arbando, & in recentiore Ardaburius vocatur; apud Paullum Langobardum & Sigebertum pro Eruando Seruandus. Videtur autem Anthemius poenam capitis Aruando remississe motus precibus Sidonij & Auxanij eius amicorum, atque exsilio fuisse contentus. etsi enim Sigebertus Aruandum ob affectatum Imperium anno Anthemij Principis secundo necatum scribit: tamen ceteri, in primis Senator, Marciano & Zenone Coss. ob hæc ipsa relegatum dicunt. quamquam ex Sidonij verbis intelligitur Aruandum non affectatæ purpuræ, sed litterarum ad Gothorum Regem missarum accusatum, & ante secundum Consulatam Anthemij, hoc est Pusæo & Ioanne Coss. circa finem anni esse damnatum. cccc.
LXIX.

In Chronico Marij Auenticensis Episcopi inuenio Theodoricum Regem Gothorum, interemtorem Thorismodi fratris sui, supradictis Pusæo & Ioanne Coss. ab Eurico fratre Tolosæ interfectum: quem Auctor, qui Chronico Victoris nonnulla de rebus Gothicis inseruit, anno antè Leone Aug. III & Tatiano Coss. iugulatum prodit. Euricum autem Marius Euthoricum vocat; Sidonius in libri VIII epistola IX pro Eudorico Theodoricum mendosè, & in libri VII epistola VI Euarigem; cccc.
LXVII.

CCCC.
LXVIII

alij Eoricum, & Euarigem appellant.

Insequenti anno Anthemio Aug. Romæ secundum Consulatum ineunti Apollinaris Sidonius Panegyricum dixit, ab eoque præfecturam Urbis, & Patriciæ dignitatis gradum obtinuit.

Eodem anno Leo Aug. multis de causis bellum Vandalis inferre constituit: primùm quòd Afros grauissimis tributis oppressos; dirutos Africæ urbium muros; agros prouincialium à Rege Vandalis datos; Episcopos sedibus expullos; spoliatas Ecclesias; multos propter constantem Catholicæ fidei professionem necatos, multos relegatos dolebat: tum etiam maximè quòd Geisericus ab eo per Phylarchum legatum certior factus Anthemium Imperatorem creatum esse, & sub belli denuntiatione iussus Italiam ac Imperium dimittere, recusauerat. affirmans Romanos Occidentales fœdera rupisse. Accedebat, quòd cùm Geisericus in dies vires augeret suas; timendum erat, ne vt Africæ prouincijs ad Imperium Occidentis pertinentes occupauerat, ita finitimæ Libyæ ac Ægypto Orientalis Reip. membris manum iniiceret. Quamobrem Leo Princeps Basiliscû Consulare Verinæ Aug. coniugis suæ fratrem, impium hominem atque Eutychianum cum mille & centum nauium classe in Africam aduersus Vandalos mittit. cui proficiscenti Aspar & Ardabures Ariani Imperium promississe dicuntur, si Geisericus Ariano & ipsi, Arianæque gentis Regi exercitum prodidisset, & de se victoriam dedisset, aut saltem bellum traxisset. Orientalibus Basilisco duce delatis in Siciliam, atque inde breui & commodo traiectu in Africam transiituri accepta fide iunxit se magna cum manu Marcellinus Patricius Occidentis, Marcellianus Procopio dictus, moxque ab eisdem contra religionem iurisiurandi dolo confossus est. cuius de eadē vbi Geisericus cognouit, lætus velut iam exploratâ victoriâ affirmavit Romanos sinistra sibi manu dextram amputauisse. Hic autem Marcellinus Patricius, & Iulij Nepotis, qui postea imperauit, auunculus dicitur idola coluisse, & Sallustio Cynico similiter idololatre familiarissimè vsus esse,

vir alioqui pace bellóque optimus , diuinationis bene peritus , & Romanis disciplinis eruditus. idem post occisum Aëtium amicum suum , metu similis exitus ad Valentinianum Principem venire recusauit , coactaque magna manu Scytharum Dalmatiam Illyrici Occidentalis prouinciam occupauit , ac ita in potestate habuit , vt sui iuris esset , nec vlli Imperatori , aut Barbararum gentium Regi pareret. transiit deinde in Siciliam , Vandalosque fusos ac fugatos ex insula expulit. rogatusque ab Romanis Occidentalibus Leo Cæsar per Phylarchum quemdam legatum ei persuasit , ne , quod auctis copiis facturus putabatur , popularibus suis nefarium bellum inferret. Haud multo post Marcellinus sponte , aut (sicut scribit Procopius) rogatu Leonis Augusti potius quàm (vti ait Hydatius) missu Anthemij Sardiniam Vandalis breui ac facile eripuit , & se Orientalibus auxilij gratiâ iunxit , atque impulsore Ricimere , qui militum partem maiorem ab eo ad se pecuniâ traduxerat , mense Augusto interfectus est. apparuitque breui Geisericum , cognita tanti viri cæde , non sine causa victoriam sperauisse. quippe Basiliscus cum Africam petiisset , & fuis apud Tripolim Vandalis , captaque ea vrbe Carthaginem Magnam à mari oppugnare cœpisset , clàm collocutus cum Geisericis supradictam urbem antè Barbaro pecuniâ vendidit , quàm in Romanorum potestatem redegisset , exercitumque , vt inter ambos conuenerat , prodidit ac perdidit. Itaque intempesta nocte à Vandalis naues ad vnam omnes incensæ sunt , vehementi vento extemplò ignem spargente , ac per totam classem latè effundente : milites semisomnes partim flammis , partim gurgitibus hausti ; partim contis remisque confecti. Basiliscus ipse ægrè cum paucis euasit , regressusque Constantinopolim in Ecclesiam Magnam confugit , atque Verinæ Aug. sorori donatus , & Heracleam Thraciæ , quam veteres Perinthum dixerunt , à Leone missus , breuique reuocatus est : atque , vt ex Prisco intelligitur , mox pace facta Eudoxia & Placidia Constantinopolim redierunt. Procopius in libro I belli Vandalici tradit , post victos Vandalos occu-

patâmque Tripolim seu Neapolim, bellum facilè confici & Carthaginem expugnari potuisse, si Romani eò protinus contendissent: sed factum lentitudine aut ignavia Basilisci ad promontorium Mercurij tempus terentis, aut certè prodizione eius, vti occasio victoriæ dimitteretur, & vt v dierum indutiæ Geiserico ad deliberandum darentur, aut auro venderentur, intra quod tempus Barbarus classem instruxerit.

Hic fuit euentus nouissimæ Romanorû aduersus Vandalos expeditionis, quam anno Anthemij Principis tertio factam falsò ait Hydatius. neque quidquid dicat Cedrenus; Leo postea, aut vllus alius Geisericum bello laceßere ausus est. Quem ego virum fortiorem, an fortunatiorem dicam nescio. nam cùm non (vt prodit Senator) ab Gothis exclusus Hispaniâ, sed accitus ex Bætica à Bonifatio, initio regni cû Vandalis omnibus & Alanis Hierio & Ardabure Coss. mense Maio in Africam transmisset; eundem accepta à Placidia Aug. fide & magno exercitu missum aduersus se, iunctumque Aspati Orientalium copiarum Duci vicit acie Aëtio & Valerio Coss. maximamque multitudinem Romanorum, in primis Marcianum Asparis Domesticum, qui postea in Oriente imperauit, cepit: reliquos in fugam coniecit. Quamobrem Placidus Valentinianus in quarto Consulatu suo per Trygetium legatum pace necessaria magis quàm vtili compositâ, partem ei Africæ condonauit. cùmque paullo pòst Barbarus rupto fœdere piraticam exercuisset, & multas insulas, præcipuè Siciliam vastauisset, Carthaginémque cum omni Africa dolo captam diripuisset, Carthaginensibus Senatoribus nudis in Italiam transire compulsis, nec iam Imperium Occidentis modò, verùm etiam Orientem latrociniis infestaret: iterum Theodosius Aug. Cyro Consule Ariobindum, vel Areobindam natione Gothum, Patricium & Consularem, Anaxilam, & Germanum Duces cum CIOCLXX nauium classe aduersus eum misit: qui Siciliam petiere, & longis cunctationibus insulæ magis oneri, quàm Africæ auxilio fuere. siquidem insequenti anno Dioscoro & Eudoxio Coss. Attila vel forte, vel Geiserici ipsius

cccc.
xxvii.cccc.
xxxii.cccc.
xxxv.cccc.
xli.cccc.
xlii.

ipſius bellum à ſe auertere cupientis impulſu, Thracias & Illyricum depopulante, coactus eſt Theodoſius exercitum morantem adhuc in Sicilia ad tutelam prouinciarum ſuarum celeriter reuocare, pacemque cum Geiſerico inire. imitatus quoque ſocerum Valentinianus ſtatim pace facta cum eo Africam Occidentalem diuiſit, Byzacium, Tripolim, & prouinciam Proconſularem Barbaro cedens, retentâ Mauritanîâ Sitifenſi, Mauritanîa Cæſarienſi, atque Numidia, & quæ pars Mauritanîæ veteris fuerat, ſed Hiſpaniæ prouinciis annumerabatur, Tingitania: quæ I V prouinciæ poſt Valentiniani mortem vnâ cum Sardinia, Maiorica, Minorica, Ebuſo, aliſque mediterranei maris inſulis à Vandalis ſunt occupatæ. Pace facta Geiſericus Byzacenâ, Abaritanâ, Gætuliâ, & parte Numidiæ ſibi reſeruatis; Zeugitanam & Proconſularem prouinciam exercitui diuiſit. Quis deinde Maioriani Principis, quis poſtremo Baſiliſci ab Leone Aug. miſſi expeditionis Africanæ exitus fuiſſet, & quæ Placido Valentiniano mortuo à Vandalis geſta eſſet, narrauimus. ex quibus intelligitur Geiſerico ad vincendos Romanos nec virtutem vniquam, nec fortunam deſuiſſe: qui, quod Alaricus, Ataulfus, & Attila Reges facere voluerant, fortiter felicitèrque perfecit, ac poſt euerſum demum Imperium Occidentis voti compos obietit. Geiſericus autem Godigifeli Regis partis Vandalorum ex concubina filius, Gunderici frater minor natus, atque ſucceſſor, dicitur ex equi caſu claudicauiſſe; ſtaturâ fuiſſe modicâ; ſermone raro; magna ad ſimulandum altitudine ingenij; continens; exſomnis; iracundus; ſæuus; auarus; callidus; inter quietas gentes bella, inter concordēs odia ſerendi ſcientiſſimus; ſemper expedita claſſe, & exercitu, quem alere conſueuerat, ad nauigandum parato hoſtibus timendus; rebus ſecundis ſuperbus & ferox, nec ſine cauſa, quippe qui toties repellens bellum, aut inferens, nunquam niſi fortè leuibus proeliis abſens ſuperatus ſit. cum Attila non ſolùm eo validior, ſed etiam omnium ætatis ſuæ Imperatorum ac Regum potentiſſimus, pæne exitiabilem in Gallia cladem acceperit: quem tamen

adeò magis quàm Geisericum videntur metuisse Romanì , numquam vt armati eius Regnum ingredi sint ausi. Geiserico successit Hunericus natu maximus filius; Hunerico Gunthamundus; huic Thrasamundus non minùs Geiserico & Hunerico in Catholicos sæuus: post Thrasamundum Hildericus, Hunerici ex Eudocia Regina filius regnavit. eo in custodiam dato, ac post interemto Regnum Gelimer Geiserici adnepos occupavit: quo per Belisarium Magistrum militum ac Patri-
cium acie pulso, atque in deditionem accepto, Iustinianus Aug. omnem Africam Imperio Romano restituit. vti Iordanes, Victor, Procopius, & Isidorus scribunt. Hoc notandum duxi, quòd Gregorius in Historiæ libro II nescio quem Auctorem secutus omisso Geiserico, atque Gunthamundo, Reges Vandalorum quinque tantùm, ac ne ordine quidem enumerat, nimirum Gun-
dericum, Trasimundum, (ita appellat) Honoricum, Childericum, ac Gelesimirum, hoc est Gelimerem: scribitque post Gundericum, quo duce Vandali vastatis Gallijs in Hispanijs confederant, regnante Trasimundo, inter Sueuos & Vandalos de finibus ortam esse contentionem, quòd vtrique in Callæcia sedem habebant: ac iam instructa vtrimque acie conuenisse, vt duorum militum pugnâ controuersia finiretur, & cuius populi cuius vicisset, is populus omnem Callæciam solus obtineret: atque cæso Vandalo, Trasimundum ex fœdere icto post parata ad iter necessaria Hispaniâ decessisse, & prosequenti-
bus Sueuis vsque ad Traductam, quod est opidum Bæticæ freto proximum Transducta à Ptolemæo dictum, exercitum in Africam traiecisse, eamque occupauisse: post Trasimundum autem Honoricum electum Regem à Vandalis Regnum Africæ obtinuisse: Honorico Childericum; Childerico mortuo Gelesimirum successisse, qui ab Romanis victus Regnum amiserit, Africâ Imperio restitutâ. Non negauerim tamen Vandalos in Hispania cum Sueuis bella gessisse. quippe Hermericum Sueuorum Regem rupto fœdere à Gunderico Rege Vandalorum anno Honorij Principis XXV in montibus Neruasorum obsessum auctor est Hydatius, &

insequenti anno Gundericum dimissa oppugnatione Sueuorum, instante Asterio Comite Hispaniæ, urbem Bracaram Augustam, & prouinciam Callæciam reliquisse, atque in Bæticam immigrauisse, vbi Castinum Magistrum militum acie vicerit, viginti ferè millibus Romanorum cæsis, móxque prædatus Balears insulas, & depopulatus Hispanias, captâ ac direptâ Carthagiæ Spartaria atque Hispali, anno IV post Honorij mortem obierit: cuius frater successorque regni Geisericus sequenti anno, Hermigario Sueuo in Lusitania apud Augustam Eméritam cum multis oppresso atque interfecto, Vandalos omnes in Mauritaniam transmiserit. Auctor Chronici, quod Prosperi esse dicitur, quo nihil est in notatione temporum mendosius, anno VIII post Honorij Aug. mortem XX millibus Romanorum in Hispania interfectis Vandalos in Africam transiisse dicit: cum hæc clades sub Magistro militiæ Castino accepta sit, Honorio XIII & Theodosio X Coss. & quinquennio post Vandali Africam petiuerint. cccc.
xxii.

Marciano & Zenone Coss. Anagastes Comes Dengizicem, Attilæ filium, Regem partis Hunnorum, quem Marcellinus Denzicem; Iordanes Dindzichum appellat, victum occidit, caputque eius Constantinopolim ad Leonem Aug. latum est. cuius maiorem fratrem nomine Ellacem Regem Barbari, in primis Gipedes, & Ostrogothi ab Hunnis desciscentes paullo post Attilæ mortem acie victum occiderant. cccc.
lxxix.

Eodem anno Magnum Felicem, natione Gallum, Magni Consulis filiū, & Sidonij amicum, qui Præfectus Prætorij fuerat, Anthemius Aug. Patricium fecit. hic postea mutata veste religioni se dedit, & à Fausto Reienfi Episcopo per epistolam in proposito confirmatus est.

Seuero & Iordane Coss. Romanus Patricius, is credo, quem Tribunum militum vnâ cum Romulo Comite & Promoto Norici Præsede Valentinianus Aug. legatum ad Attilam misit, Imperium affectasse conuictus capitali supplicio afficitur. cccc.
lxx.

Circa id tempus, cum Euricus Rex Vesigothorum, crebram mutationem Principum Romanorum suam

cccc.
LXL

occasionem putans, totam Galliam occupate conaretur: ad eum repellendum Anthemius Aug. Britannica auxilia accersuit. Britanni enim complures, subactâ ab Anglis, nobilissima parte Britanniae insulae, externae dominationis intolerantes in tractum Armorum duce Rioualo emigrauerant Placidi Valentiniiani principatu, & in finibus Venetorum, Curiosolitu, ac Osismiorum confederant, regionemque Britanniam appellauerant. quorum Britannorum Episcopum nomine Mansuetum Seuerino V. C. Consule Concilio Turonico interfuisse ac subscripsisse inuenio. Horum Rex, à Sidonio in libri III epistola IX. Riathamus; à Iordane Riathimus Rex Brittonum dictus, XII. armatorum millia in naues imposuit, & secundo aestu Oceani inuectus os Ligeris, aduerso flumine subiit, atque exscensione factâ Auaricum Biturigum pedibus peruenit: receptusque ab incolis, ut socium decebat, ac inde progressus priusquam cum Romanis vires suas iungeret, in Euricum incidit circa vicum Dolos, ubi diu cum esset pugnatum, ab hostibus numero magis quam virtute victus, amisâ magnâ parte exercitus ad Burgundiones, gentem finitimam, trans Ligerim perfugit. Erant tum Burgundiones socij Romanorum, atque amici, adeo ut Chilpericus eorum Rex, cuius Regia Lugdunum erat, tamquam successor officij Gundiuci fratris sui, Magisterio militum in Gallia fungeretur: quemadmodum Sidonius tradit in libri V epistolâ VI, qui & ob id in epistola IV libri III, & in carmine ad Catullinum Burgundiones *propugnatores, & patronos* Aruernorum vocat. Eius pugnae mentionem habuit proximus à Iordane Gregorius, Britannosque ab Gothis finibus Biturigum expulsos, & multos apud Dolensem vicum interfectos esse scripsit: quam victoriam de Britannis Eurico Regi contigisse anno II post Anthemij mortem imperante Iulio Nepote falsò Sigebertus prodit.

cccc.
LXXIV.cccc.
LXXI.

Leone Aug. IV & Probiano Coss. Aspar, Atdaburis viri Consularis filius, Consularis & ipse, ac trium Consularium pater, primusque Patticiorum iussu Leonis Aug. cui sua auctoritate Imperium conciliauerat, occi-

ditur: de quo, etiam si in Oriente floruit, vt antea mentionem feci, sic nunc mihi pauca dicenda sunt. Hic Aspar sectâ Arianus, Asper à Græcis quibusdam dictus, quem Candidus Isaurus natione Alanum; Iordanes Gothum fuisse dicit, à Principe Theodosio minore Magister militiæ, Patricius, & Consul erat factus, plurimùmque apud eum, & apud Marcianum potuerat, ac ex tribus vxoribus tres filios susceperat Ardaburem, Patricium, & Hermenericum. quorum natu maximo Ardaburi vel Ardaburio Theodosius Dûcatus, Patriciam dignitatem, Consulatumque; Marcianus Magisterium militum Orientalium detulerat: Patricium verò, quem quidam Patriciolum vocant, Leo Aug. non solum Consulem, sed etiam Cæsarem ex pacto creauerat, atque Hermenericum quoque Consulem fecerat. tantâ potentiâ fretus Aspar Magister militum Præsensium cum fauere Vandalis diceretur, Isauròsque, quos circum se Leo Aug. habebat, sollicitare; affectati Imperij suspectus magis quàm reus Constantinopoli in Palatio vnâ cum Ardabure à spadonibus iugulatus est. Hermenericus absens re cognita in Isauriam perfugit, vnde postea reuersus Constantinopolim, notham Zenonis Principis filiam duxit vxorem. at Patricius Cæsar etsi multis vulneribus acceptis tamen conualuit. cui in exsilium misso Ariadnen vxorem ademptam, ac Zenoni in matrimoniû datam falso ait Nicephorus, secutus Marcellinum, qui Patricium generû Leonis Principis appellatum tradit. cum Iordanes in libro de successione regnorum Asparem occisum dicat *instinctu Zenonis, qui Imperatoris gener erat.* Certè Zonaras Patricium quidem Cæsarem à Leone Aug. factum; non item matrimonio filia eius in affinitatem receptum ait: contra regiarum virginum alteram Zenoni; alteram Marciano nuptum datam, Asparem autem idèd occisum esse prodit, vt Leo Aug. nepoti ex Zenone & filia Ariadne Leonis Imperiû conciliaret. & Georgius Cedrenus secundo Leonis imperij anno Ariadnen maiorem natu eius filiam Zenoni nupsisse tradit. Patricij vel Patricioli filius fuit Vitalianus, is qui cupiditate Imperij impulsus Anastasio Aug. bellum intulit, moxque

DXX.

Magister Præsentis militiæ, & Consul ab Iustino factus, VII mense Consulatus sui in Palatio factione Iustiniani Patricij XVI plagis confossus est: cuius filius nomine Ioannes Germani Patricij filiam duxit, & Magister militiæ in Italia principatu Iustiniani aduersus Ostrogotos magnas res gessit. Ceterum errat Hydatius in Chronico, cum XI Leonis imperij anno Asparem non occisum, sed priuatum factum, & tantummodò filium eius, nimirum Ardaburem, interfectum dicit.

CCCC.
LXXI.

Eodem anno, quo Leo Asparem fiduciâ meritum sibi aduersantem ac prægrauem trucidauit, in Occidente inter socerum & generum orta discordia est. nec Anthemius ferre æqualem volebat, nec Ricimer superiorem. Aspar cum filiis fraude Leonis deceptus in oculis Ricimeris erat, cauendum sibi intelligentis, ne similiter ab Anthemio securus opprimeretur. alentibus odium vtriusque amicis, alter Romæ, Mediolani alter ciuile bellum parabant: cum reconciliatio gratiæ per Epiphanium Ticinensium Episcopum facta est. ac, insequenti anno Festo & Marciano Coss. Ricimer Patricius violata fide Romæ cum Anthemio bellum gessit: Olybrium potentissimum Senatorem Romam à Leone Aug. missum in locum viui ac videntis soceri Imperatorem suffecit: & Bilimerem, rectorem Galliarum, Principi in auxilium venientem apud pontem Hadriani acie fusum occidit: moxque Anthemium ipsum y Idus Iul. contra reuerentiam imperatoriæ Maiestatis & ius affinitatis cum magna clade Urbis interemit, quem falsò Victor in Chronico Leone Aug. IV & Probiano Coss. occisum dicit.

CCCC.
LXXI.CCCC.
LXXII.

Eisdem Festo & Marciano Coss. Theodericus Triarij filius, Ostrogothorum Rex frustratus hereditate Asparis sororis suæ, vini, & Ostrui Comes Gothus, mortem eius, cuius quondam Protector fuerat, vlscisci cupiens Constantinopolim obsedere, atque per Zenonem, & Basiliscum ab vrbe repulsi sunt.

Circa id tempus Seronatum Præfectum Prætorij Galliarum Barbaros, in primis Vesigothos clam inuitantem, uti prouincias Romanas occuparent, Romam per-

duxere Aruerni, & Maiestatis accusauere: de quo Senatus conuictus atque damnatus supplicium sumit.

Anthemio ex Euphemia filij fuere Marcianus, Romulus, & Procopius. è quibus Marcianus Patricius, & Consul à patre Aug. factus filiam Leonis Aug. Leontiam natam in purpura duxit vxorem: cuius soror Ariadne, patre adhuc priuato genita, Zenoni nupserrat. Quamobrem Marcianus post loceri mortem vxorio iure Imperium sibi vindicauit. causa Leontiae quibusdam fauorabilis videbatur. nam Darius Persarum Rex Xerxem minorem filium ob idipsum Artameni natu maiori ante regnum suscepto; similiter Xerxes Dario maiori filio Artaxerxem praeponuisse dicitur. sic postea Henricus Henrici Regis filius, Demetrius quoque Porphyrogenetus Despotas Manuelis Aug. filius, cum ob eandem causam Imperium sibi deberi dicerent, maioribus natu fratribus prior Ottoni; posterior Ioanni bellum intulere. Igitur Marcianus cum aduersus Zenonem Principem plebem Constantinopolitanam armasset, superatisque ad ipsas Palatii fores Isauris, oppugnationem eius in posterum diem distulisset, à suis deseritur, & per illum Isaurum, Patricium & Consulare virum in Thermis Zeuxippi vincitur, & capitur. quem Zeno per Acacium Patriarcham Presbyterum faciendum curauit, & Mazacæ Cæsareâ clausit: vnde clàm elapsus circa Ancyram caput Galatiæ primæ tumultum mouit; iterumque comprehensus, & in castello Papirij apud Isauros custoditus est. Euagrius & Nicephorus tradunt Marcianum Constantinopoli extractum ex Martyrio Apostolorum, quò confugerat, & Cæsaream Cappadocum in exilium missum esse: ibi fugam meditantem apud Monachos latuisse, atque patefacto consilio in vrbe Ciliciæ Tarso Presbyterum ordinatum. Romulus, & Procopius fraternæ coniurationis participes ad Regem Gothorum Theodericum, Triarij filium, cognomine Strabonem in Thraciam perfugere, frustraque sæpius per legatos ab Zenone repetiti, assignati agelli reditu precariam vitam tolerauere. Fuit etiam Zeno Anthemij Aug. nepos, is quem Procopius Iustiniani principatu Præsidem

Ægypti fuisse, & nullis relictis liberis decessisse scribit.

CCCC-
LV.

Olybrius, qui post Anthemium imperauit, genitus erat Aniciâ familiâ, quæ vetustate, maximis rebus honoribusque gestis, possessionibus per omnes Imperij Romani prouincias sparsis aded inter Senatorias gentes eminuit, vt Imperator Iustinus natus in vico Thraciæ, & Iustinianus Aug. sororis eius filius huic se familiæ inseruerint, quasi nouitatem suam hocce mendacio nobilitaturi. Is ante Vandalorum aduentum relictâ vrbe Româ Constantinopolim petierat Valentiniano VIII & Anthemio Coss. & Placidiam Diui Placidi Valentiniani filiam, Diui Valentiniani maioris abneptem, ab Geiserico cum Eudoxia matre Constantinopolim remissam in matrimonium acceperat. Idem Senator vrbis Romæ ab Hydatio dicitur; Patricius, & Princeps Senatus Romani à Nicephoro, qui, vt & Ioannes Zonaras, tradit Geisericum Nobilissimam Placidiam, vbi Olybrio desponsam fuisse cognouit, vnâ cum matre Marciano Aug. sponsôque remisisse. Nos Priscum Rhetorem secuti; qui cum Constantinopoli Historiam scribebat, suprâ diximus Placidia nuptias à Leone Principe conciliatas esse: quibus celebratis, Geisericus Vandalorum Rex multo quàm antea infestius Siciliam Italiâque vastauit, vt Olybrio, nurus suæ sororem in matrimonio habenti, Imperium Occidentis conciliaret. Eundem Leo Aug. cum Rusticio Magistro militiæ Consulem fecit: quem Victor & Marius in Chronicis etsi ab Imperatore Orientis in Oriente designatum, & posteriorem renuntiatum; tamen quod Senator Romæ veteris erat, tamquam Occidentalem Consulem Rusticio Orientali præponunt. Auctor est Nicephorus Callistus in libro x v operâ Valerij & Olybrij Patriciorum Athenaidi, vel Eliæ Eudociæ Theodosij minoris quondam vxori reconciliatam Pulcheriam Aug. Marciani Principis coniugem, perque eam factum, vt cum Geiserico pace initâ Eudoxia Eudociæ filia, neptisque Placidia in vrbe Roma captæ, Constantinopolim dimitterentur. Cui ego assentiri non possum, cum Marcianus (sicuti ipse eodem in libro tradit) datæ Geiserico fidei

CCCC-
LXIV.

me-

memor initio principatus, ante quadriennium quàm Roma caperetur, cum Vandalis pacem fecerit, & Pulcheriam Reginam anno Marciani Principis tertio, Oplione & Vincomalo Coss. mense Iulio, hoc est biennio ante Urbem captam decessisse Hydatius ac Marcellinus prodant. Igitur Olybrius post annos XVI quàm Constantinopolim se contulerat, Romam reuersus cum Placidia vxore, operâ Ricimeris Patricij, à quo erat reuocatus, recepit Imperium, atque Anthemium Aug. oppressit. Neutri tamen licuit victoriâ belli ciuilis diu lætari. quippe Fl. Ricimer Magister vtriusque militiæ, ex Consule ordinario, atque Patricius XV Kal. Septemb. post Anthemium occisum nono ac tricesimo die, aut (vt Senator ait) XL mortem obiit: vir bellicosus quidem, ac pæne tum solus in Italia Ducis nomine dignus; sed perfidiosus; fallax; sæuus; nec aliis, nec sibiipso consentiens; & ad conciliandum adimendumque Imperium potentiâ suâ malè vsus. Olybrius autem allecto inter Patricios Gundiuaro, sororis Ricimeris filio, quem Senator Gundibatum, aliqui Gundibalum appellant, Romæ VII imperij mense decessit, vt Marcellinus, Iordanes, & Cassiodorus Senator scribunt. Quare si verum est, quod Auctor Chronicæ ab Ioanne Cuspiniano editi ait, Imper. Anthemium Festo & Marciano Coss. V Idus Iul. periisse, eodémque anno Olybrium Aug. Romæ X Kal. Nouembr. obisse: credere conuenit ante tertium mensem quàm Anthemius interficeretur; Olybrium Imperatorem appellatum esse. Ex his intelligitur errare Paullum, qui in Historiæ Miscellæ libro XV tradit à Glycerio correptis apud Rauennam insignibus Imperatoribus Olybrium Imperio expulsam. Placidia Augusta cum filia; quam ex Olybrio habebat, paucis annis post viri mortem Constantinopolim repetiit, atque à Zenone Aug. Leonis successore honorificentissimè accepta, habitaque est. quo ei nomine gratias per legatos egit Hunericus Geiserici filius Rex Vandalorum, cui soror Placidie Eudocia nupsit, & rogatus à Zenone ac Nobilissima Placidia Carthaginensi Ecclesiæ permisit, vt quem vellet sibi Episcopum ordinaret. mentionem eius

CCCC-
LXXVIII.

DXXII.

CCCC-
XLIX.CCCC-
XCI.
DXXVI.

facit Simplicius Romanus Episcopus in epistola ad Zenonem Aug. Illo Conf. missa, in qua Placidiam *Nobilissimam feminam* vocat. Olybrij & Placidia filia, quam Zeno Princeps Theoderico Valameris filio daturum se vxorem spondit, si Theoderico Triarj bellum inferre voluisset; fuit Iuliana Nobilissima Patricia, à Paulo in libro XV Historiæ Miscellæ dicta Illustrissima femina: nupta Areobindo Duci ac Patricio, Areobindi Gothi, Magistri militum, Patricij, atque Consularis nepoti, quem Catholicarum partium virum anno sexto post initum Consulatam Paulo & Musciano Coss. plebs Constantinopolitana, odio Anastasij Aug. Euty-chiani vel Theopaschitæ, Imperatorem facere voluit. Iuliana autem tanta fuit pietate, tantæque constantia, vt Basilicam Beatæ Mariæ exstruxerit, neque ei à Timotheo Patriarcha, ac ne ab Imper. quidem Anastasio persuaderi potuerit, vt actis Synodi Calchedoniensis damnatis, Eutychetis Presbyteri & Abbasis sectam sequeretur. Hæc est Valentiniani Aug. neptis Iuliana, quam Cyrillus Monachus ad magnum Sabam Monachum in suburbano Rufini ad Calchedonem morantem XXII imperij Anastasij anno crebro venisse scribit. Chronici Alexandrini Auctor tradit Olybrium Romam missum à Leone Aug. inuitum & coactum à Romanis, Imperium recepissee: & ex Placidia vxore Iulianam filiam tulisse, quæ Areobindo postea nupsit, eique Olybrium minorem futurum Consulem genuerit. falsò enim supradictus Auctor Areobindum Iulianæ virum, Areobindum maiorem fuisse scribit, singulari certamine in Perside inito illustratum, quem Asturio & Protogene Coss. decessisse ex Marcellino cognoscitur. Falsò item Areobindi & Iulianæ filium hunc esse Olybrium tradit, quo Consule Zeno Aug. obiit, cum non nisi Iustini principatu Consulatam inierit.

Anthemij & insequentium Imperatorum principatu florebat Arbogastes Francus in Gallia, Arigij clarissimi ac ditissimi viri filius, Romanis fidus: præeratque Augusta Treuironum, (quam urbem Meroueus paucis antè annis direptam & incensam diffidens ab se teneri

posse reliquerat) vbi successor Iamblichus Metropolitæ Episcopo voce publica destinabatur. Arbogastis nobilitatem; spectatas belli domique virtutes; religionem; sanctitatem; verecundiam; vrbaneitatem; fortitudinem; iustitiam; temperantiam; elegantiam sermonis Latini, consuetudine & familiaritate cum accolis Barbaris, hoc est cum Francis minimè corruptam Apollinaris Sidonius Aruernorum Episcopus Epistolarum libri IV epistolâ XVII celebrat. eumdémque Auspicius Tullensis Antistes Ecclesiæ magno Arbogasti Magistro militum, qui ante annos LXXX Imperatores interemerat, & fecerat, anteponit. Ex Auspicij ad Arbogastem virum Spectabilem Comitem Treuironum epistolâ versibus trochaicis tetrametris scriptâ pauca quædam ponere operæpretium duxi.

*Pater in cunctis nobilis fuit tibi Arigijs,
Cuius tu famam nobilem aut renouas, aut superas:
Sed tuus honor, eius est; eiusque, tibi permanet.
Congratulandum tibi est, o Treuerorum ciuitas,
Qua tali viro regeris, antiquis comparabili.
De magno origo semine descendit sui nominis:
Certè virtutis eius est, ut Arbogastes legitur.
Scribantur in annalibus huius triumphis pariter,
Sicut & eius scripti sunt, quem supra memorauimus.
Sed hoc addamus meritum huic, qui verè maior est,
Quod Christi nomen inuocat religioni deditus.
Fuit in armis alacer ille antiquus, verum est:
Sed infidelis moritur, & morte cuncta perdidit.
Hic autem noster, strenuus, belligerosus, inclytus,
Et (quod his cunctis maius est) cultor diuini Numinis.*

Tum etiam Francos, & Veligothos societatem coiuisse, Euricumque Regem Sigismeri cuiusdam Francorû Regis filio (nam in Francia vno eodémque tempore plures regnabant) filiam suam velut pignus pacis nuptum dedisse auctor est Sidonius, qui in epistola III libri VIII scribit Euricum victorem cum Barbaris ad Vacalim trementibus sedus iunxisse: & in epistola IX tradit senes Sicambros, hoc est Seniores Maiorésve natu Francorum, legatos de pace ad Euricum Burdigalam venisse, capillo

(vtri victis, mos erat) pone verticem summisso. Sigif-
merem quidem *Regium iuuenem*, siue Regalem, cum
iret in Prætorium futuri foci, filiz eius in matri mo-
nium petendæ causâ, visum à se Sidonius dicit: in-
cessisse autem pedibus medium inter suos pedisequos
atque cursores, agasombus instratos phaleris gemma-
tis equos ducentibus: fuisse flauo capillo; ore rubi-
cundo; candido corpore; cocco, serico, & auro cultum;
comitatum Regulis, ac sociis, quorum vestitum, habi-
tum, armaturamque supradictus Auctor ita describit,
nomen vt gentis non tam præteriisse, quàm superuaca-
neum existimasse videatur. Sed non possum non mira-
ri, quòd Francos, quos nunc Sicambros; nunc Cattos
appellat, in Francia veteri inter Renum & Albim tan-
tum, nec vsquam alibi ponat Sidonius: quasi, Franci
ætate eius nondum in Gallia sedem cepissent. Sic cer-
tè in Panegyrico Auito Aug. dicto Sicambros in ripa
Reni collocat.

— *Flauis in pocula fracte Sicambris*
Rene tumens.

Et in eodem Carminè Attilæ Gallias petenti Francos,
accolas fluminis Vicri, voluntarios expeditionis comi-
tes iungit:

Bructerus, vluosâ vel quem Vicer alluit undâ,
Prorumpis Francus.

Sic ibidem post Valentiniani cædem Francos, qui pro-
uinciam Germaniam primam, & Belgicam secundam
incurfione vastabant, metu Auiti Magistri militum do-
mum rediisse ait, Albimve repetisse.

— *Cattumque palustri*
Alligat Albis aqua.

Et in libello ad Imperatorem Maiorianum.

Sic ripe duplicis tumore fracto

Detonsus Vacalim bibat Sicamber.

In Carmine etiam ad Consentium Narbonensem, virum
Clarissimum, qui Valentiniani principatu Consistoria-
nus fuerat, & mox ab Auito Aug. sibi mandatam Pala-
tij curam egerat, Franciæ amnès appellat Sidonius Va-
calem, Vicrum, Visurgim, Albim.

Tu Vicrum, & Vacalim, Visurgin, Albim,

Francorum & penitissimas paludes

Intrares, venerantibus Sicambriis :

Solis moribus inter arma tutus.

Sic demum suprâ *Barbaros ad Vacalim* Francos vocat : nihil vt in Gallia præter insulam Batavorum inter Vacleam & Renum positam Francis assignare videatur, qui tamen (vt alibi diximus) non contenti pagis Transrenanis, iam inde à Chlodione partem Belgicæ secundæ armis occupauerant. quare etiam Sidonius ipse in libri IV Epistolarum epistola I, ætate sua Sicambrorum, Alathorum, & Gelonorum, qui cum Alanis in Gallia Honorij principatu confederant, stoliditatem à Gallis rideri dicit, ferociam timeri : & in epistola XVII ius Romanum in *terris Belgicis & Renanis* pridem abolitum ait, ac sermonem Latinum. Francos Sidonius nunc Catos, nunc Sicambros appellat, secutus veterem Iuuenalis Scholiastem, qui Catos, & Sicambros *gentes Germanorum siue Francorum* interpretatur. Ceterum feci, vt apud Sidonium in Panegyrico Auito Aug. dicto, vbi Nicer erat Alamanniæ veteris vltra Mænum fluuius in Renum exiens ; mutatâ vnâ litterâ Vicer poneretur : & in Carmine ad Consentium Tuncrum flumen omnibus Orbis situs & Historiarum Auctoribus ignotum similiter in Vicrum mutauit. Est autem Vicer Franciæ Transrenanæ amnis, opidum sui nominis attingens, influensque in Oceani ingentem sinum vel æstuariû, vulgò Zuiderseum, hoc est paludem Austrinam dictum : quem à Claudio Ptolemæo in Germania inter Renum & flumen Amisum positum, vitio exemplarium Vidrum pro Vicro appellari, & hodièque Vestum vocari animaduerto.

Leone Aug. v solo Consule post interregnum, quod ^{cccc.} per menses IV diésque XIV fuerat, Rauennæ III Nonas ^{LXXII.} Martias hortante Gundiuaro Patricio Glycerius ex Domestico Imperium arripuit iniussu Leonis Aug. quem ob id Marcellinus & Iordanes dicunt *Tyranni more ; & presumptione magis quàm electione Casarem factum.*

Eodem anno Fl. Leo Augustus, cum Zenonem generum suum, Consularem & Patricium virum, ex Co-

mite Excubitorum, & ex Comite Orientis, vel potius (vt quidam dicunt) ex Magistro militum Orientis consortem imperij facere voluisset, atque repugnante plebe Constantinopolitana esset inhibitus; Leonem eius filium, ex Ariadne filia nepotem suum, Augustum appellauit. Quamquam Ioannes Zonaras à Candido Isauro dissentiens scribit Leonem maiorem capiti Leonis nepotis sui admodum infantis diadema imposuisse, propterea quòd Zenonem hominem deformi corpore ac facie, animo autem longè turpiore ac deteriore, nequaquam Imperio idoneum existimabat.

Tum etiam Widimer, Wandalarij filius, Winitharij Regis nepòs, eius, qui apud Senatorem in libri XI epistola I mendosè Munitauius vocatur; Walameris & Theodemeris Regum frater, patruus Theoderici, qui postea Regnum Italiæ occupauit; Rex partis Ostrogothorum summa rerum omnium inopia compulsus emigravit finibus inferioris Pannoniæ, quam post Attilæ Regis mortem annis ferè XX beneficio Marciani Aug. cum fratribus possederat, atque in Italiam venit, mòxque ibidem moriens Widimerem filium reliquit superstitem. cui Imperator Glycerius datis muneribus & mandatis persuasit, vt quemadmodum Beremundus Thorismundi Ostrogothorum Reguli filius antea fecerat, in Galliam, vbi tum Euricus regnabat, proficisceretur, & cum Vesigothis hominibus eiusdem & sanguinis & linguæ suas vires iungeret. Similiter Theodemer, ab Iordane Theodemir; à Senatore Theudimer dictus, maior frater Widimeris, Rêxque maioris partis Ostrogothorum, cui Imperium Orientis depopulandum sortitò obtigerat, sollicitatus à Geiserico pecuniâ cum suis inferiore Pannoniâ decessit, transitòque amne Sauo Naifum occupauit, quod opidum Ptolemæus Dardaniæ; recentiores Auctores Daciæ Mediterraneæ attribuunt. inde per Vlpianum ingressus Thessaliam, Heracleam & Larissam prouinciæ eius vrbes capit ac diripit, atque Thessalonicam caput Illyrici Orientalis oppugnat: quam cùm facilè recepturus videretur, Leo Aug. per Hilarianum Patricium muneribus datis pacem redemit, iunctòque

foedere cum Theodemere, Ostrogóthis, qui cum eo erāt, sedes in prouincia Scythia minore, nimirum Bereum, Cium, & finitima loca concessit, vbi armis depositis Barbari confedere.

Leone iuniore Aug. Consule Leo senior decessit quo mortuo Imperator Leo minor impulsus à Verina auia & Ariadne matre, consensu & auctoritate Senatus capiti Zenonis patris sui diadema imposuit in Campo ad VII miliarium ab vrbe Constantinopolitana, & coram exercitu Imperatorem eum appellauit, vti Candidus Isaurus, Theodorus Anagnostes, Cedrenus, & Zonaras scribunt. Imperarunt ambo simul paucis mensibus ita tamen, vt filij nomen patris nomini præponeretur. móxque Leo eodem anno mense Nouembri obiit, cum vix annum vnum imperauisset: solusque Zeno Orientis Imperium obtinuit. Hic natus erat Seleuciæ in Isauria patre Rumbladeoto nobilissimo viro, & Tarasicodisas, aut (vt Euagrio placet) Arimenes vocabatur: sed cum Isauros ad custodiam Leonis Aug. in urbem Constantinopolim adduxisset, filiamque eius Ariadnen in matrimonium acceperat, & Magister militum Orientis esset factus, Zeno maluit appellari nomine Isauri cuiusdam ethnici Flauij Zenonis, qui ad Consulatum, & ad Magisterium militum peruenerat, & accersitus ab Theodosio Principe cum magna popularium manu Constantinopoli bello pressæ auxilium tulerat, Imperatoribusque Theodosio ac Marciano ob nimiam potentiam suspectus ac timendus fuerat.

CCCC-LXXIV.

Eodem anno Zeno Aug. fratris filiam, aut, vt ait Malchus, Verinæ Aug. cognatam Iulio Nepoti Patricio, Nepotiani ex Marcellini Patricij sorore filio, Rauennæ in matrimonium dedit, cumque ibidem per Domitianum clientem suum Imperatorem appellandum curauit: quem ob id Iordanes *Regno legitimo potitum* dicit. Hic est Nepos Magister militum Dalmatiæ, ad quem Imperatores Leo & Anthemius Augusti legem misere Codicis Iustiniani libro VI insertam, datam Kalendis Iuniis Leonē Aug. IV Cos. Igitur Nepos deimproviso superueniens in Portu Urbis, quem alij Portum Roma-

CCCC-LXXI.

num; alij Portum Augusti vocant, Glycerium Principatu deiecit, consúmque Salonæ opidi maritimi Dalmatiæ Episcopum fecit, pro Imperio Ecclesiam recturum: (vt Iordanes in libro de successione regnorum, & Eua-
 grius tradunt) atque ipse mox Romæ VIII Kalendas
 Iulias Imperator est consalutatus. Quamquam Marcel-
 linus in Chronico & Iordanes sibi non consentiens in
 libro de origine Gothorum minimè verisimiliter scri-
 bunt Glycerium in Portu urbis Romæ Episcopum con-
 stitutum esse: è quibus Marcellinus insequenti anno
 Zenone Aug. II Consule Nepotem Romæ Imperato-
 rem appellatum dicit, sed à Cassiodoro Senatore, &
 Mario refellitur. Vt appareat falsum esse, quod Eua-
 grius, secutique cum Paullus Langobardus & Nicepho-
 rus Callistus aiunt, Glycerium post quintum imperij
 sui annum expulsum ab Iulio Nepote, & in ordinem
 coactum: quem constat sextumdecimum imperij men-
 sem non expleuisse. falsò etiam Victor in Chronico scri-
 bit post Olybrij mortem Herculànum nescio quem
 Orestis filium, qui Imperium arripuerat, cum patre suo
 interentum esse, locumque eius Nepotem inuasisse.

CCCC-
LXXV.CCCC-
LXXV.

Eo tempore florebat Faustus, ex Abbate Monasterij
 Lerinensis Reiorum Episcopus, Maximi in vtraque di-
 gnitate successor, vir doctrina ac pietate eminens. qui
 præter Homilias & epistolas volumen de Spiritu sancto,
 & aduersus Arianos ac Macèdonianos libellum edidit,
 & de Gratia Dei liberòque arbitrio parum probata scrip-
 sit: è quibus librum de Spiritu sancto per Riochatum
 Antistitem ac Monachum, populareni suum pro se Bri-
 tannis suis misit. vt in libri IX epistola IX ad eum ip-
 sum missa tradit Sidonius, quem secutus Auitus Vien-
 nensis Episcopus, in epistola ad Gundobadum Burgun-
 dionum Regem, Faustum natione Britannum; domicilio
 Reicensi fuisse dicit: cum Facundus Hermianensis Epi-
 scopus, in libro aduersus Mucianum Scholasticum, Gal-
 lum eum vocet. quod si verum est, fateri conuenit Fau-
 stum non in insula Britannia, sed in Britannia cismari-
 na vel Armoricana, parte prouinciæ Lugdunensis ter-
 tiæ, natum esse.

Post

Post Consulatum Leonis iunioris Aug. vel Zenone Aug. II Consule cū Euricus Vesigothorum Rex, tot turbas occasionem suam ratus, rupto antiquo fœdere ab Oceano & Pyrenæo vsque ad Ligerim Regnum proferre conaretur; Iulius Nepos Imperij fines armis tueri pararet: Epiphanius Ticinensis Episcopus, magnâ vir sanctitate morum & auctoritate, legatus ad Euricum venit, (sicuti scribit Ennodius) ferocique Barbaro persuasit, vt pacem cum Nepote æquis conditionibus faceret. Sunt, qui existiment Nepotem Aug. Aruernis & Biturigibus, præter quas ciuitates Romanis tum in Aquitania nihil erat reliqui; Eurico cecidisse, atque ex Sidonij libri VII epistola VII ad dominum Papam Græcum Massiliensem Episcopum missa id intelligi credant. quæ tamen epistola si semel atque iterum perfecta perpendatur, apparebit Sidonium de tam turpi & ignominioso fœdere tamquam de re non comperta sed incertis rumoribus accepta loqui, & cauere sibi ipsum his verbis: *ut fama confirmat: quantum audio.* Quare idem Auctor in eiusdem libri II epistolis posterioribus decimâ & XI *periculum se à vicinis timere* ait, (hoc est à Vesigothis) *inuidiam à patronis*; nimirum Burgundionibus: & *semiustris muri fragilis angustis clausum* se metu belli dicit: nondum vt tum Aruernos sub imperio Eurici fuisse constet. Certè Iordanes in libro de origine Gothorum Augustonemetum Aruernorum opidum armis occupatum ab Eurico esse indicat. quippe scribit cum contemptu tot annuorum, quadrimestrium, ac trimestrium Imperatorum, præterea Geiserici muneribus impulsus, Galliz obtinendæ causâ Romanis bellum intulisse, & *Aruernos Gallia cinisatem occupauisse.* præfuisse autem vrbi *Romanorum Ducem*, vel Magistrum militiæ *Ecdicium, nobilissimum Senatorem*, Aniti Aug. filium, qui post diuturnam propugnationem, & multa certamina edita; cū Vesigothos repellere non posset, relictâ hosti vrbe atque patriâ, in tutiora loca sese receperit. Sigebertus quoque auctor est Euricum *Aruernos Galliarum urbem*, hoc est Augustonemetum, Nepotis principatu *inuasisse.* Hic est Ecdicius, frater Papiantillæ vxor-

ris Sidonij, cui Iulius Nepos promissam ab Anthemio ob res aduersus Vesigothos gestas Patriciam dignitatem per codicillos contulit: & quem crebris eruptionibus ac furtis magnam Barbarorum stragem edidisse; priuatis opibus. contracto exercitu bellum sustinuisse; Burgundionum pauperum ampliùs IV millia ob sterilitatem procul patriâ vagantium in villis suis pauisse, & redeunte vbertate frugum in plaustra impositos domum dimisisse inuenio.

cccc.
lxxv.

Igitur Euricus Rex Vesigothorum Zenone Aug. II solo Consule, cùm Augustonemetum Aruernorum diu multùmque frustra tentatum vel armis, vel conditionibus iuris sui fecisset; Victorium Comitem, quem Gregorius Ducem appellat, opido præsidere iussit: & Sidonium Episcopum, virum Romani animi, muris Liuianæ millia passuum XI à Carcassone distantis inclusit: vnde postea Leonis Eurici consiliarij curâ sedi suæ est restitutus. nec dubito, quin Euricus potitus Aruernis, eodem tempore eadêmque opera Auaricum Biturigum, & Cæsarodunum Turonum occuparit. At Iulius Nepos Aug. Ecdicium Patricium, quem relictis Aruernis tuta in loca concessisse compererat, ex Gallia euocauit ad sese, & Orestem in eius locum Magistrum militiæ constituit. Hic notandum est malè Gregorium existimasse Euricum Regem Vesigothorum XIV regni sui anno Aruernis potitum esse: cùm scribit Victorium Ducem ab Eurico anno regni quartodecimo septem ciuitatibus, in primis Aruernis præpositum fuisse, & annos nouem Augustonemeti vel Aruernis versatum esse, cùmque ibi alienas vxores iniret, metu mortis ex vrbe Romam profugisse, atque à Romanis ob libidinem saxis obrutum esse, ante quadriennium quàm Euricus decederet, quem ait Gregorius XXVII regni sui anno obisse, cùm annum imperij XIX non sit transgressus.

Orestes Tatulli Pannonij filius vxorem duxerat Peto- uionensem, patre Romulo genitam Valentiniani Principis Comite, multis legationibus pro Rep. obitis claro, ex eâque filium Romulum Augustum suscepit, quem

veteres Historici ob pueritiam Augustulum; recentiores Auctores Euagrii vitiata exemplaria secuti pro Romulo Momyllum magno errore appellant, & qui in nummis Dn. Romulus Augustus P. F. Aug. dicitur. Is quod habitabat in prouincia Sauia, parte veteris Pannoniæ, Attilæ Hunnorum Regi subiecta, Notarius Barbari fuerat, & scribendarum nomine eius epistolatum officioungebatur, à quo etiam non raro cum mandatis ad Theodosium Aug. Constantinopolim missus est: post Attilæ obitum in Italiam reuerterat, & Patriciam dignitatem erat consecutus. Tum verò ab Iulio Nepote Magister militum factus, tantæque potestate instructus ducendum in Vesigothos exercitum in auctorem dignitatis suæ conuerit: Rauennam omnibus copiis occupauit: fugatūque Nepotem v Kal. Septemb. imperij mense xv conscensa naui Dalmatiam, cui post Marcellinum auunculum præfuerat, petere coëgit: Romulūque filium suum admodum puerum Rauennæ pridie Kal. Nouembr. post Nepotis fugam mensibus 11 Imperatorem fecit, ac cum Geiserico Rege Vandalorum fœdus iunxit. Auctor Chronici cuiusdam nuper editi scribit Nepotem Aug. metu Orestis Patricij, qui opprimendi sui causâ cum exercitu Rauennæ appropinquabat, se in nauem contulisse, & ab vrbe Rauenna Salonam fuga petiisse, quod in opidum Glycerium spoliatum Imperio sub Episcopatus titulo paulo antè relegauerat. Dissentit Iordanes à ceteris eorum temporum Historiæ scriptoribus: quippe tradit Orestem, accepto ab Iulio Nepote exercitu cum discessisset Româ, tamquam in hostes proficisceretur, Rauennam peruenisse, ibique Romulum Augustulum filium Imperatorem appellandum curauisse: quo audito Nepotem relictâ vrbe Româ in Dalmatiam fugisse.

Basilisco 11 & Armato Coss. Zeno Aug. Verinæ Aug. cccc-lxxvi.
 fœcus suæ & Basilisci fratris eius insidiis circumuentus, vnâ cum Ariadne vxore fideisque amicis aduersa tempestate in Isauriam fugit: & adiutore Theoderico Triarij Basiliscus Senator, Consularis vir Imperium Orientis arripuit: cuius iussu Patricius Magister officiorum,

cccc.
lxxvii.

cui Verina adamato nubere & Imperium conciliare voluerat, occisus est. ac insequenti anno post Consulatum Basilisci II & Armati, postque menses XX, quàm Constantinopoli expulsus fuerat, Zeno pecuniâ corruptis Basilisci ducibus recuperavit Imperium. vt docent Simplicii Papæ epistolæ II: altera Basilisco II & Armato Coss. IV Idus Ianuar. data, qua Zenonem hortatur, vt pro Imperatore quædam agat: altera data post Cons. Basilisci II & Armati VIII Idus Octobr. qua eidem de recuperato Imperio gratulatur: & leges Imper. Zenonis Aug. duæ Codicis Iustiniani libro V insertæ: prior ad Ælium Præf. Præt. missa, & data Kalend. Ianuar. Basilisco II & Armato Coss. posterior ad Sebastianum P.P. data X Kal. Mart. supradictis Coss. ex quo intelligitur errare Marcellinum & Victorem, qui Zenonem in II Consulatu pulsum, Basilisco II & Armato Coss. Imperium recepisse tradunt.

cccc.
lxxvi.

Basilisco II & Armato Coss. Odoacer Ediconis filius, non eius, quem Edeconem Hunnum Priscus vocat, sed eius, quem Iordanes *Edicam Scirorum Primatem* appellat, Italiæ Regnum occupauit: de quo pauca dicenda sunt. Odoacer apud Eugepium de vita Seuerini Abbat. nunc Odouachar; nunc Odobagar; interdum Otachar vocatur, & cum quibusdam Barbaris venisse in Italiam dicitur, iuuenis procerus, vilissimis pellibus vestitus, moxque (vt Seuerinus proficiscenti prædixerat) Regnum eius obtinuisse. Hunc mendosè Agathias in libro primo aduenam Turennum pro Turcilingo; Marcellinus quoque in Chronico *Gothorum Regem* magno errore appellat, cum postea ab Gothis bello victus sit & occisus. Falsò eundem Iordanes in libro de successionem regnorum *natione Rugum* fuisse ait, quippe quem post subactam Italiam Rugis bellum intulisse constat. Eum idem Auctor in libro de origine Gothorum *Odo-uacrem Turcilingorum Regem* gentis ignobilis vocat, & secum Sciros, Erulos, ac variarum nationum auxilia habuisse tradit, quibus fretus Italiam occupauerit. Sciri autem, quos Sozomenus Scirros, Sidonius Sceros appellat; & Eruli, vel Eluri, Scythicæ gentes tum super

Danubium colebant. Igitur Odoacer Basilisco II & Ar-<sup>CCCC-
LXXVI.</sup>mato Coss. ab extremis finibus Pannoniæ Italiam petit, & itinere per Noricum facto, atque Alpibus Iuliis superatis, cum magna Scirorum & Erulorum manu primum Venetiam ingreditur, mox Liguriam. (sic tum regionem Transpadanam vocabant) ibi Orestem Patri-
cium Imperatoris patrem victum acie Ticini obsidet, potitúsque opido viuum capit, & transito Pado apud Placentiam Æmilix urbem occidi iubet: atque Paul-
lum fratrem eius ad Pineta prope Classen portum Rauennatem prælio pulsum interficit: deinde Rauennam ingressus Romulo Augusto Imperium abrogauit, misera-
túsque formam ac ætatem eius, quamquam instiganti-
bus in cædem amicis, puero non solùm vitam, sed etiam sex solidorum millia annua dedit, in Lucullanum Campanix castellum cum propinquis suis amoto, quod Senator in libri VIII epistolâ XXV, & Gregorius Ma-
gnus castrum Lucullanum; Suetonius villam Lucullianam appellat. Ita Odoacer occupatâ Italiâ, abolito in Occidente Imperatoris nomine, sine purpura regiôque insigni Regis nomen assumpsit. Quæ Romanis Orienta-
libus, vel Græculis causâ fuit eos, qui postea Italiæ Occidentisq; Imperium obtinuerûnt, Latino nomine Πῆγας vocandi, adedò vt ægrè nec nisi belli metu Imperator Mi-
chaël leges pacis à Carolo Magno, quem Romanorum Imperatorem Augustum vocari indignabatur, dictas acceperit, quibus ipsum per legatos Αὐτοκράτορα, & Βασιλέα appellare iuebatur: Basiliúsque Macedo homo ignobilis, Saracenis & Bulgaribus obnoxius, Ludouicum Aug. Caroli Aug. pronepotem per litteras monuerit, ne alienos titulos & indebita honorum vocabula usurpare perseveraret, sed vnum Basilium Βασιλέα τῶν Ρωμαίων Cæsarem Augustum; se tantummodò Πῆγας τῶν Φεγγῶν & esse & dici oportere meminisset. Quare Willelmus Tyrionum Archiepiscopus in Historix libro sextodecimo tradit Græcos iniquo tulisse animo Germanorum Regem, velut Imperij æmulum, & Constantinopolitano Imperatori dignitate æqualem, *Imperatorum Romanorum* dici, cæque appellatione plurimum de-

trahi Principis sui maiestati existimauisse, quem ipsi Μονάρχω, tamquam Romanorum unicum & solum Imperatorem appellarent. Quasi verò non Βασιλεὺς tam Regem quàm Imperatorem significet, multòque ante Imperatores Romanos non magnarum gentium modò; sed etiam vnius vr̄bis Regibus ab veteribus Græcis hoc nomen delatum fuerit: aut quasi non Imperatores ipsi & Augustæ, Reges ac Reginæ ab Auctoribus sæpe dicantur. Certè, vt alios omittam, Plinius Secundus initio libri XXIX Valeriam Messallinam Aug. Claudij Cæs. *Reginam* vocat. Claudianus quoque in Epithalamio Honorij Aug. & Mariæ Mariam *Reginam* appellat. & Seuerus Sulpicius in libris de vita Martini Constantium Principem Constantini Maximi filium, *Regem*; Valentinianum maiorem & Clementem Maximum sæpiùs *Reges* quàm *Imperatores*; Maximi autem coniugem *Reginam* semper nuncupat. Similiter Hydatius provinciæ Callæciæ Episcopus in Chronico Pulcheriam pro Augusta *Reginam* vocat. & Marcellinus Comes Illyricianus Imperatorem Theodosium minorem, *Theodosium Regem*; & vxorem eius *Eudociam Reginam* appellat. Sed nimirum Græculi hosce imperij titulos studiosiùs quàm Imperium ipsum semper seruauere, quanto magis eos amplificassent, tanto potentiores se habendos rati. Sic postea Comneni, ac Palæologi Principes, quantum imminuto Imperio tantum vanitate crescente, Aulicorum cateruas augebant: & dum foris premebantur à Turcis, pro Euphrate ac Nilo Mæandro clausi & Eurymedonte amne Pamphylia, nouas domi dignitates excogitabant. cùmque antea Augusti, Traiani, Antonini, Seueri, Diocletiani quoque, & Constantini florentissimis rebus Romanis non aliter quàm Ἀντιγράμεις, Καίσαρσι Σεβαστοῖς dicerentur: ipsi filios, fratres, ac generos suos Διοτίβας, Σεβαστιγράμεις, Καίσαρσι, Πρωτοβέσις, Παυροβέσις, ac Παυροβέσις appellari iuebant, vt viderentur plusquam Imperatoribus & Augustis imperare. Ceterùm, vt redeam vnde digressus sum, Auctor Chronici ab Ioanne Cuspiniano editi scribit Basilisco

salutatam esse, Orestémque Patricium Placentiæ v Kal. Septembr. Paullum apud Rauennam pridie Nonas Septembres occisum. Ego Cassiodoro Senatori, Auctori Chronici à doctissimo viro Henrico Valesio fratre meo vulgati, Sigebetto, cetetisque assentiri malo, qui Oreste & Paulo interfectis Odoacré Regem appellatū dicunt.

Non fuit contentus Odoacer finibus Italiæ. itaque Basilisco II & Armato Coss. Siciliam Vandalicis latrociniiis & opidorum expugnationibus diutissimè infestata ac vastata (vti ait Victor Vticensis) pacto tributū recepit ab Geisericō Rege Vandalorum: ac post Consulatum Basilisci II & Armati Bracilam Comitem, quem quidam Brauilam appellant, sibi suspectum v Idus Iul. Rauennæ interemit. Idem Senatum Rom. & Romulū legatos ad Zenonem Aug. mittere cōegit, qui Impetij insignia, & omnia ornamenta Palatij ad eum reportarent, dicerentque Occidentales proprio Imperatore non indigere, sed communem vtrique Orbi vnum Imperatorem Zenonem sufficere: ob id Odoacrem ab ipsis promotum esse, virum Reip. defendendæ idoneum, & belli pacisque artium petitum: orare se nomine Senatus, atque obsecrare Zenonem, vt Patriciam ei dignitatem codicillis, & Italiam administrandam daret. Legatis Zeno Aug. respondit è duobus, quos ex Oriente Imperatores acceperant, Anthemium ab Senatoribus occisum; Iulium Nepotem in Dalmatiam expulsū esse: cui viuō parere eos, ac neminem alium præferre oportere. Odoacrem rectè atque ordine facturum, si à Nepote Aug. Patriciam dignitatem peteret, votisque sui compos factus vestitu & habitu Romanis conueniente vteretur, & Imperatorem, à quo tantum honorem affectus esset, beneficij memor coleret. Nihilominus Zeno in litteris, in quibus Patriciam dignitatem Odoacri negabat, Patricium cum appellauit. Alius à superiore legationis mentionem facere videtur Candidus Isaurus in libro Historiæ II apud Photium, cum ait, post Imperatores Nepotem & Augustulū expulsos, Odoacrem Italiæ & vrbi Romæ imperium obtinuisse: Gallosque, quotquot adhuc Romanæ ditionis erant, tu-

CCCC-
LXXVLCCCC-
LXXVII

multum mouisse, ac Odoacris imperium aspernatos esse: atque cum ipsos; tum Odoacrem de ea re legatos misisse ad Zenonem Aug. qui in Odoacrem magis studiis inclinauerit. Eo ipso tempore, quo legatos ad Zenonem Senatus miserat, legati à Iulio Nepote venerunt Constantino-
 polim, qui Zenoni receptum recens Imperium, & Basiliscum Tyrannum oppressum gratularentur: oraréntque, ut cum idem passus esset, quod Nepos; non ignarus mali calamitoso opem ferret, cumque ad recuperandum Principatum auxilii & pecuniâ iuaret. Legatis quid Zeno responderit, Malchus non scribit, sed Theodericum Valameris filium, Ostrogothorû Regem, atque Patricium, Zenone Aug. III Col. post depopulatam Græciam cum Adamantio Patricio de pace agentem dixisse prodit paratum se esse, si Imperator iuberet, ex Dalmatia Nepotem expellere. ut videatur Zeno Aug. opprimendi Nepotem magis quàm in Imperium reducendi consilium inuisse. Et
 cccc-
 lxxix. ille miser anno v post amissum Imperium Basilio iuniore Consule v II Idus Maias infidiis Glycerij Episcopi Salonitani, quem Principatu deiecerat, petitus ac circumuentus periit, sicuti Malchus scribit: vel (ut auctor est Marcellinus) Viatoris & Ouidæ Comitum suorum scelere haud procul ab opido Salona sua in villa oppressus est & occisus. Hunc Ouidam natione Gothum, Cassiodorus Senator in Chronico Odiuam mendosè appellat, & insequenti anno Placido V. C. Col. in Dalmatia, quam interempto Nepote sibi vindicabat, ab Odoacre victum; & caesum esse tradit.

cccc-
 lxxvi. Basilisco II & Armato Coss. sub anni exitum Geisericus Rex Vandalorum & Afrorum decessit: quem Hydatius ait anno IV post Honorij Aug. interitum Gundérico fratri successisse, & insequenti anno cum omnibus Vandalis mense Maio Hispaniæ finibus emigrauisse: Prosper in Fastis melius Hierio & Ardabure Coss. ex prouincia Bætica transisse in Africam dicit. Obiit Geisericus anno regni sui & aduentus in Africam I, non (sicuti Isidorus putat) I X, post captam Carthaginē XXXVII mense III: quam urbem XIV Kalend. Nouemb. Theodosio XVII & Festo Coss. non. (ut ait Hy-

Hydatius) anno XV post Honorij mortem, hoc est ^{CCCC-XXXVIII.}
 Theodosio XVI & Fausto Coss. occupauerat, Regniq[ue]
 sedem delegerat. vnde à Damascio Carthaginensium
 Rex appellatur. Victor Tununensis Episcopus magno
 errore decessisse Geisericum scribit XL regni anno Ru-
 sticio & Olybrio Coss. qui est annus XXXVIII post ad-
 uentum in Africam Geiserici, ante eius obitum XIII. ^{CCCC-LXI.}
 Idemq[ue] Hunericum Geiserici filium regnauisse annis
 VII mensibus VI, & tamen Zenone Aug. III Consule
 obisse dicit, id est anno XV post Consulat[um] Rusticij
 & Olybrij. Mortuus est autem Hunericus Theoderico
 & Venantio Coss. cuius regni annos V Victor ad Gun-
 thamundi successoris eius duodecim annos adiunxit;
 vt in trium insequentium Regum annis digerendis
 temporum ei ratio constaret.

Post Gundicarium parentem suum apud Burgundio-
 nes regnasse Gundiucum, & Chilpericum in libro III
 diximus. è quibus Chilpericum Andreas Duchenius
 Gundiuci filium, fratremq[ue] Gundobadi fuisse falsò
 tradit: cùm Auri principatu, nimirum anno LXI ante
 Gundobadi interitum, Chilpericus vnà cum Gundiuco
 iam in Burgundia regnaret, vt prodidit Iordanes. Gun-
 diucum autem vel Gundeucum Fredegarius Gundio-
 chum; Ado mendosè Gundoueum; Gregorius Gun-
 diuicum appellat, ac genus eum duxisse ait ab Athana-
 rico Rege Teruingorum Gothicæ gentis, qui populares
 Christianos variis suppliciis affecit, & Regno expulsus
 à suis, Constantinopoli Theodosio maiore imperante
 decessit: quo tempore Teruingi cum Taifalis in Dacia
 vetere Transdanubiana; Burgundiones in Germania
 sedes habebant, alteri ab alteris multis magnisq[ue] re-
 gionibus ac fluminibus diuisi. tamen Agathias quoque
 Burgundiones nostros, Burguziones gentem Gothicam
 vocat. Gundiuco IV filij fuerunt Gundobadus; Go-
 degisilus; Chilpericus, vel Hilpericus; & Godomarus,
 qui & Gundomarus, ac Gotemarus dicitur. Hi post
 patris patruisq[ue] mortem circa initia regni Odoacris
 apud Burgundiones regnare cœperunt: cùm iam Gun-
 diucus & Chilpericus regiones ripis fluminis Rhodani

Ararique proximas, quas Magistri militum ipsi à Barbaris antè defenderant, & in potestate Imperatorum Rom. retinuerant, post euersum Occidentis Imperium egentes præsidij nec inuitas Sapaudie suæ adiecissent. Hos fratres excepto Chilperico Chrothildis patre Arianos cum popularibus suis fuisse videtur indicare Gregorius initio libri III Historiæ. quippe Godegisilum, Gundobadum, & Godomarum Hæreticos vocat, atque ob hæresim Regnum simul & animas perdidisse ait, non omissurus Chilpericum eorum fratrem, si & ipse Arianus fuisset.

Circa idem tempus eadem, quâ Burgundiones, occasione inuitatus Euricus Vesigothorum Rex per Hispaniam & Galliam longè latèque Regni terminos promouebat. Auctor est Iordanes Geisericum missis ad Euricum & Theodemerem Reges legatis cum muneribus id egisse, vt Vesigothis Occidentem; Ostrogothis Imperium Orientis vastantibus, ipse quietus & à Leonis ac Zenonis insidiis tutus in Africa regnaret. Igitur Euricus Pompelonem, Cæsaraugustam, Tarraconem, ac totam Hispaniam superiorem sub ditionem suam subiunxit, reuersusque in Galliam Arelatum, & Massiliam Græcorum cepit, & victis Burgundionibus Vesigothici imperij æmulis, quibuscum postea pacem fecit, vsque ad Alpes Ligusticas, vel Maritimas fines Regni prolatauit. Auctor Appendicis, quæ Chronico Victoris Tununensis Episcopi inserta est, Anthemij principatu Iordane & Seuero Coss. vrbes Arelatum ac Massiliam à Gothis occupatas falsò dicit. quippe Procopius in belli Gothici libro I tradit Odoacrem, quem, quòd iniussu Zenonis Aug. in Italia regnauerit, *Tyrannum* appellat, iacentes inter Rhodanum & Alpes terras Vesigothis donauisse. Quo magis miror Gregorium in Historiæ libro II proderè prouinciam Massiliensem Chlodouei principatu sub Regum Burgundionum imperio fuisse. cum non solùm Arelatum, Massiliam, ~~Aquas Sextias~~, Forum Iulij, Antipolim, Diniam, Sanitium, sed etiam Auenionem Alarico Eurici & Ragnahildæ filio paruissè ex Episcoporum, qui permissu eius Messalla Coss.

CCCC.
LXX.

IOVI.

Agathæ conuenere, subscriptionibus cognoscam: & cum apud Fredegarium in Chronico, atque in testamento Caroli Magni Prouinciam à Burgundia distinguam animaduertam.

Quid rerum interea reuocatus in Galliam Childericus egerit, quot & quantas victorias ex hostibus tulerit, quemadmodum vsque ad flumen Ligerim Regnum protulerit, scire difficile est. siquidem Gregorius, ceterique nostri Historici veteres paucis tantum memoriæ prodidere ab Francis Coloniam Agrippinam expugnatam, ad eam ut Ægidius multis suorum, amissis ex urbe profugeret: depopulatisque agris, qui intererant, coloniam Augustam Treuironum captam, & incensam esse: ac Childericum Regem Francorum magnâ manu ad Aurelianos, hoc est Genabum Carnutum contendisse, ibi prælia commisisse, agrumque urbis vastauisse. Sub id tempus Adouacrium, quem Gregorius Odoacrium, Fredegarius Odouacrum Saxonum Regem appellat, nauibus Galliam petiisse, & flumine Ligere subeuntem Iuliomagum, vulgò Andecauios dictum, venisse, magnam in opido cædem fecisse, cognitaque Ægidij morte ab opidanis & finitimorum locorum incolis obsides accepisse. tum Paullum Comitem cum Gallis, quos Romanos vocant, & cum Francis auxiliariis bellum intulisse Gothis recenti victoria de Riothimo Britanno- rum Rege exsultantibus, atque ex eorum agro prædas egisse. postridie autem eius diei, quo die Adouacrius Iuliomagum intrauerat, Childericum deimproviso superuenisse, interfectoque Paulo Comite, qui ei præerat, urbem per vim occupauisse: Adouacrium naue profugisse. (quamquam quidam auctores sunt Iuliomagum absente Adouacrio ab Childerico captum) deinde ab Gallis prælio fufos, fugatosque Saxones insequentibus victoribus multos suorum gladio amisisse: insulas Ligericas, in quibus tamquam in stationibus opportunis deponendæ prædæ causâ hiberna munierant, cum magna strage à Francis captas euersaque esse. postea Adouacrium Saxonum Ducem cum Childerico pacem ac foedus iniisse, & iunctis ambobus viribus in Ala-

CCCC.
LXXXI.

mannos, qui partem Galliæ peruaferant, expeditionem fecisse: quibus victis Childericum Francorum Regem, cum Samarobriam Ambianorum reuerteretur, morbo interiisse XXIV regni anno vertente, hoc est Placido V. C. Consule.

Ceterum notare conuenit, id quod vetus Auctor Historiæ Francicæ tempore Gregorio proximus, Hincmarus in libro de vita Remigij, & Sigebertus scribunt, Coloniam Agrippinensem & Augustam Treuironum à Francis captas suprà dici, non (vt putat Rorico Monachus) ab Childerico. quippe Coloniam Agrippinam Vbiorum, Chlodoueo regnante, Sigiberti senioris cognomine claudi Francorum Regis sedem fuisse tradit Gregorius in Historiæ libro II, quæ vrbs si à Childerico occupata fuisset, nemini alij quàm Chlodoueo eius vnico filio ac successori fuit haud dubiè paritura. Ex quo intelligitur Coloniam saltem (ne de Treuiris loquar) à patre Sigiberti Regulo partis Francorum, & propinquo Childerici Regis expugnatam, ac filio cum Regno relictam esse. Aurelianos autem Hincmarus de vita Remigij, Aimoinus ac Sigebertus, ab Childerico captos aiunt: è quibus Aimoinus prodit Childericum apud Aurelianos pugnauisse cum Adouacrio Saxonum Duce, quem victum fugientemque persecutus Iulio-magum Andecauorum cum non reperisset, urbem ipsam expugnauisse, Paullumque Comitem interfecisse, atque ita usque ad flumen Ligerim prolato Regno suo Aurelianos & Andecauros capita gentium adiecisse. Et ita de Aurelianis videtur sensisse Gregorius: tametsi enim in libri II capite XVIII tantum tradit Childericum ad Aurelianos pugnas commisisse: tamen in huiusce capituli inscriptione ait *Childericum Aurelianos; Adouacrium Andecauros venisse*: vt intelligamus, quemadmodum Adouacrius Andecauros ceperit, sic & Childericum Aurelianis potitum esse.

Saxones quidem & tùm, & sæpe antea modò soli, modò iuncti finitimis Francis, oram Galliæ Belgicæ, & Lugdunensis latrociniis infestauerunt, adèd vt in tractu Armoricano, & in prouincia Belgicâ II circa Granno-

nam & Marcos, quemadmodum & in insula Britannia, *Litus Saxonicum* ab his prædonibus populatoribúsq; suis sit cognominatum. multique Saxones non contenti præda Gallicana; iam abolito in partibus Occidentis Imperatoris nomine, in finibus Baiocassium confederunt, quos Saxones Baiocassinos Gregorius in Historiæ libro V ac X appellat, & quorum pagum Carolus Rex Francorum, Ludouici Aug. filius in legibus Siluaci ^{à viis Anglorum & Francorum} *latis linguam Saxoniam* vocat: multi etiam ex eadem gente in agro Namnetico sedem cepere, quamobrem Venantius Fortunatus in Carminum libro III Felicem Namneticum Episcopum Saxones mansuefecisse, & Christianis mysteriis initiauisse scribit.

Similiter Alamanni non contenti Sueuiâ & Rætiæ parte maiore, transito Reno in finibus Galliæ, quam incursionibus sæpe vastauerant, confedere: agrumque Heluetium, monte Iura ab Sequanis; lacu Lemano ac flumine Rhodano à Sapaudia & prouincia Viennensi diuisum, armis occupauere, Alamanniâque appellauere. quorum Alamannorum Gallicanorum Seruius Honoratus Grammaticus in Georgicôn libri IV versum CCLXXVIII, & Isidorus Hispalensis Episcopus in Originum libro IX mentionem faciunt: quippe scribunt *populos habitantes iuxta Lemanium fluuium*, cum, de quo Annæus Lucanus loquitur, (lacum debuerunt dicere) *Alemanos vocari*. Seruius autem Flauio Honorio imperante vixit, vt appareat eius principatu Alamannos in agro Heluetio iam sedem habuisse. Præterea Gregorius Episcopus Turonicæ Ecclesiæ tradit *Iura deserta inter Burgundiam & Alamanniam* (hoc est inter Sequanos, & Heluetios) *sita vrbi Auentico adiacere*, qua in Alamannia eremóque Lupicinus ac Romanus fratres tria Monasteria statuerint. Hi sunt Alamanni, quos Fredegarius in Chronico, bello ciuili inter Theodobertum ac Theodoricum germanos orto, cum Transiurenſibus, id est cum Sequanis pugnauisse ait, & à quibus Aimoinus in Historiæ libro I, ac Hugo Monachus pagos Heluetiorum incolæ produnt.

Seuerino iuniore, & Trocundo Coss. regnare cœpit

cccc.
lxxxii.

Gg iij

10XL

Chlodoueus, Childerici Francorum Regis filius, xv annos natus, cuius de nomine, quo nullum prius acceptum, aut sæpius mutatum fuit, pauca dicenda sunt. Alcimus Ecdicius Auitus Viennensis Episcopus, Venantius Fortunatus Presbyter in Carminum libro IX, & quidam alij Chlodouechum Regem eum appellant. ipse in epistola ad Ecclesiæ Gallicanæ Episcopos post victum Alaricum missa Chlothouechum Regem se vocat. Similiter Episcopi, qui Felice Consule in vrbe Aurelianis conuenerunt, *Dominum suum, Catholica Ecclesia filium, Chlothouechum gloriosissimum Regem* nuncupant. Idem apud Cassiodorum Senatorem Luduin; & apud Iordanem Lodoin Rex Francorum, utrobique corruptè pro Luduui, & Lodoui dicitur. Certè in præfatione legis Salicæ *Lodoueus pulcher, & inclutus*; in libello de vita Romani Rotomagensis Episcopi Ludouius; nonnumquam in veteribus libris Clodouius, & cum adspiratione Hludouuius appellatur. Agathias Scholasticus in rerum gestarum Iustiniani Aug. libro I hoc nomen, quod ore Græco concipi nequibat, corripit, & omisâ litterâ vnâ pro Chlothoueo Chlothozum dixit. Paullus Langobardus, & Freulfus Lexouiorum Episcopus Ludouicum vocant; Hincmarus quoque de vita Remigij Chludouuicum, & Chlodouuicum, vel Hludouuicum, maximum omnium ante se Franciæ Regum, fortissimūque; Sigebertus in Chronico Ludouuicum. Denique Imperator Ludouicus Pius ei ipsi Principi se cognominem esse ait apud Frodoardum in Historiæ Remensis libro II, qui Auctor nunc Clodoueam; nunc Ludouicum, Ludouuicum, & Lodouicum nuncupat: quemadmodum Herimannus in Chronico Ludouuicum, eundem & Chlodoueam magnum Francorum Regem esse, dicique non semel tradit: & Aimoinus in Historiæ libro IV Chlodoueam Dagoberti filium, Hlodouicum etiam vocatum scribit. ex quo intelligitur Chlodoueos Francorum Reges à Ludouicis non magis, quàm Chlotharios ab Lothariis distingui oportere. In veteri stemmate, quod edidit Andreas Duchenius, Chlodoueus noster Childeuius appellatur, & Chlode-

rici, hoc est Childerici, filius; Chlodebaudi nepos; Chludij, vel Chlodionis pronepos; Faramundi abnepos; Hlodmari frater; Hildeberti, Theoderici, & Hlotharij pater fuisse dicitur, nullâ factâ Merouei mentione, quem Chlodouei auum paternum fuisse constat. Hlodmarus quidem, qui Chlodouei frater ibi appellatur, videtur pro Chlodomere vno è quatuor eius filiis ac successoribus positus esse.

Venantio & Theoderico Coss. Euricus Vesigothorum Rex XIX, vel (vt quibusdam placet) XIX regni sui anno Arelati, herede Alarico filio, excessit è vita: quem Auctor Appendicis Chronico Victoris Tununensis Episcopi insertæ Leone Aug. III & Tatiano Coss. interfecto fratre Regnum inuasisse, ac Symmachio V. C. solo Consule, hoc est vndeicesimo post anno obiisse, & tamen XVI tantum annis regnauisse tradit; Gregorius maiori errore XXVII. Eo regnante Vesigothi leges scriptas habere cœperunt, apud quos antè mos maiorum pro legibus erat. Euricum autem, quem modò Eoricum, modò Euarigem appellat, non multo antequam interiret, Catholicos in Galliis, præsertim in Nouempopulana & *utraque Germania* persecutum esse in Historiæ libro II prodit Gregorius, *truncasse passim* de Deo rectè sentientes, Arianamque hæresim exosos: Clericos in vincula coniecisse: Sacerdotes partim in exilium egisse, partim interfecisse: & Ecclesiarum aditus spinis obserari iussisse: exstare hodièque Sidonij epistolam ad Basilium Episcopum ea de re scriptam. Et ita quidem Gregorius loquitur: at Apollinaris Sidonius in supradicta epistola, quæ in Epistolarum libro VII sextum locum obtinet, tantum ait Crocum & Simplicium Episcopos sedibus suis expulsos, relegatosque esse: & apud Burdigalenses, Petrocorios, Rutenos, Lemouices, Gabales, Elufates, Vafates, Conuenas, Auscos, ac plerasque alias vrbes, hoc est in Aquitania prima, Aquitania secunda, & Nouempopulis, *summos Sacerdotes morte truncatos*, id est sua morte mortuos, nec vllos Episcopos in defunctorum locum substitutos esse: desertas rusticas parochias: & aut la-

CCCC.
LXXXIV.CCCC.
LXVI.
CCCC.
LXXXV.

psa Ecclesiarum culmina; aut *valuarum cardinibus* *auulsis Basilicarum aditus uepribus obstructos*: eamque *Catholici status valetudinem occultam* appellat, ac Euricum *non tam Rômanis urbibus, quàm legibus Christianis insidiaturum* videri sibi scribit. Ex quo iudicari potest, quâ fide Gregoriô credere nos oporteat, qui sic Auctores intellexerit. *Geminam autem Germaniam* vocat suprà Gregorius vtramque prouinciam Aquitaniam, credo quodd ab *Vesigôthis* gente (vt putabat) *Germana* teneretur: videturque imitatus more suo Apollinarem Sidonium, qui prouinciam Lugdunensem primam in libri v epistola *viii Lugdunensem Germaniam* appellauit, propterea quodd à Chilperico priore, Magistro militum, & Rege, Burgundionum gentis Germaniæ possidebatur, *in libro viii*

Ægidius Magister militum, atque Patricius, natione Gallus, moriens filium reliquerat superstitem nomine Syagrium, quem Gregorius *Romanorum*, hoc est Gallo-*rum, Regem; Fredegarius & Aimoinus Romanorum Patricium; Principem Romanorum* Hincmarus appellat: quodd forsitan nonnullas regionum vrbiumque Galliæ, quas pater eius in potestate Imperatorum retinuerat, post euersum Occidentis Imperium in formulam regni rede-*gisset*. In eum Chlodoueus, non ignarus occupati ab Ægidio paterni Regni, hereditarium odium exercebat, & claras Galliæ Belgicæ vrbes ab homine Gallo tamquam æmulo imperij sui teneri indignabatur. Igitur v regni anno Decio & Longino Coss. coactis omnibus copiis, Ragnachario etiam Rege partis Francorum cognato suo à Camaraco accito, bellum Syagriô infert, ingressusque fines Sueffionum diem pugnae locumque ab eo petit. nec Syagrius detre-*stauit certamen, victusque acie Tolosam ad Alaricum Vesigothorum Regem* perfugit. Eo bello Chararicus Francorum Regulus accersitus à Chlodoueo procul cum exercitu constitit, euentum proelii speculaturus, & cum victore amicitiam conciliaturus: quæ eidem postea causa exitij fuit. Chlodoueo sub belli denuntiatione Syagrium de-*poscente, Alaricus metuens, ne alienæ cladis accessio fieret,*

ret, (vt timere Gothis mos erat) vinctum legatis tradidit. quem Chlodoueus custodiendum vinculis, dùm eius Regnum occuparet, deinde clàm iugulandum curauit. ita Augustam Sueffionum, Syagrii regiam, necnon Durocortorum Remorum, vtopinor, aliàque còplura opida & castella imperio suo subiunxit. Accidit tum res digna memoriâ: milites Franci post spoliatas multorum locorum Ecclesias, apud Durocortorum Remorum vasa omnia, quibus ad res diuinas vti mos est, in primis vrceum ex argento maximum pulcherrimùmque iustulerant. cuius iacturâ motus Remigius Remensis Ecclesiæ Episcopus quosdam homines ad Chlodoucum misit vrceû suppliciter repetitum: quos Rex Augustam Sueffionum sequi se iussit. vbi prædâ in medium collatâ cùm vrceum, extra sortem, ac super partem suam, postulanti ei dedisset exercitus, vnus è militibus temeritatis ac impudentiæ incredibilis elata voce simul ac bipenni vrceum impulit, Regem in vas nisi fortis beneficio ius habiturum negans, & Chlodoueus quidem, mirantibus vniuersis leuitatem hominis ac còtumaciâ, dolorem pressit, acceptumque vrceum Ecclesiæ, vnde erat, restituendum curauit: sed insequenti demum anno ostendit memoriâ facti in animo suo non exoleuisse. Tum Frâci quotannis Kal. Mart. in campum armati & ad bellum parati conuenire consueuerant, idque conciliû *Campum Martium*, & *Martii Campum* appellabant. quem conuentum cùm post Pipinus maior sexto regni anno in mensem Maium differre ad colligendum populi fauorem maluisset, *Campum Maium*, vel *Maij Campum* vocare cœperunt. Huiusmodi Chlodoueus indicto concilio cùm exercitum recenseret, singulòsque circuiret ac recognosceret, ad supradictum militem accessit: eius arma diu multumque inter manus versans negauit tersâ, acuta, & ad pugnam habilia esse: securim etiam, tamquam hebes esset, de industria abiecit in terram. ad quam colligendam cùm sese miles inclinauisset, elatam altè securim suam Rex inopinantis capiti infixit, adiectis etiam verbis: sic superiore anno vrceum percussisti. ea cæde Francos obsequentiores ac reuerentiores sui red-

ditos, quòd à bello vacabat, domum redire omnes iussit. Ceterum notare conuenit vrbis nomen, ex qua vrceus raptus est, ab Gregorio omitti, quam urbem Fredegarius, Hincmarus, & Frodoardus Remos nomine gentis vocant. è quibus Hincmarus scribit Chlodoueuum Durocortorum Remorum intrare noluisse, ne quam opidani ab armatis iniuriam acciperent: quosdam tamen Francorum insciente Rege urbem ingressos sacra vasa, vrceumque abstulisse.

cccc-
xxxvii.

Boëthio V.C. ynico Consule Odoacer Rex Italix Rugos domuit, de qua gente quæ ex Eugepio aliisque didicimus, huic loco inferenda sunt. Rugi, Christiani quidem, sed Arianarum partium, Regibus Hunnorum paruere, & post Attilæ mortem recuperata libertate, pars in Danubij vltiore ripa contra Noricum confedere: pars Bizyam & Arcadiopolim Thraciæ vrbes beneficio Marciani Aug. possedere. Apud priores regnavit Flacitheus, qui ab Ostrogothorum Principibus Theodemere & Widimere com meatum transeundi in Italiam petiit, nec impetrauit, ac non multo post decedentibus Pannoniâ Ostrogothis metu liberatus est. Flacitheo patri successit Feletheus, idem Faua & Feba dictus, cuius frater Fridericus, vt erat pauper, & impius, Monasterium Seuerini Abbatris paullo antè defuncti diripuit, atque intra mensem ab Friderico Fauæ fratris filio interfectus prædam cum vita amisit. Qua re cognita Odoacer, tametsi Arianus, indignatus spoliatum esse Monasterium sanctissimi ac beatissimi viri, quem tanti viuum fecerat, nihil vt petenti denegaret, Rugis intulit bellum: Feletheumque Regem gentis acie vicit, & cum Gisa vxore, femina crudeli & auara, captum in Italiam adduxit Boëthij Consulatu, nec multo post occidit: atque ob id à Iordane non solum Turcilingorum; sed etiam Rugorum Rex appellatur. Quamquam Paullus in Historiæ Langob. libro I tradit Odoacrem fretum non solum Turcilingis, Erulis, ac Italis, sed etiam parte Rugorum iamdudum sibi subiecta, Feletheo bellum intulisse. Fridericus fugâ salutem petiit, moxque hoste Rauennam reuerso, similiter domum rediit, ac Regnum

cccc-
xxxvii.

recepit. Quamobrè Odoacer Aonulfum, vel Aunulfum fratrem suum cum magno exercitu aduersus eum misit, & vniuersos opidorum Norici ad ripam Danubij possitorum incolas, continuis finitimorum Barbarorum incursionibus vexari solitos, cum suis omnibus transferri in Italiam iussit. Ita Norici sedibus suis emigrauere, & assignatos sibi in variis Italiæ regionibus agros colere. At Fridericus Felethei Regis filius iterum domo expulsus ad Theodericum Ostrogothorum Regem, qui tum Nouas, Mœsiæ inferioris urbem, sedem habebat, perfugit, hominémque inquietum spe occupandæ Italiæ in bellum impulit, quod antequam exponam, Theoderici res gestas, omisissis fabulis, quas Aimoinus & Rorico de eo finxere, ab origine repetere conuenit.

Theodericus, à Marcellino Valamer; à Germanis scriptoribus Veronensis cognominatus, Valameris; non (vt Iordani placet) Theodemeris Ostrogothorum Regis ex Erelieua pallaca filius, apud Leonem Aug. patris patruorúmque obses per annos X fuit. remissus ad suos XVIIII ætatis anno Babai Sarmatarum Regem deimproviso victum occidit: & patre patrúisque mortuis Rex salutatur. tum ab Zenone Aug. qui præclara eius operâ in recuperando Imperio vsus erat, Patricius creatur, per arma filius adoptatur, atque Magisterium militiæ Præsentis consequitur, Consul etiam ordinarius cum Venantio designatur, & statuâ equestri ante fores Palatij positâ honoratur. eidémque nihilominus Thraciam & Illyricum crebris incursionibus vastanti, résque suas sibi à Romanis ademptas bello repetenti, pars Daciz Ripensis ac Mœsiæ inferioris credita est, quam quinquennio cum popularibus tenuit, in opido Mœsiæ Nouis domicilio sibi constituto. tandem hortante cupiditate dominandi, & Friderico propinquo, Felethei Regis filio, simul Zenonis insidiarum metu compulsus, persuadet suis rapto viuere assuetis, vt secum in Italiam proficiscantur: probatôque Imperatori consilio paciscitur sibi mercedis nomine, si Odoacrem vicisset, fiduciarium Regnum Italiæ, Zenoni, simul ac eò venisset restituendum, eaque res Zenonis Aug. decreto,

cccc.
xxxiv.

quod prāgmaticum vocant, comprehensa est. Igitur Theodericus vnā cum matre ac sorore, & cum omnibus copiis (iam enim sororem alteram, Theodemundum fratrem, ac filium ex morbo amiserat) Mœsiæ inferioris vel secundæ, & Daciæ Ripensis finibus emigrat, & per prouinciam Mœsiam primam iter in Pannoniam facit. ibi Gipedes cum Trafstila vel Trapstila Rege transitum dare nolentes ad Vlcam flumen fundit: inde Noricum emensus, Alpes Iulias nemine prohibente transgreditur, & apud pontem Sontij Odoacrem victum castris exiit Probino & Eusebio Coss. iterum eodem anno in campis Veronensibus, Philippi Aug. Sabini Iuliani, & Maxentianorum clade nobilibus; tertio Longino II & Fausto Coss. Vesigothorum auxiliis adiutus ad Aduam flumen, non (vt mendosè apud Senatorem legimus) ad Ducam fluuium eundem reparatis viribus occurrentem cruentis vtriusque proeliis superat: Faustūque Nigrum virum Illustrem Magistrum Officiorum legatum ad Imper. Zenonem mittit pēitum, vt eius voluntate ac permissu vestem regiam, hoc est purpuram sumeret. Interim Tufa Magister militum Odoacris, qui cum multis ad Theodericum transferat, iterum ad Odoacrem cum magno exercitu redit. qua re perterritus Theodericus muris Ticini se includit, suōsque omnes in munimentis vrbis aliquamdiu continuit: inuitatūque ea occasione Gundobadus Burgundionum Rex Transpadanam regionem, quam tum Liguriam vocabant, maxima manu depopulatus est, & infinitam multitudinem captiuorum in Galliam adduxit. At Odoacer Rauennæ obsessus ab Theoderico, Olybrio solo Cos. noctu eruptione facta, multis hostium cæsis plurimos suorum, in primis Leuilam Magistrum militum amisit: repulsūque in opidum cū per annos ferme tres obsidionem fortiter tulisset, post multas pugnas, & omnia frustra tentata, nouissimè accepta fide, & Thelanc filio suo obside dato se Theoderico dedit: portisque patefactis post aliquot dies, magis ne res nouaret, quā (vt Ostrogothi videri voluere) ob comparatas vllas insidias, contra religionem iurisiurandi in

cccc.
xxix.cccc.
xc.cccc.
xcl.

laureto Palatij Rauennatis manu Theoderici confos-
sus est Albino & Eusebio Coss. & eadem die eius filius,
propinquique, & milites ad vnum omnes cum liberis in-
terfecti. Tum Theodericus cognita Zenonis morte,
non expectato Anastasij noui Principis consensu, ac
legati reditu, ab exercitu suo Rex appellatus est: atque
VIII post anno per Festum caput Senatus atque Patricium
mitigato Anastasio, sibi ob præsumentum Regnum in-
fensio, factaque pace, regia insignia & omnia ornamen-
ta Palatij, quæ Odoacer Constantinopolim deportan-
da curauerat, recepit. vt appareat errare Iordanem,
qui Theodericum tamquam Gothorum Romanorum-
que Regem, anno III post aduentum in Italiam, inter-
fecto Odoacre, Imper. Zenonis consulto priuatum pa-
triumque vestitum regio insigni mutauisse scribit. cum
V anno quam Italiam ingressus erat, nimirum Albino
& Eusebio Coss. Zenone pridem mortuo Rauennam
ceperit, & Odoacre interempto Rex ab suis sit consalu-
tatus.

cccc.
xciii.cccc-
xciii.

Ita confecto bello Theodericus XV^{III} Italiae provin-
cias; Pannoniam ferè omnem, expulso ex vrbe Sirmio
Traferico Gipedum Rege Traffila filio; Sauriam; Dal-
matiam; Liburniam occupauit: & cum Gundobado
Burgundionum Rege isto foedere per Epiphanium Ti-
cincensem Episcopum, Transpadanorum dediticiorum
VI millia ab eo dono data recepit; bello captorum
magnam multitudinem de publico redemit. vxorem,
vel (vt Iordani placet) concubinam in Moesia habue-
rat, & ex ea filias duas, Theodegotham natu maiorem,
quam Iordanes Theudicodonem, Procopius Theudi-
chusam appellat; ac Ostrogotham. priorem Alarico
Vesigothorum Regi; posteriore Sigismundo Gundo-
badi filio nuptum dedit: Amalafridam sororem suam,
matrem iam ex alio viro Theodahadi, & Amalabergæ,
Thrasamundo Vandalorum Regi; Amalabergam ip-
sam Herminafrido Toringorum Regi collocauit. imi-
tatusque Odoacrem, tertiam partem agri bello quæsi
popularibus attribuit, Vesigothorum principibus æquior,
qui in diuisione agrorum Romanos, hoc est Hispanos,

Gallos, atque Callæcos tertia parte contentos esse iusserunt. idem cum alias vrbes præcipuis operibus, tum maximè Romam, Rauennam, Veronam, Ticinum palatiis, aquæductibus, porticibus, thermis, muris, amphitheatris, similibusque monumentis partim nouis, partim refectionis exornauit, & in opportunis locis ca-
 120 stella constituit. Patriciôque & Hypatio Coss. Urbem cum intrauisset, Senatum populûmque Romanum à Zenone & Anastasio multum sibi commendatum ad Pal-
 mam auream allocutus, quæcumque priores Principes Romani statuerant, se sanctissimè obseruaturum pro-
 misit; Circensêsque dedit; & plebem CXX millia modiorum frumenti quotannis accipere iussit è publi-
 co. tum *Flavius Theudoricus*, vel *Theodericus Rex* appellari cœpit, vt docent litteræ duæ ab eo ad Syn-
 121 nodum Palmarem missæ Rufo Magno Fausto Auieno Consule. leges quoque seuerissimas, saluâ Iuris ciuilis, quod publicum appellat, reuerentiâ, Barbaris ac Romanis seruandas vno Edicto complexus est. Quo magis miror Procopium in rerum Gothicarum libro I tradere nullam ab Theoderico eiusque successoribus latam legem; præterea nullum magistratum aliis quàm Romanis datum esse; eisdemque permissum, vt quotannis ab Imperatore Consulatum peterent. quippe Ariger-
 num, Sunhiuadum, Marabadum, Dudam, aliôsque Gothos homines, vt ex nominibus ipsis intelligi potest, *Comites*, hoc est Iudices fuisse Cassiodorus Senator docet, & Felici à Theoderico; Paullino ab Athalarico Consulatum delatum. & Tolum Patricius Senatui vrbis Romæ scribens affirmat multos Senatores ad Consulatus, ad Patriciam dignitatem, atque Præfecturas sua apud Theodericum Principem suffragatione promotos. Præterea Ennodius ait Theodericû *Curules & Trabes*; (hoc est Consulatus) *Patricias etiam dignitates aut natura*, (id est nobilitati) *aut moribus dedisse*, nemo vt dubitare debeat, quin Theodericus, & Athalaricus eius ex Amalasuentha filia nepos atque successor eadem omnia fecerint, quæ Imperatores facere consueuerant. Ceterum Ostrogothos post Attilæ Regis mortem be-

neficio Marciani Principis in Pannonia Sirmienſi, dein-
de in Illyrico Orientali ſedes habuiſſe, antequam in
Italiam proficiſcerentur, auctor eſt Iordanes. à quò
Paullus in Hiſtoriæ Miſcellæ libro XIV, Conſtanti-
nus Porphyrogenetus in libro de regendo Imperio, &
Nicephorus Calliſtus in Eccleſiaſtica Hiſtoriæ libro
XIV diſſentiunt, ſcribuntque Oſtrogothos primùm in
Pannonia; poſt permiſſu Theodoſij minoris vndeice-<sup>cccc-
xxvii.</sup>
ſimum imperij annum agentis in Thraciæ finibus con-
ſediſſe, atque annis LVIII (LXI dicere debuerunt) ibi
 fuiſſe, tandem iuſſu Zenonis Aug. ductūque Theoderi-
ci Patricij Imperium Occidentis, nimirum Italiam, fi-
nitimàsque aliquot prouincias occupauifſe. Hoc loco ar-
guendi ſunt Theodorus Anagnoſtes, & Ioannes Zo-
narus, è quibus prior vnà cum Cedreno Theodericum
Regem Italiæ *Aſrum*; poſterior *Africa Regem* appel-
lat: cùm non Theodericus aut Oſtrogothi in Africa,
verùm Vandali dominarentur. Sed tempus eſt ex Ita-
lia in Gallias, & à Theoderico ad Chlodoucum noſtrum
transire.

Paucis poſt annis, quàm Syagrius ab Chlodoueo fuerat
interfectus, Toringi, Germana gens, in agrum conſi-
nium ſibi Francorum, hoc eſt (vt putò) Cattorum in-
curſionem fecere: obſides, quos ab eis belli deprecandi
cauſà datos acceperant, excruciatos necauere: pue-
ros neruis femorum ex arboribus ſuſpendere: captiuas
puellas plus ducentas crudeliter interemere, alias bi-
gis nudas alligando, & pernicipibus equis in diuerſum
iter concitatis paſſim diſtrahendo: alias præacutis ſu-
dibus in terram defixas ſuper orbitas viarum diſtenden-
do, & grauib; plauſtris per eas actis obterendo: depò-
lataque regione cum magna præda domum rediere.
Quo nùtio Chlodoueus grauiter pro rei atrocitate com-
motus X regni ſui anno Olybrio ſolo Coſ. Renum tra-<sup>cccc-
xci.</sup>
duxit copias, ac Toringis intulit bellum, victiſque poſt
agros igne ac ferro effuſè vaſtatos tributum impoſuit,
non (vt ait Gregorius) ſuo eos imperio ſubiunxit.

Eodem anno Zeno Aug. mortem obiit, vir libidinoſus;
deſes; Theoderico Triarij, ac Theoderico Valameris,

Ostrogothorum Regulis, Thraciam ac Illyricum vexantibus obnoxius; & Eurychianarum partium occultus adiutor; Longino & Cononi fratribus suis, ac Sebastiano cuidam Præfecto Prætorij, rapacissimis hominibus addictus. Huius Principis ingratus animus atque perfidia à nemine satis argui potest. plerosque enim, quorum ut defectione expulsus, sic transitione restitutus ipse in Imperium fuerat, cruenta morte remuneratus est. Armatum quidem, ab aliquibus Armatum & Harmatum dictum, Basilisci Tyranni consobrinum, Consularem virum, Magistrumque militiæ Præsentis per Honoisum Toringum, Magistrum militum Illyricorum, occidendum ac discerpendum curauit: Basiliscumque eius filium, admodum puerum, quoniam id patri promiserat, in vrbe Nicæa Cæsarem, ac mox tamquam liberata fide sua ex Cæsare Lectorem fecit, Cyzicenorum postea futurum Episcopum. Illum verò popularem suum, quem alij Hellum, alij Illonem appellant, Patricium, Consulem, Magistrum officiorum, & Magistrum militum Orientalium factum, cum impulsu Verinæ socus & Ariadnes vxoris interimere voluisset, ut maturius à se descisceret, excitauit, ac tandem in Papirio Isauriæ castello per Theodericum Valameris Ostrogothorum Regem captum cum Leontio Tyranno capite truncauit. Verinam Aug. socrum, quæ primò pro Basilisco fratre, mox pro ipso genere suo steterat, multis petitam insidiis, in vrbe Ciliciæ Tarso, deinde in supradicto Isauriæ castello custodiri iussit, & ibidem in exilio mori coëgit, vbi Leontio Patricio purpuram circumdare ac diadema imponere ab Illo compulsus est. Denique cognito vnum è Silentariis Imperio & coniuge sua potiturum esse, ratus destinari Pelagium virum præstantissimum ac sapientissimum, ab Silentiariorum Schola ad Patriciam dignitatem promotum, cuius operâ Theodericum Triarij filium, Gothorum Fœderatorum Ducem à Constantinopoli armatum auerterat, iussit in insula Panormo insontem strangulari, tamquam successorem suum occidere, aut fati legem immutare posset. Cedrenus ait Pelagium Patricium, quoddam Zenonem

nem ius violantem liberè argueret, & Longinum Cæsarem creari noller, ab eo vita priuatum. Suidas, nescio quem Auctorem secutus, scribit Zenoni Principi duas vxores fuisse, priorem Ariadnen, Leonis iunioris Aug. matrem; posteriorem Arcadium, Historicis Græcis Latinisque ignotam, cui statua Constantinopoli posita sit: filium quoque, admodum arrogantem, qui adolescens torminibus ex intemperantia contractis ante patrem decesserit. Ego Candidum Isaurum veterem Historicum sequi malo, qui Zenoni, postquam priorem vxorem (quæcumque illa fuerit) ex morbo amiserat, Ariadnen à Leone Aug. in matrimonium datam esse tradit.

Mortuo Zenone, cùm Longinus, eius frater, bis Consul stupris & rapinis infamis, ac inuisus, Imperium affectaret: Ariadne Augusta Leonis Principis filia, quæ fuerat Zenoni nupta, impulsâ ab Urbicio eunucho gratiosissimo, Senatu & exercitu consentiente, Anastasio Silentario, necdum Senatori, diadema imposuit, eidemque quamquam sexagenario mox nupsit. at Isauri ex vrbe Constantinopolitana omnes expulsi sunt, & Longinus Seleuciam Isauriæ, vnde erat, dimissus. vbi cùm res nouas moliretur, victus, comprehensus, & Alexandriam in exsilium missus, Presbyterque factus paullo pòst obiit: vt tradit Zonaras. quamquam Euagrius & Nicephorus Callistus à Ioanne Scytha victum cum acie vnâ cum Theodoro cæsûmque aiunt.

Flavius Anastasius, in opido Epiri nouæ Dyrrachio genitus, cognomine *Δυναστες*, imperauit annos XXVII menses III. vir callidus, prouidens, mitis, crebras ob Eutychianam hæresim Constantinopolitanorum seditiones passus, & in bellis ciuilibus, quàm in externis meliore fortuna vsus. quippe & Isauros donatium ab Illo Tyranno ipsis auctum, & à Zenone inuito reconciliationis causâ concessum armis repetentes vi; & Vitalianum Ducem Fœderatorum Gothorum dolo magis quàm ferro feliciter exarmauit. At eodem tempore Bulgares, Pontica gens, Thraciam, & Illyricum; Persæ Armeniam & Mesopotamiam, superatis proelio Roma-

nis, securi vastauere: Hunni, portis Caspiis effractis, & Armeniâ maiore peragratâ, Cappadociam, & Galatiam depopulati sunt: Saraceni in Phœnicen, & Palæstinam erupere. Ceterùm miror, quòd Flavius Anastasius Dyrachinus apud Baronium in litteris ad Senatum vrbis
 10xvi. Romæ missis Petro V. C. Consule *Germanicum inclytum, Alamannicum inclytum, Francicum inclytum* se appellet; quibuscum gentibus non bellum ei, sed contrâ amicitia fuit: si verum est, quod scribit Gregorius, Chlodoueo Francorum & Alamannorum Regi Patri-
 ciam dignitatem ab Anastasio codicillis delatam esse. Hæc de Imperatoribus Orientis transcurso dicta sint: ad Chlodouicum reuertor.

Gundobadus, Godegisilus, Chilpericus, & Godomarus, (vt supra diximus) Gundiuco patri suo Burgundionum Regi successerant, Regnùmque inter se diuiserant. Non fuit fratrum diuturna concordia. Chilpericus enim & Godomarus æqua parte minimè contenti Alamannos mercede accersiuere, & Gundobadum apud Augustodunum fufum acie Regno expulere. qui cum apud amicos lateret, audito Alamannorum auxilia dimissa esse, fratresque suos securos victoriâ frui; manu coacta in Burgundiam rediit: potitúsque Vienna, quæ tum Regum sedes erat, Chilpericum captum interfecit: Godomarum in turri quadam, in quam confugerat, viuum exussit: Chilperici vxorem oneratis lapide ceruicibus mergi in flumen; duósque eius filios capite truncatos in puteum abiici iussit. Filias Chilpericus ex coniuge duas susceperat. ambas in exsilium missas ait Gregorius: quarum maior nomine Mucuruna, quam Fredegarius Sedeleubam Reginam, quidam Chronam appellant, murata veste virginitatem Deo deuouit, & extra vrbem Geneuam Ecclesiam extruxit: natu minor Chrothildis vocabatur. Quamquam Auctor Historiæ Franciæ, etate Gregorio proximus, & Rorico Monachus Chronam in exsilium actam; Chrothildem ab Gundobado patruo suo domi retentam, educatamque dicunt: quam posteriorem Nice-
 tius Rodhildem; Fredegarius Chrotechildem; Rorico

Chrochildem; Hrodhildem Herimannus; aliqui Chrodigildem, & Chrodieldem appellant. Hæc, siue primum Arianam sectam cum popularibus secuta erat, deinde hæresin eiurauerat; siue potiùs semper Catholicarum partium fuerat, de Christo & Spiritu Sancto rectè sentiebat. quam cum vidissent legati, quos Chlodoueus Francorum Rex ad Gundobadum variis de rebus sæpe miserat, admiratque puellæ formam, ac prudentiam, regia stirpe genitam, & Chilperici quondam Burgundionum Tetrarchæ filiam esse cognouissent, relatione sua Chlodoueam iuuenem in amorem virginis facilè impulerunt. Itaque Chrothildem sine mora Chlodoueus in matrimonium petiit, missisque ob id legatis traditam ab Gundobado, quia negare non audebat, ac perductam ad se duxit vxorem (vt ait Herimannus) XII regni anno, hoc est Albino & Eusebio Coss. cum iam haberet ex concubina Theodoricum, & (sicuti Iordanes, Paullus, ac Freculfus tradunt) Audesledam, quam alij Odelsledam; alij Angosledam; alij Anasledem appellant, Theoderico Italiæ Regi nupturam. Gregorius tamen & Aimoinus eam Chlodouei sororem fuisse verisimiliùs dicunt: quippe apud Cassiodorum Senatorem in libri III epistola IV Theodericus Ostrogothorum Rex Chlodoueam Francorum Regem *affinem, & cognatum*, hoc est, vxoris suæ fratrem; se autem ipse *patrem* Chlodouei appellat, filium vtique appellaturus, si gener eius fuisset.

CCCC-
XCII.

Apud Scriptorem rerum nostrarum ætate Gregorio proximum, Roriconem, aliòsque dicitur Aurelianus quidam Gallus, Chlodouei consiliarius, mendici habitum indutus Viennam ad Chrothildem venisse, eique anulum fidei pignus, & ornamenta sponsæ conuenientia à Chlodoueo attulisse: quibus Chrothildis acceptis anulum in patris sui inscientis loculum reposuerit, atque in nuptiis consenserit. tum Aurelianum à Chlodoueo legatum ad Gundobadum missum esse producit; qui Chrothildem sponsam sub belli comminatione peteret: moxque negante primum Gundobado, & Aurelianum speculatorem appellante; deinde vbi anulum

Chlodouei imagine & nomine signatum è locello suo prolatum vidit, ægrè annuente; virginem regiam legato traditam, & ad Regem Francorum perductam esse: qui nuptias Augustæ Sueffionum confecerit, iterumque Aurelianum ad Gundobadum miserit res Chilperici vxoris suæ patris repetitum, ab eoque, consilium popularium, suadentium ne feroci homini vllam belli materiam præberet, non sponte secuto, pretiosissimam supellectilem & multum auri argentique receperit. Fredegarius Scholasticus, & Aimoinus Monachus rem paulò aliter exponunt, nimirum Aurelianum assumto cum pera mendici habitu clàm venisse ad Chrothildem Geneuam Allobrogum, vbi vnà cum sorore exsulabat, & Chlodouei mandata anulúmque detulisse: quo illam accepto centum solidis, anulóque suo legatum donauisse, celeritèrque Chlodoueo nuntiare iussisse, nî per legatos quammaturimè ab Gundobado patruo suo in matrimonium peteretur, deducereturque, timere se, ne Aredij interuentus cœpta destrueret. quâ cognitâ re Chlodoueam missis confestim ad Gundobadum oratoribus Chrothildis nuptias petiisse: cùmque is consensisset, potentissimi Regis amicitiam hac affinitate se adquisiturum sperans; legatos more Franciæ oblato solido atque denario puellam virginem Chlodoueo absenti despondisse: & ad diem nuptiis Cabilloni celebratis eam à patruo Francis traditam, & in basternam esse impositam. quæ comperto Aredium Constantinopoli reuertisse, duces ac comites suos festinare iter, ac se in equum inferre iusserit. id consilium euentu felicissimum fuisse: quippe Aredio tale coniugium improbante, & Chrothildem parentum mortem viri armis vlturam dicente; Gundobadum sine mōra ad retrahendam puellam equites misisse, qui basternam quidem vacuam, & aurum ac ornamenta comprehendierint, sed ipsam longè progressam consequi non potuerint. tum Chrothildem, cùm Francorum sinibus appropinquaret, comites rogauisse, vt quantum possent extrema Burgundiæ quouersus igne & ferro vastarent: quo facto Villariacum, qui est locus in agro Tricassino, ad Chlodoueam

perductam, ac in matrimonium acceptam esse. quas fabulas finxisse Historicos nostros non miror, cum iidem Childericum Chlodouei patrem amisso Regno venisse Constantinopolim ad Mauricium Tiberium Aug. qui CXX post annis imperare coepit, & post Basinam vxorem ductam primâ nocte portenta vix pueris credibilia vidisse memoriæ tradiderint.

Hincmarus, & Aimoinus, Rorico, ac Sigebertus, alii-
que Auctores Historiæ nostræ scribunt Chlodoucum,
paullo post nuptias factas, Regnum suum primò vsque
ad Sequanam; mox vsque ad Ligerim protulisse: &
Aureliano Melodunum opidum Senonum, quod ca-
strum appellant, præmium meritòrum dedisse, simul-
que cum eo beneficio nomen Ducis contulisse. ceu
verò non id antea Childericus Chlodouei pater fecis-
set, quem ipsi produnt Iuliomagum Andecauorum non
longè à confluente Meduanæ & Ligeris positum, &
opidum Aurelianorum ripis Ligeris adiacens occupa-
uisse.

Aliquanto post Chrothildis Regina marem enititur, &
patientem magis quàm approbante Chlodoueo ablui eum
more Christianorum iubet, Ecclesiàmque velis ac cor-
tinis ornandam curat: vt virum suum, quem verbis
expugnare non poterat, eo mysterio ad Christianam
religionem illiceret. Nomen infanti Ingomeres impo-
nitur, quod Arminij Cheruscorum Principis patruo
nomen fuisse accepimus, quem Cornelius Tacitus in
Annalium libro I Inguiomerum appellat. Et Ingome-
res quidem, ab aliquibus Ingomirus dictus, paucis post
diebus interiit. cuius mortem molestè ferens Chlodo-
ueus, ac Baptismo imputans, grauiter Chrothildem
obiurgauit, dixitque Deos patrios, ob contemtum nu-
minis sui iratos, parentibus filium eripuisse, at illa se
felicis vteri esse respondit, cuius primitias Christus si-
bi consecratas reperiuisset: filiùmque postea peperit,
qui nihilo seciùs baptizatus, & appellatus Chlodome-
res cum ægrotare coepisset, affirmante Rege fore, idem
vt ei, quod fratri, contingeret, Reginæ votis, ac Dei
misericordiâ conualuit. Ex his intelligitur Chlodo-

ucum quamlibet naturâ ferum ac immitem , valdè
vxorium fuisse : quo non prohibente potiusquàm af-
sentiente Chrothildis Ingomerem tinguendum cura-
uerit, acritérque ob id increpita minorem filium Chri-
sto initiare non dubitauerit.





HADRIANI VALESII

RERVM FRANCICARVM

LIBER SEXTVS.



AM Franci dudum bella non sum-
mouere, sed inferre, & qualcum-
que aggredierentur gentes atque re-
giones subigere consueuerant: iam
terras inter Renum & Ligerim,
partem Galliae meliorem validio-
remque, armis occupatas obtine-
bant, & linguam Latinam, morés-
que cultiores à Gallis docebantur: adhuc tamen pa-
trio more siluas & fontes Deorum numero ducebant,
atque auihus sacrificia faciebant: timendumque erat,
ne post confirmatum sibi Galliarum imperium si ido-
lorum cultui non renuntiauisent, in Ecclesiam reli-
gionemque Christianam arma conuerterent. Dei pro-
uidentia ortum est bellum, cuius victoriâ Chlodoueus
Rex gentis maximus ac potentissimus de idolis simul
hostibusque triumpharet. quippe quintodecimo regni
eius anno, qui Paullum fratrem Imperatoris Anastasij
Consulem habuit, Alamanni, gens iam inde ab Anto-
nino Caracalla nulla Germanica gente viribus & famâ
inferior, magnâ manu flumen Renum transiere. Cau-

CCCC-
XCVI.

sam belli, noménque Regis Auctores nostri non dicunt. tantùm apud Cassiodorum Senatorem in libri II epistola vltima inuenio Alamannorum Regem perfidiæ notari: credo, quòd fœdus cum Chlodoueo iustum violatâ fide rupérat: siue is Gibuldus Alamannorum Rex ab Eugenio in libro de vita Seuerini memoratus; siue quis alius fuit. Equidem existimo Alamannos (id quod Burgundionibus, Vefigothis, Francisque bene cessisse videbant) partem Galliæ multis suis maiorumque suorum incurfionibus per annos CCLXXX vastatâ occupâre voluisse. Regnabat tum Colonia Agrippinæ Sigibertus, partis Francorum Rex, regionemque ad Gallicam ripam Reni iacentem, & finitimos Germaniæ Transfrenanæ pagos possidebat. cuius vbi Regnum depopulatâ iam superiore Germaniâ ingressi sunt Alamanni; Chlodoueus magnis coactis copiis ad eos contendit: adiunctoque sibi Sigiberto, apud Tolbiacum Vbiorum hostes assecutus prælium commisit. ibi cùm inclinatam videret suorum aciem, & plurimis cæsis, Sigiberto etiam genu saucio, ex quo vulnere postea claudicauit, reliquos vehementer vrgeri; Chrothildis monitorum memor ad cælum oculos sustulit, & admonitu Aureliani (vt quidam aiunt) multis cum lacrimis auxilio Christi implorato vouit, si victoriam ex hoste tulisset, se Christianam sectam secuturum, quoniam Deos patrios frustra inuocauisset. statimque exauditæ sunt supplicis preces. nam & Francis animus ac virtus rediit; & iteratâ de integro pugnatâ Alamanni ingenti strage fusi, ac fugati: Rex ipse occisus: nec prius finis cædendi capiendique factus, quàm Barbari, pacta salute, sese victori dedidissent. sic Alamanniam, vnâque (vti Hincmarus & Rorico dicunt) Sueuiam cum incolis ab Chlodoueo tributariam esse factam Historiæ nostræ Auctores tradunt. nisi quòd Fredegarius Scholasticus scribit Chlodouicum ad bellum proficiscentem hortante vxore supradictum votum nuncupauisse, atque Alamannos, post eam cladem acceptam extorres annos IX multis locis vagatos, cùm nihil à quoquam auxiliorum contra Francorum Regem

gem impetrauissent, deditionem non sponte fecisse. Sed malo equidem Magno Felici Ennodio Chlodouei æquali accedere, qui in Panegyrico Regi Theoderico dicto ait Alamannis omnibus intra fines Italiæ sine damno prouincialium receptis accidisse, vt postquam Regem suum amiserant, alienum nanciscerentur, & ex vexatoribus prouinciarum Imperij Romani defensores fierent atque custodes: eisque feliciter cessisse fugam ex patria sua, pro agro aspero, palustri, atque siluestri solum ferax, & aratri patiens consecutis: ob idque Theodericum Alamannicum appellandum esse dicit. Ex quo intelligitur Alamannos complures, non tamen omnes, siue Chlodouei victoris arma iramque metuentes, siue imperium Francorum auersantes, relictis sedibus suis ad Theodericum Regem in Italiam perfugisse, & in extremis Regni terminis, hoc est, vt puto, in Rætiis, quæ prouinciæ Italiæ proximæ Alamannorum finibus erant, ab eo esse collocatos, vt eas regiones ab incursionibus tuerentur, & data facultate, vel oblata occasione in sedes suas maturè ac facilè reuerti possent. Quare apud Cassiodorum Senatorem in epistola vltima libri II Theodericus Ostrogothorum Rex per legatos Chlodoueo Regi gratulatur, quòd *gentem Francorum, prisca* (sicuti falsò ait) *atate residem, feliciter in noua praelia concitauerit*, & Alamannos virtute victos domuerit. petitque vt quoniam auctores perfidiæ ceciderint, imperet animo, ignoscat fessis reliquiis, quæ ad se confugerint, Italiæque in finibus lateant exterritæ: quippe euadere mereri, qui affinem eius defensorem elegerint. Iam Regem Alamannorum cum popularium superbia cecidisse: iam innumerabilem gentem partim interfectam, partim captam esse: Alamannoque acerrimo bellatori tantum terrorem iniectum, vt victorem suppliciter vitam precari cogatur. quem triumphum amplissimum, ac dignissimum memoriâ sufficere Chlodoueo debere, ne, si cum reliquis confligat, nondum vniuersos superâsse videatur. ita sibi gratissimum facturum, *nec de ea parte, quæ ad se pertineat, sollicitum futurum*. Præterea eadem in episto-

la Theodericus Chlodoueum monet, vt pareat saluti suæ, atque in acie cautior sit, & aduersus victos moderatior ac mitior, & citharœdum, à Seuerino Boëthio Patricio, cùm musicæ tum omnium bonarum artium peritissimo, optimum electum, qualem petierat, inter epulas neruorum vocisque consono cantu placitum ei mittere se pro acroamate dicit. Deprecatio tamen Theoderici pro Alamannis irrita fuit, nec vllam deditionis conditionem accipere Chlodoueus voluit. quamobrem Alamanni non omnes quidem, (vti cum Agathia persuadere nobis conatur Ennodius) sed *ea pars*, quam suprà Theodericus ait *ad se pertinere*, annis XL in Italia sub Theoderici, Athalarici, & Theodahadi Ostrogothorum Regum imperio ac tutela fuere. reliqui, qui apud Tolbiacum se Chlodoueo dediderant, quique domi remanserant, gentis pars maior, ex eo tempore Francorum Regibus paruere. Falsum vt sit, quod in Historiæ libro I tradit Agathias Scholasticus, Mauricij Tiberij Aug. æqualis, Alamannos ab Theoderico post occupatum Italiæ Regnum subactos & stipendiarios esse factos, atque eo inortuo Ostrogothos, Iustiniani A. bello pressos, gente & agro Alamannorum in Theodeberti Francorum Regis gratiam cessisse. quasi verò Theodericus omnem Alamanniam cum habitatoribus domuerit: quorum pars tantum post prælium apud Tolbiacum relictis suis sedibus ad eum sponte perfugit, & XL post anno à Vitige Ostrogothorum Rege Theodeberto Chlodouei nepoti tradita postliminio domum rediit, Francorum Austrasiorum Principibus vnà cum reliquis popularibus paritura. Addit Agathias Alamannos, tametsi Francorum imperio subiectos, habere tamen leges suas, Deosque patrios seruare, nimirum lucos, fluuios, colles, quibus equos & alia animalia, capita abscindendo, immolare soleant: sed Francorum consuetudine mollicitis paullatim animis & ritibus Barbarorum prudentissimum quemque commutatum ad meliora conuerti, breui vt ea gens omnem barbariem depositura videatur. Ceterum Tolbiacum, pugnae locus, quod ab Colonia Agrippina XVI leugis abest, apud

quod castrum anno CXX post Consulatum Paulli Theodobertus Chlodouei abnepos à Theodorico fratre atroci proelio fusus est; indicat Alamannos prius Sigiberto Regi, quàm Chlodoueo bellum inferre voluisse. quippe cum nec supra Vindonissam, nec multum infra Mogontiacum flumen Renum transire Galliae depopulandae causâ consueuissent; si Chlodoueam prae omnibus vnum aggredi statuerant; non Germaniam inferiorem, in qua Sigibertus Rex dominabatur, petere; sed per Argentoratum aduersum finibus suis, perque Diuodurum Mediomatricorum ac Verodunum, Chlodouei Regnum ingredi debuerunt.

Fusis fugatisque circa Tolbiacum, vt supradictum est, Alamannis, Chlodoueus Francorum Rex Renum transiit, & cum victore exercitu ingressus Alamanniam ac Sueuiam, exceptis qui in Italiam perfugerant, gentes regionisque eas à Mæno fluuio ad Alpes Ræticas usque promissas perdomuit: atque domum reuertens Vedaustum Presbyterum, popularem suum, virum sanctissimum, quem postea Remigius, sibi à Rege commendatum, Atrebatice Ecclesiae Episcopum constituit, ex opido Leucorum Tullo deduxit, ab eoque rectam fidem & religionem in itinere edoctus, & caeci mirabili curatione in proposito confirmatus est. Chrothildis Regina, quam Sigebertus Rothildem, aliqui Chrothildem, & Chrodchildem appellant, apud Remos viro laeta occurrit: victos hostes gratulatur: ordinem rei gestae cognoscit: confestimque dum propositum calebat, ne dilatio obliuionem, aut consilij mutationem afferret, Remigium clam accersitum orat, vt Regem ad votum soluendum, & ad Baptismum hortaretur. Erat Remigius Remorum Episcopus, Principij Sueffionici Episcopi frater, sanctitate praecellens, & liberalibus studiis imbutus, atque, vt illa ferebant tempora, declamandi peritus, quem Fredegarius, alique malè Remedium vocant. is Chlodoueam secretò ad se vocatum monere coepit, vt vnum & summum Deum mundi conditorem, cuius beneficio insperatam ex hostibus palmam tulisset, crederet ac confiteretur: néve bestias

hominibus ab auctore suo subiectas, & aues rationis expertes diuinis honoribus coleret, neu' arboribus sensu carentibus sacrificia facere nihil profutura, & aquas surdam naturæ partem inuocare perseueraret. Probabat Rex Remigij salubre consilium, nec recusabat votò se exsoluere, sed Francis patrij moris tenacibus materiam seditionis præbere metuebat. Commodissimum visum est apud exercitum orationem habere. Igitur aduocata concione hortatur singulos ac vniuersos, vt euerfis idolis, quæ nec sibi, nec cuiquam alij prodesse possent, Dominum ac Deum, cuius expertæ virtuti victoriam belli Alamannici deberent, Christum venerarentur, & *nondum initiatus sacris, sit sua gentis Apostolus*. Chlodouei orationem interruptit Francorum consensus vna voce testatus, succlamatúmque est ab omnibus, se eum, cuius Sacerdos esset Remigius, Deum colere paratos esse. Lætus tam admirabili assensione Remigius, vbi Chlodoueus, ceterique Catechumeni quæ ad sacra pertinebant fecere, Ecclesiam velis aulæsvæ pictis, ac cortinis ornari; Baptisterium parari; spargi vnguenta; cereos accendi iubet: ac primum omnium Chlodoueam, petentem vt baptizaretur, atque in lauacrum descendentem his verbis hortatur: *mitis depone colla Sicamber: adora, quod incendiisti; incende, quod adorasti*. tum Rex fidem interrogatus ab Remigio, & Deum vnum trinúmque confessus, ter in aquam demittitur, vngitur, signatúrque. Hincmarus de vita Remigij, Aimoinus eius æqualis in Historiæ libro 1, & Frodoardus Remensis Ecclesiæ Presbyter rem admirabilem, & Gregorio, Fredegario, aliisque veteribus nostris Historicis ignotam narrant: nimirum cum ferenti Chrisma Clerico omnes ad Baptisterium aditus turba intercluderet, columbam niue candidiorem aduolauisse, ampullam rostro ferentem, eamque in Remigij aquam consecrantis manibus deposuisse, ac statim non comparuisse, ita Chlodoueam perunctum esse. Addit Hincmarus Remorum Episcopus (vt in actis Synodi Mettis habitæ, cui ipse præsedet, & in Appendice Aimoini inuenio) sacrum hoc & cælo missum

Chrisma religiosè seruari, necdum sua ætate post annos amplius CCLXX defecisse, eoque Chlodoucum vnctum, & Regem consecratum esse XV. regni anno. in quo Hincmarum sua tempora, suique decipere mores, existimantem iisdem cærimoniis Merouingos regnum iniisse, quibus posteri Caroli Maioris domus iniierint: cùm Pippinus primus omnium Franciæ Regum, imitatus Iudæos, ac posteriores Vesigothorum Reges, vt se sacra vnctione venerabiliorem augustiorémque faceret, semel atque iterum vngi voluerit. ante ætatem verò Hincmari solus Ludouicus Pius; ab eo ad Hugonem Francorum Reges non amplius tres, nimirum Carolus Ludouici Pij pronepos, Rotbertus frater Odonis, & Lotharius Durocortori Remorum Reges vncti sunt ac consecrati. mirum vt non sit Chrisma de cælo delapsum, quod non in vltos vsus, sed in memoriam miraculi seruaretur, tamdiu superfuisse, ac post tot annos minimè consumtum ostentari potuisse. Baptizato Chlodouco, è sororibus Regis Albofledis Baptismum accepit: Lanthildis, vel Landechildis, Christiana quidem dudum sed Arianarum partium, post eiuratum hæresim sancto Chrismate delibuta est, quam tamen aliqui vnà cum sorore tinctam affirmant. Francorum quoque sub Chlodouco militantium millia amplius III, non (vti ait Fredegarius) VI Baptisma inierunt, qui albat cum albato Duce triumphalis exercitus speciem præbuerunt. Lanthildem autem falsò Rorico pro Audefleda Theoderico Ostrogothorum Regi nuprum datam ait. at Albofledem (quod & fortasse de Lanthilde dicendum est, neutram enim nupsisse reperio) consecratam Deo virginem decessisse Remigij ipsius ad Chlodoucum epistola ostendit, in qua Albochledem eam appellat, & *benedictionem virginitatis accepisse* scribit, atque *sacratam luger* negat oportere. Equidem miror nec Gregorium, qui hanc epistolam legerat, nec ceteros nostros Historicos id animaduertisse, existimóque Albofledem non ab alio quàm Remigio vt baptizatam, sic consecratam fuisse. In Chronico Roberti Monachi Autissiodorensis in-

uenio Theudechildem, Chlodouei filiam, Theuchildem Reginam ab Odoranno dictam, deuota virginitate & pietate venerabilem, apud Agendicum vel Agedincum Senonum Monasterium, quod S. Petri Viui appellatur, magnificè exstruxisse, Apostolis consecrauisse, ac prædiis locupletauisse, vbi & sepulta sit.

Et Chlodoueus quidem, ita vti suprà diximus, ablutus est: qua autem in vrbe, quoque tempore ablutus sit, inter Auctores non constat. Gregorius, quantum in ipso erat, id scire nos noluit: nam nec loci, nec diei mentionem vllam fecit. Fredegarius verò, qui Pippino regnante floruit, Aimoinus, Hincmarus in libro de vita Remigij, & in duabus epistolis, ac Frodoardus Presbyter in Historiarum Ecclesiæ Remensis libro primo, Chlodoueam in Basilica sanctæ Mariæ Durocortori Remorum in peruigilio Paschæ baptizatum esse tradunt, eo nimirum anno, qui victoriam belli Alamannici secutus est. similiter Ludouicus Pius apud Frodoardum in Historiæ libro II in Remensi Ecclesia beatae Mariæ & Chlodoueam ablutum, & se, qui ab eo genus noménque deduceret, manu Stephani Romani Episcopi Imperatorem consecratum, vnctum, ac coronatum dicit. Contra Nicetius Treuironum Episcopus in epistola, quâ Chlodosoindam Chlodouei ex Chlothario filio neptem etiam atque etiam hortatur, vt Alboinum Langobardorum Regem virum suum è secta Arij ad Catholicam fidem adducat, Chlodoueam in Ecclesia Martini Baptisma consecutum esse ostendit his verbis. *Audisti ab auia tua Domina bona memoria Rodhilde, qualiter in Franciam veneris, quomodo Dominum Chlodoueam ad legem Catholicam adduxerit. & cum is esset homo astutissimus, noluit acquiescere, antequam vera agnosceret. Cum ista, que supradixi, probata cognouit, humilis ad Domini Martini limina cecidit, & baptizari se sine mora permisit.* Ecclesiæ nam apud Turonos Martini Apostolici viri sepulcro illustrem, Martini limina appellet Nicetius; (vt Fredegarius in Chronici capite LIV) an aliquam aliam Basilicam eius nomine nobilitatam, ambigi potest. Equidem vix cre-

cccc-
xcvii

diderim Nicetium, hominem tantæ prudentiæ ac dignitatis, qui Chlodoucum videre puer potuit, & vbi baptizatus fuisset scire non solum debuit, sed etiam videre voluit; cum Chlodouindæ scriberet, in re tam ei quàm Francis Gallisque notissima errauisse, & pro beatæ Mariæ Basilica, Martini Basilicam, siue pro Durocortoro Remorum Cæsarodunum Turonum posuisse, quam urbem constat tum Alarico Vesigothorum Regi paruisse. Certè actis Synodi permisso Alarici apud Agatham Messalla Consule habitæ Leo Diaconus missus à Domino Vero Episcopo Turonicæ Ecclesiæ subscripsit. 10VI. auctorque est Gregorius Volusianum, & Verum hunc, alterum post alterum Turonicos Episcopos, propterea quod prodendæ Francis vrbis consilia iniisse credebantur, à Vesigothis in exilium actos esse. neque verisimile mihi videtur, etiamsi cetera gratis concessero, Remigio, prouinciæ Belgicæ secundæ Metropolitano Episcopo, (à quo omnes Historici Chlodoucum ablutum dicunt) viro, qui in epistola quadam Fulconi Episcopo tantopere ob Canones non seruatos irascitur, vilo modo persuaderi potuisse, vt neglectis Patrum regulis in Metropoli prouinciæ Lugdunensis tertiæ, præsentē ac spectante vrbis Episcopo, Chlodoucum baptizaret: aut Chlodoucum, victis ac domitis Alamannis, à ripa Reni ad flumen Ligerim contendisse, vt tam longè ab Augusta Sueffionum, quam interfecto Syagrio regiam delegerat, in extremis Regni terminis, ac velut sub oculis Vesigothorum intingueretur. Malo igitur cum Frodoardo Hincmarum Remorum Episcopum, ampliùs CCCLXX annis distinctum à Chlodouci ætate, quàm Nicetium ei supparem erroris arguere. nec dubito, quin *limina Martini* vocauerit Nicetius Ecclesiam S. Martini apud Remos ad portam Collaticiam, vel Basilicarem, cuius mentio fit in Remigij testamento. vbi ablui voluisse Chlodoucum non mirabitur, qui Martini nomen ob signa atque virtutes summæ Gallis & Francis venerationi fuisse, votaque ei ab ipso Chlodoueo ante Vogladsense prælium nuncupata intelliget, & Rotbertum fratrem Odonis, ac Lotharium, qui Durocortori

Remorum regnum inierunt, non in primaria urbis Ecclesia, sed in Basilica Beati Remigij Reges ab Episcopis Remensibus consecratos esse animaduertet. Nec plura de loco, ubi ablutus est Chlodoueus, dicenda occurrunt.

De tempore non magis conuenit. Fredegarius, Hincmarus, ac Frodoardus (vti suprà diximus) in peruigilio Paschæ XVI regni Chlodouei anno hoc actum esse scribunt. è quibus Fredegarius, vt sententiam suam confirmet, addit Chlodouicum, cum Remigius *in Albis* Euangelij lectionem de Domini nostri Iesu Christi suppliciis ei exponeret, dixisse, si tum vixisset, atque Francis comitatus Hierosolymis fuisset, Christi se iniuriam vindicaturum fuisse. Deceptos credo Hincmarum ac Frodoardum verbis & auctoritate Fredegarij; Fredegarium autem, opinionis eius auctorem, veteri more institutòque Ecclesiæ, quæ non aliis diebus quàm Paschæ ac Pentecostes Catechumenis valentibus Baptismum conferri permisit. quippe Nicetius Augustæ Treuiorum Episcopus, in antedicta epistola ad Dominam Chlodosoindam Reginam, Chlodouicum *sine mora baptizatum* ait, vt appareat, post victos acie hostes subactamque Alamanniam, simul ac domum rediit, circa initium hiemis finemque anni Baptismum ei collatum instante Chrothilde, non in Pascha dilatum fuisse. Sed omnem dubitationem eximit, errorémque dissoluit Alcius Ecdicius Auitus, Viennensis Episcopus, vir ingenio ac virtute eminens, & pro captu illorum temporum in prosa oratione carminibúsq; perfectus, atque (vt in epistola ad Faustum & Symmachum Senatores Urbis & Consulares ipse se appellat) Senator Romanus. Hic igitur Auitus in epistola, quâ Chlodoueo Regi de accepto Baptismo gratulatur, V III Kalendas Ianuarias, quum Christi natalis nocturna peruigilatione celebrabatur, præsentibus multis Episcopis tinctum eum indicat his verbis, quæ si legissent Fredegarius & Hincmarus, in errorem non incidissent. *Gaudeat quidem Gracia habere se Principem legis nostra, sed non iam quia tanti muneris dono sola mereatur illustrari: quòd non desit & reli-*

reliquo Orbi claritas sua. Siquidem & Occiduis partibus in Rege non nouo noui inbaris lumen effulgurat, cuius splendorem congruè Redemptoris nostri natiuitas inchoauit: ut eo die ad salutem regenerari ex vinda vos pareat, quo natum redemptioni suæ cali Dominum mundus accepit. Igitur qui celebris est natalis Domini, sit & vestri, quo vos scilicet Christo; quo Christus ortus est mundo. Comparat Auitus hoc loco Chlodoueam Francorum Regem cum Anastasio Augusto, quem *Principem Graciæ* appellat, & legis nostre, hoc est Catholicarum partium esse ait. tamquam ut Chlodoueus post Baptismum acceptum in Occidentis tractibus; sic tum in Orientis Imperio Anastasius Princeps Catholicus fuerit: quem Dioscorianorum vel Eutychianorum hæresim secutum esse, & quinque Patriarchas sibi aduersantes, ac de duabus Christi naturis rectè sentientes in exilium misisse constat. Chlodoueam autem existimo vnum ex omnibus ætatis suæ Regibus Catholicum & orthodoxum fuisse. quippe eo tum statu res Christiana erat, ut hæresi vbique dominante Imperium Orientis Princeps Eutychianus obtineret: & Reges Barbarorum, qui in prouinciis Occidentis confederant, nimirum Sueuorum in Callæcia; Burgundionum, & Vesigothorum in Gallia; Vandalorum in Africa; Ostrogothorum in Italia; Langobardorum in ^{ultra} ~~Pannonia~~ ^{trans} ~~secunda~~; Gipedum quoque in Dacia Transdanubiana, Arij sectam sequerentur: ceteræ gentes tenaces patrij moris idola venerarentur. Causa autem, quare omnes ferè Barbari Ariani essent, hæc erat, quòd (ut scribit Prosper in Chronico) Ariani ab Imperatoribus Arcadio & Honorio Orbe Romano expulsi ad Barbaros, in primis ad Vesigothos sese contulerant, ac plerosque eorum ex idololatria, nonnullos etiam è Catholica religione ad suam hæresim perduxerant. Quamquam Iordanes in libro de Origine Gothorum, & Nicephorus Callistus in Historiæ Ecclesiasticæ libro XI tradunt Vesigothos Fridigerno Regi parentes, auctore Vlfila Episcopo populari suo principatu Valentis Aug. factos Arianos, Ostrogothis, & Gipedibus consanguineis suis, ac ceteris omnibus linguæ suæ nationibus Barbaris Istri

accolis, nimirum Taifalis, Vandalis, Erulis, aliisque hanc perfidiam insequisse. à diuerticulo ad ordinem reuertor. Eadem in epistola Auitus Chlodoueuum laudat, quòd cùm eum varij hæretici ad suas quisque partes trahere conarentur, Catholicam Fidem professus sit: & veritatis ac rectæ de Deo sententiæ *quidam arbiter* datus, dum *sibi eligit, omnibus iudicauerit*: nec vt plerique noxio pudore, & inutili maiorum reuerentia moti facere consueuerant; Christianorum Sacerdotum monitis & cohortationibus religionem popularium & ritus patrij vetustatem opposuerit: vt qui priscae originis stemmate, ac nobilitate illustri proauos Reges bonorum auctores habebat, posteris suis auctor esset ipse meliorum. Adiicit ab Chlodoueo, quem *timendum gentibus, Regum florentissimum, ac felicissimum, ac patrem omnium* appellat; captiuos vinculis liberatos, atque dimissos: & per nuntium Viennam missum de Baptismo suscipiendo initi consilij se certiorum factum: neque opus esse *Fidem perfectò prædicare, quam ante perfectionem sine prædicatione viderit*: tum nimirum cùm Chlodoueus inuocato Christo Alamannos acie vicit, ac (sicuti suprâ dicit Nicecius) quæ de religione Christiana ab Chrothilde vxore audierat, *vera agnouit*, præsentis Dei auxilio comprobata. Præterea se impetrasse Auitus scribit à Domino Gundobado, *sua quidem gentis Rège, sed Chlodouei* (vti ait) *milite*, eique seruire in omnibus parato, vt viri Illustris Laurentij cuiusdam filium ad eum, quemadmodum petierat, mitteret. vnum orat Chlodoueuum, vt quoniam gens vniuersa Francorum per eum breui Christiana futura sit, *ulteriores gentes*, quas vnus ac summi Dei ignaras nondum vllæ hæreses aut praua dogmata corruerunt, nimirum interiores Germanorum nationes, quæ sub imperio Francorum non erant, dimissis quoquouersus legationibus ad religionem Christianam inuitet. Et id quidem forsitan Chlodoueus fecit. certè imitatus Constantinum Maximum, Francos saltem ditionis suæ (vti ait Siegeburtus) cùm exemplo suo; tum etiã edicto ad Fidem Christianam partim inuitauit, partim perduxit. vt non sine causâ à Remigio in II episto-

lis non solum predicator Fidei Catholica, sed defensor, meritis illustris appelletur.

Exemplum Chlodouei Regis intra paucissimos annos Francorum pars maior & melior imitata est. eodem plerique consilio Presbyteros adire, ad Episcopos conuenire, his magistris quæ credenda erant edoceri, & Christianam religionem profiteri, colere, amplificare coeperunt. eamque postea non modò integram à contagione accolarum seruârunt, verùm etiam Alamannis, Baioariis, Toringis, Saxonibus, Frisiis, aliisque gentibus idololatri domitis inseuerunt. tantum denique sacrarum Virginum, sanctorum Monachorum, Abbatum, Presbyterorum, Episcoporum tulerunt: tot experimentis pietatem suam testatam fecerunt, magis vt Fidem Christi Gallos edocuisse, quàm à Gallis didicisse videri possent. Quamobrem Iustinianus Aug. apud Procopium in libro 1 belli Gothici & Agathias dicunt omnes Francos rectissimam atque eandem, quam Romanos, de Deo opinionem habere, eosdem festos dies anniuersarios agere, & hæresin atque perfidiam Ariatorum damnare. & Pelagius Episcopus vrbis Romæ in epistola ad Auxanium Arelatensem Episcopum ait Francorum Reges cum Romanis in rectæ Fidei confessione consentire. similiter Gregorius cognomine Magnus, Romanæ Ecclesiæ Episcopus, in litteris cùm ad Childebertum Regem Francorum, tum ad eius filios scriptis, affirmat, quanto Reges ceteris hominibus præsent, tanto eorum Regnum Fidei sinceritate, & integritate Christianæ religionis omnibus omnium gentium regnis antecellere. Ex quo intelligitur Reges nostros, qui Chlodouei insequentiûmque Principum vt virtutis ita & pietatis heredes, & Catholicæ disciplinæ semper tenaces fuerunt, iure meritòque Christianissimos appellari.

Ceterùm postquam Chlodoueus Baptismum iniit, Galli, qui sub Francorum imperio erant, multo placidiores & obsequentiores facti sunt: & qui non erant, eos habere dominos plerique summopere cupiuere. licet enim antea Galli, qui Vesigothis, & Burgundio-

nibus Arianis parebant, partim amore, partim metu impulsī, in Francos studiis inclinauerint: & beatus Aprunculus Lingonicæ Ecclesiæ Episcopus propterea Burgundionibus suspectus, & clam occidi iussus sit, atque noctu de muro castri Diuionensis demissus Aruernos petierit, in locum C. Apollinaris Sidonij tum fortè defuncti subrogandus: tamen post acceptum à Chlodoueo Baptismum multo alacrius & pronioribus animis cū alij, tum Episcopi, homines magnæ sanctitatis auctoritatisque, pro se quisque odio hæreseos Arianæ, & amore Fidei Catholicæ res ad Francos traxere: quippe (vt Gregorius scribit) Volusianus, stirpis Senatoriæ, Turonicæ Ecclesiæ Episcopus, & Verus eius successor, cū Vesigothis suspecti essent fauere Chlodoueo, ac defectionem attentare, alter post alterum iussu Alarici Regis in exilium acti sunt. & Quintianus Rutenorum Episcopus, ante prælium Vogladense ab opidanis apud Gothos ibi habitantes accusatus initi de tradenda Francis vrbe consilij, cū cognouisset se in periculo mortis esse, noctu profugit, & ad Euphrasium Aruernicæ Ecclesiæ Antistitem, Aprunculi Diuionensis successorem, Augustonemetum se contulit, eiūque & liberalitate viui sustentatus, & mortui in locum anno V post Chlodouei obitum susceptus est. Postremò Aquitani, post victum cæsūque à Chlodoueo Alaricum, quàm libenter Arianum Regem Catholico mutarent, prompta omnes ac celeri deditione ostendere. Quamquam de Vero, ac maximè de Quintiano an Gregorio credi oporteat nescio. siquidem Leonem Diaconum, missum à Vero Episcopo Turonicæ Ecclesiæ, decretis Sacerdotum, qui Messalla V. C. Consule 13VI. XXII regni Alarici anno Agathæ conuenerunt, subscripsisse inuenio. ex quo cognoscitur Verum, si sede sua verè expulsus fuit, circa finem eiusdem anni aut initium insequentis, quo Alaricus interfectus est, pulsum fuisse. Quintianum autem Rutenorum Episcopum constat Synodo huic apud Agatham habitæ interfuisse, eūque, ac similiter Euphrasium Aruernorum Episcopum 13XI. Felice V. C. Consule, ante paucos menses quàm Chlo-

doueus decederet, acta Concilij Aurelianensis manu suâ confirmauisse. Præterea cum tam Aruerni, quam Ruteni sub imperio ac ditione Vesigothorum fuerint, quoad vixit Alaricus minor: apparet Quintianum, ob supradictam rem pulsum ac profugum, viuo Alarico mortis effugiendæ causâ Aruernos petiturum, & ab Euphrasio Episcopo accipiendum, agrisque ac vineis donandum non fuisse. Denique Aprunculum quidem Burgundionibus; Volusianum, ac Verum Vesigothis suspectos facere potuit propinquitas Francorum, quæ & horum commercium proditiōis adiuuaret, & illis ad occupanda retinendâque opida plurimum conferret. nam Andematunnum Lingonum non ampliùs passuum XLIII millibus aberat à Tullo Leucorum, ab Augustobona Tricassium aliquanto minùs, quæ vrbes ambæ parebant Chlodoueo. & flumen Liger, cuius ad vltiorem ripam positum est Cæsarodunum Turonum, fines Vesigothorum à Francis diuidebat. At Ruteni, vltima Aquitanix gens, & prouinciæ Narbonensi contermina, regnante Alarico variis ditionis eius nationibus vndique claudebantur. minimè vt verisimile sit Quintianum tum prodendi Francis opidi Rutenorum Segoduni consilium iniisse, quò ne præsidium quidem mittere inuitatus Chlodoueus potuisset. eò enim per Bituriges, & Aruernos, gentes infestas, hoc est, per omnem ferè, quàm lata est, Aquitaniam Alarico parentem tendere oportebat. Quare existimo Quintianum Rutenorum Episcopum, si è sede sua vnumquam expulsus est, post non solùm Alarici sed etiam Chlodouei mortem expulsus esse, idque ita accidisse. Vesigothos, cum, vt ait Gregorius, mortuo Chlodoueo multa ex his, quæ Vogladensi prælio amiserant, armis recepissent, Segodunum opidum Rutenorum præ ceteris occupauisse, atque aliquot annis tenuisse, eiusque Episcopum Quintianum, tamquam Francis faueret: suspectum habuisse, & interimere voluisse: qui vnà cum fidissimis suis fugâ salutem, Aruernosque petierit, ibique iussu Theodorici Francorum Regis, anno v post Chlodouei Magni obitum Euphrasio vrbis Sacerdoti successor sit datus.

Hincmarus in libro de vita Remigij scribit Chlodoucum, Proceresque Francorum post acceptum Baptismum omnibus Ecclesiis Regni ablata restituisse, ac præterea plurimas possessiones per varias prouincias Remigio pie contulisse, quarum is partem, nimirum Luliacum, castrum Godiciacum, & Bernam villam, Remensis Ecclesiæ prædiis adiunxerit; partem, non modicam castro, quod Laudunum Clauatum appellant, vel Basilicæ sanctæ Mariæ ibi positæ attribuerit, eique loco Genebaudum, nobilissimum hominem atque doctissimum; Episcopum præposuerit. Eulogium quoque virum potentissimum, clarissimumque, ut ex nomine intelligitur, natione Gallum, cum maiestatis reus in Ecclesiam beatæ Mariæ confugisset, vsusque deprecatore Remigio vitam, veniamque, ac rerum suarum dominium à Chlodouco impetrauisset, Sparnacum villam suam eidem dono dare voluisse, recusantique in usum Ecclesiæ Remensis argenti librarum quinque millibus vendidisse. Præterea Hormisdæ vrbis Romæ Episcopum, post prælium Vogladense, cæsûmque Alaricum, Remigio Remorum Episcopo vices suas per Regnum Chlodouci commississe tradit Hincmarus, eoque sedem Apostolicam obtinente Chlodoucum hortatu Remigij legatos Romam misisse, qui coronam ex auro & gemmis, donum eximium, in Basilica Petri ponendam, Principique Apostolorum dicendam & consecrandam curarent. exemplum quoque litterarum Hormisdæ ad Remigium subscribit, quas non minùs falsas atque confictas, quàm Remigij testamentum subiectum arbitror. quippe anno IV post Chlodouci obitum, nimirum Florentio & Anthemio Coss. (sicuti ait Marcellinus in Chronico) Hormisdæ in locum Symmachi Romanæ Ecclesiæ Episcopus est subrogatus.

Auctor Appendicis Chronico Victoris adiunctæ pro-
 dit Anastasio Aug. II Consule *Gothos*, hoc est Veligo-
 thos, *intra Hispanias sedes accepisse.* quod cum falsum
 sit, (nam Barcinonensis regio iam inde ab Ataulfo sub
 ditione Veligothorum fuit, & Theodoricus posterior,
 ac Euricus frater eius multas Hispaniæ clarissimas vr-

cccc.
xcvii.

bes armis occupauerant) non dubito, quin hic error non Auctori, sed vitio exemplarium ac duabus litterulis debeat imputari, & quin Vesigothi nequaquam intra Hispaniam *sedes accepisse*, verùm *cades occupasse* dicendi sint. Certè hoc Auctoris ipsius verba indicant. addit enim Burdimelum, qui ante annum ab Alarico descuerat, & in Hispania regnum inuaserat, à suis traditum, Tolosam perductum, ibi tauro æneo positum, ac flammâ subiectâ viuum crematum esse: & Messalla V. C. Consule Dertosæ à Vesigothis opido ^{10 VI.} potitis alium quemdam Tyrannum interemtum, caputque eius Cæsaraugustam allatum dicit. quæ Tyrannorum Hispaniensium cædes sine multorum cædibus, qui aut participes coniurationum fuerant, aut fuisse putabantur, fieri non potuere.

Eodem anno Verodunenses à Chlodoueo defecere, <sup>cccc-
xcvii.</sup> moxque obsessi vbi arietibus murum quat, & aggerem exstructum proferri viderunt, pro Firmino Episcopo, qui paucis antè diebus decesserat, ciuem suum Auspicium vrbis Archipresbyterum, virum sanctissimum, ad Regem misere oratum, vt sibi ignosceret, veniâque impetratâ portas aperuere, & Chlodoueam cum suis copiis opido recepere. Hoc accidisse Anastasij secundo Consulatu vt credam facit Aimoinus Monachus, qui narrationi bellî Alamannici, & Baptisimi Chlodoueo Regi Francisque collati continuò defectionem Verodunensium deditiõnemque subtexit. Quamquam Auctor non vetus libri de vita Maximini Verodunenses ab Chlodoueo descuiisse inter ipsa *regni eius auspicia* tradit. quem tamen nihilominus secum pugnam honoris causâ præcedentibus Clericis vrbem intrâsse, & in Ecclesia Deo gratias egisse scribit. ex quo intelligitur Chlodoueam, tum cum Verodunum recepit, Christianum fuisse: at is non initio principatus, sed quintodecimo regni sui anno, Consulatu Paulli factus est <sup>cccc-
xcvi.</sup> Christianus.

Patricio & Hypatio Coss. Theodericus Ostrogothorum Rex, anno VII post interemtum Odoacrem, ac omnem Italiam perdomitam, vrbem Romam intrauit, ^{12.}

ibique Odoinum, vel, vt alij dixerent, Odoindum, Commitem ac popularem suum sibi insidiantem capite truncari iussit in Palatio Sessorio. cuius Sessorij Palatij, in IV Synodo Romæ iussu Theoderici huius habita, mentionem fieri video, & in Actis Xysti Romani Episcopi, in quibus *Heleniana Basilica*, vel *Hierusalem Basilica* Sessorij Palatij, alio nomine *Sessorianum atrium* appellatur.

10 Eodem anno bellum Burgundicum initum ac finitum esse prodit in Chronico Marius Auenticensis Episcopus. Tum Burgundiones, qui & Burgundij, tenebant in Gallia Lugdunensem primam, Sequanos, partem maiorem prouinciæ Viennensis, Alpes Peninas, & Graias, atque Maritimas, & aliquot Narbonensis secundæ vrbes, quæ pars Galliæ Burgundia ab gente cognominata est, & ita apud Senatorem in libri I epistola vltima vocatur. Horum Rex Gundiucus IV filios, Gundobadum, Godegisilum, Chilpericum, & Godomarum, superstites ac Regni sui successores reliquerat. è quibus Gundobadus Chilpericum, Chrothildis Reginae patrem, & Godomarum interfecerat, Regnumque totius Burgundiæ occupare conabatur. ipse Lugdunum Segusianorum Regiam delegerat: Godegisilus, quem Fredegarius Gundeghisilum, Freculfus Gundeisilum, Hincmarus Godegisilum appellat, Gencuam Allobrogum opidum sedem habebat. Breui apparuit inter malos fratres fidam pacem, ac diuturnam concordiam esse non posse. cum enim alter alteri insidiaretur, bellum ciuile palam exarsit. Godegisilus, opibus & gratiâ apud populares inferior, clam per legatos annum tributum Chlodoueo, quantum vellet imponere, se pensurum promisit, si eius operâ fratrem victum occidere, aut saltem Regno spoliare potuisset. Facile à viro, qui in pace bellum quærere solebat, accepta conditio est, & legati cum pollicitatione auxiliorum dimissi. Lætus igitur Chlodoueus spe prædæ, & occasione vindicandæ loceri cædis, maximas copias cogit, & vt erat constitutum, in Burgundiam contendit. At Gundobadus ignarus fraudis legatos ad Godegisilum fratrem suum mittit oratum, sibi vt ab Francis oppugnato celeriter opituletur: condonet inimici-

inimicitias patriæ periclitanti, & aduersus communem hostem in commune consulat: ne qui iuncti pares esse Chlodoueo possint, distracti opprimantur. Pollicetur auxilium Godegisilus, móxque cum omnibus copiis ex composito adiungitur Gundobado, simul ac pugnæ signum datum esset, ad Chlodouicum transiturus. tum ambo Chlodoueo armati occurrunt. Committitur prælium apud Diuionem, quod erat castrum in finibus Lingonũ ad Oscaram flumen, ab Imperatore Aureliano non (vt Gregorius putat) exædificatum, sed nouis mœnibus cinctum. Vbi pugnari coeptum est, Godegisilus, quem admodum conuenerat, cum exercitu ad Chlodouicum transit, & arma in fratrem vertit. quod posteaquam sensit Gundobadus, multis suorum amissis fugam capessit: nec munimentis Lugduni, ac ne Viennę quidem, aut Valentię satis confusus, Auenionis muris se inclusit, tanto (vti existimabat) ab hostibus tutior, quanto remotior futurus. eò frumentum comportari, pecus ex agris compelli iubet. Godegisilus autem, promissa Chlodoueo parte Regni sui, discessit, triumphansque, tamquam iam totius Burgundię imperium obtineret, Viennam Allobrogum, inuitantibus opidanis ac popularibus, intrauit. Interea Chlodoueus auctis copiis suis Gundobadam quā fugerat sequi, ac interficere statuit: penetrat interiora Burgundię: superatoque flumine Rhodano castra ante Auenionem ponit, minimè plenam ab se latam victoriam, confectumque ducens bellum, si Rex hostium euadere potuisset. Iam depopulatis agris, cæsis oliuetis, vineis excisis, vicis incensis, feruebat obsidio, & Gundobadus intra muros cum suis non modò de Regno, sed etiam de auxilio ac de salute desperabat. ægro animi, anxioque supradictus Aredius, amicorum eius facilè primus, consilij sui rationem aperit, & ex constituto ad Chlodouicum transfugit, affirmatque se victorię ipsius comitem, quàm socium Gundobadi pulsi ac obsessi esse maluisse. receptus inter familiares, vir in suadendo prudens, & in arcano sibi commissio celandò fidelis, nec minùs iucundus & suauis, quàm callidus, breui in magno honore apud Regem fuit.

quem cùm diurnæ obsidionis tædere animaduerteter, arrepto tempore veniam libertatis precatus monuit, vt irrita munitissimæ vrbs oppugnatione dimissâ, Gundobado tributum in annos singulos pendendum imponeret, suâque in eo negotio operâ vteretur. Placuit Chlodoueo consilium, remissumque confestim Auenionem Aredium subsecuti eius legati Gundobadum imperata facere paratum inuenere. itaque conditiones pacis quæ ferebantur acceptæ, & promisso annuo tributo, ab altero pecunia in annum; ab altero obsidio soluta est. Chlodoueus Burgundiæ spoliis onustus exercitum prædâ grauem domum reduxit.

Exstincto cum in modum externo, ciuile bellum de-integro in Burgundia exarsit. Gundobadus enim, quem Fredegarius Gundebadum; Regino Cundibaldum appellat, post discessum Francorum receptis viribus, opidum Allobrogum Viennam caput Regni sui oppugnare instituit. id opidum Godegisilus popularium aliquot, & Francorum auxiliariorum præsidio tenebat. qui cùm angusta re frumentaria vteretur, multitudinem inopia pressam opido excedere iussit. Eiectus præter ceteros Curator aquarum publicarum; indignabundus, ac fremens contemptum se, & tamquam vnum de inuiti plebe expulsum, statim Gundobadum adit: docet frustra tot operibus, tanto cum virorum fortium periculo Viennam oppugnari, cuius potiundæ compendiarium viam demonstrare possit. probatôque Regi consilio suo, dux ipse armatis datus robustissimos expeditissimósque militum Gundobadianorum per aquæductum ducit, & amoto ferreis vectibus magno lapide, quo spiraculum eius intramuranum clausum erat, in urbem intromittit. illi, vt imperatum erat, simulac ex aquæductu velut è cuniculo emerferunt, bucinâ signum captæ vrbs dedere. Respicientibus, qui è muris propugnabant, & se à tergo circumuentos esse videntibus, Gundobadus occupatis portis cum copiis suis in urbem irrumpit, & defensores perterritos ac in medio conclusos occidit. Godegisilus in Ecclesiam Hæreticorum confugit, ibique vna cum Episcopo Ariano Arianus interficitur. at Fran-

ci, quos à Chlodoueo Godegisilus acceperat, in turrim concessere, quos Gundobadus captos à militibus suis violari vetuit, Tolosamque perducere, (vt ait Gregorius) & Alarico Vesigothorum Regi tradi iussit. Quamquam Fredegarius Scholasticus, & Aimoinus produnt Francos hosce, *v millia* numero, vel, quod malim, II, ab Gundobadianis ad vnum omnes occisos esse. Primores Viennensium, quos Gregorius Senatores, Marius Seniores appellat, ac Burgundiones complures, qui Godegisili partibus fauerant, multis exquisitissimisque suppliciis affecti sunt, ac necati. Eum in modum Gundobadus intra finem anni, quo Patricius & Hypatius Consules fuerunt, aduersam, ac secundam fortunam expertus, primùm acie victus; deinde obsessus; paullo post fratrem, à quo erat pulsus, obsedit: Regnóque suo tam citò & facilè recepto quàm amisso Regnum eius adiunxit: ac omnem Burgundiam occupauit, cædibus trium fratrum infamis. atque suis postea viribus confusus promissum Chlodoueo tributum non pependit: móxque Burgundionibus leges mitiores instituit, ne Romanos, hoc est prouinciales Gallos iniuriis afficerent. Hæ sunt leges, quas cùm Auieni Consulatu promulgatas legamus, Auieno & Pompeio Coss. vel subsequenti anno, nimirum Flauio Auieno iuniore & Probo Coss. latas fuisse credere nos oportet, & quas Reges Francorum Burgundionibus domitis reliquerunt. Certè Agobardus Lugdunensis Episcopus, qui post CCC annos, quàm Burgundia ab Childeberto & Chlothario Chlodouei filiis in prouinciam redacta fuerat, floruit, Christianissimum & piissimum Imperatorem Ludouicum semper Augustum epistola quadam hortatur & monet, vt (si fieri possit) Burgundiones, quos *cines suos*, & *Gundebados* appellat, legibus Francorum vt iubeat, legem Gundebadi Regis Burgundionum hæretici, quam & Gundebadam vocari dicit, lites non iure & virorum bonorum testimoniis; sed aut rei ipsius iureiurando, aut armis terminantem abrogando. Bello confecto Gundobadus, Christum filium Dei, & Spiritum Sanctum æqualem Patri confessus, Auitum Viennensem Episco-

10.

101.

1011.

pum orauit, vt clàm ipsum vngeret. Cui Auitus respondit non oportere Regem, qui nullum timere debeat, metu seditionis à publica professione veritatis deterreri: meliùsque esse, vt multitudo Regis fidem sequatur, quàm Rex multitudinis sectam. illum caput esse gentis suæ, & quemadmodum cùm expeditionem facit, præire soleat copiis quò duxerit secuturis; ita exemplo suo ac veluti ductu populares ab errore abducere debere. At Gundobadus ob supradictam causam æqualitatem trium Personarum publicè confiteri noluit, nec in eiuranda hæresi ausus est Chlodouci in patria superstitione damnanda animum imitari.

Et Marius quidem in Chronico, Gregorius Aruernus, Turonicæ Ecclesiæ Episcopus in Historiæ libro II, Fredegarius Scholasticus in eius excerptis, Freculfus, ac Aimoinus Monachus, ita vt suprà retulimus, de bello Burgundico scripsere. at Auctor quidam Historiæ Francicæ, ætate Gregorio proximus, Hincmarus in libro de vita Remigij, & Rorico Monachus, nullà perfidiæ Godegisili mentione factâ, falsò dicunt Chlodoucum impulsu ab vxore sua Gundobado & Godegisilo iunctis bellum intulisse, ambòsque circa Diuionem acie fudisse. & aliò quidem Godegisilum; Gundobadum verò Auenionem se contulisse, móxque obsessum, supradicto commento Aredij viri illustris Consiliarij sui, nimirum pacto pensionis annui tributi, quod seruaturus non erat, datisque multis muneribus è Chlodouei manibus euasisse, ac postea Regnum totius Burgundiæ, quoad vixit, feliciter administrauisse. quem Gundobadû alij Gundobaldum; alij Gundobaudum; alij Gundealdum; Hincmarus ac Sigebertus Gundeaudum appellant. Procopius, Cæsariensis Palæstinus, Rhetor in libro I belli Gothici dissentit ab omnibus. quippe scribit Toringorum ac Vesigothorum Reges Herminafridum ac Alaricû posteriorem, cùm post Odoacris mortem vires Francorum iam auctas admodum timerent, eaque gens multitudini ac virtuti suæ confisa finitimos omnes lacefferet, ac apertè violaret, Theoderici Regis Ostrogothorum afinitatem delegisse. ex eo Francos metu Theoderici in-

iuriis & vexationibus Toringorum ac Vesigothorum abstinuisse, bellumque Burgundionibus intulisse. (quorum Regis filius tamen, nomine Sigismundus, Ostrogotham minorem natu filiam Theoderici in matrimonio habebat) Addit Procopius Francos postea, & Ostrogothos, quos semper Gothos appellat, hoc est Chlodoueuum, & Theodericum Reges, belli Burgundionibus faciendi occupandæque Burgundiæ inisse societatem: atque vtri forte pugnae non affuissent, hos multari certâ pecuniâ, quam alteri operæ ac victoriæ præmium acciperent, ac nihilominus dimidium agri ex hoste capti obtinere placuisse. Cum diem ex die duceret Theodericus, longumque esset eius exercitum exspectare; Francos cum magnis copiis Burgundiam ingressos esse, solóque per se aduersus Burgundiones pugnauisse: ac postquam æquo atque dubio Marte diu atque acriter dimicatum erat, & magna vtrunque cædes facta, tandem Burgundiones fufos terga vertisse, ac in extrema Burgundiæ ad Alpes versùs refugisse: quibus in partibus multa castella situ naturali & opere munita habebant. utentibus victoriâ Francis, & reliquam omnem regionem occupantibus, celeriter aduenisse Ostrogothorum Duces cum copiis, quos lentè iter facere, atque si victos esse Burgundiones comperissent, festinare; sin autem contrà atque speraret vicisse cognouissent, non progredi vltiùs Theodericus iusserat. Hos, acufatos grauitè & increpitos à sociis, longinquitati ac difficultatibus locorum moram suam imputauisse, partimque pecuniam victoribus pœnæ nomine dedisse: ac mox, vti conuenerat, quidquid agri Burgundionibus ademtum erat, inter Francorum ac Ostrogothorum Reges ex æquo diuisum esse. quæ gesta esse, antequam Chlodoueus Alarico Vesigothorum Regi bellum inferret. Quibus verbis videtur indicare Procopius, ante prælium Vogladense cædemque Alarici, duas à Francis in Burgundiones expeditiones fuisse susceptas, priorémque designare, cum scribit Francos Burgundionibus bellum intulisse: de posteriore loqui, cum ait eisdem postea vnà cum Ostrogothis belli Burgundici socie-

tatem iniisse, ac Burgundiam ingressos esse.

Et Procopius quidem, ita vt alius nemo, bellum Burgundicum exponit. Quominus miror, quæ de Arboricis idem Auctor memoriæ tradidit: eos nimirum magnæ homines virtutis, Francis finitimos, & cum reliqua omni Gallia atque Hispania pridem Imperio Romano subiectos fuisse, tum verò veterem Reip. formam mutauisse. quos cùm Franci diuturno bello experti vincere non potuissent, petiere, sibi vt cum eis foedus & connubia essent. (nam vtrique Christianam religionem profitebantur) in has leges pacem compositam, & societate ac affinitatibus ex duabus vnam gentem factam esse, talique pacto magna Francos potentiæ incrementa quæsiuissse. At milites Romanos in vltimis Galliæ finibus custodiæ causâ constitutos, cùm numero impares nec resistere, nec in Italiam, vnde venerāt, reuerti possent, nec ad hostes Arianos transire vellent, se, & quam præsidiis tuebantur regionem in Arboricorum atque Francorum ditionem dedidisse: necdum apud eorum posteros leges patrias, disciplinam rei militaris, habitumque Romanum sua ætate exoleuissse. Quos ego Arboricos, vel Arborychos ignoto nomine appellatos à Procopio, non alios quàm Armoricos esse indicarique arbitror. Nam quod ait Procopius, Arboricos Francis confines; & Christianos fuisse, atque cum reliquis omnibus Gallis ac Hispanis diutissimè Romanis paruissse; id de Armoricis proptiè vocari dici posse, & verò oportere constare, qui oram prouinciæ Lugdunensis II ac III à Sequanæ exitu ad ostium Ligeris vsque promissam tenebant. quippe Armorici cum omni Gallia Christum coluere, ac Imperatoribus Rom. parere: & Franci, dum trans Renum habitauere, tractum Neruicum & Armoricum vt proximum; sic piraticis latrocinii ac prædationibus sæpe infestum habuere. & postquam Belgicam, ac pleraque Lugdunensis Galliæ domuere, Aulercosque Cenomanos & Andecauos gentes Armoricis affines in deditiōem accepere: iidem mihi videntur, ne quid inter Renum ac Ligerim hostile esset, ciuitatibus Armoricis bellum intulissse. Certè Gregorius in libro

primo de Gloria Martyrum scribit Chillonem quem-
 dam à Chlodoueo Francorum Rege in Namnetes, quæ
 gens Armorica erat, cum exercitu missum esse, & post
 bimestrem eorum opidi oppugnationem subitâ ac oc-
 cultâ formidine Francorum animis diuinitus incusâ ob-
 sidionem soluisse, baptizarique voluisse. quod tamen
 opidum Namnetum postea, cum Venetorum, Redo-
 num, Abrincatuorum, Constantinorum vrbibus, ac
 Rotomago, hoc est cum maiori parte tractus Armori-
 cani, Chlodoueo paruisse indicant subscriptiones Epi-
 scoporum, qui iussu eius in opido Aurelianorum con-
 uenerunt. è quibus Veneti (vt Eginardus in Annalibus,
 & Aimoinus in libro IV tradunt) primùm à Britannis,
 metu Anglorum & amore libertatis ex patria profugis,
 tributarij facti sunt: deinde ab Chlodoueo Rege domiti
 sub Francorum ditione atque imperio per annos circiter
 XC fuerunt. donec anno XVII regni Guntchramni
 atque Chilperici à Waroco Britanno recepti sunt. qui
 non multo pòst cæso cum suis copiis Beppoleno, frau-
 de decepto Ebrachario Guntchramni Ducibus, Vene-
 tiam in potestâte sua ita retinuit, vt vsque ad Pippi-
 num Regem, qui opidum Venetos anno DCCCLIII
 cepit, per annos CLXXIV non alios quàm Britannos
 Regulos habuerit. atque ob id Veneticam regionem à
 Waroco Venetorum Comite, quem Guerecum, & We-
 rocum appellat, Broguerec Britannico nomine dictam
 ait Auctor libri de vita Gildæ Sapientis. Vt ad Chlodo-
 ueum reuertamur: tametsi nec Concilij Aurelianensis,
 nec Gregorij auctoritate niteremur; nequaquam cre-
 dere nos oporteret cum Regem, Armoricis post occi-
 pitium hostibus relictis, flumen Ligerim transiturum;
 & antequam citeriora pacauisset, occupandæ Aquita-
 niæ causâ Alarico Vefigothorum Regi bellum illaturum
 fuisse. Præterea vti Procopius tradit Arboricis, quo
 tempore cum Francis societatem & amicitiam iunxere,
 Reipublicæ formam pristinæ dissimilem fuisse: ita ex
 Zosimo cognoscitur, id quod in libro IV notauimus,
 effusis per Gallias Germanis, hoc est Sueuis, Vandalis,
 & Burgundionibus; Armoricos ab Honorio Aug. in

quo nullum sibi aduersus impotentiam Tyrannorum, & Barbarorum latrocinia, ac exactorum iniquitatem præsidium esse intelligebant, defecisse, eiectisque magistratibus Romanis, Remp. suo arbitrio constituisse. quamobrem principatu Placidi Valentiniani à Litorio subacti, (vt ait Sidonius) paullo post rebellauere: missoque ad eos compescendos Eocharico Alanorum Regi Germanus Autessiodurensis Episcopus persuasit, vt cum suis copiis domum rediret: ac Rauennam profectus, Imper. Valentinianum pro fontibus deprecatus est: impetrassetque veniam, nisi ea gens naturâ mobilis & perfida per idem tempus denuo defecisset. Addit Procopius, milites Romanos in vltima Gallia custodiæ causâ constitutos, cum in Italiam reuerti non possent, Barbaris eam, ac Galliam ferè totam, per quam iter faciendum erat, occupantibus; neque ad hostes Arianos transire vellent, se suâque omnia, quæ diutius tueri non valebant, Francorum & Arboricorum fidei potestatique commisisse. quibus verbis designari puto descriptâ in Notitia prouinciarum Imperij Romani præsidia opidorum portuumque oræ Armoricæ, flumine Ligere diuisæ à Vesigothis Arianis, quorum Vesigothorum imperio milites isti præsidiarij Francorum & Arboricorum, Christianarum Catholicarumque gentium, imperia prætulerunt. Vbi notare conuenit, cum Procopius scribat Francos fuisse Christianos, quo tempore fœdus cum Arboricis iunxerunt, & supradictos milites Romanos in deditionem acceperunt, post initum à Chlodoueo Baptismum ea gesta esse oportere. His animaduersis, tametsi Procopius in prædicto loco libri primi belli Gothici Francos, Toringos, Burgundiones, Sueuos, & Alamannos gentes Germanicas commemorat, Francisque ac Toringis Arboricos suos medios interponere videtur: tamen hosce ego nequaquam in Germanis numerandos existimo, sed Procopium ignorantia veri Armoricos gentem Gallicam, mutato eorum situ ac corrupto nomine, in Germania posuisse credo. præsertim cum, post Varum Ducem tresque legiones cælas, constet Germanos Transfrenanos Imperatoribus

Ro-

Romanis minimè paruiffe, nullámque Germanicam gentem sedes habentem in Germania, principatu Chlodouei, quo tempore Franci Galliam occupauerunt, Christianam fuisse.

Admoneor suprafacta mentione Britannorum, vt de his aliquid dicam. Britanni complures, siue ab Anglis eiekti domo, siue externam dominationem perosi, in prouinciam Lugdunensem tertiam aduersam insulæ Britanniae transiere Placidi Valentiniani principatu, ibique domitæ parti Armoricorum, nimirum Venetis, Curiosolitibus, & finitimis nationibus iura & leges, ac nomen suum dedere. incolæ enim Britanni, vel Brittones; regio Britannia appellari cœpta, quam alij nouam, alij Gallicam, quidam Cismarinam, nonnulli minorem cognominant. Hæc regio an Francorum Regibus paruierit, ambigi potest. nam Britannos post Chlodouei Regis obitum semper sub Francorum ditione fuisse in Historiæ libro IV tradit Gregorius, quique eis præerant, pro Regibus Comites (vel Duces, addere debuit) vocatos esse. & Auctor libri de vita Leonorij Episcopi scribit Childebertum Regem Chlodouei filium Franciæ imperium Britanniaeque obtinuiffe. & in libello de vita Pauli inuenio Childebertum huncce Francorum Regem *Vuithuro Comiti*, qui & *Princeps* ibidem dicitur, partem Britanniae regendam commisisse, proficiscentique anulum suum tradidisse, & Paulum Agnensi Leonensi que Britanniae pagis Episcopum præponendum curauisse. Præterea Samson Britannorum vel Dolensium Archiepiscopus dicitur Monasterium Penetale Monasterio Dolensi, quod vtrumque extruxerat, permissu Childeberti Regis subiecisse ac commendauisse. Eginardus quoque in Annalibus, Aimoinus in Historiæ libro IV, & Poëta quidam Saxo, Arnulfi Aug. æqualis, in rerum gestarum Caroli Magni libro II produnt, *Britannos ab Regibus Francorum subactos ac tributarios factos, impositum sibi vectigal quamuis inuitos soluere consueuiffe*. & Episcopi, qui in villa agri Tullensis nomine Saponariis anno Domini 1000 conuenerunt, in epistola ad Episcopos Britannorum scribunt *eam*

gentem *Francis* ab initio fuisse subiectam, ac tributum pependisse. Auctor etiam Annalium, quos Bertinianos appellant, scribit *Salomonem Ducem Brittonum* Carolo Francorum Regi, Ludouici Pij filio occurrisset, eique se commendauisset, & fidem sacramento obligauisset, omnesque primores Brittonum idem facere iussisset, & censum illius terra secundum antiquam consuetudinem eidem pependisse: & insequenti anno Carolo Regi, conuentum ex toto Regno apud Pistas habenti, & annua à suis dona ibidem accipienti, supradictum censum 1 argenti librarum, quem Salomon more maiorum mittebat, oblatum esse. & in Annalibus, qui Mettenses dicuntur, inuenio Saxonum, Frisiorum, Alamannorum, Baioariorum, Aquitanorum, Vasconum, atque Brittonum, gentium quondam *Francis subiectarum* Duces, antequam Pippinus auus Pippini Regis Præfectus Palatii fieret, à Francorum Regibus, quorum desidiâ contemnebant, contumaciter defecisset. Et hæc quidem persuadent Britannos Francorum Regibus Merouingis paruisset. Contra Auctor Historiæ Francicæ Gregorio proximus, ac Freulfus Lexouiorum Episcopus Chonobrum, vel Cunobertum, qui bello Chramni interfectus est, non, ut Gregorius, *Comitem*; sed *Regem Britannorum* appellant. & apud Fredegarium, ac Aimoinum, atque apud Florentinum Abbatem de vita Iudoci, & in libro de vita Dagoberti reperio Iudicailem, vel Iudichaëlum, Iuthaëli Regis filium, quem quidam Vidichailum, alij Iudicheilum nuncupant, *Britannorum Regem* & fuisse & vocari. Aimoinus etiam in Historiæ libro II versus Childberti senioris tumulo inscriptos refert, in quibus Brittonum Regibus terrori fuisse dicitur. & Gregorius, velut secum ipse pugnans, in libro IV ac V tradit Chanaonem, seu Conanum, *Britannorum Comitem*, Macliaui fratris sui Regnum occupauisset: quo mortuo Macliauum Regnum recepisset, ac Theodoricum quemdam Bodici filium Regno patrio spoliauisset. nemo autem nescit Comitatus & Ducatus quos vocant, hoc est Præfecturas urbium atque regionum *Francis subiectarum*, non armis obtineri, sed ab Regibus Francorum dari ad tempus

confueuiffè. Neque ignoro Comites, & Duces, à noſtris Hiſtoricis nonnumquam Reges; & ſubicctas eis regiones, Regna appellari: ſed affirmo, id quod Gregorius ſcribit, Warocum Macliaui filium in agrum Namneticum, Redonicumque pagum ſæpe exturriſſe, & cum Chilperici atque Guntchramni Regum Ducibus pugnauiſſe, nequaquam conuenire ei, qui Francorum Regibus pareret. Vt omittam non alios quàm Britannos in Britannia Ciſmarina regnauiſſe, cùm Reges Franciæ quoslibet è populis ſuæ ditionis vrbibus ſuis prouinciis, que præponere ſolerent. Certè Fortunatus in libro IX, de Chilperico Rege ſcribens, inter gentes Francorum inimicas, vti Getas, hoc eſt Veſigothos, Vaſcones, Danos, Æſtiones, quos alij Æſtios, alij Æſtos vocant, Saxones, Friſones, Sueuos; ſic & Britannos numerat. è quibus Vaſcones Pyrenæorum montium incolæ, gens Hiſpaniæ Tarraconenſis libera, prouinciam Nouempopulanam ætate Fortunati crebris incurſionibus vaſtabant, omnemque tandem vſque ad Garumnæ flumen, Francis ſub Maioribus domus bello ciuili laborantibus, occupauere, & Vaſconiam appellauere. qui in Hiſpania remanſerant, *Hiſpanos Vaſcones*; qui Pyrenæum tranſgreſſi in finibus Nouempopulorum conſederant, *Citerios Vaſcones* ſcriptores rerum geſtarum Caroli Magni & Ludouici Pij vocant. vnde Aſinarium in Annalibus Bertinianis *Citerioris Vaſconia Comitem* dictum inuenio. Friſones verò vel Friſij, qui primò Francis diu paruerant, ciſdem poſtea dominantibus in Gallia, à finitimis Saxonibus ſubaſti eſſe mihi videntur, plurimique eorum in Batauiam tranſiiſſe. vnde Friſia nonnumquam Saxonia; & Batauia cùm ab aliis, tum ab Auctore Annalium Mettenſium Friſia dicta eſt. Miror tamen, quòd hoſtibus Francorum Sueuos annumeret Fortunatus, quos Procopius Rhetor eius æqualis ſub imperio Francorum fuiſſe in belli Gothici libro primo tradidit.

Vt ad Britannos redeam, Epiſcopi Gallicani in Epiſtola ad Nomenoium Britannorum Regem, quem *Priorem gentis Britannica* appellant, ſcribunt certos fuiſſe fines, quos Franci ab exordio dominationis ſuæ in Gallia

sibi vindicauerint; & certos, quos petentibus Britannis concesserint. & in Annalibus Bertinianis idem Nomenoius Britto anno *IOCCCXLIV fines sibi suisque antecessoribus attributos insolenter egressus esse dicitur.* quos *fines Britannicos* Auctor vetus libri de vita Ludouici Pij, alij *Britannorum limitem*, alij Germanico nomine *Marcam Britannicam* vocant. & qui de vita Caroli Magni scripsere, cum Widonis Comitis ductu anno *IOCCCXCI* totam Britanniam, quod numquam antea factum erat, perlustratam armis, & à Francis subactam fuisse tradunt, satis apertè ostendunt ante Caroli Magni principatum si non omnem Britanniam; saltem maximam eius partem Francorum Regibus nequaquam paruissè. Neque Fredegarius solùm in Chronico, de Chlothario iuniore Chlodouei pronepote loquens, sed etiam supradicti rerum gestarum Caroli Magni scriptores *Britannorum limitem*, vel *Marcam Britannie*, & *Praefectum Britanni limitis* commemorant. vt appareat Merouei posteris regnantibus, & Carolo ipso Magno in tot tantisque prouinciis dominante, Britannos, veluti alienæ ditionis gentem, à Francis limite diuisos, tribusque per eius Principis Duces expeditionibus victos magis quàm domitos fuisse. Certè à Ludouico Aug. Caroli filio defecere, primùm Murmano duce; qui regium insigne nomenque sumsit, & ab exercitu Imperatoris occisus est; deinde auctore Wiomarco, qui & ipse dolo circumuentus, ac domi suæ interfectus est. atque quatuor expeditionibus in Britannos cum per se, tum per legatos factis, & depopulata regione, id vnum tantummodò Ludouicus egit, vt obsides ex more darent, & se imperata facturos promitterent, breui fidem violaturi. siquidem Nomenoius, regij sanguinis Princeps, quem Ludouicus Aug. Iudicem, aut (vti ait Regino) Ducem Britannis dederat, rupta fide à Carolo Rege Ludouici Aug. filio defciuit: adiunctoque sibi Lamberto Comite, qui similiter à Carolo defecerat, Reginoldum vel Rainaldum Namnetum Ducem apud Vicinoniam flumen cum magna manu Francorum occidit: nec multo post alium exercitum Caroli Britanniam ingressum, paludibus in-

clufum prælio fudit. Idem non folùm Venetos, quam vrbem Pippinus Caroli Magni pater ceperat, Regno fuo adiunxit; fed etiam *limisem antiquum transgreffus* (vt ait Adreualdus) Redonas, atque Namnetas, vrbes Francicæ ditionis, partémque pagi Andecauenfis ac Cenomannici vſque ad Meduanam flumen, agris igne & ferro longè latèque vaſtatis, occupauit: & ex 1V Episcopatibus ſeptem factis, pulſiſque legitimis Episcopis, & aliis in eorum locum ſuffectis, ab Archiepifcopo Dolenſi regio more vngi ſe iuſſit. cum Carolo etiam, bis fruſtra Britanniam cum copiis ingreſſo, pacem æquis conditionibus fecit: Regnùmque Heriſpoio filio ſuo moriens tradidit, à quo Carolus Rex acie victus excedere Britannia, & pacem facere coactus eſt. Hic eſt Heriſpoius, quem datis vtrimque cum fide obſidibus ad Carolum Francorum Regem Iuliomagum Andecauorum veniſſe dicit Regino, eique ſeſe commiſiſſe, magniſque muneribus honoratum in Regnum rediſſe. Adiicit Auctor Annalium Bertinianorum Heriſpoium, quem, vt Nomenoium patrem eius, ſucceſſorémque Salomonem, *Brittonum Ducem* ſemper appellat, regia veſte & *paterna* (vti ait) *potestatis honore*, hoc eſt patrio Regno à Carolo donatum eſſe, additis Redonis, Namnetis, & *Ratenſi*, id eſt, Ratiatenſi pago, qui ex nomine *vici Ratiatenſis*, quem Gregorius, in libro de Gloria Confefſorum, prope urbem Namnetas in finibus Pictorum ponit, appellationem traxit. Vbi notandum eſt, cùm Nomenoius Redonas, Namnetas, & Ratiatenſem regionem occupauifſet, Heriſpoio eius filio ac ſucceſſori Carolum Francorum Regem non tam condonauifſe ſupradictas vrbes, quas iam habebat in poteſtate, quàm earum expugnationem & poſſeſſionem ceſſione ſua comprobauifſe: pagùmque Ratiatenſem ex eo tempore Britannia, à qua flumine Ligere diuidebatur, partem eſſe coepiſſe. Paucis poſt annis Heriſpoius à Salomone Duce & Almaro Britannis, poſteaquam diu rebellaauerant, interimitur, & Salomon à Britannis Rex ſalutatur. qui vt Carolum Regem placaret iratum ſibi, propterea quòd Gunfridum & Gozfridum rebelles, Ludouicum

quoque filium eius receperat, & ad depopulandam Andecauiam finitimósque pagos copiis instruxerat; anno 1000CLXIII occurrit ei, commisitque sese: atque eidem sacramento fidem obligauit, ac argenti libras quinquaginta, eo anno, atque insequenti tributi nomine pependit, ob idque parte agri, qui Inter-duas-aquas dicitur, & Abbatia S. Albini à Carolo Rege donatus est. sed post triennium, nimirum anno 1000CLXVII cum Britanni tributum pendere recusarent, adiunctisque Nortmannis opidum Cenomannos diripuissent, & iam Carolus bellum eis pararet inferre: tandem conuenit, ut Carolus Salomoni obsides daret, sicque Pasuuithenus, Salomonis gener, legatus ad Carolum veniret. tum Carolus Salomoni eiusque filio pagum Constantinum hac conditione donauit, si fidem ambo, quam per Pasuuithenum dabant, sibi Ludouicóque filio suo sanctè præstarent, & auxilia contra hostes petentibus mitterent: atque insequenti anno coronam ex auro gemmis ornatam cum insignibus regiis Salomoni misit, quem Nicolaus Episcopus Romanæ Ecclesiæ præter ceteros in epistola quadam Regem appellat. Idem Salomon anno 1000CLXXIII Carolo, Iuliomagi Andecauorum Nortmannos obsidenti, in auxilium venit, nec tamen castra sua castris Caroli iunxit, sed trans Meduannam flumen cum magno exercitu consedit, ab eaq; parte opidum oppugnauit: & filium suum nomine Wigonem ad Carolum, ut ei se commendaret, fidemque coram primoribus Britannorum sacramento obligaret, misit, nec multo post à Ducibus Proceribusque Britannorum Pasquitano, Vurfando vel Vurnahato, & Wigone Riulini filio interfectus est. Tumque Carolus Rex Francorum de recipiendo Regno Britanniae diu multumque frustra cogitauit. Quare ipse in legibus apud Siluacum latis Redones, Namnetes, Venetos, Curiosolites, vel Coriosopites, Leonenses, Osismicum pagum, Aletenses, & Aulercos Diablintes, gentes Armoricas Britannis subiectas, inter pagos suæ ditionis non numerat, nullamque eorum mentionem facit. & Asser Meuenensis est auctor Imper. Carolum Crassum Ludouici

Pij nepotem, qui Ludouici Balbi fratris sui patruelis filiis successit, præter ceteras prouincias *omnem Galliam, excepto Armoricano Regno*, hoc est, exceptâ Britannîâ, tenuisse. quo mortuo Francorum Reges, bellis ciuilibus ac extetnis impliciti, tantum abfuere à Britannia vindicanda occupandâque, vt ne suos quidem fines aduersus Barbaros tueri potuerint. Hæc de Britannis, digna memoriâ visa, ideo huic loco inferenda existimaui, vt omnes scirent ne Caroli Magni quidem; nedum Chlodouci posteris eos vnquam certa imperij confessione paruissse.

Messalla & Arcobindo, vel Arcobinda Coss. XVI 15VI.
Kalendas Octobres decessit Caretene Regina, quinquagesimum ætatis annum transgressa, conditâque est Lugduni in Ecclesia beati Michaëlis, quam ipsa exstruxerat: femina benefica in pauperes; cilicio, ac ieiuniis in Palatio assueta; filiisque ac nepotes suos ad Fidem Catholicam hortari solita. vt docent versus tumulo eius inscripti, relatique ab Andrea Duchenio: qui Gundiuci Burgundionum Regis vxorem, matrêmque quadrigæ Principum, Gundobadi, Godegifili, Chilperici, ac Godomari fuisse Caretenen putat, credo quòd Consulatû Messallæ, viuo Gundobado, eam de Regina Monacham obisse ibidem legerat.

Dotibus his pollens, sublimi mente subire

Non spreuit sacrum post diadema iugum.

Quasi verò non & Radegundis, Bertharij Toringorum Regis filia, similiter permissu Chlotharij viri sui vestem regiam sacro velamine, & Palatium Monasterio mutauerit. Præterea Iordanes scribit, Theodericum Ostrogothorum Regem, *simul ac in Italiam venit*, hoc est, statim post confectum aduersus Odoacrem bellum, Asterio & Præsidio Coss. filiam natu minorem nomine cccc.
xciv.
Ostrogotham Sigismundo Gundobadi Regis filio in matrimonium dedisse. tum autem Caretene plùs minùs XXXV III annum agebat, siquidem anno XII pòst, Messalla Consule quinquagenaria erat. potuítne verò 15VI.
femina annorum circa XXXV III non iam filium, sed nepotem suum maritum videre? Non igitur Caretene

Gundiuci vxor, sed nurus; non Gundobadi mater, sed coniux fuit, cuius filius Sigismundus, (ne de Godomaro loquar) neposque Sigisfricus post Gundobadi mortem, hæresi Arianâ eiuratâ, Catholicam Fidem professi sunt. Caretenes huius pietatem, omisso nomine, laudat Gregorius in libro II de Gloria Martyrum: in quo scribit de Burgundionibus, qui Briuate vico Aruernorum Vesigothis parentium direpto, spoliataque Basilica Iuliani Martyris, ab Hillidio Vellauo cæsi erant, quatuor fuga elapsos domum reuertisse, & prædam suam, nimirum patinam ex argento, quatuor in partes diuississe, vrceum autem similiter argenteum Gundobado Regi dono dedisse. Quo cognito Reginam viro suo persuasisse, ne propter tantillum argentum tanti Martyris gratiam amitteret, vrceumque, & patinam, sicut erat diuisa, additis multis muneribus, Ecclesiæ Iuliani restituisse.

10 VI.

Eodem anno Alaricus Vesigothorum Rex, secutus exemplū Eurici parentis sui, qui primus leges Vesigothis describendas curauerat, Codicis Theodosiani libros XVI, quibusdam consilio & consensu Episcoporum ac Nobilitatis partim emendatis, partim explicatis; in epitomen cœgit, ac edidit, vt his legibus Romani, hoc est prouinciales Galli, Hispanique; ac forsitan etiam (vti Præfatio Alarici indicare videtur) Vesigothi vterentur: Episcopisque Aquitanix & Gallix Narbonensis permisit, vt Agathæ conuenirent. Certè in præfatione Canonum Episcopi ipsi profitentur *permissu Domini sui gloriosissimi, magnificentissimi, piissimique Regis* in vrbe Agatha conuenisse. Cæsarius Arelatensis Episcopus, magnæ vir sanctitatis atque doctrinæ, huic Synodo præfuit, statutisque primus subscripsit III Idus Septembr. Messalla V. C. Cos. anno XXII regni Domini Alarici Regis. cui Concilio nullos ex Hispaniæ prouinciis Alarico subiectis Episcopos interfuisse miror.

Ne quis autem forsitan miretur, quod suprâ dixerim Gallos & Hispanos vocatos esse Romanos: notare conuenit, cum Barbari prouincias Imperij Romani perpetuæ possessionis causâ in Occidente occupauissent, prouin-

diuinales quidem nomen vnà cum dominis minimè mutauisse, & vti antea dicebantur, Romanos à Barbaris dictos esse: ipsos autem non iam, sicut antè, contumeliæ, sed honoris causâ Barbaros appellari cœpisse. Sic Theodericus Ostrogothorum Rex in Ediçto suo leges *Barbaris Romanisque*, hoc est Italis, & Ostrogothis ferre se dicit, ibidémque alteros numquam aliter quàm *Romanos*; alteros non aliter quàm *Barbaros* vocat: quos posteriores Cassiodorus Senator Gothos appellare maluit, Romanisque semper præposuit. Sic in Legibus Visigothorum Hispani; sic apud Eugepium in libro de vita Seuerini Norici *Romani* dicuntur. & Victor Vitiensis Episcopus in libro III de Persecutione Ecclesiæ Africanæ scribit Vandalos, qui *Barbari* vocentur, alio conuenientiore & magis proprio nomine appellari non posse. quippe id vocabulum ferociæ, crudelitatis, ac terroris esse: Barbarosque, quantumuis muneribus donentur & colantur obsequiis, Romanis nihilominus inuidere, splendorémque nominis Romani obscurare semper cupere, nec vllum Romanum diligere aut saluum velle. Et vt de Francis ac Gallis loquar, apud Gregorium in Historiæ libro IV Francos, Latam Monasterium spoliare parantes, Monachi suppliciter alloquuntur ac deterrent his verbis. *nolite, o Barbari, nolite huc transire. Beati enim Martini istud est Monasterium.* & in libro II Gundobadus Burgundionibus leges mitiores tulisse dicitur, ne quam *Romanis*, hoc est Gallis iniuriam facerent. Præterea Fortunatus vt Wilitutam natione Francam fuisse indicet, sed adedò lenem & cultam, vt Galla videri posset, ita loquitur,

Romana studio, Barbara prole fuit.

Idem in libro VI Chariberto Francorum Regi, Chlodouei nepoti, hinc *Barbariem*; illinc *Romaniam* plaudere ait. & in Carmine de laudibus Chilperici Regis non ipsum quidem; sed (quod idem est) popularem eius, *interpretem Barbarum* vocat.

Chilperice potens, si interpres Barbarus exstet,

Adiutor fortis, hoc quoque nomen habes.

Hoc est, si Francus linguæ Latinæ peritus nomen tuum

interpretetur, Chilperice Rex, adiutorem fortem interpretabitur. Ex his satis intelligitur Barbari appellationem non ignominiosam tum, & opicam, ut ait Cato; sed claram & illustrem fuisse, & cum Francos, tum alios honoris causâ Barbaros appellari consueuisse à populis suæ ditionis, atque ita se ipsos appellauisse. Quare ridiculus mihi videtur Gundobadus, qui, credo quod Burgundiones ante Francos in Gallia consedis-
 & patrem ac patruum suum Magistros militiæ sub vltimis Imperatoribus, sociosque & amicos Romanorum fuisse norat, apud Gregorium Francos, duce Chlodoueo Auenione ipsum obsidentes, contumeliæ causâ *Barbaros* nominat. quasi non etiam Burgundionibus ea appellatio conueniret, qui, ut Franci, gens Germana erant. Sed ferendum id in Burgundionibus, quos non minùs superbos, quàm voraces, garrulos, & imbelles fuisse, & ob *superbiam toto gutture loqui* consueuisse auctor est Liutprandus. Quodd igitur Galli præ ceteris Romani dicebantur, hinc factum est, ut lex, quâ utebantur, lex Romana appellaretur. quemadmodum apud Gregorium in libro de vita Nicetij Lugdunensis Episcopi, apud Adreualdum Floriacensem Monachum, & alios veteres Historicos reperio. Ob id quoque partem Galliæ, quæ Odoni Francorum Regi parebat, *Franciam Romanam*, hoc est Franciam Gallicam Liutprandus vocat in libro primo rerum in Europa gestarum, ut à Francia eam Germanica distinguat. & in libro de vita Odiliæ Childericus posterior, Dagoberti Regis nepos, *Romana, & Francica terra* imperauisse dicitur, hoc est terræ Galliæ, Neustriæ appellatæ, & Franciæ Germanicæ ad Renum, vel Austriæ, quas vtrasque à Germanis, id est Francis *Germaniam, & Regna Germanica* Fortunatus cognominat. Ob id ipsum denique Nithardus in bellorum ciuiliu libro tertio *Romanam linguam* vocat eam, quâ Galli utebantur. Sed tandem uti Barbari suæ quisque gentis nomine appellari maluer; sic prouinciales nomen Romanum, propterea quodd Barbaris in Occidente dominantibus ludibrio erat, deponere. quippe ætate Ottonis Aug. (ut scribit Liutpran-

duſ) Franci, Burgundiones, Sueui, Langobardi, Saxones, Lotharienſes, hoc eſt pars Francorum in Regno Lotharij ſedem habens, & Baioarij ita Romanos dedignabantur, vt inimicum ſuum non aliter quàm Romanum contumeliæ cauſâ irati appellarent, & quidquid ignobilitatis, quidquid auaritiæ, quidquid libidinis, quidquid mendacij, quidquid denique vitiorum eſt, hoc vno nomine ſe complecti arbitrantur. Hæc de Romanorum ac Barbarorum appellatione huic loco inferui, vt legentibus eſſent diuerticuli loco. ad rerum ordinem redeo.

Alarico in Aquitania deſidente, & Codicis Theodoſiani libros emendante, Chlodoueus longè aliis rebus animum intendebat. quippe non contentus veteri Francia, ac omnibus ferè inter Renum & Ligerim terris, rationem excogitabat, quâ Regnum totius Galliæ occuparet. vir magni animi & inſatiabilis victum ſe, niſi viciffet; & quidquid non cepiffet, amiſſum putabat. cùmque fuſo cæſoꝛque Syagrio; Toringis, ac Burgundionibus fractis; domitis Alamannis, à finitimis omnibus timeretur, ſolos Veſigothos intactos, necdum vim Francorum expertos in magna parte Galliæ dominari indignabatur. Apud eos regnabat Alaricus, à puero comiſſationibus & otio aſſuetus, deditus ſpectaculis, (nam Cethego Conſule Cæſarauguſtæ Circenſes ediſſe dicitur) & conuiuium quàm aciem inſtruere doctior. cuius contemtu duos in Hiſpania, alterum poſt alterum, Tyrannos exortos eſſe prædiximus, & quem futuræ ſuæ cladiſ præſagio monetam adulterauiffè Auitus ſcribit. Hic excitatus tamâ rerum geſtarum Chlodouei, metuensque ne idem ſibi, quod ceteris, accideret, miſſis legatis à Chlodoueo poſtulauit, vt de re communi cum eo agere liceret. Die dicto, ac loco finiſo, in inſulam fluminis Ligeris, Ambaciæ tum vico, nunc opido Turonum proximam, quam Sancti Ioannis inſulam vocant, venere: collocutique, ac vnâ epulati amicitiam inter ſe iunxere. Fredegarius Scholaſticus, qui ex Gregorio epitomen fecit, & Hincmarus in libro de vita Remigij produnt, Alaricum Regem Veſigothorum,

cùm Chlodoucum per Paternum virum industrium decipere conaretur, ipsummet ab eodem Paterno legato Chlodouei illufum, fraudémque eius deprehensam, ac thesauros arte subarratos esse. Aimoinus autem & Rorico Monachi, aliique aretalogi veriùs quàm Historici scribunt, Paternum legatum, exploratis omnibus rebus, ad Chlodoucum reuersum renuntiauisse, Alaricum, qui cum paucis eisque inermibus se in colloquium venturum dixerat, longis cultris veste tectis armatos ad colloquium adduxisse: negante Alarico, magnam inter ambos Reges ortam esse contentionem: tandémque conuenisse, vt ad Theodericum Ostrogothorum Regem legatos mitterent, controuersiamque deferrent. Hunc cognitâ causâ statuisse, vt circum legatum Chlodouei, qui Tolosâ ante fores Palatij, insidens equo, clatam manu hastam teneret, tamdiu ab Alarico ac Vesigothis aurum argentúmque congereretur, donec summus hastæ mucro nō appareret, vtque hic acerrimus nummorum pro compositione Chlodoueo Regi traderetur. Reuersis ex Italia legatis, Vesigothos Theoderici sententiam improbauisse, negantes hoc se facere posse, & Paternum contumeliis affecisse. quibus rebus cognitis, Chlodoucum bellum parauisse. Et ita quidem supradicti Monachi de causis belli Vesigothici scripsere: quas fabellas si fingere eis licuit, nobis credere non libet. nemo enim non intelligit Paternum multo minùs etiam quàm Vesigothos ridiculæ huicce Theoderici sententiæ stare debuisse, & vnâ cum equo equitem priùs auro obruendum fuisse, quàm hasta in manu eius tota operiretur. Certè Cassiodorus Senator in Variarum libro III nullius fraudis insidiarúmque Alarici mentionem facit, indicâtque Chlodoucum *parua de verbis contentione*, & (vt ait) *causis mediocribus incitatum ad primam legationem statim arma mouisse*. & Chlodoueus ipse, cùm apud Gregorium dicit ægrè se ferre, quòd Ariani partem Galliarum obtineant, satis apertè ostendit se prætextum armorum hæresin; libidinem prolatandi Regni causam belli habere. falsò vt Sigebertus tradat Alaricum rupto foedere, quod biennio antè cum Chlo-

doueo iunxerat, insidias ei molitum, ob idque ab Franciscis oppugnatum esse.

Dum bellum paratur, Theodericus Italiae & Ostrogothorum Rex Alaricum Regem generum suum per litteras monuit, videret etiam atque etiam, quantum Vesigothis, numero quidem frequentibus, & Attilae quondam victoribus, sed longa pace emollitis contra Francos fortissimos ac exercitatissimos committendum esset: leuem de verbis contentionem ne vltra verba progredi sineret: imperaret animo, expectaretque, dum Francorum Rex ad mandata sua respondisset: quem, si controuersiam amicorum arbitrio componi noller, communibus viribus oppugnari oportere. Scripsit etiam Gundobado Burgundionum Regi, quem fratrem suum appellat, Theodericus, vt Chlodoucum & Alaricum in pristinam concordiam reduceret *Regios* (vti ait) *iuuenes, & florida aetate feruentes.* nisi enim æquis conditionibus lis terminaretur, totius belli inuidiam in se recafuram. similiter Erulorum Oceano assidentium Regem, vt puto, Rodulfum à Procopio & Paulo Longobardo memoratum; Varnorum Regem gentis Germanicæ, quem Procopius Hermegiscum appellat; & Herminafridum, qui apud Toringos regnabat, idem rogauit, vt contracte secū affinitatis, beneficiorumque Eurici Regis memores filio eius Alarico genero suo gratiam referrent, ac Chlodoucum Francorum Regem, superbum, obstinatum, ius in viribus habentem, missis simul omnes legatis ad pacem hortarentur: tergiuersanti bellum denuntiarent, occuparentque ambitiosa conata eius, à quo singuli, si Vesigothos vinci contigisset, sine dubio essent oppugnandi. Apud Cassiodorum Senatorem in Variarum libro III, præter tres supradictas litteras, missam per legatos ad Chlodoucum Regem Francorum à Theoderico epistolam inuenio, qua in epistola scribit mirari se, quòd Chlodoueus *causis mediocribus ac lenibus incitatus* Alarico Regi filio suo (eo nomine generum appellabat) bellum inferre statuisset, & impatiens, ac iræ immodicus ad primam legationem arma caperet: vt multi, qui vtrumque timebant, lætarentur duos

summarum gentium Reges, ac ætate florentes, dimicando infirmiores fieri. oportere ipsum pertinaciæ finem facere, arbitrósque aliquos ex affinibus sumere, dum omnia ambobus integra essent. deponeret igitur arma, & æquis conditionibus cum Alarico in gratiam rediret: neu' gentes, quæ sub parentibus eius longa pace floruisent, in periculum coniiceret, committendo prælium, quo alteruter ab altero deleri exercitus posset. postremò iure patris Alarico; iure amici Chlodoueo minatur Theodericus se ac socios suos eum pro hoste habituros, qui tam salubre consilium spreuisset. Sed nec precibus, nec minis deterritus Chlodoueus contractos Luteciam Parisiorum Francos hortatur, vt Alaricum, à quo iniuriam acceperit, se duce aggrediantur, Vesigothósque Deo propitio vincant, ac eorum regionem armis occupent. neque enim Catholicis ferendum esse ab Atianis partem optimam Galliarum obtineri. Pari omnes consensu orationem Regis excepere: nec contenti causam belli probate, ac elatis altè dextris suum Principi auxilium polliceri, vouere (vti ait Rorico) se nisi hostibus debellatis barbam non posituros. quod Catos sua ætate; hoc est multo antequam in Francorum gentibus numerarentur, facere consueuisset Cornelius Tacitus scribit. Rex ipse, hortante vxore Chrothilde, Luteciæ Basilicam Petro ac Paulo Apostolis vouit, si victor & saluus ex Aquitania reuertisset: auctúsque auxiliis, quæ Sigibertus Rex partis Francorum per Chlodeticum filium suum pro cognatione miserat, & omnibus rebus ad expeditionem comparatis, Luteciâ proficiscitur. ac ad conciliandam sibi Aquitanorum gratiam, priusquam in Aquitaniam irrumpat, Ecclesias spoliari, deuotis Virginibus ac viduis, Clericis quoque, filiisque Clericorum, ac viduarum, & seruis Ecclesiarum vim & iniuriam fieri edicto prohibet: superatósque flumine Ligere agrum Turonum ingressus, pro reuerentia B. Martini suos præter aquam & herbam quidquam accipere vetat. Accidit, vt miles paucos feni manipulos agresti cuidam eriperet, dictitans fenum nihil aliud quàm herbam esse. Quod vbi Chlodoueus

cognouit, statim militem quidem interficit, fenum autem agresti restitui iubet: adiiciens desperandum esse de victoria, si beatum Martinum rapinis & sacrilegiis offenderent, regionemque, cui tantus Episcopus præfuisset, depopularentur. quo facto magnus exercitui iniectus est metus. Eodem tempore pueri ad sepulcrum Martini, quod à Cæsaroduno Turonum passus IOL distabat, cum muneribus missi, votorum nuncupandorum & ominis ex more tum recepto capiendi causâ, ad Chlodoucum redeunt, renuntiântque ipsis Basilicam ingredientibus contigisse, vt versum XLIII Psalmi XVII, quo Dauid ob inimicos pedibus suis subiectos Deo gratias agit, Primicerius caneret. Quo lætus omine Chlodoueus ad Vigennam flumen peruenit. Vigenna per fines Lemouicum, Pictonum, & Turonum fertur, & post acceptos Clennum & Crosam amnes non ignobiles in Ligerim influit. Is tum fortè imbribus intumuerat. Hærentem igitur ad ripam Chlodoucum ægrum animi, quòd pontes interruptos videbat, nec aut naues habebat, aut aquis non tentatis Francos obiiicere volebat, nox oppressit: quam cum vigiliis & precibus extraxisset, postero die manè ceruæ eximie magnitudinis, spectante exercitu, flumen vado transiit. (locus hodièque ceruæ Transitus vocatur) Agnouere Dei beneficium vniuersi, ducemque itineris feram sine mora secuti sunt.

Hilarij imperante Constantio Aug. Pictauorum Episcopi in Aquitania erat nomen illustre. quamobrem vbi Pictonum fines ingressus est Chlodoueus, iniuriam fieri cuiquam vetuit, cum ne beatissimum Hilarium iratum haberet, si populares eius vexauisset: tum maximè vt Aquitani ad vendendum nostris, aut etiam ad gratis subministrandum frumentum ac pabulum æquitate Regis, ac militum continentia inuitarentur. aliter enim Chlodouei milites per Turones & Pictones Alarico subiectos iter facere non potuerunt. nisi fortè quis sibi persuadet tot armatorum millia, quot Chlodoucum habere tum oportuit, ad eam expeditionem conficiendam satis cibariorum ex Francia tulisse. Gregorius Turoni-

cæ Ecclesiæ Episcopus scribit Chlodoucum, castra posuisse ad Augultoritum, vel Pictauos, vbi Alaricus Rex Vesigothorum pridem statiuâ habebat: facémque ei ab Ecclesia Hilarij, grauis quondam Arianorum aduersarij, ad tabernaculum suum per cælum ferri visam esse, clarissimæ de Vesigothis Arianis omen victoriæ. Alaricus Rex, qui ingressu Aquitaniæ, transitûque Ligeris ac Vigennæ fluminum Francos non prohibuerat; siue quodd initio belli copias in vnum locum nondum coëgerat; siue quodd intra Regni sui terminos prælio decertare statuerat; tandem cum exercitu ex opido Pictauis egreditur, & ad decimum ab opido milliariū Chlodouco pugnandi potestatem facit. qui lætus reperta occasione, quam votis optauerat, alacriter copias eduxit, ac quemadmodum docet Rorico, post allocutionem hastæ innixus, Dominicæ Crucis signaculo milites suos signauit, signumque *nomen Domini* dedit. In Vogladensibus campis, qui ex nomine castelli Clenno flumini apppositi appellationem trahunt, directâ acie dimicatum est Anastasio Aug. tertium & Venantio Coss. sicut scribit Auctor Appendicis Chronico Victoris Tununensis Episcopi attextæ, qui & locum pro Voglade Boglodoretam appellat. Neque alius, quam sperauerat Chlodoueus, prælij exitus fuit. Vesigothi magna strage fusi fugatique. Alaricus XXIII regni sui anno in fuga periit; quem Chlodoueus apud Roriconem, dum dissipatos persequitur, sua manu dicitur interfecisse. at ipsum, fugientibus ferociter instantem, equites duo ex aduerso inuecti repentè inuasere, & inopinantis latera contis appetiere: quos ille ictus loricâ propulsauit, periculumque equo concitato vitauit. Cecidere in acie cum Alarico Aquitanorum nobilissimi, stirpe Senatoria orti, & magna in primis multitudo Aruernorum, quos Apollinaris ducebat, Sollij Sidonij Præfectorij, Patricij, ac demum Aruernorum Episcopi filius, Imperatoris Auiti Aruerni ex Papianilla filia nepos. Vesigothorum autem procures Seniorésque Narbone conuenere, ibique Gefalicum, quem alius Gifelicum, alius Gefalaicum, alius Gefaericum vocat, Alarici maiorem ex con-

concupina filium, Regem salutauere. falsum vt sit, quod Gregorius scribit, Amalaricum, Alarici & Theodegothæ filium ex acie fugisse in Hispaniam, Regnumque patrium occupauisse. quem & paruum puerum fuisse, tum cum patrem amisit, & post Gesalici fratris, postque Theoderici Italiæ Regis aui materni tutorisque sui mortem, nimirum anno XIX exeunte post prælium Vogladense regnare cœpisse constat. Notandum quoque est Roriconem Monachum, & Frecculfum Lexobiorum Episcopum errare, qui ante Vogladensem pugnam inter Chlodoucum & Alaricum vario Marte sæpe certatum esse prodant.

Victor Vesigothici belli Chlodoucus, nihil actum ratus, nisi omnem Aquitaniam subegisset, Theodericum filium natu maiorem cum parte exercitus sui mittit ad recipiendos Albienfes, Rutenos, Cadurcos, ac Aruernos, quas *superiores Regni Alarici partes* Aimoinus melius, quàm Fredegarius *maritima* appellat. ipse cum multas alias vrbes, opida, atque castella capit; tum (si recentioribus credimus) in loco agri Burdigalensis, quem hodièque Campum Arianorum vocant, superatis qui iterum experiri voluerant Vesigothis; Burdigalam Biturigum Viuisorum positam ad Garumnæ flumen in suam ditionem redigit, ibidèmq; hibernat. ac initio veris Venantio iuniore & Celere Coss. profectus Burdigalâ Tolosam petit caput Regni Vesigothici, Regumque sedem, & gaza omni regia potitur. inde in opportunis locis, præsertim in Santonico pago atque Burdigalensi ad delendam Vesigothorum gentem relictâ parte suarum copiarum; Ecolismam, quam Aufonius Iculismam appellat, opidum ad ripas Carantoni situ & opere munitum oppugnat. ibi Vesigothi milites in præsidio constituti venienti portas clauserrant, obsidionemque ferre decreuerant. sed ne quid victoris festinationem moraretur domum redire maturantis, maxima pars muri sub Regis oculis repentinâ ruinâ concidit. sic vrbs capta est, & Vesigothi qui ibi erant, vt ait Gregorius, ciecti; aut (licuti Hincmarus & Aimoinus scribunt) ad vnum omnes in-

12VIII.

terfecti. Rorico, veterem aliquem Auctorem secutus, rem memoria dignam narrat, nimirum opidanos, cùm murus ruiſſet, inopinato caſu percuſſos Deum ſtare cum Francis credidiſſe, ac ſe ſuâque omnia Chlodoueo dediſſe, & arcem opidi machinis expugnauiſſe, atque milites Veſigothos, qui eam tenebant, captos Regi tradiſſe, quos omnes interfici iuſſos eſſe. tum ingentem prædam inter Aquitanici belli commilitones à Chlodoueo æquiter diuiſam, lectiſſimóſque ac fortiſſimos militum cum coniugibus & liberis in Aquitania dereliſtos, magniſque muneribus donatos, qui vrbes captas tuerentur, Veſigothóſque reprimerent. Receptâ Ecolimâ Chlodoueus finitimas vrbes ſimiliter in dittonem ſuam redigit, vbique Veſigothis occiſis præſidium ſuorum collocat, & poſt tantas res geſtas, omnémque Aquitaniam ſubactam, Cæſarodunum Turonum peruenit. Ceterùm ex Ecolimienſium factò intelligi poſteſt Aquitanos Catholicos, odio hæreſeos Arianz & impotentiz Veſigothorum, datâ occaſione animos nudaiſſe, & excuſſo pleroſque imperij iugo Francis Orthodoxis, à quibus non ſe, ſed Veſigothos oppugnari videbant, fauiſſe, portáſque ſponte aperuiſſe, deletis aut eieſtis præſidiis Barbarorum. quippe ſi Aquitani cum Veſigothis aduerſus noſtros conſenſiſſent, trium opulentiffimarum maximarúmque prouinciarum clariſſimæ ac munitiſſimæ vrbes intra annum circiter ab Chlodoueo armis occupari nequaquam videntur potuiſſe. at omnis tamen Aquitania, diuiſa in prouincias tres, quam Auctor Appendicis Chronico Viſtoris adiunctæ, ac Iſidorus in Chronico Regnum Tolosanum appellant, poſt prælium Vogladenſe à Francis Chlodouei ductu capta atque perdomita eſt. & præter prouinciam Narbonenſem primam, quæ Septimania & Gothia vocabatur, ac Narbonenſem Secundam, partémque Viennenſis, Veſigothis in Gallia nihil fuit reliqui. quamquam has quoque prouincias eis tum ademtas, Barbaróſque Arianos omni Gallia ad tempus expulſos fuiſſe videtur credidiſſe Fredegarius, apud quem inuenio, Regnum Alarici, quod mari Tyrrheno, montibus Pyrenæis, Oceano, &

fluminibus Ligere ac Rhodano continebatur, à Francis euerfum & occupatum esse. ad mare autem Tyrrhenum vel potiùs Gallicum prouincia Narbonensis vtraque est. quare Sigebertus in Chronico scribit Chlodoucum, occiso Alarico Rege, quidquid in Galliis Vefigothi possidebant, occupauisse. quod de prouincia Narbonensi prima verè dici forsitan potuit, de secunda non potuisse dici infrà apparebit. Igitur Chlodoucus, post subactam Aquitaniam, per Pictones & Turones iter faciens, Pictauis Basilicam Sancti Hilarij; apud Cæsarodunum Turonum Ecclesiam beati Martini multis muneribus ditauit: vt eximiis Episcopis, quibus adiutoribus tantas res gesserat, gratiam referret, votòque se exsolueret: atque captiuos complures cùm Clericos tum Laicos, repetentibus Aquitanicis Episcopis, domum remisit. Gregorius, Hincmarus, Rorico, ac Sigebertus tradunt ad Chlodoucum, Cæsaroduni Turonum commorantem, venisse à Flauio Anastasio Aug. legatos cum muneribus, & codicillis, quibus Consulatus ei ob res gestas deferrebat. munera fuisse tunicam purpuream, & chlamydem, coronamque auream gemmis distinctam. quibus insignibus in Basilica atque ante sepulcrum beati Martini sumtis, & coronâ capiti suo impositâ, Chlodoucum equum conscendisse: & à porta atrij supradictæ Basilicæ vsque ad Ecclesiam vrbs, in qua gratias Deo acturus erat, triumphantis more procedentem, nummos aureos argenteosque in populum sparsisse: ex eoque tamquam Consulem & Augustum appellatum esse: & coronam hanc gemmatam postea hortatu Remigij Petro Apostolo in Basilica eius Romæ dicendam ponendamque curauisse. inde Luteciam Parisiorum contendisse, quò & Theodoricus, Albiensibus, Rutenis, Cadurcis, & Aruernis subactis, paullo post venerit, eamque captum amœnitate loci sedem delegisse. cuius Principis exemplum secuti sunt posteri. neque alia tantotum Luteciæ incrementorum, & in publicis agri Parisiorum villis, Cala, Clippiaco, Spinogilo, Roctoialo, Bonogilo, aliisque exstructarum regiarum causa fuit.

Admonet me Consulatus suprafacta mentio, ut quid eo nomine Historici nostri significari voluerint, paucis doceam. Ne quis igitur putet Chlodoucum ab Anastasio Aug. Consulem fuffectum, quod more Consulum procedentium nummos in populum sparserit; aut saltem ornamentis Consularibus donatum, quod etiam tum multi Consularibus codicillis ab Imperatoribus honorati, insignibus honorarij Consulatus decorarentur: apud supradictos Auctores Consulatus nomine Patricia dignitas significatur. Sanè Gregorius ipse Historiæ libri II caput XXXVIII *de Patriciatu Chlodouci Regis* inscribit. & Aimoinus Monachus in libro I tradit Anastasium Principem in codicillis ad Chlodoucum missis scripsisse, sibi & Senatoribus placuisse, ut amicus & Patricius Romanorum appellaretur: versusque ab Remigio Episcopo factos, & in sepulcro eius incisos subiicit, in quibus Patricius vocatur. Sic idem Gregorius in libro V Tiberium Constantinum Aug. comitatum *Consulibus*, hoc est Patriciis, (non enim alij tum quàm Imperatores, Consules in Fastis legebantur) Palatium intrauisse prodit. & Carolum Maiorem domus, quem in breui quodam veterique Chronico de Vestigothorum rebus Francorum Regem, ac Patricium vrbis Romæ fuisse inuenio, Fredegarius Scholasticus ab Gregorio Episcopo Romano, aduersus Leonem Aug. ipsi ob defectionem infensum, & Liutprandum Longobardorū Regem auxilium petente, ac Imperatorias sibi partes sumente, *Consulatum Romanum* consecutum esse dicit. Quin & nepotem eius ex Pippino quoque Patricio Carolum Magnum Francorum Regem, qui, itaut Carolomannus frater, Patricius fuit, Godiscalcus in præfatione libri Euangeliorum *Consulem* appellat. Denique Albericum, *Romanum Patricium* à Frodoardo dictum, Leo Marficani in libro I rerum gestarum Abbatum Monasterij Cassinatis *Romanorum Consulem* vocat. credo quod Patricios, Imperatorum Patres, Confessores, & Consiliarios, primus eorum auctor (siue is Fl. Constantinus Aug. siue quis alius fuit) à Consulibus proximos, neque tamen annuos, sed perpetuos esse

voluit. Præterea Cassiodorus Senator in Variarum libri VIII epistolâ IX *chlamydem*, calceosque Romanos inter insignia Patriciatus, non autem Consularatus numerat. & Eginhardus scribit Carolum Magnum, petente Hadriano Episcopo, Romæ *longam tunicam, & chlamydem*, (qualia munera Chlodoueus Rex ab Imper. Anastasio accepisse dicitur) calceosque Romano more confectos induisse: tum nimirum cum subactâ omni ferè Langobardia, & obfesso Ticini Desiderio Rege, Romam contendit, & in Ecclesia Petri Apostoli, Hadriano Papa sollempnia agente, Rex Francorum ac Patricius Romanorum à populo Romano est appellatus. Neque verò mirari conuenit Chlodouicum Regem Francorum ab Anastasio Aug. Patricium factum esse. cum Odoacer, & Theodericus, alter post alterum Italiæ Reges, (ne de aliis loquar) ab Imper. Zenone Patriciam dignitatem pro summo munere acceperint. & cum Sigismundus, Gundobadi filius, Burgundionum Rex, ab Anastasio Aug. ~~Magister militiæ~~ Patriciusque sit factus, exemplo Gundiuci aui sui, & maioris patrui Chilperici, qui sub vltimis Imperatoribus Occidentis Magistri militum Romanorum esse ac dici, quàm Reges Burgundionum appellari maluerunt. quas dignitates conferre non Imperatoribus decorum magis, quàm petere atque accipere Regibus vtile fuit, vt scilicet gentes Occidentales Imperio nominique Romano dudum assuetæ, quemadmodum pleræque tum Imperij Orientis prouinciæ, à Patriciis regerentur, & nouum Barbarorum imperium minime aspernarentur, quos Romanis officiis & dignitatibus honoratos pro Romanis essent habituræ. De Burgundia quidem illud transcurso dicendum est, non Sigismundum modò eam, sed multo post, regnante Chlothario minore Chilperici filio, Aletheum, regio Burgundionum genere ortum, Patricium habuisse: Patriciosque dictos esse Proceres, quibus Reges Francorum, qui Burgundiam tenebant, pagum Transiurenssem, aliàsque Burgundiæ regiones, necnon prouinciam Arelatensem, Massiliensemque cum exercitibus ad tem-

pus regendas commisissent: quales Gregorius Magnus Romanus Episcopus in epistolis claro nomine *gloriosos viros Patricios Galliarum*; & Audoënus de vita Eligij *Burgundia Patricios* appellat.

Sed vt ad nostros reuertar, Chlodoucum *ex eo tempore tamquam Consulem & Augustum appellatum*, hoc est, vt Consulem & Augustum adoratum esse ait Gregorius. quem cùm Hincmarus, Aimoinus, & Rorico, ac Sigebertus non intelligerent, nec animaduenterent appellare apud Romanos Auctores sæpe idem esse, quod salutare & alloqui; simpliciter & absolute Chlodoucum *Consulem & Augustum appellatum* fuisse dixerunt. atqui ante Gregorium ita præter ceteros locutus est Aurelius Victor, apud quem Diocletianus Aug. dicitur *adorari se appellarique vti Deum* permisisse. Ceterum eo libentius Anastasius Princeps Patriciam dignitatem Chlodoueo victori Vesigothici belli detulisse videtur, quo, ob cladem sub Sabiniano Consule & Magistro militum per Theodericum Regem acceptam, Gothico nomini erat infestior. Certè Venantio Iuniore & Celere Coss. qui annus prælium Vogladense secutus est, Anastasius & classem ad depopulandam oram Italiæ, & legatos ad Chlodoucum cum supradictis codicillis ac muneribus misit. Quamquam miror Græcos huiusce legationis nullam fecisse mentionem, nec intelligo, qua ratione legati, nisi tum Septimania à Francis teneretur, & prælium cum Iba Duce Ostrogothorum nondum commissum fuerit, tutò egredi in litus Galliæ, & ad Chlodoucum peruenire potuerint. neque enim aut per Italiam, quæ tum hostilis erat; aut per prouinciam Narbonensem secundam, quæ sub imperio Francorum non erat; aut per Illyricum tot Barbaris gentibus obseptum iter fecisse eos puto.

10VIII. Venantio Iuniore & Celere Coss. Gundobadus Burgundionum Rex foedus cum Chlodoueo metu potentiae eius iunxit, & aduersus Vesigothos belli societatem coiuit. Quamobrem Arelatum à Francis & Burgundionibus obsessum esse auctor est Cyprianus in libro I de vita Cæsarij. Ad eam urbem, tamquam ad obi-

cem cursus victoriarum Chlodouei stetit. Theodericus enim Ostrogothorum Rex, qui forsitan Francorum celebritate occupatus Alarico auxilium ferre non poterat, timens, ne Vesigothis omni Gallia expulsi Chlodoueus bellum in Italiam trāsferret, Ibam Ducem cum copiis in Galliam misit. qui superatis Alpibus Maritimis rectā ad Arelatū proficiscitur, adortusque Francos, ampliūs XXX hominum millia occidit acie. vt Iordanes, & Paullus in Historiæ Miscellæ libro XV ac Sigebertus tradunt. Eā victoriā Alarici mors vindicata: Arelatenſes obſidione liberati: & ora Galliæ à flumine Rhodano ad Alpes Maritimas vsque promissa, quam Odoacer Rex Eurico Alarici patri donauerat, Regnōque Italiæ abſciderat; eidem reddita atque adiuncta est: totiūſque regionis imperium à Vesigothis ad Ostrogothos translātum. Auenio quoque, siue antea Alarico; siue (vt affirmat Gregorius) Burgundionibus paruerat, vnā cum castellis Druentiz impositis, & Septimania in Theoderici potestatem redacta est. Ibam hunc, Iordanes Hibbam, Isidorus alique Ebbanem vocant. eundem plerique *Theoderici Ducem*, nonnulli *Comitem* dicunt. cuius de expeditione, victoriæque ex Francis lata, loquitur Magnus Aurelius Cassiodorus, cū ait Venantio iuniore & Celere Coss. IOVIA
 à Theoderico missum esse exercitum, qui Gallias Francorum incursione vastatas, victis eis ac fugatis, occuparet: loquitur & Auctor brevis Chronici de Regibus Vesigothorum à Duchenio editi, in quo falsò dicitur Theodericus Italiæ Rex Alarici generi sui vindicandi causā Francos prostrauisse, & *Regnum Gothis totum restituisse*. siquidem regio vltra Rhodanum non Vesigothis, quorum fuerat, restituta est, sed in Theoderici Ostrogothorum Regis ditionem cessit: neque Aquitania Francis erepta est. Vbi notare conuenit, nec Cassiodorum Senatorem ambitiosum laudatorem Principum suorum, nec Procopium Cæsariensem istorum XXX millium cædis mentionem vllam facere. qua clade accepta, quantam ne in prælio quidem Vogladensi intulisse Vesigothis videtur, Chlodoueus omnem Aquitaniam nondum bene pacatam citiūs quàm subegerat amissurus

fuit. Procopius Rhetor, qui à ceteris Historicis sæpe dissentit, in libro I belli Gothici de expeditione Vesigothica totóque eo bello sic scribit : Francos, quos Germanos appellat, cùm auctis vitibus suis Theoderici Ostogothorum Regis metum deposuissent, Alarico Vesigothorum Regi bellum intulisse, & ad Carcassonem opidum Volcarum Tectolagum castra fecisse : Alaricum autem coactis copiis contra eos confedissee, ibique Theodericum socetum suum, qui accersitus cum magno exercitu in auxilium veniebat, expectare constituisse. Cùm diutius sese castris tenuisset, suorumque voluntati resistere non posset, indignantium agros ab hostibus impunè vastari, pugnámque seditiosis vocibus postulantium, ac per se negotium confici posse asfitmantium, Regisque cunctationem secordix ac paucori assignantium; tandem inuitum proelio decertauisse, victumque ab Francis, & cum maxima parte suarum copiarum interfectum : & quòd Amalaricus puer admodum erat, Gesalicum, vel Gesalecum, Alarici ex concubina filium, à Vesigothis, qui proelio superfueraut, Regem appellatú esse. tum Francos partem maiorem Galliarum occupauisse, Carcassonémque, vbi gaza impetatoria & prasiis ornata vasa Salomonis Régis Iudæorum seruabantur, obsedissee : mox cognito Theoderici aduentu oppugnationem reliquissee, & regiones Gallix vltra Rhodanum iacentes atque ad Oceanum pertinentes, hoc est Aquitaniam, subegisse. Theodericum verò, quod poterat, reliquam partem Gallix Vesigothis antea subiectam, nimirum Narbonensem primam, vel Septimaniam, & Prouinciã inter flumen Rhodanum ac Alpes positam recepisse, & thesauris Carcassone sublati Raucennam reuertisse, Gesalicóque mortuo, sub specie tutelæ Amalarici missis in Galliam & Hispaniam copiis, vtrique provinciæ stipendium imposuisse. Quæ ferè omnia non solùm nostrotum Historicorum consensio, sed etiam res ipsa arguit ac refutat. quis enim credat fieri potuisse, vt Franci, Alarico non prohibente, totam, quàm longa est, Aquitaniam peragrarent, tot flumina montesque transirent, & ad fluuium Atacem,

opi-

opidumque Carcaffonem, hoc est, ad fines Gallie Narbonensis peruenirent, & cuius metu obsidionem soluerant, sub eius pæne oculis omnem Aquitaniam perdomarent? Omitto Auctorem Chronico Victoris adiunctum, Isidorum Hispalensem Episcopum, aliūque scriptorem Chronici de Regibus Vesigothorum à Duchenio editi, qui, uti & nostri Historici, Alaricum Regem in agro Pictauo à Francis fufum acie cæsumque esse memoriæ tradunt. & Cassiodoro Senatori, ac Cypriano in libris de vita Cæsarij, quàm Procopio, assentiri malo. è quibus Senator in Catalogo Consulū Romanorum scribit Theodericum Regem, à quo ipse Quæstor; Consul ordinarius; Magister Officiorum, Præfectus Præet. ac Patricius factus est, Venantio iunior & Celere Coss. non venisse in Galliam, sed *exercitum* ^{12 VIII.} *aduersus Francos eò misisse.* Cyprianus eundem *Italia Regem misit Ducibus suis prouinciam Arelatensem ingressum* ait. Salomonis quidem Regis supellectilem Titum Vespasianum Hierosolymis toties iam expugnatis anno millesimo & XLV post Salomonis obitum deuexisse, eamque Vesigothos in vrbe Roma capta reperisse, & Carcaffonem transtulisse non magis credo, quàm quod refert Cedrenus, Cosdroem Regem Persarum, victum absentem, atque fugientem, opes Croesi Lydorum Regis, in opido Gazaco conditas à Cyro ante annos circiter CIOCC LX, imminente Heraclio Aug. eruisse, secūmque abstulisse: & quod Procopius ipse in libro II belli Vandalici, & Procopium secuti Euagrius Scholasticus, Paullus Langobardus, ac Nicephorus Callistus tradunt, pretiosissima Templi Hierosolymitani ornamenta ac vasa, quæ Salomon in vsum sacrorum Deo dedicauerat, Vrbe iterum capta, Geisericum Vandalorum Regem in Africam portasse, eademque à Belisario Patricio, post victos Vandalos & occupatam Carthaginem, in triumphum translata Iustinianum Principem Hierosolymitanæ Ecclesiæ reddenda curauisse.

Non multo post bellum Vesigothicum confectū Chlodoueus morbum ex continuatione laborum contraxit. eūmque Luteciæ Parisiorum per annum ferè ægrota-

uiffet, hortante Tranquillino Archiatro, quem ars fua deficiebat, accerfiuit ex Burgundia Seuerinum Monafterij Acaunenſis Abbatem, virum ſanctitatis virtutumque fama notiſſimum, rogauitque vt pro ſalute ſua Deum precaretur. quo facto ipſe quidem diuturna fe- bri liberatus eſt, Seuerinóque permifit, vt quos vellet vinculis liberaret, & quantam vellet pecuniam in egen- tes erogandam è fiſco acciperet. at Seuerinus, ſicut pu- to, exoratus à Rege remanſit in Francia, relictáque Lu- tecia, in caſtro Nantonenſi Senonum reliquum vitę egit, ibique (vt Faſti Eccleſiaſtici docent) III Idus Februar. deceſſit, cuius in memoriam Childebertus Chlodouei filius ibidem ampliffimam Eccleſiam exſtruxit.

Poſteaquam Chlodoueus conualuit, ab externo hoſte partim domito partim pacato in ciues arma conuertit, atque vt Regnum filiis firmum relinquat, cædibus Re- gum, quos ſanguine contingebat, opes amplificat. ac primùm Chloderico clàm per certos homines perſua- det, vt Sigibertum patrem ſuum admodum ſenem ac pede debilem occidat, Regnùmque eius occupet. Iu- uenis malum ſecutus conſilium parentem egreſſum Co- loniâ Agrippinâ, vt trans Renum in Buchonia ſilua To- ringis confini venaretur, atque in tabernaculo meri- diantem immiſſis latrunculis interficit, conſeſtímque Chlodoueam de eius morte certiozem facit. Lætus il- le nuntios iterum ad Chlodericum mittit præmonitos, quid fieri vellet, ab quibus Chlodericus, dum patris theſauros exponit, quorum partem Chlodoueo promi- ſerat, manúmque in arculam aureorum plenam demit- tit, vt erat cernuus, à tergo ſecuri capiti infixâ occidi- tur. Chlodoueus, qui cœptorum exitum opperiens per flumen Scaldem nauigabat, vtriuſque morte cog- nita Coloniam Agrippinenſem contendit. eò cùm ve- niſſet, populum ad concionem vocat: docet Sigibertum à Chloderico filio, Chlodericum non multo pòſt ab alio quodam interentum: affirmátque ſe amborum cædis ignarum fuiſſe, neque enim (quod facere nefas ſit) ſe in cuiuſquam propinquorum ſuorum necem du- rare. poſtremò vniuerſos hortatur, vt quoniam Rege ac

defensore egeant, in defuncti locum se substituunt; Magnis acclamationibus & plausibus populi oratio Chlodouei excepta est, statimque impositus scuto Rex appellatur, & Regnum Sigiberti, hoc est Coloniam Agrippinam, ripamque Gallicam finitimam, ac regionem à Reno ad flumen Fuldam & Toringiæ fines usque promissam sine pugna occupat. Hic non possum non mirari, quòd Gregorius Turonicæ Ecclesiæ Episcopus, enarratis, quæ de Sigiberto ac Chloderico supradixi, subiiciat Chlodoueu beneficio Dei quotidianis de hostibus victoriis fines Regni ampliauisse, propterea quòd rectissimâ voluntate esset, & (vt ipse loquitur) faceret quæ Deo placerent. tamquam aliquis ob cædes infontium & cognatorum suorum, & ob fraudes ac latrocinia gratus Deo esse acceptusque possit.

In Chararicum Regem expeditio haud maioris molis fuit. Hic accersitus à Chlodoueo aduersus Syagrium, procul cum suis copiis constiterat euentum pugnae speculaturus, vt cum victore foedus iungeret. cuius perfidiæ atque iniuriæ memoriâ post annos amplius III ac XX nondum depositâ, Chlodoueus Chararico bellum inulit, hominẽque quamuis versutum & callidum dolis circumuentum vnâ cum filio cepit, ambosque vinctos tonderi, & alterum Presbyterum, alterum Diaconum ordinari iussit, deinde quòd contumeliæ impatientes minabantur se, postquam capilli recreuissent, ipsum interfekturos, vtriusque capita frustra prius rasa abscindi imperauit, Regnumque eorum ac thesauros occupauit. Ex quo intelligitur ambos patrem filiũque, quacumque in Galliæ regione regnauerint, Christianos fuisse. non enim postquam ab Chlodoueo capti sunt, baptizati esse dicuntur, & Idolorum cultores Clericos fieri non potuisse nemo infitiabitur.

Regnabat tum in vrbe Camaraco finitimisque vltra flumen Suminam pagis Ragnacharius, ab Hincmaro Raganarius, à Roricone Ragnerius, ab aliis Ragenharius & Ragneharius dictus, Chlodouei cognatus & aduersus Syagrium Ægidij filium commilito, homo patriæ superstitionis tenax, & adeo in venerem præceps, vix

vt se à propinquarum corporibus abstineret: habebátque Faronem vnicum amicum & consiliarium, nulla re magis quàm morum similitudine sibi coniunctum, quocum, quidquid sibi muneris datum esset, partiri consueuerat. quibus rebus cùm grauiter Francos ei parentes offendi comperisset Chlodoueus, occasione vsus quosdam è Leudibus Ragnacharij (sic Gregorius vocat populos, ac Proceres eius ditioni subiectos) armillis & balteis ex ære inaurato ad prodicionem sollicitat, armatusque Regnum eius intrat. Ragnacharius coactis similiter copiis ad certamen se parat, exploratorésque, quos speculatum miserat, reuersos interrogat, quantus hostium esset exercitus. hi corrupti à proditoribus respondere: tibi Faronique tuo maiores sunt copiae. Quibus verbis confirmatus Ragnacharius in aciem descendit, superatusque proelio cùm fugam capeffere intenderet, à proditoribus comprehenditur, ac religatis post tergum manibus vnà cum Richario fratre suo ad Chlodoueam adducitur, illususque ab Chlodoueo quærente, quare degener & oblitus regiae stirpis se vinciri passus esset, nec tantam ignominiam voluntaria morte occupauisset, ab eodem securi capiti infixâ occiditur. Richarius, ne frater fratrem desereret, eadem bipenni percutitur, adiectis verbis: si auxilium fratri tulisses, victus ille non fuisset. Faro captus & interfectus est. Tum deprehensa fraude proditores Regem adeunt, queruntur æs inauratum pro auro se accepisse. quibus ille, vt erat meditatus, respondit meritò tali auro donatos esse voluntarios dominorum suorum proditores: vitam ipsis sufficere debere, quos ob perfidiam excruciatos necari oporteret. Fulminati hacce miseri exprobratione se humi prostrauere, & nihil ampliùs præter vitam veniamque petere dixere, atque ita derisi discessere. Omittere non possum, quod ait Rorico Monachus Gregorij verbis non intellectis deceptus, *Francos superiores* (ita Francos Ragnachario parentes vocat, credo quòd Septemtrionalia Galliæ tenebant) Ragnacharium *ob nefandum crimen & scelus horrendum* suppliciis Sodomitæ expiandum, hoc est, ob vsum puerorum exosos

esse. Quod verò addit eos Chlodoueu in Ragnacharij bellum impulisse, idem vetus Auctor Historiæ Francicæ, Theoderici Merouingorum Regum penultimi æqualis, & Aimoinus in libro primo scribunt, nimirum primores Francorum Ragnacharij imperio subiectorum, Regi suo ob libidines ac desidiam infestos, missis clam nuntiis Chlodoueo promississe, si pretium operæ esset, & Ragnachario bellum inferre vellet, se ad ipsum armatum citra prælium transituros, & Ragnacharium viuum tradituros esse. quibus Chlodoueus, vt libentiùs exsequerentur quæ obtulerant, pro auro æs inauratum miserit, móxque cum copiis Regnum Ragnacharij ingressus sit. quem ego Ragnacharium existimo, cum in vrbe Camaraco quondam à Chlodione Francorum Rege capta regnauerit, Chlodionis pronepotem fuisse. Regnabat in vrbe Cenomanis Regnomeris, aliis Rignemirus, aliis Ragnimirus dictus, qui ne Ragnacharij & Richarij fratrum suorum mortem vlsceretur, iussu Chlodouei Regis interemtus est, singulorumque regna & thesauri vni cessere. Eum in modum interfecit præter supradictos Principes multis aliis Regibus, & propinquis suis, Chlodoueus quidquid Francis subiectum erat, nimirum pagos Germaniæ Transfrenanæ complures, & partem maximam Galliarum occupauit, atque ita prouidit, ne quisquam in Francia regnaret, qui ipso mortuo liberis suis, tum excepto Theodorico admodum iuuenibus, bellum inferre aut Regnum adimere posset. Idem tamen, vt erat callidus, adstantibus Optimatibus Francorum & populo, qui ex more iussi conuenerant, dixisse fertur miserum se, qui destitutus, tamquam hospes & peregrinus, inter externos in aliena terra remansisset, amissis propinquis omnibus suis, à quibus in rebus aduersis adiuuari posset. quod ideò dicebat, vt si quis superesset longa ipsum cognatione contingens, affectata orationis simplicitate deceptus sponte se proderet, professusque stirpem regiam ac propinquitatem Chlodouei interimeretur.

Dum in Septemtrionali Gallia dolo res geritur, ad Meridiem virtute certabatur. Fusos fugatosque ab Iba

Theoderici Ostrogothorum Regis Duce Francos supradiximus, sæpe postea inter Theodericum, & Chlodoucum eiusque filios graui bello & variâ victoriâ de Gallia, nimirum de ea parte, quæ inter Alpes Maritimas & Pyrenæum interiacet, pugnatum esse ex verbis Leontij ad Theodebaldum Francorum Regem apud Procopium cognoscimus, *nec umquam* (vt ait Iordanes) *dum vixit Theodericus, Gothi Francis cessere*. Quippe Importuno V. C. Consule Mammo quidam, *Dux Gothorum*, hoc est Ostrogothorum, à Mario in Chronico dictus, partem Galliæ, quam Chlodoueus Vesigothis creptam occupauerat, depopulatus est. & Boëthio Cos. Gundobadus Rex Burgundionum, Chlodouei tum socius & amicus, quem Senator Gundibadum, Marius Gundobagaudum appellat, Narbonem Martium cepit ac diripuit, victo fugatoque Gesálico Rege, qui tantâ acceptâ clade cùm turpiter Barcinonem se cõtulisset, Hocricumque in Palatio interfecisset, ob ignominiosam fugam (vt ait Isidorus in Chronico) à Theoderico Ostrogothorum Rege Regno spoliatus est. Quamquam Theodericus ipse apud Cassiodorum Senatorem in libri v epistola XLIII Gesálicum propterea pulsum scribit, quòd dum à se foueretur, hostibus suis, hoc est Francis, clandestino fœdere esset adiunctus. Et ille quidem vir, nescias infelicior, an inertior, ab Iba Theoderici Regis Duce Hispaniæ finibus expulsus in Africam perfugit. vbi à Thrasamundo Vandalorum Rege Theoderici sororis viro non impetratis, quæ petierat vt in Regnum restitui posset, auxiliis, sed acceptâ tantummodò pecuniâ, Aquitaniam petiit, in qua annum vnum permissu Chlodouei latuit. postremò cum Francorum copiis ingressus Hispaniam obuium habuit supradictum Ibam, quem Auctor Appendicis Victoris Chronico insertæ pro Hebbane Helbanem; Paullus Hippam vocat. Igitur commisso proelio ad duodecimum à Barcinone milliarium funditur fugatúrque Gesálicus, captúsque trans Druentiam flumen Galliæ, cùm ad Burgundiones confugeret, Felice & Secundino Cos. quarto regni sui anno interficitur. Quas ob victorias Ibam *virum Spe-*

etabilem, Ducem bello clarum & gloriosum, suisque factis commendabilem apud Senatorem in libri IV epistola XVII ad eum scripta appellat Rex ipse Theodericus.

Interea Chlodoueus Francorum Rex, oblatam sibi rei bene gerendæ facultatem ratus, Indiçtione III Boëthio solo Consule magnas copias, quæ Arelatum obsiderent, misit. Et iam Franci agris Prouinciæ igne & ferro vastatis urbem oppugnabant, atque ad vltimum inopiæ opidos adduxerant: cùm venere missi à Theoderico cum exercitu Duces, in his Tolum, vel Tholuit Ostrogothus, postea ab Athalarico Rege Patricius factus, & in affinitatem receptus. quorum aduentu Franci primùm à ponte nauali flumini Rhodano imposito; deinde ab vrbe repelluntur, & Arelatenfes iterum obsidione liberantur. Eo Gallicanæ expeditionis exitu lætus Theodericus muros ac turres vrbs huius de se tam bene meritæ pecuniâ suâ refecit, & Prouincialibus ob recentem calamitatem agrorûmque suorum populationem; Arelatenfibus ob fidem sibi exhibitam in annum sequentem Indiçtionemve quartam tributum remisit, ac insuper frumentum gratuitum præbuit. Eodem anno Indiçtione IV Felice & Secundino Coss. non, vt ait Auctor supradictæ Appendicis, Probo Cos. Gesalicus Vesigothorum Rex ab Iba Duce victus interficitur, vt antè diximus. post quod factum Theodericus Ostrogothorum Rex sub specie tutelæ Amalarici pueri nepotis sui Regnum Vesigothicum occupauit, atque annos XV, quamdiu superuixit, Galliæ & Hispaniæ prouincias, quæ Vesigothorum Regibus paruerant, absens administravit: & Galliæ quidem Petrum Marcellinum Felicem Liberium V. C. & Illustrem Præfectum Prætorij Galliarum atque Patricium; Hispaniensi autem exercitui, & tutelæ Amalarici Theudim Armigerum suum præposuit: & pecunias ac stipendia ex his prouinciis Rauennam ad se quotannis à Quæstoribus deportari iussit. quare inter Vesigothorum Reges ab Alarico maiore vndecimus numeratur. Quæ fecisse Theodericum existimo non tam impulsus cupidine profe-

rendi fines, quàm quòd Amalaricum puerum admodum consilio & auxilio suo plurimùm egere, nec nisi armis & viribus suis regnum aduersus Francos defendere posse intelligebat.

Tum quidem pacem cum Gundobado Burgundionum Rege fecisse viderur Theodericus, & certis cum eo finibus Prouinciam diuississe: quam ob id Auitus Viennensis Episcopus, in epistola ad Faustum & Symmachum Senatores Vrbis, *Prouinciam præfixis Regnorum terminatam limitibus* appellat.

10XI.

Felice & Secundino Coss. Chlodouei Regis iussu XXXII Episcopi in Aurelianensi vrbe conuenere, & de quibus ab eo consulebantur Ecclesiæ Gallicanæ rebus egere. Synodo præfuit, primusque subscripsit Cyprianus Episcopus Burdigalæ Metropoleos, is qui Concilio apud Agatham Messalla Consule permissu Alarici Regis Visigothorum habito interfuerat, secundusque subscripserat. Interfuere Episcopi vtriusque Aquitanæ, & Nouempulorum; prouinciarum Lugdunensium tertiæ, secundæ, atque Senoniæ; & Belgicæ secundæ. in his viri sanctissimi, & omnium virtutum gloriâ celeberrimi, Gildaredus, vel Gildardus Rotomagensis Ecclesiæ Metropolitanus; Quintianus Rutenicus; Euphrasius Aruernicus; Heraclius Parisiacus; Lupus Suesfionicus; Camillianus Tricassinus, à quibusdam corrupto nomine Camelianus dictus; Auentinus Carnutenus, successor Sollemnis eius, qui Francos fidem Christianam laboriosissimè edocuit, multosque ad veram religionem perduxit; & Melanius Redonicus, quo auctore Chlodoueus Rex multas Ecclesias partim nouas extruxisse, partim dirutas aut vetustate collapsas refecisse, Monasteria excitauisse, egentes pauisse, ius cuique suum seruauisse, Dei seruis, cuiuscumque essent ordinis, honorem habuisse, atque diuinum cultum pro viribus amplificauisse dicitur. Quo magis miror, cum Episcopi prouinciæ Belgicæ, nimirum Lupus Sueffionum, Hedybius Ambianorum, Sophronius Veromanduorum, Libanius Siluanectum, in urbem Aurelianos conuenerint; Remigium eiusdem prouinciæ Metropolitanam,

litam, Chlodouei Regis amicum & Consiliarium, ac Francorum (vt ita loquar) Apostolum; & Vedaſtum Atrebatum Episcopum ſanctæ tot tantorumque Sacerdotum Synodo non interfuiſſe: atque neminem vnum de Episcopis Belgicæ primæ, & ſuperioris, inferioriſque Germaniæ, quæ tres prouinciæ tum ſub imperio Chlodouei erant, eò ſe contuliſſe. Sacerdotes, poſtquam de rebus Eccleſiæ profuturis egerant, v I Idus Iul. Felice V.C. Conſule ſtatutis ſubſcribere, & ad Chlodouicum, 10 XI.

quem *Dominum ſuum, Catholica Eccleſia filium, gloriſiſſimum Regem* appellant, legatos cum litteris miſere petitum, vt Synodi decreta, ſi tamen iudicaret recta eſſe, conſenſu & auctoritate regia confirmaret, & pro ſua fide ac religionis Catholicæ colendæ cura à populis ſuæ ditionis ſeruanda curaret. in Canone V ſupradiſti Concilij oblationum & agrorum, quos Chlodoueus Rex Eccleſiis contulerat, fit mentio.

Paucis poſt diſmiſſum Concilium menſibus Chlodoueus Luteciæ Pariſiorum deceſſit, anno ætatis quinto & quadregeſimo, regni triceſimo, poſt prælium Vogla-denſe quinto ſemipieno, Felice & Secundino Coſſatque 10 XI.

quatuor filios, ex vno etiam nepotem, ſuperſtites reliquit, & in ſacrario Baſilicæ Sanctorum Apoſtolorum, quam ipſe paullo antè hortatu coniugis exſtruxerat, Canonicisque attribuerat, humatus eſt. vir, cui ad augendas Francorum opes ſtabiliendûmque Regnum nec fortitudo cum felicitate coniuncta, nec calliditas defuit. meritò vt Gregorius in Præfatione libri V Hiſtoriz, dum in bellum ciuile Sigeberti ac Chilperici inuehitur, Chlodouicum *caput*, hoc eſt initium, *victoriarum* Regum Francorum, & alio in loco *Magnum* appellet; Remigius, in epiſtola ad Heraclium, Leonem, & Theodoſium Episcopos, *præcellentiſſimum Regem, regionum præſulem, gentium triumphatorem*. qui etiam in alia epiſtola, in qua mæſtum eundem ſoris morte conſolatur, *vigorem prouidentia eius ingente*, hoc eſt, innatæ prudentiæ laudat. Sepultus eſt Chlodoueus in Baſilica Apoſtolorum v Kalendas Decembres, vtj docent duo vetera Kalendaria manuſcripta eius Eccleſiæ, in quibus

v Kal. Decembr. *depositio magni Regis Chlodouei* notatur, quam depositionem, siue humationem hodiè que ibidem eo die anniuersariis precibus celebrari constat. Gregorius in libro Historiæ II Chlodoucum morte functum scribit anno vndecimo postquam Licinius factus erat Turonicæ Ecclesiæ Episcopus, atque à Martini obitu ad Regis mortem annos CXII computat. idem tamen, in fine libri X atque operis sui Turonicos Episcopos ordine enumerans, Briccio, vel Bricchioni Martini successori Episcopatus annos XLVII; Eustochio XVII; Perpetuo XXX; Volusiano VII; Vero XI; Licinio XII, ac menses ferè III assignat. itaut si Sacerdotij Licinij anno XI Chlodoueus decessit, à Martini morte ad eius interitum annos esse CXXIII oporteat.

CCXC.
VII.
CCCC.

12XI.

Præterea ab Attici & Cæsarij Consulatu, quo anno (non autem, vt Prosper scribit, Stilicone & Aureliano Coss.) Martinum octogenario maiorem obisse tradit Gregorius, ad Felicem & Secundinum Coss. siue ad Chlodouei mortem anni sunt non CXII, sed CXIV. Quod porro ait Gregorius, Licinium Andecauum Ecclesiæ Turonicæ præfuisse, tum cum Chlodoueus Cæsarodunum Turonum. Vesigothis victis intrauit, verum quidem esse potest. sed quod dicit, vndecimo Episcopatus eius anno Chlodoucum decessisse, haud dubiè falsum esse debet. quippe Messalla V. C. Consule Verus Turonicam adhuc Ecclesiam regebat, sicuti ex Synodo apud Agatham permissu Alarici Regis habita intelligitur. à Messalla autem & Arcobindo Coss. Felicis & Secundini Consulatus annus est quintus. itaut Licinius, tametsi Messalla Coss. sub finem anni pulso Vero Episcopatum inierit, tamen Felice & Secundino Coss. cum Chlodoueus obiit, annum Sacerdotij quintum transgressus non fuerit. Nemini autem mirum videri debet, quod ait Gregorius, Chlodoueu anno ætatis quinto & quadagesimo, regni tricesimo è vita excessisse, ac nihilominus Theodbertum ex Theodorico filio suo nepotem pulchrum & iam tum strenuum reliquisse superstitem, qui anno quinto post eius mortem à patre aduersus Danos cum exercitu missus sit. Nam si Childericus non am-

12VI.

12VI.

12XI.

plius XXIV regnavit annos, quorum pars sunt octo exsilij eius anni, atque si idem anno octauo, quàm pulsus fuerat, restitutus in Regnum mox Basinam duxit uxorem, Chlodoueu[m]que ex ea tulit: apparet Chlodoueu[m], cùm paterno Regno successit, XV tantum annos natum fuisse, quibus adiecti triginta imperij Chlodouei anni annos solummodò quinque & quadraginta conficiunt. Theodoricus verò, Chlodouei ante ductam Chrothildem ex concubina filius, cùm patrem amisit, annos XXVIII habere potuit: Theodebertus, Theodorici ex iusta & legitima uxore filius annum duodecimum tum agere potuit, itaut quinto post anno copias duceret. nisi si negare quis velit hominem masculum anno ætatis septimodecimo generare posse. Sigebertus in Chronico, quo nihil ferè est in temporum notatione confusius, anno II post Synodum Aurelianensem, Christi DCXIV Chlodoueu[m] decessisse tradit.

Non alienum erit hoc loco subiicere versus, quos Remigium Remorum Episcopum fecisse, & tumulo Chlodouei inscripsisse haud falsò forsitan ait Aimoinus: in his enim Chlodoueus *felix meritis* dicitur, vt à Remigio in duabus epistolis *Dominus illustris meritis*, item *Dominus insignis & meritis magnificus Chlodoueus Rex* appellatur. Versus tales sunt.

*Dives opum, virtute potens, clarusque triumpho
Condidit hanc adem Rex Chlodoueus, & idem
Patricius magno sublimis fulsit honore.
Plenus amore Dei, contempsit credere mille
Numina, quæ variis horrent portenta figuris?
Mox purgatus aquis, & Christi fonte renatus
Fragrantem gessit infuso Chrismate crinem:
Exemplumque dedit, sequitur quod plurima turba
Gentilis populi, spreto quæ errore suorum
Auctorem est cultura Deum, verumque parentem.
His felix meritis superauit gesta priorum,
Semper consilio, castris, bellisque tremendus:
Hortatu Dux ipse bonus, ac pectore fortis:
Instructas acies firmavit, in agmine primus.*
Quibus in versibus virtutem ac fortitudinem Chlo-

uei, agmen ducere & inter primos dimicare soliti, prudentiam, felicitatem, naturalem quamdam eloquentiam, quoties milites alloqui & ad pugnam hortari oportebat, non immeritò laudari fateor. Vna est, in qua iure culpetur, prolatandi Regni libido. Quippe Chlodoueus causas bellorum ex interminata auiditate animi finitima quæque tenere cupientis plerumque accersit, & omnem occasionem promouendorum imperij finium quamuis iniustam auidè semper arripuit. præterea inerat in eo Principe plurimum Germanæ feritatis, adèd vt non minùs propinquis quàm hostibus perniciosus fuerit. Primus ille omnium Franciæ Regum, vt Francicum Regnum in Gallia, sic potentiam inter populares valdè auxit suam. neque enim successores eius prædæ partem cum militibus suis æquo iure sortitos, aut in conciliis à populo Duces delectos fuisse legimus. quod vtrumque regnante Chlodoueo factum esse vceus Remensis Ecclesiæ in fine superioris libri memoratus, & Remigius Remorum Episcopus in epistola ad Chlodouëum ipsum missa docere videtur his verbis. *Rumor ad nos magnus peruenit administrationem vos secundum rei bellicæ suscepisse. Non est nouum, vt cæperis esse, sicut parentes tui semper fuerunt.* quibus verbis nihil aliud (nisi fallor) Remigius indicat, quàm Chlodouëum Regem in Campo Martio delegatam sibi iterum à populo armato curam magni alicuius belli, summamque imperij suscepisse.

Ceterùm notandum est, quod in libro II ait Gregorius, Chrothildem Reginam post Chlodouei viri sui obitum Turonos, hoc est Cæsarodunum Turonum se contulisse, vt Basilicam Martini, cuius memoriæ magnum honorem habebat, adire frequētius posset, ibique, quamdiu vixit, summâ pudicitiae & benignitatis famâ moratam esse, raróque Luteciam Parisiorum venisse. Quamquam idem Gregorius in Historiæ libro III tradit Chrothildem viduam *Parisius moratam* esse, eaque in vrbe Chlodomeris Regis filios nepotes suos, patre orbatos educauisse. Adiicit eam ita se post viri mortem gessisse, vt omnibus venerationi esset: castitatis & pudici-

tiz magnam curam habuisse: nocturnis precationibus in Ecclesia agi solitis interfuisse: egentibus benignè fecisse: Ecclesiis, Monasteriis, & quibusque locis sanctis prædia, quorum Clericos & Monachos indigere animaduertat, largè contulisse: ac se non tam Reginam, quàm humilem Dei ancillam esse meminisse, quæ nec Regno filiorum, nec potentia sua, nec amplissimis opibus ac possessionibus insolesceret. Chrothildis autem, cùm puella admodum Chlodoueo nupserit, annum regni duodecimum agenti, & annos duodeuiginti cum eo vixerit, anno ætatis circiter XX XVI virum videtur amisisse, quam Francorum Reginam, Burgundionum Regis filiam, Anna verè Felix Augusta Francorum Regina, regio Ducum Burgundiæ genere orta, cùm in aliis; tum in circumeundis ac locupletandis Ecclesiis vidua viduam imitatur.

Initio eius anni, quo Synodus apud Aurelianos habitata est, ut ait Sigebertus, hoc est, Felice & Secundino Coss. tertio Nonas Ianuarias Beatissima Genouefa Parisiorum patrona decessit: femina professione virginittis venerabilis, nec minùs vitæ quàm pudicitiz integritate sancta. cuius & virtutes viuæ admirata Lutecia est, & cælo receptæ præsens auxilium contra febres, nimiosque imbres ac siccitates experitur. Sepulta est in Basilica Apostolorum, nonnumquam à Gregorio Basilica Sancti Petri dicta: quam ob id postea *Ecclesiam Sancti Petri, & S. Genouefa* coniunctim; sæpe etiam simpliciter *Ecclesiam S. Genouefa* appellauerunt. Genouefam natione Francam fuisse nomen Germanicum docet, compositum ut Genobaldus, Marcouefa. siue eius maiores à Romanis bello capti, & in vico agri Parisiaci Nammetoduro vel Nemptodoro collocati fuerant: siue sponte patriâ relicta ibi confederant, atque inter Gallos Gallicis moribus & ritibus assuescendo, cultum idolorum Christiana religione mutauerant. Aimoinus Monachus Genouefam Virginem, natam Honorij & Theodosij minoris principatu, atque ab Germano, Autessiodurenfi ciue & Episcopo, in Britanniam proficiscente consecratam, post parentum suorum obi-

cccc-
xxix.

tum, regnante Childerico Luteciam Parisiorum commigrauisse tradit, ibique vsque ad Childebertum & Chlotharium Reges vixisse. at octogenariam obisse Genouefam præter ceteros Sigebertus scribit: & à morte Honorij Aug. ad Chlodouei Genouefæque obitum anni sunt LXXXVIII: vt non computentur anni, quos & Honorio Principe, & Childeberto ac Chlothario regnantibus Genouefa vixisse super apud Aimoinum dicitur. Sed & quidam à Villico Carnuteno Episcopo, non à Germano, (vt Vsuardus & Aimoinus produnt) sacro velamine capiti imposito, Deo dicatam Genouefam tradunt. certè Germanum vnà cum Lupo Tricassino Episcopo Florentio & Dionysio Coss. hoc est annis LXXXIII ante Chlodouei & Genouefæ mortem, in Britanniam traiecisse reperio in Fastis Tironis Prosperi Aquitani, quem tamen Beda non sequitur. Præterea Auctor libri de vita Genouefæ Virginis, multo antequàm Childericus in parte Galliæ regnaret, nimirum Placidi Valentiniani principatu Luteciæ Parisiorum confedissee eam putat. siquidem cùm Attila in Gallias irrupisset, omnesque perterriti fugâ sibi consulere pararent, sanctam Virginem conuocatis opidanis persuasisse ait, vt ieiuniis, peruigiliis, ac precationibus Deum iratum placarent, domique remanerent. nam vrbes, quas insulâ suâ munitiores existimarent, & quò se ac sua conferre statuissent, expugnandas ab Hunnis, & Barbarorum leuitiam ac auaritiam experturas esse: Luteciam saluam & intactam fore. ab Attilæ autem aduentu in Galliam ad Chlodouei & Genouefæ obitum anni sunt LXI. mirum vt sit ac pæne incredibile puellam, vix annorum viginti, virorum se circulis inseruisse, atque de fuga cogitantes auctoritate sua ab incepto deteruisse. Denique quis non miretur eundem Auctorem affirmare, Genouefam ob merita atque virtutes Childerico Francorum Regi, Comitibusque Childerici tantæ venerationi & amoris fuisse, vt ei Rex (quod & Chlodoueus fecisse veriùs dicitur) damnatorum supplicia condonauerit. cùm non solùm Childericus idola coleret, sed etiam Chlodionis & Merouci exemplo

Samarobriæ Ambianorum; (vti ait Rorico) non autem Luteciæ Parisiorum habitaret: quam urbem à Chlodoueo eius filio primo nostrorum Regum, post fufum acie cæfûmque Alaricum, fedem delectam dicit Gregorius. à quo ita diffentit Auûtor libri de vita Genouefæ, vt non modò Luteciam Parisiorum diu obfeffam, habitante ibi Genouefa, ac tandem cåptam effe à Childerico Rege Francorum; (quod verum effe pòteft) fed etiam fedem Regni statutam fcribat.





HADRIANI
VALESII
RERVM FRANCICARVM
LIBER SEPTIMVS.



ORTVO Chlodoueo Francorum Regi quatuor filij succedere: quorum cum ætate corporis animique virtutes in tantum adoleuere, vt pro vno quatuor Chlodouei Francis dati esse viderentur. quippe sicut eorum pater Alamanniam Sueuiamque subegerat, & Aquitaniam Vefigothis eripuerat: sic ipsi Regna Toringorum, & Burgundionum, validissimarum gentium, sub imperium suum ditionemque subiunxere. Maior natu Theodoricus vocabatur, quem Chlodoueus, antequam Chrothildem vxorem duceret, ex concubina suscepit. tres alios, nimirum Chlodomerem, Childebertum, & Chlotharium, ex Chrothilde vxore genuerat. Hos Agathias, in libro primo rerum auspiciis Iustiniani Aug. gestarum, *Childibertum*, *Chlotharium* vel *Lotharium*, *Theudericum*, & *Chlothomerum*, suo quemque nomine, sed non seruato ordine natalium appellat: minimum enim natu Chlotharium maximo præponit. At Iordanes manifesto errore tres tantum filios Chlodoueo fuisse putat. sic enim in libro de Origine Gothorum scribit,

Theo-

Theodericum Ostrogothorum Regem, post victum & interfectum Odoacrem, postque occupatum Regnum Italiæ, Audefredam Chlodouei filiam in matrimonium petiisse: quam libenter Theoderici legatis Chlodoueus tradiderit, futurum credens, ut *filij sui Ildebertus, Cheldebertus, & Tuidepertus* hac affinitate cum gente Gothorum inito fœdere sociarentur. sed non multum ad pacem atque concordiam affinitatem istam profuisse, quia sæpe propter Galliam grauiam inter se bella gesserunt. Vbi nemo non videt Ildebertum, & Cheldebertum, vnum vnus eiusdemque, nimirum Childeberti, nomen esse: Tuidepertum verò, vel potius Tiudepertum, Chlodouei ex Theodorico nepotem fuisse, non filium. itaut tres Chlodouei filij ab Iordane commemorati ad vnum redigantur. Theodoricus, cum patrem amisit, XXVIII annos habere potuit, ut supradiximus. Chlodomeres maximus Chlodouei ex Chrothilde filiorum saltem decennio minor fuit.

Igitur quatuor Chlodouei filij Regnum paternum inter se diuisere, & in ea parte, quæ cuique sortitò obtigerat, singuli regnauere. vnde factum est, ut singulæ partes, vel Regna *sors* appellarentur: quemadmodum in decretis Concilij apud Aruernos habiti, & Synodi Aurelianensis tertiæ vocari inuenio. Rorico Monachus, vnus ex omnibus nostris Historicis, à Chlodoueo ægro tante, paullo antequam decederet, conuocatis Francorum Optimatibus, quorum consensu & iureiurando diuisionem approbari oportebat, Regnum inter filios diuisum esse scribit. quod Dagobertum, Chlodouei abnepotem, Regum Francorum ^{optimorum} primum fecisse, & postea (ne de Præfectis Palatij loquar) Pippinum Paruum, Carolum Magnum, ac Ludouicum Pium animaduerto. Quæ singulis vrbes atque prouinciæ sorte obuenerint, scire non possumus: cum quòd nostri Auctores eius rei nullam mentionem faciunt: tum maximè quòd Chlodomeres anno XIII post Chlodouei parentis sui obitum à Burgundionibus interfectus est, eiusque Regnum Theodoricus, Childebertus, & Chlotharius inter se partiti sunt. vnum omnino ex Fredegario Scho-

lastico, Aimoino, & Roricone Monacho discimus, Theodoricum Diuoduri Mediomatricum; aut (vt Roriconi placet) Durocortori Remorum sibi domum constituisse: Chlodomerem urbem Aurelianos regiam delegisse: Childebertum Luteciæ Parisiorum Regni sedem statuisse, à qua *Rex Parisiorum* is Gregorio dicitur: Chlotharium Augustæ Sueffionum habitauisse. Nihilominus tamen facile est intelligere falsò Gregorium tradidisse, Regnum paternum *aqua lance*, & optima fide inter fratres esse diuisum, quippe siue diuisioni & fortitioni faciendæ præpositos Theodoricus pecuniâ corruerat, siue quo alio dolo & fraude fratres suos admodum adolescentes & rerum imperitos deceperat, constat Regni paterni partem maiorem atque meliorem Theodorico natu maiori sorte obuuisse. is enim Albienfes, à quibusdam Albigenfes dictos, Rutenos, Cadurcos, & Aruernos, Aquitanorum populos, quos patris auspiciis post prælium Vogladense subegerat, præterea prouinciam Belgicam primam, superiorem inferiorémque Germaniam, Alamanniam vnà cum Sucuia, & Franciam veterem vel Transfrenanam sortitò obtinuit: itaut fines eius initium caperent à Rutenis prouinciæ Narbonensis primæ conterminis, & ad Saxoniam pertinerent. Tum primùm noua nomina ab Francis excogitata sunt, & Galliarum prouinciis imposita. Austriam, vel Austrasiam appellauere Franci partem Galliæ ad orientem Solem meridiémque spectantem, quæ Reno ac Mosa fluminibus continetur, cum Transfrenanis gentibus Francicæ ditio- nis partem ad Septemtriones occasumque Solis vergentem, quæ inter Mosam & Ligerim interiacet, Neustriam, vel Neustrasiam, nonnumquam Neptricum vel Neptriam vocauere. Burgundiæ, & Aquitanæ sua nomina reliquere. & Franci quidem, qui Neustriam incolebāt, Neustrasij; qui Austriam habitabant, Austrasij sunt dicti.

Recens Auctor, non tam Episcopatu quàm doctrina illustis, Nouempopulanam, vel Vasconiam, & Aquitanicam primam, ac secundam, Regni Aurelianensis, quod Chlodomeri obuenerat, prouincias fuisse scribit: è quibus Nouempopulana, post Chlodomeris mortem, Chil-

deberto in partem cesserit. quod ego à tanto viro scriptum nollem. cùm Gregorius præter ceteros initio libri tertij Historiæ tradat, post quadriennium quàm Chlodoueus decesserat, apud Aruernos in locum Euphrasij Quintianum electione populi Episcopum subrogatum esse. at Apollinarem, Sidonij quondam Aruernorum Episcopi filium, impulsus à Placidina vxore, & Alcima sorore, ad Regem (nimirum Theodoricum) venisse, oblatisque multis muneribus Episcopum ordinatum esse, atque menses non ampliùs i v Episcopatu malè vsus obiisse. qua re cognita *Theodoricum* Aruernæ Ecclesiæ Quintianum præponi iussisse. Ex quo intelligitur Aruernos, gentem validam Aquitanix, (ne de Albiensibus, Rutenis, & Cadurcis loquar) anno quinto post Chlodouei mortem, hoc est octo annis ante Chlodomeris cædem, Theodorico Mediomatricorum vel Mettensium Regi paruissse, partémque Regni eius, non Chlodomeris fuisse.

Et quoniam suprà de Apollinare & Alcima mentio facta est, notare conuenit Apollinarem hunc fuisse Apollinaris Sidonij, qui primò Præfectus Vrbis, & Patricius, deinde Aruernorum Episcopus fuit, filium, Auiti Augusti ex Papianilla filia Sidonij coniuge nepotem, qui in acie Vogladensi Aruernis præfuit, & ad quem sunt Auiti Viennensis Episcopi aliquot epistolæ, *Apollinari Illustrissimo, & viro Illustri Apollinari* inscriptæ, in quibus eum *Dominum & fratrem*, ac in epistola ad Euphrasium *virum Sublimem ac piissimum, fratrem suum Apollinarem, Domni Sidonij filium, Magnificumque* Auitus appellat. Hic Apollinaris, à Sidonio patre in epistola IX & XI libri v memoratus, sororem habuit nomine Alcimam, & ex Placidina vxore Arcadium genuit. vnde *Placidinam, matrem Arcadij; & Alcimam, sororem patris eius*; hoc est amitam Arcadij; Arcadium autem ipsum, *Senatorem Aruernum* in libro Historiæ III vocat Gregorius. qui & in libro de Gloria Martyrum Apollinarem vnà cum Victorio Aruernorum sexque finitimarum ciuitatum Duce Italiam petiissse tradit, Victoriôque Romæ ob adulteria interfecto, comprehensum

à Romanis, ac Mediolanum in liberam custodiam missum esse: & equo fugientem, comite puero, custodes euasisse, ac in opidum Aruernos reuertisse. Arcadio, Apollinaris filio, Apollinaris Sidonij & Papienillæ nepoti, Auiti Principis pronepoti, filia fuit Placidina, quæ Leontio, homini nobilissimo prouinciæ Aquitanix, postea Burdigalensi Episcopo futuro nupsit, eique superstes fuit. vt Venantius Clementianus Fortunatus in libri I Carmine XV docet his versibus.

*Cogor amore etiam Placidina pauca referre,
 Quæ tibi tunc coniux, est modo cara soror.
 Lumen ab Arcadio veniens genitore resulget,
 Quo manet Augustum germen, Auite, tuum:
 Imperij fasces toto qui rexit in Orbe,
 Cuius adhuc pollens iura Senatus habet.
 Sed genus ipsa suum sensus moderamine vicit,
 Cuius ab eloquio dulcia mella fluunt.
 Clara, serena, decens, sollers, pia, mitis, opima,
 Quæ bona cuncta gerit, quidquid honore placet,
 Moribus, ingenio, meritorum luce coruscans.
 Ornauit sexum mens pretiosa suum.*

Hic est Leontius, qui iuuenis (vti significat Fortunatus) Childebertum Regem Francorum in Hispaniam secutus est: posteaque Episcopus Burdigalæ Basilicam S. Mariæ; Mediolani Santonum in patria sua Ecclesiam extruxit: Bissolnum, Vereginim, & Præmiacum villas Burdigalenses restituit & excoluit: ac mille aureis à Chariberto Rege multatus est, propterea quod Emerium, quem Chlotharius apud Santonos Episcopum faciendum curauerat, post Chlotharij mortem Episcopatu deiecerat. Ceterum cum ex aliis, tum ex facto vtriusque Placidinæ auix & neptis cognoscitur mulieres nobiles à viris suis libenter secubuisse, dummodò eos Episcopos viderent: vimque omnem suam ad id contendisse. Hæc in gratiam Apollinaris Sidonij scripsimus, cuius nepotis Arcadij nobis infra mentio facienda erit. ad rerum ordinem reuertendum est.

Gregorius Aruernus, Turonicæ Ecclesiæ Episcopus, in libro Historiæ tertio morti Chlodouei, diuisionique

Regni eius nuptias Chrothildis subtextit, quam Chlodoueus ex Chrothilde vxore susceperat: scribitque, cum Chlodouei filiis multum virium & roboris esset, Amalaricum Alarici filium, *Regem Hispaniæ* sororem eorum Chrothildem in matrimonium petiisse, quam fratres *cum magna ornamentorum mole* ad virum in Hispaniam miserint. At cum Chlodoueus obiit, Chrothildis puella admodum infans; Amalaricus puer tum adhuc & paruulus erat, vt Iordanes, Procopius, & Auctor Appendicis Victoris affirmant. nec tum ipse, sed Theodericus Ostrogothorum Rex, maternus eius auus, sub specie tutelæ Regnum Hispaniæ ac Vesigothorum obtinebat. vnde Concilij Tarracone Petro V. C. Cos. coacti, 10 xvi.
 & Synodi Gerundæ Agapeti Consulatu habitæ decre- 10 xvii.
 tis anni regni Theoderici, non verò Amalarici adscribuntur. Præterea cum nonnisi anno vndeicesimo post Chlodouei mortem Amalaricus à Childeberto Francorum Rege victus sit & interfectus: si paullo post Chlodouei parentis sui obitum Chrothildis ei nupserat, credendum erit (id quod parum verisimile est) mulierem tamdiu sæuitiam viri tulisse, & post annos circiter duodeviginti de contumeliis suis, quibus diuturna assuetudo callum obducere debuit, fratri per fidum seruum questam esse. vt omittam, quod alio in loco notabo, Merouei posteros filias, & sorores suas, virginésque stirpis regiæ non aliis quàm Regibus collocare consueuisse. quare si tum (sicuti ait Gregorius ipse) *Rex erat Hispania* Amalaricus, cum Chrothildem duxit vxorem; nonnisi Olybrio solo Cos. quo anno III Kal. Septembr. 10 xxvi.
 Theoderico mortuo Hispaniæ Regnum obtinuit; aut potius insequenti anno eam in matrimonium accepit. Ob id apud Aimoinum in libro II dicitur Amalaricus, *cum partem Regni paterni, qua à Francis non fuerat occupata, suscepisset regendam*, missis ad Childebertum & Chlotharium legatis rogasse, vt inito fœdere sororem suam ipsi nuptum darent. Certè Amalaricum, quo tempore Alaricum parentem suum amisit, paruulum & infantem fuisse putandum est, si post Consulatum Lam- 10 xxxi.
 padij & Orestis, hoc est anno XXIV post patris mortem,

quo anno periit, adolescens erat: ut ait Iordanes, qui in libro de Origine Gothorum Amalaricum *in ipsa adolescentia Francorum fraudibus irretitum Regnum cum vita amisisse* scribit. & ne quis sit dubitationi locus, auctor est Procopius in libro I belli Gothici post Theoderici mortem, postque subactam à Francis Toringiam, atque Burgundiam, (in qua tamen Godomarus etiamtum regnabat) Amalaricum Vesigothorum Regem, Francorum arma virisque metuentem, sororem Theodeberti Francorum Regis (Childeberti debuit dicere) in matrimonium petiisse & accepisse. Theodebertum autem, quem Theudibertum appellat, sicut supra Iordanes, Chlodouei filiis annumerare videtur Procopius, uxorem Amalarici, quæ Chrothildis Chlodouei filia fuit, Theodeberti sororem vocando. Ceterum an præter Chrothildim alias Chlodoueus filias habuerit, dubitare quis potest. Nam (ne de Audeflæda loquar) Robertus Monachus Autissiodurensis, in Chronico anno MCCX scripto, à *Theudechilde Chlodouei Regis filia*, pia Virgine Monasterium Apostolorum in vrbe Senonis exstructum ait: quod Monasterium apud Odorannum Monachum *Theuchildis Regina* dicitur excitauisse. Quæ Theudechildis, vel Theuchildis non magis mihi Chlodouei filia videtur fuisse, quàm Emmia, aut Emma pridie Nonas Octobres Martyrologio Vsuardi inserta, & *Sancta Emmia, Virgo eximia sanctitatis, filia Chlodouei Regis* dicta.

Postquam Quintianus apud Aruernos in locum Apollinaris Episcopus est subrogatus, hoc est anno V vel VI post Chlodouei Francorum Regis mortem, Dani, qui sinus Codani Septemtrionale latus possidebant, oram Saxonix Frisixque præteruecti, Galliam classe petiuere, egressisque nauibus pagum vnum de Regno Theodorici, hoc est forsitan Bataviam, igne & ferro vastauere. iamque in naues captiuos, ac omnem prædam impouerant: iam reuerti domum parabant: Rexque eorum nomine Chochilaicus, quem alij Cochilagum appellant, expectabat cum paucis in litore, dum naues altum tenerent, ipse mox secuturus. quum Theodebertus à patre suo Theodorico aduersus prædones missus

cum magno exercitu apparatúque armorum deimpro-
uísó superuenit, qui & Regem interfecit, & Danis in-
opinantibus oppressis, ac nauali certamine superatis,
maxima cæde facta, captiuos & prædam recepit. Vetus
Auctor Historiæ Francicæ, Theodorici Merouingorum
Regum penultimi æqualis, pagum à Danis depopula-
tum vocat Attuarias. quod si verum est, ex eo cogno-
scitur Attuarios, gentem Franciæ veteris Reno con-
terminam, si non omnes, saltem eorum partem tum in Gal-
lia prope Riparios sedes habuisse, regionique, in qua con-
federant, nomen suum dedisse. Hi sunt Dani, quos postea
Nordmannos vel Nortmannos Franci vocauere, qui
regnantibus Caroli Magni posteris omnem Galliam cæ-
dibus, latrociniis, ac incendiis deformauere. Danorum
primi mentionem fecerunt Iordanes, atque Procopius.
e quibus Iordanes eos Cogenorum, hoc est Cognorum
gentis Germanicæ, stirpe ortos esse, viros procéritatis
eximiæ, Erulólque finibus expulisse scribit, & Scanzix
suæ cultoribus adnumerat. Procopius in belli Gothici
libro primo Danorum gentes prope Varnos ponit, qui
à Senatore Guarni, ab Iordane Warni appellantur.

Florentio & Anthemio Coss. Theodericus Rex Ita-
liæ Amalasuentham filiam suam, quam ex Audeſſeda
Chlodouei Regis sorore tulerat, Eutharico Cillicæ col-
locauit. qui anno I Vpòst collega Iustini Aug. factus dela-
tum sibi à socero Cōsulatum Romæ inlit, eumque in Vr-
be primùm, deinde Rauennæ ludis Circensibus, vena-
tionibus, ac sparsione nummorum in populum celebra-
uit, atque ante Theodericum decessit, ex Amalasuentha,
vxore sua liberis genitis Athalarico, & Mataſuentha.
è quibus Athalaricus Theoderico auo materno successit;
Mataſuentha Vitigi Regi, ac postea Cōstantinopoli Ger-
mano Patricio nupsit. Natus erat Eutharicus in Hispania
patre Veterico, vel Viderico, auo Beremundo, Thoris-
mundi Ostrogothorum Reguli filio, qui vt Hunnorum
se dominationi eximeret, patriam reliquerat, & ad Ve-
ſigothos populares suos, regnante Theodorico maiore,
commigrauerat. Thorismundus autem Rex, proauus Eu-
tharici, consobrinus fuerat Wandalarij, aui Theoderici

10xv.

Italiæ Regis. Eutharicum hunc Cillicam vel Cilligam, regio Amalorum genere ortum, ac iuuenem prudentem fuisse, magnisque animi & corporis virtutibus eminuisse tradit Iordanes, incertus Auctor Chronici nuper editi asperum, & Fidei Catholicæ infestissimum eum fuisse dicit, quem in Chronico Victoris malè Heraclium; apud Marium Euthetiū pro Eutherico appellari reperio.

10XVI.

Petro V. C. Consule Rex Burgundionum Gundobadus decessit, superstitibus relictis Sigismundo & Godomaro filiis. è quibus tamen solus Sigismundus, Sigismundus Gregorio dictus, Regno paterno successit. cum antea in Burgundia, quemadmodum apud Francos, Regnum patrium fratres inter se diuidere, & in sua singuli parte regnare consueuissent. Vir doctissimus Sigismundum viuo patre Regis nomen obtinuisse putat, propterea quòd apud Auitum legitur epistola ad Symmachum vrbis Romæ Episcopum sic inscripta: *Epistola ab Auito Episcopo dictata nomine Sigismundi Regis ad Symmachum Papam*: Symmachus autem obiit Senatore solo Cof. ante biennium quàm Gundobadus de-

10XIV.

cederet. & quòd Marius Auenticensis Episcopus in

10XV.

Chronico Florentio & Anthemio Cof. anno ante Gundobadi obitum Monasterium Acauni à Rege Sigismundo exstructum dicit. Quo argumento si quid probari posset, credere nos oporteret Sigismundum, ante annos minimùm XXII quàm Gundobadum patrem amitteret, hoc est, saltem anno post Odoacris cædem, viuo ac regnante in parte Burgundiæ patruo suo Godegisilo, Regem fuisse, regniq; participem & consortem egisse. cum Iordanes in libro de Origine Gothorum scribat Theodericum Ostrogothorum Regem, vbi in Italiam venit, mox finitimis *Regibus* Alarico & Sigismundo filias suas in matrimonium dedisse. At Auctor Chronici ab Henrico Valesio fratre meo editi meliùs quàm Iordanes Theoderici filiam Sigismundo *filio Gundobadi Regis*, non autem Regi nuptum datam ait. *Regem* igitur ab Auito, & à Iordane ac Mario appellatum Sigismundum existimo, non quòd viuo patre regnauerit, sed quòd Regis filius, ac postea Regni

luc-

successor fuerit. Regum enim liberos Reges vocare mos erat. sic Gregorius Guntharium, & Chramnum Chlotharij Regis filios; Fortunatus in libro IX Chlodobertum & Dagobertum infantes, eius ex Chilperico nepotes, Reges appellat. sic & Brunichildis Regina Athanagildum, suum ex Ingunde filia nepotem, non priuatum modò sed exulem ac egentem, Còstantinopolim à Græcis abductum, & Childebertus Francorum Rex eundem sororis suæ filium in litteris *Dominum gloriosum Athanagildum Regem* vocat. Certè Gregorius, cum tradit, mortuo Gundobado, *Regnum eius Sigismundum obtinuisse*, & Marius ipse in Chronico, cum ait Petro Col. 10XVI. Regem Gundobadum obisse, & *leuatum esse filium eius Sigismundum Regem*, ambo satis apertè indicant eum non ante patris mortem Regem appellatum esse. Quod autem scribit Fredegarius in Epitome, Sigismundum apud Geneuam in villa Quadriuiò iussu patris Regem salutatum esse, id si verum est, ita intelligendum & accipiendum videtur, vt maiorem natu filium Sigismundum Gundobadus moriens solum, excluso Godomaro natu minore, à Burgundionibus Regem iusserit appellari. Eidem Sigismundo inter initia principatus Anastasius Aug. Patriciam dignitatem, atque etiam (vt existimo) Comitiam Sacrarum largitionum, vulgò Comitiam Sacrarum dictam, codicillis detulit. Quapropter Alcimus Ecdicius Auitus, Viennensis Episcopus, in epistola ad Ioannem Constantinopolitanum Episcopum, *Dominum suum Patricium Sigismundum* vocat. & in epistola ab Auito dictata nomine Sigismundi ad Imperatorem Anastasium, Sigismundus ipse *militie fascibus, Aula pollentis contubernio*, (hoc est, militià Palatinà) & *veneranda Romani nominis participatione honoratum* se ab Imperatore dicit. præterea Auiti epistola XLII sic inscribitur: *Epistola ab Auito Episcopo dictata nomine Domini C. S. ad Vitalianum Senatorem*: & epistola XXCVI, ita inscripta legitur: *Epistola ab Auito E. dictata nomine Domini Regis C. S. ad Imperatorem Anastasium*, hoc est, nomine Domini Regis, *Comitis Sacrarum*, potiusquàm (vt putat vir doctissimus) *Comitis Sigismundi*. Notandum

autem est, quod Sigismundus Rex Burgundionum, apud Auitum in epistola *XXCIII*, ad Anastasium Aug. scribens, ait se gratiæ debitorem non magis parentis debitis, quàm beneficiis sibi datis factum, proauósque & auctores suos nomini Imperiòque Romano semper fuisse deuotos, & *militia titulos* ab Imperatoribus sibi oblatos magni fecisse, magisque semper ambiisse, quod à Principibus acciperent, quàm quod à patribus attulissent. Quibus verbis videtur indicare Sigismundus ab Anastasio Principe dignitatem aliquam Gundobado patri suo delatam esse, Gundiucumque auum suum, & Chilpericum maiorem patruum, Burgundionum Reges, ab vltimis Imperatoribus Occidentis, nimirum à Seuero & Anthemio Magisterium militum obtinuisse.

Florebat tum non minùs pietate quàm doctrina supradictus Alcimius Auitus, Hefychij primùm clarissimi Senatoris, deinde Viennensis Episcopi filius, sedisque successor: Apollinaris Valentiae Episcopi, & Fuscinae Virginis Deo sacratae frater. qui, quod Gundobado persuadere non potuerat, eius filio Sigismundo initio regni persuasit, vt Ariana Hæresi damnata, Patrem, & Filium, & Spiritum Sanctum vnus eiusdemque maiestatis ac virtutis esse publicè profiteretur. quo facto, Auitus orationem apud populum habuit, cunctosque ad Fidem Catholicam inuitauit. Facile impetratum est à Burgundionibus, vt Regis sui imitarentur exemplum, & religionem Catholicam, in qua eorum maiores versati erant, eiurato errore sequerentur. Erant Sigismundo ex Ostrogotha vxore liberi, puella virgo, & Sigisfricus adolescens, à Gregorio Sigiricus, ab Auito *Dominus Segisfricus* dictus. è quibus prior puella Arij Hæresim damnauit, postridie Sigisfricus: vt docent inscriptiones duarum Homiliarum, vel orationum ab Auito tum habitarum. Ostrogotham vel Ostrogotho-nem, Theoderici Ostrogothorum & Italiae Regis filiam, Sigismundi coniugem fuisse dixi, secutus præter ceteros Procopium, qui in belli Gothici libro I Theudichusam, hoc est, Theodegotham sororem Ostrogothæ, Alarico minori Vesigothorum Regi nupsisse tradit. vt ap-

pareat errare incertum Auctorem supradicti Chronici nuper vulgati, apud quem dicitur Theodericus alteram filiam nomine Areuagni (ita eam solus appellat) Alarico Regi Vesigothorum in Gallia; alteram nomine Theodegotham Sigismundo filio Gundobadi Regis collocauisse. Ceterum Burgundiones vnâ cum Sigismundo Rege, eiusque liberis Anastasio & Agapeto Coss. videntur 10xvii. Catholicam Fidem secuti esse. quippe eo anno, qui II regni Sigismundi annus est, Episcopi Burgundiæ Epaone conuenerunt, de antiquis regulis, & de nouis controuersis sententiam dicturi. cui Concilio præfuit, Sacerdotumque decretis primus subscripsit Alcimus Auitus Episcopus xvii Kalend. Octobr. Agapeto V. C. Consule: 10xviii. subscripsisse dicitur & Pelagius Presbyter missus à Domino Salutare *Episcopo ciuitatis Auennice*, nisi si potius, ut puto, Episcopus ciuitatis *Auentice* is fuit, nam Auenticum Burgundionum Regibus parebat. Auenionem autem Senator in Variarum libri III epistola xxxviii docet Theoderici tum fuisse.

Magno solo Cos. Anastasius Aug. decessit. quo mortuo Amantius Præpositus sacri cubiculi, magnâ eunuchus potentiâ Iustinum Comitem Excubitorum accersit, ingentemque ei pecuniam dat, militibus Theocriti nomine dispartendam. qua ille pecunia Imperium sibi quàm alij emere maluit, atque à populo & ab Excubitoribus largitione deuinctis vii Idus Iul. Imperator est consalutatus, vxorem eius coronatam & Augustam nuncupatam, pro Lupicia vel Lupicina, quod nomen inhonestum ac indecorum videbatur, Euphemiam Constantinopolitani vocauerunt. Erat Iustinus natione Thrax, vel potius (ut ait Victor) Illyricianus. quippe Agathias in libro v Bederianam eius patriam *urbem Illyricam Bederianam* vocat: à qua apud Auctorem Chronici Alexandrini Iustinus Bendarites mendosè cognominatur, cum dicendus sit Bederianites. & Iustinianum, sororis eius filium, natum ait Procopius in quodam loco Dardaniæ Europæ Illyrici prouinciæ dicto Tauresio; alij in vrbe Pelagoniæ Achride, quæ regio Macedoniæ Illyrici quoque prouinciæ attribuebatur. Iustinum, ob-

scurrilissimis parentibus genitum , primò pastorem ac
 suarium fuisse scribit Zonaras, deinde inter gregarios
 milites stipendia meruisse, tum per omnes militiæ gra-
 dus ad Senatoriam dignitatem , & ad Comitum Ex-
 cubitorum , ac tandem ad Imperium peruenisse. Quo
 libentiùs credo , id quod Euagrius Scholasticus, Syrus
 Epiphanensis , in Historiæ Ecclesiasticæ libro IV tra-
 dit, Iustinum , senem ignotæ originis , tam libera-
 lium studiorum expertem , vt nomen scribere nesci-
 ret, præter spem cum suam tum ceterorum omnium
 Imperatorem factum esse, prælatumque multis Anastasij
 Aug. propinquis opulentissimis, potentissimisque, ac
 ætate florentibus, in primis Hypatio, Pompeio, & Pro-
 bo, genere consobrinis, & Anastasij sororum filiis, Con-
 sularibus viris, & Patriciis. è quibus Hypatius auunculi
 sui Anastasij Aug. principatu Magister Præsentis mili-
 tiæ, vnà cum Areobindo Olybrij Aug. & Nobilissimæ
 Placidie genero, Magistro militum Orientis, aduersus
 Persas, ac deinde aduersus Vitalianum bellum infelici-
 ter gesserat, atque anno XIV post Anastasij mortem ,
 orta Constantinopoli seditione , à populo per vim Im-
 perator appellatus, & rebellibus per Belisarium fufis ac
 cæsis captus , Iustinianique Principis iussu vnà cum
 Pompeio fratre interfectus est. Hic animaduertere li-
 bet, Constantinopolitanos metu malorum, quæ Orien-
 tales passi erant grauissima, Arcadio & Theodosio pue-
 ris dominantibus, qui *delicati & luxuriosi* Principes (vt ait
 Iordanes) *per annos ferè LX imperantes Regnum minue-
 rant*, post vtriusque obitum non alios quàm ætate pro-
 uectos Imperatores creauisse. siquidem Marcianus LVIII
 ætatis suæ anno, & Leo iam senex, & Zeno XLVII trans-
 gressus annum, Anastasius etiam LXIII emensus, ad Im-
 perij insignia viri consilio & pace optimi, nec rerum im-
 periti peruenere. & Iustinus senex annorum LXVIII re-
 cepit Imperium. qui petentibus Proceribus, vt Iustinia-
 num sororis filium, XL tum circiter annos natum, in con-
 sortium imperij reciperet, purpuram manu tangens re-
 spondit: quin vos potiùs oratis, ne hoc insignie Imperato-
 rium à me iuueni deferatur. Idem simul ac Imperiù obti-

nuit, Amantium Præpositum cubiculi, & Theocritum, quem Domesticum suū Amantius Imperatorem facere voluerat, & Andream Cubicularium, velut insidiantes sibi, vnà cum aliquot aliis in Palatio Consulatu suo & Eutharici interemit, corporaque iugulorum in Rheuma deiici iussit. cūque Apionem Patricium, Diogenianum, & Philoxenum, Magistros militiæ, iussu Anastasij relegatos, ab exilio reuocauisset, Vitalianum similiter, Patricioli filium, belli ab ipso Anastasio illati memor, ex Thracia ad se in urbem Regiam inuitauit, vt hominem Imperij cupidum, & gloria ac potentia præstantem, quoniam aliter non poterat, fraude & insidiosa simulatione amicitie deceptum opprimeret. Hunc igitur VII die quàm Constantinopolim venerat, Ducem vnus è duobus exercitibus, quos Præsentes vocant, id est, Magistrum vel equitum, vel peditum Præsentium; ac mox cum Rusticio Consulem ordinarium fecit, septimoque mense Consulatus sui in loco Palatij, quem Delphicam vocant, per Iustinianum Patricium sororis filium vnà cum Celeriano & Paulo satellitibus suis ingeremit. quo anno Ioannes Præfectus Illyrici, qui ante Iustinum à quibusdam Imperator electus fuerat, Heraclæ Thraciæ Episcopus est ordinatus. Tum Iustinianus, quem auunculus ex Candidato Patricium fecerat, Magister militum ordinarius est constitutus, & proximis Kalendis Ianuar. Consulatum iniit, nec multo post Nobilissimus à Senatu appellatus est, eaque appellatio Imperatoris decreto comprobata, qui tandem æger, postulantibus Senatoribus, inuitus (vt ait Victor) participem cum imperij & successorem creauit. Hæc de Iustino dicta sufficiant. in Occidentem reuertendum est.

- Circa initia principatus Iustini Aug. bellum Franci Toringis intulere, quod priusquam exponam, de Toringorum Regibus pauca dicenda sunt. Toringi, quos Senator, & Græci Auctores Thoringos; Iordanes, alique Thuringos appellant, gens Germaniæ valida magis quàm vetusta fuisse. Incertus Auctor, qui de Langrauiis Toringiæ scripsit, & Sifridus Presbyter in Epitomes suæ libro I tradunt Meruigum quemdam cog-

natum Regis Francorum, de sententia consilioque eiusdem Regis à Toringis anno CCCCXXX Regem electum esse, qui castrum prope Erpfesfurtum exstruxerit, ac Meruuigiburgum suo nomine appellauerit. post Meruuigum regnauisse in Toringia Basinum, à nostris Historicis Bisinum, ab Aimoino Bissinum dictum, ad quem Childericus Francorum Rex, Regno expulsus, confugerit, & cuius vxorem Basinam, quæ ipsum reuersum in Franciam secuta erat, in matrimonium acceperit, ex qua Chlodoueam, tréscque filias, nimirum Audefredim, Lanthildim, & Albofredim tulit. Bassino successisse Irmenfridum, qui non sororem Theoderici Regis Francorum, (vt aiunt) sed sororis Theoderici Ostrogothorum Regis filiam vxorem duxit. Hic est Irmenfridus, quem Procopius Hermenefridum, Cassiodorus Senator Herminafridum, Iordanes & Fortunatus Hermenefredum, aliqui Hermenefredum, & Ermenfridum appellant. Herminafridus, Bisini Regis (vt existimo) filius, fratres habuit Badericum, atque Bertharium, à quibusdam Bertecharium, ac Brittharium dictum. è quibus Badericum, tamquam natu maiorem, Gregorius ac Fredegarius Herminafrido præponunt. hi fratres apud Toringos in sua quisque parte regnauere. quo magis miror apud Cassiodorum Senatorem, tamquam solus tum Herminafridus in Toringia regnaret, Theodericum Ostrogothorum Regem de bello Chlodouei litteras *Toringorum Regi* scripsisse. De vxore liberisque Baderici, quem Aimoinus Baldricum, quidam Baldericum appellant, nihil accepimus. Herminafridus autem in matrimonio habuit Amalabergam, Amalafridæ sororis Theoderici Ostrogothorum Regis filiam, Procopio Amelobergam, nostris Historicis Amalbergam dictam: quam Aimoinus filiam Theoderici Italiæ Regis pro sororis filia appellat. Auctor Chronici à C. V. Henrico Valesio fratre meo vulgati sororem eam Theoderici falsò vocat, & cum Theodericus mense Augusto Româ Rauennam reuertisset, Herminafrido Toringorum Regi collocatam esse dicit, hoc est Patricio & Hypatio Coss. quo anno Theodericus Rex Vrbem in-

gressus est, post interfectum Odoacrem anno V II. Sic Procopius in belli Gothici libro I Odoacris Regis mortis Amalabergæ nuptias; hisce nuptiis bellum à Francis Burgundionibus illatum continuò subtexit: quod bellum Patricio & Hypatio Coss. gestum auctor est Marius in Chronico. At apud Cassiodorum Senatorem, post Arelatenfes obsidione liberatos, postque Indictionem IV, hoc est, post Consulatum Felicis & Secundini, quo anno Chlodoueus obiit, Theodericus sororis filiam, aut (vt loquitur) *neptem* ad Herminafridum Regem Toringorum mittit. vt appareat Senatorem in suis Variarum libris non semper rerum ordinem sequi. Nam exempli causâ liber eius secundus à Consulatu Felicis incipit, finiturque epistolâ Theoderici Regis, ad Chlodouicum Regem Francorum scriptâ, orantis vt victis Alamannis parcat, quos anno quintodecimo ante Consulatum Felicis huius ac Secundini, nimirum Paulolo Consule ab Chlodoueo constat prælio esse superatos.

Nupta Herminafrido Amalaberga Amalafridum, & Ranicundam genuit, de quibus infra pauca dicemus. Hæc femina Toringis excidij, & primùm leuiris, deinde viro ipsi suo mortis causa fuit. quippe vti erat insolens ac superba, nec minùs sanguinis quàm regni auida, Herminafrido persuasit, vt Berthario fratre suo interemto angustos imperij terminos promoueret. quo facto minimè contenta, virum hortari cœpit, vt Baderico alteri fratri Regnum ac vitam eriperet: atque vt magis cunctantem stimularet, post multas verborum rerumque contumelias mensam ei dimidia parte nudam iussit apponi, ac interrogata, quid hoc sibi vellet, respondit meritò dimidiam eum mensam nudam habere, qui dimidia parte Regni spoliatur. His aliisque verbis increpitus, ac muliebri furore instinctus Herminafridus Baderico fratri bellum inferre constituit: legatisque clàm missis Theodorico Francorum Regi dimidiam partem Regni fratris pollicetur, si eius operâ victum interficere potuisset. Lætus oblato præmio belli Theodoricus mox copias cogit, Toringiam, Cartis genti ditionis suæ confinem, ingreditur, & cum Herminafrido

collocutus, data inuicem fide, societatem iungit. tum ambo iunctis viribus Regnum Baderici intrauere. Nec dubitauit Badericus instructo exercitu obuius hosti procedere, commissoque prælio multis suorum amissis fusus est & interfectus. Victor, & compos votorum suorum Herminafridus Theodorico persuasit, ut domum rediret, affirmans se, simul ac Toringiam omnem pacauisset, promissa eum parte Regni donaturum. quo in Franciam reuerso, datæ fidei oblitus Regnum Toringiæ totius occupauit, & quod Theodorico pollicitus erat, præstare neglexit. quamobrem magnæ inter eos ortæ sunt inimicitia, breui Herminafrido exitio futura.

Dum Herminafridus in Toringia, impulsus ab vxore, fratres interimit, Sigismundus in Burgundia, imitatus Gundobadum patrem trium fratrum suorum interfectorem, hortante coniuge, filium natu maiorem occidit. Habuerat hic in matrimonio Ostrogotham, Theoderici Ostrogothorum & Italorum Regis filiam, puellæ virginis, & Sigisfrici matrem, eaque amissâ aliam duxerat vxorem, quæ nouercali odio priuignum prosequabatur. Accidit, ut festo die Sigisfricus nouercam cultum Ostrogothæ matris indutam videret, quo agnito grauiter commotus negauit dignam eam esse, quæ dominæ suæ vestibis vteretur. At mulier, se contemptam fremens, ac furore accensa Sigisfricum falso parricidij crimine in secreto ad virum suum accusat, tamquam adolefcens cupiditate principatus impulsus, patre interfecto totius Burgundiæ imperium, atque etiam (vt ait Gregorius) Regnum Italiæ, quod Theodericus auus eius maternus obtinuerat, occupare veller. Vbi notandum est errare Gregorium, qui cum Theodericum Regem Ostrogothorum mortuum arbitretur. cum is non modò Sigisfrici nepotis sui, sed etiam Sigismundi generi superstes exstiterit: si verum est, quod tradit Marius Auenticensis Episcopus in Chronico, Sigisfricum, quem Segericum appellat, Synmacho & Boëthio Coss. iussu patris sui occisum esse, & Sigismundum insequenti anno Maximo Coss. captum à Francis & interfectum. Theodericum autem Ostrogothorum & Italorum Regem

anno

12XXII.

12XXIII.

anno tertio post Consulatum Maximi, nimirum Olybriō Consule decessisse omnes Auctores magno consensu tradunt. Igitur Sigismundus, cū vera esse crederet, quæ ab vxore ficta crimina deferebantur, Sigifricum filium, somno ac vino sopitum, meridianēque nefariē iussit occidi, intromissis, qui circumdatum collo eius orarium ad se vtrūque trahendo innoxium adolescentem strangularent. Interfectus est Sigifricus (vt ait Marius) Symmacho & Boëthio Coss. Cuius facinoris magnitudinem Sigismundus serō perpendens, quem viuū oderat, sublatum mox lugere ac flebiliter dolere cœpit: super filij corpus ciulans afflictaque sese procubuit, & omnibus questibus, quos dolor dictare consuevit, consumtis, Acaunū petiit, locum Penninis Alpibus proximum, abditūque in Monasterio, quod ibidem exstruxerat, per dies multos lacrimis, ieiuniis, precatione veniæ, & assiduitate psallendi iratum sibi Deum placare conatus est. Tum etiam Sigismundus Monachi habitum induisse mihi videtur. quippe idem apud Mariū in Chronico insequenti anno Maximo Cos. à Burgundionibus Francis traditus, & in Franciam in habitu Monachi perductus esse dicitur. & Vsuarius in Martyrologio scribit Sigismundum Regem Burgundionum, cū videret se Francis obsistere non posse, solum fugisse, atque capite raso habitum religiosum, hoc est pallium sumisse, & dies atque noctes ieiuniis peruigiliisque continuantem, à Francis cum vxore & liberis captum esse. Quod fecisse Sigismundum statim post occisum filium, non autem post commissum cum Francis prælium credendum est. amisso enim exercitu cū Acaunū fugā peteret, mox à Francis captus est, neque euadendi, neque ad Monasterium perueniendi, nedum pallij sumendi spatio dato. Hoc Monasterium, in loco Vallis Penninæ Acauno, quem multi Acaunū appellant, exstructum, maximè illustre effecerunt sepulcra beatissimorum Martyrum legionis Felicis Thebæorum, nimirum Mauricij, commilitonūque eius ibidem occisorum, quos Gregorius *Sanctos Aganenses* vocat. vnde Monasterium ipsum Fredegarius

10XXVI.

10XXII.

10XXIII.

Monasterium Sanctorum Agaunensium; Vsuardus *Monasterium Agaunense*; Anastasius *Monasterium S. Mauricii* appellat. è quibus Vsuardus, atque etiam Aimoinus precibus votisque Seuerini *Monasterij Acaunensis Abbatis* Chlodouei Francorum Regem diuturna valetudine liberatum esse produnt. cùm Marius Auenticensis Episcopus in Chronico Florentio & Anthemio

10 xv. Coss. hoc est anno quarto post Chlodouei mortem Monasterium illud à Sigismundo exstructum dicat: quod apud Gregorium Sigismundus post Gundobadi obitum; apud Fredegarium & Aimoinum post occisum filium dicitur ædificauisse, domibúsque & basilicis magnificè ornauisse, ac prædiis locupletâsse. ita ut non videam, quomodo Seuerinus viuo Chlodoueo Abbas esse potuerit Monasterij Acaunensis, quod nonnisi post eius mortem exstructum est.

Posteaquam igitur Sigismundus Burgundionum Rex in Monasterio Acaunensi diu multumque Sigisfricum filium suum luxit, Lugdunum Segusianorum reuertit, credo quòd iam Francos expeditionem Burgundicam parare cognouerat. quam nubem belli ut à se auerteret, Theodorico Francorum Regi, filiorum Chlodouei maximo filiam suam in matrimonium dedit, cuius nomen, ut & prioris Theodorici coniugis, Theodeberti matris ignoratur. Brouuerus quidem, qui Fortunatum notis illustrauit, Theodechildem Reginam, à Fortunato tantopere laudatam, vxorem Theodorici, matrèque Theodeberti Franciæ Regum fuisse credit. cùm quæ Fortunatus de Theodechilde dicit, vxori Theodorici minimè conueniant. Nam Theodoricus Francorum Rex duas duxit vxores. ex priori Theodebertum genuit, quâ amissâ, Sigismundi filiam in matrimonium accepit. si verum est, quod ait Gregorius, Theodoricum, cui iam filius adolescens, victor Danici belli, Theodebertus erat, paullo post Sigisfrici cædem, hoc est anno regni vndecimo, filiam Sigismundi Regis vxorem duxisse. at Theodechildis, vel Theodechilda Regina, Fortunato teste, viro superstes fuit, ac quinque & septuaginta annos vixit.

Ter quino lustro vixit in Orbe decus.

ita ut non potuerit esse mater Theodeberti, quam ante Theodoricum virum suum decessisse docui. Sed nec Theodechildis ista, Theodorici posterior coniux, filia Sigismundi fuit. Sigismundi enim filia, posterior Theodorici vxor, Regem fratrem non habuit, contra iussu patris iugulatum eum vidit. at Theodechildi Reginæ non modo pater, auus, proauus, virque, sed etiam frater Reges fuerunt, vt in libri IV Carmine XXV auctor est Fortunatus,

Hic properante die Theodechilda iacet:

Cui frater, genitor, coniux, auus, atque priores,

Culmine succiduo regius ordo fuit.

Ex quo etiam intelligitur fratri eam, & viro superstitem fuisse. & in libri VI Carmine V.

Currit in Orbe volans generis noua gloria vestri,

Et simul hinc frater personat, inde pater.

Ego Theodechildim hanc, non Theodorici Francorum Regis vxorem, sed ex posteriore vxore filiam; non Theodeberti Regis matrem, sed sororem; Sigismundi que ex filia neptem fuisse existimo, Hermegisclo primùm, deinde Radigeri Varnorum Regibus nuptam, de qua Procopius in belli Gothici libro IV sic scribit. Hermegisclo quemdam regnasse apud Varnos, quæ gens oram Septemtrionalis Oceani, & ripam inferiorem ostiâque fluminis Reni occupabat, eoque flumine à Francis diuidebatur. eum Regem amissa coniuge, ex qua Radigerem filium tulerat, vt Regnum suum affinitate confirmaret, sororem Theodeberti Francorum Regis in matrimonium petiisse, atque duxisse. & aliquanto post cum mortem sibi adesse intelligeret, Radigeri coram Optimatibus mandauisse, vt sponsam natione Brittiâ sororem Regis Anglorum repudiaret, sineretque habere sibi, quas sponsaliorum nomine dedisset, pecunias pretium iniuriæ, nouercamque, ex qua ipse nihil liberorum tulisset, in matrimonium acciperet, conciliandorum sibi Francorum causâ, quæ gens, & finitima, & validissima, vt facilè Varnos auxiliis iuuare; sic non difficulter eosdem causis belli ex voluntate sua accer-

sitis opprimere ac euertere funditus posset. His dictis Hermegiscum quadagesimo post die morbo interiisse, Regnumque Varnorum Radigeri vnico filio per manus tradidisse: qui patris consilium secutus de sententia Optimatum, repudiatâ sponsâ, nouercam suam, sororem Theodeberti Francorum Regis, vxorem duxerit. Qua re cognitâ puellam virginem impatientem iniuriæ, propterea quod mos erat Barbaris sponas nisi ob stuprum non dimittere, missis ad Radigerem legatis de contumelia questam esse, & postulasse, vti causam repudij aperiret. Radigerem, cum nihil haberet, quod responderet, legatos re infecta dimisisse. Tum sponsam virginem permissu fratris Regis Anglorum quadringentis nauibus armata millia bellicosorum hominum centum imposuisse, atque vno è fratribus suis expeditionis socio, ex insula Brittia in continentem regionemque Varnorum traiecisse. ibi circa ostium Reni castris positus cum paucis sese continuisse, & fratrem vnâ cum reliquis omnibus copiis aduersus Varnos, qui non longè à litore Oceani & ostio supradicti fluminis confederant, misisse. à quibus fusus acie Radiger Varnorum Rex, amissa magna parte militum, terga cum reliquis verterit, quos fugientes Angli, propterea quod more Varnorum pedestria omnes prælia inire consueuerant, non longius persecuti in castra reuertere. At victorem militem malè acceptum, fratrem etiam conuiciis à regia virgine proscissum esse, clamitante nihil actum, quoniam Radiger euasisset: confestimque pernicissimos ac fortissimos iuuenes ex omnibus copiis delectos, & ad comprehendendum Radigerem missos esse, qui latentem eum in silua ceperint, victumque ad sponsam adduxerint. Captium verò mortis expectatione tremulum atque pallentem, interroganti virgini, cur se nullius probri insinulatam repudiauisset, & solutis sponsalibus, aliam duxisset vxorem, respondisse, supremæ patris voluntati, Procerumque studio se obistere non potuisse, culpamque necessitati imputauisse, postremò precibus suppliciter admotis adiecisse, paratum se esse, si modò vellet, ipsam in matrimonium du-

cere. ab hac voce continuò Radigerem vinculis liberatum, Theodeberti Francorum Regis sorore domum remissâ, Brittiâ sponfam matrimonio sibi iunxisse anno belli Gothici sextodecimo.

104.

Et ita quidem Procopius de Theodorici Francorum Regis filiæ nuptiis refert. Vbi fateor mirari me, quâ ratione fieri potuerit, vt Varni tum in Francia regnarent. quippe ripa Reni dextra, vel Germanica, ad ostia fluminis Oceanumque Septemtrionalem pertinens, quam Varnos incoluisse ait Procopius, pars veteris Franciæ Theodorico Regi tum subiectæ erat. Non igitur Varni Reno diuidebantur à Francis, qui vltra Renum longè latèque dominabantur. Vt verisimiliùs idem Auctor in libro II belli Gothici Varnos prope Danos ponere videatur, quos à Warna, vel Waharna fluuiio in Visurgim exeunte cognominatos puto. Hi Varni non multo pòst (id quod Hermegisclus Rex timuerat) illato à Francis bello victi atque domiti sunt, quos Fredегarius in Chronico tradit anno 10XC VII rebellauisse, atque ab exercitu Childeberti minoris ita victos acie cæsolque esse, vt gente pæne excisa pauci ex eo proelio supereffent. Præterea cùm Procopius, vt facere debuit, Anglos distinguat à Brittonibus, quorum alteros Angilos, quemadmodum Ptolemæus; alteros sæpe Brittiis vocat: nihilominùs tamen sponfam Radigeris Varnorum Regis, quæ Angla erat, sororque (vti ait ipse) Regis Anglorum, Brittiâ semper; eius verò commilitones, modò Anglos, modò Brittiis appellat. Certè Brittiâ insulam, patriam pactæ Radigeris, incolæ tradit Procopius à tribus frequentissimis gentibus, nimirum Anglis, Frisonibus, & Brittonibus, vel Brittiis, insulæ cognominibus: quarum gentium singulæ Regem suum habeant, tantæque fecunditatis sint, vt abundante multitudine plurimi quotannis vnâ cum coniugibus & liberis ex insula in Galliam transeant, & à Regibus Francorum in incultis agris collocentur. Adiicit Regem Francorum, hoc est, sicuti existimo, Theodebertum, cum legatis suis Anglos quosdam ex his, quibus agros dederat, Constanti-

nopolim misisse, vt Iustiniano Aug. persuaderet Brittiam insulam sub ditione sua imperioque esse. Ego apud Auctores, qui res nostras, vitasque Sanctorum scripsere, multos quidem Brittones ex insula Britannia; Scotos quoque non paucos sæpe cum ex Britannia, tum ex Ibernia in Galliam transiisse inuenio: ab Anglis; & Frisonibus idem factum esse non reperio. Quæ autem de Brittia insula, id est Ibernia, tradit Procopius, insulæ Britannicæ pleraque magis, quàm Ibernicæ conueniunt. Nam Brittones vel Britanni, atque Angli præter ceteros in Britannia sedes habuere, non in Ibernia, quam à Scotorum gentibus incoli Orosius & Iulius Honorius produnt. Vnde Ibernia apud Isidorum, & in libro de vita S. Fursei, alio nomine *Scotia* appellatur: apud Eginardum, Aimoinum, aliósque Auctores rerum gestarum Caroli Magni *Ibernia Scotorum insula* dicitur; apud Bernardum de vita Malachicæ *ulterior Scotia*; apud alios *Scotia maior*, vt distinguatur à Scotia citeriore vel minore, parte insulæ Britannicæ. Frisones verò, vel Frisij nec in Britannia, nec etiam in Ibernia sedem cepisse, atque regnauisse ab alio quàm Procopio dicuntur. Deinde quod ait ibidem Procopius, Brittiam insulam in Septemtrionali Oceano Reni ostia spectare, eaque ex parte à continente non ampliùs ducenta stadia abesse, id de Britannia à Geographis dici, nequaquam de Ibernia, nemo nescit. Præterea quod scribit Procopius, in ora Oceani ex aduerso Britticiæ insulæ vicos esse plurimos, qui à piscatoribus, agricolis, & mercatoribus Francorum imperio subiectis incolantur, de ora Gallicæ aduersa insulæ Britannicæ tantummodò intelligi potest. cum Ibernia nihil præter insulas, easque Francorum Regibus minimè parentes, circum se haberet. Vt omittam murum illum vetustum, quo Procopius scribit Brittiam insulam bifariam diuidi, murum esse videri, quem Seuerus Aug. imitatus Hadrianum, per transversam insulam duxit, vt eo vallo prouinciales à Barbaris dirimeret.

Vt ad Theodechildem Reginam reuertar, quam supradixi Theodorici filiam, sororémque Theodeberti

mihi videri: hæc ab Radigere Varnorum Rege inuito inuita dimissa, & domum reuerfa, magna experimenta pietatis dedit, in viduas, pupillos, egentēſque benefica, munifica Eccleſiarum ornatric, ita ſuavis & mitis, vt ab omnibus amaretur magis quàm metueretur. quemadmodum ait Fortunatus, apud quem eadem *prole potens* cùm dicitur, prolis nomine genus, non liberi ſignificantur. ſic enim non ſemel loquitur Fortunatus, exempli cauſâ in libri quarti Carmine ſeptimodecimo.

*Hic puer Arcadius, veniens de prole Senatus,
Feſtinante die raptus ab Orbe iacet.*

Et in Carmine XXVI.

*Vviliſtuta decens, Dagaulſi cara iugalis,
Romana ſtudio, Barbara prole fuit.*

Hæc eſt Theodechildis, quam Gregorius in libro de Gloria Confefſorum Theudechildam Reginam appellat, cùm ait Nonninum, vel Nantinum quemdam Tribunum ex vrbe Aruernis in Franciam veniſſe ad Theudechildam Reginam tributa deferentem, quæ ei forſitan Theodebaldus Rex fratris filius domum reuerſæ assignauerat. Aruerni enim vt Theodorico; ſic Theodeberto, ac Theodebaldo paruerunt. Huius Theodechildis matrem, quam Sigifmundi Regis Burgundionum filiam, & Theodorici Francorum Regis poſteriore vxorem fuiſſe dixi, vnus Frodoardus in Hiſtoriz Eccleſiæ Remenſis libro II *Suauegottam Reginam, Theudechildis Regine matrem* appellat. Ceterum non dubito, quin Theodechildis hæc eadem ſit, quam Odorannus & Robertus Monachi in Chronicis tradunt ad urbem Senonas Monasterium Apoſtolorum, S. Petri Viui nomine hodie norum, exſtruxiſſe, multis atque amplis ædificiis ornauiſſe, & prædiis locupletauifſe, ibique ſepultam eſſe. è quibus Odorannus truncato nomine *Theuchildim Reginam* appellat in verſibus tumulo eius inſcriptis; Robertus Theudechildim, quam magno errore Chlodouei Regis filiam, deuotamque Virginem fuiſſe dicit. Agendici igitur, vel Senonis Theodechildis conſenuit, atque deceſſit. quæ vrbs Theodeberto, ac Theodebaldo eius filio paruit, vt docet Leonis Se-

nonicæ Ecclesiæ Episcopi ad Childebertum Regem epistola. De exstructione supradicti Monasterij mentionem facit Fortunatus his versibus ad Theodechildim Reginam scriptis.

Ecclesia sacra te dispensante nouantur,

Ipsa domum Christi condis, & ille tuam.

Fuit & alia ætate Fortunati Theudechildis, vel Theodegildis, opilionis filia, Chariberti Francorum Regis vxor Fredegario; Regina Gregorio dicta, cum Dominæ Ingobergæ Reginæ pellex potiùs vocanda fuerit. de qua Fortunatum suprà loqui nemo sanus crederet. Nec de Theodechilde Regina plura, quæ memorentur, occurrunt. Res Francicas, vt cœpimus, persequamur.

Gundobadus Burgundionum Rex, sicut in libro v diximus, Chilpericum Regem quartæ partis Burgundionum, fratrem suum, Chrothildis Reginæ patrem interfecerat, vxorémque eius in flumen merserat. quod nefandum facinus cum in auctorem, patrum suum, vindicare non potuisset Chrothildis, in eius filios Sigismundum atque Godomarum, fratres patruales suos, paterni sceleris immunes vindicare cupiebat. Igitur cum Luteciam Parisiorum venisset, Chlodomerem, Childebertum, ac Chlotharium Francorum Reges, filios suos hortata est, vt iniuriam suam, cruentamque patris sui ac matris, aui ipsorum & auix mortem vl-ciscerentur, atque hanc sibi pro nutrimentis & educatione gratiam referrent. Non erat difficile iuuenes impatientes otij in bellum impellere. Itaque Reges matris precibus, & sceleris atrocitate, ac maximè sua sponte moti expeditionem suscipiunt, ingressique Burgundiam, obuio cum magnis copiis Sigismundum, atque Godomarum fundunt acie. quos ambos verus Auctor Historiæ Francicæ Reges appellat, quasi Godomarus, viuo & sospite Sigismundo, in Burgundiæ parte regnauerit. Victi Burgundiones, multis suorum amissis, terga verterunt. Godomarus fugâ salutem sibi peperit. at Sigismundus Rex, cum Monasterium Sanctorum Acaunensium peteret, à Chlodomere vnâ cum vxore & liberis, quos ex ea tulerat, captus, atque in agro Au-relia-

relianensi diligenti custodia asseruari iussus est: vt ait Gregorius. quamquam auctor est Marius in Chronico Maximo Consule Indictione I Sigismundum Regem à suis Francis traditum, & in Franciam in habitu Monachi perductum, & cum coniuge ac liberis in puteum abiectum esse. Marius sequitur Aimoinus, cum scribit Chlodomerem eade Sigismundi non diu esse lætatum, sed *insequenti anno* in Burgundia periisse. at Gregorius, ceterique nostri Historici iussu Chlodomeris Burgundiam repetentis, hoc est Indictione II Iustino Aug. II & Opilione Coss. Sigismundum interfectum dicunt. Ex Mario igitur intelligimus superiorem in Burgundiones expeditionem à Francorum Regibus Consulatu Maximi Indictione I factam esse.

10XXIII.

10XXIV.

10XXIII.

Postquam tres Francorum Reges, Chrothildis filij, contenti victoriâ, cum captiuis & præda in Franciam reuertere, Godomarus, Gundobadi Regis filius, Sigismundi frater, quem alij Godmarum, alij Godemarem appellant, cladis reliquias collegit, receptisque viribus Burgundiæ Regnum obtinuit. Rex Burgundionum factus est Godomarus (vt ait Marius) Iustino II & Opilione Coss. Indictione II. cui priusquam Chlodomeres bellum inferret, Sigismundum interficere statuit. Florebat tum in pago Aurelianensi Auitus, Miriacensis Monasterij Abbas, Maximini discipulus, vir sanctissimus atque grauissimus, qui certior factus de inito atroci consilio Chlodomerem Regem adiit, nec dubitauit affirmare, si Sigismundo vitam non eripuisset, victoriam eum ex Burgundionibus laturum: sin eundem interemisset, ipsum in manus hostium venturum, eademque cum vxore & liberis passurum, quæ Sigismundo coniugique ac liberis eius fecisset. Damnauit Chlodomeres salubre consilium, negans prudentis esse hominis foris bellum gerere, hostibus domi post tergum relictis, quibus occisis facilius reliquos vincere & interficere posset: statimque Burgundiam petens Sigismundum cum vxore & liberis iugulari apud Columnam agri Aurelianensis vicum, Aimoino Calumniam dictum, & in puteum abiici iussit. Has Sigismundus Burgundio-

10XXIV.

num Rex, eiúsque coniux occisi Sigisfrici pœnas pependere. Non omittendum est, quod ait Vsuardus in Martyrologio, Sigismundum Regem Burgundiæ, quem Sanctorum ordinibus adscribit, à Francis cum coniuge & liberis captum esse, ac in profundum putei missum Kalendis Maiis exspirauisse, atque postea sepultum à quodam Abbate, *etiam miraculis claruisse*. In quo videtur Vsuardus secutus esse Marium Episcopum, qui Sigismundum vnà cum suis in puteum proiectum esse tradidit: cum eum Gregorius, Aimoinus, ceterique nostri Historici, antequam deiiceretur, interemtum dicant. è quibus Florentius Gregorius in libro de Gloria Martyrum, & Aimoinus Monachus in Historiæ libro II produnt corpus Sigismundi postea Acaunum delatum, (qui est locus Sedunis, gentis Sedunorum capiti, proximus) ibique in Monasterio S. Acaunensium Martyrum honorificè sepultum esse.

Igitur Chlodomerus Francorum Rex, maximus Chrothildis filiorum, comperto Godomarum vires Regnumque recepisse, Sigismundum (vt diximus) interficit, atque ad societatem belli Theodoricum maiorem natu fratrem suum inuitat: qui Sigismundi socii sui iniuriam vindicare volens, cum eo sese expeditionem suscepturum confirmauit. apud Visorontiam, vel Viforontiam, locum agri Viennensis, in Burgundiæ finibus coniunguntur exercitus. tum ambo fratres cum Godomaro proelio conflixere. Fusi Burgundiones cum Rege terga verterunt: quos fugientes Chlodomerus, vt equo perniciosissimo vehebatur, incautiùs insecutus est. at illi Francorum Regem longè à suis remotum vbi agnouere, simulant se Francos esse, signum eius vsurpant, dubitantemque quid ageret ad se inuitant. quippe Burgundionibus eadem, quæ Francis, vt origo, sic lingua, nimirum Germanica erat. Chlodomerus, non minus in credendo, quàm in persequendo temerarius, ad Burgundiones accedit, dumque Francis adiungi putat, in medios hostes incidit, circumuentusque interficitur. Eius caput Godomarus amputatum conto præfigi, ostentarique Francis iussit. quo viso agnitoque, nostri

contrà atque sperauerat, non consternati, sed ad ultionem incitati proelium redintegrauere. funditur fugaturque Godomarus: qui non multo post Regnum recuperauit. cæsi ad internecionem Burgundiones. Burgundia omnis igne ferroque vastata, & in Francorum potestatem redacta est. senibus quoque, & infantibus parci ira dolorque vetuere. sic bellicoso Regi hostium cæde parentatum est. Nupta fuerat Chlodomeri Gundeuca, quam Fredegarius Gunthiucham, aliqui Godeucam appellant. Hanc Chlotharius post fratris mortem incesto sibi matrimonio iunxit. Ex Gundeuca tres filios sustulerat Chlodomeres, Theodoualdum, multis Theudoaldum dictum, Guntharium, vel Gunthacharium, & Chlodoaldum: quos auia Chrothildis Regina, diebus luctus exactis, apud se educauit. Interfectus est Chlodomeres XIII regni sui, XXX circiter ætatis anno Iustino Aug. II & Qpilione Coss. vt scribit Ma-
13XXIV.

rius in Chronico, qui & eodem anno Boëthium Consularem atque Patricium iussu Theoderici Ostrogothorum Regis in agro Mediolanensi occisum dicit. Agathias à Gregorio, & reliquis nostris Auctoribus, quos in superiore expeditione scribenda secutus sum, dissentit. quippe in Historiæ libro I tradit Chlodomerem quartæ partis Francorum Regem, quem ipse Chlothomerum, alij Chlodomirum appellant, cum Burgundionibus pugnantem, telo pectori infixio, cecidisse. cuius comam promissam & compositam, atque ad dorsum pertingentem vt Burgundiones videre, Regem hostium ab se interfectum esse intellexere. propterea quodd moriserat Francorum Regibus capillum à pueris intonsum retrò per ceruicem & dorsum effundere, eundemque à fronte diuisum in humeros demittere, atque ingenti diligentia pexum & ornatum pro insigni regio habere: cum priuati omnes essent circumtonsi, nec facile cuiquam permetteretur, vt comam promitteret. Addit Agathias Burgundiones abscissum Chlodomeris Regis caput in hasta fixisse, Francisque ostendisse. quo spectaculo tantum singulis ac vniuersis timorem iniectum, tantamque desperationem illatam esse,

vt infractis animis certamen detrectauerint, & conditiones pacis à victoribus latas acceperint. ita bello composito reliquias Francici exercitus celeriter liberetæque domum rediisse. Regnum autem Chlodomeris (cui nihil liberorum fuisse falsò ait Agathias) fratres eius statim inter se diuississe, quod tamen Gregorius nonnisi post interemtus Chlodomeris filios diuissum esse indicat in libri tertij capite duodeuicesimo. Vt manifestus sit error Aimoini Monachi, qui Chlotharium Regnum cum vxore Chlodomeris fratris confestim post eius mortem obtinuisse tradit, quasi Theodoricus & Childebertus Reges æquo animo passuri fuerint sua se à fratre natu minore supradicti Regni parte priuari. Idem Aimoinus, paullo aliter quàm ceteri nostri Historici, de posteriore hæce & nouissima Chlodomeris aduersus Burgundiones expeditione refert, nimirum Chlodomeri Burgundiæ fines ingresso Godomarum armatum occurrisse, præliumque cum eo non dubitasse committere : sed Burgundiones more suo, cum Francorum vim & impetum sustinere non possent, terga vertisse. tum Chlodomerem Regem iuuenta & successu exultantem, dum audaciùs hostes insequitur, incitato equo suos longè post se reliquisse : quem Burgundiones, quia cominus incessere non audebant, procul telis appetere cœperint. ipsum in confertissimam hostium partem irrupisse, & quem primum obuium habuit, equo deiecisse, circumuentumque confossis lateribus concidisse, Principem magnum animo, impigrum, & manu strenuum, ac eximia specie venerabilem, sed consilio parum prouidentem. Francos verò cognita Regis morte non, vt ceteræ nationes facere consueuerant, fugam capeßiuisse, sed ira incitados magnam Burgundionum cædem fecisse, vastatæque omni Burgundia Franciam repetiuisse.

Ceterum vt suprà retuli, apud Gregorium dicitur Theodoricus, *iniuriam soceri sui vindicare volens*, Chlodomeris fratris legatis de belli Burgundici societate ad se missis venturum se promississe. quo autem is modo Sigismundi soceri sui mortem in auctorem ultus

fit, tribus verbis indicat Fredegarius Scholaſticus in Epitome, cùm ait, apud Viſorontiam pugnâ conſertâ, Chlodomerem interfectum & capite truncatum eſſe, *deceptum ab auxiliis Theodorici*, qui filiam Sigismundi habebat vxorem. Ex quibus intelligi poteſt Theodoricum Francorum Regem ſignum, quod Chlodomeres militibus ſuis dederat, clâm ad Godomarum Burgundionum Regem vxoris ſuæ patrum deferendum curauiffe, auctoremque ei fuiſſe, vt Chlodomerem, incautum iuuenem, & auidum pugnæ ſimulatione fugæ deciperet, atque vt Sigismundum ſocerum vindicaret, fratrem ſub oculis ſuis interfici paſſum eſſe, circumuentoque ſubſidium ferre noluiſſe. Præterea notare conuenit, id quod aiunt Gregorius ac Fredegarius, Burgundiam tum nihilominus *in Francorum poteſtatem reductam* eſſe. Nam cùm nonniſi Indiſtione XII Iuſtiniano Aug. IV. & Paullino Iuniore Coſſ. Childebertus & Chlotharius Francorum Reges Burgundiam obtinuerint, ſicuti tradit Marius in Chronico: tamen Synodo XXII regni Childeberti anno, hoc eſt Indiſtione XI Iuſtiniano Aug. III Conſule apud Aurelianos habitæ interfuere, decretisque in primis ſubſcribere Iulianus Epiſcopus Eccleſiæ Viennensis, Agrippinus Æduorum Epiſcopus, & Aſclepius Preſbyter pro Adelphio Epiſcopo Rauraceniſi. Vienna autem, & Auguſtodunum Æduorum, & Auguſta Rauracûm, vel Rauricorum, Burgundiæ vrbes erant. Vt appareat, antequam Childebertus & Chlotharius Regnum Burgundiæ armis occupauiffent, partem eius, præſectim ſupradictas vrbes Francis paruiffe. quam Burgundiæ partem nouiſſima Chlodomeris aduerſus Burgundiones expeditione à Francis, Regis ſui mortem vlcifcentibus victoribusque, ſubactam fuiſſe credendum eſt. Idque eo veriſimilius videtur, quòd tum & Theodericus Oſtrogothorum Rex, qui Prouinciâ tenebat, hoc bello tamquam ſua occaſione uſus, partem Burgundiæ finitimam Prouinciæ, miſſo ex Italia cum copiis Tolum vel Tholuit Duce, occupauit. Vt apud Caſſiodorum Senatorem in libri Vatiarum VIII epiſtola X Athalaricus Rex docet

his verbis. *Mittitur igitur, Franco & Burgundio decertantibus, rursus ad Gallias tuendas, ne quid aduersa manus presumeret, quod noster exercitus impensis laboribus vindicasset. Adquisiuit Reip. Romana, aliis contendentibus, absque ulla fatigatione Prouinciam, & factum est quietum commodum nostrum, ubi non adiunimus bellica contentione periculum: triumphus sine pugna, sine labore palma, sine cade victoria. tantum ergo eius glorie debemus, quantum utilitatis accepimus.* Certè Synodo Opi-

10XXIV.

lione V. C. Cof. hoc est eo ipso anno, quo Chlodomeres in Burgundia interfectus est, apud Arelatum permisso Theoderici Ostrogothorum Regis habitæ interfuere præter ceteros Philagrius, Prætextatus, Iulianus, Florentij duo, & Constantius Episcopi, ij omninò, qui

10XXV.

Agapeto V. C. Consule vnà cum ceteris Burgundiæ Episcopis Epaonem venerant, decretisque subscriperant. à quibus Philagrium Episcopum Cabellicum, Prætextatum Aptensem, Iulianum Carpentoratensem, Florentium Arausicum, Florentium Tricastinum, Constantium Vapincensem Episcopum fuisse subscriptiones docent. Ex quo cognoscitur Cabellionem, Aptam Iuliam, Carpentorate, Arausionem, Augustam Tricastinorum, & Vapincum, atque, vt Synodus Carpentoratensis docet, vicum Vasensem, hoc est, Vasionem, vrbes Burgundiæ à Theoderico Ostrogothorum Rege post Sigismundi mortem ex occasione esse occupatas, Godomarumque post cædem Chlodomeris Francorum Regis totum Burgundiæ Regnum minimè recepisse.

10XXV.

Probo iuniore & Philoxeno Coss. Theodericus Ostrogothorum Rex Ioannem sedis Apostolicæ Antistitem Rauennam euocauit, & vnà cum Episcopis Ecclesio Rauennate, Eusebio Fanestri, & Sabino Campano, cumque Senatoribus Theodoro, Importuno, & Agapeto Consularibus viris, & Agapeto Patricio, Constantino-polim ad Iustinum Principem legatum misit, qui peteret, vt in partibus Orientis ademtæ iussu Imperatoris Hæreticis, in primis Arianis Ecclesiæ restituerentur, & qui damnata Hæresi facti erant Catholici, Hæreticis

redderentur. si id Augustus non fecisset, minabatur Theodericus se in Italos Catholicos sæuiturum. Ioanni omnium Romanorum Episcoporum primo Constanti-
nopolim venienti Imperator Iustinus cum Clero vrbis occurrit, eumque honorificentissimè accepit. qui (vt ait Marcellinus) Constantinopoli dexter in dextro Ecclesie Magnæ solio confedit, *Paschamque plena voce Romanis* (id est Latinis) *precibus celebravit.* Anastasius Bibliothecarius, & Aimoinus Monachus in Historiæ libro II produnt Ioannem, tamquam B. Petri Vicarium, Iustini Aug. capiti diadema imposuisse, eumque Principem omnium Imperatorum primum à Romano Episcopo insignia imperij accepisse. quod nullus alius Græcus; aut Latinus Auctor memoriæ tradidit. nequaquam enim verisimile est Iustinum Aug. qui ante annos ferè septem à Constantinopolitano Episcopo coronatus fuerat, iterum ab Ioanne coronari voluisse. constatque Carolum omnium primum, à Leone Episcopo Romano coronâ capiti impositâ, Imperatorem Augustum appellatum esse, eiusque exemplum secutos esse filium, nepotes, pronepotésque, & abnepotem, vt non antè Imperatores dicerentur, quàm ab Ecclesie Romanæ Episcopo fuissent coronati. quo ætatis suæ more decepti Anastasius ac Aimoinus Ioannem quoque Rom. Episcopum capiti Iustini Aug. coronam imposuisse existimauere. Dum Constantinopoli morantur legati, Theodericus Rex Symmachum Principem Senatus, ex Consule, atque Patricium, cuius filia nomine Rusticianna Boëthio nupta fuerat, Româ Rauennam perduciiussit, virum sanctitate, doctrina, & nobilitate non minùs Boëthio eminentem, & gloria ac fauore populi florentem: metuensque, ne ob generum suum falso crimine damnatum res nouas moliretur, eum similiter falso maiestatis crimine insimulatum occidit, reuersumque Ioannem cum sociis coniecit in vincula.

Breui impietatis & sæuitiæ merita Barbarum poena consecuta est. quippe insequenti anno, quo Olybrius, 10xxvi.
Arcobindi ex Magistro militum Orientis, ex Consule, atque Patricij, & Iulianæ Nobilissimæ feminæ filius,

Imperatoris Olybrij & Placidia Aug. nepos, Placidi
 Valentiniani Aug. & Eudoxia pronepos Consulatum
 iniit; Theodericus, dum Basilicas Catholicorum per vim
 occupare, & suarum partium viris, nimirum Arianis
 tradere parat, morte praeventus est. Decessit Theo-
 dericus Rex Gothorum & Italarum III Kalendas Se-
 ptembres; aut, vt ait Auctor Chronici à Cuspiniano
 editi, IDXXVI. mense Septembri, Olybrio V. C. vnico Consule:
 cùm XXXIII annos mensésque ferè sex post interfe-
 ctum Odoacrem Regem in Italia; post occisum Gesali-
 cum Vesigothorum Regem annos XV in Hispania Se-
 ptimaniaque regnauisset. Quamquam Synodus Tarra-
 cone habita *anno VI Theodorici Regis Consulatu Petri*
IDXVI. dicitur, item Synodus habita Gerundæ *anno VII Theo-*
IDXVII. *dorici Regis, Agapeto V. C. Consule.* cùm Consulatus Pe-
 tri, quintus regni Theoderici in Hispania; Consulatus
 autem Agapeti, sextus sit annus. nisi Theodericum, cui
 Auctor Appendicis Chronico Victoris adiunctæ, & Isi-
 dorus, alique XV tantum regni Vesigothici annos tri-
 buunt, Vesigothis Hispaniensibus annos XVI impera-
 uisse credimus. quod aliter facere non possumus, quam
 quartum & vltimum regni Gesalici annum, quo is pro-
 fugus, & à Theoderico Regno expulsus, in Aquitania
 latuit, Theoderico attribuendo. Apud Iordanem dicitur
 Theodericus, paullo antequam obiret, Athalaricum;
 suum ex Amalasuentha filia nepotem, patre Eutharico
 orbatum, puerum vix decem annorum, Regem consti-
 tuisse: Comitibusque, & primoribus Ostrogothorum,
 quos conuocari iusserat, mandauisse, *vt Regem colerent,*
Senatum populumque Rom. amarent, Principemque O-
rientis placatum semper propitiumque haberent. cuius
 mandati memores Athalaricum Regem, & matrem eius
 octo annos in pace regnauisse. Ceterum Theodericus,
 quem alius Theudoricum; alius Theodoricum; quidam
 Græcos secuti Theudericum appellant, Procopius in li-
 bro I belli Gothici verbo quidem *Tyrannum*; re autem
 verum Regem fuisse scribit; Tyrannum inquam, credo
 propterea quod iniussu Anastasij Aug. Rex à suis fuerat
 appellatus. vt idem Odoacrem Tyrannum vocat, qui
 sine

sine Zenonis Aug. consensu Regnum Italiæ occupauerat. Idem eodem in libro Noricos, & Dacos Theoderico Ostrogothorum Regi, eiusque successoribus paruiffe tradit. è quibus tamen Daci, nimirum Transdanubiani tum sub Gipedum ditione erant, (vt ait Iordanes) Daci Ripenses, & Daci Mediterranei Imperatoribus Rom. obediebant. Baioarij verò, qui, teste Paullo in re- rum Langobardicarum libro III, Noricum incolebant, Theodorico Francorum Regi paruere. quippe is leges Alamannorum, *Baioariorum*, ac *Ripariarum* corrigendas curauisse dicitur. Ex quo etiam intelligitur, id quod in libro VI diximus, Chlodoucum post prælium Tolbiacense Alamanniam subegisse, partemque minimam Alamannorum ad Theodericum Regem Italiæ perfugisse. cum Chlodouci filius successorque Theodericus Alamannorum leges emendauerit. Non negauerim tamen partem aliquam Noricorum sub Ostrogothorum imperio fuisse. quod videtur docere Epistola Theoderici Regis ad *prouinciales Noricos*, Senatoris Variarum libro III inserta.

Mortuo Theoderico Gothorum Rege, nepotes eius, 10 x xvi. Athalaricus, puer annorum circa octo vel decem, in Italia sub tutela Amalasuenthæ matris suæ; Amalaricus Alarici filius in Hispania regnare occæpere. qui consobrini Galliæ partem Gothicæ ditionis ita inter se diuisere, vt regionem inter Alpes Maritimas ac Rhodanum iacentem, vulgò Prouinciam dictam haberet Athalaricus: Septimaniam, vel Gothiam à flumine Rhodano ad Pyrenæum vsque promissam Amalaricus obtineret, ac tributa, quæ antea Theoderico pendebantur, deinceps ipse exigeret. thesauri quoque, qui (vt ait Procopius) Carcassone sublati fuerant, Amalarico sunt reddituri. & quoniam Ostrogothi & Vesi gothi, dum vtrique Theodericum Regem habebant, affinitatibus con- nubiorum alteri alteris sese commiscuerant, singulis, qui extra fines gentis suæ eiusmodi matrimonia contraxerant, optio facta est, vt vel vxor virum, vel vir vxorem sequeretur. Athalaricus, postquam rerum po- titus est, legatos cum litteris ad Imper. Iustinum misit,

qui peterent, vt eorum, quæ paullo antè à Theoderico auo suo facta erant, obliuisceretur, memorque Eutharici patris, quem per arma adoptauisset, pacem & amicitiam eisdem conditionibus, quibus à Zenone & Anastasio Augustis cum auo suo iuncta fuerat, secum iniret. Iordanes de Origine rebûsque Gothorum, & in libro de Successione Regnorum, ac Freulfus in Chronico tradunt Francis, contemptu regni puerilis ac muliebris tutelæ bellum parantibus, quidquid Theodericus in Gallia occupauerat, concessum, hoc est, partem Galliarum, quam annos circiter XVIII Ostrogothi tenuerant, Francis repentibus redditam esse. Assentitur Iordani ac Freulfus Sigebertus in Chronico, quippe ait *Francos extorsisse è manibus Athalarici, quidquid Galliarum auus eius Theodericus tenuerat*. Sed Iordanem, Freulfum, ac Sigebertum falli Cassiodorus Senator, in Variarum libri VIII epistola VI, & libri XI epistola I, & Concilium Arausicanum indicant, ex quibus discimus Provinciam Athalarico Regi paruissè, atque à Felice Liberio V. C. & Illustri, Præfecto Prætorij Galliarum atque Patricio administratam esse. & disertis verbis Procopius in libro I belli Gothici scribit partem hanc Gallia à Vitige Ostrogothorum Rege Francorum Regibus Childeberto, Chlothario, ac Theodeberto datam fuisse.

Operæpretium est Cassiodorum Senatorem V. C. & Illustrem, ex Consule, Præfectum Prætorij, atque Patricium in libri Variarum XI epistola I de initiis principatus Athalarici & Amalasuenthæ loquentem audire. *Franci, tot Barbarorum victoriis prepotentes, quàm ingenti expeditione turbati sunt? Laceßiti metuerunt cum nostris inire certamen, qui precipitatis saltibus prælia semper gentibus intulerunt. Sed quamuis superba natio declinauerit conflictum, vitare tamen proprij Regis nequiuit interitum. Nam Theodericus ille, diu potenti nomine gloriatus, in triumphum Principum nostrorum languoris potius pugná superatus occubuit: ordinatione (credo) diuina, ne nos aut affinium bella polluerent, aut iustè productus exercitus vindictam aliquam non haberet. Macte*

procinctus Gothorum omni felicitate incundior, qui hostem Regalem capite cadis, & nobis nec vnus ultimi fata subducis. Burgundio quinetiam, ut sua reciperet, deuotus effectus est, reddens se totum, dum accepisset exiguum. elegit quippe integer obedire, quàm imminutus obistere. tutius tunc defendit Regnum, quando arma deposuit. recuperauit enim prece, quod amisit in acie. Beatam te, Domina, laude multiplici, cui diuino beneficio necessitas tollitur cuncta certaminis. Quibus verbis indicat Cassiodorus Senator Theodericum, vel Theodoricum Francorum Regem Athalarico Regi Amalasuenthæ filio bellum intulisse, cùmque Ostrogothi nihilo seciùs se ad resistendum pararent, morbo ipsum obiisse. quem affinem Athalarici & Amalasuenthæ non sine causa appellat, quippe Amalasuentha, Theoderici Ostrogothorum Regis ex Audesteda Chlodouei sorore filia, Theoderici Francorum Regis amitina erat. & Athalaricus, ac Theoderici huius vxor, Sigismundi Regis filia, consobrini Theodericum Ostrogothorum Regem communem auum maternum habebant. Quod autem suprà ait Cassiodorus Senator, Theodoricum Francorum Regem, dum aduersus Ostrogothos bellum gereret, morbo interiisse circa initia principatus Athalarici, videtur conuenire cum his, quæ nostri Historici scribunt, Theodoricum, misso cum copiis aduersus Gothos Theodeberto filio suo, decessisse. nisi quòd nostri mortuum eum dicunt anno regni XXIII, hoc est Iustiniano Aug. IV & Paullino Coss. quo ipso anno Athalaricus Rex obiit. Porro quod ibidem ait Senator, *Burgundiones* tum *sua precibus recepisse*, hoc est, Godomarum Burgundionum Regem vrbes Burgundiæ, post Sigismundi fratris sui captiuitatem & mortem à Theoderici Ducibus occupatas, pace cum Athalarico inita recuperauisse: id initio regni Athalarici factum esse non potest. quippe Concilium apud Carpentorate urbem Burgundiæ Mauortio V. C. Consule habitum legimus. & Synodum apud Arausionem, urbem quoque Burgundiæ antea ditionis, Decio Iuniore V. C. Consule coactam esse constat, cùm ad dedicationem Basilicæ,

- quam Illustrissimus Præfectus & Patricius Liberius ea in vrbe extruxerat, inuitati ab ipso Episcopi conuenissent. eodémque anno paucis post mensibus Concilium apud Vassenem vicum, hoc est, apud Vasionem opidum antea Burgundiæ, est congregatum. cui Concilio, vt & duobus superioribus Conciliis, nimirum Arausicano, & Carpentoratenfi, præfedit Cæsarius, Episcopus Arelatensis vrbs, vti antea Theoderico Ostrogothorum Regi; sic tum Athalarico subiectæ. Ex quo cognoscitur nonnisi Episcopos vrbiũ Athalarico parentium hisce tribus Conciliis interfuisse, & Carpentorate, Arausionem Cauarum, ac Vasionem Vocontiorum, vrbes Sigismundo Burgundionum Regi quondam subiectas, (vt Synodus Epaonenfis docet) fratri eius successorique Godomaro ab Athalarico, III regni sui anno exacto, nondum fuisse restitutas; quemadmodum nec Vapincum, Cabellionem Cauarum, & Aptam Iuliam. Neque enim dubito, quin Constantius & Philagrius Episcopi, qui Carpentoratenfi Concilio Mauortio Cos. interfuerunt, & Prætextatus, qui Arausicano affuit, iidem sint, qui decretis Concilij Epaone coacti inter
- 10XXVII. Episcopos Burgundiæ Agapeto V. C. Cos. subscribere, nimirum *Constantius Episcopus ciuitatis Vapincensis, Philagrius Episcopus ciuitatis Cabellica, & Prætextatus Episcopus ciuitatis Aptensis.*
- 10XXVII. Indictione v. Mauortio solo Consule Iustinus Aug. ex vlcere, quod in pede habebat, in languorem incidit, cumque ingrauescente vi morbi de vita pæne desperaret, Iustinianum, sororis suæ filium, annos XLV natum, quem iamdudum Nobilissimum designauerat, Kalendis Aprilibus in confortionem potestatis recepit, Epiphanio Constantinopolitano Episcopo, Senatoribusque, ac primoribus militum conuocatis, Imperatoremque appellauit, atque eius capiti diadema sua manu imposuit. Tum Iustinianus cum insignibus imperatoris ad populum, qui in Circum venerat, ex more processit, faustisque acclamationibus, & solitis laudibus exceptus, in Palatium rediit: ac statim vxor eius Theodora Augustæ nomen accepit. vt Marcellinus, Euagrius,

Auctor Chronici Alexandrini, & Zonaras, ac Cedrenus tradunt. Ex quo apparet errare Victorem Tununensem Episcopum in Chronico, cum ait post Consulatum Iustini A. II & Opilionis, quem male Apionem appellat, Philoxeno & Probo Coss. Iustinianum, orante 10xxv.
 Senatu, à Iustino Principe inulto *Casarem* tantummodo factum. Imperauit Iustinianus cum auunculo suo menses IV. quippe Iustinus ex vulnere pedis, quod quondam, in proelio sagittâ ictus, acceperat, Mauortio Consule Kalendis Aug. interiit, LXXVII ætatis, LX imper- 10xxvii.
 rij anno, ac die XXII, vir Catholicus & pius.

Decio solo Consule *Stephanum Præfectum Hispaniarum factum, tertio anno Præfectura sua*, hoc est post Consulatum Lampadij & Orestis, quo anno Amalaricus periit, *Gerunda in Concilio discinctum esse* scribit Auctor Appendicis Chronico Victoris adiunctæ. Vbi notandum est Amalaricum Vesigothorum Regem absentem Hispanias per Præfectos administrauisse, propterea quod, Gesalici fratris sui exemplo, Narbone in Gallia habitabat, post occupatam à Chlodoueo cum Aquitania Tolosam, quæ Regum Vesigothorum domus fuerat. Post Amalaricum autem omnes Vesigothorum Reges in Hispania, cuius partem maximam obtinebant, habitauere, vno excepto Liua, qui Regno Galliarum Narbonensis contentus, Narbone triennio regnauit: videturque primus Vesigothorum Principum Athanagildus, Iustiniano imperante, Toleti regni sedem statuisse.

Herminafridus Toringorum Rex, vt supradiximus, Theodorico Francorum Regi dimidiâ partem Regni Baderici fratris sui daturum se promiserat, si Francicis viribus victum eum interficere potuisset. sed cum adiutore Theodorico fusum acie fratrem occidisset, quod pollicitus erat, reuerso in Franciam Rege facere neglexit. Cuius periurij non immemor Theodoricus, deceptum se ac derisum fremens, Herminafrido bellum inferre summo opère instituit, Chlothariumque fratrem suum socium sibi adsciuit, parte ei prædæ promissa, si ex hoste victoriam tulisset. Deinde conuocatos Francos hortatus est, vt cum priuatam iniuriam suam,

tum cædem popularium vlciscerentur, reminiscerenturque crudelitatis ac perfidiæ Toringorum, qui quondam incurfione in Franciam facta obfides, quos à Francis bellum deprecantibus acceperant, necauissent, pueros neruis femorum ex arboribus suspendissent, captiuas puellas partim equis pernibus alligatas distraxissent, partim grauib. plaustis obtriuissent. (quod ego X regni Chlodouei anno factum retuli, quoniam ea mihi bellum à Chlodoueo Toringis illati causa fuisse visa est) Postremò adiecit Theodoricus Herminafridum, violata fide, quod pollicitus sit, facere reculare, ab eoque poenas periurij Deo secundo iusta ultione expetendas esse: quoniam ipse frustra sæpe per legatos promissa re-poposcisset. Quo Franci audito indignâtes Regem suum tanto scelere circumuentum fuisse, vno animo vnâque sententiâ causam belli probauere, & quò duceret sequi paratos se esse confirmauere. Igitur Theodoricus, Chlothario fratre & Theodeberto filio comitibus, Renum traducit copias, ac Toringiæ fines ingreditur. At Herminafridus, qui Francos virtute à suis superari non posse intelligebat, dolo eos decipere conatur. campum, in quo prælium committere constituerat, fossis intercidit, easque denso cespite operit. Postquam pugnari cœptum est, multi Francorum equi in fossas decidere, donec nostri cautiores facti cognitam fraudem euitauere, & circuito insidiarum loco Toringos inuasere. quorum cum magnus numerus esset interfectus, reliqui omnes vnà cum Herminafrido Rege terga vertunt, nec prius fugere destiterunt, quam ad Onestrudem fluuium peruenerunt. Ibi Franci fugientes consecuti tantam cædem fecere, vt alueus fluminis cadaueribus repletetur, & victoribus amnem transeuntibus aceruus corporum loco pontis esset. Sic apud Fortunatum in libro, quem de Virtutibus Hilarij scripsit, inuenio Chlodoueam Theodorici patrem, media nocte monitum in somniis ab Hilario Pictauorum Episcopo, vt votis in Basilica sua nuncupatis confestim cum hostibus prælio decertaret, post id factum tam feliciter pugnauisse, vt intra horam diei tertiam ex gente Hære-

tica victoriam ferret, & propter Vesigothorum coaceruatorum cumulos ex longinquo campus in collem mutatus esse videretur. quod suo loco omissum hîc retuli, vt ex his duobus præliis, Vogladensi, atque ad Onestrudem, quisque colligat, quales tum Francorum pugnae esse consueuissent, qualisque victoriæ. Hic est Onestrudes, vel Vnestrodes fluuius, ad quem postea Sigibertus, Dagoberti filius, Austrasiorum Rex à Radulfo Duce Toringiæ rebelli eruptione facta victus est, & magna clades accepta.

Cæsis circa Onestrudem Toringis, Herminafridus Rex cum paucis fugâ salutem petiit, atque in munitam se urbem cum coniuge & liberis contulit. Franci autem victores, agris igne & ferro vastatis, & depopulata regione, magnum hominum numerum in seruitutem abduxere. Gregorius Turonicæ Ecclesiæ Episcopus Toringiam tum captam, & in Francorum potestatem redactam dicit. quod si verum est, ita intelligi debet, vt non omnis Toringia, sed pars eius à Theodorico Francorum Rege post victos Toringos armis occupata fuerit. cùm Herminafridum Toringorum Regem fuga mortem euasisse, muris munitæ urbis se inclusisse, nec in Francorum manus venisse constet. Regiam quidem sedemque Regum Toringorum (siue ea Erpfesfurtum, siue alia vrbs fuit) tum à Theodorico & Chlothario Francorum Regibus captam fuisse ex eo iudicari potest, quòd Chlotharius, cui ex pacto pars prædæ debebatur, Bertharij Toringorum Regis filium, filiâque nomine Radegundim, qui in aula Herminafridi patrui sui educabantur; captiuos abduxit. nisi adolescentulum & virgunculam cum patruo profectos ad bellum, ibique captos esse credimus.

Non fuit cõtentus victoria belli Toringici Theodoricus Rex, sed vt erat Chlodouei parentis sui sæuitia & auiditate animi simillimus, Chlothario fratri, quo adiutore & socio Toringos fuderat, pro auxilio nefariam in Toringia mortem persolvere voluit, vt eius Regnum adiungeret suo: cùmque viros armatos post aulæum stare iussisset, qui inopinantem deimprovisò interficerent, Chlotharium

ad se vocauit, tamquam cum eo sine arbitris de summis rebus acturus. Domum intranti Chlothario propter aulae breuitatem pedes insidiatorum apparere detecti. qua re dissimulata haudquaquam territus suos armatos sequi se iubet, domumque fratris comitatus ingreditur. Tum Theodoricus, ubi intellexit detectas esse insidias, causam comminiscitur, cur armatos domi post aulam collocauisset, & alia ex aliis turbatus loquitur, vagis sermonibus fictisque fabulis innocentiam simulans: atque ut fratrem deliniat, catinum ei magnum dat ex argento. Vix Chlotharius vale dicto, & pro munere gratiis actis domum redierat, cum Theodoricus, questus apud suos se sine causa catinum perdidisse, Theodebertum filium post eum misit, qui à patruo munus peteret, quod ipse ei dedisset. hac arte relatum à Theodeberto catinum recepit. Ex quo apparet Regibus Francorum, quamuis maxima tum Galliarum parte potirentur, non multum argenti fuisse. Vnde Gregorius Turonicæ Ecclesiæ Episcopus in Præfatione libri v Historiæ tradit, Chlodoucum, Theodorici & Chlotharij patrem, cum hostilium gentium Reges interficeret, regionésque subigeret, *neque aurum, neque argentum* (sicut Chlotharij filij, eius nepotes, ætate sua in thesauris habebant) *habuisse.*

Victis Toringis, Theodoricus, & Chlotharius Francorum Reges exercitus spoliis graues in Franciam reducere. è quibus Theodoricus, domum reuersus, Herminafridum Toringiæ Regem, à quo fuerat promissis deceptus, pari fraude decepit; & data cum fide euocatum ad se, cum venisset Tolbiacum, accepit honorificè, magnisque muneribus donauit. moxque cum ambo super murum opidi colloquerentur, Herminafridus impulsus, & de summo muro in terram deiectus, effuso cerebro expirauit. ita vir pessimus dignum crudelitate sua habuit exitum, Regnumque, propter quod fratres suos interemerat, deformi morte sublatus amisit. Gregorius in Historiæ libro III ne scire se ait, à quo Herminafridus deiectus fuerit, multos tamen affirmare Theodorici dolum ea in re manifestò

festò patuisse. Fredegarius in Epitome Herminafridum à Theodeberto Theodorici filio interfectum; Aimoinus à Theodorico ipso de muro præcipitatum dicit. Addit Aimoinus, secutus (vt solet) veterem Auctorem Historiæ Francicæ, Theoderici Merouingorum Regum penultimi æqualem, Herminafridi liberos iussu Theodorici interfectos esse, totumque Regnum Toringiæ (vti & Fredegarius tradit) ab eodem subactum & occupatum.

Nouissimum hoc aduersus Toringos bellum Indictione IX post Consulatum Lampadij & Orestis gessisse atque confecisse videtur Theodoricus. quippe Gregorius scribit Theodorico in Toringia morante, Childebertum fratrem eius Aruernos opidum occupauisse, moxque cognito eiusdem reditu ex Aruernia in Hispaniam ad vindicandam Chrothildis sororis suæ iniuriam contendisse, Amalaricòque Regi Vesigothorum bellum intulisse, vt appareat vno eodémque anno duos potentissimos Reges Herminafridum Toringum à Theodorico; Amalaricum Vesigothum ab Childeberto fusos acie, interfectosque esse. Constat autem post Consulatum Lampadij & Orestis Amalaricum à Childeberto Francorum Rege prælio superatum atque cæsum esse. quem admodum prodit Auctor Appendicis Chronico Victoris Tununenſis Episcopi adiunctæ.

De expeditione Theodorici Regis Francorum aduersus Toringos Procopius in libro primo belli Gothici sic refert. Toringos Barbaros beneficio ac permissu Cæsaris Aug. (post cuius obitum tamen annis ampliùs quadringentis nulla eorum fit mentio) sedes, quas nunc obtinent, possedisse. quibus Francos, post Theoderici Gothorum Regis mortem nemine ampliùs ipsis resistente, bellum intulisse, & Herminafrido eorum Rege interfecto, totam Toringorum gentem regionemque subegisse: vxorem Herminafridi Amalabergam cum liberis ad Theodahadum fratrem suum Ostrogothorum Regem in Italiam perfugisse. Quamquam Athalaricum in Italia regnauisse, nec nisi anno III post expeditionem Toringicam, nimirum Iustiniano Aug.

12XXXIV. 1Y & Paullino Coss. Theodahadum ei successisse non
 minùs certum est, quàm falsum, quod suprà vetus Au-
 ctor Historiæ Franciæ & Aimoinus produnt, Hermi-
 nafridi liberos à Theodorico Francorum Rege post pa-
 tris sui cædem interfici iussos esse. Amalaberga enim
 vnà cum liberis fugâ Italiam petiit, ex Regina facta
 priuata, amisso Regno, propter quod virum in cædem
 fratrum suorum impulerat. Femina digna, quæ publi-
 ca ruina protereretur, nec Toringiæ excidio, cuius
 causa erat, superesset; ambitiosa, superba, intolerabilis,
 matris demum filia. siquidem Amalafrida eius mater,
 post mortem Thrasamundi Vandalotum Regis viri sui,
 cum freta Gothis, quos circum se habebat, res nouas
 moliretur, atque Hilderico Thrasamundi successori in-
 sidiaretur, capta & in custodia priuata mortua est. Her-
 minafrido Toringorum Regi ex Amalaberga vxore li-
 beri fuerunt Amalafridus, auix maternæ cognominis,
 Hamalafredus Fortunato, Procopio Amalafridas di-
 ctus, & Ranicunda. è quibus Amalafridum Procopius
 in belli Gothici libro 1V Gothum virum, Amalafridæ
 sororis Theoderici Gothorum Regis nepotem, Her-
 minafridi Toringorum Regis filium fuisse ait, atque à
 Belisario cum Vitige Constantinopolim abductum, ibi
 ab Imperatore Iustiniano Romanis copiis esse præposi-
 tum: sororem eius Audoino Langobardorum Regi in
 matrimonium datam: eundem iussu Imperatoris Iusti-
 niani cum militibus Romanis, quibus præerat, auxilium
 Langobardorum Regi Audoino aduersus Gipedes tu-
 lisse, à quo hostes prælio superati sint, & magna cædes
 facta. Siue igitur Amalaberga in Italia decessit, ante-
 quam Vitigis caperetur, siue cum Ostrogothorum O-
 primatibus Constantinopolim abducta est: constat eius
 liberos primùm ab Amalasuentha, & Athalarico Re-
 ge, sobрино suo, tum à Theodahado, Ostrogotho-
 rum Rege, auunculo suo, deinde à Matafuentha Re-
 gina, vxore Vitigis Regis, sobrina quoque sua Ra-
 uennæ in Palatio esse educatos, & Indictione 11 A-
 pione viro clarissimo solo Consule, vnà cum Virige,
 Ostrogothorum Rege, qui Rauennæ obsessus à Beli-

fario, sese dediderat, cùmque Matafuentha Constanti-
nopolim captiuos abductos esse: vbi Amalafridi soror,
Herminafridi & Amalabergæ filia, à Iustiniano Aug. Au-
doino Langobardorum Regi collocata est, vti ait Pro-
copius. Accedit Procopio Iordanes, apud quem in libro
de Successione Regnorum dicuntur Langobardi, socij
Principum Romanorum, *Theodahadi sororis filiam*, tra-
ditam sibi ab Imperatore, *Regi suo* matrimonio iunxis-
se, ac cum Gipedibus Romanorum æmulis proelio com-
misso, eos pæne castris exuisse, & vtrimque hominum
millia ampliùs sexaginta cecidisse. Hæc est Audoini Lan-
gobardorum Regis aduersus Thurisindum Gipedum
Regem magna pugna atque victoria, cui Amalafridus
interfuit. vt appareat *Regem Langobardorum* à Iordane
dici Audoinum, qui Amalabergæ Theodahadi sororis
filiam, Amalafridi germanam in matrimonium duxit.
At Paullus in Rerum Langobardicarum libro 1 *Rani-*
cundam filiam Regis Turingorum, (hoc est Hermina-
fridi) primam Waconis, qui ante Audoinum apud Lan-
gobardos regnavit, vxorem fuisse scribit, & nullis eam
genitis liberis decessisse indicat. siue falsò Ranicundæ,
pro Audoino, Waconem virum fuisse credidit: siue duæ
Herminafridi filiæ (plures enim ex Amalaberga susce-
pit) duobus Langobardorum Regibus; maior nomine
Ranicunda Waconi; minor Audoino nupsêre. Amala-
fridus Herminafridi filius à Iustiniano Principe Magi-
ster militum factus est, atque in Orientis partibus obiit,
quem apud Fortunatum Presbyterum Radegundis, so-
ror eius patruelis, mortuum luget his versibus.

Quid mihi flere vacet? pressam hanc an funere gentem?

An variis vicibus dulce ruisse genus?

Nam pater antè cadens, & auunculus inde secutus

Triste mihi vulnus fixit uterque parens.

Restiterat germanus apex: sed sorte nefanda

Me pariter tumulo pressit arena suo.

Omnibus extinctis, heu viscera dura dolentis!

Qui super vnus eras, Hamalafrede iaces.

Tale venire diu expectaui munus amantis,

Militiæque tuæ hanc mihi mittis opem.

*Cernere non merui vinum, nec adesse sepulcro.
 Perfero in exsequiis altera damna tuis.
 Non fuit ex longa consanguinitate propinquus,
 Sed de fratre patris proximus ille parens.
 Nam mihi Bertharius pater; illi Ermenefredus.
 Germanis geniti, nec sumus orbe pari.*

Vbimiror, quòd Radegundis de patris quidem sui Bertharij, & de Herminafridi patrui (quem *auunculum* parum proprio nomine appellat) deque fratris cæde, ac de Amalafridi fratris patruelis morte mentionem faciat; de Baderici autem alterius patrui sui exitu nihil dicat. Apud eundem Fortunatum Radegundis, ad Amalafridum scribens, de cæde fratris sui, adolescentis primâ lanugine conspicui, & de sororibus Amalafridi sic loquitur.

*Vos quoque nunc Oriens, & nos Occasus obumbrat,
 Me maris Oceani, te tenet vnda Rubri.*

— *Quid differo luctus?*

*De nece germani cur dolor altè taces?
 Qualiter insidiis insons cecidisset iniquis,
 Oppositâque fide raptus ab orbe fuit.
 Deque tuis similis mihi cura sororibus hac est,
 Quas consanguineo cordis amore colo.*

Nec licet amplecti qua diligo membra parentum.

Quibus ex versibus cognoscitur, Herminafridum Toringorum Regem ex Amalaberga vxore marem vnum Amalafridum; feminini autem sexus plures liberos generauisse, qui Constantinopolim abducti, & à Iustiniano Aug. viris sint collocati. Hæ autem Herminafridi filiæ, grandes admodum virgines & ætate prouectæ nupsêre, si verum est, quod ait Auctor Chronici à fratre meo editi, Patricio & Hypatio Coss. Amalabergam, ab Theoderico Ostrogothorum Rege auunculo suo Herminafrido nuptum datam esse. quippe nonnisi Apione filio Strategij solo Consule, hoc est post Consulatam Patricij & Hypatij anno XXXIX, Herminafridi liberi Rauennæ capti à Belisario, & vnâ cum Vitige Rege in Orientem abducti sunt. Præterea ex Fortunato intelligitur Radegundi, Bertharij Toringo-

10.

10 XXX-
IX.

rum Regis filiæ , fratrem vnicum fuisse , qui falso crimine apud Chlotharium Regem accusatus , ac iussu eius interemtus sit. quamquam apud Gregorium in libri III capite IV. dicitur Bertharius Rex Radegundim filiam pupillam reliquisse , & *alios filios* , de quibus infra scripturum se Gregorius pollicetur. at is in eiusdem libri capite VII. velut dictorum immemor , & parum sibi ipsi consentiens , de vno tantum Bertharij Regis filio , Radegundis fratre mentionem facit , quem ait iussu Chlotharij Francorum Regis , à pessimis hominibus impulsus , nefariè occisum esse. Nunc quoniam de Herminafridi liberis , & de Radegundis fratre scripsimus , de Radegunde ipsa pauca dicenda sunt.

Chlotharius Francorum Rex , antequam Toringiam cum Theodorico fratre suo peteret , partem prædæ in præmium latæ opis pactus sibi erat. Igitur post fufum acie Herminafridum Toringorum Regem , póstque subactam ab Theodorico Toringiæ partem maiorem , plurimi Chlothario captiui obtigere. Inter eos fuere Bertharij Toringorum Regis filius , & filia nomine Radegundis , puella excellentis formæ , quam Chlotharius , captus amore eius , apud Ateias educauit , & vt Regis filiam decebat , instituendam , ac litteras docendam curauit , & annos pubertatis ingressam in matrimonium duxit , adeoque dilexit , nihil vt præter eam se habere nonnumquam diceret. at illa , pro nihilo ducens regale fastigium , noctun nudis pedibus orationis causâ Basilicam petebat , manè egentium curam agebat : cum egentibus vesci , quàm cum viro conuiuari ; sola humi cubare , quàm cum Rege in lecto geniali malebat : Monachis ac seruis Dei non solum honorem habebat , sed etiam ad vitam necessaria conferebat : itavt Rex affirmaret non se Reginam , sed Monacham vxorem habere. Nec multo póst Radegundis relicto viro , vestem regiam sacro velamine mutauit , & profuga in Aquitaniam venit , ac pro reuerentia Hilarij Pictauiensis quondam Episcopi Pictaui habitare constituit. vbi postea permissu Chlotharij Regis Monasterium puellarum extruxit , Virginésque ibidem Deo sacratas , ac seipsam

Regulæ S. Cæsarij Arelatensis Episcopi, & Agneti, quam Abbatissam constituerat, subiecit. vt refert Boëthius Wlfinus Episcopus in libro de vita Iuniani Confessoris ad Godolenum Abbatem, qui & *Brittharium* patrem Radegundis Reginæ Francorum appellat, falsoque ait Chlotharium, quem *gloriosissimum*, & *excellentissimum*, ac *orthodoxum Regem* vocat, inter ceteras clarissimas ac fecocissimas nationes, *nobilissimam Toringorum gentem* suæ ditioni imperioque subiecisse. Quippe Toringi à Theodorico, cuius vnus è Chlodouei filius fines attingebant, subacti, tributarii que facti sunt, Chlothario (vt diximus) in præmium lati fratri auxilij portione prædæ contento. Apud Gregorium inuenio Radegundim ieiuniis claruisse, orationibus, ac eleemosynis crebrò vacauisse, & fuso nere consueuisse: résque omnes ac possessiones, quibus à Chlothario Rege viro quondam suo, filiisque ac successoribus eius aucta fuerat, in Monasterium suum contulisse, 'donationémque eam eorundem Regum diplomatis confirmandam curauisse: Basinam, Chilperici Regis filiam, Monacham suam, ne nuberet, deterruisse, patrique eius restituisse: atque cum litteris Sigiberti Regis, cui Pictaui parebant, (ac forsitan etiam cum versibus Fortunati ad Iustinum iuniorem Aug. ea de re scriptis) Clericos in partes Orientis misisse, qui ab Imperatore Dominicæ Crucis lignum peterent, quod cum in Monasterio positum fuisset, loco nomen dedit. nam Monasterium S. Crucis cœptum est appellari, quod alij ab auctore Monasterium Radegundis; alij à loco Monasterium Pictauiense cognominant. Decessit B. Radegundis (vti ait Gregorius) antio XII regni Childeberti iunioris, mensis sexti teritiodecimo die, hoc est Idibus Augusti, ac post triduum in Basilica S. Mariæ, quam inchoauerat, sepulta est anno LVI postquam à Chlothario Francorum Rege capta, & in Franciam abducta fuerat. Radegundim cum sæpe alibi, tum in libro VIII Fortunatus laudat his versibus.

IOXX.
CVII.

*Splendida ferraco quondam subuecta superbo,
Nunc terit obsequio planta modesta lutum.*

Quæ prius insertis onerata est dextra smaragdis,

Servit inops famulis sedulitate suis.

Aurea fulcra tenens, iam tum sibi vilis honore

Effugit exstructum, puluere fusa, torum.

Hæc de regio Toringorum genere dicta sint. res Francicas persequamur.

Dum Theodoricus bellum in Toringia gerit, in vrbe Aquitaniæ Aruernis falsi rumores increbuerè à Toringis victum cum interfectumque esse. quod cum non minùs libenter quàm temerè credidisset Arcadius, vir nobilissimus, vnus è Senatoribus Aruernis, Auiti Aug. pronepos, Childebertum Francorum Regem inuitauit, vti regionem Aruernorum tamquam vacuum possessionem occuparet. nec moratus ille cum exercitu eò contendit. aduenienti portas Aruerni clausere. hærentem itaque Regem Arcadius, noctu incisâ ferâ vnus portæ, vrbi intromittit. sic potito Aruernis Childeberto nuntiatur Theodoricum sospitem atque victorem ex Toringia reuertisse. cuius de reditu certior factus, Aruernis præsidio imposito, Luteciam Parisiorum rediit. vbi mox iustioris belli gerendi occasio cupido oblata est. Amalaricus Vesigothorum Rex, arma virésque Francorum metuens, à quibus victum cæsumque Alaricum patrem suum, & omnem Aquitaniam subactam viderat, Chrothildim, Chlodouei & Chrothildis filiam, ab eius fratribus in matrimonium petierat, vxorémque duxerat. Hæc affinitas, quæ Amalarico præsidio futura fuerat, si coniugem amauisset, eidem dissidenti atque sæuienti causa exitij fuit. quippe Amalaricus Arianus, Chrothildi Catholicæ piissimæque feminæ diu multumque persuadere conatus, vt Arij sectam sequeretur, postquam expugnari posse desperauit, immeritam habere sibi odio & despicatui cœpit: & ad Ecclesiam procedentem sæpe stercore aliisque purgamentis desuper proiectis inquinari iussit. postremò firmam proposito, atque in fide Catholica persequantem furens pugnis & calcibus sæuissimè cecidit, ad eò vt sanguinem vomeret. Ita tractata Chrothildis Regina, in dies grauiora metuens, ad fratrem Childeber-

tum epistolam , & sudarium suum , sicut erat , sanguine infectum misit , petens vt fortunam suam miseraretur , ac vindicaret iniuriam , celeritérque his se malis eriperet. Litteræ cum sudario ferendæ fido seruo traduntur. quibus lectis Childebertus , contumeliâ sororis graui- ter commotus , contractis copiis expeditionem in Amalaricum suscepit.

Vetus Auctor Historiæ Francicæ , & qui eum sequi solet, Aimoinus Monachus tradunt Childebertum Francorum Regem in vrbe Aruernis , itaut diximus , capta hæc à Chrothilde sorore sua litteras accepisse , statim- que non expectatis fratris Chlotharij , quem & Chrothildis implorabat , auxiliis , ex ea vrbe in Hispaniam cum maximo exercitu contendisse. Contrà Gregorius in Historiæ libro III scribit Childebertum , cognitâ Theodorici fratris sui ex Toringia regressione , ex finibus Aruernorum *rediisse* , & in Hispaniam ob sororis iniuriam profectum esse. idémque in libro de Gloria Confessorum prodit , Childebertum Regem in Hispaniam tendentem ad Eufychium vel Euficium Eremitam in agro Biturigum habitantem venisse , ac quinquaginta ei aureos obtulisse : quos vir sanctus aspernatus , Regi victoriam prædixerit. tum hunc auro egen- tibus dato vouisse , si victor Deo propitio ex Hispania reuertisset , Basilicam se ibidem , in qua pius senex sepe- liretur , exstruaturum , votóque se postea exsoluisse. & in libro de vita supradicti Euficij dicitur Childebertus Francorum Rex , cùm Hispanias & Amalaricum per- reret , *Franciæ finibus egressus esse* , & per Bituriges iter faciens , Euficium ibi habitantem de euentu belli consuluisse , seque ac suos eidem per nuntium commenda- uisse. Ex quibus intelligitur Childebertum ex Aquitania finibúque Aruernorum in Regnum suum *rediisse* , & Luteciæ Parisiorum , quæ & ipsius regia , & Franciæ , hoc est Neustriæ vrbs erat , omnibus rebus ad expeditionem comparatis , in Galliam Narbonensem contendiss.

Historicorum , qui de eo bello scripsère , non modica discordia est. Vetus Auctor Appendicis , quæ Victoris Chronico adiuncta legitur , natione (vt existimo)

Hi-

Hispanus, tradit post Consulatum Lampadij & Orestis 10xxx1.

Amalaricum Regem à Childeberto Francorum Rege, quem pro Hildiberto Zidibertum appellat, in Gallia Narbonensi prælio superatum, Barcinonem fugam peruenisse, ibique à Franco angone percussum interisse. hastam adrem seu lanceam Franci angonem vocabant. Sic & Fredegarius Scholasticus in Epitome Amalaricum filium Alarici propret uxorem suam, quæ soror Regum Francorum erat, *Barcinone à Childeberto & Francis occisum; Sigebertus in Hispania à Childeberto interemptum* dicit. Auctorem Appendicis sequitur quidem Isidorus in Chronico, sed ita tamen ut Amalaricum à suis interfectum affirmet: quippe apud eum dicitur Amalaricus, cum ab Hildeberto Francorum Rege circa Narbonem prælio superatus fuisset, Barcinonem fugiens venisse: omniumque contra se odio excitato, apud Barcinonem (apud Narbonem mendosè legitur) in foro ab exercitu iugulatus interisse. ab exercitu, inquam, non Childeberti, sed suo, cui ob cladem acceptam cõtemtuierat; vel potius à Theude ipso, qui Regnum Hispaniæ post eius mortem occupauit. neque enim aliter accipi potest, quod ibidem ait Isidorus, Theudim Regem Vesigorhorum morientem vetuisse percussorem suum supplicio affici; ac meritas se poenas sceleris luere dixisse, quod ipse Ducem suum priuatim sollicitatum (hoc est Amalaricum Regem suum sollicitatum ad secretum colloquium) occidisset. Hic rem pæne incredibilem mirari libet, Francis tantum animorum tantumque virium fuisse, ut Amalaricum, quem apud Narbonem acie vicerant; pedibus trans Pyrenæum Barcinonem persequerentur, & cum Vesigothos fugâ, tum Francos insequendo millia passuum ampliùs CLX emitti potuisset.

Procopius in libro I belli Gothici Amalaricum in Gallia, hoc est in prouincia Narbonensi prima, vel Septimania, quam obtinebat, à Francis interfectum indicat. sic enim scribit: Amalaricum Vesigothorum Regem sororem Theodeberri Germanorum Regis in matrimonio habuisse. quam cum more patrio Deum colere vir Arianus prohiberet, & à fide Catholica abducere co-

naretur, in recta sententia perseverantem despiciatui habere coeperit. mulierem, postquam quotidianas iniurias & contumelias amplius ferre non poterat, de viri sæuitia fratri per litteras questam esse. eam ob rem Germanos (hoc est Francos) Vesigothis bellum intulisse, magnūque & atrox prælium esse commissum, quo tandem fufus Amalaricus, multis fuorum amissis, ceciderit. tunc Theodebertum non modò sororem suam cum omnibus regiis opibus, sed etiam partem eam Galliae totam, quam Vesigothi tenebant, recepisse. Vesigothos verò, qui cladi superfuerant, ex Gallia in Hispaniam, in qua Theudis regnabat, cum coniugibus & liberis transisse, ibique confedisse. Vbi notandum est falli Procopium, cum quòd vxorem Amalarici *sororem Theodeberti* appellat, quæ Childeberti soror, amita Theodeberti erat: tum maximè quòd regionem Galliae, quam Vesigothi obtinebant, hoc est Septimaniam, præter quam eis in Gallia nihil erat reliqui, à Francis tum subactam & occupatam dicit. Constat enim Childebertum Francorum Regem, contentum vlione sororis iniuriæ, post victum cælumque Amalaricum domum redisse: prouinciāmque Narbonensem primam, vel Septimaniam (quod fufus Vesigothis, ac Rege ipso interfecto, haud difficulter facturus videbatur) bello minimè quæsiuisse. quam Septimaniam nec Guntchramnus Rex, fratris eius filius, semel atque iterum missis eò maximis exercitibus; nec quisquam alius Francorum Rex, ante aduentum Saracenorum in Hispaniam, siue ante Carolum Præfectum Aulae Pippini Regis patrem, eripere Vesigothis, ac imperio suo subiungere potuit.

Vt ad Historicos nostros veniam, Gregorius Turonicus Episcopus in libro Historiæ tertio de eo bello Childeberti tantā securitate (vt solet) tantāque negligentia scribit, vt nec pugnae vllius mentionem faciat, nec vnde, quòve Amalaricus fugerit, dicat. sic autem, eo teste, res gesta est. Cum Childebertus Francorum Rex, vindicandæ sororis iniuriæ causâ, Hispanias petisset: Amalaricus Rex, postquam de eius aduentu cognouit, naues parauit ad fugam. iamque imminen-

tribus hostibus nauem conscendere properanti relicta-
rum in thesauro suo gemmarum venit in mentem :
quarum secum asportandarum causâ *in ciuitatem* reuer-
sus, ab exercitu Childeberti à *portu* intercluditur. tum
Amalaricus, spe euadendi sublata, in Ecclesiam Chri-
stianorum (sic Catholicos vocabant) confugere cœ-
pit, ac priusquam liminâ sancta contingeret, ab Fran-
co emissâ manu lanceâ interficitur. At Childebertus
nudatis ac spoliatis hostium Ecclesiis, vt Regni sui Ba-
silicas instrueret, præter reliquam prædam vasa ex au-
ro puro gemmis ornata, quæ Salomonis fuisse dicunt,
nimirum LX calices, XV patinas, quas patenas vocant,
& Euangeliorum thecas XX domum retulit. Chrothil-
dis verò, Clotildis quibusdam dicta, dum à fratre
cum magnis opibus in Franciam reducit, in itinere
decessit, ac postea Luteciam Parisiorum delata, & iux-
ta Chlodouem patrem suum sepulta est. Et ita qui-
dem Gregorius scribit; nomine *ciuitatis* atque *portus*
Narbonem Martium, portumque Narbonensem haud
dubiè designans: apud quam urbem Amalaricum à Chil-
deberto proelio superatum esse Auctor Appendicis su-
prâ & Isidorus produnt, Auctor Chronici à Duchenio
editi etiam ibidem interiisse ait. Præterea aut Narbo-
tum à Childeberto captus, atque direptus est, qua in
vrbe Chrothildis soror eius erat: aut certè Narbonen-
ses redditâ fratri Chrothilde Reginâ, ac sacro profa-
nôque auro à victore se redemerunt. Ne quis portò
existimet non in Gallia & circa Narbonem, sed in
Hispania rem gestam esse, propterea quòd Gregorius
scribit Childebertum, belli Amalarico inferendi causâ,
Hispanias petiisse: scire conuenit, Septimaniam non-
numquam à scriptoribus Hispaniam appellari. Vnde Isi-
dorus in Chronico, loquens de exercitu Guntchramni à
Fl. Reccaredo Vefigothorum Rege per Claudium Eme-
ritensium Ducem apud Carcassonem Septimaniæ opi-
dum fuso, negat vllam vmquam *in Hispaniis* Gothis
maiores contigisse victorias. & Lucas Tudenis in li-
bro III ait, *provinciam Gallia*, (hoc est Septimaniam)
Hispaniam anteriorem dici: ac in fine libri Septimaniam,

Hispaniam citeriorem; Hispaniam autem ipsam, *interiorem Hispaniam* appellat: atque diuisioni Sedium Hispaniæ à Vamba Rege factæ hæc verba subtexit: *Sunt Sedes harum duarum Hispaniarum* XXX sub imperio Gothorum, id est Sedes Hispaniæ propriè dictæ, atque Septimaniæ. quamquam Ioannes Monasterij Biclariensis Abbas, Luca multis sæculis vetustior, non Septimaniam, sed Hispaniam, *citeriorem Hispaniam*, vel *Regnum citerioris Hispania* vocat. Denique Fredegarius in Chronico, & Aimoinus in Historiæ libro 111 exercitum Guntchramni, qui Septimaniam tantum petierat, (vt ait Gregorius) bis intra quadriennium *Hispaniam ingressum esse* dicunt.

Vetus Auctor Historiæ Francicæ, Theodorici posterioris Francorum Regis æqualis, & qui eum transcribere solet, Aimoinus Monachus in relatione huiusce Childeberty expeditionis ita Gregorium sequuntur, vt in quibusdam ab eo dissentiant. Siquidem memoriæ tradunt, Amalaricum Regem Gothorum, quem ipsi Amalricum, quidam Almaricum vocant, à Childeberto Rege equitatu validiore victū acie, multis suorum amissis, cum reliquis fugâ naues petere cõtendisse, sed persequentibus Francis, aut (vti ait Aimoinus) occurrentibus, & præoccupato itinere hostes à mari intercludentibus, ipsum Ecclesiam Catholicorum cursu petiisse, quò antequam perueniret, ab equite Franco hastâ confossus sit. tum Childebertum, vastatâ Hispaniâ, Toletum vrbem sine mora oppugnavisse, atque opidanis consternatis cepisse, magnisque opibus inde sublatis, & sorore suâ receptâ, in Franciam reuertisse. Quo tempore Childeberty, per Biturigas iter faciens, Eusicium sanctissimum virum salutauit, ac nummorum libris XV donauit, & rogatu eius multa captiuorum alterius alteri colligatorum paria solui iussit, regressusque Luteciam milites, in his Wlfinum propinquitate sibi coniunctum, optimum hominem piissimumque, pro suo quemque gradu suæque operâ præmiis & opimis fundis remuneratus est. Hic animaduerto supradictum veterem Historicum, & Aimoinum, atque etiam Adonem, in Hispa-

nia fufum acie cafumque Amalaricum, & Toletum à Childeberto captum effe credidiffe, propterea quòd Childebertum *Hispaniam petiffe*, & interfecto Amalarico Chrothildim fororem fuam recepiſſe apud Gregorium legerant, neque exiſtimabant, niſi captâ Regiâ Regum Veſigothorum, Chrothildim Reginam à fratre recipi potuiſſe. At, vt ſuprà diximus, poſt interfectum Alaricum, ereptamque Veſigothis cum Aquitania Toſam, Narbo Martius amborum Alarici filiorum, Geſalici & Amalarici, alterius poſt alterum, ac deinde Liua ſedes fuit. nec ante Amalarici mortem Reges Veſigothorum Hispaniam, exceptâ Callæciâ Sueuorum Regno, totam ſibi parentem Septimaniæ prætulêre, & relicto Narbone Toletum Regiam delegêre, vbi quanto remotiores à Francis, tanto tutiores à repentinis eorum incurſionibus forent. nam Toletum Carpetanorum Tago flumini impoſitum, vmbilicus Hispaniæ effe dicitur, abeſtque ab vrbe Narbone millia paſſuum circiter ſeptingenta. Vnde factum eſt, vt Toletum *vrbs regia, & metropolis, regia ſedes* vocaretur, & Reges Veſigothorum ac Hispaniæ, ab ea vrbe nonnumquam *Principes Toletani, & Reges Toletani* cognominarentur. Et quoniam Toleti mentionem facere cœpi, omittere non poſſum Fortunati de ea vrbe verſus, quibus Brunichildim, & Gaileſuintham, Athanagildi Veſigothorum Regis & Goſuinthæ filias, alteram ad Sigibertum, alteram ad Chilpericum Francorum Reges Toletum miſſas in Galliâ indicat, atque priore ſuperſtite poſterioſiorem paullo poſt factas nuptias deceſſiſſe. Verſus tales ſunt

Toletus geminas miſt tibi Gallia turres:

Primâ ſtante quidem, fractâ ſecunda iacet.

Alta ſuper colles, ſpecioſa cacumine pulchro,

Flatibus infeſtis culmine lapſa ruit.

Sedibus in patria ſua fundamenta relinquiens,

Cardine mota ſuo non ſtetit vna diu.

Qui verſus pæne mihi perſuadent Toletum, Veſigothorum Regum ſedem, tum duas turres habuiſſe pro inſigni, quo poſtea Caſtellæ & Toleti Reges, orti Veſigo-

thorum genere, vti voluerint: atque par fororum Gaile-
fuintam & Brunichildim, regias virgines duas, Toleti
educatas, hisce duabus turribus, regiæ vrbis insigni ob
magnitudinem comparari. neque enim crêdo has puel-
las suprà turres dici, quòd vectæ carrucis argentatis,
quas Fortunatus ob formam rotundam turres appellat,
in Galliam venissent.

Amalarico Vesigothorum Regi successit Theudis
Ostrogothus, antea Theoderici Italiæ Regis Armiger,
atque in tutela Amalarici gerenda eiusdem vicarius:
qui à Iordane Thiudis, vel Thiodes; Theuda à Grego-
rio; ab Aimoino Theodus dicitur. Regnavit annis XVI,
mensibus VI, vt ait Isidorus in Chronico. Quamquam
Auctor Appendicis Chronico Victoris Tununenſis Ep-
iscopi adiunctæ Theudi non ampliùs XII regni annos
10XXXI. tribuit. quippe post Consulatum Lampadij & Orestis
Amalaricum Regem à Childeberto Francorum Rege
proelio superatum & interfectum, & post Consulatum
10XLIII. Basilij V. C. anno II successorem eius Theudim mortuum
dicit. Procopius in belli Gothici libro I tradit Theu-
dim hunc, hominem *Gothum*; (sic semper Ostrogothos
appellat) à Theoderico Rege Italiæ Hispaniensi exer-
citu præpositum, mulierem natione Hispanam, locu-
pletem admodum & latifundiis diuitem in matrimo-
nium accepisse, militumque duo millia mercede con-
ducta, & satellites ad custodiam corporis lectos circum
se habuisse, itavt verbo quidem Dux Ostrogothorum
à Theoderico in Hispaniam missorum; re autem tyran-
nus non occultus esset. quâ re cognitâ Theodericum
timentem, ne si Theudi bellum inferret, Franci arma-
ti sibi occurrerent, aut Vesigothi res novas molirentur,
eidem quamvis rebelli Magisterium militiæ non abstul-
lisse, sed Primores Ostrogothorum ad Theudim scri-
bere iussisse, rectè eum facturum, si Theoderici salu-
tandi causâ Rauennam venisset. Theudim porrò nihi-
lo seciùs imperata quidem fecisse, & quotannis tributa
ex Hispania Rauennam deportari minimè prohibuisse,
ad Theodericum verò nec venire voluisse, nec per lit-
teras inuitantibus venturum se promississe.

Quo anno Amalaricus Rex Vesi gothorum & Hispanorum, à Francis victus est & occisus, eodem in Africa Hildericus Vandalorum & Alanorum Rex à suis regno spoliatus est. Rem ab origine repetere conuenit. Geisericus Vandalorum & Alanorum Rex maturâ senectute decessit, quem annos XXXVII menses tres regnauisse, nimirum post captam Carthaginem, tradit Victor Vticensis Episcopus, non (vt falso putat Procopius) annos XXXIX. Hic non multo ante obitum pacem cum Zenone Aug. per Seuerum Patricium legatum conuentus fecit, quæ ab vtriusque successoribus vsque ad Imperatorem Iustinianum summâ fide seruata est. Geiserico patri successit Hunericus natus maximus filius, qui Eudociam, Valentiniani Principis & Eudoxiæ Aug. maiorem filiam, Romæ captam, in matrimonium duxit, ex eâque Hildericum suscepit, atque VII regni anno obiit. Post Hunericum Gunthamundus, Geiserici ex Gentone filio nepos, Vandalis & Alanis præfuit annos XI, menses VI, & Trasamundo fratri moriens regnum per manus tradidit. qui amissâ coniuge, ex qua nihil liberorum tulerat, Amalafridam, sororem Theoderici Ostrogothorum Regis, viduam, matremque iam ex alio viro Theodahadi & Amalabergæ, in matrimonium petiit, missamque à fratre suo cum sex Ostrogothorum millibus, & vno de Siciliæ promontoriis Lilybæo dotatam, duxit uxorem, atque septimo & vicesimo regni anno mense IV interiit. Hi Reges omnes (nam ne Gunthamundum quidem excipit Procopius) domi maiores Afris Catholicis, quam foris hostibus, nimirum Maurorum gentibus, clades intulerunt. Trasamundo fratri suo patrueli successit Hildericus, Hunerici Regis ex Eudocia filius, Geiserici & Placidi Valentiniani Aug. nepos, optimus & aditu facillimus, ac nemini grauis Princeps: qui & Catholicos Sacerdotes ab exilio reuocauit, & clausas prius Ecclesias aperiri iussit. tum Amalafrida à Vandalis in custodiam tradita est, & Ostrogothi, qui eam in Africam secuti erant, tamquam res nouare voluissent, ad vnum omnes interfecti. Amalafridam tradit Victor in Chronico

- 12XXIII. Máximo Consule post viri sui mortem, cùm fugeret ad Barbaros, commissio proelio apud Capsam locum Eremo proximum captam, & in priuata custodia mortuam esse, quam sororis iniuriam Theodericus Ostrogothorum Rex minimè vindicauit, propterea quòd (vt ait Procopius) classem non habebat. Quamquam apud Cassiodorum Senatorem in libri Variarum IX epistolâ primâ non Theodericus, sed Athalaricus eius nepos, atque successor de morte Amalafridæ queritur, postulâtque, vt Hildericus sibi satisfaciat. Habebat Hildericus Rex propinquum nomine Gelimerem, Gelaredi filium, Gentonis nepotem, Geiserici pronepotem à Procopio dictum, cui tamen Iordanes *ataunum* fuisse Geisericum dicit, vt si eo nomine malè vsus non est, Gelimerem Geiserici adnepotem fuisse credidisse videatur. Hic despectâ Hilderici senectâ atque segnitâ, (erat enim admodum imbellis) persuasit Vandalorum Optimatibus, vt homini desidi, a Mauris victo, imperiumque Africæ ad Imperatorem Iustinianum transferre conanti Regnum adimerent, ac se in eius locum sufficerent. Ita Gelimer ab Vandalis Rex salatur, ingressusque Carthaginem, Hildericum VIII regni annum agentem, consobrinósque eius, Hoamerem &
- 12XXXI. Euageem fratres post Consularum Lampadij & Orestis mandat custodiæ, multósque nobilium prouinciz Africæ fortunis spoliât, multos interimit. Quâ cognitâ re Iustinianus Aug. casum Hilderici amici sui miseratus, legatos ad Gelimerem misit, qui postularent, vt eum in libertatem Regnumque suum restitueret. At Gelimer, vir non minùs crudelis quàm rapax, dimissis legatis, Hoameri quidem celeberrimo Duci, quem Achillem Vandalorum vocabant, oculos effodit: Hildericum autem & Euageem artius custodiri iubet, calumniatus Constantinopolim eos ad Iustinianum confugere velle. Tum Imperator per legatos sub belli comminatione petit, vt Gelimer Hildericum, consobrinósque eius ad se Constantinopolim mitteret. quo non impetrato, pace cum Persis factâ, Belisarium Magistrum militiz, & Patricium viribus instructum in Africam misit. cuius

de aduentu simul ac Gelimer cognouit, Hildericum Regem cognatū suū, & propinquos eius, amicōsque cū Vandalos tum Afros, quoscumque custodiæ mādauerat, iugulari iussit, superatūque prœliis Ammatam, & Tzazonem, vel Sesaonem fratres suos amisit, atque petitis frustra à Theude Vesigothorum Rege auxiliis, fugatus, ac post trimestrem obsidionem fame ad deditiōem compulsus est, nec plusquam annos tres ac menses VIIII potiri potuit Regni eius, quod legitimè adepturus, & quietè possessurus fuerat, si Hildericī senis fatalem mortem expectare voluisset. Recepta est Africa à Romanis, Imperiōque restituta Indictione XII Iustiniano Aug. IV. & Paullino Coss. post annos CVII quā ab Vandalis & Alanis ductū Geiserici occupata fuerat : & Carthago anno XCV, postquā à Geiserico capta fuerat, iterum in ditionem Romanorum cessit. quæ eo facilius celeriusque gesta sunt, quòd Geisericus Rex vrbium Africæ omnium, exceptā Carthagine, muros solo æquaue-
rat. Sardinia, & Corsica, quæ insulæ Italiæ quidem XVII prouinciis adnumerabantur, sed sub Vandalorum Regum imperio fuerant; Item Ebusus, Maiorica, & Minorica, quæ Baleares appellantur, iterum Romanæ prouinciæ sunt factæ, non iam Imperatoribus Occidentis, qui dudum esse desierant, sed Principibus Orientis parituræ. & Gelimer cum vxore & liberis, & ingentibus opibus, quas Africæ, Italiæ, & Illyrici prouinciarum spoliis ac populationibus Geisericus cumula-
uerat, Constantinopolim abductus est, quem Iustinianus Aug. possessionibus in Galatia non contemnendis donauit, Patricium facturū, si Arianam hæresim dam-
nare vólisset. Hildericī autem liberis & nepotibus, à Valentiniano Aug. ducentibus genus, multa & magna contulit. Ex Vandalis captiuis alæ v equitum factæ, & vrbibus Orientis præsidere iussæ. Nec multo post Vandali, qui in Africa relictī erant, à Salomone Duce, timente ne res nouas molirentur, plerique cum coniugibus & liberis totius prouinciæ finibus expulsi sunt.

Circa id tempus, quo Romani in Africa Vandalorum Regnum euertebant, Francorum Reges in Gallia

Regnum Burgundiæ occupauêre. Gregorius Turonicus Episcopus, qui sæpe fabellis, & leuissimis rebus, aut etiam nihil ad Historiam pertinentibus paginas implet, hoc bellum tribus verbis inuoluit magis quàm explicuit, cùm scripsit Childebertum & Chlotharium Francorum Reges, postquam Theodoricum fratrem frustra inuitauerant, vt aduersus Godomarum vxoris suæ patrum vnà cum ipsis expeditionem susciperet, Burgundiam petiisse, obsessoque Augustoduno, ac *fugato Godomaro*, omnem regionem occupauisse. Gregorium Fredegarius Scholasticus in Epitome, & Aimoinus Monachus in Historiæ libro II secuti sunt. Procopius Gregorio vetustior in libro I belli Gothici tradit Francos, quos Germanos appellat, cum *Burgundionum reliquiis* pugnam conseruisse, fusisque hostibus, eorum Regem (hoc est Godomarum) castello quodam inclusisse, ibique attâ custodiâ seruasse, & omnem regionem, quam Burgundiones obtinuerant, tributariam fecisse, atque gentis domitæ ac subactæ armis & opera, vt vellent, postea vfos esse. Vbi notare conuenit, cùm Franci tum omnem Burgundiam subegerint, vti ait Gregorius ipse, Augustodunum opidum Burgundiæ non obsessum modò ab eis, sed etiam captum fuisse: neque fugatum solùm Godomarum proelio, verùm & captum, cùm Procopius apertè ptodat in castello quodam cum à Francis custoditum esse. Iuo in Chronico, malum secutus Auctorem, scribit Francos, Chlodomeris Regis mortem indignè ferentes, Godomarum, quem Gothimarum vocat, persecutos esse atque interfecisse. & Ioannes Parisiensis, qui ante annos trecentos floruit, eundem à Regibus Franciæ, Chlodouei filiis interemtum dicit. Subacti autem sunt à Francis vno proelio Burgundiones eo faciliùs, quòd aliquot iam ab eisdem expeditionibus & certaminibus fracti & attriti erant. quamobrem Procopius suprà Francos non cum Burgundionibus, sed cum Burgundionum reliquiis pugnauisse ait.

Occupata est à Francorum Regibus Burgundia Iustiano Aug. IV & Flauio Paullino Cons. Indictione XII, vel Fl. Paullino iuniore Consule: si credimus Matio

Auenticensi Episcopo, cuius verba notanda sunt. *Hoc Cos. (ait) Reges Francorum Childebertus, Chlotharius, & Theodebertus Burgundiam obtinuerunt, & fugato Godomaro Rege, Regnum eius diuiserunt.* Quibus verbis indicat Marius Theodebertum Theodoricum filium iam tum regnauisse, cum nouissima haec Burgundiones expeditio suscepta est, nimirum Paullino iuniore Con-^{10xxxiv} sule, quo ipso anno Theodoricum decessisse infra docebimus. At Gregorius contra, Childeberto & Chlothario Burgundiam petentibus, Theodoricum eorum fratrem Aruernos recepisse ait, deinde Mundericum Regnum affectantem oppressisse; cum Childeberto fratre foedus iniisse, quod postea ruptum sit; Theodeberto filio suo Wisigardem despondisse; cumque ad recipienda opida, quae Gothi post Chlodouei mortem recuperauerant, misisse; ac tandem decessisse. quae omnia cum Theodoricus Francorum Rex vno anno eoque regni ac vitae ultimo facere non potuerit, credendum est vel ante subactam Burgundiam ea gesta esse, nec ab Gregorio ordine exponi: vel certè Marium Paullino iunio-^{10xxxv} re Consule Burgundiam à Francis occupatam falsò dixisse, quae potius post Consulatū Lampadij & O-^{10xxxvi} restis anno II, post aduentum Burgundionum in Galliam CXX, post occupatam ab eis Sapaudiam XC anno perdomita fuerit. Sanè ante Iustiniani Aug. IV & Fl. Paullini iunioris Consulatū Burgundiam in Franco-^{10xxxvii} rum ditionem celsisse nonnulla sunt quae mihi pæne persuadent. quorum illud primum & maximum est, quòd Concilio, XXII regni Childeberti anno, hoc est Iustiniano Aug. III Consule Aurelianus habito, inter-^{10xxxviii} fuere è Burgundia Iulianus Viennensis Episcopus, Agrippinus Aduorum, vel Augustodunensium Episcopus, & Asclepius Presbyter missus ab Adelphio Episcopo Rauracensi. quae tres Burgundiæ vrbes, Vienna Allobrogum, Augustodunum Aduorum, & Augusta Rauracum, licet (vt alibi dixi) à Francis, Chlodomeris Regis sui mortem vlciscentibus victoribusque captæ credi possint; tamen videntur potius ab Childeberto & Chlothario cum reliqua omni Burgundia esse

occupatz. siquidem tum Augustodunum (vt ait Gregorius) ab eisdem obsessum & captum est. Accedit etiam, quòd cum vno eodémque tempore Childebertum & Chlotharium Burgundiam; Theodoricum Aruernos periisse dicat Gregorius, parum verisimile est Theodoricum Regem Francorum, recenti victoriâ belli Toringici ferocem, Aruernos urbem, quam post Consulatum Lampadij & Orestis dolo fratris amiserat, non nisi tertio post anno, Iustiniano Aug. IV & Paullino Coss. armis recepisse. vt omittam Gregorium Vesigothicæ Childeberti expeditioni Burgundicam eiusdem expeditionem continuò subtexere, Procopium & Aimoinum, quamuis falsò, etiam præponere. ex quo intelligi potest, post Consulatum Lampadij & Orestis confectâ expeditione Vesigothicâ, insequenti anno, post Consulatum Lampadij & Orestis secundo, expeditionem Burgundicam à Childeberto esse susceptam. Quare apud Siebertum Vesigothicam expeditionem proximè sequitur Burgundicâ, sed prior octauo, posterior nono imperij Iustini senioris anno facta falsò dicitur.

Ceterum tametsi Marius scribat Childebertum, Chlotharium, & Theodebertum Burgundiam inter se diuississe: tamen existimo eam inter ambos tantummodò fratres Childebertum & Chlotharium fuisse diuisam: propterea quòd (vt suprâ docui) regnabat tum adhuc Theodoricus Theodeberti pater, cum Burgundia subacta est. neque verisimile est Childebertum & Chlotharium portionem Regni suo periculo ac suo labore quaesiti Theodorico fratri, qui expeditioni interesse noluerat, sponte concessuros fuisse. Neque est, quòd quis dicat Concilio, apud Aruernos consensu Theodeberti Regis habito post Consulatum Paullini iunioris, tres Burgundicæ Episcopos interfuisse, nimirum Gregorium Lingonicum Antistitem, Venantium Viuariensem, seu Albensem, & Grammatium Vindonissensem. nam Episcopi ex omnibus Francorum Regnis ad Synodos euocati venire consueuerant, atque (vt Concilij Aurelianensis III Præfatio docet) absentiam suam diuisione sortis excu-

fare non poterant. Præterea quod ait Aimoinus Germanum ad Theodebertum Aultrasiorum Regem, pro villis Augustodunensis Ecclesiæ precaturum, Cabillonum venisse, quæ Burgundiæ vrbs fuerat, id in libris Aimoini à Duchenio editis non reperitur.

Theodoricus à fratribus suis ad belli Burgundici societatem inuitatus legatos re infectâ dimisit: siue quòd Godomarum, Burgundionum Regem, vxoris suæ patrum oppugnare nolebat, siue quòd in Aruernos rebelles arma conuertere, & erepta sibi à Childeberto recipere constituerat. At Franci Austrasij Theodorici ditioni subiecti, qui Burgundicam prædam spe præsumerant, secuturos se Childebertum & Chlotharium, deserturòsque eum denuntiavère, si in Burgundiam non proficisceretur. quos Theodoricus ubi ad defectionem paratos vidit, hortatus est, vt se in regionem Aruernorum sequerentur, ex qua multum auri argentique, magnum mancipiorum, pecorisque numerum, & pretiosas vestes ipso permittente domos essent relaturi, & semel atque iterum exercitui promisit, quemque vnà cum regionis præda, captiuos quòd vellet translaturum. His Austrasij pollicitationibus illecti futuros se in potestate Regis affirmant, & quò duceret ituros. Igitur Theodoricus, agrum Aruernorum ingressus, totam regionem vastat. cuius aduentu territus Arcadius, Auiti Aug. pronepos, qui Aruernos Childeberto Regi prodiderat, fugâ sibi consuluit, & Ataricum Biturigum urbem Childeberto tum parentem petiit. Placidina mater eius, & Aloima amita iussu Theodorici comprehensæ, omnibus rebus exspoliatæ, & Cadureos in exilium missæ sunt. Theodoricus verò Francorum Rex, depopulatis agris, urbem Aruernos obsedit. quo tempore repetitos à Porciano Abbate sanctissimo viro captiuos non paucos solui iussit, domosque dimisit, & potius vrbe, cum muros eius euertere constituisset, ab Hilpingo Duce placatus est. Hic est Hilpingus, cuius hortatu Theodoricus intra VIII ab Aruernis lapidem iniuriam fieri cuiquam vetuit, vt in libello de vita Quintiani Aruernorum Episcopi tradit

Gregorius. In libro, quem idem Auctor de virtutibus Iuliani Martyris edidit, inuenio Theodoricum Francorum Regem pro reuerentia Martyris intra VII à Briuate vico miliarium quemquam vexari ac diripi prohibuisse, & milites, qui Ecclesiam S. Iuliani spoliauerant, vicanosque in seruitutem abduxerant, supplicio affecisse, atque ablata loco restituisse. Post captos Aruernos, expulsūque Childeberti præsidium, Theodoricus ad castrorum oppugnationes conuertitur: Tigernum incendit: Louolautrum, quod in libro de vita Quintiani Episcopi Vtrense castrum Gregorius appellat, seruo Proculi Presbyteri prodente, occupat. ibi Proculus, qui quondam Quintianum iniuriā affecerat; ad altare Ecclesiæ ab Austrasiis interfectus atque discerptus est: castrum ferro & igne vastatum: castellani capti atque abducti. Erat in finibus Aruernorum Meroliacum, maximum & situ atque opere munitissimum castrum: ex quo emissos milites L ad prædam agendam Austrasij cepere. quos Theodoricus Rex religatis post tergum manibus ad munimenta castri producendos curauit, denuntiarique Meroliacensibus iussit, nō imperata facerent, captiuos se ibidem ante ora parentum interfecturum. hac Meroliacenses denuntiatione territi singulos captiuos singulis effientibus, ac seipsos eodem pretio redemere. Sic igitur depopulatā perdomitāque Aruerniā, maiores, ac minores natu omnibus fortunis spoliati: in his Gallus pupillus, genere nobilis, Gregorij Historici nostri patruus, Aruernorum postea Episcopus, quem tum in aulam Theodorici translatus, hoc est Palatinis Clericis adscriptum, auctor est Fortunatus. ac præter nudum solum nihil cuiquam à Francis Austrasiis relictum est. Multi Clerici iidemque ciues Aruerni à Theodorico abducti, & Treuiricæ Ecclesiæ seruire iussi, credo, vt Regi essent obsidum loco. sicut postea Theodebertus, Theodoricum patrem suum imitatus, Aruernorum nobilissimi ac potentissimi cuiusque liberos, in his Florentium patrem Gregorij Historici, obsides ad se adduci iussit, ne ad Childebertum iterum deficerent. Vrbi regionique Aruernorum; ac mi-

litibus ibidem relictis Theodoricus Rex Sigualdum, cognatum suum, Ducem præfecit, & cum exercitu locuplete domum rediit. Fuit Sigualdus magnâ vir potentiâ & auctoritate, qui apud Aruernos bona multorum inuasit, nec multo post à Theodorico occisus Sigualdum filium reliquit, ac Ranichildem filiam, quæ Brachioni Toringo, postea Abbati Monasterij Manacensis, quo Sigualdus seruo ad venatus aprorum vsus erat, prædia ac saltus dedisse dicitur.

Auctor libri de vita Fidoli Confessoris memoriæ tradidit factum esse quorundam insolentiâ, uti Theodoricus Francorum Rex, Sigiberti ac Brunichildis nepos, Aruernis & Biturigibus redderetur infensus, ac Theodeberto fratre suo ad auxilium euocato tantam eis calamitatem inferret, ut clarissimus quisque ex diuite mendicus & patriâ extorris factus sit. Tum pueros & adolescentes corporis pulchritudine egregios, & puellas specie excellentes, reuinctis post terga manibus, à Francis abductos venditôsq; esse. in his fuisse venerabilem Fidolum, iuuenem clarum genere, Aruernorum vrbis incolam, quem à Barbaris domum reuertentibus, & per agrum Tricassium iter facientibus emerit Auentinus Abbas, Cameliano, magni Lupi successore, Tricassinam Ecclesiam regente. Et ita quidem hic Auctor scribit. quem ego existimo nomine deceptum supradictam Theodorici maioris in Aruernos expeditionem Theodorico minori, Brunichildis nepoti, ac fratri Theodeberti tribuisse. Quippe Historicorum nostrorum nemo huiusce Theodorici minoris aduersus Aruernos expeditionis mentionem facit. Præterea Camillianus Episcopus Ecclesiæ Tricassinæ, quem hic Auctor Camelianū appellat, Concilio Aurelianensi I Felice & Secundo 1038 Cosl. interfuit, & viuere vsque ad XXI regni Theodorici maioris annum potuit, vsque ad Theodoricum minorem nullo modo potuit, qui anno XXXCVIII post Felicis & Secundini Consulatum, siue post Chlodouici abauī sui mortem regnare cœpit. intra quod tempus Camilliano mortuo Vincentius primū, tum Ambrosius, deinde Gallomagnus, & Agroecius Tricassinæ Ec-

clesiæ præfuere. è quibus Ambrosius Tricassium Episcopus anno XX XVIII regni Childeberti Regis Concilio Aurelianensi V interfuit : Gallomagnus Concilij Parisiensis IV, & Synodi Matisconensis primæ statutis consensit atque subscripsit: Agroecius Concilio Matisconensi II affuit, euocatus inter ceteros à Guntchramno vel Gunthramno Rege, Theodorici iunioris maiore patruo.

Post receptos à Theodorico Aruernos, Mundericus quidam familiæ regiæ se inserens, & Regnum affectans opprimitur. res ita gesta est. Mundericus, vel Modericus, vnus ex Optimatibus Francorum Austrasiorum, elatus superbiâ Principem se esse, ac propinquum Regum, nec minùs sibi quàm Theodorico Regnum deberi affirmare cœpit. quod cum multis agrestibus persuassisset, adiiciens comitibus suis adiutoribusque partium bene futurum, faciliè cunctos perpulit, vt in verba sua iurarent, ac regium sibi honorem haberent. Theodoricus Rex, defectione Munderici cognitâ, dolo eum decipere ac interficere intendit: mittit, qui hominem inuident vt ad se veniat, portionem Regni sui, si qua ei debeatur, accepturus. quâ Mundericus fraude intellectâ nuntiis respondit, se ad Theodoricum minimè venturum: irent, renuntiarentque Regi suo, Regem se, sicut illum, esse: moxque comperto missum aduersus se ab Theodorico exercitum aduentare, quoniam ad prælium committendum vires deerant, Victoriaci castrimuris cum suis se inclusit, & oppugnationem strenuè sustinuit. Cum per dies VII nihil regiæ copiæ proficerent, certior factus de pertinacia obsessorum Theodoricus, vnum è suis, nomine Aregisilum vel Charigisilum misit, qui Munderico fidem incolumitatis daret, egressumque Victoriaco interimeret. Facit, quod iussus est, Aregisilus: acceptâ fide castrum ingreditur: Mundericum monet, consulat sibi, habeat rationem liberorum suorum, dedâtque se Regi, cui tametsi velit diu resistere non possit, fame & inopiâ subactus (nî consilium suum sequatur) breui venturus in manus eius, atque periturus. Tum Mundericum timere se dicentem,

ne

ne egressus cum liberis & amicis omnibus suis iussu Regis interficeretur, confirmat Aregisilus, & in pristina apud Regem gratia pristinoque honore futurum ait: nec dubitauit manibus altari impositis fidem dare, inuiolatum cum fore. Igitur Mundericus castro egreditur, manum Aregisili tenens. in quem coniicientibus oculos militibus Aregisilus ex composito signum cædis dedit his verbis. quid ita Mundericum, quasi numquam antea visum, defixi intuemini? statimque in eum ab omnibus impetus factus est. At Mundericus ubi intellexit deceptum se periurio, detestatus Aregisilum, auersum lanceâ confodit, strictoque gladio vñâ cum suis magnam stragem regionum edidit, & ne inultus moreretur, dum spiritus superfuit, quoscumque consequi potuit, interficere non destitit. bona eius in fiscum illata sunt. Ceterum qua in regione hæc gesta sint, haud facile dixerim, propterea quod cum Mundericus Victoriaci obsessus dicatur, plura in Gallia loca eo nomine appellari reperio. Siquidem Gregorius in libro IV Historiæ Victoriaci villæ mentionem facit, quam idem *villam Victoriacensem* in libri VI capite XLI; Ionas in libro de vita Columbani *Victoriacum villam publicam, in suburbano Arauiensis urbis sitam* vocat. apud quam Sigibertus à Neustrasiis Rex consalutatus, moxque summis à Fredegunde Regina percussoribus interemptus est. Eiusdem Victoriaci, *Vitrei & Vitri* ibi dicti, in testamento Euerardi Comitæ, & Gislæ eius coniugis fit mentio: quem esse ait Aubertus Miræus vicum inter Atrebatas & Duagium medium. at Victoriacum illud villa publica, non castrum; & in Chlotharrij, non in Theodorici Regno positum erat. Aimoinus in Historiæ libro II castrum Victoriacum, quod Mundericus se contulit, in Aruernorum finibus posuit, ceteris omnibus ignotum. certè apud neminem alium castrum eius nominis in Aruernis inuenisse memini. Quare existimo castrum Victoriacum, quod Mundericus sese cum suis contulisse ait Gregorius, fuisse ad Matronam flumen in pago Pertensi Regnoque Theodorici, id quod Frodoardus, Presbyter Remensis Ecclesiæ,

in Chronico modò Victoriacum castrum, modò Victoriacum castellum appellat, recentiores Auctores castrum Vitriacum vocant.

Circa id tempus Theodoricus & Childebertus Francorum Reges, composito bello ciuili, quo alter alterum petierant, foedus interant, & pace iureiurando firmatâ, multos Senatorum, hoc est Procetum Gallorum filios obsides inter sese dederunt: sed postmodum nefariorum hominum impulsu oræ sunt iterum inter amicos fratres inimicitie, foedusque ruptum, & obsides eorum, apud quos custodiebantur, serui sunt facti. è quibus multi fugâ domum rediêre; quidam ab suis pretio redempti sunt; nonnulli in seruitute remansêre.

Quo tempore Theodoricus Francorum Rex Mundericum nihil ad se pertinens Regnum affectantem interfecit, Childebertus & Chlotharius Chlodomeris fratris sui filios, ne paternum Regnum repeterent, interficere. Chlodomeres, quibusdam Chlodmirus dictus, c. xxiv. Iustino Aug. II & Opilione Coss. à Burgundionibus circumuentus & cæsus tres filios ex Gundeuca vxore susceptos, nimirum Theodoualdum, Guntharium, & Chlodoaldum pupillos reliquerat. Hos auia Chrothildis Regina apud se educabat, diligebatque vnice, futurum sperans, vt à patris in Regnum paternum substituerentur; quod illi tamquam fratris filiis integrum intactumque seruarent, nondum inter se diuiserant. sed infelix Chrothildis, vti antea Chlodomeri filio, expeditionem Burgundicam suadendo, causa mortis fuerat; sic tum nepotibus curâ & beneuolentiâ suâ, dum consulere studet, odium & exitium attulit. Quippe Childebertus ductus inuidiâ, timensque, ne regij pueri fauente Chrothilde in patris locum sufficerentur, nuntium clam Augustam Sueffionum ad Chlotharium mittit, vt maturè Luteciam veniat, secum deliberaturus de fratris filiis, more priuatorum tonderi oporteat, an interim: alterutro facto Regnum, quod eis Chrothildis mater sua tradi velit, ipsos inter se nemine prohibente esse diuisuros. Nec Chlotharius moram fecit, lætusque Luteciam Parisiorum ad Childebertum venit.

Interea dolo Childeberty sparsus in populum rumor totâ vrbe discurret, ambos Reges coïre, non ob aliud, quàm vt fratris filiis debitum Regnum restituant. Collocuti inter se Childeberty & Chlotharius Reges, vbi de agendæ rei via conuenit, per nuntium petunt à Chrothilde Regina matre sua, quæ tum in vrbe Lutecia morabatur, vt ad se fratris filios paterno Regno donandos mittat. Gaiusa Regina, post captum cibum, pueris nutriciisque comitatos eos misit, adiectis verbis: *Nô mihi videbor amisisse filium, si vos in eius Regnum substitutos videro.* At Theodoualdus, Guntharius, & Chlodoaldus, Chlodomeris filij, simul in Palatium venêre, comprehensi, seorsum à pueris & nutriciis suis custodiuntur. confestimq; ab Childeberty & Chlothario missus Arcadius, Auiti Aug. pronepos, forfices & strictum gladium Reginæ ostendit: interrogat, quid de nepotibus suis fieri velit, forficibusne tonderi, & priuatos viuere placeat, an gladio iugulari. Tam inexpectatis verbis velut telo icta Regina respondit, malle se nepotes suos, si ad regale fastigium non extollantur, mortuos videre, quàm tonsos. siue mente irâ & dolore perturbatâ nesciebat quid diceret: siue existimabat filios in hoc scelus minimè duraturos. Quo celeriter per Arcadium relato responso, Reges tamquam fauente matre pessimum propositum exsequuntur. Chlotharius Theodoualdum maximum Chlodomeris filiorum brachio prehensum arietat in terram, ac sub ala cultro crudeliter traiecit. quo spectaculo exanimatus Guntharius ad pedes se Childeberty patrui supplex prosternit, & genua eius amplexus cum fletu, *Succurre mihi,* (inquit) *piissime pater, ne & ego peream sicut frater meus.* Serâ motus misericordiâ Childeberty lacrimas profudit, rogauitque Chlotharium fratrem, vt Guntharium sibi donaret, quidquid voluisset pro vita pueri reddituro. Mouere potuissent vel iratissimum & alienissimum hominem preces: sed Chlotharius, feræ similis gustato sanguine in rabiem actæ, omnem humanitatem exue rat. itaque mortem fratri ipsi minatus est, nî puerum à se repelleret, & tu (inquit) tam citò datam mihi si-

dem violas ? iam penitet te facti , cuius dux & auctor fuisti ? His territus verbis Childebertus fraterno furo-
 ri cessit, ac Guntharium à se reiecit, quem Chlotharius
 exceptum cultro in latere transfixit. Chlodoaldus, vel
 Chlodoualdus, minimus natu filiorum Chlodomeris,
 per viros fortes periculo liberatus mortem effugit, ne-
 que à patruis potuit comprehendi. Is sibi ipse capillos
 secuit, Clericusque factus, magnis postea à Childe-
 berto & Chlothario possessionibus ob sanctitatem vi-
 tæ donatus est. è quibus Dufiacum, vel Tufiacum in
 pago Mosomagensi, quod Frodoardus Duodeciacum,
 quidam Duficam villam, alij Dociacum appellant, Rem-
 mensi Ecclesiæ legauit: Ruilliacum in Biturigibus po-
 situm S. Dionysio dedit: Nouientum, vicum agri Pari-
 siaci, Ecclesiæ Parisiorum, qua in vrbe Presbyter ordi-
 natus fuerat, donauit, vir non genere quàm virtutibus
 clarior, atque apud Nouientum VII Idus Septembris
 decessit, & in Basilica, quam ibidem exstruxerat, est se-
 pultus. locus nomen eius tenet. & in epistola Eginardi ad
 Gozbertum Abbatem de Monasterio S. Chlodoualdi
 fit mentio. Post Theodoualdi & Guntharij cædempue-
 ri ac nutricij eorum ad vnum omnes iugulantur. quo
 nefando facinore peracto, Chlotharius equum conscen-
 dit, ac vnà cum suis Augustam Sueffionum repetiit.
 Childebertus quoque, cùm oculos ciuitatis ferre non
 posset, abdidit se in suburbanum: nec multo pòst ambò
 Regnum Chlodomeris, causam pretiùmque sceleris sui,
 inter se diuisere, imitati Chlodouicum parentem suum,
 qui cædibus propinquorum Regni terminos promoue-
 rat. Theodoualdus autem & Guntharius elati sunt ma-
 gnâ Clericorum psallentium frequentiâ, magnòque om-
 nium bonorum luctu, Chrothilde Reginâ vsque ad Ba-
 silicam S. Petri, in qua sepulti sunt, funera prosequente.

Hæc miserabilis iugulatio Chlodomeris Regis filio-
 rum Luteciæ facta est post Burgundiam perdomitam,
 vt Gregorius, Fredegarius, & Aimoinus tradunt. Sub-
 acta est autem à Childeberto & Chlothario Burgun-
 dia Iustiniano Aug. IV & Paullino iuniore Coss. si Ma-
 rium sequimur, hoc est post decennium quàm Chlodo-

meres perierat : vel potiùs post Consulatum Lampadij ^{10xxxii}
 & Orestis anno II, post Chlodomeris mortem octauo.
 itaut insequenti anno, Iustiniano Aug. III Cof. Theo- ^{10xxxiii}
 doualdus & Guntharius, IX post amissum patrem an-
 no, à patris suis interemti esse videantur. Ex quo ap-
 paret falsum esse, quod ait Gregorius, cùm iugulati
 sunt, alterum, nimirum Theodoualdum, annos X; alte-
 rum, puta Guntharium, septem tantùm habuisse. ne
 de Chlodaldo loquar, qui cùm esset minimus filiorum
 Chlodomeris, vix tum sexennis fuisset. Ceterùm no-
 tare conuenit, quod tradit Gregorius, Chlodaldum
auxilio virorum fortium esse liberatùm, & qui sint hi
virii fortes, scire operæpretium est. Animaduerto igitur
 à Gregorio Viros Fortes vocari eos, qui tum propriè Ba-
 rones dicerentur. Vnde Isidorus in Originum libro IX
 ait acceptâ mercede seruientes, *mercenarios*, eosdem &
Barones dictos, quòd *sint fortes in laboribus*. quem ta-
 men falsò affirmare puto Barones mercenarios fuisse:
 & in veteribus Glossis *Baron, fortis in laboribus* appel-
 latur. ex qua nominis interpretatione cognoscitur Ba-
 ronem idem significare quod fortem. Eisdem Grego-
 rius in Historiæ libro VII *Viros Fortissimos*, & in libro
 IX *Viros Fortiores* vocat, cùm scribit omnes *Viros For-*
tissimos regionis trans Duranium sitæ Gundobaldo iun-
 ctos esse: atque *Viros Fortiores*, qui Sueffionis & Meldis
 erant, ad Childebertum minorem Francorum Regem
 venisse, ab eoque petiisse, vt Theodobertum filium
 suum natu maiorem ipsis præficeret. & Fredegarius in
 Chronico, cùm ait Wilibadum Burgundiæ Patricium
 ex Patriciatu suo, hoc est, ex prouincia cui præerat,
Pontifices, ac Nobiles, & Fortes, plurimam præterea
 multitudinem coëgisse, vti se ab inimicis defenderet;
 nomine *Fortium* non alios (nî fallor) quàm Barones de-
 signat. Porro tametsi Gregorius scribit Childebertum
 & Chlotharium Regnum Chlodomeris inter se æquâ
 lance diuississe: tamen apud Faustum de Vita Mauri Ab-
 batis inuenio, Cenomanos & Andecauios, qui non mi-
 nus quàm Turones sub ditione Chlodomeris fuisse mihi
 videntur, Theodeberto paruissse: itaut ipse, aut Theo-

doricus eius pater portionem Regni Chlodomeris à Childeberto & Chlothario accepisse credi possit.

Paullo post cædem Chlodomeris Regis filiorum, Theodoricus Rex Wisigardem, vel Wisegardam, Wacónis Langobardorum Regis filiam, Theodeberto filio suo despondit. Hic est Waco, qui ab aliquibus Guaco, à Procopio modò Vacis, modò Vaaces appellatur, & qui Ioanne Consule, sollicitantibus legatis spe ingentis pecuniæ, belli aduersus Romanos societatem cum Vitige Ostrogothorum Rege inire noluit, propterea quòd Imperatori Iustiniano amicus sociusque erat. Eundem Paullus in rerum Langobardicarum libro I filium Zuchilonis fuisse ait, & Tatone Rege patruo suo victo & interemto, atque Hildigisso filio eius fuso fugatoque, Regnum Langobardorum occupauisse: vxores habuisse Ranicundam, vel Ranigundam, Toringorum Regis filiam, de qua suprà scripsimus; deinde Austrigolam, filiam Gipedum Regis, ex qua Wisegardam, & Walderadam tulerit: quarum maiorem Theodeberto Regi Francorum in matrimonium tradiderit; minor *Cusupald*, seu potius Teudupald, hoc est Theodobaldo Francorum Regi collocata sit.

Vesigothi, vt alibi diximus, Vogladensi clade omnem Aquitaniam, & partem aliquam Septimaniæ amiserant. sed cum multa ex his, quæ Chlodoueus armis adquisierat, post eius mortem, Francis in Toringos, Burgundionesque conuersis, recuperauissent; Theodoricus Theodebertum, Chlotharius Guntharium maiorem filium, ad recipienda quæ defecerant, cum copiis misere. Guntharius, vbi ad urbem Septimaniæ proximam Rutenos peruenit, incertum quam ob causam, domum reuertitur. At Theodebertus, fratre suo patrueli constantior, Septimaniæ fines ingreditur, Deas castrum Beterensium expugnat, ac diripit. Erat in eodem agro castrum Capraria, à quo *Monasterium S. Maria Capariensis* apud Septimanos in decreto Ludouici Pij de Monasteriis dictum puto. Ad eos castellanos Theodebertus caduceatorem misit, qui denuntiaret, nî dedicationem facerent, ipsos castro incensa vincula & serui-

tutem esse passuros. In eo erat castrò matrona, nomine Deuteria, non genere & prudentiâ quàm formâ eminentior, quæ virum suum, metu Francorum Beteras sese conferentem, ex industria sequi noluerat, ibique vnâ cum filia remanserat. Hæc cognitis mandatis misit, qui Theodebertum inuitarent vti veniret, facerétque quod placeret, quoniam resistere ei nemo posset, quibus verbis Deuteria Theodebertum non tam in castrum, quàm in lectum suum inuitabat. Igitur Theodebertus receptus in castrum, cum pacata ibi omnia, nihil vsquam hostile cerneret, summam adhibuit curam, ne quam Franci castellanis iniuriam inferrent. Castrum intranti Deuteria cultè exornata occurrit, quam Theodebertus, captus amore mulieris, contubernio sibi adiunxit. Deuteriam autem arbitror Caprariæ dominam fuisse, nec aliter feminam, (quæ virorum partes erant) legatos de deditioe ad Theodebertum fuisse missuram, aut castrum in potestatem eius tradere potuisse. nisi quis credere malit mulierem nobilem ac potentem auctoritate suâ Caprariensibus persuasisse, vt portis patefactis Theodeberto se dederent, quem Gregorius hoc loco. more suo, quod Regis filius erat, *Regem* appellat. Fuit Deuteria, vt ex nomine intelligitur, natione Galla, vel (quemadmodum tum loquebantur) Romana. vnde Fredegarius in Epitome eam *genere Romanam*, hoc est Gallam; Aimoinus quoque in Historiæ libro 11 *Romani generis feminam* vocat. è quibus Fredegarius Scholasticus, linguæ Græcæ ignarus, pro Deuteria corruptè Deoteriam, ac Teoteriam appellauit. Nimirum qui Græcis aut Latinis nominibus tum dicti repèriuntur in nostris historiis, scire licet hos Gallos esse. dudum enim Gallica nomina exoleuerant: contra Franci habendi sunt, vel in parte Germaniæ Francis subiecta nati, quotquot circa ea tempora Germanicis nominibus appellantur. sic & Afri à Vandalis; sic Hispani Septimanique ab Vefigothis; sic Itali & Prouinciales ab Ostrogothis; sic Britanni ab Anglis distinguebantur. Sed postea Franci à Gallis non rarò vt vxores, sic nomina cognominâque Latina accepere, &

Gallis nonnumquam, sublato discrimine, ob maternum genus Francica data sunt nomina: quod semel notasse sufficiat. Porro Theodeberto tum non in Septimania modò cum Vesigothis, sed etiam ac multo magis cum Ostrogothis in Prouincia res fuit. Quare Gregorius in libri III capitis XXI inscriptione Theodebertum *in Prouinciâ contendisse* dicit, & in capite XXIII ab Arelatenſibus eum obsides accepisse, quæ vrbs, caput Prouinciæ Arelatenſis, Athalarico Ostrogothorum & Italarum Regi parebat. Verùm Cassiodorus Senator, vt supra retulimus, in libro Variarum XI, dum Athalaricum puerum, Regem suum, more Panegyristarum laudat, ait Francos, ingenti expeditione turbatos, cum Ostrogothis, tametsi ab eis laceſſebantur, pugnare noluisse, Theodoricumque Regem morbo amisisse. Ex quo facile est cognoscere Theodebertum, non Ostrogothorum viribus, sed allato nuntio de morbo Theodorici patris sui territum (sicuti ait Gregorius) ad eum festinauisse, Prouinciâque excessisse.

Vesigothos Vogladiensi clade partem aliquam Septimaniæ amisisse supra diximus. quod vt intelligatur, notare conuenit in Septimania, quam prouinciâ Narbonensem primam appellabant, vrbes, vel (vt loquebantur) ciuitates fuisse octo, nimirum Narbonem metropolim, Tolosam, Beteras, Agatham, Nemaufum, Magalonam, Luteuam, Vcetiam. quemadmodum in Notitiis prouinciarum & ciuitatum Galliæ ante occaſum Imperij Occidentalis editis inuenio. Ex quo apparet Carcaſſonem & Elenam, nonnisi regnantibus in Septimania Vesigothis, ciuitates, sedesque Episcoporum esse coepisse. Certè in Synodo apud Narbonem iussu Reccaredi Regis habita earum ambarum sedium primùm fit mentio, cui Synodo Sergius Carcaſſonenſis Episcopus, & Benenatus Elenenſis Episcopus interfuerunt. Vesigothi igitur proelio fusi à Chlodoueo Alaricum Regem, & omnem Aquitaniam, cuius partem maximam annos XXCVIII tenuerant, reliqua non multo antè Eurici ductu occupauerant, amittere, præterea Septimaniæ vrbes Tolosam, caput Regni, Luteuam, vel
Lu-

Lutubam, & Vcetiam. è quibus Luteua aliquamdiu Francorum Regibus paruit: vti docet Synodus permissu Theodeberti Regis apud Aruernos habita, cui Deuterius Episcopus Ecclesiæ Lutuenſis interfuit, sed postea à Vesigothis, & (nī fallor) à Leouigildo Rege per Reccaredum filium recepta est, tum cum Reccaredus III. imperij Mauricii anno, repulsis Francis, castra occupauit, nimirum Caput arietis, Vgernum, atque aliud, quod nec Ioannes in Chronico, nec Gregorius in Historiæ libro VIII suo nomine appellant, ego Luteuam fuisse existimo, in IV veteribus Notitiis prouinciarum & ciuitatum Galliæ *Luteuam castrum* dictam. Vnde inter Episcopos prouinciæ Galliæ, vel Septimaniæ, qui Toleti & Narbone iussu Reccaredi Regis conuenerunt, *Agrippinus de ciuitate Lotena Episcopus* numeratur. & Leontianus *Lutubensis Episcopus* edicto Flauij Gundemari Regis subscripsit. Anatolius quoque *Ecclesiæ Lutubensis Episcopus* Concilio Toletano quarto, sextoque interfuit; Gislbertus Diaconus, agens vicem *Ansemundi Episcopi Lotobensis*, Concilio Toletano XIII. Tolosa verò & Vcetia post Vogladense proelium sub Chlodouei, posteriorumque eius ditione semper & imperio fuerunt: quemadmodum Gregorius, Fredegarius, & Concilia Galliæ docent. Quare in statuto Ludouici Pij de Monasteriis Regni Francorum pagus Tolosanus à Septimania distinguitur. & apud Lucam Tudenſem, in descriptione Sedium Hispaniæ ac prouinciæ Galliæ à Wamba Rege Vesigothorum facta, Narboni metropoli Beteræ, Agatha, Magalona, Nemausus, Luteua, Carcasſo, & Elena subiiciuntur, quæ VIII vrbes Septimaniæ vsque ad Saracenorum aduentum in Hispanias Vesigothorum Regibus paruerunt: nec vlla Tolosæ & Vcetiæ ibidem fit mentio. Quamquam recentiores quidam Auctores Hispani huic descriptioni Tolosam falso inseruere, cuius vrbis Episcopus Narbonensi quidem Metropolitæ, sed non Regibus Vesigothorum ac Hispanorum suberat, nec magis quàm Vceticus Episcopus vllis ob id vinqum cum Metropolitano suo Hispaniæ Conciliis interfuit. vt omittam

Isidorum Pacensem Episcopum, veterem scriptorem Hispanum, qui in Chronico tradit Tolosam Eudoni Franco Aquitanorum Duci paruisse, atque à Saracenis frustra obsessam esse. In libro de vita Bertharj Carnutenorum Episcopi inuenio, Theodoricum minorem, Francorum Regem, coactis ex Burgundia, Alamania, & Gothia copiis, Chlothario Chilperici filio bellum intulisse, tamquam Gothia vel Septimania sub ditione eius esset, cuius partem minimam, Tolosam nimis & Vcetiam obtinebat. Nec id magis miror, quam quod semel atque iterum affirmat Rodericus Toleranus Archiepiscopus in Rerum Hispaniæ libro, III, *Rutenos, Albam*, (Albigam vult dicere) *ac Vinarium ciuitates, Gothorum tempore, ad Narbonensem prouinciam pertinuisse*: & antequam Saraceni in Hispaniam transirent, hæc tres vrbes, cum Narbonensi prouincia, vel Gallia Gothica in potestate Vesigothorum fuisse, quas Francorum Regibus paruisse fatebitur, quisquis vel vnum Gregorium, vel Concilia Galliarum legerit. Ad rerum ordinem reuertor.

Dum Theodebertus in Septimania, atque Prouincia bellum gerit, Theodoricus eius pater, quem aliqui Theudericum appellant, Chlodoucum parentem imitatus, Sigualdum propinquum suum, ex Duce Aruernorum, capite truncat, statimque nuntium clam ad Theodebertum mittit, vt Giualdum Sigualdi filium, quem tum secum habebat, interimat. At Theodebertus, vt erat mitis, iuuenem, quem de sacro fonte exceperat, interficere noluit, vocatoque patris litteras, quibus eum occidere iubebatur, legendas tradidit, ac suasis, vt fugeret, nec ante domum rediret, quam Theodoricum patrem suum decessisse, ac se regnare comperisset. Obligatus tanto beneficio Giualdus Theodeberto gratias egit, confestimque valedixit, & Arelatum urbem Ostrogothicæ ditionis, à qua Theodebertus obsides acceperat, petiit, vbi cum parum tuto se latere intelligeret, ob vicinitatem Vetiæ, aliarumque urbium Theodorico parentium, in Italiam fugit.

Interea fidissimorum amicorum diligentia Theodeberto nuntiatur Theodoricum patrem ipsius grauiter ægrotare, cuius nisi mortem velocitate antecederet, futurum esse, vt interclusus à patruis Regni paterni finibus prohiberetur. Quo cognito Theodebertus apud Aruernos Deuteriam cum filia sua deponit, atque omnibus rebus postpositis, celeritate quantâ poterat, festinat ad patrem, in vrbe regia Mediomatricis, Mettîsve ægrotantem. nec multis post diebus quàm aduenerat, Theodoricus decedit, Mettîsque sepelitur, vt ait Herimannus Contractus in Chronico. Obiit Theodoricus III & XX regni sui, LI circiter ætatis anno, hoc est Iustiniano Aug. IV & Paullino iuniore Coss. malè lxxxiv enim Fredegarius & Aimoinus (nisi si exemplarium vitium est) ei XXIV regni annos attribuunt.

Fuit autem Theodoricus vir acer, agilis, astutus & callidus, ac bellicosus, omnium demum patris sui virtutum, vitiorumque consors, insidiosus lociis, infidus fratribus, cognatis perniciosus. quippe & Chlodomerem fraude decepit, interclusoque à Burgundionibus auxilium ferre noluit: & Chlotharium in societatem belli adscitum per summum nefas interimere voluit: atque ante paucos menses quàm decederet, Sigivaldum Ducem, propinquum suum, non ob aliud (credo) suspectum, quàm quia potens & genere propinquus erat, occidit, vt sublato viro, qui res nouas moliri poterat, firmiter filio relinqueret Regnum. Quæ facta minùs mirabitur, qui animaduernerit finitimis Regibus rarò inter se bene conuenire, ac nescio quo facto fieri, vt Reges plerumque fratres ac propinquos, etiam priuatos, nedum dignitate æquales, suspectos habeant & inuisos. A paterna pietate minimè degenerauisse Theodoricum indicio sunt Venderæ, Remigio Remorum Episcopo ab eo datæ: Gaugiacum in pago Remensi, ac Germiniacum, vel Germaniacum Theodorico Abbati collata, cuius etiam exsequias celebravit, summisso sanctitati humillimi Monachi regali fastigio. Gregorius in libello de vita Nicetij Treuironum Episcopi tradit, Theodorico Regi Nicetium tum Abba-

tem magno honori ac venerationi fuisse, propterea quodd ipsum peccantem liberè admonere ac castigare consueuerat: atque ob id Regis iussu ac decreto, & consensu populi, Treuiricæ eum Cathedræ impositum esse. Idem in libro de Vita sanctorum Patrum fanum fuisse apud Agrippinenses scribit variis donis & ornamentis refertum: in quo Franci idololatræ (nondum enim omnes facti erant Christiani) sacrificare, ac vsque ad vomitum potione & cibo repleri, & quam dolebat quisque, corporis partem sculptam è ligno ponere consueuerant. Hoc fanum, cum nemo intus esset, succensum esse à Gallo patruo suo, tum Diacono, Clericòque Palatino: qui vt ethnicos strictis gladiis persequentes euaderet, in aulam properè se abdiderit. Regem autem Theodoricum, re cognitâ, minaces & furore accensos blandis sermonibus mitigauisse, ac postea mortuo Quintiano Gallum, ex Diacono Presbyterum factum, gratis Aruernorum Episcopum designauisse, ac ciuibus eum suis epulum publicâ impensâ præbere iussisse, atque in urbem Aruernos duobus Episcopis comitatum misisse. Et hæc quidem sunt pietatis bonitatique Theodorici argumenta certissima.

Quod verò ad rem militarem pertinet, bello cum optimum fuisse docent Albienfes, Ruteni, Cadurci, ac Aruerni, Chlodouei patris imperio perdomiti; & post parentis mortem Chochilaichus Danorum Archipirata interfectus; Badericus ac Herminafrius Toringorum Reges alter post alterum fusi magnis præliis ac cæsi; totaque Toringia subacta, & in formulam redacta prouinciæ; tam facilè & Aruerni recepti, & Mundericus oppressus; pars denique Saxoniarum numquam peregrina imperia expertæ facta tributaria. Quippe cum Franci, antequam Galliam occupassent, positi essent inter Alamannos, & Saxonas, gentes nationum Germanarum validissimas, ac ne Francis quidem ipsis famâ & viribus inferiores; post domitam Galliam ne quid esset in Germania, quod timere deberent, magnâ felicitate & singulari quodam Dei beneficio accidit Chlodoueo atque Theodorico Francorum Regibus, vt Alamannos subi-

geret pater; filius Saxonibus fractis, si non omnibus, saltem finitimis tributum imponeret. Quod ex Gregorio Turonicæ Ecclesiæ Episcopo colligo, cuius in libro Historiæ IV inuenio, Chlotharium, cùm *Regnum Francia*, hoc est Regnum Austriæ, quod Theodebaldo mortuo acceperat, circumiret, à suis de altera defectione Saxonum cognouisse, tributa, quæ in annos singulos pendere solebant, conferre recusantium, statimque Saxoniam petiisse. cuius finibus simul ac appropinquauisset, Saxones ad eum legatos misisse, qui pacem peterent, & quæ *fratribus ac nepotibus* eius dependere consueuissent, dare paratos se esse dicerent. Vbi emendandus Gregorius, & non *fratribus*, sed *fratri, ac nepotibus* Chlotharij tributa pependisse dicendi sunt Saxones, nimirum Theodorico fratri Chlotharij, & eius filio, ac nepoti, Theodeberto, ac Theodebaldo, qui regionem Cattorum, Toringiam, aliósque pagos Saxonie finitimos obtinuerunt. vt tam facile Theodoricus bellum Saxonibus inferre potuerit, quàm constat Chlodomeri, & Childeberto eius fratribus, qui in Galliis tantum regnauere, necnon Chlothario ipsi, ante Theodebaldi mortem, nullo modo cum ea gente Transfrenana rem fuisse. Nepotes autem, ætate Gregorij, fratrum & sororum filios, fratrumque ac sororum filiis genitos appellare mos erat.





HADRIANI
VALESII
RERVM FRANCICARVM
LIBER OCTAVVS.



THEODEBERTI amicorum, suadentium vt ad patrem ægrotantem festinaret, & à patruis metuumdum esse monentium, salubre consilium, nec vanus metus fuit. Quippe Childebertus & Chlotharius Francorum Reges, quemadmodum antea Chlodomeris fratris sui filiis interentis Regnum Aurelianense occupaerant, sic Theodeberto Theodorici fratris filio Regnum eripere conati sunt. Ex quo iudicari potuit, quid eo absente facturi fuerint, qui præsentem oppugnare non dubitauerunt. Sed experti sunt ambo facilius pupillos quàm iuuenem ætate florentem posse spoliari. cùm enim iunctis viribus Theodeberto bellum intulissent, obuium eum, non minoribus copiis instructum, habuere, incertumque prælij exitum timentes, & à nouo Rege placati ac demulsi muneribus domum redire. Sic igitur Theodebertus à Primoribus Francorum sibi subiectis, quos Gregorius *Leudes* appellat, defensus, ac in paterno Regno stabilitus est. In quo iuuenis prudentiam mirari libet, qui pacem & amicitiam

patruorum auro redimere, quam se & suos inter initia principatus pugnando in periculum conicere maluit.

Confirmato Regno, Theodebertus, aliis Theodebertus, aliis Theutbertus dictus, Deuteriam ex vrbe Aruernis euocauit, perductamque ab his, quos miserat, in matrimonium accepit, Childerico proauo suo magis reprehendendus. hic enim idolorum cultor, & cælebs Basinam, Bisini Toringorum Regis coniugem, duxit vxorem. ille & Christianus, & sponfus, immemor fidelis datæ Wisigardi, alienam vxorem, viuo prior marito, sibi coniunxit.

Interea Childebertus, posteaquam vidit se Theodeberto nihil nocere potuisse, cum eo in gratiam redire constituit, inuitatoque per legatos vti ad se veniat, nuntiani iubet, sibi, qui muliebris tantum sexus liberos genuerit, esse in animo filij ipsum loco habere. Venit igitur Theodebertus Luteciam Parisiorum, excipiturque honorifice à patruo, & armorum, vestium, ceterorumque ornamentorum regionum, equorum quoque & catenarum ternis paribus donatur. At Giualdus Sigivaldi filius, audito Theodebertum Regni paterni potiri, ad eum ex Italia reuertit, cui Rex lætus multis osculis excepto faustum reditum gratulatus est, tertiamque partem munerum, quæ à Childeberto patruo acceperat, dedit, ac paterna bona, quæ Theodericus in fiscum suum intulerat, restituit. *Catenas* autem videtur appellasse Gregorius torques, quod eis collum tamquam catenis innectitur, ac euincitur. quibus præ ceteris gentes Germaniæ, Cheruscos, Sueuos, & maiores Francorum Sicambros decorari consueuisse in Epitomes rerum Romanarum libro IV auctor est Annæus Florus.

Eodem anno, quo Theodericus Francorum Rex obierat, Iustiniano Aug. IV & Paullino iuniore Coss. lxxxiv
Athalaricus Ostrogothorum & Italarum Rex, Eutharici & Amalasuenthæ filius, Theoderici & Audestedæ Chlodouei sororis nepos decessit, duodeuicesimum ætatis; octauum regni annum nondum transgressus. Quo

mortuo Amalasuentha, Theoderici filia, ne sexus & or-
 bitas sua Ostrogothis contemptui esset timens, acciuit
 ex Tuscia Theodahadum, fratrem amitinum suum, at-
 que iussum fidem sibi dare seruandæ dignitatis ac pri-
 mi loci; Rauennæ in Regni eum consortionem, recepit.
 de qua electione Iustinianus Aug. & Senatus vrhis Ro-
 mæ Amalasuenthæ Reginæ, ac Theodahadi Regis litte-
 ris certiores sunt facti. Hic Theodahadus, quem Græci
 Theudatum appellant, erat Amalafridæ, sororis Theo-
 derici Ostrogothorum Regis, filius: homo à seâa qui-
 dem Academica, & ab Ecclesiasticis Latinisque litteris
 non alienus, sed imbellis, timidus, & admodum auarus,
 itaut in Tuscia, in qua priuatus consenuerat, magnos-
 que fundos habebat, possessiones confinibus suis per-
 vim ablatas semel atque iterum à Theoderico auuncu-
 lo, necnon postea ab Amalasuentha paullo ante Atha-
 larici mortem restituere coactus sit. Cuius (sicuti vide-
 ri volebat) iniuriæ magis quàm tanti accepti beneficii,
 ac datæ fidei memor, breui Amalasuentham auctorem
 suam Regno pulsam in insulam lacus Volsiniensis rele-
 gauit, ac post paucos dies per satellites suos in balneo
 strangulauit, supradictis Iustiniano Aug. I V & Paullino
 XXXIV. iuniore Coss. feminam omnibus virtutibus adornatam,
 prudentem, seueram, paucis lites componentem, in
 consultando acutam, in loquendo grauem, iuris & æ-
 qui seruantem, addeò vt Symmachi & Boëthij liberis
 bona restituerit, Liberium Patricium, Præfectum Gal-
 liarum, bene de Republica meritum suâ liberalitate di-
 tauerit, & ad violandos Romanos nihil Ostrogothis
 vnumquam indulserit. Eandem, præter notitiam littera-
 rum, Græco ac Latino sermone doctam, & linguâ Go-
 thicâ ita vsam esse tradit. Senator in libri Variarum XI
 epistolâ I, vt legatis externarum gentium, & homini-
 bus suæ ditionis se interpellantibus, sine interprete au-
 ditis responderet.

Quo magis miror Gregorium Turonicum Episco-
 pum in libro Historiæ III. de Amalasuentha, omisso eius
 nomine, scribere: Theodericum Regem Italiæ morien-
 tem paruulam filiam, quam ex Chlodouei Regis foro-

re suscepérat, superstitem reliquisse, quæ cum creuisset, & ad maturam ætatem peruenisset, contra matris voluntatem, à qua adolescenti cuidam nobili Regis filio collocanda erat, Trauuilani seruo suo nupsit, & vnà cum eo munitæ se vrbis muris inclusit. Tum matrem, posteaquam filiam frustra monuerat, vt in matrimonio sortiendi iudicium suum consiliũque sequeretur, néve diutiùs nobilitatem generis sordido contubernio foedaret, accensam contumeliâ exercitum aduersus eam misisse, captâque vrbe Trauuilanem capite truncatum, puellam domum reductam esse, vbi matrem veneno sustulerit. Ambas autem sectam Ariannam secutas ait Gregorius, adiicitque Italos indignantes mulierem Regno expulisse, & Theodahadum, quem *Theodatum Regem Tuscia* appellat, accersitum Regem salutauisse. cuius iussu Theoderici filia, parricida matris, præferuido balneo cum ancilla inclusa, & vapore enectâ perierit. Quâ cognitâ re Childebertum & Chlotharium Francorum Reges, consobrinos mulieris, ac Theodebertum, missis Rauennam legatis, Theodahado amitiæ mortem obiecissee, ac nî homicidium satisfactione lueret, Regnum se ei, ac vitam eodem mortis genere erepturos denuntiauisse, confestimque à Theodahado perterrito L aureorum millibus fuisse placatos. quam pecuniam Childebertus, vt erat præ inuidia ad decipiendum Chlotharium fratrem semper paratissimus, cum Theodeberto Theodorici fratris filio diuiserit. Chlotharium verò, thesauris Chlodomeris iniectâ manu, multo plura his, quibus à fratre fratrisque filio fraudatus fuerat, rapuisse.

Et ita quidem Gregorius de vnica Theoderici filia Amalasuentha scribit. quæ falsa esse ex eo intelligimus, quòd Amalasuentha Florentio & Anthemio 10xv. Coss. anno XII ante parentis sui obitum Eutharico nupsit, & viro primùm, deinde patre orbata, Athalarici filij sui annum circa decimum agentis tutelam gessit, Regnumque Italix administrauit, atque vidua postea, quoad vixit, fuit. vti omnes eorum temporum Auctores tradunt. Præterea non ab Italis, sed ab Ostro-

gothis , quorum sub ditione tum Itali erant , Regem appellatum Theodahadum dicere debuit Gregorius. Quem Theodahadum , antequam in Italia regnaret , idem Regem Tusciæ vocat , vt appareat eum priuatum adhuc vulgò *Regem Tusciæ* dictitatum esse , propterea quòd magnas ea in prouincia possessiones habebat , maximámque ætatis partem , Theoderico auunculo & Athalarico regnantibus , ibidem exegerat. Vnde castrum insulæ lacus Volturniensis impositum , & Urbem Veterem loca Tusciæ munitissima elegit , quòd Rex opes omnes suas ac pecuniam inferret , castróque supradicto Amalasuentham clausit. Auçtórque est Procopius , in belli Gothici libro I , Theodahadum plurimorum in Tuscia locorum ac latifundiorum dominum , cùm ab Amalasuentha Athalarici tutelam gerente finitimós possessionibus per vim expellere vetaretur , & suâ cuique restituere coactus esset , legatis , quos tum fortè Iustinianus ad Amalasuentham miserat , clàm pollicitum esse , Tusciam acceptâ magnâ pecuniâ & Patriciâ dignitate se in potestatem Imperatoris traditurum : quod eum facturum fuisse , & Constantinopoli reliquum vitæ acturum , nisi paullo pòst Athalarico mortuo ab Amalasuentha Regina blanditiis mitigatus , & in Regni consortium receptus esset.

Ceterùm Audefreda Regina soror Chlodouei , vxor Theoderici Regis Ostrogothorum , matrèque Amalasuenthæ , siuè viro superstes fuit , siue (quod mihi verisimilius videtur) ante eum decessit , tam Ariana esse potuit , quàm Lanthildis soror , quæ antequam Chlodoueus Christianus fieret , errorem Arianorum secuta est , præsertim cùm à fratre suo adhuc idola colente Ariano Arianaque gentis Regi in matrimonium data sit. vt apud Cassiodorum Senatorem Theodericus ipse significat in litteris , quibus Chlodoueum Francorum Regem pro Alamannis victis profugisque deprecatur , asfinem eum appellans , & *gloriosa* eius *affinitati gratulari* se dicens , quòd Alamannos victrici dextrâ subegerit. Ex quo intelligitur Audefredam ante victoriam Alamannici belli , seu ante baptizatum Chlodoueum fra-

trem suum Theoderico Ostrogothorum & Italarum Regi nupsisse. Quod & Iordanes docet, cùm scribit Theodericum, post tertium annum quàm Italiam ingressus erat, (Probino autem & Eusebio Cosl. anno VII ante victos à Chlodoueo Alamannos Italiam ingressus est) missis legatis ad Chlodoueam Francorum Regem Audefredam in matrimonium petiisse. quàm Chlodouei filiam pro sorore falsò appellat, & à patre ad Theodericum libenter missam ait, propterea quòd existimabat eà affinitate contractà inter Ildebertum, Cheldebertum, & Tiudepertum filios suos, gentemque Gothorum fidam pacem & societatem futuram. cùm Chlodoueus vnum tum ex concubina filium Theodericum haberet, ac vixdum Chrothildim duxisset vxorem. Quod autem ait Gregorius, Theoderici Regis Italiæ filiam *seruum suum nomine Trauuilanem accepisse*, ita intelligi debet, vt Amalasuentha dicatur non mancipium aliquod ære emtum, sed priuatum hominem, vnum è subiectis sibi Ostrogothis in torum recepisse, quem Fredegarius Scholasticus in Epitome *Traquillanem*, & *Traquilam*, ac in quibusdam codicibus *Tranquillianum* pro Traquillane appellat. Nec dubito, quin Trauuala, vel Traquilla is sit, quem Boëthius in libro primo de Consolatione *Triguillam* vocat *Præpositum regia domus*, Theoderico Amalasuenthæ patre regnante. tum enim plerique vt non Melam, sed Melanem; non Attilam, sed Attilanem; non Ebbam, sed Ebbanem; sic Trauuilanem potiùs quàm Trauuilam, dicebant. Cùm verò suprà indicauerim Childebertum & Chlotharium, interemtis Chlodomeris filiis, Regnum eius inter se diuississe Iustiniano Aug. III Cosl. ante Theoderici fratris sui mortem, hoc est, ante Iustiniani Aug. IV & Paullini Consulatum: miror à Gregorio dici, regnante in Italia Theodahado; & Regibus Francorum, ne Amalasuenthæ amitinæ mortem vliscerentur, pecuniam mittente, nimirum sub finem supradicti anni, aut circa sequentis initium Chlotharium Chlodomeris thesauris manum iniecisse. quos thesauros post Chlodomeris Regis obitum tamdiu intactos, ac ne cum Regno qui-

Ecc ij

cccc.
xxcix.

lxxxiii

lxxxiv

lxxxv

lxxxvi.

dem eius diuifos fuiſſe à Childeberto & Chlothario nequaquam veriſimile eſt. Quod ad pecuniam pertinet à Theodahado Oſtrogothorum Rege Francorum Regibus datam, auctor eſt Procopius in libro I belli Gothici Theodahadum, vbi Belifarium in Siciliam armatum veniſſe cognouit, legatos ad Francorum Reges miſiſſe, & promiſſâ parte Galliæ ſibi ſubiectâ, nimirum Pro- uinciâ, ac oblatiſ *XX auri centenariis*, hoc eſt auri librarum millibus duobus, ad ſœdus ſocietatémque belli eos inuitauiſſe. quod priuſquam fieret, Theodahadum periſſe, atque morte Regis conditiones pacis eſſe ruptas. Ex quo apparet Theodahadum Francorum Regibus pecuniam promiſiſſe tantum, non & dediſſe, nec tamquam multam, quâ eadẽ Amalaſuenthæ eorum conſobrinæ lueret, promiſiſſe, ſed velut ad incundum ſœdus quibuſlibet verbis efficacius incitamentum.

Mors Amalaſuenthæ Reginæ grauiffimum bellum excitauit. quippe Iuſtinianus Aug. cui ſe illa non ſemel commendauerat, & cuius in poteſtatem Italiam viuo Athalarico filio tradere voluerat, facinus vindicare conſtituit, ſperans tam facilè Italiam quàm Africam ſe Imperio Romano reſtituturum, & eodem duce belli Gothici ob Amalaſuentham ſuſcepti eundem, quem Vandalici pro Hilderici Regis cæde illati, euentum futurum. Igitur Flauium Belifarium, Ducem prudentiæ ac felicitatiſ expertæ, tum Conſulem, cum claſſe in Siciliam; & legatos in Galliam ad Reges Francorum cum litteriſ miſit. quarum caput erat, Oſtrogothos Italiam, primam ſedem ac nobiliſſimum membrum Imperij Romani, vi & armiſ captam non modò reſtituere ſibi nolle, ſed etiam intolerabilia & iniqua admiſiſſe. quibuſ iniuriis ſe ad arma compulſum eſſe. decere ipſos, quibuſ eadẽ Fideſ hæreſi Arianae contraria, & par odium in Oſtrogothoſ ſit, aduerſus communem hoſtem bellum coniungere. Vnâ cum litteriſ pecunia Francorum Regibuſ à Iuſtiniano Aug. redditur, maiôrque ſumma promittitur, poſtquam Romanis auxilium ferre cœpiſſent. Illi lætiſ litteriſ, acce-

ptaque pecuniâ cum Imperatore societatem iungunt, & impigrè Ostrogothis bellum illaturos se pollicentur. Interea Fl. Belisarius Consul, haud pluribus quàm VII armatorum millibus ac quingentis aduersum ducenta circiter hostium millia instructus, Siciliam petit, Catinam capit, Ostrogothis cum Duce suo Sinderito fufis, & in deditionem acceptis, Syracusas, & Panormum, omnémque insulam occupat, reuersusque Syracusas nouissimo die Consulatui sui, ibidem magistratu abiit, auro in milites suos, prouincialesque plaudentes sparso. Eodem anno Dalmatiam & Liburniam Constantianus pulsus Ostrogothis in ditionem Imperatoris redegit. vt in libro I belli Gothici tradit Procopius, Belisarij Scipionis sui Polybius, quem vsque ad Teiæ Regis eadem de eo bello scribentem secuturi sumus.

Theodahadus Ostrogothorum Rex, postquam missus ad Iustinianum Agapeto vrbis Romæ Episcopo frustra bellum deprecatus erat, amisâ Siciliâ & Dalmatiâ è veterno expergefieri, & de Regno defendendo cogitare cœpit. Genere habebat Ebremudem, cui Theodenandam filiam suam in matrimonium dederat. Hunc post Consulatui Belisarij ad tuendum Fretum, Rhegiûmque opidum cum exercitu mittit. Quò simul ac Ebremud venit, relicto in Bruttis exercitu, vltro ad Belisarium in Siciliam cum fidissimis famulis transit, missusque Constantinopolim, mox Patriciâ dignitate ab Imperatore honoratur, vt Duces Ostrogothorum, ac Optimates spe huiusmodi præmiorum ad deditionem inuitarentur. Igitur Belisarius ex Consule ac Patricius receptâ Siciliâ, & præsidiis Syracusis ac Panormi collocatis, copias in Italiam traducit: Bruttios & Lucaniam victor peragrat: dedentibus se sponte, quaquà iret, prouincialibus, quibus opida sine muris præsidiisque erant. inde in Campaniam peruenit, Neapolim terrâ marique obsessam, noctu intromissis per aquæductum militibus, inuadit & diripit, ac magnam eadem opidanorum facit. Tum Theodahadus exercitum in Campaniam aduersus Belisarium misit, eique Vitigem Armigerum antea suum præposuit, virum bello magis

quàm genere illustrem. Erant Ostrogothi admodum infensi Theodahado, quem cædes Amalasuenthæ, & avaritia inuisum, transitio Ebremudis generi sui, ac defidia suspectum faciebat. quamobrem ubi in Campos Barbaricos (hoc loco nomen est) venêre, Vitigem ducem suum scuto impositum Regem appellauêre. Is confestim Theodahadum, qui Româ Rauennam profugiebat, iugulari, ac Theodegisclum eius filium tradi in custodiam iubet, atque Romæ præsidio IV millium Ostrogothorum posito; Siluerio Episcopo, & Senatu populoque Romano adiurandum adactis, Rauennam proficiscitur, magnas Ostrogothorum copias, ac plurimos obsidum loco secum Senatores ducens. Ibi priuatâ coniuge repudiatâ, Matafuentham, Amalasuenthæ filiam, Theoderici neptem, sororem Athalarici, virginem tempestiuam, firmandi Regni causâ, inuitam matrimonio sibi adiunxit: potitûsque opibus Theodahadi, quæ in insula lacus Volsiniensis, & in Vrbeuete cumulatæ seruabantur, omnes Ostrogothos, exceptis qui in Prouincia Francis oppositi erant, Rauennam conuocauit: arma & equos cuique distribuit. Cùmque Vitigis Ostrogothorum multos & fortissimos, qui Marcîâ Duce Prouinciâ Galliæ tuebantur, nisi pace cum Francis factâ tutò euocare non posset, eisdemque nequaquam Francis pares futuros intelligeret, si ipse in Belisarium omnes copias conuertisset, Galliam & Italiam vastaturis; primores gentis conuocatos docuit, cetera quidem bello necessaria summâ industriâ parata esse, sed nihil sibi aduersus Francos prouisum, quibus Ostrogothos, dum ab alio hoste otium erat, magno cum rerum virorumque fortium damno utcumque hætenus obstitisse: nunc bellum Romanum, & non minus Romano Francicum, vno eodémque tempore sustinere non posse. pacem igitur cum Francis fieri oportere, ne cum Belisario Duce Romanorum iuncto foedere arma consocient, & quemadmodum fieri solet, in communis hostis exitium gentes ambæ consentiant. quod si contigerit, Ostrogothos, siue copias diuiserint, siue iunxerint, ab utrisque victum iri. latius itaque esse necessitati pare-

re, & Francis Prouinciam, pecuniâque, quantamcumque eis vnâ cum Prouincia Theodahadus promiserat, dare, vt amici ex hostibus facti non solùm vetëra in Ostrogothos odia deponant, sed etiam belli cum ipsis societatem iungant. Prouinciam quidem, victis & expulsis Italiâ Romanis, facilè postea à victoribus recipi posse. Consilium Vitigis Regis Seniores Ostrogothorum vnâ voce probauère. Mittuntur ergo confestim ad Francos à Vitige legati, qui Prouincia & XX auri centenariis datis eorum societatem redimant. Regnabant tum in Francia Childebertus, Chlotharius, & Theodbertus, Procopio Ildibertus, Theudibertus, & Cloadius dicti, qui Prouinciam pecuniâque acceptam inter se pro cuiusque Regni portione diuisere, atque Ostrogothis se & amicos maximè futuros, & auxilia non quidem Francorum, sed aliarum subiectarum sibi nationum clam missuros promiserè, professi fieri non posse, vt palàm & apertè cum eis societatem iungant contra Romanos, quam paullo antè cum Imperatore inierint. Sic legati re, ob quam missi erant, confectâ; Rauennam redeunt, & Marcia, postquam de opidis Prouinciæ præsidia deduxerat, copias omnes, quibus præerat, iussu Regis eodem reducit. Addit Procopius in belli Gothici libro. III concessionem hanc Prouinciæ Galliæ non modò ab Romanis minimè interpellatam, verùm contrà postulantibus Francis (hoc est Francorum Regibus) ab Imperatore Iustiniano idèd litteris confirmatam esse, vt tanto beneficio obligati Romanos cum Ostrogothis bellantes non oppugnarent. Quippe Francos Prouinciam se tutò posselluros nequaquam existimauisset, nisi Imperator donationem suis litteris comprobauisset. Ex eo tempore Francorum Reges Massiliam Græcorum, & omnia maritima loca, marisque Galliçi imperium obtinuisse, & in vrbe Arelato Circensibus præsidere. præterea nummos aureos ex auro Gallico percutere, suoque eos, non autem Imperatoris (vt fieri solet) vultu signare. quod ne Persarum quidem Regi, nedum vllis aliis quarumlibet gentium Barbararum Regibus liceat: cum etiam ipsi inter sese Bar-

bari auream monetam nisi Imperatoris imagine signatam in commerciis non probent. Quæ in gratiam Iustiniani à Procopio ficta esse mihi videntur. ut enim concedam Francorum Reges timere potuisse, ne Iustinianus Aug. post occupatum Ostrogothicum Regnum, Prouinciam Galliæ, quæ pars eius fuisset, bello repperet: (vti postea Saraceni Africani & Mauri, subactis in Hispania Vesigothis, Septimaniam ob eandem causam sibi vindicare conati sunt) tamen existimo eos domesticis viribus magis quàm alienis diplomatis confidisse. Nummos quidem Gothicos veteres electrinos vidisse se ait V. C. Iacobus Sirmundus adeò pallidos, vt auri minus eis inesse putetur, quàm argenti, Regum tamen Vesigothorum effigie signatos, atque habere se Theodeberti Francorum Regis nummum aureum exiguum, sed sincerum & incorruptum, nota atque nomine *Domini Theodeberti C.* insignem. & nummum aureum profert Cæsar Baronius *Dn. Theodahati* Regis vultu signatum. Ex quo intelligitur non Francos solos, verum etiam Vesigothos, & Ostrogothos, atque adeo plerosque alios Barbaros aurum Regum suorum vultu signauisse. neque enim dubito, quin vt Vesigothi in Hispania, Ostrogothi in Italia, sic Vandali in Africa, Burgundiones in Gallia, Gipedes in Dacia tam aureos quàm argenteos domesticorum Regum nota percusserint. Et quoniam Gothicorum, seu Vesigothicorum nummorum suprà facta est mentio, in transcurso in epistola ad Apollinarem Episcopum, & Gundobadus Rex in codice Legum Burgundionum scribunt) Alaricum posteriorem, Vesigothorum Regum primum aureos adulterauisse, atque æs auro miscuisse. quamobrem Gundobadus omne aurum iusti ponderis accipi iubet præter *IV tantum monetas*, nimirum solidos Placidi *Valentiniani A*; & *Geneuensēs*, Chilperici videlicet patruī sui, & Godegisili fratris Geneuensium Regum iussu percussos; ac *Gothicos, qui à tempore Alarici Regis aduerati sunt*; atque *Ardaricanos*, hoc est Ardarici Regis Gipedum nummos.

*Vide leges
Burgundionum
ad translationem
numm. 6.*

Sic

Sic igitur Prouincia Indictione XIV post Consulat-^{10XXXVI}
 um Belisarij, vti antea Theoderici Regis auspicijs à
 Vesigothis ad Ostrogothos, ita ab Ostrogothis ad Fran-
 cos translata est: & Francorum Reges, qui alias omnes
 Galliarum prouincias armis occupauerant, bellòque
 domuerant, eam vnam conditionibus iuris sui fecère,
 atque ab Rege Vitige dono datam accepère: ac totam
 Galliam præter Septimaniam, quæ Vesigothorum erat,
 atque Britanniam Armoricam vel citeriorem obtinuê-
 re. Prouinciam voco, sicuti Senator, & Auitus Vien-
 nensis Episcopus, regionem eam, quam Procopius in
 belli Gothici libro primo, & tertio, modò *partem Gal-
 liae ad Gothos*, hoc est ad Ostrogothos, *pertinentem*;
 modò *Gallias Germanis*, id est Francis, *finitimas*; non
 numquam *Gallias Gothis subiectas*; sæpiùs *Gallias* sim-
 pliciter, quemadmodum & Senator; item *Gallias citra
 Rhodanum* appellat, *Galliis ultra Rhodanum*, nimirum
 Septimaniz proximas. Continebat autem Prouincia
 supradicta prouinciam Narbonensem II, dimidium prou-
 inciæ Viennensis, & totum ferè Alpium Maritima-
 rum tractum. Sed iam paullo antè partem eius interio-
 rem, & à mari remotam, quæ Burgundici Regni fue-
 rat, fuso fugatòque Godomaro Childebertus & Chlo-
 tharius Francorum Reges cum omni Burgundia occu-
 pauerant: reliquam partem Prouinciæ, quæ Ostrogo-
 this parebat, ita vt dixi, à Vitige datam accepère: vi-
 delicet opida cùm ripensia, tum maritima, Auenionem,
 Tarasconem, Arelatum, Fossas Marianas, Massiliam Græ-
 corum, Citharistam, Taurentum, Telonem Martium,
 Olbiam, Forum Iulij, Leronem & Lerinum ipsulas, An-
 tipolim, Cemenelium, Nicæam, & vrbes mediterraneas,
 Aquas Sextias, Reios Apollinares, Diniam, Sanitium,
 Vintium, & Glannateuam. Cemenelium quidem & Ni-
 cæam, duas Sedes vni dudum Antistiti attributas, vrbes
 fuisse eius partis Prouinciæ, quæ intra XXIX annos à Ve-
 sigothis ad Ostrogothos, ab illis ad Francos translata est,
 indicat Magnus *Episcopus Ecclesie Cemelenfis & Nicensis*,
 alibi dictus *Episcopus Ecclesie Cemelenfis*, id est Cemene-
 lensis, qui Concilio Aurelianensi V, & Synodo Arelatenfi

quintæ iussu Domini Childeberti Regis habitæ interfuit: & Catullinus *Episcopus à Nicaea*, qui Domino Gûthramno regnante statutis Cõcilij Matisconensis II subscripsit, atque Gregorius in libri VI capite VI. Ex his Prouinciæ vrbibus à Vitige genti Francorum datis duas tantum, nimirum Massiliam Ionum coloniam, & Arelatum, supra commemorat Procopius: cùm ait ex eo tempore Francorum Reges Massiliam Græcorum, & omnia maritima loca, (id est oram omnem Galliæ ab ostiis Rhodani ad Alpes Maritimas vsque promissam) marisque Gallici imperium obtinere, & in vrbe Arelato Circensibus præsidere, atque nummum aureum ex metallo Gallico ferire, propterea quòd Arelatum atque Massilia clarissimæ & opulentissimæ Prouinciæ vrbes erant, adeò vt pars Prouinciæ, *Arelatensis Prouincia*; pars, *Prouincia Massiliensis* appellaretur, quemadmodum apud Gregorium Turonicum Episcopum, & in libro de vita Consortiæ vocatur. è quibus Arelatum in primis, in diuisione Prouinciæ inter Francorum Reges, Childeberto sorte obuuisse docent litteræ Vigilij Papæ ad Auxanium Arelatensem Episcopum, & ad Aurelianium eius successorem, & epistola Pelagij vrbis Romæ Episcopi ad Dominum gloriosissimum ac præcellentissimum Childeberty Regem, in qua scribit se commendatione eius & suffragatione motum, Sapaudo Arelatensi Episcopo vsum pallij concessisse. vt omittam Cyprianum in libro de vita Cæsarij Arelatensium Episcopi & præceptoris sui affirmantem Arelatum, cùm ipse de Cæsario scribebat, clarissimo Regi Childeberto paruissse: & quod ait Gregorius Magnus in epistola ad Vigilium Arelatensem Episcopum, Childeberty Francorum Regem, Catholicæ Religionis amore incensum, Arelati Monasterium virorum exstruxisse, donationemque rerum huic loco collatarum Vigilij Papæ decreto confirmandam, ac priuilegiis augendam curauisse. Eadem vrbs, stante Occidentis Imperio, vt commercio, ita officina monetæ, & Circo, crebrisque ludorum Circensium spectaculis clara fuerat & illustris. Vnde in Notitia prouinciarum Imperij Romani *Procuratorum*

*moneta Lugdunensis, moneta Arelatensis, & moneta Treu-
rurum* fit mentio. & Episcopi Prouinciæ, in libello Leo-
ni Papæ oblato de renouando Ecclesiæ Arelatensis pri-
uilegio, aiunt, *quicumque intra Gallias iam inde à Con-
stantino Maximo & Valentiniano ostentare voluit, insi-
gnia dignitatis, in hac vrbe, matre omnium Galliarum,
Consulatum accepisse, & dedisse*, hoc est Consulatum
Circensibus celebrauiss. & apud Ammianum Marcel-
linum dicitur Constantius Aug. Constantini Principis
filius ob tricesimum imperij sui annum Arelati thea-
trales ludos, & Circenses ambizioso apparatu edidisse,
ibidemque proximis Kalendis Ianuariis septimum Con-
sulatum iniisse, & ex more ludos Circenses fecisse. Ea-
dem in vrbe, Seuerino Consule, præsentem Maioriano ccccxii
Aug. Circensium spectaculum editum auctor est Apol-
linaris Sidonius in epistola ad Montium. Quæ fuit for-
sitæ causa, quare Procopius, ratus Arelati suâ ætate
eadem omnia facta esse, quæ stante Occidentali Impe-
rio fieri consueuerant, haud dubitavit affirmare Fran-
corum Reges, post acceptam à Vitige Ostrogothorum
Rege Prouinciam, Arelati Circenses dedisse, & aureum
nummum tum primùm percutere, ac suâ imagine si-
gnare cœpisse. Vbi vult intelligi Procopius facultatem
auri ita signandi Francorum Regibus datam esse ab Im-
peratore Iustiniano eisdem diplomatis, quibus dona-
tio Prouinciæ comprobata est. De Circis verò & Cir-
censibus in Occidente post occasum Imperij Romani
mentionem faciunt Auctor Appendicis Chronico Vi-
ctoris Tununensis Episcopi adiunctæ, & Gregorius
Turonici Ecclesiæ Episcopus. è quibus Auctor Ap-
pendicis Cethego V. C. Cos. Alarico in Gallia & Hi-ccclv.
spania regnante, *Casaraugusta Circum spectatum* dicit.
(sic Circenses vocat) Gregorius in libro v, vnâque
Aimoinus produnt Chilpericum Francorum Regem,
Chlotharij maioris filium, *apud Suefionas & Parisios*,
vrbes regias, *Circos adificauisse, eosque populo spectacu-
lum præbuisse.*

Ceterùm notandum est, non Prouinciam solùm cum
pecunia, quam diximus, à Vitige Francorum Regibus,

Childeberto, Chlothario, ac Theodeberto datam esse, sed etiam partem Alamannorum eam, quæ post prælium Tolbiacense ad Theodericum Regem perfugerat, & annis XL in Italia sub trium Ostrogothorum Regum imperio fuerat. Sic enim Agathias in primo Historiæ libro scribit: post obitum Theoderici, qui non (vt falsò ait) *totam gentem Alamannorum*, occupatâ Italiâ, *subegerat, tributariâque fecerat*, sed tantum partem gentis profugam & supplicem in finibus Italiæ collocauerat, bellum inter Romanos & Ostrogothos maximum ortum esse. Tum Ostrogothos, vt Francorum sibi amicitiam conciliarent, & *multis aliis locis*, (nimirum opidis Prouinciæ) cessisse, & gentem Alamannorum, tamquam superuacaneam, & parum vtilem dimisisse, necessitatique paruisse, quippe qui intelligerent iam non de gloria, sed de salute totis viribus sibi esse pugnandum. Eum in modum Theodebertum Francorum Regem dimissam ab Ostrogothis Alamannorum nationem *subegisse*, atque *domuisse*. Ita loquitur Agathias, vt indicare videatur partem eam Alamannorum, quam Vitigis Ostrogothorum Rex in Francorum gratiam dimisit, & Italia excedere, ac in regiones suas Theodeberto subiectas reuerti coëgit, à Theodeberto Rege nonnisi vi & armis in ditionem potestatemque suam redactam esse. Alamanni igitur omnes postea Francorum Austrasiorum Regibus paruere, quibus Dux præerat regiæ stirpis, à Rege Francorum constitutus. In Legibus Alamannorum inuenio Ducem nonnumquam *Dominum* vocari, & res, quæ ad eum pertinebant, *res Dominicas* dici: aulam quoque Ducis, *Curtem Ducis*, seu Chortem eodem, quo Palatium Regis, nomine appellari. pecuniâ, exsilio, morte multare Duci permissum fuisse. si quis eius sigillum, aut mandatum, aut signum neglexisset, non impune tulisse. In eodem Codice Legum, Dux, qui exercitum ducere, equum conscendere, & adhuc esse Regi utilis potest, filium rebellem, & *Regnum* suum (hoc est Ducatum) armis occupare conantem si vicerit, & ceperit, expellere eum prouinciâ iubetur, & *Regi Domino suo*, aut

cuihbet alij mittere, paternâ hereditate excludendum, quam reliqui Ducis filij post patris obitum *voluntate Regis* inter se sint diuisuri. itaut si Dux moriens non alium, quàm hunc rebellem, filium reliquerit superstitem, aut ei ipsi, dummodò fideli & præclara opera veniam restitutionemque mereatur, aut cui volet alij Ducatum dandi Rex habeat potestatem. Ibidem nemini, præterquàm ei, qui à Duce iudex fuerit constitutus, ius dicere permittitur : & libero liberum *apud Regem, aut Ducem* capitis accessere licet.

Dum Vitigis Ostrogothorum Rex datâ Prouinciâ, dimissisque Alamannis, pacem ac societatem Regum Francorum redimit, & in cogendis omnibus copiis occupatus Rauennæ moratur : Romani casu Neapolitanorum territi, præsidium Barbarorum ex Vrbe expellunt, Belisariûmque cum exercitu Imperatoris recipiunt, post annos LX, quàm ab Odoacre Roma capta fuerat. Potitus est vrbe Roma Iustinianus Aug. Indictione XIV post Consulatum Belisarij. Eodem tempore Calabri & Apuli, qui nullis Ostrogothorum præsidiiis tenebantur, se suâque omnia vltro Belisario dederunt. Pitza quoque Ostrogothus sese cum manu popularium, & dimidiâ parte Samnij maritimi, cui præerat, eidem permisit. Bessam similiter missum à Belisario Narnienses; Constantinum, vel Constantianum Spoletini, ac Perusini, finitimique Tusci opidis suis recepere, & Hunila Dux à Constantino apud Perusiam interfectis Ostrogothorum millibus VII captus est. Tot acceptis incommodis Vitigis tandem Rauennâ proficiscitur, cum armatis millibus non minùs centum & quinquaginta, Belisariûmque obsidet Romæ. pugnatum est ad Urbem sexagies septies : & omnia Barbari frustra experti. Quamobrem Vitigis Rex, vbi ab auxiliis Belisario missis Ioanne duce vastatum Picenum, Vlitheum fusum acie & cæsum, Ariminum captum cognouit, Rauennæ regis suæ timens, post annum & dies nouem obsidionem soluit Indictione XV iterum post Consulatum Belisarij, Ariminumque, cui Ioannes Magister militum præerat, obsedit. auditoque Belisario

rium, rogatum à Datio Mediolanensium Episcopo primisque opidanorum, misso cum paucis Mundila Duce Mediolanum, Bergomum, Comum, Nouariam, acpleramque Liguriam receperisse, confestim Oraiam cum magno exercitu aduersus eum misit. Theodebertus quoque Francorum Rex in Italiam proficisci, & Oraix adiungi iussit hominum millia decem, non Francorum, sed Burgundionum: ne initam cum Romanis societatem diremisse, & Imperatori iniuriam facere videretur, Burgundiones volentes & suâ sponte, non ipsius iussu auxilium Ostrogothis contra Romanos tulisse prætexturus. Hisce Burgundionibus iuncti Ostrogothi Oraia duce Mediolanum, urbem magnitudine, frequentia opidanorum, & diuitiis vni ex omnibus Occidentis urbibus Romæ secundam, cui Mundila cum trecentorum tantum militum præsidio præerat, oppugnauêre: vt scribit Procopius.

Hic notare in primis conuenit, quod ait Procopius in belli Gothici libro secundo, Theodebertum Francorum Regem Burgundionum millia x Oraix misisse. Quippe aut Theodebertum pro Childeberto appellauit Procopius: (vt suprâ indicaui, Amalarici Vesigothorum Regis coniugem, quæ soror Childeberti erat, Theodeberti Francorum Regis sororem ab eodem dici) aut si hoc de Theodeberto non falsò scripsit, fatendum est Childebertum & Chlotharium, pace cum Theodeberto Rege fratris sui filio factâ, partem ei aliquam Burgundiæ dedisse. Theodebertum autem Procopius, cuiusque filium, ac patruos modò *Φραγκων ἡγεμῶνας*, aut *ἡγεμονίας*; modò *ἀρχηγῶν*, vel *ἀρχηγῶν*, nusquam βασιλεὺς appellat: tamquam hoc nomen soli Imperatori conueniat, quod tamen & ipse aliis sæpe gentium Barbararum Regulis tribuit, & Eunapius, Prænius, Priscus, Zosimus, Agathias, Menander, aliique Francorum, & Chamauorum, ac Saliorum, Francicarum nationum, Regibus non inuiderunt. Porrò tamen Childebertus, Chlotharius, & Theodebertus Francorum Reges utilis magis quàm honesti rationem habuêre, cum Romanis contra Ostrogothos, & Ostrogothis contra

Romanos se auxilia missuros promissere, & ab vtrisque pecuniam accepere: tamen prudenter eos fecisse nemo infitiabitur, quod semel tantum Ostrogotos paruis auxiliis, & nullis Romanos militibus iuuerint. quippe Romanos, si Italiam occupauissent, quanto potentiores Ostrogothis, tanto grauiores futuros sibi finitimos intelligebant, & Ostrogothis diuturno bello defatigatis & attritis, prouincias Italiæ finitimas Galliæ facile se occupaturos confidebant.

Indictione I, Ioanne Cos. vel (vt subscriptio epistolæ^{10xxxviii.} Vigilij Papæ ad Eutherium Episcopum docet) Volusiano & Ioanne Cos. Fl. Belisarius adiunctus apud Firmum copiis, quas Narses eunuchus Comes thesaurorum ex vrbe Constantinopoli adduxerat, Ariminensibus à Vitige obsessis auxilium ferre contendit. cuius aduentu adedò territi sunt Ostrogothi, vt confestim Rauennam fugâ petierint. At non Mediolanensium, qui ab Oraia oppugnabantur, fortuna eadem fuit. nam Martinus Magister militum, à Belisario eis missus auxilio, cum ad Padum peruenisset, ibi substitit, & metu Ostrogothorum atque Burgundionum, quibus impares numero copias habebat, flumen transire non est ausus. Quamobrem milites, postquam canina & murina vitam tolerauerant, pacti sibi incolumitatem, inuito Mundilâ Præfecto præsidij, Mediolanum dediderunt. Erant Ostrogothi Mediolanensibus ob defectionem admodum infensi. itaque muris funditus dirutis, vrbs direpta: opidani puberes omnes interfecti: Senatores, & Presbyteri, alique, qui in Ecclesias confugerant, ad altaria trucidati. trecenta ibi millia hominum occisa auctor est Procopius, & mulieres ab Ostrogothis in seruitutem abductas, atque Burgundionibus præmium societatis datas, Mundilam Paullumque cum præsidio in custodiam traditos, omnemque Liguriam, hoc est regionem Transpadanam, ab eis recuperatam esse. Insequenti anno, Apione V. C. solo Consule, Belisarius Cy-^{10xxxix.}prianum & Iustinum cum copiis ad obsidendas Fesulas; Martinum & Ioannem Dertonam ad obseruandum Oraiam misit: ipse cum vndecim armatorum millibus

Auximum Piceni metropolim oppugnare instituit.

Ita Romanis Ostrogothísque bellantibus, & alteris defessis, alteris fractis; Theodebertus Francorum Rex magnam se partem Italiæ facilitè occupaturum credens, IDXXXIX Apione Consule, in Italiam transgreditur. Quânam Alpes transierit, & quantas copias habuerit, non constat. Procopius in libro II belli Gothici centum ei millia peditum, ense & clypeo ac securi armatorum, equites hastatos circum se perpaucos; Iordanes in libro de successionem Regnorum, ac Freulfus plus ducenta millia fuisse scribunt. Cum eo exercitu Theodebertus, superatis Alpibus, in regionem Transpadanam pervenit, quæ prouincia dudum, nescio quam ob causam, Liguria appellari cœpta erat: veritusque ne transitu Padi prohiberetur ab Ostrogothis, per Liguriam sine maleficio iter fecit: lætis aduentu Francorum Barbaris, & spe certæ facilisque ex Romanis victoriæ iam elatis. Infra Ticinum opidum, non longè à confluenta Ticini & Padi, pons erat Pado flumini impositus: quem postquam tenuère Franci, coniuges liberósque Ostrogothorum obuios interfecère, & de pontè præcipitauère: ac Barbaris, à quibus deducti, & commeatu adiuti fuerant; tantum eo facto terrorem incusère, vt in opidum sese celeri fugâ receperint. Procopius, vir hostilis in Francos odij ac malevolentia, hanc cædem, Saxonibus, Toringisve, aut Alamannis Theodebertum sequentibus magis quàm Francis conuenientem, inuidioso nomine sacrificium vocat: affirmâtque Francos, licet tum Christiani fuerint, nondum abolitâ veteri superstitione ac feritate, homines aliâque animalia immolauisse, & ita vaticinari consueuisse. quod Ennodius Ticinensis Episcopus, in libro de vita Antonij Monachi, Francos quidem fecisse, sed adhuc idololatrias scribit. Theodebertus, traducto Padum exercitu, ad Oraiam Ostrogothorum Ducem, qui circa flumen cum lectissimis copiis confederat, contendit. Hunc Ostrogothi pacti memorem ad arma secum consocianda venire arbitrabantur. Francos itaque primò raros, & pacatis similes, castris suis appropinquantes læti spectabant: deinde vt confertos

fertos vndique circumfundi , & secures vibrare videntur , re improvîsâ perturbati , multis suorum amissis , terga vertere , & per medios Romanos perrumpendo , Rauennam versûs fugam capessuêre. Romani , Martino & Ioanne ducibus , castra Ostrogothorum castris opposita habebant. fugientes igitur eos conspicati , à Belisario pulsos acie , & castris exutos fuisse ; Belisariûmque in auxilium sibi venire crediderunt. cui dum capris celeriter armis occurrere , & adiungi properant , in Theodebertum inopinantes incidunt , & contra voluntatem suam manus conferere coguntur , fusique fugâ Tusciam petunt. vbi tandem confirmatis animis Belisarium , qui tum Auximum agri Piceni opidum munitissimum oppugnabat , de omni re certiore faciant. Sic Franci , Ostrogothis ac Romanis deuictis , utrorûmque castris vacuis sunt potiti , & quæ ibi inueniant celeriter consumsêre. quare cûm , quacumque per prouinciam Æmiliam ibant , desertos vicos offenderent , & præter boues ac aquam Padi nihil reliquisset , complures solutione alui & dysenterîâ oppressi , inopiâ ingrauescentibus morbis , intra paucos dies periêre. propterea quòd stomachus aquâ frigescens bubulam concoquere non poterat. Theodebertus , non minùs terciâ parte militum ex valetudine amissâ ; ceteros , quibus ad progrediendum vires deerant , quiete refouendos ratus , in eo loco vbi erat consistere statuit. At Belisarius , cognito Theodeberti aduentu , & Martini , ac Ioannis acie victorum fugâ compertâ , cûm omnibus suis copiis , tum maximè Fesulas obsidentibus timens , (hoc enim opidum subiectum est Apennino monti , qui Etruriam ab Æmilia discludit) ad Theodebertum epistolam scripsit , cuius summa erat. Nemini priuato ne humillimo quidem , qui modò nonnihil virtutis , & aliquam existimationis suæ rationem habeat , nedum tot gentium ac nationum Regi periurium , ac violationem fidei conuenire : eòque magis se mirari ipsum , qui societatem belli cum Romanis inierit , non solùm nulla eisdem auxilia misisse ; sed etiam nunc apertè bellum inferre : grauèque iniuriâ , quam vlcisci facîle possit ,

magnum Imperatorem afficere. Reminisceretur scripti
 foederis, datæque fidei; imponeret frenos cupiditati;
 scirètque præstare, sua quemque securè possidere, quàm
 aliena sibi vindicando periculum ob inopiam adire.
 Theodebertus, perlectâ epistolâ, fluctuare animo, &
 dubitare quid ageret. tandem à suis increpitus, quòd
 sine causa tot hominum millia miserrimè interitura in
 desertam regionem adduxisset, celeriter domum rediit,
 itérque faciens per Alpes Cottias, prouinciam Italiæ
 Liguriam olim dictam, cùm alia opida & castella; tum
 Genuam portu nobilem, Romanis tum parentem diri-
 puit, ac excidit. sicuti scribit vetus Auctòr, qui Mar-
 cellini Chronico pauca de rebus nostris subtexit.
 Quamquam is falsò indicat à Theodeberto progredien-
 te, ac nihildum de reditu cogitante, post vastatam Li-
 IXXXIX guriam, & totam Æmiliam, Apione Cos. Genuam di-
 rutam esse: eundemque, vt militibus suis morbo labo-
 rantibus consuleret, *cum Belisario pactum esse*, & Gal-
 liam repetisse. Neque verisimiliùs Iordanes in libro de
 successionem Regnorum, ac Freulfus tradunt, Belisarium
 pæne vt de Ostrogothis, sic de Francis, qui cum Theo-
 deberto Rege ampliùs ducenta millia in Italiam vene-
 rant, triumphauisse, sed quòd duobus bellis occupari
 nolebat, rogantibus Francis pacem concessisse, còsque
 sine vllò suorum detrimento ex Italiæ finibus expulsi-
 se. Nam Procopius suprâ scribit Theodebertum, per-
 lectis Belisarij litteris, statim quantâ maximâ potuit ce-
 leritate in Galliam rediisse, nec pacis vllius mentionem
 facit. neque videntur nostri pressi inopiâ moram lega-
 torum euntium ac reuertentium sine pernacie pati po-
 tuisse. Dissentit quoque à Procopio Aimoinus, qui in
 libro II scribit Theodebertum *cum maximo equitatu* in
 Italiam contendisse, eamque ab Alpibus vsque ad ma-
 re peruagatum esse, *ac tributariam fecisse*. Et Heriman-
 nus Contractus *Francos cum Theodeberto Rege à Belisa-
 rio deuictos* ait, cùm nulla inter Theodebertum & Beli-
 sarium pugna fuerit. Procopium sequuntur Marius, &
 IXXXXX Gregorius. è quibus Marius, Apione Consule, Theu-
 debertum Regem Francorum Italiam ingressum, & Li-

guriam, Æmiliámque depopulatum dieit, eiúsque copias morbis ex mutarione cæli contractis valde extenuatas fuisse. Gregorius Theodebertum transgressum in Italiam ad Ticinum opidum venisse prodit, ibique *multum adquisivisse*, hoc est, multa loca præsiidiis occupavisse: sed quòd hæc regio Septemtrionalibus gentibus non est salubris, multis suorum vi febrium amissis, ex ea reuertisse, ingentémque prædam domum retulisse. Vnde & apud Fredegarium dicitur Theodebertus maritima Italiæ, hoc est, Alpes Cottias provinciam Italiæ, vastavisse, Narsémque Patricium (quod falsum est) fugavisse. Equidem non possum non mirari scriptorem rerum nostrarum, omnium post Gregorium vetustissimum, Adonémque & Reginonem, qui à Theodeberto maximam partem Italiæ vastatam, & Langobardis prælio victis stipendium impositum aiunt. cum Waco Theodeberti ipsius socer tum regnum in Langobardis obtinuerit, & anno demum tricesimo post Apionis Consulatum, Alboino regnante, Langobardi Italiam occupaverint.

Eodem Apione Consule anno quinto belli Gothici, Belisarius, postquam Fesulas & Auximum ceperat, ultimam bello manum impositurus, omnibus copiis Rauennæ Vitigem obsedit. Quo cognito Childebertus, Chlotharius, & Theodebertus Francorum Reges legatos ad Vitigem mittunt, qui dicerent ipsos ægrè ferre, quòd à Romanis oppugnaretur, & Belisarij opprimendi causâ hominum fortissimorum millia quingenta in Italiam adducere paratos esse: dummodò eos Vitigis vt belli, sic Regni societate coniunctos habere, & Italiæ ex æquo secum imperitare veller. caueret, ne occultis Romanorum dolis magis, quàm apertæ Francorum in se benevolentia, confidendum putaret. Belisarium, quoniam duobus hostibus imparem se futurum videat, missis legatis id agere, vt Vitigem abalienatum à fidelissimis sociis, nudum ac destitutum faciliùs vincat: quo cum si Ostrogothi contra Francos arma confociauerint, non tam virium ipsos quàm cladis ei accessionem fore. Tum introducti Belisarij legati, qui eodem

tempore Rauennam ad dissuadendum fœdus venerant, dixere: immensam illam multitudinem, cuius mentione percussos Ostrogothos Franci sibi adiungere conentur, eo minùs Romanis terrori esse, quo certius sciant maiores his copias breui ab Imperatore cogi posse, spemque victoriæ non in numero, sed in virtute reponi oportere. Debere Vitigem perfidiæ Francorum, & accepti paullo antè circa Padum incommodi reminisci, & secundum fœdus nec priore sanctiùs seruatum iri, nec sibi vtilius futurum esse existimare: ne eisdem artibus circumuentus pereat, quibus Toringorum, ac Burgundionum Reges decepti fuerint. Hac oratione persuasum est Vitigi naturâ simplici, vt Francos re infectâ dimitteret, atque consilium à versuto hoste datum sequeretur. Et ille mox sine pugna, cum maiorem Romanis haberet exercitum, infelix & vecors Belisario se dedit, atque cum Matafuentha Regina, Optimatibûsque Ostrogothorum, à Belisario Constantinopolim abductus est, ex Rege Patricius futurus: eoque simul suppellex regia, & pecunia deportata: Bessæ Patricio, ac Ioanni Magistro militum Italiæ cura mandata. At in Vitigis locum Ostrogothi apud Ticinum opidum Liguriæ Heldebadum, Præfectum præsidij Veronensis, Regem creauère. Hæc Procopius anno v belli Gothici, hoc est Apione Cos. Auctor autem Appendicis Chronico Marcellini adiunctæ, & Marius in Chronico anno insequenti Iustino Cos. gesta esse dicunt.

IOXXX.
IX.

IOXL.

Theodebertus Francorum Rex, oblitus sponsæ suæ Wisigardis, Deuteriam in matrimonium acceperat. quod cum Optimates Senioresque Francorum ferre non possent, in vnum coniuncti Regem adeunt, quaruntque ab eo, quid ita Wisigardim sponsam aspernetur. quâ re commotus Theodebertus cum Deuteria, ex qua Theodebaldum susceperat, diuortium fecit, & Wisigardim VII anno quàm eam sibi desponderat, hoc est Iustino iuniore solo Cos. in matrimonium accepit. quâ non multo post mortuâ, aliam duxit vxorem. Supradicti diuortij aliam causam refert Aimoinus Monachus in Historiæ libro II, nimirum Deuteriæ parrici-

IOXL.

dium. Quippe Deuteria Regina, cùm filiam, ex priore viro conceptam, pulchram esse & maturam videret, verita ne vt ipsam Wisigardi, ita virginem sibi Theodebertus præferret, Veroduni boues indomitos iungi ad basternam iussit, puellamque in eam imponi, quæ de ponte in Mosam flumen præcipitata mersaque est. Quâ cognitâ re, Theodebertum Deuteriam repudiauisse ait Aimoinus, & Wisigardim sponsam suam matrimonio sibi iunxisse. Exstat epistola Vigilij Romani Episcopi ad Cæsarium Arelatensem Episcopum, data pridie Nonas Martias Fl. Ioanne V. C. Consule, in qua Vigilius scribit se Glorioso filio suo Regi Theodeberto respondisse, consulenti per Modericum virum Illustrem legatum suum, quid faciendum sit ei, qui cum vxore fratris matrimonium contraxit. Quas incestas nuptias cum coniuge fratris non ab alio quàm Theodeberto ipso Francorum Rege confectas esse falsò existimat Cæsar Baronius. siquidem constat Theodeberto fratrem nullum fuisse. & huiusmodi matrimonia à Primoribus Francorum tum contrahi solita docet epistola Mappinij Remorum Episcopi ad Nicetium Treuironum Antistitem missa: ex qua discimus, regnante Theodebaldo Theodeberti filio, Nicetium aliquos Francorum propter incesta coniugia ab Ecclesiastica communione remouisse. Omitto Consulatum Ioannis, quo Consule supradicta Vigilij epistola data est, quintum fuisse annum, ex quo Theodebertus sibi Deuteriam adiunxerat, nec nisi post biennium eam esse dimissam.

Circa id tempus, quo Deuteriâ dimissâ Wisigardim Theodebertus in matrimonium recipit, in Gallia ciuile bellum exoritur, cuius leuem causam fuisse ex eo potest intelligi, quòd tam facilè compositum atque finitum est. Childebertus, naturâ alieni appetens, qui & Aruernos Theodorico, & Chlodomeris filiis paternam hereditatem spiritumque eripuerat, Chlotharium similiter Regno & vitâ priuare constituit. Inuisum Childeberto fratrem fecerat felicitas, quem ipse nihil libero- rum præter filias habens multitudine marium florere, ac quotidie crescere dolebat. Theodeberto igitur socio

nefariæ expeditionis assumpto, bellum Chlothario in-
 fert, quem paullo antè socium belli aduersus Theode-
 bertum habuerat, iunctisque ambo Reges viribus Re-
 gnum eius ingrediuntur. Quibus Chlotharius impar, at-
 que etiam imparatus, interiora Regni celeriter petit,
 & in saltum Arelaunensem, ripis Sequanæ proximum,
 sese cum suis copiis abdit, concædibusque omnes adi-
 tus præsepit, spe in vno Deo repositâ. Eò vt supradicti
 Reges venerunt, siluâ coronâ cinctâ Chlotharium cir-
 cumfederunt. Gregorius scribit Chrothildim Reginam
 ad Martini sepulcrum votis, ac peruigilio bellum ciuile
 deprecata esse: & quo die Childebertus, ac Theode-
 bertus in saltum irrumpere, & Chlotharium interficere
 statuerant, manè coortâ tempestate, totam eorum aciem
 turbatam; tabernacula vento deiecta & rupta; equos ful-
 guribus atque fragore consternatos, ac fugâ sparsos sine
 rectoribus cucurrisse: quorum multos amissos; reliquos
 intra XX à castris stadium ægrè reperiri potuisse: milites
 grandine imbri mistâ verberatos, attonitos, prostratos
 humi, vix scuta, quibus tegerentur, retinuisse. Chlo-
 tharianis interim & solem serenum fulsisse, & tonitrua
 cum ventis audita non esse. Tum Reges ambos ad pœni-
 tentiam conuersos nefario incepto destitisse, veniâque
 sceleris à Deo, pacem à Chlothario per legatos petiisse,
 eaque factâ domum rediisse. Sic postea Sigibertum
 Chlotharij filium Chilperico; vtrumque Guntchram-
 no; iterùm Chilpericum Guntchramno; Theodoricum
 Chlodouei abnepotem Theodeberto; Theodebertum
 Chlothario minori bellum fecisse, & cum iam fermè
 dimicaturæ essent acies, æquis conditionibus arma de-
 posuisse legimus. Quam ob causam Agathias, Theode-
 berti posterioris æqualis, in libro primo rerum auspi-
 ciis Iustiniani gestarum, Francorum instituta laudans,
 qui omnes habitu tantùm & linguâ à Romanis differ-
 rent, miratur simul & affirmat (quasi numquam aliter
 factum sit) adèd Francos quieti publicæ studere, vt
 cum antea, tum suâ ætate inter tres ac etiam plures di-
 uiso imperio, semper bello ciuili abstiterint. Si qua e-
 nim inter Reges controuersia orta sit, instrui quidem

vtrimque copias , & tamquam in aciem descendere ,
 móxque mutuo conspectu , & colloquiis placari : Re-
 gésque iure controuersias terminare , aut , si malint ,
 ferro decernere iuberi , ne propter priuatas contentio-
 nes & odia Respublica periculum adeat. tantum his
 æquitatis , illis modestiæ , vtrisque amoris patriæ inesse.
 Ceterùm saltum , in quem Chlotharius se abdidit , nomi-
 ne suo appellat Auctor incertus , qui proximè à Grego-
 rio res gestas Francorum scripsit , cùm ait Chlotharium
in siluam confugisse Arelaunum , & fecisse combros , hoc
 est concædes. Idem Chlotharium , Chlotharij magnine-
 potem , in pago Senonico victum acie à Theodorico
 Rege Burgundiæ , per castrum Melodunum , atque Pa-
 risios *Arelaunum siluam* fuga petiisse dicit. vt appareat
 locum naturâ munitissimum fuisse , quo duo Reges per-
 fugio sunt vsi. Hæc silua appellationem trahebat ex no-
 mine proximæ villæ regiæ , quam Frédegarius Schola-
 sticus in Chronico *Arelaunum villam* appellat , & apud
 quam Bertoaldum Maiorem domus Theodorici venat-
 um esse prodit. Eam villam Auctor libri de vita Con-
 dediti Monachi *fiscum Arelaunum* , hoc est villam fisca-
 lem vocat , & prope *saltum Arelaunensem* ponit , nec
 longè abesse ait à Bellinnaca insula fluminis Sequanæ ,
 quæ insula (vt in vita Audoëni inuenio) ad cathedram
 Rotomagensensem pertinebat. Quo magis ridiculus est
 Aimoinus , qui cùm supradictum veterem Historicum
 nostrum legisset , nec intellexisset , *Arelaunum siluam*
 in *Aurelianum pagum* mutauit , *combrósque* loci nomen
 esse credidit.

Indiçtione IV Basilius , vir Clarissimus , vltimus pri-
 uatorum Consul est factus. soli enim postea Imperatores
 cum imperio Consulatum inierunt , ne cuiusquam alius
 quàm Principis nomen , imperiique eius & Consulatus
 anni actis adscriberentur. Eo Consule Heldebado O-
 strogothorum Regi à Vila Gipede obruncato Rugi ,
 iam inde à Theoderico Ostrogothorum socij & com-
 militones , Eraricum popularem suum , potentissimum
 hominem substituere , eique purpuram iniecere. quo
 post V menses interfecto , Ostrogothi Totilam Helde-

badi fratris filium , qui Taruisio præerat , apud Tici-
num Regem salutauère , magni virum nominis , ma-
gnæque prudentiæ , & in exsequendo nauum ac exsom-
nem , quo maiores nemo aduersus Romanos cum pau-
culis res gessit. quotiescumque enim pugnavit , vicit ,
nec vniquam nisi absens victus est , cum tamen Ostro-
gothi ex hominum millibus ducentis ad pauca millia
redacti essent , aliis diuturno bello consumptis , aliis à Ro-
manis in deditiorem acceptis.

IOXLI.

Eodem anno Aurelianus Episcopi conuenère , cum
ad alia Ecclesiæ Gallicanæ vtilia statuenda , tum ad Fran-
corum idololatriæ reliquias abolendas. Concilio præ-
fuit , statutisque primus subscripsit Leontius Episcopus
Burdigalensis : interfuère vitæ sanctitate clari Antisti-
tes , Gallus Aruernorum Episcopus , Agricola Cabil-
lonensis Episcopus , Firminus Vceticus , Eleutherius
Autisiodorensis. Eodem Escupilionem Presbyterum
misit Lauto Constantiæ vrbis Episcopus , vir sanctissi-
mus , quem alij Laudonem , alij Laudum appellant. Num-
quam Gallia piissimorum Sacerdotum fertilior fuit. quip-
pe præter supradictos in Galliis circa ea tempora flo-
ruerunt Gregorius Lingonicus Episcopus , Terricus ca-
thedræ eius successor , Hilarius Gabalitanus , Nicetius
Treuirorum Antistes , Albinus Andecauensis , Hesy-
chius Viennensis , Leubenus , vel Leobinus Carnuten-
sis , Agericus Verodunensis. è quibus Lautonem , Leu-
benum , & Agericum Francos fuisse indicant nomina.

IOXLIII.

Post Consulatum Basilij V. C. anno 11 Hispani pri-
mum nostra arma sensère. Childebertus Francorum Rex ,
otij impatientiâ , & hereditario in Vefigothos odio im-
pulsus , petendi Hispaniam impetum cepit , atque cum
Chlothario fratre suo , cui paullo antè bellum intulerat ,
societatem iniit. Ambo Reges iunctis exercitibus per
Aguas Tarbellicas ad summum Pyrenæum peruenê-
re , montesque transgressi Hispaniam intrauère , & Itu-
rissensium ac Pompelonensium agris vastatis , Cæsaraug-
ustam , vrbem opulentissimam , ad ripas Iberi flumi-
nis positam obsedère. Opidani , Francos diuinâ irâ in
se immisos esse cum intellerent , de sententia Epi-
sco-

scopi sui instituto ieiunio & supplicatione indictâ Deum placare constituunt; ciliciis velantur; tunicam Vincentij Martyris ferentes, psallentésque muros vrbs circumeunt. matresfamilias atratæ, crinibus sparsis, & cinere fœdatis, pectora plangentes, tamquam coniuges suos efferrent, chorum virorum sequebantur. His visis Childeburtus & Chlotharius primûm se suosque diris & cantionibus impugnari putabant. deinde cognitâ re ex agresti quodam, qui exceptus fuerat, timentes ne Deum paterentur aduersum, si tam pios incolas oppugnare perseuerarent, obsidionem soluerunt, & vastatâ maximâ parte Hispaniæ vsque ad Minium flumen Callæciæ, cum ingenti præda, quæ tum pro stipendio Francis erat, in Gallias reuerterunt. Nec plura Gregorius de ea Childeburti expeditione scribit. Auctor rerum nostrarum, tempore Gregorio proximus, & qui cum transcribere solet, Aimoinus, & Regino adiiciunt, ambos Reges agrestem supradictum in urbem remisisse, per eumque ad se Episcopum euocauisse: qui ad Reges venerit, & munera utrique, in primis Childeberto petenti stolam Vincentij Diaconi & Martyris dederit. ita Childeburtum obsidionem soluisse, reuersumque Luteciam Parisiorum, Ecclesiam Beati Vincentij nomine illustrem, in qua eam stolam poneret, exstruxisse. Quod videtur confirmare Gregorius ipse, cum ait Basilicam B. Vincentij à Childeberto ædificatam. Fredegarius in Epitome duas Childeburti expeditiones confundit, & ab eo Amalaricum Regem apud Barcinonem tum occisum dicit, qui ante annos XII fuerat interfectus. Ab Historicis nostris non dissentit Hispanus Auctor Appendicis Chronico Victoris adiunctæ, qui tradit post Consulatum Basilij V. C. anno II *Francorum Reges* V, ^{15XLIII} *per Pompelonem Hispanias ingressos, Casaraugustam venisse, eaque obsesâ per tres dies, omnem fere Tarracensem provinciam depopulatos esse.* Siue Chlotharius Guntharium, Chramnum, & Charibertum filios secum in Hispaniam duxit: (Regum autem filij Reges appellabantur) siue potius, quod non rarò alias accidit, nota numeri deprauata est, & parûa mutatione ex

II Regibus v sunt facti. At ceteri Scriptores Hispani
 fusos fugatosque esse à Vesigothis nostros memoriæ
 tradunt. è quibus Isidorus in Chronico prodit Theu-
 dem Vesigothorum Regem *Francorum Reges quinque,*
Casaraugustam obsidentes, omnemque ferè Tarraconen-
sem provinciam depopulantes, misso Duce Theudiselo forti-
ter debellauisse, atque à Regno suo non pace sed armis abi-
re coëgisse. Sic autem Rodericus Toletanus Archiepisco-
 pus, & Lucas Tudensis rem gestam aiunt, atque hoc mo-
 do fabulam fingunt: Francorum Regibus *cum infinitis co-*
piis Hispaniam ingressis, & Tarraconensem provinciam
 vastantibus, Vesigothos duce Theudiselo *obices Hispaniæ,*
 hoc est angustos aditus, & artissimas montium fauces in-
 terclusisse, Francorumque exercitum prostrauisse. sed
 eundem Ducem, victum precibus atque ingenti acceptâ
 pecuniâ, reliquis hostibus vnus diei noctisque spatio
 viam fugæ dedisse, ceteram turbam, quæ intra id tempus
 ex angustis euadere non potuerat, à Vesigothis interem-
 tam, & sicut ait Iordanes, *Francorum insidiosam calum-*
niam Hispaniis expulsam esse. Quasi copiæ Francorum,
 præsertim ultimâ necessitate in virtutem versa, iter armis
 patefacturæ non fuerint, & per fauces quantumuis vali-
 dis Vesigothorum præsidiis occupatas erupturæ. aut qua-
 si Theudisclus sine prodicionis infamia, capitisque sui
 periculo exitum Francis auro venditurus fuerit, & hos-
 tem, quem inclusum opprimere posset, emissurus.

Dum hæc in Hispania geruntur, in Italia Totila, qui
 & Baduila, Ostrogothorum Rex, verso Marte, secun-
 dis præliis, & crebris oppugnationibus vrbium Roma-
 nos fatigabat. Quâ occasione vsum Theodebertum Re-
 gem Francorum, auerso Totilâ in Romanos, belli præmia
 interceptisse, & maximam partem Liguriæ, ac Venetiæ,
 & Alpes Cottias sine labore ac discrimine tributarias
 fecisse in libro III scribit Procopius, neque aut Roma-
 nos propter imbecillitatem virium id prohibere potuiss-
 se, aut Ostrogothos ausos esse, ne duobus bellis implica-
 rentur. Ostrogothis verò nihil in Venetia, præter Bri-
 xiam, Veronam, & paucas alias vrbes, Romanis ma-
 ritimam oram possidentibus, superfuisse: atque inter

Francos, & Ostrogothos conuenisse, vt quamdiu ipsi à Romanis bello premerentur, vtrique his, quæ haberent, quiete potirentur, nec alteri alteros armis lacefferent: & si Romani victi Italiæ finibus excessissent, suis vtrique prouinciis ad suum arbitrium imperarent. Neque tamen Procopius, quorum operâ in occupandis supradictis regionibus Theodebertus vsus est, Ducum mentionem facit. Hi fuere, nî fallor, Buccelinus, natione Alamannus, à Theodeberto Alamanniæ præfectus, quem Græci Butilinum, & Buselinum vocant, Hamingus, & Lanthacarius. Sanè apud Paullum in libro II rerum Langobardicarum, & apud Aimoinum dicitur Theodebertus, ex Italia reuertens in Gallias, *Buccelinum Ducem cum Hamingo alio Duce* in Italia reliquisse, qui Buccelinus, omni pæne Italiâ populatâ, prædam ingentem ad Theodebertum deferendam curaue-rit. Verisimilius tamen, & Procopij narrationi conuenientiùs Gregorius, aliùque nonnulli Buccelinum in Italiam à Theodeberto missum, & eius ductu *minorem Italiam* (sic Gregorius Liguriam, ac Veneriam appellat) captam fuisse tradunt. Sed cum iidem, tum Fredegarius, & Sigibertus magnâ securitate ex duabus Buccelini expeditionibus vnâ faciunt, & ad veritatem multa addunt: Buccelinum nimirum totam Italiam, ac Siciliam armis occupauisse: magnâque earum prouinciarum partim spolia, partim tributa Theodeberto misisse: ac sæpe Belisarium, quem ob id Imperator Iustinianus regredi Constantinopolim iusserit, sæpe Narsen, variarum Gentium auxiliis mercede conductis fretum, acie vicisse. itavt res à Totila Rege Ostrogothorum gestas Buccelino attribuisse videantur: quem Regem Iordanes & Procopius auctores sunt Ioannem Magistrum militem, Bessam Patricium, Verum, multosque alios præliis superauisse; & postquam Iustinianus belli Perfici metu, ac maximè Antoninæ precibus motus Belisarium iterum reuocauisset, totam Italiam suo imperio subiecisse; in Siciliam transisse, opes insulæ secundo anno, quàm eò venerat, exportauisse; & Sardiniam, ac Corsicam recepisse. donec Narses, adductis in Italiam Langobardo-

rum, & Erulorum auxiliis, magnâque Romanorum copiâ, Totilam numero imparem fudit, & interfecit. Ceterum cum Alamanniam, & Sueuiam, Liguriâque ac Venetiam Theodebertus tenuerit, non dubito, quin Rätos etiam, ac Vindelicos, inter supradictas prouincias sitos, vestigales habuerit. siue Vitigis Alamannos dimittens Rätis simul Theodeberto cessit: (Rætia enim cognomine prima, & Rætia II, seu Vindelicia, attributa tum Italiæ, Theoderico Ostrogothorum Regi paruerant) siue, potius Buccelinus ex Alamannia profectus, omnibus eius tractus nationibus subactis, quas Ostrogothi bello Romano fracti tueri non poterât, Francis per Alpes Ræticas iter in Italiam patefecit. Quam ob causam Procopius in libro II belli Gothici Mediolanum, Liguria metropolim, quæ vrbs Rætiae proxima est, *Imperij Romani propugnaculum, Germanis* (hoc est Francis) *aliisque Barbaris*, nimirum Rætis, Alamannis, Burgundionibus, stipendiariis Francorum, *oppositum* appellat. & Agathias in libro I ait Theodebertum Alamannos, & *finitimas gentes*, scilicet Rätos & Vindelicos, sub imperium suum rede gisse.

ICXLVIII. Post Consulatum Basilij V. C. anno VII Flavius Iustinianus Aug. Langobardis, Audoino tum Regi parentibus, Noricum opidum, & complura vicina castris ac loca Pannoniæ, multum præterea agri, ab Erulis antea beneficio Imperatoris Anastasij possessi condonauit, ut ait Procopius. Est autem Noricum opidum Pannoniæ, veteri cuidam Auctori Expositionis totius orbis notum, affirmanti Pannoniam *ciuitates maximas, Sirmium, & Noricum habere*. Quod notauit, ne quis eo nomine aliquam agri Norici urbem à Procopio significari existimaret: Siquidem Baioarij, quos Iordanes Baiobaros appellat, qui (ut ait Paullus Langobardus) *Noricorum prouinciâ habitabant*, sub imperio Francorum paullo post mortem Chlodouci esse cœperunt. Certè Theodoricum eius filium, cum in vrbe Catalaunis esset, Maioribus natu, viris sapientibus, & legum peritis antiquarum, adhibitis, Leges Francorum, Alamannorum, & Baioariorum, adhuc in vsu tantum

ac more positas, litteris mandari, ac corrigi iussisse præfatio. Legum earum docet, quas postea Childebertus Sigiberti filius retractavit; Chlotharius minor absoluit; Dagobertus auctas & emendatas (quales habentus) promulgavit. Paullus quoque in Rerum Langobardicarum libro IV memoriæ tradit Tassilonem à Childeberto posteriore, Francorum Rege, Chlotharij maioris nepote, apud Baioarios *Regem*, hoc est Ducem constitutum esse. Denique apud Fredegarium dicitur Dagobertus Bulgares, ab Abaribus ex Pannonia expulsos ad IX millia, & agrum petentes, in Baioaria hincnare, deinde eadem nocte omnes cum coniugibus & liberis interimi iussisse. Et quoniam cœpit Baioariorum mentio, notare conuenit Garibaldum & Tassilonem pro Ducibus *Baioariorum Reges* à Paulo Langobardo, & ab Aimoino, ac Sigiberto vocari: è quibus Tassilonem idem Paullus *Ducem Baioariorum*, vt & Theudebertum, melius appellat. Baioariis autem Ducem præfuisse, à Rege Francorum constitutum, docent Baioariorum Leges, itavt is eligeretur à populo, Rex auctor fieret: nec quemquam in Ducatum recipi consuevisse, nisi Ducali *Agilolfingorum* familiâ genitum, hoc est, ab Agilolfo quodam, veteri Baioariorum Duce, vel Rege, deducentem genus. A Regibus enim Francorum Baioariis fuisse concessum, vt quem ex Agilolfingis fidelem sibi ac prudentem intelligerent, ipsis Ducem præponerent. Agilolfingos, propterea quod *summi Principes erant inter Baioarios*, læsos quadruplam satisfactionem recepisse, Ducem verò tertiam insuper partem. Eam gentem Aiglolfingam à Fredegario in Chronico dictam inuenio, cum ait *quemdam è Proceribus, gentis nobilis Aiglolfinga*, nomine Chrodoaldum à Dagoberto Austrasiorum Rege ob superbiam & rapacitatem interentum esse. In supradictis Legibus reperitur, si quis Ducem occidere voluisset, aut hostes in provinciam, opidumve aliquod provinciae inuitauisset, ei conuicta vitam & fortunas eripiendi Ducem habuisset potestatem. milites intra provinciam à disciplina desciscences, ac rixas cientes, pecuniâ vel morte à

Duce esse multatos. Episcopum, quem Rex constituisset, apud Regem, vel apud Ducem reum postulari consuevisse. Si Duci, qui nec surdus, nec cæcus esset, quique adhuc exercitum ducere, inter suos ius dicere, & à Rege imperata facere posset, filius per superbiam & stultitiam *Regnum*, hoc est Ducatum adimere voluisset, paternâ hereditate eum exclusum fuisse, nihil aliud habiturum, quàm quod motus misericordiâ Rex, aut pater ei dedisset, ambobusque eundem in exilium mittendi potestatem habuisse, ita ut si patri superstes vixisset, à fratribus suâ parte priuaretur. Sin fratres non haberet, aut ipsi, aut cuilibet alij Ducatum conferre Regi liceret. Si quis dicto audens non fuisset Duci, euocatusque ad eum non venisset, vel signum eius, anulum, aut sigillum contempsisset, x v solidis multari solere, & imperata facere cogi. In eisdem legibus ut Regis; sic & *Ducis Vassorum*, nimirum Baioariorum fit mentio, & *Comitis* (vbi in Alamannia fiebat) sub Duce per provinciam iura reddentis. Dux, qui hominem liberum, nullius capitalis criminis reum, in seruitutem asseruisset, xl solidos fisco inferre, totidemque homini dare, ac præterea libertatem bonaque restituere iubetur. idem si audax, contumax, levis, proteruus, superbus, ac rebellis fuerit, decretumque Regis contempserit, Ducatu à Rege accepto tamquam indignus priuatur.

Ceterum ut ad Langobardos reuertar, cum ab anno XIV belli Gothici, post Consulatum Basilij VII, quo eos anno in Pannoniæ finibus à Iustiniano collocatos ait Procopius, ad annum III Consulatus Iustini iunioris Aug. quo tempore Italiam occupauere, anni sint non amplius XXII: facile iudicari potest falsò Paullum ac Sigibertum scribere Langobardos in Pannonia annis XLII sedes habuisse, in eaque Audoinum Langobardorum Regem annos XVII, Alboinum XXV regnauisse.

Eodem anno post Consulatum Basilij VII. Theudis Vesigothorum Rex à quodam ex industria insaniam simulante in Palatio confoditur, annum regni agens septimum decimum. Ei successit Theudisclus Dux, à Gre-

gorio Theodogifilus dictus, is à quo Childebertum Francorum Regem victum, & ex Hispania expulsū aiunt: regnauitque annum vnum, menses sex. Hic ob adulteria ac cædes inuisus, inter cenam cereis derepente extinctus, à coniuratis interimitur.

Circa id tempus Totilam Ostrogothorum Regem legatos ad Francorum Regem misisse ait Procopius, filiamque eius sibi in matrimonium petiisse. sed legatos re infecta esse dimissos, aspernante conditionem Rege Francorum, ac negante Totilam Italiæ Regno potiri, aut vnuquam potiturum esse, qui urbem Romam paullo postquam ceperat amisisset, & quæsitâ retinere non posset. Quam ob causam Totila cum Urbem iterum, prodeuntibus Isauris, post Consulatum Basilij anno DCLXIX, VIII occupauisset, ne (quod antea Belisarius fecerat) semirutam ac desolatam restituèrent hostes, frequentarētque ac munirent, eam ab Romanis simul & Ostrogothis coli habitarique iussit. Et ita quidem Procopius in libro III belli Gothici scribit, omisso Regis eius Francorum nomine, vt de quo loquatur incertum sit. Quippe & Childebertus Chrotbergam & Chrodesindam filias habebat, & Chlotharius Chlodofuindam, & Theodebertus Bertoaram. quæ cum nubilis tum esse potuerit, & cum Theodebertus non modò regiones Italiæ finitimas, sed etiam prouincias ipsas Italiæ, Venetiam, Liguriam, ac Alpes Cortias obtineret, inclinat animus, vt de Theodeberto ac Bertoara eius filia loqui Procopium credam. Cuius Bertoaræ, & Baptistæ apud Mogontiacum ex eius voto à Sidonio Episcopo exstructi mentionem facit Fortunatus Presbyter his versibus,

*Hanc tamen Antistes Sidonius extulit arcem,
Qui Domini cultum, templa nouando, fouet,
Struxit Berthoara voto complente Sacerdos,
Qua decus Ecclesia cordis amore placet.
Catholica Fidei splendor, pietate coruscans,
Templorum cultrix, prodiga pauperibus.
Filia digna patris: te, Theodeberte, reformans,
Rexisti patriam qui pietate patris.*

Totila igitur Ostrogothorum Rex, vir maximus, & qualis à Procopio describitur, filia Regis Francorum (quisquis fuit) nuptias nequaquam obtinuit, propterea quòd Rex Italiae non erat, Romanis ex ea nondum prorsus expulsis. Equidem hoc Francorum Regis factum saepe miratus, animaduerti moris fuisse Merouei posteris, filias & sorores suas solis Regibus collocare. non quòd priuatorum affinitatem fastidirent: saepe enim ipsi formae magis, quam generis habito delectu, puellas ignobiles, nec ingenuas matrimonio sibi iungere: sed quòd mulierum potentiam ex virosum suorum dignitate pendere, & quantum maiestatis priuatae nubendo Regibus quærerent, tantum regiae stirpis virgines imparibus iunctas amittere existimarent. Sic Theoderico, postquam occiso Odoacre Italiae imperio potitus purpuram sumsit, Audefreda; sic Chrothildis Amalarico Hispaniae Regi collocata est. sic Theodeberti soror Hermegiselo, & Radigeri Varnorum Regibus; Chlodouinda Alboino Langobardorum Regi; Berta Chariberti & Ingobergae filia Ethelberto Anglorum Cantiorumque Regi nupsērunt. Sic Ingundis Sigiberti filia Hermenegildo nuptum data; Rigundis Chilperici Reccaredo desponsa est: quos ambos (vt Ioannes in Chronico scribit) Leouigildus eorum pater Regni consortes fecerat; Hermenegildum parte etiam prouinciae donauerat. Sic Chlodouindam sororem suam, Flauij Autharij Langobardorum Regis pactam, eidem Reccaredo Regi, quoniam à secta Arianâ suo exemplo Vesigothos abdukerat, Childebertus iunior promisit. & Theodebertus minor Adaloaldo admodum puero, quem viuo ac volente patre Agilulfo, praesentibus ipsius legatis, Mediolani in Circo Langobardi Regem appellauerant, filiam despondit. Denique nullam Merouei stirpe ortam reperiēmus, quae è Regibus enupserit. Nisi fortè Scaribergam, vel Caribergam quamdam, sororis Chlodouici filiam, ab Arnulfo, Comite urbis Remorum, ac postea Episcopo ductam; aut Blithildem, Ansberti, nobilissimi viri, Pippini Regis tritauī vxorem, regiam familiā genitam fuisse credimus. quam mulierem, ve-

teribus nostris Historicis ignotam, nonnulli, vt Caroli Magni posteros Meroueo generis auctore gloriantes adularentur, Chlotharij maioris; alij Chlotharij posterioris liberis inferuerunt. Arnulfum quidem Auctor libri de eius vita Episcopum & Confessorem appellat, sed cuius vrbis Episcopus fuerit non dicit. Sigebertus Martyrem eum vocat, & viuo ac regnante Chlodoueo in Aquilina filua pagi Parisiaci interfectum ait. Nec opinionem contrà sentientium Paullus Langobardus quidquam adiūuerit, apud quem in libro de Episcopis Mettensis Ecclesiæ, sextus & vicesimus Mettensium Episcopus Agiulfus *fertur* patre familiæ Senatoriæ, & matre *Chlodouei Francorum Regis filia ortus*. Qui enim ita loquitur, satis indicat incerta se, & ex Auctore obscuro excerpta, quæ ipse pro comperris non habeat, referre. Et Ionas Scotus Abbas, cum in libro de vita Columbanii prodit Chrodoaldum quemdam *amitam Theodeberti* minoris Regis *in matrimonio habuisse*, imitatus scriptores eorum temporum *amitam Theodeberti* appellauit, quæ eius matertera erat.

Et Totila quidem frustra in matrimonium petita Francorum Regis filia, quoniam aliter facere non poterat, tacitus repulsam concoxit. at non eodem animo Theodebertus Imperatoris Iustiniani vanitatem tulit. Cum enim audiisset Flauium Iustinianum *Alamannicū, Francicum; Germanicum*, tamquam eas gentes deuicisset, appellari; (quos titulos Iustinus postea, Tiberiūſque, ac Mauricius vsurpauere) frendens expeditionis Italicæ infelicem euentum sibi exprobrari, iniuriam vlcisci summis viribus statuit: & Narſe, qui iam tum in Italiam cum magnis copiis venturus dicebatur, in Totilam auerso; per Pannonias; & Moesiam Thraciam petendi, eaque subacta, Constantinopolim, caput Imperij, oppugnandi impetum concepit. Iamque dimissis legationibus Audoinum, & Thurisindum, Langobardorum, & Gipedum in Pannonia confidentium Reges, aliōſque; quorum per fines iter faciendum erat, simili à Iustiniano ignominia affectos, ad belli societatem inuitauerat: exercitumque, quantus huic operi par esset, cogebat. ita vt res Romana vnà cum Iustiniano

maximum periculum aditura fuisse videatur, ni Theodeberti consilia, conatúsque omnes mors immatura destruxisset. Quippe cùm more Regum Franciæ venaretur, & bubalum eximæ magnitudinis, in se ruentem, hastâ excipere pararet, ab arbore feræ impulsu prostrata abruptus ramus ita eum in capite vulnerauit, vt supinus ex equo laberetur, relatúsque in Regiam intra paucas horas exspiraret. Sic Theodebertum mortuum esse prodit Agathias in Historiæ libro I, quem ob expeditionis supradictæ initum consilium audacem, turbulentum, periculorum amantem, ferocem, ac superbum fuisse ait, & in temeritate ac dementia fortitudinem positam existimauisse. Nec est, quòd quis miretur bubalorum, vel boum ferorum in Gallia fieri mentionem. Nam Fortunatus Presbyter, in libri VII carmine IV ad Gogonem, in Arduenna silua, saltúque Vosago, quæ ambæ siluæ Regis Theodeberti, & Mettis eius Regiæ proximæ erant, non modò elices, hoc est alces, vros, vrsos, onagros, sed etiam bubalos, quos bufalos vocat, nasci affirmat. & Guntchramnum Regem, dum se venatione exercet, in Vosago silua vestigia occisi bubali agnouisse auctor est Gregorius in Historiæ libro X. Ionas quoque in libro de vita Columbani Abbatis prodit in eremo Vosago circa castrum Luxouium vros, & bubalos frequentes videri. vt omittam Baioariam, prouinciam quidem Transrenanham, sed Theodeberto subiectam, cuius in saltibus Carolus Magnus bubalos venatum in Annalibus Mettensibus inuenio. Procopius, ac veteres rerum nostrarum scriptores minimè cum Agathia de Theodeberti morte consentiunt. è quibus Procopius Theodebertum *morbo* interiisse, non multo antè X V II belli Gothici annum, nimirum triennio ante tradit. Gregorius quoque longâ valetudine, omnem Medicorum curam artèmque vincente, oppressum eum defecisse ait. Fredegarius autem, Aimoinus, aliique vehementi febri implicitum decessisse dicunt, graues morbos plerumque nullo discrimine febres appellare soliti.

lxxxi.

Obiit Theodebertus quattodecimo regni anno, post Chlodouei aui sui mortem X X V II, post Consulatum

Basilij septimo, vt refert Marius in Chronico, qui & *Regem magnum Francorum* merito eum appellat, cum ob regias viri virtutes; tum (sicuti Aurelianus Episcopus loquitur) quod esset *unicus sceptris, multiplex populis; solidus Regno, diffusus imperio, ac maximus dominio*: hoc est, quod Regnum maximum, ac nihilo secius partibus inter se connexis bene coherens obtineret. Quippe sub ditione Theodeberti fuerunt Alpium Cottiarum, Liguria, ac Venetiae pleraque; Raetia, Vindelicia; Alamanni una cum finitimis Suevis; quorum ipsi nomine apud Aufonium, & Claudianum saepe appellantur; Baioaria; Toringia; pars Saxonum; & Francia vetus; praeterea provinciae Galliae, Belgica I. Remi, Catalauni, aliaeque Belgicae secundae urbes; ciuitas Senonum; superior, inferiorque Germania; pars Aquitaniae primae, ac Prouinciae; atque Andecauum. vt non falso Iordanes, aequalis eius Principis, in libro de Origine Gothorum scripserit Francos aetate sua *Germanorum terras obtinuisse*.

Herimannus Contractus in Chronico vt Chlodoueu *Magnum*; sic Theodebertum, eius nepotem, *Regem fortem* cognominat. Quod cognomen Theodeberto conuenire fatebitur, qui animaduernerit Danos ab eo nauali proelio superatos, Regemque interfectum; susceptam una cum patre aduersus Toringos expeditionem; res in Septimania atque Prouincia viuo Theodorico gestas; in Italia, quam primus Francorum Regum ingressus est; obuias Ostrogothorum ac Romanorum copias fusas; bellum denique Iustiniano Aug. ac Constantinopolitanis denuntiatum. Theodeberti animi maturitatem non iniucundam, misericordiam, temperantiam, liberalitatem, consilium ac prudentiam in dubiis rebus, constantiam in aduersis, pietatem, ac beneficentiam absentibus ac nihil petentibus magna tribuentis laudat Aurelianus Arelatensis Episcopus in epistola ad eum scripta, & Fortunatus Presbyter in libri II Carmine XII his versibus,

Filia digna patris, te, Theodeberte, reformans,

Rexisti patriam qui pietate patris:

Et comitante Fide retulisti ex hoste triumphos;

Sed capti pretio mox rediére tuo.

Ecclesia fultor, laus Regni, pastor egentum,

Cura Sacerdotum, promptus ad omne bonum:

Cuius dulce iugum nullus genuisse fatetur:

Vini adhuc meritis Rex in amore tuis.

Vbi notandum est, quod ait Fortunatus, Theodebertum ad eò in omnes, qui opis indigere videbantur, beneficium fuisse, ut hostes etiam suos bello captos à dominis pecunià suà redimeret, domosque dimitteret. Quàm pius, religiosus, & in ditandis exornandisque Ecclesiis munificus idem fuerit, docet Faustus in libro de vita Mauri Abbatis, cum scribit Theodebertum venisse in Monasterium Glannasolium, & *regali indutum purpurâ* humi se prostravisse, aduolutumque pedibus Mauri, ac plenum lacrimarum petiisse, ut pro ipso Deum precaretur, seque ac filium suum Theodebaldum sancto viro & Monachis commendauisse, ac singulos osculatum esse, atque villam regiam nomine Boscum cum pallio pretioso, cruce aureâ, & lampadibus, Monasterio dedisse. Addit Faustus Abbonis sapientissimi hominis consiliis usum Theodebertum, & Florum, virum nobilissimum, piissimumque, Regi carissimum fuisse. Ex quo etiam cognoscitur ut Ostrogothorum in Italia, & paullo ante Vandalorum in Africa Reges, sic tum Francorum Reges in Galliis veste purpureâ fuisse conspicuos, qualem postea Leouigildus in Hispania Visigothorum Regum primus summisit dicitur. Quâ de re eo minùs dubitandum puto, quòd Faustus supradicti Monasterij Monachus non audita, sed visa refert, & à Theodeberto se inter ceteros osculo salutatum ait. Omittere non possum, quod in Historiæ libro III prodit Gregorius, Theodebertum omnibus virtutibus præcipuum fuisse, iuris & æqui amantem; bonum & clementem; Sacerdotum cultorem; Ecclesiis magnam tribuisse; multa multis beneficia contulisse; & omne tributum, quod Ecclesiæ in Aruernis positæ fisco inferre consueuerant, remisisse; ac Desiderato Verodunensi Episcopo querenti de Verodunensium paupertate, ac pecuniam mutuam flagitanti VIII millia aureo-

rum misisse, opidanis dispartienda, (quæ summa pro capto illorum temporum mediocri non erat) nec pecuniam postea repoposcisse, eaque largitione Verodunenses non subleuauisse modò, sed etiam ditauisse. negotiando enim rem omnes fecisse, itavt ætate Gregorij diuises haberentur. In relatione huiusce largitionis sine causa à Gregorio dissentit Aimoinus, cum ait Theodebertum *Regem Austrasiorum*, vel superiorum Francorum, quem rectè moratum, & affabilem fuisse scribit, orante Desiderato Episcopo Verodunensibus VIII millia solidorum aureorum, quotannis in fiscum inferri ab eis solita, benignè remisisse. Quippe nequaquam verisimile est vnus vrbis incolæ eoque pauperes tantum pecuniæ in annos singulos tum Theodeberto pependisse. Hic est Desideratus Verodunensis Episcopus, qui Concilio consensu Theodeberti Regis in vrbe Aruernis habito, & anno XXXVIII regni D. Childeberti R. Synodo Aurelianensi V interfuit. Vt appareat eum Theodeberto Regi superstitem vixisse. quamuis Gregorius dicat Theodeberto regnante Agericum à ciuibus suis in locum Desiderati Episcopi defuncti substitutum esse, & ab Syagrio Desiderati filio *post Theodoric* Regis *mortem* Siriualdum in villa sua Floriaco interfectum, propterea quodd Desideratum ad Theodoricum Regem accusando fecerat, vt Sacerdos insons non solum fortunis spoliaretur, sed etiam supplicii afficeretur. Ceterum optandum esset Gregorium sibi ipsi constare, qui velut oblitus tantopere laudati à se in Historia Theodeberti Regis, eundem *adulterum*, ob abductam à viro Deuteriam, & *superbum* appellat in libro de vita Nicetij, & cum ipsum sæpe ab æquitate discessisse, tum improborum scelera impunitate ac dissimulatione aluisse prodit, ob idque non rarò admonitum & castigatum esse à Nicetio Treuironum Episcopo, magnæ sanctitatis viro, ac tandem mitiorem melioremque factum. cui Principi, præter matrimonium cum Deuteria contractum, bellumque impulsu Childeberti Chlothario patruo suo illatum, nihil video quod obiici iure possit.

Admonet Theodeberti nomen de tribus epistolis,

quæ à Theodeberto Rege ad Imperatorem Iustinianum missæ feruntur, aliquid dicere. In yna earum Theodebertus Imperatori rescribit venisse ad se Ioannem, ac Misarium eius legatos cum muneribus, & litteris, quibus aditam paterni Regni hereditatem sibi gratulatur, patrisque sui memoriæ perfidiæ ac sacrilegij notas inuit. & perfunctoriè actis gratiis affirmat, pacem suam, variarum gentium domitorem, & innumerabilibus victoriis gloriofum, Imperatoribus, Regibus, ac cunctis nationibus fidem sanctissimam præstitisse; neque vllas vsquam Ecclesias diruisse; sed contrà multas ab idolorum cultoribus euerfas restituisse. In alia epistola Theodebertus Imperatori petenti, vt tria millia armorum Bergantino Patricio auxilio mittat, expectare se mandatis suis responsa rescribit. Idemque in tertia Epistola eundem, quæ gentes ac prouinciæ ditioni suæ subiectæ essent, quærentem docet, Regnum suum à Danubio flumine, ac finibus Pannoniæ ad Septentrionalem Oceanum pertinere: hortaturque, vt antiquum superiorum Principum cum Francis foedus seruet. Quæ omnia optimè in Theodebertum minorem, in maiorem nullo modo conueniunt. quamuis & ille (vti Procopius & Gregorius docent) sæpe ob Italiam legatos ad Iustinianum, in primis Secundinum quemdam & Mumolum miserit. Neque enim Flavius Iustinianus de Theodorico, Theodeberti patre, quicum nihil ipsi vquam rei fuit, quique nulla extra Germaniam ac Galliam bella gessit, queri meritò potuit: neque in Theodebertum ipsum, propter occupatam contra foedus Italiæ partem, non inuehi potuit. qua de re verbum fieri in hiscè litteris haud animaduerto. Præterea amicitia, à prioribus Imperatoribus cum Francis iuncta, quam Mauricius Aug. in epistola ad Childebertum *priscam* appellat, à Theodeberto priore *antiqua* dici non debuit, cum eam Anastasius primus Imperatorum Orientis ante annos minùs XL missis ad Chlodoueam Francorum Regem legatis appetiuerit. Vt omittam Bergantini huius Patricij in Italia bellum gerentis nullam à Procopio & ab Agathia, qui res gestas Iustiniani scri-

psere, fieri mentionem. Tres itaque supradictas epistolas malè inscriptas esse credo, nec à Theodeberto maiore ad Iustinianum Aug. sed à Theodeberto posteriore ad Imperatorem Fl. Mauricium Tiberium missas, qui Childebertum, eius patrem, Langobardorum, Varnorum, Baioariorum, aliarumque multarum gentium victorem, violatæ fidei, & euerfarum Ecclesiarum mortuum arguebat: propterea quòd, ob bellum Langobardis inferendum L. millibus aureorum acceptis, eisdem pacem vendiderat. Vnde Romanus Patricius, qui Mauricij principatu Italiam administravit, Childeberto scribens orat, ne Romanos (hoc est Italos) à Francis diripi; aut captiuos abduci; neve, sicut antea factum erat, vlla ædificia incendi patiatur. Nec dubito, quin Andreas, de quo legato in secunda epistola fit mentio, is sit, quem *Andream virum Magnificum* Romanus appellat, indicatque Mauricij Aug. mandata ad Childebertum Regem detulisse. Sanè Theodoricus quoque, Theodeberti minoris frater, apud Theophylactum dicitur per Bosonem & Bettonem legatos venalem Mauricio belli aduersus Abares gerendi societatem obtulisse. Quamquam Theophylactum falli, & quæ Langobardis conueniunt, de Hunnis Abaribus dicere existimo: quòd Langobardi à finibus Regni Theodorici solis Alpium iugis discludebantur; eique Abares petenti per Theodeberti prouincias iter faciendum erat. & Paullus, Aimoinus, ac Sigebertus scribunt; cùm Hunni Abares ex Pannonia in Toringiam post Childeberti mortem erupissent, ibique grauissimum bellum Francis inferrent, Brunichildim Theodeberti ac Theodorici auiam, quæ nepotes puerulos, Galliásque ac Germanias regebat; Sigiberti quondam viri sui exemplum imitatam, datâ pecuniâ pacem redemisse.

Mortem Theodeberti Regis mors Parthenij confestim secuta est. Fuerat Parthenius Theodeberti Consiliarius, vir inhumanus & ferus, qui Papianillam vxorem, & Auxanium amicum suum adulterij suspectos infontesque interfecerat. Hunc Franci Australij magno odio habebant, propterea quòd eius impulsu grauius si-

bià Rege tributa imposita esse meminerant. Quem igitur viuo Theodeberto violare ausi non erant, eodem mortuo destitutum persequi cœperunt. Ille posteaquam se in periculo mortis esse vidit, ex vrbe Mettis profugit, & à duobus Episcopis suppliciter petiit, vt ipsum Augustam Treuironum secum ducerent, populique sæuientis iras sua oratione lenirent. Ingressi Treuiros Episcopi, cùm seditionem comprimere, ac furentium animos mitigare non possent, Parthenium arcâ claudunt vestimentis Ecclesiasticis opertum, arcâque in Ecclesia deponunt. cuius omnes angulos scrutati mox Franci, diu multumque quæsito, nec vsquam reperto Parthenio, arcam referari iubent, negantibusque custodibus quidquam ibi præter ornamenta Clericis conuenientia clausum contineri, ni celeriter aperiatur, denuntiant se eam effracturos. Tum verò referatâ arcâ, remotisque linteis, plaudentes Parthenium producunt, hominem pugnis cædunt, & conspuunt, ac demum ad columnam alligatis post tergum manibus obruunt saxis.

ICXLVIII Theodebaldus, Theodeberti Regis ex Deuteria filius, patri defuncto successit: quem tum puerum admodum, & sub nutritio fuisse Procopius in libro IV belli Gothici & Agathias scribunt; Aimoinus contrâ iam virum. Habere tum Theodebaldus potuit annos XIII; si Gregorio credimus, qui Theodebertum initio regni Deuteriam in matrimonium duxisse, & quartodecimo imperij anno decessisse tradit.

ICXLIX Quo anno Theodebertus obiit, trans Alpes clades nostris illata est. quippe Lanthacarium Ducem Francorum, quem Theodebertus in Italiam miserat, post Consulatum Basilij anno VII cum Romanis pugnauisse, fûsumque ac cæsum esse prodit Marius in Chronico.

Theodeberto, Theodorici priuigni sui filio, non diu superstes vixit Chrothildis Regina. siquidem paullo post eius mortem Cæsaroduni Turonum annis LXX maior III Nonas Iunias decessit, & Luteciam Parisiorum delata, magnâ pfallentium frequentia, arque in sacrario Basilicæ S. Petri, quam exstruxerat, à filiis suis Chil-

Childeberto & Chlothario Francorum Regibus iuxta Chlodoueam sepulta est. femina omnibus virtutibus prædita; pia; liberalis; benefica; pudica; de Christiana religione & de Francis optimè merita, quorum omnium in Chlodoueo Rege viro suo idololatriam expugnauit.

Per idem tempus Chlotharius Francorum Rex edixit, vt Regni sui Ecclesiæ tertiam partem reddituum fisco inferrent. Quod cum omnes Episcopi, Augustam SueSSIONUM contracti, consensu & subscriptione sua non sponte comprobauissent, intercessit Iniuriosus Turonicus Episcopus, negauitque se subscripturum, ac tantam Ecclesiæ iniuriam fieri passurum: adiiciens, si Rex Ecclesiis res adimere suas velle perseveraret, Deum ei Regnum vitamque breui erepturum. neque enim æquum esse ditari cum patrimoniis egentium, quos ipse de suo alere debeat. His dictis iratus Iniuriosus, ne salutato quidem Rege, Turonos repetiit. Qua verè sacerdotali libertate motus Chlotharius indictionem rescidit, missisque post Iniuriosum viris cum muneribus, veniam facti precatus est. Ex quo intelligitur Reges Francorū nihil tum oneris Ecclesiæ Gallicanæ, nisi consentientibus ac subscribentibus Episcopis, imposuisse.

In parte Britannicæ Armoricæ tum dominabatur Chanao Comes, cæde trium fratrum infamis. qui cum & Macliauum fratrem suum captum in carcere & catenis teneret, vellétque interimere, orante Felice Namnetico Episcopo ei pepercit: iurauitque Macliauus se fratri fidelem futurum, nec multo post violata fide, vt satellites ad se comprehendendum missos euaderet, ad alium Comitem Britannorum, nomine Chonomorem perfugit. Is cum inquisitores appropinquare sentiret, Macliauum capulo clausum humauit, ita facto tumulto, vt per paruum spiraculū de cælo animam posset ducere. Eo commento illusi Chanaonis satellites, postquam super tumultum læti biberant, Domino suo renuntiant Macliauum mortuum ac sepultum esse. quo audito Chanao Regnum eius totum recepit. At Macliauus velut rediuiuus existens ab inferis Venetos urbem petit, ibique tondetur, & Episcopus constituitur. sed vt erat

leuis & temerarius, mortuo Chanaone capillos promissit, & vxorem, quam post Clericatum dimiserat, cum Regno fratris recepit. quam ob causam Episcopi ei facris interdixere. Ceterum non dubito, quin Chonomeres Britannorum Comes à Gregorio dictus, is sit, quem Auctor libri de vita Leonorij Episcopi *Commarum* appellat, & quem, Childeberto priore in Francia regnante, vxorem Rigualdi Ducis Britanni viduam in matrimonium accepisse, ac priuignum suum Iudualum, quamdiu ipse vixit, à dignitate paterna exclusisse tradit: quique in vita *Gildæ Conomerus* vocatur, & *tyrannus* in Britannia fuisse dicitur ætate *Gildæ*, ac *Childerici Fræcorum Regis principatu*, magno errore: cùm Paullus *Gildæ* condiscipulus Childeberto regnante floruerit. quo etiam tempore Indualis cognomine Candidus, hoc est (vt puto) Iudualus, Rigualdi Ducis filius, Domnonensium in Britannia Dux erat: quemadmodum Auctor libelli de vita Paulli Episcopi memoriæ prodidit.

101.

Post Consulatum Basilij anno IX Vesigothi, iugulato Theudisclo, Agilam Regem consalutauere. è quibus Theudisclo post Consulatum Basilij V. C. anno II, & Agilam eo mortuo post Consulatum Basilij anno IV regnare occœpisse falsò tradit Auctor Appendicis Chronico Victoris Tununensis Episcopi adiunctæ.

1011.

Post Consulatum Basilij anno X, belli Gothici XVII Flavius Iustinianus Aug. Leontium Senatorem, Athanasij generum, ad Theodebaldum Francorum Regem legatum misit, qui ab eo postularet, vt arma secum aduersus Totilam & Ostrogothos consociaret, cederetque opidis & castellis Italiæ, quæ Theodebertus contra ius fœderis occupauisset. Leontius, vbi ad Theodebaldum venit, ita locutus est. Nonnullis forsitan, præter spem expectationemque accidere aliquid potuit: qualia verò Romani à vobis passi sunt, alij contigisse puto nemini. Quippe Iustinianus Aug. non prius Ostrogothis aperte intulit bellum, quàm Francorum amicitiam & societatem data ingenti pecunia redemisset. at illi non modò nihil earum rerum fecere, quas promiserant, sed etiam tanta Romanos iniuria affecere, quan-

tam ne suspicari quidem quisquam facillè possit. Pater enim tuus Theodebertus occupauit nihil ad se pertinentes prouincias Italiæ, quam Imperator magno labore magnisque periculis sine Francorum auxilio in suam ditionem redegerat. Quamobrem nunc ad te venio, non antefacta criminaturus, sed ea postulaturus, ac moniturus, quæ tibi ipsi sint profutura. nimirum vt felicitatem confirmes tuam, & sua habere Romanos finas. (Sæpe enim potentissimis, & multa ac magna obtinentibus paruæ alicuius rei iniusta possessio causa exitij fuit: propterea quòd raram facit misturam cum iniquitate secunda fortuna) præterea vt patris promissum præstes, fidemque liberes, bellum aduersus Totilam nobiscum gerendo. siquidem maximè liberos decet parentum malefacta corrigere, & benefacta confirmare ac rata habere. Huiusce autem belli societatem cum Romanis te etiam non inuitatum ac rogatum inire oportebat. Nam cum Ostrogothis nobis res est, qui Francis hostes semper & infidi fuerunt, eisque tætra & atrocia bella numquam non intulerunt. Qui nunc quidem metu Romanorum & necessitate impulsus tibi adulari, & tuum auxilium implorare non dedignantur: si verò armorum nostrorum metu liberati fuerint, non multo post suum erga Francos animum apertè nudabunt. Quare cum Imperatore amicitiam & fœdus renouare ne dubita, & in veterem hostem totis viribus factas iniurias vindicare. His Theodebaldus Francorum Rex ita respondit. Ad societatem belli aduersus Ostrogothos nec rectè nec iure nos inuitatis. sunt enim nunc nobis amicitia iuncti. quibus si parum stabiles, inconstantésque se Franci præstitèrint, ne Romanis quidem fidi sunt futuri. Quod autem ad loca Italiæ mihi subiecta pertinet, Theodebertus pater meus nec quemquam finitimum violauit, nec alienis manum adiecit. cuius rei nullum afferre certius testimonium possum, quàm quòd eius hereditate nihilo sum opulentior factus. neque idem supradiçta loca Romanis eripuit, sed à Totila possessore destituta, ac velut palàm tradita occupauit. Quo de facto Imperatorem Iustinianum gratulari Francis

maximè oportebat. nam qui raptores rerum suarum ab aliis spoliatos videt, nisi obstat inuidia, iustâ ultione lætari consuevit, & meritam eos factæ sibi iniuriæ pœnam pendere arbitratur. Sed vtrique totam controuersiam ac disceptationem Iudicum fidei committere possumus, vt si quid patrem meum Romanis eripuisse paruerit, hoc sine mora necessariò restituam. Hisce de rebus legatos Constantinopolim non multo pòst mittam. Sic locutus Theodebaldus Leontium Athanasij Præfecti Prætorio Italiæ generum dimisit, & Leudardum, hominem Francum, vnà cum tribus aliis, legatum ad Iustinianum Aug. misit, vt in belli Gothici libro IV tradit Procopius. Legati ex sententia rem confecèrè. nisi quòd à Iustiniano, acta Concilij Calchedonensis infirmare conante, impetrare non potuère, vt Vigilium Papam, & Datium Mediolanensem Episcopum Constantinopolim euocatos, ac indignè tractatos, ob idque sibi per litteras ab Clericis Italiæ commendatos in suas sedes restitueret.

10 LII.

Indictione XV post Consularum Basilij V. C. anno XI in Hispania bellum ciuile oritur. Theudisclo Regi à coniuratis iugulato Hispali, quæ tum Vesigothorum regia erat, successerat Agila: qui cum popularibus grauis ac iniquus esset, Athanagildus, vnus ex Optimatibus, regni cupiditate impulsus, ab eo tertium principatus annum agente defecit, atque auxilium à Iustiniano Aug. petiit. Imperator totum Occidentem iamdudum Orienti adiungere cupiebat. Igitur oblatâ occasione lætus Liberium Patricium cum classe in Hispaniam misit, vt sub specie ferendi Athanagildo auxilij prouinciam tentaret. Agila apud Cordubam victus acie, amisso filio cum magnis copiis omnique gazâ regiâ, Emeritam fugit; nec multo pòst (vt ait Rodericus) exercitus, quem aduersus Athanagildum miserat, ab eo Romanis auxiliis adiuto deletur; Liberio interea opida Hispaniæ non pauca facilè occupante. Quare cum animaduernerent Vesigothi suis se gladiis iugulari, timerentque maximè, ne milites Romani occasione vsi Hispaniam subigerent, obliti sacramenti Agilam V regni

anno Emerita occidunt, & Athanagildo se tradunt. Sic potitus rerum Athanagildus milites Romanos, quibus adiutoribus Agilam vicerat, postea Regni sui finibus expellere non potuit, bellumque cum eis diu variâ fortunâ gessit, partemque urbium, quas ceperant, recuperavit. Vnde Agathias in Historiæ libro v tradit eo tempore milites Romanos partim in Italia, partim in Africa, *partim in Hispania*, & aliis prouinciis fuisse collocatos. At Liberius Patricius, Dux Romanorum, posteaquam vrbes aliquot Hispaniæ occupauerat, oram maritimam Aquitaniæ classe infestam habuit, ac Burdigalam Biturigum Viuisorum oppugnauit. Quod enim Suidas scribit, *Belisarium circa Burdigalam urbem Gallia frequenter pugnasse*, id ego emendandum, & in locum Belisarij *Liberium* restituendum puto. quippe constat Belisarium extra Africam & Italiam nulla vîquam in Occidentis partibus bella gessisse. Liberius iste Patricius, quem in Hispaniam cum exercitu à Iustiano missum ait Iordanes, grandis natu fuit, tum cum ei aduersus Agilam Vesigothorum Regem expeditio mandata est. idem enim multis antè annis, sub Theoderico & Athalarico Ostrogothorum Regibus, Præfectus Prætorij Galliarum fuerat, multum ob merita, & ob vulnera in bello accepta à Cassiodoro Senatore laudatus: & Basilicam, quam Arausione exstruxerat, ab Episcopis Prouinciæ Decio iuniore Consule dedicandam curauerat, statutisque Concilij Arausicani subscripserat, non modò Præfecturâ Prætorij Galliarum, sed etiam Patricia dignitate iam tum illustis. postea legatus à Theodahado Rege vnâ cum Opilione ad Iustinianum missus, apud eum remanserat, & aduersus Totilam in Siciliam cum classe missus ab Imperatore, breuique Constantinopolim reuocatus fuerat anno belli Gothici XVII, post Cōsulatum Basilij X. vt tradit Procopius, ^{1011.} qui Liberium modò *Senatorem Romanum*, modò *Patricium ex vrbe Roma*, nonnumquam *virum Romanum*, extremæ senectutis, ac belli artium imperitum appellat: vt appareat eum Patricium Occidentalem fuisse. In Hispaniam missus post ab Imperatore Francio Dux

Cantabrie in ditionem eius redactæ præfuit. quem Francionē Fredegarius, ac Aimoinus decepti nomine tributa Francorū Regibus pependisse scribunt: eoque mortuo à militibus Romanis, quibus tuendi limitis Hispaniæ cura mandata erat, Cantabriam receptam, deinde à Flauio Sisebuto Rege Vesigothorum occupatam dicunt. Paullus in libro tertio rerum Langobardicarum tradit Francionem hunc ipsum in Italia Magistrum militum fuisse, vnum ex his, qui sub Narſe militauerant: & Langobardis terram Italiam vexantibus, per annos viginti munitissimam insulam in Lario lacu, Comacenam à finitimo opido Como, & Lariensem cognominatam, tenuisse: ibi semestrem obsidionem fortiter tulisse: tandēque traditā Flauio Authario Langobardorum Regi insulā, cum coniuge, ac supellectile Rauennam sese recepisse. Ceterū Romani, qui Iustiniani iussu Hispaniam Liberio duce ingressi erant, virtute, concordia, Hispanorū affinitatibus, ac etiam missis ab Imperatoribus ex Africa & Italia auxiliis adeo creuere; vt neque ab Athanagildo, neque ab eius successoribus ex Hispania expelli potuerint, vixque post annos ampliū XXX Suintila Vesigothorum Rex vrbes, quas occupauerant, receperit. Hi sunt Romani, quos Ioannes & Isidorus in Chronicis, & Paullus in libro III rerum gestarum Langobardorum *Milites* absolutē vocant, Gregorius in Historiæ libro V contumelioso tum nomine *Græcos* appellat. Nimirum milites Romani à Iordane, Procopio, & Gregorio Magno, ceterisque eorum temporum Auctoribus plerumque *Milites*, & Στρατιῶται simpliciter dicuntur, vt Imperium Romanum Πολιτεία atque *Respublica*.

Eodem anno, quo Liberius Patricius Hispaniam petiit, Narſe eunuchus, ex Præposito sacri Palatii, ex Conſ. atque Patricius, cum magnis copiis, & Langobardorum, Erulorum, Hunnorum etiam, ac Persarum perfugarum mercenariis auxiliis, à Salona opido Dalmatiæ mouit, traiectoque sinu Liburnico, quem alij sinum Polaticum, alij Flanaticum appellant, omnem exercitum exposuit Polæ. inde per Istriam, & Venetiam iti-

nere facto ad amnem Atesim peruenit, missoque nuntio postulauit à Francorum Ducibus, qui finitimos locos prædiis tenebant, vt ipsis sociis & amicis transitum darent. Illi Narsæ renuntiare iubent hæc se facere nullo modo posse, suæ vtilitatis, & erga Ostrogothos beneuolentiæ magis quàm commodi Romanorum habendam esse rationem rati: atque hancce parum speciosam & honestam dictu negationi transitus causam prætendunt, quòd Narses Langobardos, hostes Francis infestissimos secum duceret. Tum Narsen, dubitantem quid ageret, quidam Itali docuere, si Franci in eo proposito perseverarent, à loco vbi erant vsque ad Veronam transitum tentari non posse, quam urbem Teia Ostrogothus, vir fortissimus, valido præsidio tuebatur. Hærebat itaque Narses inops consilij, donec Ioannes, Magister militum, locorum peritus per maritimam Venetiæ oram Romanis parentem duxit exercitum, fossæque ac paludes, Septem Maria dictas, in quas se Padus effundit, ponte è nauibus facto iunxit. Sic traductis copiis Narses Rauennam intrauit. Quam autem ob causam tantæ Francos inter & Langobardos inimicitie tum fuerint nescio. Nam & antea Theodebertus Francorum Rex Wisigardim Waconis Langobardorum Regis filiam in matrimonium duxerat, atque ad Audoinum, Waltarij Waconis filij tutorem successorémque, legatos de consociandis aduersus Iustinianum Aug. armis miserat: & paullo post Theodebaldus Francorum Rex Vuldegradam, sororem Wisigardis, vxorem duxit; ac Chlodouinda, Chlotharij maioris filia, Alboino Langobardorum Regi collocata est. quæ affinitates nisi inter amicos fieri non solent. Nisi fortè ex eo inter ambas gentes inimicitie ortæ sunt, quòd Audoinus Langobardorum Rex Herminafridi Toringorum Regis filiam matrimonio sibi iunxerat, (vt ait Iordanes) ob idque bellum Francis illaturus, & Amalafridum fratrem vxoris suæ in paternum Regnum reducturus videbatur. Apud Menandrum dicitur Narses ad Hamingum Ducem Francorum, qui in Atesis vltiore ripa confederat, Pamphronium Patricium, & Bonum Pro-

Rauennam p. 262.

10111

curatorem rerum priuararum misisse petitem, vt ex eo loco discederet; neu ruptis indutiis irerum bellum aduersus Romanos excitaret. quibus Hamingus respondit, quamdiu hastam dextrâ vibrare posset, se cessurum non esse. Narfes Valeriano adiunctus, superato flumine Arimino, ad Apenninum peruenit, ibi apud Busta Gallorum (hoc loco nomen est) cum Ostrogothis vno prælio debellat, ac Totilam Regem, antea semper inuictum, numero magis & paratu militum quàm virtute fundit, fugientemque interficit, anno regni XI, post Consulatum Basilij pariter XI, confestimque Langobardos, qui, ex victoria assumptâ peccandi licentiâ, omnia stupris incendiisque foedabant, auxilij causâ magna pecunia donatos domum dimittit. Quidam auctores sunt Totilam, ante prælium à milite Romano insciente necopinantem iaculo ictum, ex vulnere paullo post interiisse, atque Ostrogothos amisso Rege pauidos faciliè ab Narfe deuictos caelosque esse. Valerianus, post deductos vsque ad fines Italiæ Langobardos, castra ante Veronam posuit, tamquam urbem eam oppugnare constituisset. cui cum Ostrogothi ibi in præsidio collocati sese ipsos, ac urbem dediruros promississent; cognita re Franci, qui finitima Venetiæ obtinebant loca, nec Romanam vicinitatem amabant, totis viribus prohibuere, regionem velut ad ipsos pertinentem sibi vindicâtes, & Valerianum cum exercitu irritum discedere coëgere. At Ostrogothi, quotquot prælio supererât, traiecto Pado, Ticinum peruenere, & Teiam Frigidigni filium Regem ibi appellauere. qui suos Romanis impares videns, legatos ad Theodebaldum Francorum Regem misit, eumque pollicitationibus ingentis pecuniæ ad belli socieratem pellicere frustra conatus est: propterea quod Franci nec pro Ostrogothis, nec pro Romanis pugnare, & sanguinem more mercenariorum profundere volebant, sed Italiam in dirionem suam redigere, & eius subigendæ causâ per se ipsi bellum gerere cupiebant. Interea Narfes Narniam, Spoletum, Perusiam, Romam, Portum Augusti, Nepetam, ac Petram Pertusam occupat; & Cumas, urbem Campaniæ munitissimam, in arduo colle

colle ad mare Inferum positam, quò Totila pleraque spolia Italiæ & insignia regia contulerat, oppugnat: Teiámque obsessis subsidio venientem, náuibus exuit, commeatu intercludit, directâ acie fortissimè pugnantem interficit, imperij Domini Iustiniani perpetui Aug. anno XXVI, post Consulatum Basilij V. C. anno ^{1511.} XI, belli Gothici XVIII. A Procopio, quem secuti sumus, Victor, Mariúsque dissentiunt: è quibus Victor Totilam à Narse eunucho Patricio proelio superatum post Consulatum Basilij anno XIV periisse dicit: Marius Totilam vel Baduilam post Consulatum Basilij anno XII ^{1514.} Indictione I interfectum, Teiam insequenti anno cæsum est auctor. Ostrogothi tot continuis incommodis infracti, & ad paucos redacti, pacem à Narse petunt, ac impetrant, & se de opidis præsidia deducturos, ac totâ Italiâ excessuros; nec vmquam ampliùs Romanis bellum illaturos iurant. Ostrogothi circiter mille, qui iurare nolebant, ex castris egressi Ticinum opidum & alia trans Padum loca Hildufo transfuga duce repetiere, sicuti ait Procopius. Quamquam è contrario Agathias Scholasticus in Historiæ libro I prodit conuenisse, vt Ostrogothi in Italia securi remanerent, sub ditione Imperatoris futuri. ita pace facta domum omnes rediisse, & alios quidem in Tusciam, alios in Liguriam, & in Venetiæ opida ac castella reuertisse.

Breui apparuit arma victos, non odia deposuisse, Ostrogothi enim Circumpadani, externæ dominationis intolerantes, cùm paucò tempore sese continuissent, fidémque seruauissent, mox res nouas moliri cœperunt. Regnabant tum apud Francos Childebertus, Chlotharius, & Theodebaldus, quorum priores duo sedes longè ab Italia remotas habebant: posterior Liguriæ, Venetiæ, & Alpium Cortiarum partem non minimam obtinebat. Ad Theodebaldum igitur Francorum Regem legatos mittunt Ostrogothi, qui dicerent, tempus esse genti cum finitimæ ac fœderatæ subuenire: expelli se à Iustiniano Italiâ, quam Theodericus Zenonis permisso intrauerit, ac Turcilingis ademerit: & Amalasuenthæ vindictam, speciosum titulum nefario latrocinio

præferri. nisi celeriter magna sibi auxilia mittantur, partem huius calamitatis ad Francos recasuram. Quid enim aliud velle Romanos, nisi liberis populis, quos contumeliosè Barbaros appellant, seruitutem iniungere? Sic nuperrimè sub specie auxiliorum à Iustiniano missum esse in Hispaniam exercitum, Vesigothis, ni caveant, exitio futurum, neque dubitari oportere, quin idem, vt victis Vandalis Africam subegisset, & inuitatus successu, ob vnius noxam, Ostrogothis bellum intulisset, ac Italiæ manum inieciisset; ita Galliam, partem quondam Imperij Romani, occupatam à Francis esset repetiturus. Certè non semel eum iactasse, atque scripsisse, gentes omnes, amissas secordiâ Romanorum, se recepturum sperare. Videret itaque, ne vicinum incendium, suâ negligentia auctum, mox ad ipsum transfret. quod ne accidat, in eius nunc potestate positum esse. Hæc oratione Theodebaldus, puer valetudinarius, ignauus & imbellis, non admodum commouebatur, neque pro gente pæne funditus euersâ fortunam tentandam existimabat. Erant tunc in Aula Procerum omnium dignitate & potentia facilè primi Leutharius & Buccelinus fratres, natione Alamanni, quos Theodebertus Rex popularibus suis Duces præposuerat. Hi permittente magis quàm assentiente Rege cum Ostrogothis belli societatem ineunt, celeriter Francos, atque Alamannos ad LXXV millia cogunt, Alpèsque transcendunt tanta cum contemtionem hostium, tantâque virium fiducia, vt Narsem, eunuchum breuem ac macrum, nec in virorum, nec in mulierum numero habendum, & lanificio, quàm armis aptiorem, qui Ostrogothis adedè timori esset, primum suorum impetum laturum negarent, totiûsque Italiæ ac Siciliæ imperium sibi promitterent. Peragratâ Liguriâ, Padum superat Francorum exercitus, ac Parmam opidum occupat. Quæ cognita re Narfes Fulcarim, Erulorum foederatorum ampliùs trium millium equitum Ducem, cum Ioanne, Valeriano, & Artabane Magistris militum, & cum copiarum suarum parte maiore ac validiore in Æmiliam mittit, & ad flumen Padum castra facere, munitioribûsque lo-

cis occupatis hostes reprimere ac itinere prohibere, sin autem propter paucitatem id facere non possent, saltem eosdem morari, & ne audacter ac liberè vagarentur, obseruare iubet. ipse post ordinatas res Tusciam se venturum confirmat. Fulcaris, Dux non minùs temerarius, quàm strenuus, incomposito agmine, minimè exploratis locis, Parmam raptim contendit. Qua lætus occasione Buccelinus lectâ virorum fortium manum in Amphitheatrum non longè ab vrbe situm condit, Barbarosque effusos ac temerè progressos subito eruptione facta fundit fugâtque, Fulcarim ipsum interficit. Eâ victoriâ Leutharius & Buccelinus tantum auctoritatis & nominis sunt consecuti, vt Ostrogothi Æmiliam, Liguriam, finitimâsque prouincias incolentes, qui cum Romanis necessitate coacti pacem ac belli societatem inierant, apertè fœdus rumperent, & ad Francos morum similitudine sibi coniunctos sponte transirent, suarumque eis urbium portas aperirent. contrâ Ioanni & Artabani Romanorum Ducibus tantus iniectus est metus, vt statim Fauentiam se contulerint, quæ abest ab vrbe Parma ampliùs millia passuum XC.

Dum hæc apud nostros geruntur, Narses, exercitus parte ad oppugnationem Cumarum relictâ, per Latium in Tusciam copias perducit: Florentiam Tuscorum, Centumcellas, Volaterras, Alsium, ac Pisas occupat: & vbi de Fulcaris clade cognouit, milites nuntio consternatos oratione confirmat, Lucensésque tertio quàm obsederat mense, frustra dehortantibus Francis, qui ibi in præsidio erant, deditionem facere cogit. Eodem tempore Aligernus, Fridigerni filius, Teiæ quondam Ostrogothorum Regis frater natu minimus, vir manu strenuus, cùm intelligeret Francos, si bello Romanos vicissent, Ostrogothis sub specie societatis Italiam ac libertatem erepturos, seipsum, Cumâsque Romanis deditit: missusque à Narse Curuam Cesenam, Francos per fines Regiensium, Mutinensium, Bononiensium, Forocorneliensium, & Fauentinorum itinere factò urbem prætereuntes, vt iussus erat, irrisit ex muro, clamitans serò eos venisse, ac frustra festinare, iam enim Cumis,

& vnà omni regia pecunia vestéque , ac supellectile , ad quæ occupanda properarent , potiri Romanos , adèd vt si quis ab Ostrogothis Rex salutaretur , regiis insignibus esset cariturus. Aligerno Franci conuicia regerebant , & perfidum , proditorémque popularium suorum appellabant. Nihilominus tanta spe frustrari mox de summa rerum deliberant , domum redire placeat , an progredi. superat sententia eorum , qui in expeditione perseverandum esse censebant. Paulo pòst accidit nostris aliud incommodum. Franci ad duo millia equitum & peditum , à Ducibus ad depopulandos agros & exploranda itinera missi , circa Ariminum pecus abigebant. Erat tum Arimini Narfes cum Theodebaldo Varnorum fœderatorum Duce , qui indignatus sub oculis suis audacter prædam hostes agere , in eos trecentis equitibus comitatus eruptionem fecit. Et Franci quidem pedites ab vtroque latere equitibus suis , à tergo densa silua tecti , primum conferti ac immobiles iunctis scutis tela Romanorum excipiebant , sic vt primi ordines laxari perfringsque non possent. Tum Narfes , posteaquam nihil proficiebat , simulatione fugæ eos longè à silua protractos in apertum campum perduxit , & incompósitos ac effusè insequentes ex improviso aggressus , pedites circiter nongentos cecidit ; equites coniecit in fugam. cùmque animaduerneret Francos natura æstus esse intolerantissimos , nec libenter æstate bellare , frigore autem tamquam re cognata & patria vegetos , robustissimósque , ac laborum patientissimos fieri , expeditionem in ver differre constituit , missisque in hiberna copiis , & Rauennæ rebus ordinatis , Romæ hiemauit.

Inrerea Franci lento agmine loca , quaquà ibant , omnia depopulabantur , atque vastabant , ac Flaminiam emensi , pèrque Picentes , Marrucinos , ac Pelignos itinere factò Samnitium fines intrauerant. quò vt peruentum est , Duces copias inter se diuiserunt. & Buccelinus quidem accepta exercitus parte maiore ac validiore , dextrum iter ingressus , prouincias Tusco mari appositas Campaniam , Lucaniam , & Bruttios , Rhegio & Freto Siciliensi tenus , populando peragrauit. Leutha-

rius verò sinistram carpens viam, vastatâ Apuliâ, & Calabriâ vsque ad Hydruntum, quo ex opido finis Adriatici maris, & initium Ionij despicitur, peruenit. sic ambo diuersis itineribus omnem Italiam sunt peruagati. Qua in expeditione Francos, rectè de Deo sentientes, & eandem quam Romanos religionem colentes, in locis sacris piè ac reuerenter se gessisse, Alamannos autem, nondum Christianæ religionis mysteriis initiatos, Ecclesias spoliauisse, detexisse, ac diruisse, sanguine etiam humano polluisse Agathias scribit. Accidit tum, quod in Dialogorum libro tradit Gregorius Romanus Episcopus, vt Buccelino Campaniam ingresso, Franci aliquot in Monasterium Honorati viri sanctissimi apud Fundos positû, vbi multas pecunias esse audierant, irrumperent, & magnis clamoribus Libertinum Præpositû loci requirerent, ac caligantes videre non possent, in quem humi prostratum ac orantem impingebant, sicque ex Monasterio vacui egredi cogerentur. Ineunte æstate cupido incessit Leuthario grauem prædâ exercitum domum reducendi, ac rapto fruendi. Itaque ad Buccelinum nuntios misit, qui suaderent, vt celeriter rediret, incertoque bello ac Ostrogothis valediceret. cognitoque eum, indutum spe regni ab Ostrogothis ipsi promissi, cum Romanis se prælio decertaturum iuravisse; nihilominus excedere Italiâ, & postquam domum venisset, ac prædam in tuto loco deposuisset, auxiliares fratri copias mittere instituit. sed nec ipse in Franciam reuerti, nec fratrem supplemento militum adiuuare potuit. Regrediens igitur Leutharius sine vlllo detrimento exercitus iter fecit, donec Picenum emensus ad opidum Flaminiae Fanum Fortunæ peruenit: ante quod opidum positis castris aduersam fortunam expertus est. Cum enim millia hominum tria non solum ad exploranda vltiora, sed etiam ad hostem, sicunde appareret, fundendum ex more præmisisset; Artabanes Persarmenius, & Huldac Hunnus, qui cum Romano exercitu Hunnisque fœderatis Pisauri occasionem bene gerendæ rei speculabantur, in eos per Hadriæ litus iter facientes, murisque appropinquantibus conferti eruperunt, ac mul-

tos deimprovisò occiderunt. nonnullos per prærupta
 litoris fugâ enifos, móxque ex colle recto atque præ-
 cipiti deuolutos mare hausit. Cùm plurimi eo modo
 periissent, reliqui incompositè terga vertere, & cum
 magno clamore ac fletu ad suos reuersi trepidatione &
 tumultu castra impleuere, atque quod ipsi credebant,
 subitò affore Romanos commilitonibus persuasere. I-
 gitur Leutharius omnes armari & ad prælium parari
 iubet, phalangéque ita facta, vt densa ac nihilominus
 in longum extenta esset, obuiam hosti proficiscitur.
 Sed Artabanes & Huldac Duces, propterea quòd nu-
 mero impares ad pugnandum erant, iam Pisauri mu-
 ris incluserant sese, neque ex opido suas copias eduxere.
 Tum Franci reuersi in castra iacturam priori damno gra-
 uiolem se fecisse cognoscunt. plurimi enim captiuo-
 rum, qui incustoditi remanserant, hostium occupatio-
 ne tamquam occasione sua vfi, celerrimè profugerant, &
 sese, ac vnà quidquid spoliolum diripere potuerant, in
 proxima castella contulerant. Quamobrem priusquam
 grauiora paterentur, confestim mouenda castra, & ex
 opido Fano Fortunæ discedendum statuunt, execrati-
 que locum infortunatum & iactura prædæ suæ infamem,
 relicto Hadriatici maris arenoso litore, flectunt
 ad læuam, & secundum radices montis Apennini longum
 iter faciunt per prouinciam Æmiliam, Alpésque
 etiam Cottias, (vt Agathias ait) Padóque flumine diffi-
 culter superato tandem Venetiam ingrediuntur. Hic
 notare conuenit errare Agathiam Scholasticum, qui
 Fanum & Pisaurum prouinciæ Flaminie vrbes Piceno
 attribuat, easdémque non ad mare Hadriaticum, vt
 ceteri omnes, sed ad Ionium ponat. Franci, peragratâ
 magnâ parte Venetiæ, ad urbem eius prouinciæ Cene-
 tam, inter Feltriam & Belunum sitam, quæ tum Theo-
 debaldo Regi parebat, peruenere, ibi reficiendi sui
 causâ tutò statim habituri. Dolebant tamen, & in-
 gentis mæstitiæ notas præ se ferebant, quòd prædæ suæ
 partem maximam amisissent, & frustra tot terras emen-
 si, ac tantos labores passi esse sibi videbantur. Sed non
 hic eis calamitatis finis fuit. Quippe dum apud Cene-

tam conferti in artas domos vires refouent , subitò exorta pestilentia est , & contagione vulgante morbos, ad vnum omnes (si Agathiæ credimus) periere. Leutharius rabiosus , & spumans , & suos ipse lacertos lacerans exspirauisse dicitur. nonnullis apoplexia , aliis continua dementia, aliis varia febrium genera mortifera fuerunt. Quam cladem Romani irâ diuinâ illatam credebant : Franci , naturâ æstus intolerantes , partim mutationem ac corruptionem cæli , partim repentinam à labore ad otium conuersionem causabantur. Certè nusquam maior ac crebrior febribus, dysenterîâ, intestinorum leuitate, murium araneorum morsibus , & veneno strages exercituum nostrorum facta : nec vlla his prouincia Italiâ pestilentior fuit. Illa enim Theodeberti, Childeberti posterioris, Carolomanni, & Caroli fratrum copias; illa præter Leutharium, Lotharium Regem Caroli Magni pronepotem , Carolum Augustum , eiusdem nepotem , Ludouicum Regem Ioannis filium , Gislebertum , ac Odetum Duces absumsit. Quo magis gloriosissimi Principis Ludouici nuper nobis erepti vt laudanda virtus est , sic admiranda felicitas , qui vnde pauci ex maioribus eius sine aliqua clade domum redierunt , multi ne redierunt quidem ; inde expugnato Segusione , Hispanis à Casale reiectis , lætus saluum & victorem exercitum reduxit. siue Italiam , aduentu liberatoris sui recreatam, salubriores solito venti perflauerant : siue iustissimo bello elementa ipsa fauere oportebat.

Dum hæc in Venetiâ contingunt; Buccelinus agris, castellis , opidisque ferè omnibus , quacumque ierat, freto Siculo tenus, vastatis, copias circumegit, & hostes petendi, atque cum Narſe de summa rerum maturè dimicandi impetum cepit. quòd multi Francorum, fame & inopiâ pressi, (Narſes enim commeatus in munitissima loca comportari iusserat) ex crebro vuarum recentium ac multi vsu contracto alui profluuio , perierant ; reliquos vires deficiebant. Itaque antequam plures simili valetudine tentarentur, prælio contendere, ac bellum conficere cupiebat. Vt in Campaniam ve-

nir, Neapoli, & finitimis vrbibus, sicuti Constantinus Porphyrogenetus scribit, occupatis, castra posuit haud procul Capuâ, eâque rotis carrorum, modiolorum tenus in terram infossis stipitibusque ita munivit, ut vnum tantum exitum haberent, ad dexteram Casulino amni coniuncta: atque in Ponte Casulini, quem locum Leo Maricanus in libro I Chronici Cassinensis commemorat, turri ligneâ constitutâ, firmum ibi præsidium collocauit. Sic inscius, quanta in Venetia clades esset accepta, auxiliares fratris copias, ut conuenerat, expectabat, nec tamdiu moraturas fuisse, si nihil eis aduersi contigisset, suspicabatur. Quamquam etiam sine hoc supplemento militum victoriam de hostibus sibi promittebat, virorum fortium & bellicosorum millibus triginta subnixus, cum vix Narfes duodeuiginti millia variarum gentium haberet armata. Quare & ipse magna alacritate erat, & suos cohortari non desisteat, dictitans non de parua aliqua re, sed de Italia pugnatum iri, propter quam bellum gererent, & quam, si viri essent, nec inglorij omnes perire vellent, victis Romanis facile essent occupaturi. Qua oratione instincti Franci, & immodica confidentia elati sese ad proelium parabant. & alij quidem secures ancipites, vel bipennes, vulgò Franciscas à gente cognominatas; alij hastas, lanceasve, quas Angones vocabant, acuebant. quidam scuta rupta refarciebant. denique facillimè sua quisque arma suis manibus reficiebat. Tum enim (ut ait Agathias) simplex & parabilis erat Francorum armatura, nec variis artificibus indigebat. loriceis, & ocreis non utebantur, exceptis Regibus ac Primoribus gentis; equis admodum pauci: propterea quod more patrio pedestribus pugnis innutriti, & quotidiana exercitatione assuefacti erant. plerique capite erant nudo: galeis pauci tegebantur. gladio cincti & scuto tecti proelia inibant: nec arcubus, aut fundis, sed bipennibus tantum, & angonibus armabantur. has Sidonius *secures missiles*; illas, *lanceas uncatas* appellat in libri IV epistola XX. Erant autem angones hastæ mediæ magnitudinis, ferreis laminis ita vestitæ, ut præterquam in ima hastilis cuspe lignum

nuf.

nusquam nudum appareret. ex summo spiculo vtrimque prominebant vnci deorsum versùs incurui. In pugna Francus hanc hastam emittebat. & hostis quidem corpori si infixâ esset, facillè velli non poterat propter supradictos hamos ferreos, qui & hærebant penitus, & acerbos dolores mouebant, aded vt leue vulnus insanabile esset. si verò hasta scuto incidisset, ex eo perforato penderat, & circumagebatur, infimâ sui parte terram verrens: neque euelli propter vncorum tenacitatem, aut gladio abscindi propter ferreum tegumentum poterat. Quod simul ac Francus animaduertisset, confestim inuadebat impeditum hostem, ac pede calcans imum hastile, corporis sui pondere eius scutum deprimebat. quo remisso cùm aduersum os pectusque hostis nudaretur, securim fronti eiusdem insigebat, aut iugulum aliâ hastâ petebat. Militem Francum gladio, cuius capulus esset breuissimus, scuto, & vna securi armari solitum auctor est Procopius in belli Gothici libro II, securimque latissimo fuisse & acutissimo ferro, quâ Francus in primo excursu iactâ scuta perfringeret, hostesque interficeret.

Et talis quidem erat Francis armatus, atque ita tum, qui Buccelinum Ducem secuti erant, se ad prælium parabant. Narses autem Magister militum Romanorum, cognito Buccelini consilio, statim ab Vrbe cum suis omnibus copiis proficiscitur, & contra hostes castra ponit. Accidit tum, vt serui aliquot iussu Buccelini circum proximas villas profecti frumentatum, cum plaustris magna copia frumenti & reliqui commeatu onustis redirent in castra. Quod cùm Narses ferre non posset, Chanarangem strenuum hominem atque prudentem, natum in Armenia maiore Persis subiecta, quæ ob id Persarmenia vocabatur, frumentatoribus immisit. Ille paucis ex suo numero equitibus lectis celeriter inopinantes inuadit, iumenta agentes interficit, plaustrisque poritur. è quibus vnum feno arido onustum ad turrim ligneam in ponte Casulini à Buccelino constitutam admouit, subiectoque igne eam incendit, vix vt Francorum præsidium, per medias flammâs inde cla-

psum, fugâ castra petiuerit. Romani pontem occupauerunt. Hoc Franci ignominie ferentes loco ad arma concurrunt: ira & dolore turbati, ac pæne impotes mentis non ultra differre, sed statim proelium committere volebant: frustra prædicentibus Vatribus Alamannis, si eo die pugnam conseruissent, ad vnum omnes esse perituros. Armatis Francis, Narses quoque paratas & expeditas copias ex castris educit. Quibus iter facientibus, Narsæ iam equo insidenti nuntiatur Erulum, virum nobilem in primis & illustrem, cuidam è seruis suis iratum ob delictum nescio quod vitam eripuisse. Quâ cognita re Narses inhibet frenos, resistensque homicidam produci iubet, confitentemque reum, & dominos in seruos vitæ ac necis potestatem habere affirmantem, Protectoribus suis necandum tradit. & ille quidem gladio confossus interiit. Eruli autem, ob popularis sui supplicium Narsæ insensu, proelio non interesse statuebant. At Narses ita expiata cæde, de Erulis parum sollicitus, palam hortatus est, vt qui victoriæ vellent esse participes, se sequerentur, atque cum reliquis omnibus militibus locum petiit ab vtrisque castris æquo spatio distantem, vbi acies instruenda, & proelium committendum erat. Non multo post Sindual Erulorum federatorum Dux, in locum Fulcaris substitutus, veritus ne vnâ cum popularibus defectionis insimularetur, & suum timorem beneuolentiâ erga ciuem iure cæsum videretur velauisse, damnato priore consilio suos in aciem educit, & ocius Romanos progressos subsequitur. Cui Narses petenti, vt se expectaret, renuntiari iussit curaturum se, vt Erulis suis in acie locus vacuus relinqueretur, & in campo, vbi pugnandum erat, aciem disposuit. Interea Eruli duo, qui ad Francos paullo antè transfugerant, & quid postea consilij cepisset Sindual, nesciebant: currentibus calcar addiderunt. nuntiabant enim Erulos apertè descisse ac secessisse, & reliquos omnes defectione eorum esse consternatos: si ipsi subito Romanos adoriantur, ex trepidantibus & perturbatis facilem victoriam laturos. His incitatus Buccelinus (vt homines, quod cupiunt, libenter credunt) sine mora ex

castris exercitum eduxit, Francique omnes læti & alacres inordinato ac effuso cursu ad hostem contendere, tamquam primo impetu Romanos disiecturi. Sic autem Francorum acies erat instructa, vt angustâ fronte, sed densâ & scutis confertis phalangis modo testâ, paulatim à tergo sese ordines dilatarent. triquetra hæc figura militari verbo caput porci vocabatur. Igitur Franci, qui in prima fronte exercitus constituti erant, clamore sublato Romanos aggrediuntur, protinusque mediam aciem, propter absentiam Erulorum raram & exhaustam, paucis cæsis facilè perrumpunt, & locum Erulis vacuum relictum transgressi ad vltimum agmen perueniunt. quidam ex his quoque castrorum diripiendorum causâ longiùs processere. Tum Narses inflexis sensim & extentis cornibus, media acie pariter inflexâ, equitibus sagittariis præcepit, vt in hostium terga vtrimque tela conicerent. Quod consilium causâ nostris exitij fuit. traiciebantur enim Francis ex omnibus partibus terga, neque ab auersis tela vitari poterant, vnde peterentur, ignaris, propterea quòd in mediam Romanorum aciem sibi oppositam, quacum acriter pugnabant, oculis erant manibûsque conuersi. Cadentibus exterioribus, interiorum terga nudabantur. quòd cum assiduè fieret, quamplurimi inulti procumbebant, & multitudo Francorum ad paucitatem redigebatur. Interim Eruli duce Sinduale properè superueniunt, obuiamque Francorum manum, quæ primam Romanam aciem perruperat, à ceteris abruptam inuadunt. Illi, vbi præter opinionem quos defecisse acceperant, adiungi Romanis, & sibi instare viderunt, suspicati ex composito paratas sibi esse insidias, ac transfugas Erulos fraudis incusantes confestim terga verterunt; parsque ab Erulis insequentibus est interfecta; pars, cum se in flumen Casulinum præcipitauisset, absumta gurgitibus periit. Sic Eruli in suum locum recepti vacua in media acie interualla impleuere, phalanxque clausa est: & Franci velut retibus inclusi ab omnibus partibus cædi coepere. Iam enim perturbatis solutisque ordinibus, ignari quid facerent, quòve se verterent, alij in alios im-

pingebantur: nec solùm à sagittariis petebantur, sed etiam à grauiori agmine, leuèque armatura hastis & gladiis transfigebantur, traieciébantúrque contis. alios equitatus Romanus circumuentos & inclusos interficiebat: alios fugientes vsque ad flumen persequébatur, mox gurgitibus hauriendos. Eo modo Buccelinus Dux cum suis omnibus copiis periit.

Agathias (si fidem res capit) haud ampliùs quàm quinque milites ex Buccelini exercitu domum rediisse; ex parte Narsæ octoginta omnino, qui primum Francorum impetum sustinuerant, desideratos esse scribit, & campos circa Capuam omnes tabo & cruore circumfluxisse, fluménque Casulinum cadaueribus plenum exundauisse: atque eam Francorum cladem Persarum ad Marathonem & ad Salamina maximis cladibus comparat, qui cùm viribus feroces armisque confisi bello lacerarent, ac sub imperium suum redigere vellent Græcos, à quibus nullam iniuriam acceperant, dignum cupiditate sua exitum fecere. Romani, humatis suis, hostium corpora spoliauere, & armorum ingentibus aceruis potiti sunt, direptisque eorum castris, præda onusti, cantantes epinicia, & coronati Romam rediere, ac Narsæ multum laudatum triumphantium more in Urbem compositè reducere. Quos paullo pòst, cognita Leutharij copiarum clade, ad choreas voluptatè que conuersos grauius castigauit Narses, affirmans Francos, dum secundis rebus efferuntur & insolescunt, ac sine causa bellum Romanis inferunt, sua magis temeritate quàm Romanorum armis victos omnes periisse: à quibus etiamsi nihil ampliùs metuendum esset, tamen oporteret Barbaros quantum corporis; tantum animi viribus ac disciplina ab milite Romano superari. Addidit gentem Francorum frequentissimam esse & maximam, ac summopere in armis exercitatam, cuius pars exigua fuisset exercitus Buccelini, adèd vt eius clades iram potius excitatura esset Francis, quàm metum iniectione, & verisimile videretur non quieturos eos, aut contumeliam silentio laturos, sed maioribus coactis copiis breui in Italiam reuersuros, & ignominie sarcindæ ac

vindicandæ popularium cladis causâ bellum renouaturos. Adiicere Narfes potuit dimidiam fermè partem Francorum ingressorum Italiam non gladio, sed morbo consumptam, quam incolumem & cum Buccelini exercitu iunctam non modò proelio superare non potuissent Romani, sed ne aggredi quidem vîquam ausi essent. Francos autem, *nationem frequentem & maximam*, vt à Libanio, sic à Narfe apud Agathiam iure appellari docent tot bella tantis copiis tum aduersus finitimos gesta; atque armata millia centum, aut etiam (vti ait Iordanes) ducenta à Theodeberto Francorum Rege in Italiam adducta; & paucis pòst annis, Theodebaldo eius filio regnante, Leutharius ac Buccelinus cum millibus hominum quinque & septuaginta eamdem prouinciam ingressi. Adedò verum est, quod in libro I scribit Agathias, *validos esse Francos, & hostibus inexpugnabiles, finitimisque imperare, ac suorum quidem nihil amittere, quamplurima verò adquirere*. Quamquam Franci post Buccelinianam cladem, & quæ mox secuta est, Hamingianam, quæcumque in Italia occupauerant amisere, nimirum Alpes Cottias, & Liguriæ ac Venetiæ pleraque. In Venetia quidem opida aliquot ad ripas Atesis posita, vt Tridentum, aliæque Theodeberto Francorum Regi, ac postea Theodebaldo eius filio paruisse indicat Procopius, Cenetam quoque Agathias. In Liguria autem insulam Lariensem, seu Comensem eorundem Regum fuisse docet Florianus Monachus *Monasterij Comani* in epistola ad Nicetium Treuironum Episcopum, in qua cum rogat, *vt Domino gloriosissimo Regi Theodebaldo insulam Lariensem, quæ Christopolis dicitur, plurimum commendet*, & vt Romanis seruis eius fides data seruetur. quæ insula lacus Larij à pietate Monachorum supradicti Monasterij ibi constituti suum Christopolis nomen videtur inuenisse. Ex quo etiam apparet Nicetium Treuiriæ Ecclesiæ Episcopum Theodebaldo Regi venerationi fuisse, & faciliè ab eo, quæcumque vellet, impetrauisse. Ceterùm (vt redeam, vnde digressus sum) post fusum acie cælumque cum suis Buccelinum, Ostrogothi, circiter hominum millia VII, qui multis

in locis Francos omnibus rebus adiuuerant, in mu-
nitissimum castellum sese receperunt, quod Agathias
Campsas appellat, ego Compsam in Hirpinis fuisse exi-
stimo, Annij Milonis cæde insignem. Dux Ostrogo-
thorum erat Ragnaris, vir sollers, atque versutus, &
conciliandæ sibi multitudinis peritus, à Procopio Go-
thus non semel; ab Agathia Hunnus Vitigurus dictus:
qui tota hieme obsessus à Romanis, tandem cum Nar-
sen in colloquio interficere conatus esset, ab eius Pro-
rectoribus sagittis confossus est. Tum Ostrogothi, amisso
Duce, pacti sibi incolumitatem, deditionem fecere, &
ne res nouarent, omnes Constantinopolim ad Impera-
torem Fl. Iustinianum sunt deportati. Hoc loco ani-
maduertere conuenit, par eunuchorum Magisterio mi-
litæ, & Patricia dignitate illustre, Narsetem, & Salò-
monem, qui Belisarij Domesticus fuerat, Iustiniani Aug.
auspiciis res magnas nec spadonibus conuenientes ges-
sisse. quorum alter Totilâ & Teiâ Regibus victis & cæsis,
domitisque Ostrogothis, & deletò Buccelini Franco-
rum Ducis exercitu, totam Italiam ad Imperium Roma-
num adiunxit: alter in Africa Maurorum Byzacenorum
X millia vno proelio, & mox millia quinquaginta altera
pugna interfecit, & Mauros montis Numidiæ Aurasij in-
colas Apione Consule vicit acie.

10XX-
XIX.

Sic Agathias Scholasticus in libro I ac II de belli
Gothici reliquiis, ac de nostrorum expeditione scribit:
neque aut tempus notat, (intra biennium autem ea ge-
sta sunt) aut de Hamingo mentionem facit. Cum ta-
men, vti Procopius tradit, sub exitum anni XVIII belli
Gothici, post Consulatum Basilij XI Narfes Cumas ob-
federit, eamdemque urbem, quo anno Buccelinus, ac
Leutharius Italiam ingressi sunt, captam Agathias di-
cat: nisi Cumanos per biennium obsidionem tulisse cre-
dimus, quos circiter menses XIV op pugnationem susti-
nuisse ex Agathia verbis iudicari potest, fatendum no-
bis est Buccelinum, atque Leutharium anno XII post
Consulatum Basilij Alpes transiisse, ambos anno in se-
quenti periisse. Falsò itaque Marius in Chronico prodit,
post Consulatum Basilij anno XIV Indictione III Buc-

10LII.

10LIII.

10LIV.

celinum Ducem Francorum in pugna aduersus Romanos cum omni exercitu suo interiisse. Quod autem addit, anno XV post Basilij Consulatum fusos fugatosque à Francis Romanos, & castris exutos esse, eodémque ipsos anno reparatis viribus *partem Italiam, quam Theodebertus Rex adquisierat, occupauisse*: id de Hamingo Duce, quem Menander Ammigum, alij Ammingum vocant, dictum puto. Certè apud Paullum, & Aimoinum lego Buccelinum Ducem, cum pæne omni Italiâ vastatâ in Campania hibernare constituisset, tandem attenuatis dysenteria (vt ait etiam Fredegarius) suis militumque suorum viribus; *in loco, cui Tannetum nomen est*, à Narse atroci proelio superatum, ac interfectum esse: Hamingum alium Ducem Francorum, cum Widino Gothorum Comiti rebellanti contra Narsen auxilium ferret, à Narse victum & occisum, Widinum captum, & Constantinopolim in exilium missum: tertium Francorum Ducem, nomine Leutharium, Buccelini frâtem, dum multâ prædâ onustus in patriam reuerti festinat, inter Veronam ac Tridentum, circa lacum Benacum propriâ mortè esse defunctum. Vbi non dubito, quin *Tannetum*, vel Tannitum, quod veteres Auctores Regio Lepido & Parmæ urbibus medium interponunt, prouinciæ Æmiliz reddi; & *Cannetum*, (de quo loco Capuæ vicino Leo Marficanus non semel loquitur) vnde deiectum fuit, eò restitui oporteat. Regino præterea, ac Sigebertus scribunt Narsen Patricium cum Buccelino & Hamingo Ducibus Theodeberti Francorum Regis Italiam vastantibus pugnauisse, eosque interfecisse. Denique in veteri Appendice Marcellini Chronico subtexta inuenio, cum *Buccelinus Comes, vnâ cum sociis à Theodeberto Rege Francorum dudum missus, per annos aliquot Italiam Siciliamque infestaret; & Romanum sæpe exercitum superaret, tandem exercitum eius profluvio alui attritum, à Narse pugna victum, & profligatum, ipsum Ducem occisum: nec multo post socium eius Ammingum Ducem cum reliquiis Gothorum, quibus se iunxerat, (hoc est cum Widini Comitibus copiis) peremptum esse. Quæ Indictione XV post Consu-*

1211. latum Basilij anno XI contigisse falsò ait Auctor su-
pradiçtæ Appendicis, & vt suprà notaui, duas Buccel-
lini expeditiones confundit. Gregorius, Fredegarius,
Freculfus, & Constantinus Porphyrogennetus Bucceli-
ni tantummodò, & Buccelinianæ cladis mentionem fa-
ciunt. ex quibus Gregorius tradit Theodebaldi princi-
patu Buccelinum, cum totam Italiam in Francorum
ditionem redeçisset, ab Narse interfectum esse, & Ita-
liam Imperatori restitutam. Marius, & Fredegarius, eo
ipso anno, quo Theodebaldus Rex Francorum decessit,
1212. nimirum post Consulatum Basilij anno XIV; Sigebertus
verò ante annum quàm is obiret, Buccelinum periisse
1213. tradit. Equidem existimo Buccelinum anno XIII
1214. post Consulatum Basilij; Hamingum anno XIV, bel-
lo contra Narsen occubuisse. Nec miror, quòd Grego-
rius neget post cæsum Buccelinum quemquam ex Fran-
corum Regibus fuisse, qui Italiam reciperet. Nam etsi
Gregorius ipse in libri IX capite XX & in libri X capi-
te III scribit Childebertum minorem, Francorum Re-
gem, per XX Duces copiarum eò missos, partem quam-
dam Italiæ, à Sigiberto patre suo vindicatam ac posses-
sam, eoque mortuo amissam, ad iusiurandum adaçtis
incolis in potestatem suam redeçisse, hocque quatuor
aduersus Langobardos expeditionum pretium tulisse:
tamen Constantinus Porphyrogennetus quoque in
Præceptis de regendo Imperio ad Romanum filium scri-
bit Narsen Patricium, *in regione Papiæ attributa*, hoc
est in Liguria, aut Venetia bellum gerentem, pecunias
omnes, quas ex Italia quotannis Constantinopolim de-
portari, ac fisco inferri oportebat, in stipendium mi-
litum erogauisse: nec Ostrogothorum nomine propè
ad internecionem redactò, & compresso Erulorum
motu, Narsæ in ea præsertim Italiæ parte cum aliis quàm
Sigiberto Rege Francorum res esse potuit: tamen constat,
post pacem ab Langobardis cum Guntchramno
factam, Francorum Reges tantum montem Cinisium,
hoc est Alpem Cottiam, vallem Segusinam, vicum
Noualicium, Segusium opidum, Ametegim vallem,
montem Iouis, seu summum Peninum, vallem Augu-
sta-

stanam, & Augustam Prætoriam Salafforum, nihilque præter hos aditus in Italia illustre tenuisse.

Post Consulatum Basilij anno XIV. Indictione III. 1245.
 obiit Theodebaldus Rex Francorum, Chlodouei pronepos, ut ait Marius in Chronico, quem Gregorius Theodoualdum appellat, scribitque dimidiâ parte corporis à lumbis vsque ad pedes resolutâ sensim tabescentem, itaut se inclinare non posset, VII regni sui anno decessisse. Vnus Aimoinus Theodebertum annos XIII, VIII Theodebaldum regnauisse dicit. Eius mortem prodigiis denuntiata fuisse apud Gregorium inuenimus. nam & in orbem nouæ Lunæ stellam abdi visam esse: & sambucum racemos colore vuarum consimiles tulisse. Theodebaldum autem adolescentem mali ingenij, & crudelem habitum esse, propterea quod iratus cuidam ob rapinarum suspicionem, refrigerandi eius causâ fabulam finxisset: cum serpens inflata vino per collum amphoræ, quâ irrepserat, diu multumque frustra conaretur erumpere, dominum vini superuenisse, ac nisi quidquid bibisset euomeret, serpentem euasuram negauisse. quæ fabula magnum ei suorum timorem, odiumque conciliauerit. Quamquam apud Aimoinum dicitur Theodebaldus *Deo deditus* fuisse, & *seruos eius*, hoc est pios religiososque viros, *unicè dilexisse*, adeò ut (quemadmodum ait Faustus) ad Beatum Maurum, quem plurimum amabat, venerit, & paterni exempli successor Monasterio eius Glannafolio villam Fabrensem, & Vosdam dederit.

Theodebaldi Regnum, opes cunctas, & uxorem Vuldetradam, Chlotharius maior eius patruus recepit, sed increpitus à Sacerdotibus incestas nuptias improbantibus, in primis (sicut existimo) à Nicetio sanctissimo Treuirorum Episcopo, quem Francorum Proceribus; & Chlothario ipsi Regi propter iniusta facta sæpe sacris interdixisse constat, eandem inuitus inuitam dimisit, & Gariualdo Duci nuptum dedit. Paullus in libro I rerum Langobardicarum, & Aimoinus in Historiæ libro II tradunt Wldetradam, quam ipsi Walderadam appellant, Vuaconis Langobardorum Regis ex Austri-

gosa filiam fuisse, sororémque natu minorem Vuifigardis eius, quam Vuaco Theodeberto Theodebaldi patri collocauerat, atque nupsisse Theodebaldo Regi Francorum, cuius noueræ soror erat. Addit Paullus à viro consuetudinem eius aspernante abiectam, & vni è suis, nomine Garibaldo, in matrimonium datam esse. quem errare, & diuortium, à Chlothario non sponte factum, per negligentiam Theodebaldo assignare liquet. Hic est, opinor, Gariualdus, quem idem Paullus, Aimoinus, ac Sigebertus *Garibaldum Baioariorum Regem*; Regino aliique *Garibaldum Baioariorum Ducem* appellant, & quem Eouini Tridentinorum Ducis, ac Flauij Autharij Regis Langobardorum socerum fuisse dicunt: cuius in locum defuncti Childebertus minor, Chlotharij nepos, anno post Theodebaldi mortem circiter XXX Tassilonem Ducem substituit. Agathias Aduocatus in Historiæ libro secundo scribit, dum Ostrogothorum Dux Ragnaris à Narse Patricio obsidetur, Theodebaldum adolescentem, finitimorum Italiæ Francorum Regem, miserimè decessisse morbo, quo à teneris conflictabatur, oppressum, & lege hereditatem ad Childebertum & Chlotharium proximos adgnatos venisse, statimque magnam inter eos ortam contentionem, nec quidquam propius esse factum, quàm vt bellum ciuile toti genti perniciosum excitaretur. Et Childebertum quidem non modò iam senem, & admodum ætate prouectum, sed etiam valde imbecillum fuisse, cuius totum corpus tabe consumeretur, ac filias tantùm, marem verò, qui Regno suo succederet, nullum habuisse. At Chlothario, homini primæ ac viridis senectutis, & vires adhuc bonas, & IV filios admodum iuuenes; & ad omnia audenda ac exsequenda paratissimos ac promptissimos fuisse, quibus fretus Childebertum ab adeunda hereditate deterruerit, negans bona Theodebaldi diuidi oportere cum eo, cuius ipsius Regnum breui ad se filiosque suos esset peruenturum. neque Chlotharium spe suâ frustratum esse. quippe Childebertum, potentiam viri inimicitiamque metuentem, sponte ei hereditate cessisse, ac paullo post obiisse, & Chlotharium totum Francorum imperium obtinuisse.

Quidquid tamen dicat Agathias, non adèò senex tum, & ætate prouectus Childebertus erat, cùm (vt ex Gregorio colligo) post XV regni Chlodouei annum natus, sub obitum Theodebaldi non plus quàm LVIII annos habere potuerit. nec tanta tum infirmitate corporis, aut tæbe ita peresus erat, vt non secundo post Theodebaldi mortem anno Campaniam Remensem, quam Chlotharius tenebat, igne ferroque vastauerit. Ex quo etiam apparet eum Chlothario fratri ius suum metu magis quàm sponte cessisse. Certè cùm apud Faustum in libro de vita Mauri Abbatis reperio Theodebaldum, postquam Regnum pauco tempore cum pace obtinuerat, immaturâ præuentum morte *Chlothario Principatum dimisisse*; & cùm animaduerto eundem ab Aimoino dici, posteaquam VII annos strenuè regnauisset, decedentem *Principatum gentis, quam regebat, cum thesauris Chlothario reliquisse*: pæne fit, vt credam Chlotharium Francorum Regem à Theodebaldo Theodorici eius fratris nepote, qui ex Wldegrada vxore nihil liberum fustulerat, ex asse heredem esse factum, Childebertumque præteritum. Hic omittendus non est error Agathiae, qui cùm sciret Chlothario quatuor filios successisse, cum sub Theodebaldi Regis obitum IV filios habuisse prodidit. habebat autem quinque: siquidem Chramnus, Chlotharij filius, nonnisi quinto demum post Theodebaldi mortem anno periit. Poscere videtur hic locus, vt de Chlotharij Francorum Regis vxoribus & liberis pauca dicamus.

Chlotharius Radegundim primùm, filiam Bertharij Toringorum Regis, bello captam matrimonio sibi adiunxit, quæ postea regium insigne sacro velamine mutauit, & virtutum ac sanctitatis famâ non Galliam, ac Europam modò, sed etiam transmarinas prouincias impleuit. Deinde Ingundem duxit vxorem, ac vnicè dilexit, feminam optimam, & à fastu alienissimam, quæ virum, *Dominum suum*; se, *ancillam eius* appellare consueuerat. Ex ea Chlotharius liberos tulit Guntharium, & Childericum, quibus ambobus superstes fuit, Charibertum, Guntchramnum, Sigibertum, & Chlodouin-

dam, quæ Alboino Regi Langobardorum nupsit. Idem ex Haregunde tertia vxore suscepit Chilpericum : ex Chunfena, quam quidam Gunfinam, alij Gunfindim vocant, Chramnum genuit. Auctor libri de vita Confortiæ Virginis quamdam præterea Chlotharij Regis filiam scribit in aula Sigiberti fratris sui ætatem egisse. Haregundim Ingundis Reginæ sororem fuisse Gregorius prodit, de qua collocanda Ingundim cum viro sermonem habuisse : illum, eam rem sibi curæ fore pollicitum, in villam ad Haregundim venisse, factisque nuptiis, vt erat naturâ in venerem pronus, qualem optâset conditionem puellæ repertam ; sibi que opibus & prudentiâ ceteris omnibus sine dubitatione præstanti Haregundem connubio iunctam esse, vxori renuntiavisse : ex eo tempore duas simul sorores Chlothario nuptas fuisse. Hic notare conuenit Gregorium, & Auctores omnes Carolo Magno vetustiores, cum vtriusque sexus liberos Chlotharij maioris ordine enumerant, Blichildis eius, quæ Ansberto Senatori nupsisse dicitur, mentionem nullam facere. quam qui Chlotharij iunioris filiam fuisse affirmant, non animaduertunt Arnulfum, Ansberti & Blichildis nepotem, ætate huius ipsius Chlotharij Ducem Austrasiorum, deinde Mettensem Episcopum fuisse, quod proauo regnante fieri non potuit. Ansbertum quoque alij Romanum, hoc est Gal- lum ; alij Francum ; (vt & nomen indicat) quidam Narbonensem, ex vrbe Vesigothis subiecta ; nonnulli Aquitanorum nobilissimum fuisse scribunt. vt appareat nihil de Ansberto ipso certi narrari. Præterea Paullus Warnefridi Langobardi filius, Foroiulienfis Diaconus in libro, quem de Episcopis Mettensis Ecclesiæ composuit, ad Angilramnum Mettensem Episcopum, tradit Arnulfum, natione Francum, clarum genere, Mettensem Episcopum, ac nihilominus Præfectum Palatij fuisse, patrem Anschisi, auum Pippini, Caroli proauum, Pippini Francorum Regis abauum, Caroli Magni atauum : ob idque duas Caroli Magni sorores, totidémque eius filias, cum Hildegarde vxore, Mettis in Basilica S. Arnulfi sepultas esse, vbi postea Imperator Ludouicus Pius est

conditus. Nec plura Paullus Langobardus de Maioribus Caroli Magni, cuius principatu florebat, scripsit, non omiffurus Blithildim hanc, Chlotharij Francorum Regis (vt aiunt) filiam, fi Arnulfi Præfecti Aulæ ac Mettenfis Epifcopi auia fuiſſet, per eamque Carolus Magnus regiæ Merouingorum ſtirpi annexus. Theganus quoque natione Francus, Treuiricæ Eccleſiæ Chorepiſcopus in libro rerum geſtarum D. Ludouici Pij Aug. cuius æqualis fuit, nullâ Blithildis mentione factâ, genus Caroli Magni ad Arnulſum Epifcopum refert. Primus omnium, ni fallor, Hincmarus Remorum Epifcopus, qui in gratiam Eccleſiæ ſuæ, poſteriorumque Caroli Magni multas fabulas finxit, cùm in vrbe Mettis capiti Caroli Regis coronam imponeret, haud dubitauit affirmare Ludouicum Pium Aug. eius patrem à *Ludouico Rege Francorum inclſto*, hoc eſt à Chlodoueo Magno *per Beatum Arnulſum* genus deducere: quem Arnulſum ſcilicet Blithildis ex Arnoldo filio nepotem, Chlotharij pronepotem, Chlodouci abnepotem fuiſſe aut credit, aut aliis perſuaderi voluit.

Eo ipſo anno, quo Theodebaldus deceſſit, poſt Conſulatum Baſilij anno XIV Saxones, gens Germaniæ nobiliſſima, & Britanniæ quondam Galliæque infeſtiſſima, morte Theodebaldi occaſionem ſibi ad libertatem & priſtinam rei militaris gloriam recuperandam oblatam arbitrati rebellauerunt, & adiutoribus Toringis fines Francorum incurſionibus vaſtauerunt. Quâ re cognita conſeſtim Chlotharius, quàm maximis potuit coactis copiis, in Saxoniam ire contendit, & circa amnem Viſurgim, quem Hiſtorici noſtri Wiſuram & Wiſiram appellant, magnum hoſtium numerum proelio deleuit, agrisſque Saxonum depopulatis, & totâ Toringorum regione vaſtatâ, propterea quòd eis auxilium aduerſus ſe tulerant, onuſtus prædâ domum reuertit. Inſequenti anno, poſt Conſulatum Baſilij V. C. quinto decimo Chlotharius, cùm Regnum Aſtriæ, quod Theodebaldo mortuo receperat, ordinandarum prouinciæ cauſâ circumiret, audiſſetque ex ſuis iterum inſanire Saxonas, ac rebellare, & tributa, quæ quotannis pendere

confueuerant , ipsi conferre recusare , protinus Saxoni-
 am petiit. cuius finibus vbi appropinquauit, Saxones ad
 eum legatos mittunt , qui pacem peterent , & se con-
 temtores eius non esse , sed quæ fratri eius, fratrisque
 filio , ac nepoti dependere antea solebant , etiam cum
 auctario, si ita voluisset, dare paratos se dicerent. Chlo-
 thario de conditione accipienda verba facienti à militi-
 bus reclamatum est, negantibus hostes fallaces & perfid-
 os promissa seruatu-
 ros. Cùm Saxones denuo per lega-
 tos dimidium rerum suarum pro satisfactione obtulif-
 sent ; postremò veste, pecore, bonis omnibus, agrique
 sui dimidiâ parte pacem redimere frustra tentâssent,
 obstinatis ad pugnandum Francis, affirmauit Chlothar-
 rius, si aduerso Deo dimicare vellent, se certamini non
 interfuturum. Quibus illi verbis accensi tabernaculum
 Regis discindunt , & conuicium ipsi, vimque faciendo,
 mortem etiam minando, secum ire inuitum cogunt,
 & cruento vtrimque prælio commisso ita sunt fusi, vt
 numerus cæsorum iniri non posset : reliqui fugam ca-
 pessi-
 uere. Tum Chlotharius, etsi pudebat victum id ab
 hostibus petere , quod paullo antè cupidissimè petenti-
 bus, re integrâ, denegauisset; necessitati parendum ra-
 tus legatos de pace ad Saxones misit , culpamque in
 multitudinem conferens, negauit se sponte cum eis pu-
 gnauisse , factâque pace in Galliam reuertit. Marius
 Auenticensis Episcopus, à Gregorio dissentiens, in Chro-
 nico tradit, post Consulatum Basilij anno XIV Chlo-
 tharium Regem, quem Chlothacarium appellat , cum
 Saxonibus rebellibus conflixisse, & multis vtrimque cæ-
 sis victoriam tamen eum ex hostibus tulisse. anno infe-
 quenti iterum defecisse Saxones, & ab Chlothario vi-
 ctos acie maximam suorum partem amisisse; omnem-
 que agrum Toringorum , qui cum Saxonibus contra
 Chlotharium coniurauerant, vastatum fuisse. At Au-
 ctor Appendicis Chronico Marcellini subtextæ putat
 annum, qui Theodebaldi mortem securus est , à bello
 vacauisse. nam secundam Chlotharij aduersus Saxones
 expeditionem anno II post primam, postque Theodebal-
 di obitum suscep-
 tam ac confectam ait.

Tum Turonici in locum Guntharij Episcopi sui defuncti Euphronium Presbyterum, virum non minùs sanctitate quàm nobilitate illustrem, substituendum esse consensere, & ad Chlotharium Regem ex Saxonia reuersum quosdam è Clero Turonico misere confirmationem electionis petiit. Quærenti Regi, cur Catonis Presbyteri Ecclesiæ Aruernicæ, quem Episcopum fieri iusserat, rationem non habuissent, responderunt legari hanc eum dignitatem sibi ab ipsis delatam repulisse. Adhuc loquentibus legatis subitò aduenit Caro, precaturque Regem, vt cieccto Cautino se apud Aruernos Antistitem constitui iubeat. cùm irrideretur à Rege, periit, (id quod antè recusauerat) vt saltem Turonicæ Ecclesiæ præficeretur. cui Chlotharius Rex ait: ego primùm iusseram te Turonorum Episcopum consecrari: sed, vt audio, despiciatui eam Ecclesiam habuisti, ideoque Beati Martini sedem non obtinebis. Euphroniùmque, posteaquam quis esset, & quo genere ortus quæsiuerat, datis litteris Episcopum ordinandum curauit.

Interea Chramnus, iuuenis formâ quidem ingenioque excellens, acer, callidus, sed ambitiosus, & improbus, quem Chlotharius pater Pictonibus, Lemouicibus, Aruernis, cererisque trans Ligerim gentibus Aquitanicæ post Theodebaldi obitum vice sua præposuerat, ibi ira se gerebat, vt omnibus odio, timorique esset. Nam & puellas nobiles, nubilésque iuuenibus vilibus & obscuris, quos vnos amicos & consiliarios lateri suo admouebat, inuitas in matrimonium dabat: & Firminum Comitem vrbis Aruernorum (quem postea Chlotharius in dignitatem restituit) cum Cæsaria socru ex Ecclesia extractum, ac spoliatum forrunis relegauerat, eique Sallustium Euhodij filium substituerat: multos præterea locupletes prouinciales impulsu Leonis Pictaui, Imnacharij, & Scapratij bonis euertebat. Ob id euocatus à patre, non modò dicto audiens non fuit; sed etiam cum Childeberto patruo suo, qui Chlothario propter occupatum totum Theodebaldi Regnum erat insensus, clam per nuntios foedus iniit, coniurationemque aduersus patrem

fecit, ac coactis copiis ex vrbe Pictauis in Lemouices contendit, & quaquà ibat, locis omnibus præsidia imposuit, ita vt Aruerni, qui ei portas clauferant, extra muros egredi non auderent. Quamobrem Chlotharius Charibertum & Gunthramnum filios suos cum exercitu aduersus Chramnum mittit, qui per Aruernos itinere in Lemouices facto, ad Montem Nigrum peruenère, & castra ibi contra fratrem posuère, legatisque missis res paternas repetière. Affirmante Chramno in patris se potestate & fuisse, & fore, sed loca, quæ possidebat, cum eius gratia tenere cupere, vt controuersia armis diiudicaretur, postulauère. Minimè detrectauit certamen Chramnus, apparebátque cruentum proelium futurum, ni iam instructas vtrimque acies subitò coorta tempestas fulguribus, fragore nubium, & imbris horrenda à pugnando deterruisset. Reducentibus in castra copias fratribus suis, Chramnus clàm ignotum hominem summisit, qui ex Germania venire se, Regémque Chlotharium à Saxonibus victum, & interfectum esse diceret. Quo illi nuntio perturbati, protinus relicta Aquitaniâ, in Burgundiam redeunt. Chramnus quoque nihilo segniùs subsecutus flumen Elauer, ac Ligerim transit, ingressusque Burgundiam, Cabillonum opidum Æduorum ad Ararim positum obsidione capit, & ad castrum Diuionem accedit, sed ab incolis minimè admissus, à Tetrico Episcopo Lingonicæ Ecclesiæ ad Basilicas, qui locus extra castrum erat, hospitio excipitur. inde Luteciam Parisiorum ad Childebertum venit, & amicitia cum eo iunctâ inimicum se patris iurciurando profitetur, quo inconsulto Wiliacharij filiam nomine Chaldamiam in matrimonium acceperat. vt Gregorius, Fredegarius, alique scribunt. Marius Episcopus in Chronico rem aliter narrat, nimirum statim post Theodebaldi mortem, post Consulatum Basilij anno XIV. Chramnum, filium Chlotharij Regis, ad Childebertum patrum, à quo sollicitatus erat, se contulisse; & insequenti anno contracto exercitu Regnum patris sui vastauisse, ac perturbauisse. Marius sequitur Aimoinus: quippe scribit Chlotharium Chramno filio vices suas

suas per Aquitaniam commisisse, eumque postea ob rapinas & insolentiam vt increparet reuocauisse. Sed Chramnum insuperhabitis patris mandatis Parisios ad Childebertym venisse, & tactis Sanctorum reliquiis iurauisse numquam se cum patre in gratiam rediturum, iſtoque foedere Aquitaniam repetiuisse, atque ibi quæcumque potuit occupauisse. aduersus quem Chlotharius, Saxonica expeditione occupatus, Charibertym & Guntchramnum filios cum exercitu miseric.

Eodem tempore, P. C. Basilij anno XVI Chlotharius 157. magnum bellum aduersus Saxones gerebat, qui pecuniâ ab Childeberto sollicitati, & acceptæ superiore anno iniuriæ memores, in Franciam Transfrenanam eruperant, nec prius prædas agere, ac regionem foedè populari desierant, quàm (sicuti & postea regnante Carolo Magno fecere) ad Renum flumen, Diutiâque peruenissent. quod castrum, aduersum Coloniz Agrippinzæ, & à Fredegario *Diuiam ciuitatem*, ab aliis Diuzam dictum, nonnulli apud Gregorium in *Nutiam*, hoc est Nouesium castellum Cisrenanum, perperam mutauerunt.

Dum Chlotharius Saxonico bello detinetur, Childebertus libenter credens, id quod audierat, eum à Saxonibus interfectum, & Regnum fraternum iam spe præsumens, Campaniam Remensem ingreditur: regionem igne & ferro vastat, ac diripit: quæ adire potest, cuncta peruadit: & vsque ad opidum Remos populabundus accedit. Videtur tum Childebertus Compendium cepisse, si verum est, quod in libro de vita Marculfi Abbatis inuenio, Marculfum Baio-cassinum, natione Francum, ad Childebertum Regem, in castro Compendio cum vxore & Optimatibus commorantem, venisse petitem, vt donationes prædiorum Monasteriis suis à piis hominibus datorum litteris confirmaret. constat enim Compendium, vnum è Palatiis seu villis Regum Sueffioniorum, ad Chlotharium pertinuisse.

Quis porro tertiz huius ac vltimæ Chlotharij aduersus Saxones expeditionis euentus fuerit, Gregorius, vir, quàm historicus, melior, memoriæ non tradidit. Sed in libro rerum-gestarum Dagoberti, &

apud Fredegarium atque Aimoinum inuenimus Chlotharium seniore Saxonibus *grauissimis* (vt ait Freulfus) *præliis à se prostratis & deuictis* quingentas boues in annos singulos tributi nomine imposuisse : & Dagobertum Chlotharij pronepotem anno pòst secundo & octogesimo Saxonibus , qui Venedos , Sclauinos dictos , Toringiam , aliòsque proximos pagos sæpe vastantes suis se copiis in posterum Francorum finibus prohibitueros spoponderant , hoc tributum remisisse. Gregorius in Historiæ libro v , & Paullus in libro II rerum Langobardicarum scribunt Chlotharium , & Sigibertum Reges vacantem agrum Saxonum , qui rogati ab Alboino Rege ad XXX circiter millia vnà cum Langobardis in Italiam transferant , Sueuis dedisse : ac postea Saxones , ne sub Langobardorum ditione essent , ex Italia cum coniugibus & liberis per Gallias in Germaniam reuertisse , atque in finibus , è quibus exierant , à Sigiberto collocatos Sueuis bellum intulisse , & duobus præliis superatos ac deletos esse. Quod quidem de Sigiberto verè dici , de Chlothario maiore eius patre nullo modo potest , cuius post obitum anno VIII Alboinus Rex , sua parte Pannoniæ Abaribus Hunnis sociis & amicis concessâ , Langobardos , & supradictos Saxones , multos præterea Gipedes , Bulgares , Sarmatas , Pannonios , Noricos , & Sueuos , in Italiam adduxit. Nisi fortè potiùs (sicuti Fredegarius in Epitome , & Aimoinus in libro III Historiæ produnt) Theodebertus senior , Theodorici Chlotharij fratris filius , hosce Saxones in Italiam commigrare iusserat ; quos eò videtur misisse , vt locis , quæ ibi occupauerat , tutelæ causa præsiderent . Gregorium , & Paullum secutus non est Sigebertus Monachus , qui Alboino Rege vnà cum Langobardis , Saxonibus , aliisque gentibus Italiam ingressò , Sigibertum Regem agros discessu Saxonum vacuos ac deletos occupauisse , & Sueuis colendos dedisse dicit. Ex his apparet Saxones , si non interiores , saltem fluminis Visurgis accolæ , Toringis & Cattis finitimos , ante annos ferè trecentos , quàm nomen omnè Saxonum diuturno bello domitum Carolus Magnus Christianam religionem , & imperij iugū recipere cogeret , à Theodorico Chlodouei

filio stipendiarios esse factos : & Theodeberto , Theodebaldo , Chlothario maiori , Sigiberto , Childeberto , Theodeberto , ac Chlothario minori Regibus Francorum per annos ampliùs centum eos tributa pependisse. Vnde Theodoricum in bello Toringico , & Theodebertum iuniorem Childeberti filium in bello civili Saxonum operâ vfos legimus : & Saxones cum Francis auxilium Paulo tyranno aduersus Wambam Vesigothorum Regem tulisse. Neque tamèn rarò iidem intra id tempus rebellauere. Nam Fortunatus in libro VI Carminum , & Aimoinus in libro III Historiæ auctores sunt Sigibertum , Chilperico fratri adiunctum , pulsos acie Saxones , qui Toringos , & Danos socios sibi adsciuerant , pacauisse. & Paullus in libro IV rerum Langobardicarum , ac Aimoinus in libro III scribunt Francos , qui sub Theodeberti minoris imperio erant , VII regni eius anno cum Saxonibus pugnauisse , & magnam vtrimque cædem esse factam. Eisdem Bertoaldo duce , violatâ fide , bellum Dagoberto Regi Orientalium Francorum intulisse , atque à Chlothario , & Dagoberto Regibus occiso Bertoaldo fusos fugatosque , agros vastatos , puberes omnes interfectos esse constat. Postea Saxones , quòd sicuti pleræque Gentes Francis subiectæ , Præfectorum aulæ imperia detrectabant ; Pippini & Caroli Ducum armis fracti obsides dedere , ac tributa pacti sunt. deinde à Carolomanno , Caroli filio , descuerunt , móxque subacti , ac in deditionem accepti ; plurimique ex his Christianis sacris initiati sunt : à Pippino quoque victi se in Concilio , quod tum mense Maio quotannis indicebatur , honoris causâ trecentos equos Regi daturus iurauerunt.

Dum Childebertus Francorum Rex Campaniam Remensem absente fratre depopulatur , Austrapius Dux metu Chramni in Basilicam Sancti Martini confugit , móxque reuertente ex Saxonia Chlothario Rege periculo liberatus est. Hic paullo pòst Clericus factus apud Sellenfè castrum in Pictonibus Episcopus ordinatur , & Pientio Pictauorum Episcopo destinatur successor. Sed Charibertus Rex , Chlotharij filius , mutatâ

sententiâ, in locum Pientij Pascentium Abbarem Basilicæ Sancti Hilarij substitui iussit, frustra querente Austrapio, & hunc sibi locum deberi clamitante, qui regressus in castrum suum, seditione orta, à Teifalis acceptas iniurias vindicantibus interemtus est, & ut ait Gregorius, diœceses suas Piçtaua Ecclesia recepit. Ex quo intelligitur Taifalos, gentem Scythicam, puerorum stupris infamem, quos Gregorius Teifalos appellat, tum in agro Piçtonico, Sellenisque castro sedem habuisse. Eisdem Taifaliam vicum in finibus Piçtonum incoluisse, & à se cognominavisse auctor est idem Gregorius in libro de vita Senoci Abbatis, & in Historiæ libro V, cum ait beatum Senocum Presbyterum, *genere Teifalum, ex Piçtano pago, quem Teifaliam vocant, oriundum fuisse, & Clericum factum, in agro Turonico Monasterio statuto, multis virtutibus claruisse, ac paullo post Sigiberti Regis Chlotharij filij mortem decessisse.* Est autem Taifalia vicus Piçtonum, inrer Clichonem & Moritaniam positus ad Cebram flumen apud Namnetas in Ligerim exiens, hodièque dictus Tifaugia. Horumce Taifalorum Gallicanorum mentionem facit Glaber Rodulfus Cluniacensis Monachus, in libro V rerum sua ætate gestarum, in quo scribit *homuncionem quemdam genere Teifalum à partibus Galliarum in Africam ad Anachoritam famâ notum venisse.* qui Auctor ante annos ferè MCC Henrico Rotberti filio regnante viguit. Multi igitur Taifali, relictis domibus suis, in finibus Piçtonum non longè à Ligere & Oceano sedem cepere. Sed quo tempore, cuiusve ductu Galliam ingressi sint, & in supradicta Aquitanix parre confederint, scire difficile est. Erunt fortasse, qui credent hos Taifalos ortos esse à *Taifalis Gentilibus*, quorum vnà cum Sarmatis præsidium Piçtauis fuisse docet Notitia prouinciarum Imperij Romani. Equidem cum animaduertam Taifalos Sarmatis & Vandalis fuisse finitimos, atque cum Teruingis, gente Gothica, Daciam Transdanubianam incoluisse, existimo partem eorum Alaricum Regem Gothorum secutam esse in Italiam, ac mox duce Ataulfo, Alarici successore, in Gallias venisse, atque tandem

in agro Pictonico, parte nimirum Aquitanix secundæ, quam Gothis Honorius Aug. ad habitandum dederat, confedisse: Chlodoueumque Francorum Regem, cum victo cæloque Alarico Rege Gothos ex Aquitania expelleret, ac interficeret, Taifalos quietos & imperata facientes in suis sedibus reliquisse. Nisi quis mauult hosce Taifalos vnà cum Alanis finitima gente ductu Goaris Regis Gallias petiisse, & in agro Pictonum circa Ligerim Honorij principatu sedem cepisse. idque eo verisimilius videtur, quòd imperante Placido Valentiniano Honorij successore, pars Alanorum trans flumen Ligerim confidebat. vt in libro de origine Gothorum tradidit Iordanes. His animaduersis ad ordinem reuertendum est.

Paullo post populationem Campanix Remensis, Childebertus Francorum Rex Luteciam Parisiorum regressus in morbum incidit, quo diutissimè conflictatus, ac tandem oppressus decessit. Quam puto causam fuisse, quare Chlotharius reuersus ex Saxonia ab eo factam absenti sibi iniuriam non vindicauerit, nec bellum inferre voluerit ægrotanti fratri, cui breui morituro successurus erat. De anno, quo Childebertus obiit, obscurum est. Auctor Appendicis Chronico Marcellini subtextæ Indictione V post Consulatum Basilij V. C. anno XVI^{10LVII} eum decessisse scribit, Marius Indictione VI post Consulatum Basilij anno XVII. cui ego Auctori eo libentiùs^{10LVIII} accesserim, quòd Childebertum & Chlotharium videre potuit. nam Guntchramno regnante floruit, & statutis Concilij Matisconensis II. subscripsit. Vt appareat errare Herimannum Contractum, ac Sigebertum: è quibus Herimannus Chlodoueum Magnum anno Christi nati 10XXIII, Childebertum eius filium anno 10LXIII, regni quadagesimo obisse tradit. Sigebertus illum anno 10XIV, hunc Christi 10LIX, regni quinto & quadagesimo mortuum ait. Sepultus est a Germano Episcopo Ecclesiæ Parisiæ Childebertus in Basilica B. Vincentij Martyris, quam reuersus ex Hispania condiderat. Vsuarius Monachus huius ipsius Monasterij in Martyrologio, quod Carolo Magno Augusto nuncupauit, vno eodémque die (nescio an & anno) dedicatâ Ecclesiam, & sepul-

tum in ea Childebertum Regem Francorū docere videtur, cūm X Kal. Ianuar. Parisiis dedicationem Basilica in honore S. Crucis, & S. Vincentij Martyris; ac depositionem Domini Childeberti Regis ait celebrari. Sic Chlotharius mirā quadam felicitate Theodorici, Theodeberti, ac Childeberti, quorum aut insidiis petitus, aut armis oppugnatus erat; & superstes, & successor fuit. vti postea nepos eius Chlotharius Childeberti fratris patrueis sibi infestissimi, & Theodeberti, ac Theodorici, à quibus magnā regni patrij parte spoliatus fuerat; hereditatem obiit. & Carolus, Ludouici Augusti filius minimus natus, post obitum filiorum Lotharij germani fratris, qui paternis bonis cum excludere voluerat; Regnum Lotharij, & Imperium Romanum obtinuit. Gregorius de vita Nicetij Lugdunensis Episcopi hunc Childebertum Seniore, & in libro de vita Patrocli Childebertum Parisiorum Regem, appellat, Sacerdotemque Lugdunensem Antistitem, qui Nicetij auunculus erat, & Mumionem præcipuè dilexisse ait.

• Non faciliè reperias, cuius pietas, & de summis Ecclesiæ rebus sollicitudo multis & magnis experimentis testator fuerit, quàm Childeberti. Nam vt omittam Basilicas, Xenodochia, Monasteria, Luteciæ Parisiorum, Lugduni, Arelate, aliisque in locis ab eo exstructa; edictumque promulgatum, quo simulacra Dæmonum deiici iussit: quantumcumque splendoris, & incrementi Childeberto regnante Ecclesiæ Gallicanæ accessit, (accessit autem plurimum) huic vni acceptum referri debet. Cui rei indicio sunt Concilia Episcoporum IV in opidum Aurelianorum, vnum Arelate, duo in urbem Luteciam mandato eius indicta. ex quibus Concilium Aurelianense tertium Nonis Maij, quarto

10XXXVIII. post Consulatum Paullini iunioris V. C. anno XXVII regni Domini Childeberti Regis; Concilium Aurelianense

10XLIX. quintum V Kal. Nouembris, anno XXXVIII regni D. n. Childeberti, Indictione XIII; Concilium Arelatense quin-

10LIV. tum III Kalendas Iulias, anno XLIII regni Domini Childeberti Regis, Indictione II, non (vt mendosè subscriptio Sapaudi Episcopi præfert) III habitum fuisse legimus.

Annus autem quartus post Consulatū Paullini iunioris, Ioannis Consulis nomen ferens; post Felicem & Secundinum Consules, siue post Chlodouei obitum, & initia principatus Childeberti septimus ac vicesimus est. & Indictione XIII, v. Kal. Nouemb. Childebertus XXXVIII imperij anni mensem vltimum ingrediebatur, Indictionisque XIII diem XXXIV agebat. siquidem à die VIII Kal. Octobris Galli Indictionum principia ducebant. vt appareat verum esse, quod diximus, Chlodoueam Felice & Secundino Coss. decessisse. Non possum mihi temperare, quin huic loco inseram, quot qualésque viros Childebertus suarum virtutum præcōnes inuenierit. Vigilius Romanæ Ecclesiæ Episcopus in duabus epistolis, quarum alteram IV P. C. Basilij V. C. ad Auxanum, Arelatensium Episcopum, alteram ad Aurelium Auxanij successorem quinquies P. C. Basilij misit, *Gloriosissimi viri, filij sui, Childeberti Regis Francorum Christianam deuotionem*, ac Deo placitam voluntatem laudat: & vtrumque monet, vt de seruanda pace & amicitia Iustiniani Aug. Sacerdotali studio eum hortetur. Idem P. C. Basilij anno IX Aureliano supradictō scribens Constantinopoli, vbi à Iustiniano pridem retinebatur, eius partes esse ait, *Gloriosum filium suum Childebertum Regem sæpius orare*, vt quemadmodum *Catholico Rege, & venerationem integram Sedi Apostolica exhibente dignum est, Fidem & Ecclesiam omni virtute defendat*, & de Sede Apostolica sollicitus Regem Gothorum (hoc est Totilam, qui ante annum Romam ceperat) per litteras dignetur deterrere, ne is alterius sectæ sectator aliquid Romæ faciat, fieriue permittat, quo Catholica Ecclesia perturbetur: hoc est, ne in suum absentis locum alium Episcopum substituat. Ex quo apparet Childeberti auctoritatem apud extreros Principes plurimum valuisse: & Francorum Reges vno ferè tempore factos esse Christianos, atque Episcoporum vrbis Romæ patronos ac defensores. Episcopi Gallicani, qui Indictione XIII Aurelianis conuenerunt, *clementissimum, & piissimum Principem*, amantem sacræ Fidei, ac religionis; & triumphorum titulis inelytissimum Dn. Childebertum

101VII.

Regem vocant, ac Lugduni xenodochium exstruxisse auctore Vltrogothone Regina commemorant. Eundem Pelagius vrbis Romæ Episcopus *Dominum filium, merito gloriosissimum atque præcellentissimum*, appellat; & sincero amore sanctæ Ecclesiæ multis Regibus clariorem factum esse, & pro tranquillitate eius præcipuam curam gerere dicit: atque per Rufinum legatū anno XVI P. C. Basilij ob id Romam missum interroganti, quid de Papæ Leonis epistolis, & Synodi Chalcedonenlis constitutis sentiret, ne suspectus hæresis esset, longâ epistolâ, & Catholicæ Fidei professione se purgat. Memoria dignum est, quod Fortunatus Presbyter in libro de vita Germani Parisiorum Episcopi tradit, Childebertum VI millia solidorum, egentibus dispartienda, Germano misisse, & fractas aureas lances, vasâque argentea concisa hos in vsu sancto Antistiti dedisse: quem in VI Carminum libro *Regem placidum, mitem, sapientem, bonum, ac æquum omnibus fuisse* dicit, grauitérque mortem tanti Principis tulisse Parisios: & à Palatio in Basilicam B. Vincentij per hortos, qui postea Vltrogothonis Reginæ fuerunt, transire eum solitum ait, ibique malos manu eius insitas ostendi. Idem eundem in libri Carm. II Carmine XI pium, in ædificandis ac ditandis Ecclesiis munificum, & diuini cultus adedò studiosum fuisse affirmat, vt Episcopis esset exemplo. præterea Ecclesiam Parisiacam ab eo exstructam scribit his versibus,

Splendida marmoreis attollitur aula columnis,

Et quia pura manet, gratia maior inest.

Prima capit radios vitreis oculata fenestris:

Artificisque manus clausit in arce diem.

Hac pius egregio Rex Childebertus amore

Dona suo populo non moritura dedit.

Totus in affectu diuini cultus adharens,

Ecclesia iuges amplificauit opes.

Melchisedechi noster, merito Rex, atque Sacerdos

Compleuit Laicus religionis opus.

Publica iura regens, & celsa Palatia seruans,

Vnica Pontificum gloria, norma fuit.

Hinc abiens illic meritorum viuus honore,

Hic

Hic quoque gestorum laude perennis eris.

Et Childeberrus quidem pietatem, ceterasque pacato Principi conuenientes virtutes ita coluit, vt ab armis nequaquam esset alienus. cui rei est indicio bis intrata ac subacta Burgundia; vindicata in Amalaricum Regem sororis iniuria; penetrata ac excisa Hispania. Sed has omnes dotes Childeberrus nimia alieni cupiditate fœdauit, qua impulsus Theodorico fratri suo Aruernos eripuit, Chlodomeris fratris filios per Chlotharium interemit, Theodeberrum similiter, adiutorem Chlothario, ac mox Chlotharium ipsum inuicem Theodeberti operâ Regno spoliare conatus est. Vt appareat verum quoque esse, quod ait in fine libri tertij Gregorius, Childeberrum *versutum, & aduersus Chlotharium Regem semper inuidum fuisse*. Nam de iſto cum Chramno foedere, & de Campaniæ Remensis populatione loqui nihil attinet. in quo videtur Childeberrus iniuriam iniuriâ vlcisci voluisse, à Chlothario fratre natu minore dimidia Theodebaldi Regni parte priuatus.

Habuit in matrimonio Vltrogothonem, quam vetus Auctor libri de vita Baldechildis Reginæ *Vltrogotham Reginam, Childeberti Christianissimæ Regis coniugem* appellat, & nutricem fuisse pupillorum, nutricem egentium, Fidelium Monachorum adiutricem dicit. Ex ea Childeberrus filias duas, Chrotbergam, & Chlodefindam, Chlotharij filix sorori suæ patrueli cognominem tulit: quas ambas adultas virgines vnâ cum Vltrogothone matre in exilium misit Chlotharius, simul ac Regni & thesaurorum Childeberti fratris sui potitus totum paternum Regnum solus obtinuit. vt Gregorius, & Fredegarius in Epitome scribunt: è quibus Fredegarius Vltrogothonem malè Walderadam vocat. Quamquam ego (pace Gregorij dixerim) vix crediderim Chlotharium magno Principem animo, iam compotem votorum suorum, conceptum in fratrem odium ob Campaniæ Remensis populationem in mortui coniugem ac filias innocentes effudisse. Certè in quibusdam Aimoini exemplaribus reperio eas, vnâ cum Chlothario, dedicationi Ecclesiæ Sancti Vini-

centij post Childeberty obitū interfuisse, complura prædia Monasterio dedisse, donationemque scripto confirmauisse. Constat quidem saltem Vltrogothonem, eiusque filias, si à Chlothario in exsilium actæ sunt, à Chariberto Chlotharij filio & successore paullo post in patriam esse reuocatas. quippe Venantius Clementianus Fortunatus in libro Carminum sexto scribit Dominam Vltrogothonem Reginam, filiasque eius duas Childeberty mortuo Luteciæ Parisiorum in domo, hortisque amoenissimis, qui Childeberty fuerant, habitauisse: atque sub regio mundeburde, hoc est sub tutela, ac defensione Chariberty Parisiorum Regis securè & honoratè vixisse. Versus Venantij Fortunati huic loco non in tempestiuè inserturus mihi videor.

Charibertus adest, qui publica iura gubernans,

Tempore præsentis gaudia prisca refert.

In tantum patrui se prodidit esse sequacem,

Vt modo sit tutor coniugis iste nepos:

Qui Childeberty retinens dulcedine nomen;

Eius natarum est frater, & ipse pater.

Quæ bene defensa placido moderamine Regis,

In consobrino spem genitoris habent.

Quibus ex versibus etiam iudicari potest, id quod iam inde ab Honorio Principe in vsu esse cœpit, fratrum & sororum filios, nepotes; fratres patruales, tum promiscuè consobrinos dictos esse: atque lenem Francos Bertum appellauisse. siquidem Fortunatus ait Charibertum Regem Childeberty patrui sui vt Regnum obtinuisse, sic lenitatem, dulcedinemque morum re & nomine referre. Quamquam Auctor libri de vita Bertæ Abbatisæ Bertum, clarum, fulgentem & splendidum interpretatur.

Childeberty mortem breui Chramni exitium secutum est. Is enim, amisso tanto præsidio inops consilij, cum ad patrem venisset, & impetratâ veniâ persanctè iurauisset ei se morigerum futurum, fidemque paullo post nescio quo facto violauisset, videns se euadere non posse, cum coniuge & filiabus suis in Britanniam ceteriorem perfugit ad Conobrum Britannorum Comi-

tem, quem vetus quidam scriptor rerum Francicarum, Auctor Appendicis Chronico Marcellini adiunctæ, & Aimoinus *Cunobertum*, vel *Conabum Britannorum Regem* appellant, Sigibertus *Brittonum Ducem*. Britannicis adiutus auxiliis mercede conductis Chramnus Regnum parris ingreditur; prædas agit; multa loca igne & ferro vastat. Wiliacharius quoque, *Vulleharius* Aimoino dictus *Dux Aquitania*, minis Chlotharij ter-ritus, qui eum Chramni generi sui partibus fauisse arguebat, in Basilicam Martini monumento ac nomine insignem cum vxore confugit. vnde quoniam à Chlotharianis extrahi non poterat, admoto igne viuis exustus est, atque Basilica pariter incensa: quam protinus Euphronius Turonicus Episcopus, Chlotharij Regis liberalitate adiutus, magnificè restituendam, & stanneis tegulis tegendam curauit, sicuti ait Aimoinus. nam Gregorius & Fredegarius Basilicam Martini propter Wiliacharium incensam tantummodò dicunt.

Chlotharius Chramni furore ad arma compulsus, magnis coactis copiis, vnà cum reliquis filiis suis, vt Freculfus scribit, rebellem in Britanniam citeriorem properè persequitur. Vnde apud Fortunatum in libri IX Carmine primo dicitur Chilpericum præter ceteros vti belli Saxonici, quod Saxones cum Æstiis, & Danis coniuncti ciuerunt; sic Britannici huiusce commilitonem habuisse. Per agrum Aulercorum Cenomanorum iter facientem Chlotharium Constantianus Abbas, vir sanctissimus hospitio accepit, iraque & inedia ægro, ac vix mentis compoti vt cibum sumeret persuasit, & discedenti bene precatus victoriam prædixit. inde fines Britanniae ingresso Chramnus & Conober armati obuiam ierunt. Eo die productæ vtrimque ac instructæ in campo copiae sub Solis occasum citra certamen in castra reducuntur. Proximâ nocte Conober cum Chramno egit non oportere eum pugnae interesse: nefas enim esse filio cum patre configere: se, si permitteret, confestim hostibus superuenturum, & semisomnes, ac improviso periculo territos oppressurum. Displicuit Chramno salubre consilium. Huic enim Deus, ac diutiùs scele-

rum suorum impunitate frueretur, oculos mentis præstrinxerat. Postridie manè proelium non procul à mari committitur : orante cum planctu & lacrimis , ac obtestante Deum Chlothario , vt tamquam Dauidem olim ab Absalone ; sic se ab impio & periuro filio vindicaret. Pugnatum est vtrimque acriter, cùm alios indignatio, alios spes victoriæ ad fortiter faciendum incitaret. tandem Britanni terga verterunt : quos Franci vsque ad naues insecuti, maximam eorum multitudinem conciderunt. Conober in fuga periit. Chramnus poterat quidem euadere, si vni sibi consulere voluisset. sed dum vxorem, & filias secum abducere, & in naues, quas ad fugam præparatas habebat, imponere conatur, vnà cum his ab exercitu patris oppressus capitur, atque vincitur. Quod vbi Chlothario Regi nuntiatum est, iussit eum cum vxore & liberis igne consumi. Milites, vt erat imperatum, captos agresti casa cuiusdam pauperculæ concludunt : linteum, quod orariū vocant, Chramni super scamnum porrecti collo circumdant, idque nodo vinctum vtrimque ad se trahentes, deformi mortis genere iuuenem in spem regni genitum occidunt. tum Chaldam coniugem Chramni, Caltem Aimoino dictam, feminam nobilissimam atque clarissimam, & filias ex ea sublatas admodum infantes, ne quod sceleris vestigium exstaret, igne in tugurium iniecto viuas exussere. vt Gregorius in IV Historiæ libro, & Fredegarius in Excerptis scribunt. Post Consulatum Basilij anno vndeicesimo periit Chramnus, quem Marius in Chronico, anno supradicto, Fortunatus de vita Medardi, ac Fredegarius in Epitome cum coniuge & liberis crematum ; Auctor Appendicis Chronico Marcellini subtextæ, & Freulfus viuum combustū fuisse tradunt, & Chramnum, ac Grannum appellant. Addit Freulfus Chlotharium victis Brittonibus, gentem eam subegisse, ac tributariam fecisse : cùm Marius Auenticensis Episcopus, vetus & grauis Auctor, tantum eorum regionem à Francis totam excisam fuisse dicat.

Dum Chlotharius ex Britannia reuertitur, Medardus, natione Francus, Viromanduorū, Nouiomagensium, ac

Turnacensium Episcopus, vir omnibus virtutibus præstans, & sanctitate magis, quàm senectute venerabilis grauitè ægrotabat. qua cognita re Chlotharius visendi eius gratiâ Nouiomagum Sueffionum, quò sacerdotalem sedem transtulerat, venit, mortuúmque in prædio regali Croiciaco, trans flumen Axonam in conspectu vrbs Augustæ Sueffionum posito, sepeliri honorificè iussit, eiúsque tumulum cellula, vel paruo tugurio ad tempus sepsit, donec magnificentissimam amplissimámque Basilicam sepulcro circumdaret, quam moriens inchoatam, ac Sigiberto filio perficiendam reliquit. Turnacenses autem, qui post Eleutherij Episcopi sui obitum Medardi Nouiomagensis Episcopi curæ commissi fuerant, ab eo tempore vsque ad Simonem per annos circiter 100 non alios quàm Nouiomageneses Episcopos habuerunt. Híc notandum est errare eos, qui Medardum Nouiomagensium Episcopum, & Gildardum Rotomagensem Antistitem fratres geminos fuisse, & vno eodémque die vt natos, sic Sacerdotes factos, ac mortuos aiunt. cum Gildaredus, seu Gildardus Episcopus Ecclesiæ Rotomagensis Metropolis Felice Cos. Chlodoueo 101. regnante, hoc est ante annos L, quàm Medardus decederet, Concilio Aurelianensi interfuerit. Quare ambo apud Vfsuardum eodem quidem die, nimirum VI Idus Iunias, at non eodem anno obisse, aut germani fuisse dicuntur.

Post Consulatum Basilij anno vicesimo, imperij Iulianiani XXXV, Indictione IX, Chlotharius Cæsarodunum Turonum ad limina S. Martini contendit, Beatúmque Episcopum gemens, ac monumento eius affixus orauit, vt omnium, quæ negligentia & iniquitate lapsus commiserat, peccatorum veniam suis sibi precibus à Deo impetraret: multisque donis ornato loco, & per religiosissimas quasque Sanctorum Basilicas magnâ pecuniâ diuisâ, domum regressus Cotiam siluam petiit, vbi cum more Regum Francorum autumnali venatione se exerceret, subitò in grauem incidit febrem, & Compendium, villam publicam, seu Palatium regium siluæ proximum repetiit, ac paullo pòst vi morbi op-

12LXI.

pressus decessit. Dicitur moriens, cùm viscera torrerentur à febre, adstantes interrogauisse, qualem in cælo regnare putarent Regem, qui magnis & potentibus Regibus sic eriperet vitam. Obiit Chlotharius Rex Indictione IX (vt scribit Marius) post Consulatum Basilij anno XX, CCCLXVI die postquam Chramnus perierat : & sicut quondam Chlodoueus pater suus, IV filios adultæ ætatis, Charibertum, Guntchramnum, Chilpericum, & Sigibertum reliquit superstites, qui eum honorificè per XXX passuum millia magnâ Clericorum psallentium frequentiâ Augustam Sueffionum delatum in Basilica B. Medardi, vt ipse præceperat, ante altare S. Episcopo consecratum sepeliuere, ac Regnum patrium viris tum armisque florentissimum ac maximum, quod Galliam atque Germaniam ferè omnem complectebatur, quadripartitum inter se sortiti sunt.

12LXVII.

Quod ad annum vltimum regni Chlotharij pertinet, Marium Auenticensem Episcopum, diligentem Auctorem libentiùs, quàm Gregorium eius æqualem, Fredegariùmque, & Aimoinum ac Herimannum Monachos sum secutus : propterea quòd *anno VI regni Gloriosissimi Guntramni Regis Indictione XV* Concilium II Lugduni habitum lego. Indictio autem XV, siue annus primus Consulatus Iustini iunioris Aug. post mortem Chlotharij, quem Indictione IX decessisse ait Marius, annus est sextus. Præterea decretum Episcoporum duorum & triginta, qui Luteciæ Parisiorum conuenerunt, datum dicitur *die III Iduum Septembrium, anno XII Dominorum Regum Indictione VI Parisiis*. Similiter & Synodum Episcoporum Gallicanorum X VII Valentiz habitam inuenio *anno XXIII regni gloriosissimi Domini Guntchramni Regis, Indictione II*. Vt appareat, cùm Indictionis XV finis semper initium esset primæ, Chlotharium Indictione IX exeunte, post Consulatum Basilij V. C. anno vicesimo, imperij quinquagesimo mortem obiisse, eiusque filios Indictione quintadecimâ sextum regni sui annum ; Indictione sexta duodecimum ; Indictione demum II tertium ac vicesimum egisse. Quamobrem Sigebertus in Chronico Chlothario non ampliùs

12LXI.

quingenta regni tribuit annos. quippe Chlodoucum Regem anno Christi 10 XIV, Chlotharium eius filium 10 LXIV anno obiisse memorix tradit. Ceterum Gregorius, si Chlotharium tantum LI regni sui anno exspirasse diceret, ac non etiam eodem hunc anno Cæsardunum Turonum petiisse affirmaret; videri posset à Mario minimè dissentire. Cum enim Chlodoueus Rex Chlotharij pater Felice & Secundino Coss. v Kalendas 10 XL Decembres (vt suprà scripsimus) à filiis suis elatus ac sepultus fuerit, dummodò Chlotharius P. C. Basilij 10 LXI V.C. anno XX decedens, huncce diem excefferit, (quatuor autem & triginta dies ex anno supersunt) non falsò diceretur ad annum imperij primum & quinquagesimum peruenisse.

Opportunum videtur, antequam volumen hoc, opusque finiamus, de Chlotharij Regis virtutibus & vitiis aliquid dicere. Erat Chlotharius, vt robusto corpore, ita fortitudine & laboris patientia eximia. qui præter bella ab Auctoribus nostris omissa, duas aduersus Burgundiones expeditiones suscepit, cum Chlodomere & Childeberto fratribus priorem, posteriorem cum Childeberto, ac omnem Burgundiam fuso fugatoque Godomaro Rege perdomuit: Theodoricum in Toringiam magna manu secutus, Herminafridum Toringorum Regem vicit acie: adiunctus Childeberto Cæsaraugustam obsedit, & totam ferè Hispaniam Tarracensem depopulatus est: nec senectute segnior, aut in exsequendo tardior factus, Saxones rebellantes, ac tributum ipsi pendere recusantes, ter continuo triennio aggressus est, subactisque vectigal imposuit: Britannos demum, Chramno aduersus se ferentes auxilium, prælio superauit. semper inuictus, nisi quòd semel ferociâ suorum seditiosè pugnam exposcentium, nec vllam pacis conditionem accipientium, in Saxonia magnam copiarum partem amisit: ita vt scientia rei militaris, virtute, ac felicitate Chlodoucum parentem suum, & Theodoricum fratrem non modò æquauisse, sed etiam superauisse videatur. Acutum cum & callidum fuisse docent vitæ in Toringia Theodorici fratris insidiæ;

filux Arclaunensis Childeberto ac Theodeberto obie-
ctæ concædes ; fraus fraude vindicata , cùm fraudatus
à Childeberto pecuniâ , quam Theodahadus Italia
Rex miserat , thesauris Chlodomeris manum iniecit ; ac
totum Theodebaldi Regnum dolo magis quàm vi oc-
cupatum , adeò vt iure Childebertum fratrem natu ma-
iorem exclusisse videri veller. Quare non immeritò
Venantius Fortunatus in libri V I Carmine IV Chlo-
thario consilium & acumen ; Childeberto bonitatem
pietatemque attribuit. quas omnes animi dotes Cha-
riberto Chlotharij filio inesse scribit his versibus ,

Predicat hinc bonitas , illinc sapientia plaudit.

Inter utrumque decus te sibi quisque rapit.

De patruo pietas , & de patre fulget acumen.

Et reparas solus lege fauente duos.

Et in libro I X Chilpericum virtute Chlothario patri ,
eloquentiâ Childeberto patruo similem fuisse dicit ,

De virtute pater reparatur , auunculus ore.

Sigibertum Regem similiter in libro V I à patre virtu-
tem ait habuisse , atque in versibus tumulto Chlotharij
Guntchramni Regis filij inscriptis Chlotharium nostrû ,
auum regij pueri , *Magnum* appellat. Ex quo satis in-
telligitur eum primarium bellatorem , fortissimûque
ducem , & maximæ in bello habitum esse virtutis. Multa
Chlotharius , præcipuè paucis ante obitum annis , pietâ-
tis ac liberalitatis præbuit exempla. siquidem mortuo
Theodebaldo Rege , Maurû Abbatem Glannafoliensem
frequenter ad se euocauisse , ac eius consiliis usus esse dicitur ,
& Glannafoliû venisse cum paucis , Monasteriôque Bla-
sonem , ac villam Longum campum , Monachis eligen-
di Abbatis potestatem scripto concessisse , & postquam
Maurus bene ipsi precatus erat , abiisse. Idem de sua sede
defiliens *flexo genu Iunianum* Presbyterum & Abba-
tem (sicuti scribit Wlfinus Episcopus) *adorauit* , & san-
ctissimum hominem , vt pro se domo que sua , ac pro
statu Regni Deum oraret , deprecatus , atque ad cellu-
las in agro Lemouicum exstruendas , Monachosque
congregandos hortatus est , dimissûque parte prædij
regalis nominè Gauarciaci per Aurelium virum illu-
strem

strem attributa donauit. Constantianum quoque Abbatem, à quo erat exceptus, cùm Chramnum in Britanniam persequebatur, rebus fisci, & aliis bonis muneribúsque ditauit. Medardum Nouiomagensem ac Turnacensem Episcopum, ne pñssimi Antistitis benedictione priuaretur, visitauit ægrotum, defuncti *corpus suis ipse humeris sustulit*, Episcoposque & Optimates ad sanctum onus subeundum suo incitauit exemplo, ac non multo pòst moriens Sigiberto filio mandauit, vt quam Deo vouerat, ac iam super B. Confessoris tumulum inchoauerat, Basilicam ex aurò, argento, & cuiusque generis lapidibus huic operi à se præparatis absolueret. Ne de Basilica Sancti Martini loquar, quæ piâ munificentia eiusdem Regis restituta, & stanneis tegulis tecta est: aut de libris, in quibus Turoni descripti erant, iussu eius incensis, vt ciuitas in Martini Antistitis gratiam esset immunis. Sed Chlotharij virtutum splendorem obscurauit sæuitia, nonnumquam cum alieni rapiendi cupiditate coniuncta, qua impulsus cognatum suum, fratrem Radegundis vxoris, infontem spiritum priuauit: Chlodomeris fratris filios, vt debitum eis Regnum occuparet, suapte manu interimere sustinuit, ac Childeberto pro Gunthario vitam precanti mortem minatus est: Theodeberto quoque vitam Regnumque eripere voluit: Vltrogothonem Reginam, Childeberti fratris coniugem, filiasque eius innocentes in exilium misit: postremò Chramnum, rebellem quidem & malum filium, sed tamen filium, crudeliter interfecit, nec contentus iuuenis cæde, vxorem eius, immunem delictorum viri sui, filiasque infantes occidit, credo vt reliquos filios suos, quos de industria secum in Britanniam adduxerat, magnitudine poenæ deterritos in obsequio contineret. Cuius tamen eum cædis breui pœnituit. hanc enim præcipuè ob causam (vt puto) limina B. Martini paullo pòst petiit, & omnium, quas commiserat, culparum, ac in primis nouissimæ huius atrocitatis veniam precatus, deinde mærore magis quàm febris consumtus est. Quantopere præceps in venerem Chlotharius fuerit, docent tot in-

ceſta matrimonia contracta, Gundeucâ, Chlodomeris fratris ſui vxore, ſibi coniunctâ, vno eodémque tempore duabus ſororibus in torum receptis, Vuldetrada Theodebaldi coniuge domum ductâ. Nec facile dictum eſt, vtrum ardentius concupiuerit vxores propinquorum viduas inire, an regna occupare. pæne vt credam Vltrogothonem, quia vetula erat, in exſilium miſſam, mitiſſque cum ea acturum fuiſſe Chlotharium, ſi adoleſcens, & apta veneri fuiſſet. Iam verò quod Ingundi vxori dicebat, neminem ſe ipſo ſapientiorẽ inueniſſe, cui Charegundim in matrimonium collocaret, & illa ſuprema verba mirantis ac velut indignantis ſibi tanto Regi vitam à Deo eripi, indicant ſuperbum Chlotharium & arrogantem, ac naturæ ſuæ parum memorem fuiſſe. Quo minùs miror, id quod in IX Carminum libro ait Fortunatus, Chilpericum à Chlothario Rege vnice ac plus ceteris filiis eſſe dilectum, hominem nimirum omnium patris vitiorum heredem, ſed plerarumque eiufdem virtutum expertem, crudelem, rapacem, libidinoſum, ac ſuperbum, negantem quemquam ſe prudentiorẽ eſſe, ita vt ſagaciſſimus ſenex ſuos in filio mores agnouiſſe & probauiſſe videatur.

Ceterum quod ſuprà ſcripſimus, Fortunatum in libro de vita Medardi ſecuti, Chlotharium Regem morientem Sigiberto filio mandauiſſe, vt Baſilicam ſuper Medardi ſepulcrum à ſe inchoatam vnâ cum Monasterio conſummaret, pecuniâque non parua hos in uſus impendendam eidem reliquiſſe; id ſi verum eſt, oſtendit à Chlothario ægrotante Regnum inter filios eſſe diuiſum, & Sigiberto natu minimo Baſilicæ Sancti Medardi perficiendæ curam delegatam, quoniam ea Baſilica, tametiſi proxima Auguſtæ Sueſſionum Chilperici Regiæ, tamen flumine Axonâ ab vrbe diuiſa, & in Regno Sigiberti poſita erat. Vnde Fortunatus Preſbyter, in libri VII Carmine IV ad Gogonem vnum è Sigiberti Optimatibus, vti *Iſaram*, *Somenam*, *Scaldim*, multoſque alios amnes, ſic *Axonam*, hoc eſt partem Axonæ Regno Sigiberti attribuit. Et Gregorius ipſe, qui in libro Hiſtoriæ IV quatuor Chlotharij filios, patre mor-

tuo, Regnum eius inter se diuifisse dicit, ac fuam fingulis partem forte obuendiffe; idem in libro de vita Nicetij Treuirici Epifcopi fcribit, cum Nicetius, iam in exilium ductus iuffu Chlotharij, ab Epifcopis adulantibus Regi congriffu prohiberetur, & à fuis omnibus defereretur, *poft ridie* ad eum ueniffe legatum Sigiberti Regis cum litteris: quarum fuma erat, Chlotharium Regem patrem fuum deceffiffe, feque *Regnum debitum* cum Epifcopi beneuolentia recipere oportere. Quæ Gregorij uerba perpenfa fatis apertè uidentur declarare ab Chlothario diuifionem Regni inter filios factam effe, ficuti de Chlodoueo refert Rorico, cum aliter Sigibertus tam citò poft patris mortem Nicetium de exilio reuocare, aut Mettenfe Regnum, cuius urbs erat Augufta Treuirorum, fibi vindicare non potuerit.



INDEX.

A

- A** **CAVNER** **12** Monasterium à quo exstructum, **338**
Adouacrius Saxonum Rex **Andecaous capit.** **235.** amittitur, *ibid.* Childerico iunctus Alamannos aggreditur, **236**
Ægidius Magister militiæ **Gallicanæ**, **190.**
Arelati obfessus **Vesigothos** eruptione facta fundit, **190.** **Gallus**, **196.** **Fridericum** fratrem **Theodoric** Regis **Vesigothorum** victum occidit, **196.** & **197.** **Caionem** frustra obsidet, **197.** in **Childerici** locum à **Francis** substituitur, **200.** & **201.** eiicitur, **201.** **Coloniam**, & **Treuirus** amittit, **201.** moritur, **198.** & **199.** eius virtutes, **197.** & **198**
Ætiji **Patricij** res gestæ, **126.** & **127.** mors, **174.** virtutes & vitia, **175.** & **176**
Africa à **Iustiniano Aug.** recepta, **377**
Agathias arguitur, **348.** **454.** & **467**
Agericus **Verodunensis** **Episcopus**, **Francus**, **424**
Agila Rex **Vesigothorum**, **442.** & **444.** à suis occiditur, **444**
Agilolfingi seu **Aigolfingi** qui, **429**
Agrippinus Comes **Narbonem** tradit **Theodrico** Regi, **195.** & **196**
Aimoinus reprehenditur, **302.** **362.** **418.** **423.** emendatur, **463**
Alamannorum incurfiones in **Galliam** & **Italiam**, **4.** & **5.** in **Rætiâ**, **3.** in **Gallias** **11.** **15.** **18.** **36.** **45.** **58.** **63.** **179.** **236.** **236**
Alamanni agrum **Heluetium** occupauere, **237.** sub **Ôstrogothorum** imperio fuerunt, **257.** & **258.** à **Vitige** dimissi, **258.** & **412.** **Francis** subiecti legibus suis utebantur, **258.** eorum sub **Francorum** ditione conditio, **412.** eorum **Vares**, **458**
Alani **Gallias** ingressi, **98.** **99.** inde **Hispanias**, **106.** & **111.** quidam in **Gallia** **Goare** duce confedere, **172.** bifariam ibi diuifi, **173**
Alaricus iunior à **Chlodoueo** interficitur, **296.** Regum **Vesigothorum** primus aureos adulterauit, **291.** & **408.** eius mores, **291**
Albofledis cum **Chlodoueo** fratre baptizatur, **261.** virginatatem Deo deuouet, **261**
Alexandrini **Chronici** Auctor arguitur, **218**
Amalafridus **Hermiafridi** filius, **362.** & **363**
Amalaricus **Vesigothorū** Rex, **335.** **Chrothildim** ducit uxorem, **325.** **326.** **367.** eam exdit, **367.** à **Childeberto** victus interficitur, **369.** **370.** **371**
Amalasuentha **Theoderici** R. ex **Audelda** filia, **327.** **Eutharico** nubitur, *ibid.* **Theodahadum** Regni confortem facit, **400.** ab eo interimitur, *ibid.*
Ambianis **Gratianus** fit Imperator, **451**
Ambiani vrbs ab **Alanis** & **Vandalis** capta, **103.** Regia **Chlodionis**, **131.** **Mero-uci**, **146.** **Childerici**, **236**
Amfuarij **Francica** gens, **75.** & **99**
Anastasius **Bibliothecarius** arguitur, **331**
Andematunnum **Lingonum** à **Vandalis** expugnatum, **103**
Angli **Germana** gens, **143.** in **Britannia** insula sedem capiunt, **143.** & **144**
Anthemius gener **Marciani** Aug. **202.** **203.** à **Leone A.** Imperator appellatur, **203.** & **204.** à **Ricimere** genero interficitur, **214.** eius filij, **215**
Antiochus **Cōsul** an eunuchus fuerit, **126**
Apollinaris **Sidonij** filius **Dux** **Alerici**, **296.** ex **Duce** **Aruernorum** **Episcopus**, **323.** **Arcadij** pater, **323.** & **324.** **Alcimæ** frater, *ibid.*
Appendicis **Victoris** Auctor corrigitur, **270.** **271**
Aquitania secunda cum **Nouempopulis** data **Vesigothis**, **115.** & **119**
Aquitania prima, & secunda, gemina **Germania** dicta **Gregorio**, **240.** **Aquitania** **1** & **2.** & **Nouempopuli** **Chlodomeris** non fuerunt, **323**
Arbogastes, **Francus**, **Victorem** **Cæs.** vincit & occidit, **69.** quare dictus **Comes** **Theodosij**, **70.** Magister militiæ, **71.** **Valentinianum A.** occidit, **74.** & **75** **Eugenium** Imperatorem facit, **75.** **Franciam** vastat, **75.** cum **Francis** pacem facit, **76.** **Marcomerem** & **Sunnonem** ad cenam inuitat, **76.** **Gothorum** x millia cædit, **78.** cum **Theodosio A.** pugnat, **78.** & **79.** vincitur, **80.** **81.** **82.** & **83.** se interficit, **81.** **Consul** fuit, **83.** de eodem, **84.** & **85.** eius virtutes, **71**
Arbogastes, **Francus**, **Arigij** filius, **118.** **Comes** **Treuiorum**, **219.** eius virtutes, *ibid.*
Arborici apud **Procopium** idem qui **Armorici**, **278.** **279.** & **280**
Arcadius A. vnam provinciam in plures diuidit, & quare, **146.** & **147.** idem facit **Theodosius** eius filius, **124**

INDEX.

Arcadius Aviti A. pronepos, 124. parer Placidiaz vxoris Leonis postea Burdigalensis Episcopi, 124. Aruerni prodit Childeberto, 167. mittitur ad Chrothildim R. cura fornicibus & gladio, 187.
Ardarius Gipedū Rex Attilam sequitur in Gallias, 178. ab Attila filia deficit, 171. Ardarius nummi ab eo dicti, 108.
Aredius, Gundobadi R. Consiliarius, Chrothildis nuptias improbat, 151. Domum suam vitæ periculo liberat, 171 & 174.
Atelarum obfessum à Gerontio, 107. captum à Constantio, 109. à Theodorico maiore Vesigorb. Rege frustra oppugnatum, 119. item à Theodorico iunioris, 190. & 191. ab Eurico eius fratre occupatum, 114. à Theodorico Rege Ostrogoth. 103. bis obfessum à Chlodoueo, 101. & 111. datum Francis à Viuge R. 407. & 409. Childeberto parui, 410. officinā monetæ, & Consilium triumphus olim illustre, 411.
Arelanenſis ſilua, 423.
Argentoratum captum ab Alanis & Vandalis, 103.
Ariadne Aug. Anastasio diadema imponit, eque nubit, 147.
Ariana hæreſis qui per gentes barbaras diffusa ſit, 165.
Atrigis Francus, pater Arbogastis iniunctoris, 118. & 119.
Armorici Aëtio aduersus Attilam mittunt auxilia, 161. ſepe rebellant, 161. 179. & 180.
Atuandus ex Pref. Præf. Galliarum maiestatis damnatur, 105.
Aruerni à Chitoco Alamann. Rege capti, 5. ab Eurico Vesigothorum Rege occupati, 131. & 136. à Childeberto capti, 167. recepti à Theodorico, 181.
Ascaricus Francorum Rex in Galliam erompi, 16. à Constantino Aug. captus beſſus ſollicitur, 16. 17. & 16. quare, 57.
Attila Richimetis vxor, mater Theodometis Regia Franc. interfecta, 125. non fuit coniux Ricimeris Patricij, & filia Anthemij Aug. 105.
Aſclepiodorus Francos apud Londinium opprimit, 141.
Ataulfus Vesigoth. Rex Gallias ingreditur, 100. repellitur à Maſſilia, 100. Burgundiam diſtripit, 114. Narbonem capit, 114. Placidiam captiuā, ſororē Honorij A. ducit vxorem, 114. petit Hispaniam, 114. Barcinone à ſuis interſicitur, 114.
Atech Francorum Rex ad Maximianum Aug. venit, 21.
Athalaricus Rex Ostrogoth. 113. Prouinciam retinet, 151. Amalarico Septimaniam reddit, 114. d. cecidit, 122.

Athanaſgildus ab Agila Regg. deficit, 444. eo occiſo regnat in Hispania, 445.
Atrebatæ ab Alanis, Vandalis, & Sueuis capte, 103.
Attalus tyranni res geſtæ, 114. & 119. deportatio in inſulam, 115.
Attila Hunnorū Rex Illyricum & Thraciam populatur, 155. & 156. Magiſter militiæ Rom. cur dictus, 156. quas prouincias tenuerit, 114. Gallias petit, 158. quas Galliz vrbes cepit, 159. Aurelianos oppugnat, 159. & 160. vincitur ab Aëtio, 165. 164. & 165. quot hominum milliæ ſecum habuerit, 114. quot amiſerit, 114. Italiam petit, 166. Aquileiam & alias vrbes capit, 166. & 167. pace cum Valentiniano facta diſcedit, 167. moritur, 171. eius vicia & virtutes, 172.
Attuarij, Franci gens, 90. 117. à Iuliano Aug. pacem petunt, 43.
Audeſſeda Chlodouei ſoror fui, non ſiſta, 151. Theodorico Ostrogoth. Regi nubit, 151. an fuerit Ariana, 401. & 402. quando Theodorico nupſerit, 401. & 402. Amalaſuenthe R. mater, 401.
Auguſta Sueſſionum Chlotharij, deinde Chiſperici regia, 112.
Auguſta Veromanduorum ab Alanis, Vandalis, & Hunnis euerſa, 103.
Auguſta quādo Pim Felices dici cœpere, 66.
Autus, 121. ſic Imperator, 121. in Vrberem recipitur, 114. Conſulatum init, 114. ex Imper. ſit Episcopus, 131. obit, 114.
Auitus Viennenſis Episcopus, 310. Siſtimundum R. & Burgundiones ex Arianis Catholicos facit, 330. Concilio Epauonenſi præſt. 311. Chlodoueo R. de accepto Baſiſmo gratulatur, 164. 165. & 166.
Aurelianus Francos vinei in Gallia, 2. in Francia, 6. ante currum captiuos ducit, 6.
Aurelianus Chlodouei Conſiliarius Chrothildim ad eum perducit, 151. Meloduneniſi ducatu ab eo donatur, 153.
Aurelianenſi Concilio I. qui Episcopi interſuerint, 111. eius Concilij decreta Chlodoueus confirmat, 113.
Aureliani ab Attila capti, nec direpti, 159. & 160. Chlodometis Regia, 112.
Austria, & Neutriſia quæ prouinciz à Francis diſtæ, 112.
Auiſiodorum ab Attila captum & incenſum, 159.
Auxilia, Alæ, & cohortes Romanæ ex Francis factæ, 96.

B.

Baſilicivs Rex Toringorum à fratre viſtus & interfectus, 336.

INDEX.

Bainobaudes, Francus, Scurariorum Tribu-
nus, 35. Coruatorum Tribunus, ibid.
interficiunt, 37
Baioarij sub ditione Theodotici maioris,
429. Nbricum habitabant, 418. eorum
sub Francorum imperio conditio, 429.
& 430
Balamir Hunnorum Rex, 354
Bappo, Francus, Tribunus Promotoru, 34
Baronius arguitur, 411
Basilus vltimus pnuatorum Consul fuit,
413
Basina R. Bifini R. vxor, reliqvo vito, Chil-
derico vubis, 220. & 221
Bauto Francus, 62. quas res gesserit, 61.
Magister militum, 61. Consul ordina-
rius, Arcadij Aug. collega, 49. Synmach-
i amicus, 64. Gentilis, ibid. pater Eu-
dorie A. Arcadij A. coniugis, 61
Belisarius Africam recipit, 376. 377. Siel-
ham, 491. Vitigem R. cum Italia capit,
420
Georgos Rex Alanorum, 202. cum exer-
citu suo caesus, ibid.
Bertbarius Rex Toringorum à fratre Her-
minafido interimitur, 335
Bertoara Theodeberti Franc. Regis filia,
418
Bleda Hunnorum Rex, 351. cum Attila
fratre Illyricum & Thraciam vastat,
ibid. ab eodem interimitur, ibid.
Blithildis neutrius Chlotharij filia fuit,
412. 433. 468. & 469
Bonifatius Vandalos in Africam immittit,
112. & 127
Bonitus Francus, Stipator Gallieni Aug. 1
Bonitus Francus, pater Siluani, 14
Briones quæ gens, 161
Britanni Gallicani ab Eurice Vcligoth. Re-
ge caesi, 212. quo tempore & duce in tra-
cta Armorum confederati, 212. an Fran-
corum Regibus olim paruerint, 281.
282. 283. 284. 285. 286
Britannorum Iuncs, vel Marca Britanni-
ca, 284
Britannia insula fertilis tyrannorum cur-
diâ, 105
Brittia apud Procopium quæ insula, 442
Brocteri gens Francica, 18. eorum agri à
Constantino A. vastati, captiui puberes
bestis obiecti, 18. & 19. cum Chamaus
in Galliam erumpunt, 19. Brocteri &
Chamaui Francicæ gentes, 71
Bubaliolum, & vrsi, alces, onagri in Gal-
lia, 414
Buccellus Dux Theodeberti in Italia
magnas res gerit, 417. Alamannorum
Dux, 410. Parmam capit, 410. Fulcar-
ius Eruorum Ducem victum interficit,
411. totam Italiam peragrat, 450.
451. & 452. à Narfe victus cum suis
omnibus perit, 459. & 460

Burgundionum in Galliam incurfiones,
112. 48. & 49. 102. & segg. in caedes,
112. dux eo nomine gentis, vna Ger-
manica, altera Scythica, 50. 51. 52. Bur-
gundionum mores, 117. & 200. ars, 127.
ad Christianam Fidem conuersio, ibid.
de Hunnis victoria, ibid. à quo hi facti
Christiani, 128. proceri, 128. comam
buiro perfundunt, ibid trichordis ci-
tharis canunt, 128. Atiani facti, 128. 110.
sum Catholici, 110

C

C A T H O obfessus ab Ægidio, 127
Canatacum caprum à Chlodione,
128. & segg.
Campus Martius, 141. à quo, & quare in
Campum Maum mutatus, 243
Cannetum locus, 463
Capraia castrum, 390. & 421
Carauisus auxiliis Francorum fretus diu
Britanniam tener, 14
Carasso & Elena quo tempore Sedes Epi-
scopales factæ, 121. Carasso obfessus à
Chlodoneo, 104
Caretene R. Gundobadi Burgundionum
Regis vxor, 228. 289
Cartaginis portus dictus portus Africæ, 9
Castinus Domesticonum Comes aduersus
Franco missus, 112. Magister mil. à
Gunderico Vandalorum Rege victus,
112. in exilium actus, 113
Catenæ apud Gregorium quid significet,
129
Catti gens Francica, vt Marcomeri, sic
Meroneo parere, 120
Chamaui, Francica gens, 40
Chanao Comes Britannorum exde erum
fratrum infamis, 443
Chararicus, Francorū Rex, à Chlodoneo
capitur, 107. Presbyter fit, 107. cum fi-
lio interficitur, 107
Charato Hunnorum Rex, 154
Charietto Francus, 40. Comes per vitra-
que Germaniam, 45 & 47. ab Alaman-
nis interficitur, 45
Charietto alius, Francus similiter, & Co-
mes per Germaniam, 69
Childebertus Regnum Parisiorum sorte
obtinet, 121. 122. Aruernos Theodorico
fratri cispit, 167. Amalaricum Veli-
goth. Regem victum interficit, 168. 169.
170. 171. 172. 373. Burgundiam perdo-
mar, 378. Chlodomeris fratris filios in-
terimit, 386. 387. Theodebertum fru-
stra oppugnat, 398. Chlotharium fra-
trem quoque, 411. & 421. cum eo pa-
cem facit, 412. Celsarangustam obducit,
& Hispaniam populatur, 414. & 415.
Basilicam B. Vincij exstruit, 431. obit,
477. eius virtutes & vitæ, 478. 479. 480.
& 481.

INDEX.

- Childericus ab Attila captus profugit, 138. Francorum Rex, 189. 190. Regno à suis expellitur, 200. in Toringiam fugit, 200. Wiomadindustrià reuocatur, *ibid.* Aegidium victum pellit, 201. Bafinam ducit uxorem, 201. Andecaui caput, 235. & Aurelianos, 236. Saxonas fundit, 235. eorum insulas occupat, *ibid.* eis iunctus Alamannos vincit, 236. decedit, 236
- Chilpericus Burgundiæ Rex, & Magister militum, filius Gundicarij, frater Gunduici, 118. & 112. Lugdunum Regiam habuit, *ibid.*
- Chilpericus vnus à Gunduici filiis, Burgundiæ Rex, à Gundobado fratre caprus interficitur, 230. Chrothildis patrem *ibid.*
- Chlodebaudus Chlodionis R. filius, 144
- Chlodericus Sigibertum, patrem suum, Regem Franc. iugulat, 306. occiditur à Chlodoueo, *ibid.*
- Chlodio Franc. Rex, 124. & 125. Farumundi filius, *ibid.* non primus Regum Franc. capillatus, 125. Carbonariam, Turnacum, Camaracum & Ambianos occupat, 128. 129. 130. 131. ab Aërio leui prælio in Atrebatibus vincitur, 132. & 133
- Chlodoualdus Chlodomeris R. filius fit Presbyter, 388
- Chlodomeris Franc. Rex, 144
- Chlodomeris alius Franc. Rex Regnum Aurelianense obtinet, 320. 321. & 322. Sigifmundum Burgundiæ Regem capit, 344. interficit, 345. & 346. à Burgundionibus occiditur, 346. 347. 348. 349
- Chlodouinda, Chlotharij filia, Alboini Langobardorum Regis vxor, 467. & 468
- Chlodoueus Franc. Rex, qui & Ludouicus, 238. Syagrium vincit & interficit, 240. Sueffionas & Remos occupat, 241. militem peruicacem occidit, 241. Toringiam tributariâ facit, 247. Chrothildim ducit, 251. & 252. Alamannis & Sueuis subactis tributum imponit, 256. & 259. à Vedaſto rectam fidem edocetur, 259. baptizatur à Remigio, 260. qua in Ecclesia, 262. & 263. quo tempore, 264. & 265. vnus ex omnibus ætatis suæ Regibus Catholicus, 265. edito Francos ad Christianam religionem inuitat, 266. Ecclesiis ablata restituit, & prædia Remigio confert, 270. Basilicam SS. Apostolorum exstruit, 313. coronam Romæ in Petri Basilica ponendam curat, *ibid.* Veroduuenſes rebelles in deditionem accipit, 271. Gundobado Burgundiæ Regi tributum imponit, 272. 273. 276. & 277. cum Alarico Rege Vesi goth. colloquitur, 291. cur ei bellum intulerit, 292. 294. 295. 296. Crucis signaculo milites signat, 296. signum, nomen Domini, dat. *ibid.* Alarico interfecto omnem Aquitaniam subigit, 297. Tolosam capit, *ibid.* & Ecolinam, 297. & 298. Patricius fit ab Anastasio Aug. 299. 300. & 301. Luteciam sedem eligit, 299. Arelatum bis obfider, 303. & 311. propinquos suos vita & regno spoliatur, 306. 307. 308. quo anno obicit, 314. quo die, 315. & 314. eius virtutes, 313. & 315. vitia, 316
- Chlotharius, Chlodouei filius, Sueffionicum Regnum sorte obtinet, 321. 322. Burgundiam bis petit, 344. 345. & 378. eam subigit, 378. 379. quo anno, 379. & 380. Chlodomeris fratris filios sua manu iugulat, 386. 387. & 388. à fratre & fratris filio oppugnatus præter spem euadit, 421. & 422. cuni Childeberto fratre Hispanias petit, 424. Theodebaldi defuncti Regnum totum occupat, 466. quot vxores duxerit, 467. & 468. Saxones fundit, 469. ab eis vincitur, 470. eosdē tributarios facit, 474. Childeberto mortuo totum Francorum Regnum obtinet, 478. Chramnum filium rebellem capit & interimit, 484. Medardum Episc. visit ægrotantem, 485. Limina Martini adit, 485. obit, 486. eius virtutes & vitia, 487. & 489.
- Chonomeris Comes Britannorum, idem Commorus dictus, 441. & 442
- Chramnus aduersus patrem coniurat, 471. vrbes Aquitanie occupat, 472. Childebertum patrum deinde Britannos sibi adiungit, 472. & 483. à patre victus interimitur, 484.
- Chriſma celo delapsum, 260 & 261
- Chrocus Alamannorum Rex Gallias vaſtat, s. capite truncatur, *ibid.*
- Chrocus iunior, Alamannorum Rex Constantium Aug. ſequitur in Britanniam, 18
- Chrothildis Chilperici Burgund. Regis filia nubit Chlodoueo, 251. 251. Ingomerem parit, 253. baptizatur cum mox amittit, 253. Chlodomerem parit, *ibid.* Chlodomeris filios educat amanter, 386. funera eorū proſequitur, 388. obit, 440. & 441. eius virtutes, 316. & 317
- Chrothildis, Chlodouei filia Amalarico R. nubit, 325. 326. & 367. caditur à viro, 367. auxilium à Childeberto fratre petit, 368. à quo dum redigitur, obit, 371
- Claudianus emendatur, 94
- Colonia Agrippina à Francis capta, 37. à Iuliano Cæſ. recepta, *ibid.* iterum à Francis expugnata, 235. & 236
- Comitina Domesticozum, dignitas illuſtris, 89
- Constans cum Francis Galliam ingreſſus

INDEX.

pacem facit, **18.** & **29.** à Magnentio per Gaisioem Francum interficitur, **30**
 Constantinopolis obsessa à Theoderico Triarii filio, Rege Gothorum, **224**
 Constantius Max. Francicos ludos instruit, **16.** pontem in Reno apud Coloniā facit, **18.** ob imagines suas deiectas & Maxentio, & Licinio bellum infert, **21.** Franciam vastat, & captivos fetis obicit, **21.** & **24.** Francicus est appellatus, **25.** apud Coloniā cum Regibus Francorum colloquitur, **26.** vi & Constantius Cæsar eius filius, **27**
 Constantinus Tyrannus Gallias occupat, **126.** Coslanrem filium Cæsarem, deinde Augustum appellat, **106.** Arclati obsidetur, **107.** **108.** **109.** hic Pieshytet, **109.** à suis traditur & occiditur, **109**
 Constantius Frisius & Chamauos, Francias gentes, Bataviā expellit, **21.** Cæsar Herculius dictus, **14.** Francicus appellatus, **15.** navibus Franciam petit, **18.** Francos captivos in Gallia, exemplo Maximiani Herculij, collocat, **12.** & **14**
 Constantius Magnentium Aug. natione Francum vincit, **20.** Silvanum similiter Fraocum optimit, **35**
 Constantius Patricius Placidiam ducit uxorem, **15.** consors impetij fit ab Honorio Aug. **116.** ob reiectas imagines suas bellum Theodosio ioferre parat, **116.** obit, **ibid.**
 Crispus Cæsar in Gallia, & in Francia Franco superat, **26.** à patre iocetimitur, **27**

D

DANI Gallias populantur, **116.** & **317**
Dardanus Prefectus Prætorij Galliarū, **318**
 Dex castrum Septimaniz, **390**
 Decentius Cæsar, frater Magnentij A. se suspendit, **30**
 Decimius Rusticus Prefectus Tyraoonum interfectus, **111**
 Dengizic, Rex Hunoorum, Attilæ filius interficitur, **211**
 Desiderius Cæsar, à Magneotio fratre iugulatus, **10**
 Deuso castellum in finibus Francorum, vulgò Duitfch vel Teufsch, **24.** & **12.** caprum à Postumo, **6**
 Deuteria Galla 192. Theodeberti concubina, **ibid.** deinde vxor, **199.** cut ab eo dimissa, **410.** & **421.** Theodebaldi Regis mater, **410.** filium interemit, **421**
 Didio Francorum Rex, **125**
 Dispargam ao fir Duisburgus, **129**
 Divio castrum, **271**
 Diuodurum Mediomarricorum ab Attila direptum & iocensum, **118.** & **159.** aliā 118. Regia Regum Australiotum, **311**

Doli vicius Biritigum, **111**
 Duocortorū Remorum captum à Vandalis & Alanis, **103.** iterum ab Hunnis, **119**
 Dufiacum in pago Mosomageaſi, **338**

E

E CUI **121.** **125.** Aniti Aug. filius, **225.** & **226.** Magister militum, **ibid.** Patri-
 cius, **ibid.**
 Eeobſma à Chlodoueo capta, **227.** **198**
 Edobecus Fraocus, Dux Constantio Tyrastni, **107.** cum Francis auxilijis vocatur à Constantio, **108.** & **109.** ab Ecdicio amico iugulatur, **109**
 Elena vicus, **111**
 Ellac, Attilæ filius, Hunoorum Rex ab Alanis occisus, **211**
 Ellebicus Magister militum Honorij, **126**
 Emmia, vel Emma, ao Chlodouei R. filia fuerit, **316**
 Eochareus Alatorum in Gallia confidentum Rex, **161.** aduersus Armocticos rebelles ab Aëtio mittitur, **161.** & **171**
 Episcopi aduentu suo ciuibus epulum præbebant, **396.** semper Regum Francorum permisso, noouumquam & iussu fiebant, **313.** **396** **421**
 Erulorum Rex Rodulfus, **292.** Dux Sindual, **418.** Fulcatis, **ibid.**
 Eudoxia Aug. Bantonis Franci filia, Ariana non fuit, **65.** eius pietas, **ib.** eius imago per prouincias circumlata, **66**
 Eudoxia, prioris Eudoxie neptis, Maximum interimendum curat, & Geisericum in Vrbem inuiat, **351**
 Eugenius cum Marcomete & Suonono Frænc. Regibus fœdus init, **26**
 Eulogius mactatarius reus in Ecclesiam confugit, **170.** visus deprecatoris Remigio Episc. veniam impetrat, **ibid.**
 Euricus regnum Veligothorum sublati fratre inuadit, **106.** Britannos vincit, **212.** cum Francis pacem facit, **219.** Atuernos occupat, **225.** & **226.** Buuricas & Totonos, **316.** Arclatumque Masiliam, **314.** moritur, **319.** an Episcopos Catholicarum partium occiderit, **319**
 Eufisius Etemata Childeberto victoriam prædicat, **168**
 Eutropius enouchus Consul in Oriente, **21.** & **126**
 Exsuperantius Prefectus Prætor. Galliarum à militibus iocetremus, **113**

F

F A L A M M I V S Francorum Rex, **118.** Marcometis filius, **119.** non primus Francie Rex, nec primus crinitus Rex fuit, **ibid.** an legem Salicam tulerit, **120.** Treuitos videtur cepisse, **129**
 Fato

INDEX.

- Faro Ragnacharij Francorum Regis Con-
filiarius, 108
Faulstus Reliorum Episcopus, oatus io Bri-
tannia Armoricana, 214
Feletheus Rugorum Rex, 242. ab Odo-
cre victus & captus interfectus, *ibid.*
Felix ex Magistro militum, ex Consule, ut-
que Patricius ab Aetio interimitur, 137
Firminus Comes Arvernorum, 471
Flacintheus Rugorum Rex, 242
Francorum incursiones in Galliam, 2. in
Galliam, Hispaniam, & Africam, 3. & 4.
in Galliam, 6. 7. & 8. in Asiam, Grae-
ciam, Siciliam & Africam, 8. & 9. in
Gallias, 11. 12. & 13. 14. 15. 16.
17. 18. & 19. 20. & 21. 22. 23. 24. 25. 26.
27. 28. & 29. 30. & 31. 32. 33. 34. 35. 36.
37. 38. 39. 40. 41. 42. 43. 44. 45. 46. 47.
48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.
Franci dicti *Germani*, 3. 10. 85. Germani
veteriores, 4. Catti & Sicambri vocati
à Sidoio, 222
Franci Barbari appellati, 10. 16. 64. 71. &
72. 84. & 85. 112. & Visigothi, Ostrogo-
thi, alique populi dicti nomine tum
non contumelioso, 189. & 290
Franci Postumo auxilium aduersus Gallie-
num ferunt, 5
Franci, gens bellicosa, & Imperatoribus
Gallisque terribilis, caput Georinm
Barbararum, 12
Franci in Palatio florere Constantij
principatu, 14
Franci semper Saxonibus, & pletumque
Alamanis preponunt, 41
Franci Romanis nunquam *parcere*, 13. 14
Francorum animus & in morte constan-
tia, 55. 16. & 133
Francorum creberrimæ in Galliam ex-
cursionibus, 12. 16. 68. cur post Constian-
ti principatum rariores, 17
Francorum fidei & virtuti plurimùm Im-
peratores credidero, 17
Franci in Gallia etiam Sidonij sedes ha-
buere, 220. & 221
Franci Catholici & orthodoxi, 867. quas
gentes Christianas fecerunt, *ibid.*
Francos habere dominos Galli coocupi-
scent, 168. Aprunculus Lingonicus Epi-
scopus, Volusianus Toromicus Antistes,
alique, *ibid.*
Fracti dextis auxilium Regi polli-
centur, 294. causam belli probant, 312.
iisdem in Concilio summam imperij &
belli Regi deserunt, 316
Franci venient se nisi hoste victo barbam
non posuituros, 394
Francorum quales pugna, 358. Francorum
& Gipedum xv milia mutis ictibus
occumbunt, 161
Franci libentius hieme quàm æstate bel-
laot, 451. frigore robusti & vegeti
sunt, *ibid.* frigori assueti, 133
Franci Alamannos cultiores mores &
Christianam religionem perdocent,
158. 267. trem Bautoarios, Toringos,
Saxones, aliisque nationes, 267
Francorum arma, francisca, anglo, gladi-
um, securum, 456. Anglo describitur,
417. Francisca, vel secusis, *ibid.* Fran-
corum armatus habitusque describi-
tur, 133
Franci equitatu non studebant, 416.
& 456
Franci, gens maxima & frequentissima,
26. 16. 133. 460. & 461
Francorum velocitas, qui ob id velites Am-
miano dicuntur, 37. & 113. in armis exer-
citatio & ars cum viribus iuncta, 49. à
parualis bellandi cupiditas, *ib.* proce-
ritas, *ib.* otij & quietis impatiotia, *ib.*
Francimari assueti, 133
apud Francos virtuti bellicæ honos &
premia legibus propofita, 114
Francus, etiam si dextram perdidit, pu-
gnat, 114
Francos à Brencis ortos quidam credi-
dere, 128
Francorum Reges Brenciois minorum Comi-
tes & Episcopos preponunt, 251. obli-
des à Britannicæ Regibus accipiunt, 284.
eisdem regis insignibus donant, 285
Francorum Regna singulofors dicta, 322
Francorum primi Reges auri argenti-
que multum habuerunt, 160
Francorum Reges obfides inter se dant,
386. à Gallis obfides accipiunt, 182
Francorum Reges & Reginæ funera pro-
sequuntur, 188. etiam primorum, 195
Francorum Regum palatium asylum erat,
196
Francorum Reges *francos* dicti, 414
Francorum Reges armati sæpe citra pu-
gnam pacem cum propinquis fecere,
422. & 423
Francorum Regum filij Reges dicti, 729.
& 425
Francorum Reges Merovingi filias & so-
rores suas suis Regibus collocabant,
412. & 413
Francorum Reges purpurâ vti, 436. om-
nes aureos suo vultu signant, 407
Francorum Reges primos osculo salu-
tabant, 399. & 416
Francorum Reges nihil oneris Ecclesiæ,
otij conſcientibus Episcopis, impo-
ſuerunt, 444
Francorum Reges in acie equites circum
se paucos habebant, 416
Franciam qui Imperatores, Cæs. Tiran-
ni, Magistri militum, ingreſſi, 80
Francio Dux Iustiniani Ang. in Italia, &
in Hispania, 445. & 446
Freedegazius Scholasticus arguitur, 264.
R 11

INDEX.

Fredegarius & Sigebertus arguuntur, 427
 Fridericus, Theodotici prioris filius, 172
 Thotismodus R. fratrem iugulat, 172
 ab Agidio victus interficitur, 196
 Fridericus, Felethei Rugorum Regis filius, Fridericum patrum suum interimit, 349
 Filij vel Prisones, 353. 346. & 343

G

GAISO Francus Constantem Aug. interfixit, 30. fit Consul cum Magistro, 30
 Gasto Francus, Comes sacrarum largitionum, 110. Magister Officiorum, ibid.
 .tum Magister militum Honorij, ib.
 Galla Placidia capta a Ataulfo Vefigothorum Regi iubet, 110. iude Constantio Patricio, 115. vidua ab Honorio fratre expellitur, 122. post Honorij mortem Occidentem recipit, 123. moritur, 150. eius virtutes, magnus animus, & prudentia, 150. & 151
 Gallienus Aug. cum Francis bellum gessit, 3
 Galli dicti Romani, & ceteri omnes, qui Imperio Rom. paruerant, 84. 189. & 290. tandem hoc nomen, irritum à Barbaris, deponere, 192. 193
 Galls Odoacris imperium aspernat, 221. legatos ad Zonovem Aug. ea de re mittit, ibid.
 Gallorum, & Francorum nomina, 121
 Gallus Arvernorum Episcopus, 396
 Garizaldus Dux Vulderradam, Theobaldo viro orbatam, ducit uxorem, 466
 Gaudenrius Aetij filius à Geisericò Romæ captus, 181
 Gausericus Rex Hunnorum Vastat obidet, 117. & 140
 Geisericus Vandalorum Rex Romam diripit, 181. Eudoriam, & filias eius Eudociam & Placidiam abducit, 82. Mauritaniam & Nomidiam occupat, 114. Basiliscum vincit, 107. Imperium Occidentis evertit, 109. eius res gesta, 108. & 109. quo anno Africam ingressus fit, 312. quo obierit, 312. & 233
 Gelimer Vandalorum Rex Belisario se dedit, 177
 Genebaudus Lauduno Clauato Episcopus ab Remigio prepositus, 179
 Geneua Chilperici prioris Burgundie Regis sedes, 119. deinde Logdunum, 212. eadem Geneua Godegisili R. postea domos, 272. Geneuenses nummi, 408
 Genebaudes Francorum Rex à Maximiano in Regnum restitutus, 11
 Genebaudes iunior, Marcomeres, & Sunno Franc. Reges in Galliam erumpunt, 67. & 68. 67. & 18. eos Duces Franco-

rum, non Reges fuisse cur potuerit Gregorius, 82. & 18
 Genouefa natione Franca fuit, 17. quæ de emendatur, perpassa, 318. & 319
 Germanus Autliodarensis Episcopus, 240
 Gerontius à Constantino tyranno defecit, 107. Maximum Imper. appellat, ibid. Constantem apud Vieuos interficit, ib. Constantinom oblidet, ib. defecit à suis fugitiu Hispaniam, 108. uxorem interimit, ac se pugione transigit, 108
 Gethalicus Alarico patri succedit, 196. regnum spoliatur à Theoderico Ostrogorth. Rege, 110. confingit ad Vandalos, deinde ad Francos, ibid. victus ab Iba Theoderici Doce interficitur, 110 & 117
 Gethalicum vel Bonouia capitur à Constantio Cæf. 11
 Gildo Comes auxilia negat Theodosio aduersus Eugenium, 77. à Maficele fratre viduus interficitur, 25
 Glycerius fit Imperator, 221. à Nepote ex Imper. fit Episcopus, 114
 Goar Regulus Alanorum in Gallia confidentium, 98. & 112. louino tyranno fauet, 112. & 171
 Godegisilus Rex Burg. Gundobadum fratrem vincit opèrâ Chlodouci, 172. & 271. Vicunam occupat, ibid. à fratre interficitur, 274
 Godegisilus Vandalorum Rex cum x milibus suorum à Francis caesus, 98. & 99
 Godomarus in Burgundia regnat, 345. capitur à Francis, 178
 Gothici oommi, 408
 Græcorum Imperatorum vanitas iteriditur, 210
 Gratianus Aug. cur Francicus & Alamanicus dictus, 62
 Gregorius Turonicus Episcopus arguitur, 210. 259. & 240. de Vero & Quintiano Episcopis loquens perpenditur, 268. & 269. reprehenditur, 297. 314. 315. 316. 365. 389. 404. 437. emendatur, 119. & 197
 Gundericus Vandalorum Rex Gallias ingreditur, 101. 102. & 103. iude Hispaniis, 106. & 111. quid in Hispania gesserit, 210. & 211
 Guodeuca R. Chlodomere viro suo amisso, Chlothario leuiri iungitur, 147
 Gundacarius Burgundionum Rex in Gallia sedem capit, 101. 102. 103. 111. & 112. Gallie helicæ manum inuenit, 116. ab Aetio victus pacem impetrat, ibid. ab Honnis occiditur, 116. 117. & 118
 Gunduicus & Chilperici Burgundie Reges, Gundicarij filij, 119. Sapandiam ab Imperatore Valentiniano datam accipiunt, 114. & 119. Gunduicos hic Magister militum fuit, 198. Catholicos fuisse videtur, 199. cum Chilperico fratre regnat, 233. an genus duxerit ab Arhanati-

INDEX.

co, 237. eius 4. filij.
Cundobadus, Gunduici filius, in Burgundia regnat, 133. Liguria populatur, 244.
 Chilpericum & Godomarum Reges, fratres suos, interimit, 250. à Chlodoueo viduus obdiderit Auenione, 273. pacho tributi enadit, 274. Viennam recipit, ibidem Godegisilo fratre occiso, 274. omni Burgundia positur, 275. leges suis instituit, quas Franci victis relinquere, ibid.
 Narbonem diripit, 310. obit, 328
 Guntharius à Chlothario patre aduersus Gothos mittitur, 120

H

HAMNOVS Dux Theodeberti in Italia, 427. Naris transitum dare culat, 447. & 448. prohibet Veronam ab Ostrogothis Naris dedi, 448. à Naris viduus & cæsus, 463
 Haregundis Chlotharij R. Fræc. vxor, 468
 Heraclianus, Comes Africæ, & Consul, capite truncatur, 122
 Heraclius Tribunus Iouianorum à Francis interfecus, 62
 Hermegiselo Varnorum Regi Theodeberti soror nubit, 319. deinde Radigeri eius filio, 340. à quo dimittitur, 342
 Hermericus Sueuorū Rex Galliam depopulatur, 101. 102. 103. Hispaniâ, 106. & 111
 Herminifidus Toringorum Rex, 334. Bifini filius, ibid. eius fratres, ibid. vxor & liberi, 334. & 335. Bertharium & Badericum fratres interficit, 335. & 336
 Hincmarus arguitur, 261. 263. & 264. 302
 Hispani à quibus pauere, & terga vertere didicerint, 143
 Hispania Principes Imperio Rom. perniciosos & exitiabiles dedit, 277
 Honotia partem Imperij Occid. à Valentiano fratre repetit, 154. ex Eugenio procuratore suo grauida, 156. Attilam inuitat in Italiam, eique nuptias pollicetur, 156. & 157
 Honorius Aug. qualis Princeps, 118. & 122. quot prouincias amiserit, 177
 Huldus Hunnorum Rex, 114
 Hunerica, Geiserici filius, Vandalorum Rex, 110. vir Eudociæ, Placidij Valentiniiani A. filiz, pater Hilderici R. 125
 Hunni Mæortin transeunt, 121. vsque ad Danubium imperium profertunt, ibid.
 Hydatius Aquilaniensis Episcopus, non Limicensis fuit, 29

I

IBERNIA, Scotia dieta, & vltior Scotia, 143
 Imperatores Orients, Theodosius innot, Marcianus, Leo, primas sibi, & iurelectionis Imperatorum Occid. confirman-

da vindicauere, 187. & 188
 Imperatores in Oriente, post Theodosium iuniorum, non uisiles facti, 332
 Imperatores, Reges; & Augusti, Regina sæpe ab Antiquibus dicuntur, 230
 Imperatores multi vxores suas, nisi enixas, non appellatur Augustas, & coronantur, 148. ante hanc appellationem Nobilissimæ, vel Nobilissimæ femine vocabantur, ibid.
 Imperatores cni Romæ habitauerint, 116. cur postea Mediolani, 117. cur deinde Rauennæ, 117. & 118
 Imperatores Occidentis, vt Carolus Magnus, aliique, cur Pijor dicti à Grecis, non Banhar, 229. & 230
 Imperium Occidentis Imperio Orientis præstat, 188
 Imperium Romanum dictum per isephi Respublica, & isephi, 446
 Imperium Rom. virorum est, non feminarum, 157
 Imperium Rom. femine regunt, 154
 Imperium Occidentis à quo euersum, 209
 Ingomeres, Chlodouei filius, baptizatur, & paulo post obit, 253
 Ingundis Chlotharij R. vxor, 467
 Inuitiosi, Turonici Episcopi, in defendenda Ecclesia, increpandoque Rege libertas, 441
 Ioannes fit Imperator, 123. à suis proditus capitur, & capite truncatur, ibid.
 Ioannes Papa Iustinum Aug. non coronant, 318
 Iordanes arguitur, 116. 228. 120. & 123
 Iosephus Scaliger reprehenditur, 169. & 179
 Iouinus tyrannus, 112. cum Sebastiano fratre, consorte potestatis, optimitur, ib.
 Italia minor quæ apud Gregorium, 427
 Italia Francis pestilens & exitiabilis prouincia, 435
 Iudicil Britannorum Rex, 282
 Iuliana Olybeij Aug. & Placidiz filia, 212.
 Arcobindo Patricio nupsit, ibid. eius pietas, ibid.
 Iulianus Cæsar Franco captos mutit Constantio, militaturos, 18
 Iulianus Salios & Chamanos aggreditur, 38. 39. & 40. Salios dediticis tradidit in Galliam, 39. & 40
 Iulianus Luteciæ Parisiorum appellatur à militibus Imperator, 43
 Iulius Nepos, pulso Glycerio, fit Imperator, 227. ab Oreste Magistro militum expellitur, 227. auxilium à Zenone A. petit, 232. infidiis Glycerij curenmuens perit, 232
 Iustinianus à Iustino auunculo particeps Imperij & successor designatur, 331. & 336. solus imperat, 337. exercitum in Hispaniam mittit, 444. 445. 446
 Iustinus senior Aug. 332. & 333

INDEX.

Iuthungi victi ab Aëtio, [134. & 135.](#) Suavi
dicti Iordan, [135](#)
Iuthungi, gens Alamannica, 3. eorum in
Reriam & Italiam excursionones, 3. & [4.](#)
in Reriam, [61](#)

L

L [E x](#) quæ gens, 33. Leti Neriij, *ibid.*
Latice tetræ, *ibid.* pagus [Laticus](#), [146](#)
Latia opidum Nernioru à [Latis](#) dictum, 33
Lanigotus, Francus, Tribunus, [15.](#) Con-
stantis Aug. Candidatus, & fugæ eius
vnicus comes, *ibid.*
Lanthacarius Dux [Theodeberti](#), [146.](#) ex-
sus, [440](#)
Lanthildis, soror Chlodouci, Arianam
hæresim eluat, [261](#)
Lariensis insula, quæ & Christopholis,
Theodeberti & Theodebaldi R. fuit,
[461](#)
Landunum ab Alanis, Vandalis, & Hunnis
capî non potuit, [103](#)
Lauto, Constantis [Episcopus](#), [Fræcus](#), [434](#)
Legatio Iustiniani A. ad Francorum Re-
gem, [404.](#) [Vitigis](#) Ostrogothorum Regis
ad eoldem, [407.](#) [Helisarij](#) Patricij ad
Theodebertu Frane. Regem, [417.](#) [Chil-](#)
[deberti](#), [Chilobarij](#), & Theodeberti ad
[Vitigim](#), [419.](#) [Belisarij](#) ad [eundem](#), [419.](#)
& [420.](#) [Iustiniani](#) A. ad Theodebaldum
Frane. Regem, [423.](#) & [441.](#) Theodebal-
di ad Iustinianu, [444.](#) [Narse](#) ad Hamin-
gum Duceum [Francorum](#), [447.](#) & [448.](#)
Teig. Regis Ostrogoth. ad Theodebal-
dum R. [448.](#) Ostrogothorum ad eundem,
[449](#)
Leubenus, Carnutenæ Ecclesiæ Episco-
pus, Fræcus, [424](#)
Leutharins cum Francis & Alamannis Ita-
liam popularur, [453.](#) incommodum ac-
cipit, [453.](#) & [454.](#) cum suis morbo in-
terit, [454.](#) & [455](#)
Libertus Præf. Præt. Galliarum sub Regi-
bus [Iulij](#), [111.](#) in Hispaniam missus à
Iustiniano, [443](#)
Ligericinum flumen, seu [Ligeritum](#), [U. 14](#)
[Loirene](#), [127](#)
Limes Transfrenanus, [7](#)
Liticiani apud Iordanem qui, [161](#)
Litorius Comes Narbonem obsidione li-
berat, [140.](#) Tolosâ obsidet Hannus fre-
tus, [140.](#) [141.](#) victus capitur & perit, [141](#)
Longaticus, manû in Lunarus oota, à
Iuliano Tuzæ dicitur, [30](#)
Lucius, Consulatus Belgicæ primæ, cur
Trecitus Francis prodiderit, [185](#)
Luceia Parisiorum à Chlodoneo regia e-
lecta, [393.](#) [Childeberto](#) eius filio, [111](#)
Luteua, Septimania opidum, Vefigotho-
rum; deinde Francorum; iterum Vefi-
gothorum fuit, [393](#)

Lutto, Francus, Siluani partium adiutor,
occiditur, [39](#)

M

M [A c](#) [114 v v s](#), Chamaonis Comitis
Berannorum [frater](#), [442.](#) [v i v u s](#) hu-
matur, *ibid.* fr. Episcopus Veneticus, *ib.*
mortuo fratre, vñorem suam, quam di-
miserat, cum Regno recipit, [443](#)
Magnentius, Francus, ex Tribuno Impera-
tor, [29.](#) Constante A. occiso, Occidentem
occupat, 30. Nepotianum Romæ oppri-
mit, *ib.* auxiliis Francorum instructus
vincitur à Constantio A. & se gladio
transfigit, 30. Christianus fuit, 31. & 32.
eius vicia & virtutes, *ibid.*
[Magnus Felix](#), ex Præf. Præt. Monachus, 31
Majorianus voluntaria Leonis A. fr. Impera-
tor [Occidentis](#), [187.](#) quæ priuatus ges-
serit, [189.](#) Geiserico bellum inferto pa-
rat, [191.](#) [pact](#) cum eo facit, *ib.* à Ricimere
Patricio occiditur, [191.](#) eius virtutes, [191](#)
Malaricus, Francus, Tribunus Gentilium,
34. Magisterium militum recusat, [44](#)
Mallobaudes, Francus, Tribunus Armatu-
rarum, 34. Sapori Regi Persarum obse-
datur à Iouiano A. [44](#)
Mallobaudes, Francorum Rex, à Gratiano
A. Comes Domesticorum factus, Ala-
mannos vincit, 38. Priarium Regem eo-
rum interficit, *ib.* Macrianum Alaman-
norum Regem in Francia occidit, *ibid.*
pustæ Magister militum, [39](#)
Marcellinus Patricius, [226.](#) & [207.](#) occi-
ditur, *ibid.*
Marcellinus Chronici scriptor arguitur,
[223](#)
Marcharidus, Gildonis partium adiutor,
proscriptus, [25](#)
Marcianus à Pulcheria [fr Imper](#), [149.](#) eius
virtutes & res geste, [150](#)
Marcianus Patricius, Anthemij A. filius,
Marciani A. nepos, gener Leonis A. [155.](#)
Zenoni A. bellum infert, [155.](#) fr. Pres-
byter, *ibid.*
Marcomeres & Sunno, Reges Franc. col-
loquuntur cum Valectioniano Aug. [71.](#)
oblides ei dant, *ibid.* Regales, & Subre-
guli, & Reges dicti Alexandro, [81.](#) eo-
rum [res geste](#), [89.](#) & [90.](#) [cxix](#), [91](#)
Marcomerem, Farandindî R. pater,
[89.](#) [Sunnonis](#) frater maior [1818.](#) *ib.* Rex
Bructerorum, Chamauorum, Amfua-
riorum, & Cattorum, Francicarum gen-
tium fuit, [89.](#) & [90](#)
Martinus à Gallis [et](#) [i](#) [i](#) [i](#) [i](#) Dominus ap-
pellatus, [131](#)
Marriacum, nunc Meriacum, [164](#)
Maximianus A. cognomine Hercules in
Franciam erumpit, [11.](#) [Francicus](#) dicitur,
ib. putpam ter [sumit](#), [39.](#) [30.](#) [11.](#) & [22.](#) à

INDEX.

Constantino genero captus occiditur, 22
 Maximus an à Germanis tributa exegerit,
 67. à Francis abfens viſtus, 67. 68. & 69.
 interficitur à Theodoſio, 69
 Maximus à Gerontio fit Imperator, 107. ex
 Imper. exſul, 108. iterū in Hiſpania impe-
 rat, 108. captus ab Honorio occiditur, *ib.*
 Maximus Valentiniano interemto ſe Im-
 peratorem facit, 179. Eudoxiam ducit
 vxotem, *ibid.* ab ea occiditur, 181
 Medardus & grotans à Chlothario R. viſi-
 tur, 485
 Merolacum caſtrum in Atuernis, 382
 Meroueus Franc. Rex, cuius filius, 144.
 Chlodion ſuccedit, 146. Ambianos re-
 giam eligit, *ib.* auxilium fert Aëtio ad-
 uerſus Aruſim, 161. Germaniam pri-
 mam, & Belgicam ſecundā ſubigit, 179.
 Treuiros ſuccipit, 185. vſque ad Sequan-
 nam pleraque occupat, 189. moritur, *ib.*
 Merouingi cur Criſtati dicti, 145
 Minores natu, in purpura geniti, maiori-
 bus ſtrabibus patre priuato natis bel-
 lum intulere, 215
 Mogontiacum à Poſtumo captum, 5. à
 Vandalis & Alanis, 103
 Mucuruna, Chrothildis ſoror, Virgo de-
 uota, 150. Fredegario Sedeleuba dicta,
ibid.
 Mundericus Regnum affectans opprimi-
 tur, 384. & 385
 Mundiucus, Hunnorum Rex, Attilæ pa-
 ter, 354

N

NANNVS & Quintinus Francos
 apud Carbonariam vicere, 68
 Narbo capitur ab Ataulfo Rege Veſigoth.
 110. recipitur à Conſtantio, *ibid.* obſeſ-
 ſus à Theodorico maiore, liberatur à Li-
 torio, 140. ab Agrippino Comite Theo-
 dorico minori traditur, 196
 Narſæ res geſtæ in Italia aduerſus Fran-
 cos, à pag. 446. vſque ad p. 464
 Nebiogaiſtes Rex Chamauorum, gentis
 Francicæ, matrem ſuam Iuliano dat ob-
 ſidem, & filium bello captum apud eum
 relinquit, 42. eius ad Iulianū oratio, 42
 Nemetæ ab Alanis & Vandalis captæ, 103
 Nemtodurum patria S. Genouefz, 317
 Neobigaiſtes, Francus, Dux Conſtantini
 Tyranni, 106
 Neuftrix fines, 322
 Nicæa & Cemenelum vrbes Proinciæ
 fuere, Francicæ paruer, 409. & 410
 Nicetius Treuiſorum Epifcopus Theodo-
 rico Regi, venerationi fuit, eumque li-
 berè caſtigauit, 396. Theodebertū quo-
 que eius filium, 437. Chlothario ſacris
 interdicit, 465. ab eo in exilium mit-
 titur, 491. reuocatur à Sigiberto, *ibid.*

Norici & Daci an Theoderico Italicæ
 Regi paruerint, 353
 Nunechia à Gerontio viro ſuo interimi-
 tur, 108

O

OCTAR Hunnorum Rex, 154
 Odoacer Italiam occupat, 228. &
 229. Senatū R. legatos ad Zenonem
 mittere cogit, 231. Proinciā Eurico
 Veſigoth. Regi dat, 234. cur Tyrannus
 dictus, *ibid.* Rugos domat, 242. Noticos
 Ripenſes in Italiam tranſfert, 243. ab
 Theoderico Oſtrogoth. Rege viſtus occi-
 ditur, 244
 Odoinus Comes luſſu Theoderici Oſtro-
 goth. R. capite truncatur in Seſſorio
 Palatio, 272
 Olybrius fit à Ricimere Imp. 214. Valen-
 tiniani A. gener, 216. obit, 217
 Oreſtes, pater Romuli A. 226. & 227. ex
 Notatio Attilæ R. Particius, *ib.* Magi-
 ſter mil. à Nepote A. factus filium Imp.
 creandum curat, 227. ab Odoacre occi-
 ditur, 229
 Oſtrogorha Theoderici Oſtrogoth. R. fi-
 lia, Sigifmundi coniux, 245
 Oſtrogorhi à Procopio ſemper Gothi di-
 cti, 409

P

PALATIVM Seſſorium, 272
 Papianilla, Auiti A. filia, Sidonij vxor,
 185
 Parthenius Theodeberti Conſiliarius in-
 terſicitur à populo, 439. & 440
 Paternus legatus Chlodouici ad Alaricum
 Regem Veſigoth. 292
 Patriciatū cur peterent ab Imperatoribus,
 & delarum libenter acciperent Reges
 Gentium Barbararum, 301
 Patricij in Burgundia qui dicerentur, 301.
 302
 Paullus Langobardus emendatur, 390. &
 463. arguitur, 410
 Paullus Comes Andecauorum à Childerico
 Franc. Rege interſicitur, 235
 Placidia A. Valentiniani filia, Olybrij vxor,
 217. vidua Conſtantinopolim petit, 218
 Placidina vxor Apollinaris, Sidonij filij,
 mater Arcadij, aua Placidinæ Leontij
 vxotis, 323. & 324
 Placidus Valentinianus Aug. fit Cæſar à
 Theodoſio, deinde Ioanne tyranno
 oppreſſo Imp. 123. & 124. occiditur, 172.
 eius vitia, 177. & 178. prouinciæ ab eo
 amiſſæ, 177
 Pompeianus Dux, cognomine Francus, 7
 Pons Caſulini, 456
 Priamus Francorum Rex, Marcomeris
 pater, 86. & 87

INDEX.

Probus A. Francos vincit, [81](#). Francicus
dictus, [ibid.](#)
Procopius assignitur, [146](#). [304](#). & [305](#). [126](#).
[341](#). [361](#). [370](#). [408](#).
Proculus tyr. Gallias occupat, [7](#). prodentibus
Francis vincitur à Probo, [ibid.](#)
Prouincia Massiliensis Chlodouei principatu
Burgundioorum non fuit, [114](#).
Prouincia Francia data à Vitige Rege
Ostrogoth. [407](#). & [409](#). Prouinciæ
concessio an à Iustiniano confirmata
fuerit, [407](#). & [408](#). Arelatum & Massilia
clarissimæ eius vrbes, [410](#)
Prolemæus emendatur, [24](#). & [221](#)
Pulcheria A. Marcianum Imper. citat, [147](#).
ei nubit Virgo deuota & quinquagenaria, [ibid.](#) Imperij cupida, [151](#). & [152](#)

Q

Q V A [21](#) cum Vandalis & Alanis io
Galliam erumpunt, [103](#)
Quantia flumen, vulgo Canchia, [113](#)
Quintianus Rutenorum Episcopus, deinde
Aruernorum, [168](#). [169](#). [170](#)
Quintions Magister militis in Francia
viocitur, [68](#). [69](#). & [87](#)

R

R A O G A I S V S Rex Gothorum à
Stulicone victus, [27](#)
Radegundis Bertrij Toring. Regis filia,
à Chlothario cum fratre capta, [319](#). nubit
Chlothario, [365](#). fit ex Regina Mo-
oacha, [365](#). Pictaui Monasterium puel-
larum aedificat, [ibid.](#) eius virtutes, [365](#).
& [366](#)
Ragnacharius Rex Franc. Chlodoueo
auxilium fert aduersus Syagrum, [140](#).
ab eo victus occiditur cum Richario &
Regnomere fratribus, [108](#). & [109](#)
Raoiconda, Herminafridi Toringorum
Regis filia, [361](#). & [363](#)
Ratenus vel Rariatenus pagus (Rair) ex
quo Britannus attribui coepit, [185](#)
Recharius Sueuorum Rex à Theodorico
Iuniore Vefigoth. Rege victus, captus, &
interfectus, [184](#)
Regisus Francorum Rea in Gallia à Con-
stantino A. captus & interemptus, [16](#).
& [17](#)
Remigius Remorum Episcopus Chlo-
douem baptizat, [169](#). ei vices suas Hor-
mida P. non committit, [179](#)
Respendial Alanorum Rex Galliam in-
greditur, [101](#). [102](#). [103](#). Hispaniam, [106](#)
& [111](#)
Ricimer Magister militum Anito Impe-
rium adimit, [185](#). fit Patricius, [186](#). Ma-
iorisium Ang. interficit, [191](#). Regem A-
lanorum Theorgore victum occidit,

[202](#). Anthemium Aug. socerum suum
iugulat, [114](#). Olybrium Imper. facit,
[114](#). obit, [117](#). eius virtutes & vitia,
[ibid.](#)

Ricometes, Francus, Comes Domestico-
rum, [19](#). Consul & Magister mil. [60](#).
Theodomeris Regis Franc. pater, [61](#).
eius virtutes, [ibid.](#)
Riorhimus Britanonotom Armoicorum
Rea, [112](#)
Riparioli, vel Ripatij qui, [161](#)
Roas, vel Rugia Hunnorum Rex Ioanni
Tytanno mittit auxilia, [134](#). Aëcio quo-
que, [ibid.](#) moritur, [154](#). & [155](#)
Rodericus reprehenditur, [191](#). & [197](#)
Romani milites [197](#). [198](#) Milites dicti,
[446](#)
Romani quando primum ministerio Sa-
cerdotali in cotinendo Imperatore
vli, [149](#)
Romanus Patricius capite cæsus, [111](#)
Rufius Aquitanus, [86](#)

S

S A L I C A lea à quo lata, [110](#)
Salijgens Francia, [18](#). [19](#). & [40](#)
Salij Seniores, & Salij Iuiores, [19](#). & [26](#)
Salomon Rex Brittonum Carolo Franco-
rum Regi fidem obligat, censum quo
pendit, [182](#). & [186](#). & Wigo eius filius,
[ibid.](#) idem aorè fecerat Heliopius Rex
Britannorum, [185](#)
Salutaris noo Auconicæ; sed Auenticæ ci-
uitatis Episcopus, [131](#)
Sangibantus, Alanorum in Gallia confi-
dentium Rex, tractum Valentinum in-
coleodum accipit ab Aëcio, [173](#). Aure-
liano tradere vult Attilæ, [163](#). [165](#)
Sapandia Burgundionibus à Valentiniano
A. datur cum incolis diuidenda, [114](#).
& [119](#)
Saurio reprehenditur, [204](#)
Saxones Galliam incurrunt, [11](#). [16](#). [19](#).
& [40](#). [41](#). & [46](#). [47](#). [179](#). [235](#)
Saxones Valentiniani auspicijs victi, [47](#)
Saxones multi in Baiocallibus, & in Nam-
netibus sedem cepere, [117](#)
Saxoniz pars à Theodotico Franc. Rege
facta tributaria, [396](#). & [397](#)
Scoti & Picti, [47](#)
Sedunum captum ab Alanis & Vaodalis,
[103](#)
Septimania nonoumquam Hispania di-
cta, [371](#). & [372](#)
Saronatus Prefectus Pentor. Galliarum
damaurus, [114](#)
Senatus Abbas, [106](#)
Senetus fit Imp. iniussu Leonis A. [191](#). à
Leone auxilium aduersus Geisericum
R. petit, [194](#). obit, [202](#)
Savernus Treuirtorum Episcopus Burgo-
diones baptizat, [118](#)

INDEX.

Sicambri iidem & Franci, 96. 221. & 260
 Sidonius gener Austri Aug. Præfectus Vr-
 bis & Patricius, deinde Aruernorum
 Episcopus, 185. & 186. contra Maioria-
 rum A. arma tulit, 186. ei Consuli Pa-
 negyricum dixit, 188. item Anthemio
 Aug. 19 Consulatum ineunti, 206. Li-
 manâ clauditur ab Eurico Regē Vesi-
 goth. 216. Sedis sue restituitur, *ibid.* Si-
 donius emendatur, 222
 Sigibertos Francorum Rex regnavit Co-
 loniæ Agrippinæ, 216. ab Alamanis
 vulneratus, *ibid.* Chlodoveo adversus
 Alaricum R. mittit auxilia, 294. à Chlo-
 derico filio interimitur, 306
 Sigismeres Eurici Vesi goth. Regis filium
 ducit uxorem, 219. & 220
 Sigismundus Burgundio an viro patre
 Rex fuerit, 328. & 329. Particus ab
 Anastasio Aug. factus, 319. Arianam
 hæresim damnat, 370. & vñ cum eo
 Burgundiones, *ibid.* Sigisricum filium
 occidit, 337. Monasticum habitum in-
 duit, *ibid.* à Chlodoveo victus capitur
 & interficitur, 344. & 345
 Sigisricus, Sigismundi R. patris sui iussu
 regolatur, 337
 Sigualdus Atuernorum Dux, 185 inter-
 fitur iussu Theodorici Franc. Regis,
394
 Silianus, Francus, Magister militum, 34.
 accusatus apud Constantium A. Maie-
 statis purpuram sumit, 35. interficitur,
35. eius virtutes, *ibid.*
 Sileico pacem facit cum Francorum Regi-
 bus, & ab eis obliides accipit, 91. 92. 93.
 & 94. Barbaros inmittit Galliz, 97. &
98. ab exercitu interficitur, 104
 Suavegotta Regina, 343
 Snaus quæ gens, 191. duæ nationes ira di-
 citur, 112. & 116.
 Suidas emendatur, 435
 Sunno Francorum Rex, 72. 88. 89. 90.
 & 91
 Syagrius Ægidij filius, à Chlodoveo vi-
 ctus interficitur, 240
 Syraculæ à Francis capta, 8. & 9

T

TALE Lin agro Pictonum conse-
 dete, 475. & 476
 Tarraco à Francis capta, 5. 4. & 5
 Taruenna Mortinorum capta ab Alanis &
 Vandalis & euerfa, 101
 Teia Ostrogoth. Rex à Narfe interficitur,
448
 Teutomerus Francus, Protector Domefi-
 cus, 35. deinde Dux, 44
 Theodahadus priuatus Rex Tuscie di-
 ctus, 401. & 402. Amalasuentham,
 à qua Rex factus fuerat, interemit,

400. à Vitige lugulatur, 406
 Theodebaldus Franc. Rex, 440. legatis
 Iustiniani A. respondet, 443. per lega-
 tos Iustinianum A. pro Vigilio Roma-
 no Episcopo precatur, 444. obit, 465.
 eius mores, *ibid.*
 Theodebertus viuo patre Danorum Re-
 gem victum inrethit, 326. & 327. pa-
 trem in Turingiam sequitur, 328. in
 Septimania & Prouincia bellat, 320. &
321. mortuo Theodoneo patre regnat,
398. à patris frustra oppugnatur, *ibid.*
 pace facta à Childeberto inuitatus, ho-
 norificè excipitur Lutecia, 399. x mil-
 lia Burgundioum mittit Virgil auxi-
 lio, 414. Italiam Regem Franc. primus
 ingreditur, 416. ibid. Orsaam Ducem
 Ostrogoth. fundit, 416. Martinum &
 Ioannem Magistros militia Rom. 417.
 Genuam dimittit & excedit, 418. inopia
 pressus domum redit, 418. & 419. mor-
 tuam partem Liguriæ, Venetiæ, &
 Alpium Cottiarum occupat, 426. &
427. cum Alamanniæ & Suevia Rætiæ
 renunt, 428. bellum inferre Iustiniano
 parat, & quare, 431. obit, 434. cur Ma-
 gnus dictus, 431. quas prouincias pos-
 sederit, *ibid.* eius virtutes, 431. & 436.
 beneficentia in Atuernos, 436. in Ve-
 rodunenses, 437. vitia, 437
 Theodeberto sumiori vindicare tres epi-
 scopos, 438. & 439
 Theodechildis Regina quæ fuerit, 328.
329. 340. 341. & 342. Suavegotta Reg-
 filia, 343
 Theodemér Rex Ostrogothorum, 322
 Theodericus Ostrogoth. Rex Italiam pe-
 tit, 343. Odoacrem superatum sua ma-
 nu inrethit, 344. Regium in signe su-
 mit non expectato Anastasio A. consen-
 su, 345. quas prouincias occupauerit, *ib.*
 quibus assistatibus se firmauerit, *ibid.*
 leges tulit, & magistratus popularibus
 dedit, 346. edificator fuit, *ibid.* Consul-
 aratus desert, *ibid.* Alamanos pro-
 fectos in Italiam recipit, 357. pro eis
 Chlodoveum deprecatur, *ibid.* lega-
 tos ad Alaricum & ad Gundobadum
 mittit, 393. ad Chlodoveum Regem,
393. & 394. Francos per ibam vincit,
397. Gesalicum R. victum interficit, 40.
 Regnum Vesi gothorum occupat, 411.
 obit, 391. dictus est à recentioribus scri-
 ptoribus Veronenfis, 369.
 Theodomerus Francorum Rex, 335. cum
 Ascula matre interficitur, *ibid.* quo pa-
 tre natus sit, 61. & 125
 Theodoricus maior Vesi goth. Rex Arela-
 tum oppugnat, 332. obliides à Gallis
 accipit, 340. Narbonem frustra obliidet,
340. Litorum Comitem, à quo obliide-
 batur, victum capit, 341. in campis

INDEX.

Catalaunicis ab Hunnis occiditur, [161](#).
& [164](#).
Theodoricus iunior, Vesi goth. Regnum
fratre interempto [occupat](#), [172](#). auctor
est Auito recipiendi Imperij, [182](#). Re-
chiarium Sueuorum Regem victum
acie capir & interficit, [184](#). Auitum de-
stituit, [181](#). cum Maioriano A. bellum
gerit, [190](#). Arelatum obsidet, [190](#). & [191](#).
societatem cum Maioriano iungit, [191](#).
Narbonem occupat, [196](#). in Hispania
finer Regni profert, [196](#). ab Eutico fra-
tre interimitur, [205](#).
Theodoricus Chlodouei filius maiorem
paterni Regni partē forte obinet, [222](#).
Danos vincit, [227](#). Herminafrido auxi-
lium fert aduersus [Badericum](#), [226](#). bel-
lum Herminafrido infert, [228](#). & [229](#).
Chlotharium fratrem interimere co-
nat, [260](#). Herminafridū interficit, [260](#).
Aruernos recipit, [281](#). Metoliscum, [281](#).
[Loulaurum](#), [283](#). Mundericum, [284](#).
Chelhem opprimat, [284](#). & [285](#). Sigualdum
propinquum interficit, [294](#). moritur,
[295](#). eius virtutes & vicia, [295](#). [296](#). & [297](#).
Theodosius Magister militum Francos in
Bataua fundit; Saxones circa Orca-
daa, [46](#).
Theodosius, eius filius, factus à Gratiano
Imperator, [62](#). Maximum Tyrannum
victum interficit, [69](#). Eugenium & Ar-
bogastem vincit, & a. obit, [81](#).
Theodosij iunioris vicia, [124](#). & [127](#).
Theodoualdus & Guntharius Chlodo-
metis R. filij à patris suis iugulati, [187](#).
& [188](#).
Theodechaldus, an Chlodouei Regis filia
fuerit, [326](#). [347](#).
Theudis Ostrogothua intot Amalarici,
[311](#). cæso Amalarico Rex Vesi gothorum
factus, [374](#). à suis confoditur, [430](#).
Theudisclus Dux ei succedit, [431](#). & mox
interimitur, [ibid.](#)
Thorismundus regnat apud Vesi gothos,
[164](#). an Alanos ab Attila defendit,
[171](#). occiditur à Theodorico iuniore,
fratre suo, [172](#).
Tiro Prosper Aquitanus in Fastis corrigi-
t, [19](#). [173](#). in Chronico, [173](#).
Toletum quo tempore Regum Vesi go-
thorum sedes cepit esse, [171](#). & [172](#).
eius antiquum insigne dux rutres, [374](#).
Tolosa data Vesi gothis cum Aquitaniz
parte, [115](#). & [119](#). recepta à Chlodoueo,
[227](#).
Tolosa Vesi gothorum Regum sedes, dein-
de Narbo, [357](#). postea Toletum vrbs
Hispaniz, [ibid.](#)
Tolofanus pagus cur à Septimania distin-
guatur, [42](#).
Toringi, gens non vetusta, in Franciam
erumpunt, [247](#). tributarij à Chlodoueo

facti, [247](#). Toringorum Reges, [333](#). &
[399](#). Toringi nō sunt ab Augusto collo-
cati in Germania, quæ eius non erat, [161](#).
Totila Ostrogoth. Rex qualis quantus-
que, [424](#). filiam Regis Francorum in
matrimonium peit nec ohiner, & qua-
re, [431](#). Romam bis caput, [ib.](#) à Narso
Patricio interficitur, [448](#).
Toxandria locus à Salsis Francica gente
occupatus, [18](#).
Traiectensium & Iuliacensiu agri à Fran-
cis depopulati, [17](#).
Trauilla apud Gregorium quia, [403](#).
Treutri à Francis direpti & incensi, [122](#).
& [123](#). quater capti, [123](#). ab Attila ex-
pugnati, [129](#). iterum à Francis direpti
& incensi, [185](#). rursus Childerici prin-
cipatu capti, [235](#). sedes Imperatorum &
Cæsarum, dum morabantur in Gallia,
[111](#).
Tridenrum & Cenera vrhes, Theodeher-
ti, & Theodehaldi R. Franc. fuere, [465](#).
Tongriab Attila euerſi, [319](#).
Turnacum captum ab Alanis & Vandalis,
[103](#).
Tutoni recepti à Chlodoueo, [291](#). aditi à
Chlothario, [485](#).

V

VALAM Rex Ostrogothorum,
Theoderici pater, [243](#).
Valentinianus maior fit Imperator, [44](#).
eum Francorum Regibus Coloniae fœ-
dus iuit, [ib.](#) Francicus dictus est, [46](#).
moritur, [52](#).
Valentinianus iunior, eius filius, Angustus
appellatur, [52](#). Romæ cum Theodosio
A. de Maximo victo triumphat, [69](#). cum
Matcomere & Sunnone Francorum
Regibus colloquitur, obsidēque ab
eis accipit, [71](#). ab Arbogaste interfici-
tur, [75](#). eius virtutes, [ibid.](#)
Valentinianus, Valentiniani maioris pro-
nepos, fit à Theodosio iuniore fratre
patrue Imperator, [124](#). Diode Pla-
cidus.
Valia Vesi gothorum Rex, [114](#). beneficio
Honorij Aug. Aquitaniam secundam
& Nouempopulos cum Tolosa possi-
der, [115](#).
Vandalorum veteres sedes, [99](#). & [100](#). in
Galliam irruptio, [102](#). in Hispaniam,
[106](#). & [111](#). in Africam, [112](#). & [127](#). &
[232](#). eorum in Africa Reges, [171](#). & [176](#).
Vangionum vrbs ab Alanis & Vandalis
capta & deleta, [103](#).
Varnorum sedes, [341](#). Reges, [119](#). & [120](#).
Vasatz à Gasterico Hunnorum Rege fru-
stra ohfessæ, [140](#).
Vascones, alij Hispani, seu vltiores, alij
Citruu dicti, [289](#).

INDEX.

Vectia, Septimaniz vrbs, vñd cum Tolosa
post Alanci eadem semper Francis pa-
ruit. 121
Vedastus, Francus, Presbyter Chlodo-
nium rectam fidem edocet. 119. à Re-
migio fit Atrabatur Episcopus, *ibid.*
Venetia regio quare Broguerce dicta. 179
Veneti vrbs Britannis, dein Francis, ite-
rum Britannis, ac demum Francis pa-
ret. *ibid.*
Venetiz vrbs origo, 161
Verodunenses delinunt à Chlodonco,
171. *impetratà venià* portas ei aperiant,
ibid. Theodeberti Regis in eos benevo-
lentia, 117
Vesootio à Vandalis captus, 103
Vicer flouius, 111
Victor Cæsar, Maximi Tyranni filius, ab
Arbogaste occisus, 49
Victoriscum, 181
Vigilius Papa Childebertum Regem Fran-
corum rogat, vt Ecclesiæ Romanæ suâ
absentiâ desisteret curam *gerat*, 179. pro
eodem restituendo Sedi suæ Iustina-
num pœneat Theodebaldus Franco-
rum Rex, 111
Viri fortes apud Gregorium qui vocen-
tur, 189
Vingis Ostrogothorum Rex, 106. Theo-
dahaad occidit, *ibid.* Prouinciâ Frao-
corum Regibus tradit, 107. & Ala-
mannos dimittit, 111. Romam frustra
oblidet, & Ariminum, 111. Mediola-

num tecipit, 111. Rauennæ obsessus,
Belisario se dedit, 110
Vitrogotho Regina, vxor Childeberti
Regis Franc. pia femina, 111
Vptarus Hunnorum Regulus Guodica-
rium Burgundionum Regem interfecit,
179. *satietate* rumpitur, *ibid.*
Waco, Langobardorum Rex, Wisigardus
& Wldegradz Reginarum Franc. pater,
110
Widimer Ostrogothorum Regulus Gal-
liam petit, & le cum Veligothis iungit,
111
Wilaeharius, Chramni soer, io Basilicam
S. Martini metu Clotharij confugit,
111. ibi viuis exurit, *ibidem.*
Wiomadus Francus Childericum bis vitæ
periculo eripit, primò puerum ab Attri-
la *caprum*, 113. iterum Regem Francis
inuisum, 109. Regno *cum restituit*, 100.
101. potestatis consors ab eo fit, 101
Wisigardus desponsa Theodeberto, 110. ci-
conubio iungitur, 111
Wldegrada, Theodebaldo Rege viro suo
orbata, Chlothario iungitur, 116. deinde
Garbaldus Duci, 116

Z

Zeno à Leone iuniore, filio suo, fit
consors impetij, 111. mortuo filio
solus imperat, *ibid.* à Basilisco expelli-
tur, 111. Imperium recuperat, *ibid.* obit,
111. rogatus, petidus, & crudelis, *ibid.*

Studijs Lector errata sic emendabis.

PAGINA 6. *linea* 6. Batavorum ab Francis ca-
ptum, *scribe*, Frisiorum, gentis Francicæ.
16. l. 10. Postulat nudus clauum tenens, ex altera
templum, *scribe* Postumus, ex altera Hercules
nudus, clauum & arcum tenens.
Pag. 7. l. 10. Antiochenfis, *scribe*, Antiochenfis.
P. 10. l. 12. xxxv. l. *scribe*, xxi v.
P. 11. l. 11. procuperna. Mollicibus, *scribe*, pro-
cupere mollicibus.
P. 16. l. 11. Arbogaste, *scribe*, Arbogastes, *th. l. 16.*
dele pissa.
P. 17. l. 11. cilio inuolucum, prostratumque, *scribe*,
cilio superstratum.
P. 111. l. 11. Thebaus, *scribe*, Thebaus.
P. 110. l. 11. & 14. *dele*, cogouune Ripariorum.
P. 111. l. 1. atque Pannonias, *dele* *has tres lineas*
vigine ad hoc versu, At Theodolias.
P. 111. l. 1. ferula, *scribe*, ferula.
P. 117. l. 1. ciuidumque ac, *scribe*, ciuidumque mor-
tue ac.
P. 119. l. 17. cccxxv. *scribe*, cccxxv.
P. 141. l. 12. Vengerzum Angiorum Regem, *scri-
be*, Anglor.
11. l. 11. p. 11. *adde* ex peninsula Cimbrica, vbi cum
sedes habebat, cum Saxonibus & Iuris.
11. l. 10. Mior æternam, &c. *has 6. sequentes lineas*
dele *vigine ad* Saxonos.
P. 12. l. 1. *dele*, Procopio, &c.
P. 110. l. 10. gynæcomida, *scribe*, cuticulum,
P. 111. l. 1. cccxxv. l. 11. *scribe*, cccxxv. l. 11.

P. 109. l. 1. cumque Sarmata, &c. *has 8. seq. lineas*
dele *vigine ad* 1. igitur, & *scribe*, & cum Hunnis,
duce Hormidace per adigendum glacie Danu-
bium Daciam Mediteranean ingressis, apud
Serdicam pugnavit, repulsiisque barbaros cæde
collegæ sui Persedi equitum, qui remale gesta
ad ipsos transfugerat, pacem Leonis iussu redi-
mere.
P. 111. l. 17. Patricij vel Patricioli, &c. *dele* *has 2.*
seq. lineas *vigine ad*, Ceterum.
P. 110. l. 34. & 35. *scribe*, Nipruen Caput, Flauum
et Caput.
P. 111. l. 16. *dele*, Aquas Sextias.
P. 117. l. 1. post linguam Saxoniam, *adde*, vel
Olingam Saxonum.
P. 111. l. 10. xxi. l. *scribe*, xv.
P. 111. l. 14. *scribe*, in Pannonia secunda; *pon*, ultra
Danubium.
P. 107. l. 11. Magister militie Patricijque, *scribe*
centum, Patricius.
P. 111. l. 10. primum, *scribe*, optimum.
P. 111. l. 12. Legem immetaciæ, *scribe*, Ligrim
immetaciæ.
P. 117. l. 11. anno 11. *scribe*, anno 11.
P. 111. l. 11. Delphicum, *scribe*, Delphicam.
P. 111. l. 10. Ripariorum, *scribe*, Francorum.
P. 110. l. 14. Hildecha, *scribe*, Hildegisio.
P. 111. l. 16. 12 v. *scribe*, 121. l. 11. & *th. linea* *ol-*
timid *pro* 121. l. 11. *scribe*, 121 v.
P. 119. l. 11. 121 v. *scribe*, 121 v.

S V M M A P R I V I L E G I I

Regis Christianissimi.

CAUTVM est auctoritate Regis, ne quis in Regno eius, aliusve locis eius ditioni subiectis, librum, qui sic inscribitur, HADRIANI VALESII rerum Francicarum usque ad Chlotharij senioris mortem Libri VIII. absque Sebastiani Cramoisy Architypographi Regis & Regina Regentis permissu, typis excudat, aut diuendat, intra X. annos proximos à die publicationis horum exemplarium. qui secus fecerit, multa indicta, prout fusiùs in diplomate regio continetur, multabitur. Datum Parisiis die 5. Septembris anno 1645. Sic signatum, mandato Regis, CRAMOISY.









